



uy

Sanctus

met)



IN NOMINE SANCTISSIMÆ  
TRINITATIS,  
SENTENTIÆ MORALES  
CONSCIENTIÆ DIRECTIVÆ  
Tum ex Angelici Doctoris Discipulis,  
tum ex alijs Theologis desumptæ.

In Quatuor Libros distinctæ.

A V T H O R E.

E. FERDINANDO Ochm, vulgo IANVSZOWSKI, S.T.M.  
Ordinis Prædicatorum.

*Accesserunt in hac secunda editione, præter breues additiones,  
sc: de non alienandis Regularium bonis, de paupertate Religio-  
sa, de commutatione votorum, de non ambigendis inter Religio-  
sos officijs, de non aggravandis per Visitatores locis visita-  
tis, examen Ordinandorum & Sententiæ, tum ab Ale-  
xandro VII. tum ab Innocentio XI.*

D A M N A TÆ.

Superiorum permisu.

Typis NICOLAI ALEXANDRI Schedel, S. R. M. Ord. Typ.  
Anno Domini, M. DC. IX. IV.



D E O

Ter Optimo Maximo,  
Nobilissimo SSmæ. TRINITATIS Triclinio,  
Immaculatæ Virgini Matri Mariæ.  
Trinæ Coelestium Spirituum Hierarchiæ.  
Magno Redemptoris Præcurfiori, Monacho & Eremitæ.

S. IOANNI BAPTISTÆ

Sacro Apostolorum & Euangelistarum, Sanctorum  
Patrum Ecclesiæ Doctorum, Aliorumq; Sacra-  
legis Professorum Collegio.

Sancto B E N E D I C T O.

In tot summis Pontificibus. Eminentissimis Cardinalibus.  
Patriarchis. Archiepiscopis. Episcopis. Sanctis Patribus.  
Viris Apostolicis, qui fidei lumen, varijs mundi par-  
tibus, inuexerunt. Religiosarum Congrega-  
tionum Fundatoribus. Theologiæ &  
Sacrorum Canonum Professoribus.  
Ecclesiæ militantis Atlanti.

Sanctis, RVM VALDO BRVNONI & BERNARDO.  
E. 13 Omnibus Sanctis.

Fr. FERDINANDUS OCHM vulgo IANVSZOWSKI Ord.  
Prædicatorum, in signum profundissimæ submissionis offert.



## Obligatio tradendæ Theologiæ Moralis.

CLEMENS VIII. In decretis pro reformatione Regularium.

**L**ectio Sacræ Scripturæ vel casuum conscientia bis in hebdomadâ, præscriptis diebus, in singulis Monasterijs & Conuentibus habeatur, ad quam fratres omnes conueniant, eaq; absolutâ mutuâ collatione circa explicatam doctrinam se se vultus exerceant. Qui, vt patet ex ly explicatam, non satisfit per lectionem ad mensam. Et quidem hæc necessaria, cum ignorantia, negligentia, conuiuentia Confessoriorum totus mundus pereat, ait IOANNES CORRADVS. Et sic si qui ex reprobis regunt animas, talium numerum ingrediuntur mali Confessarij. Tridentinum vero sess: 5. c. 4. iniungit Episcopis vt compellant remedijs opportunis (v. g. excommunicatione secundum Rodriques to. 2. qu. 130. ar. 2.) Abbates si in suis Monasterijs non habeant lectionem Sacræ Sripturæ. Huic decreto satisfit si habetur lectio Theologiæ Scholasticæ vel Moralis, ut docet idem Rodriques loco cit. & Peirinis tomo 1. Priuilegiolorum Minimorum in Constit: 2. Iulij 15.

### MONITIO.

**I. L.** 1. in fine dist: de Viura, LVDOVICVS LOPES &c. non spectant ad complementum monitionis ibi positæ, sed ad cõplementum resolutionis quæsitæ, vbi ponitur, ly LVDOVICVS LOPES, sine sensu perfecto.

2. Declarationem S. Congregationis l. 2. dist: 47. conc. 7. non esse authenticam ait Tamburinus apud Gobat tr. 3. de Sac: n. 651. consequenter si non exprimitur in concessione Apostolica debere esse Missam *de Requiem*, potest alia legi securius, dum non celebrantur duplicia ponendam collectam de defunctis. Dixi, si non exprimitur, nam si exprimitur, necessariò dicenda Missa *de Requiem*. Dicere autem hæc verba poni, non significando necessitatem sed scribendi antiquam formam, est dicere Romanas expeditiones incautè expediti, quod DEVS auert.

3. Dum lect: 2. dist: 6. conc. 6. in resp. ad arg. videor fauere subditis stante probabili sententiâ, sed in sententia aliorum loquor, tum quia 2. resp. pono, tum quia propria sententiam in 4. dist: 6. conc. 8. exprimo.

4. Licet frequentia transgrediendi constitutiones Religiosas ad nullum peccatum obligantes non arguat ex se mortale vt docui in 4. d. d. 3. conc. 5. timendum tamen valdè propter periculum contemptus saltem interpretatiui. Qui tunc est, quando transgressores continuò & quâvis occasione habitâ liberrime transgrediuntur Regulam & Constitutiones, cum nullâ ut friuola ratione, & in huiusmodi transgressionibus perseverant, per hebdomadas, menses &c. & hoc subinde aduertentes, neq; cogitant, neq; curam aliquam habent de emenda talis viuunt in statu valde periculoso & proxima dispositione ad formalem contemptum, quin imò in tali transgrediendi modo reperitur interpretatiuus seu virtualis contemptus ac consequenter peccatum (intellige mortale) & continuò sunt



sunt in malo statu. Ita P. PETRVS DIERKENS O. N. de obligationibus Regulæ & Constitutionum c. 7. §. 2. cum DIONYSIO Carthusiano de Reformatione Claustrali. Cap. 6. ibi,

*Quamuis multa contineantur in Regulis & Statutis Religiosorum ad qua non tenentur de necessitate præcepti, ita quod statim peccent mortaliter, quando in aliquo fuerint negligentes, ut est obseruantia silentij, surgere alacriter ad matutinas, orationes vitare, inutiliter hinc & inde discurrere, atq; similia. verum consuetudo excedendi, seu assiduitas delinquendi in istis, & non curare, neq; emendare non potest à mortali peccato excusari (sc. propter contemptum saltem virtualem) propterea Religiosi deformati, in quibus parua, aut nulla est rigoris aut disciplina obseruantia, qui carnaliter aut sensualiter viuunt, & mundanis vanitatibus pleni sunt, otiositati & loquacitati vacantes, in innumerabilia prorsus incidunt vitia & peccata, non venialia tantum sed & mortalia, imò tota illorum vita est quasi peccare continuum, præsertim quia & hac ipsa bona que agere videntur tam negligenter, irreuerenter & tepide tam inordinate atq; indebitè agunt, ut magis sit offensum Dei quam honorarium ac reconciliatum ipsius. Tales enim qui in seculis suis ingiter manent, qualiter continentur? qualiter celebrant? Qui se in nullo emendant, imò de multis que mortalia sunt, nullam sibi conscientiam facere comprobantur. Hæc ille vir quem Gard. Bellarm. de script. Eccles. Doctissimum ac Sanctissimum vocat.*

Probat P. PETRVS Dierkens l. c. cap. 7. §. 2. Nam contemptus est voluntaria sine causa continuata legis transgressio. Ita P. Mag. PETRVS Martyr. in Summario N. N. Constitutionum p. 2. c. 22. de contemptu relict ex diuersis, hoc autem reperitur in præfatis transgressoribus. 2. Quia tales transgressores per liberum illum transgrediendi modum sine causa continuatum ostendunt se nihili facere Regulam & Constitutiones, & ostendunt eandem prauam dispositionem, quam habent qui formaliter contemnunt, solum differunt qui hi aperte & peiori modò faciant, quod illi faciunt implicitè. ponunt idem obstaculum tendentiæ ad perfectionem, & sunt proximè dispositi ad formalem contemptum. quia si tales seriò moneantur, obuium est ut respondeant, non curo nolo aliter facere. parum vel nihil est hoc. Dices S. Th. 22. qu. 186. ar. 9. ad 3. dicit, quod frequentia peccati dispositiue inducat ad contemptum. ergo in non dum est contemptus. R. S. THOMAM ibi loqui de contemptu formali ut patebit legenti.

Si verò transgressores ex consuetudine dum subinde aduertunt suum irregularem modum viuendi doleant de illo & proponant se emendare & utcuq; conantur, quamuis valde periculosum sit ita viuere, puto tamen in illo (ait citatus P. PETRVS) non contineri virtualem contemptum. Quia contemptus soluitur per penitentiam & emendationis propositum, siue per hoc quod iudicans se malè facere quando aduertunt continuas suas transgressiones & ita implicitè dolent. quocirca talis viuendi modus videtur pertinere ad fragilitatem humanam & nondum pertinere ad contemptum. Ratio est. Quod quando transgressor aduertens irregularem suam consuetudinem, iudicat se malè facere, & dolet & co-

natur



natur subinde ad emendam, signum est quod etiam practice adhuc æstimet suam Regulam & Constitutiones, ac proinde nondum interueniat contemptus, tametsi frequenter transgrediatur.

5. Privilegium Eugenij iv. (de quo in 4. dist: 11. conc. 4.) conceditur P. P. Benedictinis Vallisoleranis, & sic restringitur ad determinatam Congregationem & sic propriè communicatur. Contrarium dicto Privilegio præsumentes facere excommunicantur excommunicatione Papæ reservata.

## *Index rerum in his quatuor Libris contentarum.*

*Prior numerus librum, posterior, distinctionem indicat.*

### *A.*

Absolutio à peccatis. l. 1. d. 64.

Absolutio ab excommunicatione. ibid.  
& l. 4. dist. 10.

Accusator. l. 4. d. 18.

Accusatus. l. 4. d. 19.

Adiutio. l. 1. d. 11.

Advocatus. l. 4. d. 15.

Altare. l. 2. d. 48.

Aspectus. l. 1. d. 29.

### *B.*

Banna. l. 2. d. 86.

Baptismi quidditas. institutio. necessitas. l. 2. d. 11. Materia remota. proxima. forma. Minister. d. 12. 13. 14. 15. De pueris fidelium & infidelium baptizandis d. 16. 17. Alia de subiecto baptismi d. 18. Effectus baptismi. d. 19. Ritus. d. 20. 21.

Bellum. l. 2. d. 22.

Beneficiorum obligatio. l. 4. d. 9.

Blasphemia. l. 1. d. 7.

### *C.*

Calix l. 2. d. 51.

Cassitas Religiosa. l. 4. d. 72.

Casus reservati. l. 2. d. 66.

Celebratio Missæ quibus corpore vitioris, prohibita. l. 2. d. 34.

Celebrationis frequentia l. 2. d. 42.

Celebrationis locus, l. 2. d. 48. tempus. l. 2. d. 50.

Censura. l. 3. d. 1.

Cerimoniarum tempore Missæ. l. 2. d. 52.

Cessatio à divinis. l. 3. d. 19.

Character Sacramentalis l. 2. d. 7.

Charitas. l. 1. d. 4.

Christianorum obligatio vitandi Iudeos. l. 4. d. 25.

Circumstantiæ peccatorum. l. 2. d. 60.

Claues Ecclesiæ: l. 2. d. 70.

Clericorum obligatio. l. 4. 10.

Cogitatio morosa. l. 1. d. 43.

Communione præceptum. l. 2. d. 47.

Communione frequentia. l. 2. d. 42.

Communio sub utraque specie. l. 2. d. 43.

Confessarius. l. 2. d. 65.

Confessarii conditiones. l. 2. d. 67.

Confessionis necessitas l. 2. d. 57.

Confessionis conditiones. l. 2. d. 58.

specialiter explicator confessionis integritas. ibid. d. 59. Quando repetenda confessio. ibid. d. 62.

Confirmationis definitio. institutio. necessitas. l. 2. d. 22. materia forma. minister. subiectum effectus ritus. ibid. d. 23. 24. 25. 26. 27.

Conscientia d. 1. præmialis. probabilis. ibid. d. 2 dubia. ibid. d. 3. scrupulosa. dist. 4.

Consuetudinarij. l. 1. dist. 30.

Contritio. l. 2. d. 56.

Conversio Panis & vini, in corpus & sanguinem.



sanguinem Christi D. & quæ conse-  
quantur eam l. 2. d. 35.  
Corpore virgati. l. 2. 34.  
Correctio fraterna. l. 1. d. 25.  
Cultus Sanctorum. l. 1. d. 5.  
Culus virorum illustrium, qui nec be-  
nificati l. 1. d. 6.

D.

Decimæ. l. 1. di. 35.  
Debitum. l. 2. d. 29. 93. V. etiam in  
fine operis addit. sextam.  
Degradatio. l. 3. d. 17.  
Delectatio morosa. l. 1. d. 43.  
Denuntiationes. l. 2. d. 86.  
Detractio. l. 1. d. 40.  
Dispensatio in irregularitate. l. 3. d. 28.  
Diuortium. l. 2. d. 92.

E.

Ecclesiæ reconciliatio. l. 2. d. 49.  
Eiecti à Religione. l. 4. in fine dist. 5.  
Eleemosyna. l. 1. d. 23.  
Emprio. l. 1. d. 32.  
Eucharistiæ quidditas, necessitas, insti-  
tutio. l. 2. d. 28. Materia consecra-  
tionis corporis & sanguinis Christi.  
d. 29. 30. aqua vino miscenda di-  
stin. 31. forma consecrationis d. 32.  
Minister consecrationis. d. 33. Mini-  
ster Eucharistiæ. d. 36. Quibus dan-  
danda vel neganda. d. 37. dispositio  
ad eam. d. 38. effectus ritus, figuræ  
Eucharistiæ. d. 44. 45.

Exactiones l. 4. d. 23.

Excommunicatio. l. 4. d. 1. excommuni-  
catio minor. d. 2. excommunicationis  
maioris divisio. d. 3. effectus. d. 4. qui  
excommunicati vitandi d. 5. quando  
licitum conuersari cum excommu-  
nicato non tolerato d. 6. quis potest  
excommunicare? excommunicari? ob  
quam causam? vbi etiã de adiuvantib<sup>9</sup>  
causam excommunicationis. dist. 7. ex

cõmunicatio ignorata, & in iustè lata  
an liget? d. 8. quæ seruanda inferenda  
excommunicatione? vbi etiam de in-  
tentione excommunicantis. d. 9. ab-  
solutio ab excommunicatione. d. 10.  
V. etiam in fine operis addit: octa-  
uam, quæ est pro intelligentia con-  
clus: quintæ. referuntur variæ excõ-  
municationes. d. 11. expenditur ex-  
communicatio prima Bullæ C. D. d.  
12. insinuantur aliqua circa nonnul-  
las excommunicationes Bullæ C. D.  
d. 13. excommunicatio lata in Cle-  
ricorum percursores d. 14. V. etiam  
in fine Operis addit septimam.

Executor testamenti. l. 4. d. 10.

Extremæ vnctionis quidditas. institui-  
tutio. necessitas. materia. l. 2. d. 76.

Minister. d. 77. subiectum, effectus,  
ritus. 78.

F.

Famulorum peccata. l. 4. d. 13.

Festum quoad Missam. l. 1. d. 16. quo  
ad cessationem à laboribus. d. 17.

Fides. l. 1. d. 2.

Filiorum obligatio. l. 1. d. 10. l. 4. d. 12.

Furtum. l. 1. d. 31.

G.

Gabella. l. 4. d. 23.

H.

Homicidium l. 1. d. 21.

Horæ Canonice. l. 1. d. 18.

I.

Ieiunium. l. 1. d. 19.

Ieiunium ante Eucharistiam. l. 2. d. 40.

Impedimenta impediencia tantum Ma-  
trimonium lib. 2. d. 88.

Impedimenta dirimentia Matrimonium  
iure Naturali d. 89.

Impedimenta dirimentia Matrimonium  
iure Ecclesiastico. d. 91. alias. 90. V.  
addit. quintam. quæ est ad conc. 11.  
prædi-



prædictæ distinctionis. Modus occurrendi impedimenti dirimentiib<sup>9</sup>, cum validando, Matrimonium inualide contractum, tum dispensando dist. 91.

Indulgentiæ, l. 2. d. 72.

Interrogatorium pro cōfessionibus longioris temporis, l. 2. d. 74. expenditur dictum interrogatorium, d. 75.

Interdictum l. 3. d. 18.

Irregularitas l. 1. d. 20. ex defectu corporis, d. 21. ex defectu natalium originis, bonæ famæ d. 22. ex defectu animæ, d. 23. ex defectu Sacramenti, d. 24. Ex mutilatione & homicidio iusto d. 25. Ex mutilatione & homicidio iniusto, d. 26. vniuersaliter loquendo, ex delicto, d. 27. dispensatio in irregularitate, d. 28.

Iubilæum l. 2. d. 73.

Iudæi vitandi, l. 4. d. 15.

Iudex, peccata in iudicio l. 4. d. 14.

Iudicium temerarium, l. 1. d. 42.

Iuramentum, l. 1. d. 11. 12.

### L.

Lex, l. 1. d. 1. & 10.

Luxuria, l. 1. d. 16. 17.

### M.

Maledictio, l. 1. d. 41.

Matrimonium, l. 2. d. 87. V. etiam in fine operis additionem quartam.

Medicus, l. 4. d. 21.

Missæ die festo, l. 2. d. 16.

Missarum stipendium, l. 2. d. 47. amplius eodem die dici possint d. 50. necessitas Crucifixi, candelæ & coadiutoris seu ministri tempore Missæ d. 51. quæ obseruanda celebrando Missæ, d. 52. defectibus tempore Missæ quomodo occurrendum, d. 53.

Motus sensualitatis, l. 1. d. 29.

Murmuratio, l. 1. d. 40.

### N.

Nobilium peccata, l. 4. d. 13.

Notarius, l. 4. d. 16.

Novitius, l. 4. d. 2.

Numerus peccatorum in cōfessione explicandus, l. 2. d. 61.

### O.

Obedientia Religiosa, l. 1. d. 20. l. 4. dist. 6.

Obligatio Religiosi ad perfectionem, l. 4. d. 3.

Obseruantia seu cultus SS. l. 1. d. 5.

Occasio proxima peccandi, l. 1. d. 30.

Oratorium priuatum, l. 2. d. 48.

Ordinis quidditas, institutio, necessitas materia forma, l. 2. d. 79. Minister, d. 80. Subiectum, cōditiones, & impedimenta Ordinātorum, d. 81. numerus Ordinum d. 82. Ordines in particulari, d. 83. officia Ordinum in particulari, effectus & ritus, d. 84.

Oscula, l. 1. d. 19.

### P.

Parentum obligatio, l. 4. d. 11.

Parris familias obligatio, l. 4. d. 13.

Paupertas Religiosa, lib. 4. d. 8.

Peccatum l. 4. d. 1. vbi etiam diuisiones particulares. &c.

Percursor Clerici, l. 3. d. 13. V. etiam in fine operis addit. septimam.

Perfectio Religiosa, l. 4. d. 3.

Pollutio, l. 1. d. 28. l. 2. d. 19.

Pœnitentiæ vt Sacramenti, natura, institutio, necessitas, l. 2. d. 54. materia, d. 55. Subiectum, d. 59. effectus, d. 71.

Præceptum, l. 1. d. 1.

Professio Religiosa, l. 4. d. 4.

Pueri fidelium. item, infidelium baptizandi, l. 2. d. 16. 17.

### R.

Recidiuantes, l. 2. d. 69.



Reclamantes post professionē l. 4. d. 5.  
Reditus peccatorum per ingratitudi-  
nem, l. 1. d. 71.

Religio, l. 1. d. 5.

Restitutio, l. 1. d. 36. 37. 38.

Reus, l. 4. d. 19.

Rusticorum peccata l. 4. d. 13.

S.

Sacramenti natura, institutio, l. 1. d. 1.  
necessitas, d. 2. materia, forma d. 3.

Minister d. 4. Subiectum, d. 5. effe-

ctus primarius & secundarius, d. 6.

& 7. numerus Sacramentorum, d. 8.

Ritus, d. 9.

Sacramentalia, l. 2. d. 10.

Sacrificium, l. 2. d. 46.

Sacrilegium, l. 1. d. 10.

Satisfactio Sacramentalis, l. 2. d. 63.

Scandalum lib. 1. d. 24.

Sigillum Confessionis, lib. 2. d. 68.

Simoniam, l. 1. d. 33.

Spes, l. 1. d. 3.

Sponsalia, l. 2. d. 85.

Sponsorum peccata ibid.

Stipendium Missæ, l. 2. d. 47.

Superstitio, lib. 1. d. 8.

Suspenſio, ut est censura, l. 3. d. 15. re-

feruntur nonnullæ suspensiones, d. 16.

Suspicio, l. 1. d. 41.

Sufurratio, l. 1. d. 40.

T.

Tabernarius, l. 4. d. 24.

Tactus, l. 1. d. 29.

Tentatio DEI, l. 1. d. 9.

Testamentum, l. 4. d. 20.

Testis l. 4. d. 17.

Testimonium falsum, l. 1. d. 39.

Turpiloquium, l. 1. d. 29.

Tutor, l. 4. d. 24.

V.

Vestigal, l. 4. d. 130.

Venditio, l. 1. d. 32.

Vestes Sacerdotales, l. 2. d. 51.

Violatio Ecclesiæ, l. 2. d. 49.


Votum, l. 8. d. 14. & 15. V. in fine o-  
peris addit: sextam.

Vota Religiosorum in communi, l. 4.  
d. 4. in particulari, 6. 7. 8.


Vsura, l. 1. d. 34.

Copiosiores indicem ne requiras;  
ipsum enim opus est index Sententiarum.

Adde. habendo uniuersalem, facile  
particularia reperies.



Facultatem Ordinarij & Ordinis. Approba-  
tionem Ordinarij & Theologorum Ordi-  
nis vide in prima editione.



SEN-



SENTENTIÆ  
MORALES.

PROLOGVS,

D E

CONSCIENTIA.  
DISTINCTIO I.

*Quid & quoduplex Conscientia, & an voluntas conformari debeat, quàmvis erranti?*

**D**ico 1. Conscientia est actus intellectus practici, qui dicat de bonitate vel malitia eorum, quæ agimus, ut sunt à nobis hic & nunc. Distinguitur à scientia. Quia hæc de bonitate & malitia morali actionis rectè nudum se & absolute dicat, conscientia verò de bonitate vel malitia actionis ut est à nobis hic & nunc. Non intelligitur in præfenti nomine scientiæ scientia propriè accepta, prout tantum est verorum. I-a scientia inè accepta, quatenus omne quod nouimus scire debemus. Distinguitur etiam conscientia a synderesi, quia synderesis est lumen habituale & manens à natura seu authore naturæ menti inditum, quo clarè prima principia practica in se ipsa cognoscuntur. v. g. bonum est faciendum, malum fugiendum, &c.

Dico 2. Diuiditur conscientia. Primò ex parte obiecti in veram & falsam, seu in rectam & erroneam, hæc iudicat id faciendum, quod non faciendum, illa, scilicet, recta, iudicat: faciendum id, quod est faciendum, secundo ex parte actus diuiditur in certam, probabilem, dubiam & scrupulosam. Certa, abiq; formidine iudicat, hoc esse bonum vel malum. Probabilis, vni parti adhæret cum formidine alterius. Dubia, nulli parti adhæret, sed suspendit iudicium. Scrupulosa, vni quidem parti adhæret, cum timore oppositæ. & oritur ex leui fundamento.

Quia tamen conscientia certa reducit ad veram (si enim admisso falso, non est certitudo sed error) ideo absolute loquendo dici potest, conscientiam esse quintuplicem, scilicet, rectam, erroneam, probabilem, dubiam & scrupulosam.

Dico 3. Sicut conscientia recta, ita & erronea obligat ad non contrariendum.

A

dum,



dum, alias contraveniens peccat. ita D. Th. 1. 2. q. 19. a. 5. & communiter Probat Opat. super locum citatum. Omnis peccat eo, de quo scit, quod Deo displicet. Sed qui facit contra conscientiam erroneam, putat se Deo displicere in eo. Ergo peccat in eo. Ergo conscientia, quàmvis erronea obligat. Exemplificat, idem doctissimus Theologus & magni celeberrimæ Academiæ Cracoviensis decus. Sicut reus Majestatis est, non solum ille, qui verum Regem percutit, sed etiam qui percutit illum, quem putat Regem. Ita non solum ille æternæ majestatis est reus, qui dictamen rationis, legem Dei promulgans violat, sed etiam qui idem dictamen spernit, tanquam legem Dei, licet non sit, dum putat esse.

Quantur. Cum conscientia erronea obliget, quale erit peccatum contra eam facere? R. tale, quale conscientia erronea dictat. v. g. si dictat quod in Ecclesia speruere sit mortale, est mortale. Quia agens in tali actione vult tale peccatum committere.

Aduerte. Si conscientia erronea dictat in genere, aliquid esse peccatum, non determinando siue mortale vel veniale, judicandum est ex malo sub quo illud ponit conscientia erronea. item ex gravitate & necessitate materiæ. Si ex his non constat esse mortale, pro veniali habendum, docet M. Serra supra locum D. Th. cit. referens Nauarrum.

Dices contra 3. Conc. Ex ea sequi conscientiam aliquando obligare ad peccatum. R. nullum esse inconueniens asserere conscientiam erroneam per accidens obligare ad peccatum, inquantum ignorans vincibiliter, sibi proponit v. præceptum, quod est prohibitum. ita S. Th. in 2. d. 39. q. 3. a. 3. ad 1.

## DISTINCTIO II.

### De Conscientia probabilī.

**N**Ota. Fundamentum, quo innuitur opinio est duplex, intrinsecū & extrinsecū. Intrinsecum sunt rationes probabiles. extrinsecum, auctoritates virorum in ea materia peritorum. Ex his alij sunt classici, alij protelarij. Classici censentur, qui multum in tali materia versari, timorata conscientia. discurrentes egregie, atque suas sententias solidis rationibus communientes. Protelarij sunt inferiores.

Dico 1. Secundum opinionem fundamentaliter probabilem licet vnicuique agere. Quia ad bonitatem actus non requiritur certitudo de illius honestate. Alias cum certitudo ratio habeatur, ratio posset poni operatio. Dixi *fundamentaliter*. Nam si probabilitas sit tenuis, secundum eam operari non licet, vt determinauit Innocentius XI. Sequentem damnando. *Generatim, dum probabilitate, siue intrinseca siue extrinseca, quamvis tenui, moro a probabilitatis sinibus non exiatur, corfisi aliquid agimus, semper prudenter agimus.*

Dico 2. Licet sequi opinionem probabilem relicta probabiliori & tutiori. ita M. Marcus Serra referens Syluestrum & Panormitanum. Bonacina citans communem. Si non agatur de irreuerentia & inualiditate Sacramenti, damno proximi,



mi, & sit sententia in praxi probabilis. Sunt enim aliquæ sententiæ tantum speculatiue probabiles, potius ad ostentationem ingenij, quam ad utilitatem Ecclesie. Nostræ conclusioni non aduerlatur Caietanus, & alij antiqui graves Theologi, ut probat M. Serra. Dixi, *si non agatur de irreuerentia Sacramenti* &c. ne sic contradicam determinationibus Innoc. XI. inter 65. propositionem primam & secundam damnantibus. Ratio conc. Nam qui iuxta opinionem probabilem operatur, non temerè sed prudenter operatur, etiam si talis opinio non sit probabilior & tutior, modò excludatur irreuerentia Sacramenti, damnum proximi &c, ut fufius 1. 2. nostram sententiam tenentes probant.

Dico 3. In administratione Sacramentorum, etiam licitum est, omisso eo quod tutius est, sequi opinionem probabilem, asserentem sic vel sic validum fieri Sacramentum, si tamen Ecclesie praxis & consuetudo id permittat. Ita M. Serra. Sic enim periculum & irreuerentia Sacramenti, interpositione Ecclesie cauetur. Et sic licitum est sequi opinionem probabilem, asserentem contra. P. Koni. h. & alios, non requiri ut dolor præcedat confessionem, quia talis usus est Ecclesie, praxi Confessorum declaratus.

Dico 4. In administratione Sacramentorum etiam licitum est, omisso eo quod tutius est, sequi opinionem probabilem, supplente Ecclesia defectum. M. Serra. Gibbon & alij. Vnde Innoc. XI. damnando propositionem primam, solum intendit in administratione Sacramentorum non licere sequi opinionem probabilem relictâ tutiori, quando Ecclesia defectum non supplet. Declaratur. Nam circa jurisdictionem Sacerdotis ad absolvendum à peccatis multæ sunt opiniones, è quibus est, in articulo mortis simplicem Sacerdotem posse absolvere à peccatis, præsentè approbato, ut sentit Mendoza & alij, hanc autem & similes licitum est sequi, licet sit tutius pœnitentem in articulo mortis ab approbato absolui. Dato enim similes opiniones reipsâ esse falsas, stante tamen opinione probabili Ecclesia confert potestatem, ut docet Mosicensis in Appendice ad Tyroc. S. Artis Pœnitentia, estq; communis.

Dico 5. Licitum est relictâ suâ opinione probabiliori & tutiori, sequi aliorum minus probabilem, minusque tutam (licet rationes contrarias solvere nequeat) dummodò credat eam verè esse probabilem. Mosc. 3. p. Tyroc. C. 2. Bonac. & multi alij. Intelligitur conclusio cum limitationibus in supradictis conclusionibus expressis. Nam sic procedens non se exponit periculo peccandi, cum prudenter operetur, sequitur enim iudicium prudentum. Immo Confessorius non solum potest, sed etiam tenetur sequi opinionem alienâ, scilicet, pœnitentis, relictâ propriâ probabiliori & tutiori. M. Soto in 4. d. 18. q. 2. a. 5. ad 5. & alij.

Dico 6. Non licet Medico sequi quamlibet opinionem probabilem, quando est controversia an medicamentum proffit, vel graviter noceat. sed quod tutius sequi tenetur. Si tamen salus ægri desperata, nec habeatur medicamentum certum, non peccat Medicus exhibendo medicamentum probabile, stante opinione probabiliori, quod nocebit. Item quando causa tantum probabilis, non licet Re-



gi inferre bellum, relicta probabiliori & tutiori. iudex etiã debet ferre sententiam juxta probabiliora & tutiora. Vnde sequens, vt jacet ab Innoc: XI. est damnata. *Probabiliter existimo iudicem posse judicare juxta opinionem etiã minùs probabilem.* Agitur enim de graui damno proximi. Et in his vel similibus casibus locum habet illud, *in dubio tutior pars eligenda.* Debitor tamen relicta probabiliori & tutiori, licitè sequitur minùs probabilem. Gibbon. Quia melior conditio rem possidentis. Et aliàs valde durum, se aliquã re spoliare ante sententiam judicis. Immo aduocatus licitè patrocinatur quando res est dubia. Syluester. v. Aduocatus. Quia officium Aduocati est solùm proponere, quæ sui clientis ius confirmare possunt, quod in causa dubia non est illicitum, sed iuuat vt à iudice causa melius examinetur.

Q. V. sit idem esse opinionem probabiliorẽ & tutiorẽ? R. quòd non. Potest enim esse minùs probabilis & tamen tutior, quàm illa quæ est probabilior. Nam tutior est, cui nullum inest periculum peccati, minùs tuta, cui inest periculum. v. g. dubitatur de emissio voto, & facto sufficienti examine, non deueniatur ad notitiam facti voti, affirmatiua quòd teneatur voto est tutior & tamen minùs probabilis. Et hæc (scilicet tutior) sufficit, & debet esse dum agitur de valore Sacramentorum, vt vult Innoc: XI. damnando inter propositiones 65. propositionem primam. Item dum agitur de graui damno proximi. Si tamen sententia fauens valori Sacramentorum non sit adeo probabilis, secundùm eam post factum, non agendum, hinc à sacrilegio non excusaretur, qui casu vinum congelatum consecraret, & liquefactum reconsecraret.

Qui 2: Vnus author faciat sententiam probabilem? R. circa hoc Alexander VII. sequentem vt jacet. Jamnat. *Si liber sit alicuius Iunioris aut moderni, debet opinio censeri probabilis, dum non constat reiectam esse à Sede Apostolica, tanquam improbabilem.* Puto tamen (& sic saltem accipiendus est Mosè: Fillucius & Merolla) si sit classicus, vt supra classicus est descriptus, nec perfunctoriè rem tractet, facit sententiam probabilem. Nec tamen sic author facit, quàm ratio.

## DISTINCTIO III.

### De Conscientia Dubia:

**N**Ota ex Cajetano t. 1. Opusc: tr. 31. Duplex potest de bonitate vel malitia actionis dubitari, scilicet practicè & speculatiuè. Speculatiuè dubitat, qui de bonitate vel malitia actionis secundùm se dubitat. Practicè. vt hic & nunc operandum. vt autem conscientia dubia dicatur, non sufficit dubitare speculatiuè, quia conscientia dicit applicationem cognitionis ad opus.

Nota 2. Potest esse dubium practicum & non speculatiuum v. g. putatur aliquis contractus licitus, dubitatur tamen an hic. & nunc possit praticari eo quod nonnulli viri docti & timorati oppositum sentiant. E contra, potest esse dubium speculatiuum & non practicum. v. g. dubitatur propter rationes ex vtraque



## De Conscientia.

5

quæ parte solidas, an aliquis contractus sit licitus, practicatur tamen, eò quòd sic communiter fiat à viris doctis & timoratis.

Dico 1. Quando conscientia est dubia de bonitate vel malitia operis exercendi, stante dubio & non deposito, tutior pars est eligenda. Nisi enim tutiorem partem stante & non deposito dubio, eligas, periculo peccandi te exponis, & sic peccas. Sicut qui dubitat an aliquid amico displiceat, stante tamen dubio operatur, amicum offendit.

Dico 2. Quando dubitatur, an sit lata lex aliquid præcipiens vel prohibens, aut pro aliquo pœnam constituens v. g. irregularitatis, excommunic. &c. & sufficiens de inquirenda lege diligentia adhibetur, secundum communem sententiam non est obligatio sequendi partem tutiorem, & sic non est obligatio talem legem seruandi vel se gerendi, quasi eam violasset & pœnam incurrisset. *Nam in dubijs melior est conditio possidentis.* Dum autem est dubium an lata sit lex aliquid præcipiens vel prohibens, aut pro aliquo pœnam constituens, libertatem à tali lege possidet homo. & sic non tenetur eam seruare, nec se gerere acsi pœnam illius incurrisset. v. g. irregularitatis, excommunic. &c. intelligenda est conclusio, ait M. Serra in 1. 2. q. 19. etsi dubitans magis inclinet in eam partem, quòd sit lata lex. Idem colligo ex Bonac. c. 2. d. 2. q. 4. p. 7.

Dico 3. Idem ob eandem rationem sentiendum, quando post sufficientem diligentiam dubitas, an votum emissum, vigesimus primus annus ad ieiunium requisitus completus, an adsit impedimentum matrimonium dirimens, an conditio, sub qua excommunicatio lata, adimpleta, an talia verba contineant excommunicationem, si cras ieiunium, an duodecima audita, & sic potes partem tibi fauentem sequi. Hæc apud Bonac. l. c. & alios reperies. Immo idem solet doceri, si scias quidem te votum. v. g. castitatis emisisse, sed post sufficientem diligentiam dubium, an perpetuas, non teneris ad perpetuam.

Dico 4. Nonnulli præfatam doctrinam extendunt, dum post sufficientem diligentiam dubitatur, an lex sit recepta, vel abrogata. Quia possessio stat pro libertate subditorum & non pro lege. lex enim non possidet nisi per acceptationem & non abrogationem, de qua in nostro casu non constat.

Dico 5. Prædicta doctrina non est extendenda, licet post sufficientem diligentiam dubites, an excommunicatio sit iusta, quia sic ferè omnis eluderet excommunicationem. an sis absolutus, quando dubitatur, an pro Subdiaconatu 28. inchœaueris quando die ieiunii dubitatur, an sit 12. noctis, vt liberè carnibus vescaris. an satisfeceris voto, an vltum rationis habueris, faciendo, v. g. votum septennio completo. Quia in prædictis casibus est possessio pro excommunicatione, præcepto, ieiunio, voto & vsu rationis.

Dico 6. Quando certum est à lege constitutam esse pœnam, v. g. excommunicationis &c. & de transgressionem post sufficientem diligentiam dubitas, licitum est sequi partem tuæ libertati fauentem. Bonac. l. c. & alij. Idem tenet Diana t. 2. tr. 4. de Sac. resol. 29. si dubium, an comedendo medietatem noctem excesseris. Quia in dubio factum non præsumendum, Dico.



Dices. *C. ad audientiam*, de Presbytero, de quo dubium erat, an hominem occidisset, dicitur non debere in sacris ministrare, ratio redditur. cum in dubio semitam debeamus eligere tutiorem. Eadem autem ratio procedit in dubio, cuiuscumq; facti, pro quo statuta est pœna v. g. excommunicationis. Quare vniuersaliter videtur dicendum in dubio facti tutiorem partem eligendam, & non fauendum libertati.

*B.* Dispositionem *C. ad audientiam*, non esse extendendam ad dubia cuiuscumq; facti, sed restringendam ad dubium homicidij, de quo ibi est sermo. cum sit odiosa. Ratio ibi posita, non significat necessitatem, quâ teneamur tutiorem partem eligere, sed congruitatem. quâ motus Summus Pontifex statuit, vt in dubio homicidij pro irregulari quis habeatur. Quod aliqui limitant, quando verosimilius creditur commissum homicidium. nam si dubium æquale, opinantur non esse irregulare.

Quid, si post contractum secundum matrimonium (& idem est de alio impedimento dirimente) de vita prioris coniugis dubitetur, an scilicet liceat petere? dicam suo loco.

Ex dictis patet intelligentia huius. *Melior conditio possi lentis*, scilicet, si ante dubium fuisti in possessione libertatis, & superueniat dubium, censens esse in possessione antiqua libertatis, & tibi fauendum, nisi graue inconueniens timeatur, vt, in dubio, an sis iuste excommunicatus.

## D I S T I N C T I O I V.

### De Conscientia scrupulosa.

**D**ico 1. Agere contra conscientiam scrupulosam est peccatū. v. g. dubitatur, an peccatū sit in cōfessione dictum, & dicitur omnino reperenda cōfessio, nec tamen reperitur. Agere verò contra scrupulum, non est peccatū, immo bonū, v. g. dubitatur, an tale peccatum sit in cōfessione dictum, nec scrupulus depōnitur, nec tamen curatur, consequenter peccatum in cōfessione non explicatur.

Dico 2. Causa scrupulorum aliquando est diabolica suggestio, aliquando debilitas cerebri, aliquando melan holica complexio, aliquando debilitas ex nimis vigilijs, & abstinentijs.

Dico 3. Remedia contra scrupulos sunt hæc 1. Scrupulosus habeat virum doctum & pium quem consulat, & cui acquiescat 2. In defectu viri docti, faciat quod alij consuleret. 3. Consideret quòd nunquam est peccatum mortale nisi hæc tria concurrant. materia grauis, ex parte intellectus plena aduertentia, ex parte voluntatis plenus consensus, & nisi de his omnibus sit certus, hoc ipso autem non est certus, quòd fluctuet. immo nisi jurare possit, hæc tria concurrisse, & loquendo quoad plenam aduertentiam & plenum consensum, hæc relinquere in memoria. 4. Vitet cogitationes de rebus scrupulosis, sed contemnat, alio mentem auertendo, quasi non fuissent 5. Vitet peccatorum reconfessiones diligen-



diligentiâ mediocri in præcedenti confessione adhibita. Vnde non reconfiteatur, nisi sit certus. vel etiam jurare possit, peccatum non fuisse in confessione dictum. Confessarius verò, si semel vel bis confessionem de eadem re audiuit vel plenè extra confessionem consuluit, non permittat vlietius proponere, hæc enim recogitatio est inter præcipuas causas scrupulorum v. Molc: 3. p. Tyrocinij artis pœnit. Qui hæc in re vix alicui secundus,

## LIBER I.

## De Præceptis Decalogi.

## DISTINCTIO I.

## De Lege &amp; Præcepto.

**S**icut notitia de conscientia (tunc operis sic exigente) toti operi est præmissa, ita notitia de lege & præcepto aui libro præmittitur, quatenus necessaria ad nostrum intentum.

1. Lex est *quædam rationis ordinatio, ad bonum commune, ab eo, qui curam communis habet promulgata.* S. Th. 1. 2. q. 9. a. 4. Dividitur in divinam & humanam. Lex divina est illa, quæ à Dei auctoritate immediatè habet, licet eius promulgatio non fiat a Deo immediate sed intervenitu Angeli vel hominis. Cuiusmodi fuit lex vetus, a Deo tradita Moyfi per Angelos, & per eum promulgata. Et lex Evangelica à Christo data, & partim per ipsum, partim per Apostolos publicata. Lex humana est illa, quæ fertur immediatè humanâ auctoritate, licet à Deo accepta. Lex divina subdividitur in æternam, naturalem & positivam. æterna in mente Dei ab æterno est, naturalis, cuiuslibet hominis intellectui imprimetur, positiva, publica per munitionem manifestatur. Lex divina positiva, in veterem & novam subdividitur. Prima est, quam Deus Moyfi per ministerium Angelorum in Monte Sinai, & per Moylen populo Israëlítico dedit. Secunda est, quam tulit Christus, novi testamenti author, & partim per se ipsam, partim per Apostolos promulgavit. Lex humana in Ecclesiasticam & civilem subdividitur. Illa fertur potestate Ecclesiastica, ut Papæ & Conciliorum. Illa seculari, ut Regum & imperatorum. Prima ius Canonicum, altera ius civile dicitur. Ita dividit legem P. Gonet in Manuali Thomistarum trac. de legibus C. 1. §. 2.

2. Præcepta siue illa sint pro Persona particulari, siue sint pro communitate (qualia habent rationem legis) alia sunt affirmativa, alia negativa, affirmativa obligant semper sed non ad semper, ut honorare parentes. Negativa, obligant semper & pro semper seu pro omni tempore, v. g. non furari.

3. Ut præceptum impleatur non est necessarium esse in gratia nisi includat

grati-

gratiam, ut præceptum contritionis &c. vel supponat, ut præceptum orandi, pro gravi malo avertendo in republica durante. Immo plurima possunt impleri per actum ex circumstantiis peccaminosum. v. g. dare Eleemosynam extremè egentibus, persolvere votum &c. ob vanam gloriam.

4. Non est necesse, quòd ponens actum cadentem sub præcepto, intendat satisfacere, sed sufficit ponere actum cadentem sub præcepto modò pro alia re non applicet vade implet votum, iuramentum &c. qui non advertens obligationem, hæc præstat. Ille etiam satisfacit legi qui ex metu satisfacit, quia metus non tollit voluntarium simpliciter. Non tamen satisfacit, qui coactè opus ponit, quia coactio tollit voluntarium. Gabriel à S. Vinc. quoad omnes partes, V. Lex & alij. Docent aliqui, etiam satisfieri legi vel præcepto, etiamsi sit, intentio non satisfaciendi. Cum lex non reposcat intentionem, sed opus.

5. Duplici præcepto satisfi per vnum actum, si præcipiens sic contentetur; v. g. vnà recitatione horarum, Sacerdos beneficiatus, satisfacit iustitiæ & religioni. Dixi, *si præcipiens sic contentetur*. Nam per vnum actum, non satisfi voto & pœnitentiæ in confessione iniunctæ. Cum hæc non soleat esse mens Confessarij. Satisfi etiam pluribus obligationibus eodem tempore, ut recitare horas, & Missam audire.

6. Qui violat plures leges formaliter, hoc est licet eandem rem, sub diversa tamen ratione, præcipientes, plura peccata committit. v. g. non ieiunat, cum debeat, tum ex voto, tum quia sic in confessione iniunctum, duo peccata committit. Qui verò violat plures leges materialiter, hoc est idem sub eadem ratione præcipientes, vnum peccatum committit. Et sic fit, licet faciat contra legem Divinam, naturalem & humanam, vnum tantum peccatum committit, quia hæc leges tantum sunt plures materialiter, idem enim sub vna ratione, scilicet, iniuriæ, prohibent.

### Circa Primum Præceptum.

Hoc præcepto præcipitur cultus Dei, & prohibetur cultus falsorum Deorum, quâ parte est negarium. Cum autem cultus veri Dei, & averfio à Dijs alienis exerceatur fide, spe, charitate & religione, ideo de his, & oppositis, aliqua dicemus.

## DISTINCTIO II.

### De Fide.

Nota. Fides est habitus supernaturalis, quo cerò credimus veritates à Deo revelatas Ecclesiæ. Alia est implicita, alia explicita. illa est, quâ creduntur veritates revelatæ, in aliquo principio communi. v. g. quod credit Ecclesiæ. hæc est, dum in particulari creduntur articuli fidei v. g. mysteriū Trinitatis, Incarnationis &c.

Dico 1. Fides est necessaria in adultis ad salutem. *sine fide impossibile est placere Deo*, ad Hebræos 11. Vnde tenetur quilibet adultus scire & credere explicite hæc



hæc duo principiâ, Deum esse, & hunc esse remuneratorem. item suppositâ sufficienti Evangelij promulgatione, Mysterium SS: Trinitatis, Incarnationis, Redemptionis, Mortis, Resurrectionis & aliorum articulorum Symboli Apostolorum. Beatam Mariam esse Virginem. Tria Sacramenta. scilicet, Baptismum, Eucharistiam & Pœnitentiam, reliqua tunc quando recipit. Præcepta Decalogi. Præcepta communia Ecclesiæ, maximè Confessionis & Cômunionis annuæ. Immortalitatem animæ. Peccatum originale. Necessitatē gratiæ Deum esse orandum. quare scienda est Oratio Dominica. Deum esse timendū, cū possi mittere in gehēnam.

Dico 2. Quamuis suadendum fidelibus, vt Symbolum Apostolorum, Decalogum, Orationem Dominicam & Salutationem Angelicam explicite sciant & memoriâ teneant, sicut & signaculum Crucis formare, non tamen est mortale illa nescire, dum modò illorum substantia sciatur. ita de primis quatuor Suarez, & de ultimo, Sanchez in Summa Dianæ, V. Fides. Et sic quoad Orationem Dominicam sufficit scire eius summam, scilicet à Deo omnia esse petenda. Quoad Symbolum, Sacramenta, Decalogum & Ecclesiæ præcepta, sufficit, quòd rogati de singulis sciant respondere.

Dico 3. Ignorans vincibiliter mysteria fidei, non est absolvendus. est mens Innocentij XI dum sequentem damnat. *Absolutionis capax est homo quantumvis laboret ignorantia mysteriorum fidei.* Nec tenetur Confessarius eum docere tunc, cū non sit facile tam breui spatio capere Vnde differenda absolutio. nisi sit in articulo mortis tunc enim instruat de mysterijs magis scitu necessarijs, vt de SS Trinitate, Incarnatione, Redemptione, Morte & Resurrectione. item de alijs, prout tempus concesserit, & pœniteat de ignorantia.

Dico 4. Licet detur ignorantia inuincibilis articulorum fidei in his, qui nec à Parochis nec ab alijs docentur, & hi si tunc morentur, saluantur cum fide duorum primò in prima conclusione positorum articulorum. tamen hæc ignorantia inuincibilis, maximè articulorum diuinitatis, & sequentium humanitatis, scilicet, Filium Dei in utero Virginis incarnatum, natum, mortuum, à mortuis resurrexisse, & ad Cælos ascendisse, rarò admittitur, referente cl. la Cruz super primum præceptum Decalogi. art. 1. Quia doctrina Christiana, maximè quoad articulos in Ecclesia solemniores, vbique satis prædicatur, & omnes habent aliquam notitiam, vt saltem suos maiores interrogent, quid sciendū & quomodo viuendū.

Dico 5. Confessio externa fidei est necessaria ad salutem. patet ex illo ad Rom. 10. *Corde creditur ad iustitiam, ore autem fit Confessio ad salutem.* Hoc tamen præceptum est affirmatiuum. Cū non obliget ad semper, sed pro loco & tempore &c. v. g. si periclitetur honor Dei, vel utilitas spiritualis proximi, tunc confiteri tenemur fidem etiam cum periculo vitæ. Nec licet, quāuis verbo tantum, negare fidem, ait enim Christus Dominus Matth. 10. *Qui me negauerit coram hominibus negabo & ego eum coram Patre meo.*

Dico 6 Confessio interna fidei, est etiam necessaria ad salutem Dicitur enim ad Hebræos 11. *Sine fide impossibile est placere Deo.* Vnde Confessio interna fidei

fidei obligat infidelem, dum sibi fides sufficiens proponitur. Item obligat fidelem dum de fide tentatur, vt sic tentationi resistat, si aliter superanda, non speratur. Addit Mendoza, obligari fidelem ad eliciendum actum fidei in articulo mortis. vnde tunc à circumstantibus monentur fideles ad eliciendum actum fidei. Item intra singulos annos. Quare bene facient Confessarij excitando fideles ad eliciendos actus, fidei, spei & charitatis, tunc præcipue, quando parvus aut nullus concursus. cum multi hanc obligationem ignorent. Ex his intellige, falsam esse sententiam, dicentem, sufficere actum fidei semel in vita elicere. Quæ etiam inter alias ab Innoc. XI. damnatur.

Dico 7. Est mortale vti veste vel alio signo instituto pro cultu alicuius sectæ, vt apud nos sunt vestes sacræ. Quia his vtendo, exhibetur cultus auctoribus talis sectæ, etsi solùm exterius hoc facias, sicut si metu mortis solùm, thurifices idolum. Nisi hæc facias, ioci gratiâ semoto scandalo.

Dico 8. Licet fideli vti infidelium veste propriâ eorum ex more patriæ, si aliàs non instat præceptum confidendi fidem. Quia talis vestis non significat religionem, sed nationem. Et sic licet exploratoribus vti veste & lingua Turcarum. Item non peccant mortaliter nauæ affigentes suis nauibz vexilla Turcarum ad decipiendum eos. ita M. Bannez cum alijs.

Dico 9. Qui discredid cum pertinacia vni tantùm articulo fidei, est hæreticus. Et est excommunicatus in Bulla Cœnæ Domini. Item incurrit alias hæreticorum pœnas, si explicat errorem exterius, quamuis signis secretis, ad manifestandum tamen errorem conducentibus, & non indifferentibus. Immo qui cum plena deliberatione dubitat de veritate alicuius articuli fidei, est hæreticus. Ita C. 1. de hæret. Secus si sine plena deliberatione titubat. dela Croz. Sicut & ille qui scit aliquam veritatem ab omnibus fidelibus teneri, nescit tamen esse articulum fidei, si discredid, non est hæreticus, temerarius tamen.

Dico 10. Non manifestans hæresim externè, licet in re sit hæreticus, non excommunicatur, nec subiacet alijs pœnis. Cum Ecclesia non iudicet de internis. Idem dic de fingente se hæreticū, & internè fidem tenente. est communis. Quia excommunicatio & aliæ pœnæ feruntur contra hæreticos, nec debent extendi ad fictos, odiâ enim restringendæ.

## DISTINCTIO III.

### De Spe.

**N**Ota. Spes est habitus supernaturalis, quo ceriò speramus beatitudinem ex auxilio Dei. Itaq; ipse respicit Deum vt finem cuius assecutio speratur, & vt causam efficientem, cuius auxilio speratur ipsiusmet assecutio. Et sic spes consistit in hoc, quòd homo confidat benè agendo peruenire ad æternam beatitudinem, Dei auxilio.

Dico 1. De spe extat præceptum Diuinum. Patet ex determinatione Alexandri.



xandri VII. sequentem damnantis *Homo nullo unquam vite sue tempore teneatur elicere actum fidei, spei & charitatis ex vi praeceptorum Minorum, ad eas virtutes pertinentium.* Hoc praeceptum est affirmativum. Cum tantum obliget determinato tempore. v. g. dum affecuto rationis usu homini Deus & beatitudo tanquam finis ad quem tendere tenetur proponitur. dum insurgunt graues motus desperationis. Intra singulos annos. de la Cruz ait, aliquoties intra annum, Item in articulo mortis, secundum eundem.

Dico 2. Contra spem peccatur 1. Desperando impetrare veniam peccatorum & gloriam. 2. Sperando in creatura ut primario iuvante ad beatitudinem. possumus enim sperare in creatura ut secundario iuvante & sic B. V. M. dicitur spes nostra 3. Præsumendo, dum putas tuis meritis sine gratia Dei te posse assequi beatitudinem, vel dum confidis quidem impetrare veniam peccatorum, & ideo perseveras in peccatis, vel etiam, expectando eandem veniam, perseveras sine penitentia usque ad senectutem. 4. Non sperando, obligante præcepto spei.

Q Quæ vox desperantium & præsumantium, saltem ordinariè. R. Desperantium hæc. Cum damnandus sim, quid vereor peccare, & frui omni cupiditate? Præsumantium & in peccatis perseverantium, Deus est misericors, licet impleam omnia desideria mea, tandem dimittet omnia.

## DISTINCTIO IV.

### De Charitate.

**N**Ota. Charitas est habitus supernaturalis, quo Deum diligimus ex toto corde, ex toto anima & ex totis viribus, & proximum sicut nos ipsos.

Dico 1. De actu Charitatis datur præceptum. Patet ex declaratione Alexandri VII. d. 3. conc. 1. adducta. Multoties autem tenemur elicere actum Charitatis in vita ut determinavit Innocentius XI. dum sequentes damnat. Prima est *An peccet mortaliter, qui actum dilectionis Dei semel tantum in vita eliceret, condemnare non audemus* 2. Probabile est ne singulis quidem rigorosè quinquennijs per se obligare præceptum charitatis erga Deum. 3. Tunc solum obligat. quando tenemur iustificari, & non habemus aliam viam, quâ iustificari possumus.

Dico 2. Tenemur Deum super omnia diligere dum peruenimus ad usum rationis, ut constat ex 1. 2. q. 89 a. 6. 2do. Dum urget tentatio odij Dei, vel quæcunq; alia, si non alia vita, superanda speratur. Secundum Mendozam, singulis annis. 4. In articulo mortis. Quia ratio diuinæ amicitiae non solum urget in principio, sed & in fine vitæ, immo magis.

Dico 3. Tenemur ex charitate subire damna corporalia ob bonum spirituale proximi D. Th. 2. 2. q. 26. a. 4. ad 2. Et sic tenemur in extrema necessitate spirituali proximi exponere vitam periculo ad subueniendam ei, v. g. si proximus in articulo mortis decipitur ab hæreticis. Magis enim diligenda vita spiritualis proximi, quàm proprium corpus, ex S. P. Augustino apud S. Th. c. a. 5. in argum. sed contra,

Dico 4. Extra extremam necessitatem boni spiritualis non tenetur homo particularis, exponere vitam periculo aut magnam substantiam, pro bono spirituali proximi, benè tamen pari aliquod damnum. Secus sit de Episcopis & Parochis, qui extra extremam boni spiritualis necessitatem tenentur ipse subuenire subditis cum periculo vitæ & bonorum. Quare licet peste infecti non sint in extrema necessitate boni spiritualis. cum per contritionem possint saluari, tenentur tamen Parochi eis ministrare, saltem pœnitentiam & Eucharistiam, vt colligitur ex quadam epistola Greg. XIII ad S. Carolum Borromæum, vbi determinatur Parochos tempore pestis obligari residere

Dico 5. Quamuis nunquam teneamur exponere vitam pro vita corporali proximi, eiusdem conditionis, licitum tamen, vt probat Philippus à SS. Trin. 1. 2. 2. d. 13. dub. 8. Et sic possumus in naufragio cedere tabulam proximo, vt docet Fernandez. p. 1. C. 3 § 4. ex M. Bannez. Quod si proximus sit valdè necessarius Reipublicæ, tunc non solum licitum, sed etiam tenemur vitam corporalem pro vita corporali eius periculo exponere. Cum pars teneatur subuenire toti.

Dico 6. Peccas contra charitatem non exhibendo proximo etiam aliàs inimico communia signa dilectionis v. g. orationes & beneficia impensa toti communitati. Peccas etiam peccato scandali & contra iustitiam distributiuam. Quia proximus licet sit inimicus, habet jus fruendi bonis communibus. Et licet ad beneficia impendenda non teneatis absolute, si tamen impendis, teneris seruare formam distributionis.

Dico 7. Non exhibendo proximo signa honoris consueta ex more patriæ, si aliàs fuerunt exhibita, & modò propter inimicitiam omittuntur, committitur peccatum, secundum M. Bannez mortale secundum Lorcam veniale. Quia omisso salutationis etiam debitæ, saltem vnâ vel alterâ vice, non est p. m. Quod si inimicus prius salutauit, non resalutare, est mortale secundum dela Cruz & Filiucium. Quem salutatione præuenire non est obligatio, nisi ratione scandali, si inde sequeretur, aut ratione conditionis personæ, quæ læsit. v. g. quia est prælatus &c. & læsus est inferior, aut solitus salutatione præuenire. Molicensis. 1. p. Tyrocinij artis pœnitentiæ. de pecc. contra opera Miseric. Præterea si tali præuentione lædenti animus placaretur, & ad meliorem frugem se reciperet cum alius sit obstinatus, & mori in prauo affectu, vel diu perseverare in eo, sit paratus, tunc enim ad lucrandum fratrem obligaris. Mesco l. e

Dico 8. Si absit scandalum non teneris familiariter conuersari cum inimico, licet antea familiariter conuersabaris. Absit autem scandalum, dum talis conuersatio omittitur in privato, dela Cruz & Philippus à S. Tr. l. e. Nec iudicent statim videntes omitti prædictam conuersationem, fieri ex odio, sed in significationem grauaminis & iniuriæ. Non enim teneris dimittere ius tuum in lite civili, immo nec in criminali. Difficile tamen tunc carere animo vindictæ, quare talem moneat Confessarius, vt n. alio animo deposito causam agat

Aduerte. In ostendendis signis amicitia (præcipue inter rudes) potest dari ignoran.,



## *De Religione & Obseruantia Sanctorum. L. I. 13*

ignorantia excusans à mortali. Quare Confessarius hanc aduertens, non mole-  
stet poenitentem de numero vel consuetudine. cum similia in venialibus non  
necessariò explicanda.

Dico 9. Quando duo inuicem se læserunt, & vtrinq; est æqualis iniuria, ac  
vtriufq; par conditio, qui prius offendit, petere veniam debet. Quòd si iniuria  
posteriùs illata sit grauior, secundus offendens præuenire debet alterum, quàm-  
uis prior occasionem præuerit. Sicut, licet iniuria sit æqualis; tamen ille qui  
prius læsit & prouocauit est longè maioris conditionis, tenetur secundus, qui in-  
ferior est, veniam petere. Molc. l. c. quoad omnes partes.

Dico 10. Si notorium sit quod neuter velit reconciliationem inire, ab Ec-  
clesiæ Sacramentis tanquam publici peccatores sunt repellendi. Immo etsi id  
non sit manifestum multis, Confessor tamen eos absolueri non debet, cum am-  
bo in mortali peccauerint. Neque dicere possunt, se nullum intus gerere odium;  
talis enim dispositio odij indicium est. Et dato quòd actu odium non habeant,  
periculo tamen illius se exponunt, dum prauum affectù, qui seminariù illius est,  
fouent. Et præterea res hæc, scandali magni occasio est. Molc. in terminis l. c.

## **D I S T I N C T I O V.**

### *De Religione & Obseruantia Sanctorum, in communi.*

**D**ico 1. Religio est virtus quæ Deo debitum cultum tribuit, tanquam primo om-  
nium principio. Non est Theologica sed moralis. Nam virtus Theologica  
habet ipsam Deum pro objecto quod & immediato, vt patet in fide, spe, & cha-  
ritate. Hæ enim respiciunt & attingunt Deum immediatè tanquam objectum  
Quod. Fides, vt sepremam veritatem. Spes, vt summum bonum nostrum. Cha-  
ritas vt summum bonum in se ipso, summeq; amabilem propter se. At religio  
aliquid creatum in mediata respicit. nimirum cultum, qui offertur Deo, vt ter-  
mino & fini Cui. diuina verò excellentia attingitur solùm vt ratio, ob quam Deo  
debetur talis cultus, & non est objectum immediatum religionis. Ita Gonet in  
Manuali Thomistarum de Virt. Card. C. 3. §. 1.

Dico 2. Si Sancti colantur propter intrinsecas & a' solutas perfectiones, vt  
propter visionem Dei, charitatem, sanctitatem & statum beatum, tunc non co-  
lantur virtute religionis, sed distincta, quæ vocatur dulia, & est quædam obser-  
uantia. Si verò colantur propter excellentiam increatam Dei ad quam habent res-  
pectum, tunc eadem virtute, scilicet religionis, quæ Deus, coluntur. Sic enim  
non tam ipsi coluntur, quàm Deus in ipsis, in quibus per gratiam & alia dona in-  
habitat. Nam iste actus non sistit in Sanctis, sed transit ad Deum. Qui cultus est  
similis cultui Crucis, quæ non tan ipsa, quàm per ipsam colitur Christus. Ita Phi-  
lippus a SS. Trin. in 2. 2. d. 1. de Virt. Relig. dub. 3. Makowski suprà Decalo-  
gum tr. 1. d. 1 q. 1 a. 1.

Dico 3. Adoratio in communi, est cultus quo vnus alteri se submittit seu  
B 3 honorat

honorat illum in recognitionem illius excellentiæ. Makowski l. c. q. 2. a. 7. Est triplex, latriæ, dulciæ & hyperdulciæ. Latriæ, est supremus cultus, qui soli Deo propter summum eius imperium, quo vniuersa creauit, gubernat & regit, debetur. Tali cultu (ob continentiam Christi D.) colitur SS. Eucharistiæ Sacramentum. Non tamen sub conditione, si Sacerdos verè consecrauit. nam in similibus sufficit certitudo more humano. Dulcia, est cultus, qui debetur Sanctis, alijsq; creaturis adhiberi solet, vt docet S. Th. 2. 2. q. 103. a. 2. Hyperdulcia est cultus, qui debetur Sanctis, habentibus specialem coniunctionem ad Deum, quali cultu colitur humanitas Christi Domini præcisè considerata, vt sancta per sanctitatem creatam, si tamen vt sanctificata per vñionem hypostaticam debetur cultus latriæ. cultu hyperdulciæ etiam colitur B. V. M.

Dico 4. Adoratio, quæcunq; illa sit, alia est absoluta, alia respectiua. Absoluta est quando aliquis honoratur propter se & ratione suæ perfectionis. Respectiua, quando propter aliud, vt patet in adoratione imaginum, quæ refunditur in prototypum & exemplar, puta in eum cuius est imago. Hæc adoratione respectiua adorantur etiam nomina sacra, vt nomen, IESVS, MARIA, scilicet, propter id quod repræsentant. Declarat id Makowski l. c. q. 6. a. 1. & patet ex D. Paulo ad Philipp. 2. in nomine IESV omne genu flectatur.

Dico 5. Per signa externa non sumitur differentia inter adorationes. Nam omnis submissio externa est indifferens, potestq; tam Deo, quam creaturis exhiberi, v. g. genuflexio, toriulq; corporis prostratio, etiam hominibus exhibentur. Quare à sola intentione pender, quòd per talia signa externa, hæc vel illa honoris species deferatur. Si enim externâ illâ submissione intendas te alteri submittere tanquam Deo, & testari eius diuinitatem, est cultus latriæ, si vt Sancto. Dulciæ, si vt viro potenti, obseruantia politica. Makowski l. c. q. 2.

## DISTINCTIO VI.

*De cultu virorum illustriū, qui nec canonizati nec beatificati.*

**N**Ota ex Makouio l. c. q. 6. Cultus alius est publicus, alius priuatus. Publicus est, qui nomine Ecclesiæ fit, & ab ea determinatus, vt officium Diuinū Missa, & alia quæ pro Sanctis canonizatis ac beatificatis sunt determinata. Priuatus verò qui exhibetur, non tanquam institutus ab Ecclesia, nec fit nomine Ecclesiæ, sed ex deuotione colentis, licet cum alijs fiat & publicè.

Dico 1. Viri cum signis sanctitatis mortui, nec dum canonizati vel beatificati, possunt coli cultu priuato, secluso populi scandalo. Vocari in priuatis colloquijs sancti, & in nostrum auxilium, vt pro nobis apud Deum intercedant, inuocari. Omnes hæ partes probantur à Makouio l. c. q. 5. a. 1.

Dico 2. Licitum est imagines non canonizatorum, nec beatificatorum, sanctitate insignium depictas, in domibus priuatis adorare, ossa osculari, vastium particulas retinere. Samuel de Lub. p. 1, Casuum, V. Adoratio, sed an liceat tali-  
um imagi-



um imagines in Ecclesia cum respectu ad cultum, & non solius ornatûs causâ, reponere? negat Sam. de Lub. affirmat Makouius cum Molfesio, allegans frequentem vsum plurimarum Ecclesiarum. quod intellige de repositione ad latos altaris. Hoc certum est, talium imagines non posse poni cum diademate, cum radijs, vel aliquo signo sanctitatem præferente. Id enim S. Congregatio confirmante Urbano VIII. prohibuit. Regularibus sub pœna priuationis officij, vocis actûz & passûz, ac suspensionis à diuinis. Clericis læcularibus etiam sub pœna suspensionis ab officio, & Sacramentorum administratione, alijsque pœnis arbitrarijs Ordinariorum aut Inquisitorum.

Dico 3. Ad sepulchra & imagines non canonizatorû nec beatificatorum Sanctorum, non possunt affigi tabellæ & alia dona sanctitatis, aliarumq; gratiarum receptarum indicia, in gratiam facti, sine recognitione Ordinarij & approbatione Sedis Apostolicæ. Ita vetuit Urbanus VIII. apud Lezanam. tomo. 1. q. 9. Regul. C. 12. voluit tamen tales tabellas, cum attestationibus conscriptorum & approbatione Ordinarij in loco extra Ecclesiam reponi.

Dico 4. Non licet Episcopo in honorem Sancti, nec Canonizati vel beatificati festum publicum aut ieiunium instituire; neque vt Missa de tali dicatur. Samuel l. c. cum Bonac & alijs. Quia hic cultus censetur publicus.

Dico 5. In die anniversario obiitûs præfati Sancti, non licet in memoriam eius Missam solemnem de SS. Trinitate aut de B. M. V. aut de alijs Sanctis cantare, & concionem de virtutibus habere. Ita Contelorius à Makouio relatus, citans determinationem Urbani VIII. Quia similes solemnitates sapiunt cultum publicum & sunt quædam protestationes publicæ sanctitatis. Licet tamen in memoriam sancti nec canonizati vel beatificati, etiam toti communitati proprio more ab operibus seruilibus abstinere, ieiunare, panegyri extra Ecclesiam celebrare, & similia. quæ nomine proprio & non Ecclesiæ censetur fieri.

## DISTINCTIO VII.

### De Blasphemia.

**P**ost considerationem virtutum quibus colitur Deus, agendû de peccatis oppositis, & primò occurrit de blasphemia, quæ licet, vt est simplex, opponatur religioni, vt tamen includit errorem contra fidem, opponitur confessioni fidei, & est hæreticalis, quod ei magis conuenit, si considerentur modi, quibus fit, mox recensendû.

Nota. Blasphemia ex S. Th. 2. 2. q. 13. a. 1. *Est derogatio excellentiæ bonitatis, præcipuè diuinæ.* Fit quatuor modis. 1. quando Deo aliquid attribuitur, quod ei non conuenit. 2. quando remouetur, quod conuenit. 3. quando proprium Deo creaturæ tribuitur. 4. quando remouetur à Sanctis, quod eis conuenit, vel attribuitur conuertiendo quod non conuenit. Samuel de Lub. 2. p. Casuum. V. Blasphemia. Ex quo patet Blasphemiam sic etiam posse definiri. *Est maledictio contra Deum & Sanctos.* Est p. m. ex genere suo.

Dico

Dico 1. Hæc blasphemia, Deus non recordatur mei &c. est hæreticalis. Unde proferens excommunicatur in Bulla Cœnæ Domini, si sic verè sentit, sicut profert, aliàs non, si solùm ex perverso voluntatis affectu proferat. Rudes tamen proferendo dictam blasphemiam vel similes, & sic sentientes sicut profert, licet mortaliter peccent, non sunt excommunicati, eò quòd communiter excommunicatione annexam ignorent. Ignorans enim excommunicatione, non subiacet excommunicationi, ut docetur in tractu de censuris. Et tales, quantum ad pœnas Ecclesiæ, tantùm materialiter sunt hæretici.

Dico 2. Non est blasphemia hæreticalis vocare amasiam Deum aut idolum, immo nulla videtur. cum hæc non dicantur in sensu proprio, sed hyperbolico. Mendoza. Sicut & hæc locutio non est blasphemia, hoc est verum, sicut, est Deus veritas, si dictio *sicut* dicat tantùm proportionē, ita ut intendas, quòd sicut Deus est veritas, quòd tu dicis, suo modo sit etiam veritas. Secus, si dictio *sicut* dicat æqualitatem, ita quòd velis tuam veritatem adæquare veritati divinæ.

Dico 3. Sola inadvertentia, in proferendis blasphemijs, excusat à mortali. Armilla V. blasphemia & de la C: in præsentia. Consuetudo, per pœnitentiam non reuocata, à mortali non excusat. Quàmvis enim sic prolata blasphemiam non sit voluntaria in se, est tamen volūtaria in causa, scilicet, in consuetudine nō abjecta.

Dico 4. Quando aliquis non seriò neq; ex indignatione contra Deum, neq; animo derogandi supremo numini, sed ioco aut sine alio, puta ad docendum ut Magistri exempla proponentes, & ad Divina applicantes faciunt, aliquid falsi de Deo dicit, non blasphemar. Samuel de Lub. cum Sā. Qui etiam ex indignatione contra hominem, nominat, vulnera Christi, septem Sacramenta &c. non blasphemar, graviter tamen venialiter peccat, colligo ex Caiet: apud Arn. Quia tamen facile ex conscientia erronea putare potest esse mortale, interrogetur an putaverit mortale.

## DISTINCTIO VIII.

### De Superstitione,

**V**irtuti religionis opponitur superstitio, tentatio Dei, sacrilegium, periurium & simonia. his adde blasphemiam simplicem, de qua iam egi de superstitione, tentatione Dei & sacrilegio mox aliqua dicam, periurium supra secundū præceptum, simonia verò supra septimum. explicabuntur.

Nota. Superstitio est *cultus vitiosus, quo aut colitur creatura a cultu Divino, aut Deus modo indebito.* Makowski super Decal. t. 1. d. 1. q. 1. a. 1. Superstitionis species hæc à S. Th. 22. q. 92. a. 2. numerantur. in debitus veri Dei cultus, idololatria, divinatio, ac vana observantia. Quid sit indebitus veri Dei cultus patet. *Idololatria, est cultus, quo divinus honor creaturae tribuitur tanquam Deo.* Divinatio, est *inordinata futuri vel etiam occulti manifestatio.* Vana observatio est *usus medicorum inutilium ad præstandum vel omittendum aliquid.* v. g. dum lufosores mutant locum



locum ut malum fortunam euitent. Magia superstitiosa revocatur partim ad diuinationem, si futura vel occulta dæmonis ope manifestantur, partim ad vanam observationem, si mira & insolita iuvante dæmone fiunt. Sic definitur potest. est *ratio quædam ope dæmonis, aut occulta manifestandi, aut insolita operandi*. Plura apud DD. vid. antur de noticia superstitionum. nobis hæc sufficiant. Porro quia noticia sortis necessaria, nota etiam. quod fors dicatur, dum aliquid fit ab homine, ut considerato eius euentu occultum innotescat, fit autem per schedulas extractas, vel per iactum taxillorum &c. dividitur in divisoriam, consultoriam & diuinatoriam, divisoria est, si quærat judicio sortium, quid sit alicui exhibendum. consultoria, si quærat, quid agere oporteat, diuinatoria, si quærat quid sit futurum, vel etiam si quæratur noticia præteriti v. g. furti facti.

Dico 1. Peccatur peccato superstitionis, non solum colendo Deum cultu pernicioso, v. g. ritu judæorum, Turcarum &c. sed etiam superfluo non servando rubricas, ut si Missa celebranda cum vno acolitho & ponuntur duo. Armilla V superstitionis. sed in hoc secundo non ita incurritur mortale.

Dico 2. Superstitiosus est venialiter, judicans somnia significare aliquem euentum. Arm. V. somnia. Mortale tamen est uti notabiliter somnijs, tanquam regulæ suarum actionum, Arm. & alij. Quia sic immiscetur tacita cum dæmone societas.

Dico 3. Ut fors divisoria sit licita, hæc sunt observanda, 1. ut prudenter & sine irreverentia fiat 2. sine periculo communis boni & justitiæ. Quod fieret si sorte eligerentur homines indifferenter ad regimen civitatis, quoniam fors cadere posset super indignos. Secus si electis prius quibusdam idoneis, de vno eorum datur fors pro pace servanda. Quando ergo homines non possunt concordari, ut in divisione rerum, hoc modo servato licet uti sortibus. Arm. V. Sors adde tertiam conditionem, sortem divisoriam non habere locum in electionibus Ecclesiasticis, ut constat ex cap. Ecclesia de sortilegijs. Sors divisoria plerumque est licita, cum sit quædam conventio, ut cui fors evenerit, illius res sit.

Ut verò fors consultoria liceat hæc observanda. 1. Requiritur articulus necessitatis, ut aliter viâ humanâ nequeat fieri, alias esset tentatio Dei. 2. Cum reverentia & fassis ad Deum precibus. 3. Ne fiat pro re aliqua vana, qualis non est, dum constitutus in bivio, & alio remedio carens, utitur sorte consultoria. 4. Ne fiat in electionibus spiritualibus. V. Makowski t. super decal. d. 2. q. 6. a. 1.

Pro sorte divinatoria conditiones non ponuntur. Cum à Theologis, communiter illicita, judicetur.

Dico 4. Consuetudo, quâ jumentis vena aperitur, die alicui sancto dedicata, est superstitiosa. Nulla enim causa naturalis huius rei esse potest. Neque supernaturalis, quæ aut in Sacra Scriptura tradatur aut ab Ecclesia doceatur. Et præterea diabolicum inventum est, ut homines à cultu Dei retrahantur. Idem dic de collectione herbarum tali festo aut vigilia. Et de observatione temporum, de qua superstitiosi extant versus, *clara dies Pauli &c* Moysenensis in Exim. approbat: 14. q. 4. Bonac. excusat à peccato taliter aperientes venam & colligentes herbas,

bas, si id faciant à Sancto expectando auxilium. addit tamen talem consuetudinem tollendam, cum Sancti indebite sic colantur.

**Dico 5.** Vti remedijs vanis ad tollendam fascinationem, v. g. lavare faciem aqua fluvii cum quibusdam observationibus, est superstitio vanæ observationis, & sic peccaminosa. Quare in casu confugiendum ad media naturalia per medicos, & supernaturalia per orationes, vsum Sacramentorum vel aquæ benedictæ. Patienter autem toleranda crux à Deo immisſa, immo etiam mors, si Deo non placuerit per dicta remedia sanitatem restituere, & non recurrendum ad dæmonis præſidia. poterit ille restituere sanitatem applicando occultas naturales virtutes, sed cum periculo damnationis. Moscicensi l. c. q. 1.

Scias fascinationem importare quoddam nocumentum, quod distant in inferum, v. g. aspectu, voce &c. Cujus fundamentum (si de naturali loquamur) corruptio humorum in homine proveniens ex annositate, morbo, cibis nocivis. Quæ corruptio prodit in oculos, os atq; nares emissa ergo ex ore per halitum, ex oculis & naribus per evaporationem, inficit aërem vicinum, qui infectus se insinuat in oculos pueri, quæ est pars tenerrima. & attrahitur ore pueri oscitantis, inde ad alias corporis partes diffunditur, unde puer infirmatur & vomitum patitur.

Quæritur, ex quibus colligitur implicitum cum dæmone pactum. & sic implicita dæmonis invocatio? R. ex sequentibus & similibus 1. quando ad habendum effectum naturalem adhibentur signa vel verba, ex se talem non causantia. 2. Quando adhibetur conditio vana tanquam necessaria, v. g. verba scripta manu sinistra &c. 3. Si imago imprimatur in lapide sub tali vel tali signo &c. artificialia enim quæ talia non fortiuntur virtutem aliquam ex impressione virtutum cælestium. 4. Dum adhibentur nomina omnino incognita, vel nescitur ad quid pertineant. 5. Dum per media naturalia intenditur effectus excedens virtutem naturalem, v. g. sanare statim hominem tunc enim dæmon penetrans virtutem herbarum &c. nobis non videntibus applicat activa passivis, & mox sanat. 6. Dum quæritur effectus vanus ex verbis sacris, v. g. ex versiculo psalmi, motio annuli. Deus enim non operatur ad hujusmodi vana, sed dæmon gaudens honorari facris. Dum adhibentur falsa, v. g. quod Christus D. habuerit febres. apocripha &c. Nam hæc & similia ad consequendum talem vel talem effectum, nec sunt ordinata ex beneplacito Dei, nec ex se & sua natura, consequenter ordinantur à dæmone & ad eum referuntur, quare saltem implicitum includunt pactum. Et est mirabile Christum D. qui tantam dedit virtutem Apostolis ad miracula faciendam, hæc secreta eis non revelaverit, quibus vetulæ uruntur Excusatur putans in his nullum esse cum dæmone pactum dum de veritate non monetur, nam post monitionem non excusatur, cum cesset bona fides. Cajetanus.

**Q. 2** Quid Confessario agendum cum saga? R. quærat an pactum & gesta per eam facta fuerint hæretica. Si sic remittatur ad habentem facultatem ab hæresi. Si tamen pactum & gesta tantum essent hæretica materialiter absolvar, secundum ea quæ solent doceri in tr. de Cens. Tunc autem gesta per sagam, quantum



quantū, ad propositū, sunt tantū hæretica materialiter, dum ignoratur excommuni-  
nicatio gestis annexa, licet alias fiant cū pertinacia & error agnoscat. Hoc enim  
ipso quod excommunicatio ignoretur, non incurritur, & sic hæresis in tali casu  
non reservatur cum ratione excommunicationis, sicut & alij Papales, reserve-  
tur. Quare Canonice solum est materialis licet Theologicè formalis.

## DISTINCTIO IX.

## De Tentatione Dei.

**N**Ota, Tentatio Dei est dictum vel factum capiens experimentum de aliqua per-  
fectione Dei v. g. utrum Deus sit potens. utrum velit misereri. Est duplex  
formalis seu expressa, & materialis seu implicita. Formalis est dum fit aut dicitur  
hac intentione aliquid ut experimentum capiatur perfectionis Dei. Materialis  
est, dum non adest voluntas capiendi experimentum perfectionis Dei, fit tamen  
aliquid ex se ordinatum ad tale experimentum.

Dico 1. Tentatio Dei formalis sine necessitate vel utilitate est p. m. Quia fit  
irreverentia excellentiæ Dei, dum dubitatur de illa, vel saltem proceditur ut cum  
sibi simili. Dixi, *formalis* nam materialis non est p. m. nisi pro gravitate casus v.  
g. si in morbo periculoso media naturalia habeas & omitras, sperans temerè. à so-  
lo Deo effectum. Dixi etiam, *sine necessitate* &c. Nam stante necessitate licet pe-  
tere à Deo, ut per bona media, ostendat tibi suam voluntatem.

Dico 2. Tentatur Deus faciendo pactum, ut prius moriens superstiri appa-  
reat. Quia queritur modo extraordinario experimentum providentiæ Dei. Et  
tales se exponunt periculo illusionis diabolicæ incertum enim an anima, an dæ-  
mon appareat. Hæc curiositas pro varietate circumstantiarum, aliquando morta-  
lis, aliquando venialis. Mosc: in Examine Appr. tit. 14. q. 2.

Dico 3. Tentatur Deus provocando proximum ad Divinū iudicium. Quia  
queritur iustitia modo extraordinario. Aliquando tamen hoc licet, servatis non-  
nullis conditionibus. 1. Si non sit qui iustitiam administret. 2. Si non fiat ex pra-  
vo affectu. 3. Si sit in materia magni momenti, v. g. ut innocentia appareat, fa-  
milia non gravetur infamia, ut liberetur mundus a tali Tyranno, vel ut is resi-  
piscat. Mosc: lib. c. q. 7.

## DISTINCTIO X.

## De Sacrilegio.

**D**ICO 1. Sacrilegium est *violatio rei sacre* nomine *rei sacre* intelligitur omne  
illud, quod ordinatur ad divinum cultum, & efficitur quasi divinum, cui pro-  
inde aliqua debetur reverentia, quæ refertur in Deum. *Violatio* accipitur pro omni  
irreverentia. Samuel de Luo. V. Sacrilegium. ut committatur sacrilegium debet  
res violari in eo in quo est sanctificata. Sic qui fornicatur in agro Ecclesiæ non est  
sacrilegus. Secus qui hunc onerat iurisdictione sæculari. G 2 Dico

Dico 2. Sacrilegium ex D. Thoma 2. 2. q. 99 a. 3. est triplex, personale locale & reale. Personale. *quo fit iniuria persone sacra.* ut si Clericus percutiatur vel à seculari iudice puniatur. Item si contra votum personale castitatis, vel abstinentiæ excedatur &c. *Locale quo fit iniuria loco sacro.* ut si de loco sacro reus extrahatur. Sequentes tamen non gaudent immunitate Ecclesiastica. Hæreticus formaliter sumptus, hoc est ob hæresim puniendus. Nam in aliis gaudet. 2. Homicida & mutilator in loco sacro. 3. Homicida proditor us. V. dicenda in 2. d. 66 conc. 10. 4. Assassinio peccans. Assassinium dicitur, cum quis aliquem conducit ad occidendum, aut conductus mercedem aliquem occidit. 5. Crimine læsæ Majestatis obnoxius. 6. Latro publicus, & grassator viarum. 7. Depulorator agrorum. Item locale sacrilegiū, si locus sacer violetur. In quibus autē casibus id fiat, trado de sacrificio Missæ. Si negotiationes, stabulationes, &c. sunt in Ecclesia, Si res de Ecclesia, etiam tantum depositæ, extrahantur &c. Reale sacrilegium est, quo fit iniuria rei sacrae, v. g. Sacramentis, vasis sacris, reliquiis & imaginibus SS. Sacrae Scripturae, v. g. abutendo ea in materia turpi, à fortiori hæretica. Item si fiat iniuria juribus & rebus Ecclesiæ, siue illæ sint mobiles siue immobiles. Et sic suppressores piorum legum, decimas non reddentes, milites bona Ecclesiarum & Monasteriorum molestantes, sunt sacrilegi. V. Samuelem de Lub. v. sacrilegium.

### *Circa secundum præceptum.*

**H**oc præcepto prohibetur omnis in ordinata nominis Dei usurpacio, ut temerè jurando, adjurando vovendo & non servando, item blasphemando. sed de blasphemia jam supra egi.

## D I S T I N C T I O X I.

### *De Iuramento.*

**N**ota. Iuramentum est *veritas divino testimonio confirmata* hinc jurare est Deum in testimonium alicujus veritatis adducere, ut verè iures (ait de la Grux) non est necessarium scire, Deum in testem per iuramentum adduci, sed satis est, si intendas facere, quod alii faciunt.

Nota 2. ut iuramentum debito modo fiat, tres conditiones necessariae, scilicet, veritas, iustitia & necessitas. Veritas consistit in hoc quod res ita se habeat, vel saltem ita putatur, ut juratur. necessitas quando agitur de propria aut proximi fama &c. iustitia. quod res jurata non sit contra legem Dei.

Nota 3. Iuramentum est quadruplex, assertorium promissorium. comminatorium, & execratorium. assertorium est *assertio Divino testimonio confirmata.* v. g. juro, quod eleemosynam dederim. comminatorium est *comminatio Divino testimonio confirmata.* v. g. juro, percutiam Petrum promissorium, est *promissio Divino testimonio confirmata.* v. g. juro, dabo eleemosynam, execratorium est *execratio Divino testimonio confirmata.* v. g. Deus me damnet, si mentior.

Nota:



Nota 4. Iuramentum promissorium dividitur, in absolutum, conditionatū, pœnale, reale, personale, mixtum ex reali & personali. Absolutum, iuro, hoc vel illud faciam. conditionatum, iuro, ingrediar religionem, si convaluero. Pœnale, iuro, si silentium fregero, jejunabo tribus diebus. Reale, iuro, dabo hospitali eleēmofynam. Personale, iuro, per annum hospitali inserviam. Mixtum ex reali & personali iuro, dabo eleēmofynā hospitali, & per annū eidē inserviam.

Dico 1. Iurare sine veritate est p. m. quia grandis irreverētia, adducere Deū in testem in re falsa. Etiam si tale iuramentū sit in re parva ut est mens Innoc. XI. sequentem damnantis *Vocare Deum in testem mendacij levis, non est tanta irreverentia, propter quam velit aut possit damnare hominem.* Addit Fernandez in præfenti, si in re parva sine veritate juratur, magis peccatur, ob maiorem irreverentiam, iurare autem sine necessitate, suppositis aliis conditionibus veniale est.

Dico 2. Iurare sine iustitia id est contra legem Dei, est p. m. in re gravi, in levi p. veniale. Fern. & alii, Si tamen in re venialiter iniqua, non esset intentio se obligandi, esset mortale dela Cruz. cū sic deficeret veritas.

Dico 3. Si res iuramento promissa est parva, etsi sit totalis materia iuramenti, obligat tantū sub p. v. D. Antoninus, Sylvester, Soto, Ledesma, apud dela Cruz. Et sic mater jurans punire puerum, quando non multū expedit, si omittat, non peccat mortaliter. Sic etiam iuramenta Aulicorum, qui ad ingressum domūs, jurans se non primos ingressuros, non inducunt p. m. licet non impleantur.

Dico 4. Jurans latroni minanti mortem, dare centum, tenetur implere si non relaxatur. ita decernitur C. debitores & C. si verò de jure jurando. Sed impleto tali iuramento potes repetere datum. Immo etsi jurasses non denuntiare, potes denuntiare. cū hoc jurare sit illicitum. vergit enim contra iustitiam publicam. D. Th. 2. 2. q. 89 a. 7.

Dico 5. Jurans sine animo jurandi peccat. Oppositum damnat Innoc. XI. damnando sequentem. *Cam causa licitum est jurare sine animo jurandi, siue res sit levis, siue gravis.* Hæc fictio si cadat supra rem falsam est p. m. Fern. in præfenti ex Caiet. & Soto. quia gravis sit Deo injuria asserre eius testimonium, quam fictio, ad rem falsam comprobandā Si supra rem veram (intellige extra iudicium) est p. veniale Idem Fern. ex Soto. & Aragonio. Sed an jurans sine animo jurandi teneatur implere? negat Sylv. & Soto nisi adsit scandalum & damnum tertij. Quare si Virgini fictē jurasti nuptias, ut eā potiaris, teneris implere, ut patet ex S. Th. 2. 2. q. 89. a. 7. ad 4. Qui etiam jurat cum animo quidem jurandi, sed se non obligandi, peccat mortaliter, etsi coactus juret. Quia mendaciter jurat. Cū obligatio sit annexa iuramento. Non tamen implere tenetur secundū Armillā, Ochagaviā & alios. contra dela C. nisi adsit scandalum & damnum tertij.

Dico 6. Iuramentum falsum procedens ex mala consuetudine, etsi inadvertenter fiat, est p. m. in eo, qui per actum contrarium talē consuetudinem non retractavit. Caiet. Victoria, Ledesma, quos sequitur dela C. Licet enim tale iuramen-

tum non sit volitum in se, est tamen volitum in consuetudine. sicut peccata ab ebrío prævise, sunt volita in ebrietate. Si malam consuetudinem retractasti, & iuras inadvertenter falsum, non peccas. Quare talibus datur à Confessario consilium, de retractanda sæpè, prava consuetudine. Si etiam ex motu naturali falsum iuras, excusaris. Soro, tale enim iuramentum non est volitum ratione consuetudinis, cum hæc in tali casu se solum habeat per accidens.

Dico 7. Qui habet consuetudinem iurandi indifferenter verum, vel falsum, nec conatur talem consuetudinem evellere quamvis ex tali consuetudine juret verum, non excusatur à mortali. dela Cruz. cum Led. & Soro. Cum ex tali consuetudine sit in proximo periculo iurandi falsum.

Dico 8. Habens consuetudinem mortaliter iurandi, per se loquendo, potest absolvi, si habeat firmum propositum. tum quia hæc occasio non est extrinseca. tum quia hæc occasio interruptitur per propositum. Ratione tamen scandali neganda absolutio. Item quoties saluti penitentis expedire judicaverit Confessarius. Bonac. quoad omnes partes. Supra 2. præc. q. 1. punc. 13. Expediit autem ad emendationem, si ter vel quater admonitus fuit, & nihil curavit. nisi forsitan scandalum adsit, aut alia causa, ob quam absolvi debeat à peccatis. Makovius super Decal. t. 2. d. 1. q. 7. a. 2.

Q. V. consuetudo iurandi venialiter, v. g. sine necessitate, sit mortalis? Rdet Bonac. l. c. ex Led. & aliis contra Clavem Regiam, negativè

Dico 9. Iudex potest, immo tenetur, ad instantiam partis petere iuramentum ab eo quem scit falsò iuraturum. Persona verò privata peccat mortaliter petendo tale iuramentum, etiam per iudicem. dela C. ex S. Th. 2. 2. q. 98. a. 4. quoad utramq; partem. Christiani etiam principes tunc conscientia recipere possunt iuramenta ab infidelibus iuxta ritum eorum, ut cum jurant per falsos Deos &c. Samuel de Lub. V. iuram: ex S. Th. An verò iudex nullo instigante possit petere iuramentum ab eo quem scit falsò iuraturum? iudico quòd non, & colligo ex S. Th. l. c. in fine Corp. articuli.

Dico 10. Hæc verba. In bona fide, in mea conscientia, in mea anima, non sunt iuramenta. Sensus enim est, iuro in fide boni Viri, id est loquor, ut decet bonum virum. Iuro in mea conscientia, id est loquor quod scio conforme meæ conscientia &c. Immo nec hæc, iuro per meam conscientiam, per meam animam, per meam fidem, non intelligendo fidem theologicam ut benè advertit Arm. V. jur. sunt iuramenta. Idem enim sonat quod priora verba. Nisi Deum invocare intendas. Idem docent aliqui de his. Deus novit testor coram Deo, testificabitur Deus. Quia sunt tantum quædam narrationes, ad iuramentum autem requiritur invocatio divini numinis, saltem implicita. Et sic si hæc sumis invocativè, iuras.

Dico 11. Licet iurare per creaturas, quatenus in creaturis repræsentatur Deus, v. g. dicendo; iuro per cælum. sic enim implicitè invocatur Deus. Dixi, in quantum in eis repræsentatur Deus. Nam iurare per creaturas, adducendo eas, ut testes



testes ex se infallibiles, est blasphemum. iurare verò per creaturas sine respectu ad Deum, nec adducendo eas ut testes ex se infallibiles, sed tales, quales sunt, nec est verè iuramentum. nec peccatum.

## Q V Æ S I T V M

## V. Liceat iurare cum restrictione mentis?

**R**esponderetur resolutionem huius pendere ex his, quæ docet P. Gonet in Manuali Thomistarum de Fide. C. 2. §. 3. edito Bononiæ 1681. & sic post notitiam sententiarum ab Innoc. XI. damnatarum, ubi sic ait Non licet uti amphibologiâ seu æquivocatione formali, benè tamen materiali cum illa sit quædam species mendacii non verò ista. Amphibologia enim seu æquivocatio formalis est, quando non adsunt aliquæ circumstantiæ, ex quibus audiens devenire possit in cognitionem significationis, vel sensûs verborum à loquente intenti. Materialis verò quando adsunt aliquæ circumstantiæ, quæ faciliè manifestare possint, in quem tentum vox, vel propositio amphibologica usurpatur à dicente, ita ut vir prudens faciliè hoc possit agnoscere, licet audiens ob negligentiam considerationis circumstantiarum illarum, mentem loquentis non intelligat. Hæc amphibologia seu æquivocatione usus est Christus, cum rogantibus consanguineis ut ascenderet in templum, respondit, *ego non ascendam* Ioan. 7. cum tamen postea ascenderit. Ex circumstantia enim petitionis eorum, quæ consistebat in hoc, quod palam ascenderet in templum, ut in eo manifestaret se mundo, poterant si attendissent sufficienter intelligere, in eodem sensu Christum respondisse, se non ascensurum nisi palam & publicè, sed tantum in occulto. Hæc citatus Doctor.

## D I S T I N C T I O XII.

*Quæ tollunt obligationem iuramenti promissorii?*

**N**ota. Obligatio iuramenti promissorii quinque modis tolli potest, scilicet, per relaxationem (in voto autem dicitur irritatio) per dispensationem, commutationem, interpretationem, & cessationem. Relaxatio vel irritatio, est annullatio facta ab illo, qui potestate dominatidâ gaudet. Dispensatio, est annullatio cum causa, ab habente iurisdictionem Ecclesiasticam in foro exteriori, vel ab habente privilegium. Quæ iurdictio etiam requiritur, dum fit commutatio in minus bonum. cum sic in parte dispensetur. Commutatio, est mutatio unius materiæ in aliam. Interpretatio, est explicatio, quâ iudicatur iuramentum hic & nunc non obligare. Cessatio est, quando tollitur seu deficit materia, supra quam factum fuit iuramentum. Et hæc possunt applicari voto.

Dico 1. Pater relaxat iuramenta filiorum, Vir Vxoris, circa ea, quæ eius potestati subduntur, S. Th. 2. 2. q. 89. a. 9. Idem valet dominus temporalis cum suis subditis, circa quæ sunt subditi patet ex S. Thoma 1. c. universaliter enim loquitur.

Dico

Dico 2. Qui habet potestatem delegatam irritandi, dispensandi, commutandi vota, potest etiam iuramenta votiva. Quia arctius est vinculum voti, & privilegia infavorem animarum amplianda. Diana p. 3. tr. 5. resol. 25. cum Tannero. Sunt autem iuramenta votiva, quæ fiunt intuitu colendi Deum. Extendi potest probabiliter conclusio ad iuramenta annexa votis. Bonac. cum aliis, supra 2. Decalogi præc. q. 1. punc. 17. Item ad iuramenta votiva, mediata ordinata in commodum alterius, ut est iuramentum dandi elemosynam Vigur: tr. 8. c. 8. dub. 20. & alii. Iuramenta verò facta, immediatè & specialiter in favorem tertii, ab hoc solo relaxantur & commutantur, aut ab habente super hunc, aut supra iurantem, aut supra rem iuratam, potestatem, relaxantur inquam saltem indirectè, condonando rem promissam. dela C. in præsentia & alii. Vnde licet habeatur facultas circa vota, non ex eo habetur facultas circa iuramenta, in favorem tertii specialiter facta, & acceptata. Dixi *acceptata*, siquidem ante acceptationem nullum ius acquiritur, ut advertit Makovius, tr. 2. super Decal. d. 1. q. 9. a. 1. & alii.

Dico 3. In iuramentis absolutis, perpetuæ castitatis, religionis, peregrinationis Romanæ, Hierosolymitanæ ac Compostellanæ dispensat Episcopus, dela C. & Ledesma, contra Caiet. & alios, colligitur ex S. Th. l. c. ad 3. Ratio. Quia hæc potestas non est ablata ab Episcopis à lege, vel consuetudine, sicut ablata est potestas ab Episcopis circa vota absoluta castitatis perpetuæ &c. Et sic dum tempore Iubilæi conceditur facultas dispensandi in iuramentis, non est ratio cur hæc excipiantur.

## DISTINCTIO XIII.

### De Adiuratione.

**N**Ota. Adiuratio secundum S. Antonium est *inductio alicuius personæ vel creature ad aliquid faciendum vel non faciendum ex invocatione rei sacræ*. Duplex est, quædam imperativa, quæ utimur ad subditos. Quædam deprecativa, quæ utimur ad Deum, Sanctos &c. ut patet ex usu Ecclesiæ, quæ orationibus, talem finem imponit, per Dominum nostrum Iesum.

Dico 1. Adiuratio facta modo debito est licita & meritoria. Deficiente necessitate, item iustitia in re levi, est p. veniale. Immo deficiente veritate in re levi, secundum Bonac. & alios apud eundem l. c. punc. ultimo, est tantum veniale.

Dico 2. Adiurare Superiorem quasi cogendo, prout Cayphas Christum ad. iuravit, est pecc. mortale. Sæcus si adiuratur, quasi rogando, Samuel de Lub. p. 1. Casuum V. Adiuratio cum A. milla.

Dico 3. Adiurare demones per modum deprecationis non licet, quia talis modus ad amicitiam pertinet. Adiurare per modum compulsionis, quandoq; licet, ne nobis noceant &c. quandoq; non licet v. g. ad sciendum aliquid ab eis, obtinendam sanitatem, fugandas grandines &c. hoc enim esset beneficium expectare & societatem habere. Bonac. l. c. & sic esset p. mortale.

Dico



Dico 4. Volens dæmonem expellere & adiurans eum, circa eā quæ ad expulsiōem nihil faciunt. v. g. quid senserit Philosophus de immortalitate animæ, si hoc ex levitate faciat, & non ut à dæmone addiscat, non peccat mortaliter, quia sic non intendit eum eo aliquam amicitiam. Arm. cum Sylu. hoc tamen non faciendum, ne sic alii credant.

Dico 5. Adiurare creaturas irracionales secundum se sumptas non licet, quia vanum & inutile. In ordine tamen ad eum à quo moventur, licet, vel per modum deprecationis ad Deum directæ, vel per modum compulsiōis, quæ refertur ad dæmonem, qui in damnum hominum vitur creaturis irrationalibus.

## DISTINCTIO XIV.

### De Voto.

**N**ota 1. Votum est *Promissio facta Deo de his, quæ ei magis placent*. Licet vota fiant Sanctis, hoc tamen fit propter Deum, qui in Sanctis colitur. Quatuor habet conditiones. ut sit circa materiam bonam, possibilem, liberam voventi, & suo contrario meliorem. hinc votum nubendi non tenet. Quia matrimonium impedit maius bonum, scilicet, calibatum. Est tamen validum, si ob proclivitatem ad Venerem, calibatus esset moraliter impossibilis. Caiet.

**Nota 2.** Sicut supra in notando quarto divisimus iuramentum, ita potest dividi votum. Præterquam divisionem, dividitur in solemne & simplex. Simplex est *nuda promissio facta Deo de meliori bono*. Solemne est, *quod præter promissionem factam Deo de meliori bono tradit hominem Deo irrevocabiliter*. Irrevocabiliter inquam, vel ex statuto Ecclesiæ, ut votum annexum majoribus Ordinibus. Et propterea hoc, ut docet Ledesma apud de la Cruz super 2. præc. a. de voto. d. 8. ex natura sua est simplex, & solemne accidentaliter ex statuto Ecclesiæ. Vel tradit irrevocabiliter Deo, ex jure naturali & Divino, ut votum, quod communiter faciunt religiosi. Et propterea in hoc voto nequit dispensare summus Pontifex, ut docet S. Th. 2. 2. q. 88. a. 1. Nec obstat quod legatur Summum Pontificem cum aliquibus dispensasse. nam ut ait M. Soto l. 7. de iustitia & jure q. 4. a. 2. Summus Pontifex secutus sententiam probabilem, vota Religiosorum esse dispensabilia, stante tamen causâ gravissima. Scias, dici posse irrevocabile, quod nonnisi in casu extraordinario, per dispensationem, vel aliâ viâ tollitur.

**Dico 1.** Tanta debet esse mentis deliberatio, ut valeat votum, quæ sufficit ad p. mortale. Nec tamen ad valorem voti necessarium est, omnes omnino difficultates expendere, quæ vovens postea in voto expeditur perpeffu difficiles, quas si antea cogitasset non vovisset aliâs vix daretur votum validum. cum vix inveniantur vovens, qui non expeditur in executione voti difficultates. Non etiam requiritur, ut vovens sit liber ab omni iracundiæ vel concupiscentiæ passione, vel etiam levitate. quando passio non est tanta, item levitas, ut rationis vsum ad p. mortale sufficientem tollat, Fernand. quoad omnes partes 1. p. C. 6. s. 1. Secunda

cunda conclusionis pars non obstat. Si voveretur aliquid cum ignorantia circumstantiæ gravissimæ, quam si quis sciret meritò non voveret, non tenetur votum implere. dela Cruz l. c. cum Torre. Quare qui vovit ire Ierosolymam putans parum distare non obligatur voto.

Dico 2. Votum, sicut iuramentum, factum ex metu, illato ab intrinseco, v. g. ab infirmitate, vel à causa extrinseca naturali, v. g. tempestate, obligat. Et idem est, si fiat ex metu iuste illato à causa libera, v. g. si mulier deprehensa in adulterio, cogatur aliquid vovere, vel jurare. Sylu. & Medina.

Dico 3. Votum, sicut & Matrimonium, factum ex metu cadente in virum constantem, & iniuste à causa extrinseca illato, à jure, C. ad audientiam. de ijs quæ vi &c. irritatur. Non sic iuramentum præfato modo factum sed ob reverentiam supremi Numinis, implendum, modò, res iurata ex se sit licita. V. distinctionis 11mæ conclus. 4tam.

Dico 4. Votum sine animo promittendi, est nullum. In foro tamen externo (dum non constat de animo) taliter vovens cogitur servare votum, & ad id tenetur ob vitandum scandalum. Immo si voves v. g. castitatem cum animo promittendi, non tamen se obligandi, licet scias obligationem annexam promissioni, non teneris voto, ut dictum in simili de iuramento d. 11. infine conclus. 5. sed à peccato non excusaris, sic vovendo.

Dico 5. Alienum votum neminem obligat, Et sic filius à patre religioni deo votus, non tenetur vi voti religionem ingredi, nisi id ratificasset. Eodem modo si communitas aliquid vovit, posterius vi voti non obligantur. ex alio tamen capite obligari possunt. de quo judicet vir prudens in particulari. Hæc doctrina extenditur ad iuramentum, unde successores non servantur iuramentum antecessorum non sunt perjuri. Ratio horum, eo quod tales obligationes sint personales, dela Cruz in præfenti cum Ledesma.

Dico 6. Promittens jeuniū in vigilia alicujus Sancti, nō tenetur præterlapsæ vigiliæ jejunare, licet ex malitia omittat, dela Torre cum Caiet. eo quod materia talis voti sit jejunium ob festivitatem talis Sancti, quæ materia jam non extat. Adverte ex Salazar, non sic discurrendum de promittente intra annum religionis ingressum, quo elapso non cessat obligatio. quia tale tempus solum erat circumstantia ad votum abbreviandum, non ad tollendam obligationem.

Dico 7. Votum de re parva, etiamsi res parva sit totalis materia voti, v. g. de non mentiendi venialiter, obligat solum sub p. veniali. Sotus & alij, parva enim irrogatur irreverentia. Et procedit conclusio etiam de votis rerum levium ordinarum ad utilitatem proximi temporalem, ut est votum dandi quotidie pauperi grossum. Quod unde si pluries onittendo talem elemosynam devenisti ad materiam gravem, non peccasti mortaliter in singulis omissionibus, teneris tamen tunc ex virtute religionis sub p. mortali reddere illam quantitatem omissam, ait dela C. de voto d. 4 quia elemosynæ omissæ copulantur non enim ditior. Non tamen idem est de voto recitandi quotidie vnum Ave MARIA, proinde de licet



de licet omittatur quantitas pro rosario sufficiens, non est sub mortali repetenda, ut habet communis DD. eo quod omissiones non copulentur. Makovius de voto q. 6. a. 1. negat dictas omissiones eleemosynæ copulari, si sint alligatæ dici. annuit Sanchez 10. 1. lib. 1.

Dico 8. Qui posita morali diligentia nequit ferre probabile iudicium an voverit, non tenetur voto. quia in dubio melior conditio possidetis. Qui etiam posita morali diligentia, scit quidem se vovisse virginitatem, dubitat tamen ex circumstantiis an simpliciter, an coniugale, an perpetuam an ad tempus, non obligatur ad virginitatem simpliciter & perpetuam. Bonac cum alijs Hæc doctrina applicanda jeiunio & alijs materijs. In tali voto virginitatis dispensat Episcopus, dela C. cum Torre. Quia ob dubium non censetur votum castitatis simpliciter, de quo est reservatio.

Dico 9. Qui vovit religionem bonis abundantem, tenet votum, si abundantia bonorum pro causa impulsiva & non finali ingrediente votum habeatur. Ex quo intelliges votum religionis, habendo pro fine Provincialatum non valere, sicut & votum dandi eleemosynam, habendo pro fine vanam gloriam, non valet. dela C. in præsentia. Item Caiet. Nau. apud Busemb.

Dico 10. Qui vovit religionem, non tenetur adire monasteria remotissima, sed quæ arbitrio prudentis non multum distant, attentæ qualitate & possibilitate voventis. Quod si vovens habeat impedimentum temporale, faciet ut tollatur. v. g. nescit grammaticam, tenetur sub mortali addiscere, si vovendo intendit esse chorista, nisi ignoraret hanc esse necessariam & non voveret, si sciret. nec tenetur sumere habitum laicorum, si intendit ut supra.

Dico 11. Ingressus religionem ex voto, si intra annum probationis religio non placeat, vel sit aliquomodo difficilis, non tenetur voto. At si sine causa rationabili dimittit habitum, aut epellitur è religione ob defectum emendabilem adhuc tenetur voto. quia votum religionis; quantum est ex se obligat profiteri, & hæc est communis intentio voventium religionem. oppositum docent aliqui quoad utrumque casum, scilicet dimissionis & expulsionis, apud Bonac. supra 2. præc. q. 2. p. 5. nisi expresse vovisset profiteri. qui ut sit liber in conscientia à professione facienda, non sufficit minorem difficultatem experiri, sed iudicare debet religionem sibi valde difficilem. quia in hoc casu maior debet virgere ratio, quam quando non exprimit, quod velit profiteri. Oppositum quod est Reginaldi, iudicatur probabile in Summa Dianæ. Licet enim aliquis expresse voverit profiteri, hoc tamen intelligendum secundum consuetudinem Ecclesiæ concedentis annum probationis ad probandum, an religio placeat. unde ut non peccet retrocedendo non est necesse religionem experiri, & valde onerosam.

Dico 12. Qui emisso religionis voto contrahit matrimonium, peccat quidem, sed non tenetur servare castitatem, potestque petere debitum. Nam talis intendebat castitatem dependenter à religione, quare si ab hac hic & nunc liber, etiam à servanda castitate.

Dixi, *hic & nunc*. Nam securius est, quod talis mortuæ vxore teneatur ingredi

gredi religionem. Sicut qui vovit monasterium ædificare, si pauper efficitur, redditus pinguiori fortunæ tenetur monasterium ædificare. in similibus enim casibus, votum non tollitur, sed suspenditur.

Dico 13. Si vovens non raxavit tempus impletionis voti, determinetur tempus arbitrio prudentis, attentis circumstantiis. Salazar non permittit differre ad quindecim dies. Non implens votum intra debitum tempus, interrogetur, verum id alijs vicibus confessus, si sic, non absolvatur, donec impleat. & hoc conformiter ad dicenda l. 2. d. 69 conc. 3.

Dico 14. Qui centies v. g. vovit determinatam eleemosynam, si non implet, unum tantum p. mortale committit. eò quod res promissa sit una tantum. Ille verò qui promissit, se vigesies v. g. percussurum Petrum, toties. æquivalenter tamen, peccavit. Quia licet res promissa sit eadem, iniuria tamen circa eam, vigesies multiplicari voluit.

## DISTINCTIO XV.

*In quibus casibus cessat obligare votum, vel remanet firmum?*

Dico 1. Omnia filiorum vota, etiam religionis, emissa ante annos pubertatis, possunt à patre, vel in defectu huius à tutore, vel à matre, in defectu utriusque irritari. Sylvester & alij. Adde, claritatis gratiâ, ex Philippo à SS. Trin. referente communem, licet hæc vota implenda referantur ad tempus pubertatis. Quia ut innuit dela Cruz in præsentia ex S. Th. filij ante annos pubertatis jure naturæ subduntur prædictis personis. eò quod tunc careant perfecto usu rationis. Et licet tunc quandoque contingat eos habere perfectum usum rationis, hoc est per accidens ad quod lex non respicit. Scias, anni pubertatis sic taxantur, duodecim pro femina, & quatuordecim pro viro.

Dico 2. Vota personalia post annos pubertatis facta, vel saltem tunc confirmata, non possunt à parentibus irritari. cum filij tunc, quoad hæc sint proprii juris. Caiet. & alij. Dixi, *vota personalia*. nam vota realia vel etiam mixta, facta ante annum vigesimum quintum (excepto voto eundi Ierosolymam, ut habetur in O. ex multa, de voto) possunt irritari à parentibus vel tutoribus, ut habet communis. Quia toto illo tempore subiicitur filius parentibus vel tutoribus in administratione temporalium. Nisi ut advertunt DD. filius sit emancipatus aut habeat bona castrensia. Dicuntur bona castrensia, quæ acquiruntur per bellum, advocatiam, cathedram &c. item dixi, *confirmata*. Nam vota personalia ante annos pubertatis facta, & post annos pubertatis permanentia, nec tamen confirmata, ex sententia Caiet. & Victoriz possunt à parentibus &c. irritari.

Dico 3. Omnia vota Vxoris, quæ mariti juri præiudicant, ut votum de abstinentia impediens debiri redditionem votum ingrediendi religionem, &c. votum, cuius executio familiæ gubernationi obest. ut votum peregrinandi, maritus irritare potest. Adverte. Si talia vota essent ante matrimonium emissa, quoad su-



um effectum possent suspendi à marito, non verò irritari, secundum sententiam securiorem. Vota tamen vxoris quæ non præiudicant viro, aut gubernationi familiæ v. g. de nō furando, de facienda eleemosyna ex bonis paraphernalibus, &c. vir nequit irritare. Tabiena Nau & alij Nam in his quæ juri viri non præiudicant ipsa est perfecti juris. Vxor etiam ea vota viri irritare potest quæ suo juri in corpus viri præiudicant. Es ideo irritare potest votum viri de nunquam petendo debito, quatenus sibi præ pudicitia & naturali necessitate onerosum.

Dico 4. Vota famulorum nequeunt irritare heri. Verum si famulus serviat contractu oneroso, & herus recuset eum rescindere, potest vota quæ servitio per contractum obligato obsunt pro eo tempore suspendere. comm; DD. apud Ant: Fern. 1. p C 6. § 7. Secus dicendum de irritatione votorum à mancipijs emissorū, hæc enim à Dominis irritari possunt, eo modo quo vota vxoris à marito.

Dico 5. Quamvis votum sit emissum cum licentia superioris, adhuc potest ab eo, aut successore sibi æquali & non ab inferiore irritari. Nam prælatus concedendo licentiam non abdicavit à se potestatem super actiones subditorum. Qui tamen sic datam licentiam, sine ratione reuocat mortaliter peccat, ut doceri solet, contra Suarez & Layman. sed nostra sententia procul dubio securior. Immo & ille non excusandus à mortali, qui non dedit expressam licentiam vivendi & irritat votum sine causa colligitur ex S. Th. 22 q. 88 a. 12. Et ratio. quia utitur potestate in destructionem in re gravi Circa quæ scias. Votum semel directè irritatum non reviviscere, etiamsi ille qui irritavit vellet. Tabiena & Rosella. patet ex C. Quiddam, Secus, si tantum esset suspensum.

Dico 6. Episcopus nequit irritare vota Clericorum. Nam ad irritanda vota & juramenta. requiritur potestas dominativa, quam non habet Episcopus super Clericos, cum non possit de rebus eorum disponere. Quatuor autem sunt qui gaudent potestate dominativa. Pater respectu filiorum. Dominus respectu mancipiorum Maritus respectu vxoris. Vxor respectu mariti, in illis tantum, quæ debitum maritale concernunt.

Dico 7. Episcopus in omnibus votis dispensare potest, à fortiori eadem commutare, præter votum religionis, castitatis perpetuæ, peregrinationis Compostellam, Hierusalem vel Romam. Nota, ad dispensationem requiri jurisdictionem Ecclesiasticam in foro exteriori & spiritali, quæ gaudet Pontifex in tota Ecclesia, Episcopus in suo Episcopatu &c. Qualis autoritas non requiritur in dispensante virtute privilegij, & facultate delegatâ.

Dico 8. Episcopus dispensat in voto Sacerdotij, in voto non nubendi, in voto disjunctivo, v. g. voueo Sacerdotium vel religionem, in vota vitandi molitiam in voto non petendi debitum, in voto conditionato castitatis perpetuæ, etiam conditione impletâ si apponatur conditio verè & non tantum secundum formam externam. tunc autem conditio est tantum secundum formam externam. quando particula Si æquivalet particulæ quando. v. g. voueo castitatem, si pater morietur. tale enim votum est verè absolutum. Item dispensare potest in voto

conditionato pœnali, licet conditio impleatur, sit exemplum voti conditionati pœnalis, voueo religionem si fornicatus fuero. Ita dela C. in præfenti, ſcū aliis. Et ratio. Quia hæc vota, vel non habent per ſe & neceſſario annexam caſtitatem, vel ſunt vota imperfecta. ſolū autem votum caſtitaſis perfectum cenſetur reſeruatum. quia cum reſeruatio ſit odioſa, ſtriçtè eſt explicanda.

Adde. Qui poteſt diſpenſare in voto conditionato pœnali, poteſt etiam diſpenſare in pœna, v. g. eleemoſyna promiſſa ſi luſeris. vel in aliud commutare, etſi conditio impleatur. eò quòd facultas tollendi votum ad omnia ſe extendat, dela Crux cum Torre.

Dico 9. In graui neceſſitate, ſi non pateat ad Summum Pontificem aditus, Episcopus diſpenſare poteſt in votis, alias Summo Pontifici, reſeruatis. Sylu. & alii. An verò idem poſſint Regulares virtute priuilegiorum? negat Lezana & alii. Nam Regularibus conceſſa eſt poteſtas in vota, quæ ordinariæ Episcoporum iuriſdictioni ſubduntur, non quæ ex ſola iuris interpretatione, & peraccidens, vt ſunt vota de quibus modò loquimur. cū hæc non ſint propriè Episcopalia. Affirmant Murtia, Auerſa, Paſqualigo, apud Antonium à Spiritu Sancto in Directorio Regul. t. 2. d. 3. ſect. 2. §. 2. cū vota Papæ reſeruata, in tali caſu ſubſint ordinariæ poteſtati Episcopī, propter dignitatem officij, in omnibus autem votis ſic Episcopo ſubſectis diſpenſant Regulares per priuilegia, ſic diſcurrit Ant. à Spir. S. An verò idem poſſit Parochus redactò caſu ad ſummas anguſtias v. g. ſi omnia pro nuptijs. iam parata, aſſerere non audeo, vnde in ſimili caſu conuiuium celebretur, & mox fiat recurſus ad Episcopum vel ſaltem Confeſſariū priuilegiatū. Scias. Apparatus nuptialis nō ſufficit ad dictā diſpensationē.

Dico 10. Licet non poſſit diſpenſare Episcopus in voto religionis, poteſt tamen commutare in religionem laxiorem. Quia ſic non mutat ſubſtantiam, ſed ſolū qualitatem. Et propter eandem rationem ſecundū Rodriquez & alios. Prælatus Regularis diſpenſat in voto Profeſſi tranſeundi ad ſtriçtiorē, non tamen ſecundū beneplacitum, valet tale votum irritare, vt diſponitur in C. licet, de Regularibus.

Dico 11. Confeſſarius Regularis diſpenſat in omnibus votis in quibus Episcopus. Exci piunt aliqui votum peregrinationis ultra duas dietas, ſed hæc limitatio non colligitur ex priuilegijs, quæ innuit Lezana & alias Gab. à S. Vinc. expreſſè ait in hoc poſſe Confeſſarium Regularem diſpenſare numerat autem 60. milliaria Italica pro 2. dietis. Item Confeſſarius Regularis commutat vota in minus bonum. Cum hoc ſit minus quam diſpenſare. vtraque pars conſuſionis procedit licet vota ſint iurata, ſecundū dicta de iuramento d. 12. conc. 2. Et aliàs ex conceſſione Gregorii XIII. patet, inſinuata à dela C. de priuilegijs Regularium L. 2. C. 6. d. 8. Item iudico procedere conſuſionem de commutatione voti religionis ſtriçtioris in votum laxioris, cū id poſſit Episcopus, vt dictum. Sixtus autem IV. apud dela C. l. c. conceſſit minimis, poſſe omnia vota commutare, ſicut poteſt Episcopus.

Ex his



Ex his intellige, Regulares in hoc plus Parochis habere. hi enim cum suis ovibus nequeunt in votis dispensare. Comm. apud Bonac. super Decal. q. 2. punct. 7. Sicut nec Abbatissæ cum suis Monialibus ob defectum jurisdictionis spiritualis, DD. apud Bonac. l. c. possunt tamen ea irritare, cum non minorem habeant jurisdictionem quam Pater in filios, aut maritus in Vxorem, ut ait Gab. à S. Vinc. in Summa.

Dico 12. Prælatus Regularis nequit directè irritare vota Novitiorum. Quia caret potestate dominativa in eos, quæ ex professione acquiritur. Potest tamen vota Novitiorum indirectè irritare, seu potius suspendere, si convenienti Ordinis regimini sint contraria. Idem potest Magister Novitiorum, ex Caspido & Bordonò apud Lezanam t. 4 q. q. Regul. V. Novitii. Et sic, non factâ professione, vota sic suspensa reviviscunt. Vtrum verò prælati Regulares dispensare & commutare possint Novitiorum vota? R. quòd sic. Quia gaudent potestate Ecclesiastica in eos, sicut Episcopi in advenas. Lez. & Philippus in 2. 2. d. 3. de virtute religionis d. 8. Hoc tamen non possunt Magistri Novitiorum. Cum Novitii solum subiciantur Magistris quantum ad educationem & non quantum ad jurisdictionem. Lezana & alijs. Gab. à S. Vinc. citans communem, concedit Magistro Novitiorum commutationem votorum in onera Religionis.

Dico 13. Quando votum non est Papæ reservatum, ipse vovens potest commutare in aliam materiam moraliter evidenter meliorem, Immo in sententia Soti, Lopes & aliorum apud Philippum à SS. Trin. l. c. dub. 11. vovens potest mutare suum votum in materiam evidenter æqualem. Quia æquale obsequium fit Deo, & alias hilarem datorem diligit Deus. Et idem dicendum de commutatione juramenti promissorii, in evidenter æquale. ut votum commutetur in materiam æqualem, sufficit hæc causa, secundum communem apud Fern. p. 1. c. 6. §. 2. ut sic vovens suavius & liberius operetur. Sed ad commutationem in minus, tanta requiritur, quanta est necessaria ad dispensationem partis (dum enim votum in minus mutatur, in parte dispensatur) quare, non habens facultatem dispensandi, nequit in minus mutare. Quid tamen habet facultatem commutandi, potest in minus, alias nullum esset privilegium cum sit probabile ipsum voventem posse commutare in evidenter æquale. Ad commutandum in minus sufficit, vel difficultas in persolvendo, vel utilitas voventis. Bonac. l. c.

Dico 14. Votum perpetuum non necessariò commutandum in obligationem perpetuam, si perpetuitas compensetur qualitate & gravitate operis subrogati. Quæ autem consideranda in exæquatione materialium, judicio prudentis relinquendum. V. Molc. in Exam. Approb. tit. 13. q. 10. & 11. Inter alia (si votum peregrinationis commutatur) expensæ considerandæ, sed illæ tantum, quæ extra ordinarias fierent, & labor itineris. Consideratas expensas sufficit erogari in pias causas, ubi placuerit. Scias. Commutatio, sicut & dispensatio, factâ auctoritate ordinariâ, fieri potest extra Confessionem. Cum non tanta inter hanc & illam connexio. Item si à Regularibus fiat virtute privilegiorum, ut refertur in Summa

Summa Dia. V. voti relaxatio. Aliàs si virtute Bullæ, attendenda clausula v. g. *confessione audiã* an referatur ad commutationem votorum, an tantum ad absolutionem peccatorum.

Dico 15. Accepta commutatione, licet voventi redire ad priorem materiam promissam, omittã subrogatã Sed postquam redierit ad prius votum, nolens commutatione uti, non potest ad subrogatam redire propria autoritate. Mos. l. c. quoad utramque partem. nisi materia subrogata esset evidenter æqualis promissæ.

Dico 16. Per professionem Religionis omnia vota in sæculo facta commutantur in illam. Ad hoc autem non requiritur aliqua intentio in proficiente, commutandi talia. eò quod ex natura professionis id oriatur, quia est mors vitæ præteritæ Extinguuntur etiam iuramenta de rebus piis ad Deum solum facta, Quia hæc se habent, quasi quædam vota. Si autem iuramentum esset homini præstitum & ab eo acceptatum; non posset in professionem commutari, quia est jus acquisitum tertio. Lezana quoad omnes partes cum aliis, tomo 1. qq. Reg. C. 1. relatis. Votum etiam voventis jeiunare per totam vitam extinguitur post sexaginta annos. Diana, quem citat & sequitur Gab. à Sancto Vinc. V. votum. Quæ doctrina secundum Dianam extenditur ad Regulares sexagenarios, quos votum jeiunandi in nonnullis religionibus, non obligat, licet juvenes non habentes vigesimum primum obliget.

## Q V Æ S I T V M.

*V. Qui vovit ieiunium omnibus sextis ferijs. teneatur abstinerere die Nativitatis Domini, dum feriã sexta celebratur?*

**R**espondet aliqui negativè. Nam vota sunt explicanda secundum interpretativam intentionem. Non est autem verò simile, taliter voventem se voluisse obligare ad diem tantæ solemnitatis & communis lætitiæ, & si de hoc interrogatus fuisset negativè respondisset. Item eum non constat certò de intentione voventis, votum sumendum, juxta morem consuetum Ecclesiæ. Adde. Vbi agitur de obligatione inducenda, explicatio debet esse mitis. Conformiter ad hæc Qui vovit ieiunium in vigilia alicuius Sancti. si veniat die Dominicâ, sufficit Sabbatho jeiunare, conformando se Ecclesiæ. nisi aliam intentionem habuisset Armilla. Et extendit ad eum, qui vovit jeiunare totum mensem, dies Dominici non intelliguntur, nisi intendisset.

*• Circa tertium.*

**H**oc Præcepto, in nova lege in aliquibus immutato sanctificatio festi, Missam audiendo, non laborando, orando, se ad diem festum per jeiunium disponendo, semel in anno confitendo & communicando (sed de his duobus aliis) tandem ministris Ecclesiæ necessaria præbendo præcipitur.

**DISTIN.**



## DISTINCTIO XVI.

## De audienda Missa.

**N**Otā ex Moscicensi : audire non ita in præfenti sumitur, ut idem significet, quod aure corporis percipere, alioquin surdus non diceretur Missam audire, nequē sanus si Sacerdos submisit diceret, immo etiam si clarā voce in magna populi frequentia. nam tunc valdē distantes non audiunt. Vnde omnes Doctores passim docent neminem ex præcepto teneri, si audire & minus intelligere verba Sacerdotis. Sumitur itaq; hic auditio moraliter, quod scilicet, se gerat instar audientis, decenter, piē, religiosē Missā assistendo, cruce se signando, genua flectendo &c. Exoptando ut Sacerdos pro omnibus orans exaudiat. Cogitando de Deo cui sacrificium offertur, vel de Dei Beneficijs, quæ per sacrificium offerretur. Nullum impedimentum devotioni repugnans præstando v. g. colloquendo, distrahē orando, &c.

Dico 1. Missam tenetur audire omnis Christianus non impeditus singulis festis de præcepto, sub peccato mortali, etiam si absit scandalum & contemptus. est communis Ecclesiæ sensus. & patet ex determinatione Innoc: XI. dum inter alias propositiones hanc damnat : *Præceptum servandi festa non obligat sub mortali seposito scandalo, si absit contemptus.* Tenetur inquam audire missam non autem aliud quod succedat loco Missæ. vnde feriā 6ta. in Parasceve, in qua occurrit festum Annuntiationis, non tenentur fideles audire illud officium in quo Sacramentum præconsecratum sumitur. Nam non est Missa. Ita Gavantus referens declarationem Sacræ Congregationis die 19 Febr. 1622. id declarantem. satis etiam est vnam audire etiam die Nativitatis Domini : sicut & semel celebrare.

Dico 2. Satisfacit præcepto Ecclesiæ juxta D. Antoninum & Nau. apud dela Crux audiendo Missam ab Evangelio inclusivē, vsque ad communionem finitam. Et qui alia omittit satisfacit Missæ. etsi peccet venialiter ob parvitatem materiæ omisæ. imò qui audit dimidiam missam ab vno Sacerdote, & aliam dimidiam ab alio, satisfacit, cum audiat integram Missam. Nau. & Soto. Quod intellige de eo, qui audit successive. nam qui audit simul & semel seu eodem tempore non satisfacit. ut contra Bonac. Hurtadū & alios Theologos determinavit Innocentius XI. damnando hanc Propositionem. *Satisfacit præcepto Ecclesiæ de audiendo sacro, qui duas eius partes imò quatuor simul, à diversis celebrantibus audit.* Et qui oppositum determinationi Innocen: his temporibus doceret, Excommunicationem Papæ reservatam incurreret.

Dico 3. Qui transit per oppidum ubi celebratur festum particulare non tenetur audire Missam immo licet indē recedat vel eò accedat: ut colligo ex Sanchez & Diana, contra dela Crux & alios nam ut præfati Doctores docent Peregrinus non tenetur legibus particularibus & consuetudinibus loci, nisi habeat intentionem manendi pro majori parte anni. Hinc Germani aurigæ venientes in Poloni-

am non tenentur ad festa particularia Poloniae, item ad abstinentiam à lacticiis quam servant Poloni extra Quadragesimam. Dixi, *vbi celebratur festum particulare non obligari peregrinos*, & idem de vagis. Nam ad festa & ieiunia quæ sunt de iure communi peregrini obligantur, licet ea in patria non servantur & idem de vagis.

Dico 4. à præcepto audiendi Missam excipiuntur aliqui. *Primò*, qui sunt impediti negotio quod in aliud tempus differri non potest, quales sunt custodes Civitatum & similes. Deinde infirmis intervientes, quos sine periculo relinquere non possunt. Matres quoque & nutrices, quæ parvulos tutò deserere non possunt. Item propter cæli intemperiem, ut pluviam magnam, nives, turbines &c. Item valetudinarii quibus surgere & egredi noceret. Item famuli qui iussu Domini coguntur aliquid magni momenti facere. Quod si sint levia quæ præcipiuntur, Domini quidem peccant, eò quod salutem famulorum negligant, famuli tamen tunc tantum excusantur, præstando levia, quando obtemperant ad evadendum rixas vel obiurgationes duras, Item excusantur pastores ab hoc Præcepto. Qui tamen socios habent alternatim vadant ad Ecclesiam. Quod si non procul ab Ecclesia distant, & plures Missæ celebrantur, unus audiat unā, alius aliā Missam, ita dela Cruz. Deniq; quandocunq; rationabilis causa adest, excusatur fidelis, ab audienda Missa, sed de hac iudicat prudens Confessarius. Qui tamen infra Missam confiteri, ut suæ devotioni satisfaciat, licet alio tempore confiteri non possit, ab audienda Missa non excusatur, ut docet Moysicensis.

## DISTINCTIO XVII.

### *De cessando à laboribus die festo.*

Dico 1. Præter opera servilia sunt nonnulla opera non servilia etiam hoc Præcepto prohibita. Hæc deducit Fernandez ex iure. *Primò* nundinæ, nisi consuetudo aliud suadeat. Item locationes, *Secundò*, iudicium civile. *Tertiò*, iudicium criminale. *Adverte*, non vetatur informare iudicem etiam cum *Advocato* & *Procuratore*. Item non vetatur appellare. *Quartò*, iuramentum in causis iudicialibus, nisi alias peratur pro pace aut alia necessitate. *Quintò*, strepitus iudicialis, & annullatus processus & sententia lata in festo, etiam de consensu partium, nisi alias pro pietate aut necessitate. nam aliquando immanitas delicti notorii petit malefactorem subito etiam sine processu suspendi.

Dico 2. Licet sit mortale ex genere suo facere in festo opera servilia, ex parvitate tamen materiæ erit peccatum peniale v. g. laborare per unam horam, Diana tamen sequens Fillucium, Henrici & Granadum, excusat eos à mortali, qui per duas horas laborant.

Dico 3. Aliquando licet exercere opera servilia die festo. *Primò*, pro salute corporali, ut patet in pharmacopolis potum ægris, etiam pretio, propinanti-  
bus, *Secundò*, pro vitando damno imminenti hostium aut tempestatum licet col-  
ligere



figere fructus. Tertiò, licet refarcire vestes pauperum, & ipsis, & pro ipsis ablato scandalo laborare, pro victu acquirendo. Quartò, etiam sine necessitate sunt licita opera servilia, quæ sunt in usu, sciente & non contradicente Superiore, v. g. molere triticum, navigare, & ducere currum sine onere gravi, itinerari, & his similia quæ in locis Catholicis communiter exercentur, alias causas excusantes permitto iudicio prudentis. excusat etiam Sà & Homobonus puellas die festo luctus, vel aliud opus facientes ad vitandum otium.

Adverte. Quoties necessitas propria aut proximi non est ita clara, petatur licentia ab eo, à quo secundum consuetudinem loci solet peti. Et hoc est verum licet laboretur in domibus Religiosorum, ut benè docet Rodriguez. Quodsi necessitas certa, non est necessaria licentia. sicut nec ad non ieiunandum, secundum S. Th. 2. 2. q. 147. a. 4.

Petes. Quid de consoribus dicendum? R. Si consores unus vel alterius radant barbam excusantur ob parvitatem materiæ. quòd si radant omnes, ubi adest talis consuetudo tolerata, excusantur ratione consuetudinis. Item si ex frequentia omissione tonsuræ grave nocumentum paterentur. Aliter non permittitur exercitium tonsuræ die festo.

Dico 4. Licite transcribuntur in festo libri & processus ex mercede. nam, hæc non sunt opera servilia. Diana & alii. Et sanè si hæc opera possunt fieri die festo ob lucrum quod speratur ut concedit ipse Fernandez, cur non possunt fieri ex mercede pacta? idem dicas de piscatione si non sit laboriosa, ut ferendo retia. &c. de pictura secundum dela Cruz, de characteribus à Typographis die festo ordinatis, ut docet Homobonus. ratio est, quia hæc sunt opera ingenua. at verò prælo incumbere, cum sit opus servile die festo non est licitum. Itaidem Homobonus.

## DISTINCTIO XVIII.

### De Oratione & præcipuè de Horis Canonicis.

**N**Ota primò Attentio est triplex. Actualis, virtualis, & habitualis. Attentio *actualis* est quando quis voluntariè actu attendit quod operatur. *virtualis* est quando quis à principio instituit attendere, & casu contra suam voluntatem cogitat de alijs. *Habitualis* est quando quis operatur ex habitu & consuetudine, mente non intendens ad illud quod operatur v. g. qui instrumentum pulsans ex consuetudine mente ad alia negotia totus intendit, neq; à principio animum applicat ad pulsandum.

Nota 2. ex Caetano. Quatuor modis potest quis orando attendere, loquendo præcipuè de attentione actuali. Primò quantum ad verba, per quod significatur quòd verba non debeant dimidiari, & quasi devorari, sicut aliqui incipiunt versum, & reliquum ita deglutiunt, ut vix se ipsos intelligant. Item quòd verbus non debeat inchoari, nisi prius socius suum versum finiat. In quibus, modo dictis,

si multoties intra idem officium divinum exceditur, peccatur mortal. ut cum Nau. docet Fernandez. quia notabiliter minuitur officium divinum, & notabiliter turbatur devotio. Secundò potest quis attendere quantum ad sensum verborum, ut mente percipiat & applicet affectum ad id, quod verba significant ista nõ exigitur, etiam in doctis, licet utilis sit. Mose. Tertiò, quantum ad gratiam petitam, puta castitatem, humilitatem, fidem, spem, divinam amicitiam, cælestem patriam &c. Quartò, ad ipsum Deum, seu Iesum Christum Crucifixum. Et hæc omnes attentiones, secundà exceptâ, communes sunt doctis & in doctis. S. Thom. 2. 2. q. 83. a. 12. has quatuor ad tres reducit.

Nota. 3tio. Horas Canonicas esse septem. scil. Matutinum, Primam, Tertiam, Sextam, Nonam, Vesperas & Completorium. In quo imitatur Ecclesia Regij Varis morem laudandi Deum, ipsomet teste. *Septies in die laudem dixi tibi.* Alii tamen Laudes à Matutinis separantes totum Officium Divinum in octo partes dividunt, aiuntq; Ecclesiam imitari Esdram, qui post liberationem à captivitate Babylonis constituit, ut octies Deus laudaretur, quater in nocte, & quater in die. significant autem Horæ Canonicæ varia Christi Domini passionis tempora, his verbis expressa.

Matutina ligat Christum, qui crimina purgat.

Prima replet spiritibus. dat causam Tertia mortis.

Sexta cruci nectit. latus eius. Nona bipertita.

Vespera deponit. tumultu Completa reponit.

Dico 1. Quoties homo est in gravi necessitate, tentatione v. g. Infidelitatis, desperationis, luxuriæ &c. tenemur orando implorare Divinum auxilium. Quia tunc potissimè obligat præceptum Orationis. Quòd si non orer, & tentationi succumbat, peccat dupliciter scilicet contra religionem & castitatem v. g. obligat etiam præceptum Orationis pro patria, grassante aliquo gravi malo. item pro parentibus defunctis, ut è purgatorio citius educantur.

Dico 2do. Obligantur ad Orationem Horarum Canonicarum sub peccato mortali in C. Dolentes, initiati maioribus Ordinibus. Item, Religiosi Professi utriusq; sexûs Choristæ. ratione consuetudinis communis Theologorum, unde si forte aliquis Professus Ordinis Præd. adhuc in maioribus non constitutos, docet non obligari sub mortali ad horas Canonicas, non est audiendus. cum eos sic obligari constet ex quadam dicti Ordinis declaratione. Sæ in hoc sit correctus. *Sic Prof. ff.* nam Novitii non obligantur. Arnul. V. Horæ Canonicæ & alii. Sed an. Converti Professi obligentur sub peccato mortali ad certas preces in Constitutionibus assignatas? *Idet Caiet.* apud Arnul. l. c. negativè.

Dico 3tio. Quo die quis Subdiaconus ordinatur, non tenetur ad totum officium illius diei, sed solum ad horas quæ post ordinationem superiunt. Diana cum aliis. An verò Clerici, Episcopus à se ordinatis possit iniungere psalmorum recitationem perpetuam? negativè respondet Diana cum Villalobos. Et probabile est nolle eos obligari sub mortali ad psalmos, quos semel vel bis recitandos iniungit, sed tantum ex honestate. Homobonus cum aliis.

Dico.



Dico 4to. Qui in die Animarum recitant Officium de Octava Omnium Sanctorum, non absolvuntur ab obligatione recitandi Officium Defunctorum. Ita Comm: quia proprium Officium illius diei est Officium Defunctorum. Vnde commemoratio Defunctorum inscribitur. Quod dicitur de Officio Defunctorum in die Animarum, dicendum est de Litanis certis temporibus. Vnde qui diebus Rogationum & Sancti Marci processioni non interfunt, tenentur ad privatam recitationem litaniarum. Gavantus contra Vasq. & alios Adverte Patres Prædicatores qui in die Animarum ex dispensatione Ecclesiæ solum Officium Defunctorum recitant, ad aliud eadem hebdomada secundum suum Breviarium obligantur.

Dico 5to. Si Religiosus Professus è Religione eiicitur tenetur horas recitare sicut & Clericus degradatus. de la Cruz. Quia ex sua improbitate non debet reportare levamen. Oppositum docet Sotus quia eiectus non tenetur consuetudine Religionis Res cernor de Chorista translati ad statum laicorum, qui cessat obligari ad horas. Torre.

Dico 6to. Si Religiosus v. g. Dominicanus recitet per Breviarium Romanum (prout potest) tenetur recitare Officium B. M. V. Canticum graduum, prout pro illa die in suo Ordine dicitur. Solum enim qui receperunt Breviarium Romanum à prædictis extra horum liberantur: sicut à psalmis poenitentialibus in feriis præscriptis. Item ab Officio Defunctorum in secundis feriis Adventus & Quadragesimæ, & in prima feria cuiuslibet mensis. Diana Quare sciendum Partes Dominicanos teneri sub peccato mortali, exceptis certis diebus, recitare parvum Officium B. V. M. & singulis septimanis Officium Defunctorum, Armilla.

Dico 7mo. Oratio sive fiat ex præcepto sive ex voluntate, orans semper tenetur attentionem apponere, non solum ad assequendum fructum Orationis, sed etiam ad culpam vitandam. Vnde Christus Dominus reprehendit distractè orantes, adducens illud Prophetæ. *Populus hic me honorat labijs, cor autem eorum longè est a me.* Item qui non ex præcepto orat, ordinariè non nisi venialiter peccat. Qui autem de præcepto orat, & voluntate distractus, mortaliter peccat. v. g. horas Canonicas persolvendo, Conclusio quoad humanam partem probatur ex S. Polymio de celebratione Missarum. Ubi hæc habentur. *Enitenti præcipimus ut in virtute illius G. edent et ut Divinum Officium aditum pariter & aurum. quantum in Deus dicitur, nudiosè celebrent pariter & deo.* Idipsum supponit Ordo Prædicatorum, dicit de Officio Ecclesiæ C. I. de laudatione super illa verba. *Memento autem & Ang. in Sc.* docet in officio Divino non sufficere attentionem habitalem. Sanctus etiam Thomas hanc veritatem docet in 4. d. 15. q. 4. ar. 2. quæstionculâ 4. ad 2. dicens: *Si ad contrarium mens evagetur, etiam culpa mortalis erit.* Ex exemplis in confirmationem de Strina nostra unum è S. Gregorio si fiat, qui refert, quibuldam interruenter interruenter Officium recitantibus. non apparuit, eosque fecidissimè à terra totos aspersit, dicens: *ad talem orationem, hanc merito infuso asperisionem.* Tandem hanc Conclusionem commendat illud Sacre scripturæ. *Malecatus qui facit opus Dei negligenter.* in. mo talis, non ut homo, sed ut psittacus aut pica garrit.

Adverte in C. citato Dolentes, particula, *studiosa* denotat attentionem, particula, *devotè*, denotat devotionem, est autem devotio, prompta voluntas facienda, quod ad Dei servitium pertinet. Et sic recitaturus horas Canonicas bene faciet, si in cultum Dei B. V. M. & SS. offeret, non obliviscendo eorum pro quibus orare tenetur, ex quibus sunt benefactores, & eorum consanguinei.

Dices. Ecclesia non iudicat de internis. Ergo Ecclesia in C. Dolentes non præcipit attentionem, quæ est, actus internus. R. licet Ecclesia non iudicet de internis directè, iudicat tamen indirectè, inquantum interna coniunguntur cum externis. Sic Ecclesia excommunicat Inquisitores hæreticæ pravitatis, si odio vel amore procedant contra iustitiam.

Dico 8<sup>o</sup>. Non requiritur actualis attentio in tota recitatione horarum Canonicarum. cum hoc sit moraliter impossibile. Sed sufficit virtualis, & prima intentio, quæ accessit ad orandum, cum animo implendi præceptum Orationis, modò tamen de industria diu non divageris, aut alia facias impediencia attentionem. Quia sic orando peccares, & non impleres præceptum recitandi horas Canonicas. Scias ut satisfaciat præcepto horarum Canonicarum sufficit vno modo ex quatuor annotatis attendere. Caiet. Arm. & alii.

Dico 9<sup>o</sup>. Si quis advertit se cogitare hæc vel illa, sed non advertit quod ab Officio Divino distrahatur, quamvis voluntariè illa meditetur, non peccat, quia adhuc animus ab officio Divino voluntariè non distrahitur. Caiet. hæc sententia tanquam scrupulosorum medicina est valde notanda.

Dico 10. Opera quæ non impediunt attentionem, possunt tempore horarum Canonicarum exerceri. ut sunt vestire, manus lavare, deambulare, & simile. Sotus apud Cortadum. Opera verò quæ impediunt attentionem, non possunt sine mortali exerceri, ut est scribere, pingere, pecuniam numerare, alium librum legere, de conceptu v. g. prædicabili cogitare. Ioannes Corradus.

Dico 11. Recitaturus Officium Divinum, non tenetur expressè proponere se velle recitare Officium Divinum attentè, sed satis est, quòd Officium Divinum recitet cum confusa apprehensione & proposito faciendi opus consuetum. Bonac. cum communi. unde sufficit de more accipere Breviarium & Officium ita recitare, ut si recitans interrogetur, quid faciat, respondere possit, se orare, aut velle præceptum implere. Nam Breviarium de more accipiens, satis indicat se illud accipere ad eum finem, ad quem alias Breviarium adhuc solet. Ita citatus author ex Soto & alijs. Hinc qui accedit de more ad Ecclesiam, ibi officium recitaturus, licet postea recitet distractus involuntariè, satisfacit. Quia eò ipso quòd quis voluntariè quid simile faciat, habet intentionem persolvendi munus suum, consequenter habet intentionem attendendi, cum intentio non subsistat sine attentione, & attentio sequatur intentionem orandi. Bonac. cum multis alijs. Nec tamen per hoc citatus author concedit sufficere attentionem habitualement, qualem haberet ille, qui sciens memoriter psalmos de alia re voluntariè cogitaret.

Dico 12. Qui bene & attentè recitavit, non tamen animo implendi præceptum,



peuti, si intra tempus præcepti animum mutat, satisfacit. Torre & alii. Quia illa prior recitatio habuit totum requisitum pro substantia præcepti, & solum defuit voluntas obediendi & satisfaciendi præcepto, ergo si ista intra tempus præcepti mutatur, nihil deerit. Applica Dum v. g. vesperæ dictæ de confessore, & erant de Martyre, sufficit ea tantum repetere, quæ de martyre.

Dico 13. Qui sine legitima causa recitando in choro, dicit submissâ voce versum sui chori, & alterius chori versum tantum audit, non satisfacit. Quia non communicat in Oratione cum altero choro. Armilla cum Caier. Cæterum opposita sententia etiam est probabilis, quam tenet Tabiena, Torre, Rodericus Fernandez &c. Et eam tunc præcticari posse à Religiosis scrupulosioribus, docet Lezana.

Dico 14. Qui audiunt tantum recitari Officium Divinum, & id mentaliter solum dicunt, non satisfaciunt Communis. Quia præceptum est de recitando & non de audiendo tantum horas. Nec Religiosi satisfaciunt mentaliter & intra se dicendo horas. Nam vivæ vocis oraculum à Leone X. concessum, iam eis non suffragatur. cum similia oracula per Urbanum VIII. sint sublata.

Dico 15. Bonacina & alii apud Bonac. tenent sufficere motum labiorum in privata recitatione, quamvis recitans seipsum non audiat. cum præceptum sit ad dicendum & non audiendum. Diana tamen docet hanc sententiam solum valere pro scrupulosis. Nam vox orantis debet esse audibilis, saltem ab ipso orante & verba quæ seclusis impedimentis non possunt audiri, non videntur verba, sed quidam motus in gutture seu inter dentes, quem detestatur Conc. Basiliense apud eundem Dianam.

Dico 16. Dicere horas Canonicas cum aliqua mutatione aut corruptione, vel deglutendo aut syncopando verba, syllabas aut versus, est peccatum mortale, quando ex tali modo dicendi sequitur Officium non dici integrè quoad partem notabilem. Quia hoc est idem ac omittere partem notabilem, quod est peccatum mortale. Lezana cum Nau: & Suarez. Qui tamen ad chororum obligati cum talibus recitant, non tenentur supplere. Sâ cum aliis tacite à se relatis. Et satis rationi congruit, sic de benignitate Ecclesiæ iudicare. Sed viderint Superiores, qui talia permittunt.

Dico 17. Qui dimittit aliquid in medio vel in principio horæ, non oportet repetere totam horam, sed id quod omissum est. Armilla, Vervanus & alii. Si autem partem notabilem dimisit, sine qua forma & modus horæ iudicio prudentum non salvatur tenetur sub mortali horam totam repetere. D. Antoninus & Armilla. Hinc si venisti ad tertium nocturnum non teneris totum matutinum repetere, cum sine, duobus nocturnis salvetur iudici prudentum forma matutini. Idem dicendum est, si voluntariè distractus, per tantam partem Officii Divini orâsti, quia tantum est acsi omitteres.

Dico 18. Qui Officio chori incepto, inservit, ibidem, quærendo psalmos aut alia pro officio. aut præparando dicenda, aut alia. Si omittat interim à choro recitata, etiam si illa non audiat, nihil ex his tenetur postea supplere. Armilla & alia.

& alii. Puto tamen talem non excusandum, si poterat ante Divinum Officium quærere quæ erant quærenda. Lezana & alii. Adde probabile esse, eos qui cantant in choro, non teneri dicere illum versum, qui organis pulsatur. Quia sonus ille organorum, accipitur ab Ecclesia loco vocum, & ut pars Officii Divini. Sanchez apud Lezan, cum aliis.

Dico 19. Probabilis est sententia Bonacina & aliorum apud eum. Qui necessitatem habet persolvendi Officium Divinum, & recitatis psalmis facultatem non habet recitandi lectiones, potest dilatis in aliud tempus lectionibus, laudes recitare & Officium proseguere. Hæc conc. opponitur conclusioni 17mæ, non tamen, ut notat Bonacina nisi urgente necessitate practicanda.

Dico 20. Non peccas mortaliter, si pro feria recites de Sancto, de quo aliâ tali die officium dicitur, licet sine necessitate id facias. attamen in Sabbatho recitando de B. V. M. & omittendo feriam, teneris recitare Officium parvum, non verò canticum graduum, Salazar. Quod si in Dominica recites Officium v. g. feriarum 2dæ peccas mortaliter, nec, secundum Bonac. & alios apud eum satis facis præcepto. mutas enim Officium Divinum quoad substantiam. cum Officium feriarum secundæ sit alligatum suo diei. eodem modo si in Paschate recites de Sancto peccas mortaliter. quia ut arguit de la Cruz defraudatur notabiliter finis, propter quem Ecclesia dictam festivitatem celebrat. à fortiori peccas morti dicendo in die Palmarum Officiū Paschale, nec satisfacis præcepto, ut determinavit Alexander VII. damnando hanc sententiam. *In die Palmarum recitans Officium paschale satisfacit præcepto.*

Dico 21. Non peccas mortaliter etiam si sine necessitate anteponas vel postponas horam intra eundem diem, aut invertas ordinem horarum D. Anton: Sylu. & alii. Non etiam peccas mortaliter dicendo Missam nondum recitatis matutinis. Sylu. de la Cruz & alii, Missa enim & horæ non habent inter se connexionem.

Dico 22. Horæ Canonicae sunt in publico sub peccato mortali recitandæ à communitatibus Ecclesiarum. Et quidem de Ecclesiis Cathedralibus & Collegiatis patet ex G. Dolentes & O. Creatura. De Ecclesiis Regularium patet ex longa & recepta consuetudine, quæ Ecclesias Regulariū Ecclesiis Cathedralibus & Collegiatis connumerat. Et quidem dicendæ sunt in Ecclesia vel loco ei coniuncto & per fenestram vel portam correspondente. Probabile tamen huic obligationi tempore brumali satisfieri, licet recitentur in loco ab Ecclesia separato v. g. in Capitulari. probat Gab. à S. Vincen. L. Resp. Variorum resp. 24. Quia nomine Ecclesiarum totum Monasterium in favorabilibus venit probat idem l. c. secus in odiosis.

Quæritur. Vtrum duo satisfaciant obligationi publicè dicendi Officium divinum, &c. Quod sic colligitur ex his quæ adducit P. Hyacinthus Donatus de horis Canonicis. q. 19. & 30.

Dico 23. Non est mortale in recitatione publica mutare semel & iterum officium quoad accidentalia. ut si fieri debeat de feria fiat de Sancto. Dixi *semel & iterum*. Nam mutare frequenter nequit excusari à mortali, Quia sic graviter laeditur



ditur decor cultus Divini in recitatione publica, in qua debet esse uniformitas.

Dico 24. Tempus quo publicè dicuntur horæ Canonicæ debet servari juxta laudabilem consuetudinem & ordinationes Ecclesiarum. & quidem secundum Caier: Sylu. Armillam & alios sub mortali. Prætermittere tamen talem consuetudinem vel ordinationem etiam ex magna negligentia, dummodo communiter servetur consuetudo, non videtur mortale Caierano.

Dixi iuxta laudilem consuetudinem. Ne excusemur per consuetudinem quomodocunq; introductam, vel quam ipsi sine necessitate introducimus. Ex quo patet quomodo aggravent suas conscientias Religiosi absolventes horas publicè non iuxta præscriptum à suis superioribus.

Dico 25. Matutinæ sequentis diei possunt dici horâ tertiâ vel quartâ post meridiem. ex D. Th. quodlib. 5. ar. 28. ad 1. hoc tamen non fiat sine aliqua necessitate, alias peccatur venialiter, sed aliqui à veniali excusant. Immo secundum Sanchez & Dianam possunt horâ secundâ dictis jam vespers. Si quis tamen non recitatis prius Vespers recitaret matutinas sequentis diei, non peccaret mortaliter. Vtterius dico si quis recitaret matutinas diei sequentis (suo tamen tempore ut dictum est) priusquam diei præsentis recitasset, solum peccaret venialiter. Vilalobos, Sanchez & Diana.

Dico 26. Laudes ita separata dici possunt à matutino ut alia hora, absq; peccato mortali. Item non peccat mortaliter, nec tenetur repetere, qui per spatium trium horarum dividit nocturna. Bonac. & alii: Immo potest quis incipere Vespers & interrompere complendas post duas horas. Summa Dianæ cum Sanchez: Laxius, in his casibus loquuntur Fernandez, Aragonius Rodericus & Makovius, cuius hæc Conclusio super Decalogum. t. 3. d. 3. q. 3. a. 1. Qui recitat horas Canonicas cum interruptione satisfacit præcepto Ecclesiæ solui. que venialiter peccat, & si adsit aliqua iusta causa nullo modo, sive illa interruptio fiat ad longum sive ad breve tempus. Non peccat itaque interrumpens horam in medio aut psalmm dummodò postea reliquam partem dicat. Ratio: quia verum est, talem intra eundem diem recitasse Divinum Officium & opus ab Ecclesia præscriptum absolvisse. Præterea, quia de substantia singularum precum non est continuatio, quoniam preces interruptæ, imò singuli Psalmi, & singuli versiculi per se suâ non habent pondus, & completam significationem, ac proinde non habent inter se necessariam connexionem, ita ille. Etiam si quis interrupisset animo incipiendi denovo, recitare potest quod superest, nam sapientis est mutare sententiam.

Dico 27. Qui obligantur qualibet hebdomadâ dicere officium Defunctorum, possunt quacunq; die intra hebdomadam dicere & secundum Salazar mediâ nocte Sabathi cõpletur hoc tempus. nam dies Dominica non est dies hebdomadæ præteritæ, sed sequentis quod manifestè ostenditur in numero feriarum. Nam dies Lunæ vocatur feria secunda, supponit ergo hic dies alium priorem. Qui tamen vsque ad maiorem Missam Dominicæ Officium Defunctorum differret, ex praxi aliquorum excusaretur, & dicere posset, diem Dominicum usque ad tempus immediatè

mediatè nominatum, haberi pro complemento & termino hebdomadæ transactæ.

Dico 28. Cæcus qui nihil videt, aut grave damnum oculis timet, non tenetur officium recitare & Canonicus cæcus absq; eò quòd choro assistat, lucratur distributiones, ut declaravit sacra Congregatio apud Barbosam. Quod si cæcus tenet memoriter maiorem partem officii dubitat M. Soto an teneatur recitare, cum ea tenacitas sit accidentalis. Hoc tamen certius, si cæcus non meminit officii, non tenetur recitare aliquid loco illius, v. g. cursum B. M. V. Salazar aut adhibere sibi socium qui illud legat Diana & alii. Secus de surdo. nam hic ad officio non excusatur, quia potest legere. Si canit in choro, satisfacit quàmvis non audiat chorum. Diana.

Dico 29. Qui non potest utrique satisfacere commodè, & recitationi horarum Canonicarum & auditioni Confessionum seu etiam prædicationi, excusatur à recitatione horarum Canonicarum, Sylu & alii. Quod si lecturæ vel prædicationi nequit satisfacere nisi semper vel ordinariè horas omittat, tenetur officium deponere, nisi adsit notabilis defectus in Lectoribus vel Prædicantibus. Quia recitatio horarum Canonicarum magis est annexa statui Religiosorum vel constitutorum in sacris, quam lecturæ vel prædicationi Diana cum Truench.

Dico 30. Si infirmus potest recitare maiorem partem, vel dimidium horarum, tenetur vel maiorem partem, vel dimidium horarum recitare, secundum posse suum virium. immo si non potest nisi partem minorem, tenetur eam recitare, est conformiter ad determinationem Innocentii XI. Damnat enim sequentem propositionem, ut iacet. *Qui non potest recitare matutinum & laudes, potest tamen reliquas horas ad nihil tenetur, quia maior pars trahit ad se minorem.* Et idem iudico, si non potest nisi vespertas & completorium teneatur enim sub mortali recitare est conforme prædictæ determinationi, dum etiam ipso damnatur, scilicet *quia maior pars trahit minorem,* & non ne, qui in parte potest, solvere tenetur creditor non ne, qui in parte potest implere votum, tenetur? ut supra docui.

Dico 31. Qui potest seriò loqui aut alia profana tractare, non excusatur à recitando officio Divino de la Cruz. cum hoc sit facilius illo. Quod si sit dubium an nocebit horarum recitatio, necessaria est prælati dispensatio, sicut & in ieiunijs. Torze ex D. Th. 22. quest. 147. art. 4. an verò crastina die sperans febres teneatur hodie anticipare & dicere Matutinum & quòd non. Nam licet matutinum dici possit Vesperti, diei antecedentis, eius tamen obligatio, primò incipit à media nocte ut ex communi insinuat Antonius à S. Spiritu immo Qanus & alii docent si infirmitas accidit istius horis, ut quartana, non tenetur infirmus totum Officium dicere anticipatè, si vesperti accidit, vel si manè postpositè. Quia ius anticipandi vel postponendi horas est privilegium, quo nemo uti tenetur.

Dico 32. Qui omittit totum Officiu Divinu non tot committit mortalia, quod sunt horæ Canonice. Navarrus & alii. Quia præceptu de recitandis horis unius diei, unum est, & habet pro objecto aggregatum septem horarum per modum unius.

Dico 33. In parvis horis majoris Officii Divini, notabilis quantitas, est dimidium.



dium, quare si quis in his diuidium omittit peccat mortaliter Syll. Tab. Fernandez & alii apud Bonac. intelligo conclusionem secundum Breviarium non diuidens per dies, platum *Beati immaculati*. Dixi, in parvis horis. nam ut advertunt Doctores, in maioribus horis aliter mensurari debet notabilis quantitas. Tres tamen lectiones cum responsoriis in matutino feriarum, sumpto cum laudibus, iudico esse parvam materiam. Petes. Cur in maioribus horis non dicamus partem notabilem esse diuidium, sicut in parvis horis? & ideo. Nam quod maius est aliquod totum, eo minor eius pars est notabilis. ut discurrenti patebit Adverte. si quis ex pluribus horis eiusdem diei modicum quid omitteret, & multa hæc modica simul sumpta essent, in notabili quantitate, peccaret mortaliter, quia continuarentur per respectum ad totum officium. Sicut si quis die ieiunii modicum quid commoderet, illa modica continuarentur, & consequenter frangeretur ieiunium, ut determinat Alexander VII. dum oppositam sententiam damnat Ex his intellige notabilem quantitatem in omissione Officii Divini non sumendam per respectum ad totum Officium Divinum. Sic enim unam horam ex minoribus omittere non esset notabile & mortale quod est falsum quidquid dicat Marchinus & Antonius à Spiritu S. sed sumendam secundum communem hominum estimationem.

Dico 34. Qui post unam vel plures horas Canonicas uno contextu dictas dicit orationem, *Sacrosanctæ & individue Trinitati &c.* & deinde, *Pater noster cum Ave Maria*, pro felici statu Ecclesiæ, lucratur remissionem omnium defectuum humanæ fragilitate & non ex malitia in Divinis horis commissorum. Quod privilegium non intellige de omissione partis notabilis, sed de defectu parvo, ut advertit Nau. Et licet hoc sit vivæ vocis oraculum, quia tamen pro tota Ecclesia, suffragatur. Solum enim oracula alicui Religioni vel Congregationi concessa, sunt per Urbanum VIII. sublata, ut docet & probat Lezana. Hinc illud Leonis vivæ oraculum Patres Prædicatores posse quater in anno plenariè ut à Summo Pontifice obfolvi, hodie non suffragatur.

Dico 35. Religiosus. Item constitutus in maioribus Ordinibus, si non habet beneficium, omittendo horas non tenetur ad restitutionem, quia non ex iustitia, sed ex sola religionis virtute tenetur ad recitandas horas. Religiosi tamen Divino Officio minus compertenter satisfaciunt, cogitent quod panem sudore hominum comparatum comedant, pro quo strictam Deo rationem dabunt.

Dico 36. Habens beneficium tenetur per se horas recitare, & oppositum damnat Alexander VII. dum sequentem reprobat propositionem: *Habens Capellaniam collativam, aut quodvis aliud beneficium Ecclesiasticum, si studio literarum vacet, satisfacit sue obligationi si officium per alium recitat.* Si omittat, restituere tenetur, etiam ante sententiam iudicis, ut declarat idem Alexander VII. dum hanc damnat. *Restitutio à Pio V. imposita beneficiatis non recitantibus, non debetur in conscientia ante sententiam declaratoriam iudicis, eo quod sit pœna. Nec sateat si recites hodie heri omisissas.* Quia Ecclesia dat stipendia, non ut pro se orent solum, sed etiam ut Deo exhibeatur cultus juxta formam ab ea præscriptam, modò in honore istius

Sancti, modò alterius, modò ob celebritatem huius diei, modò ob alterius diei solennitatem. Nec satisfacit per quascunq; eleemosynas, quas antea de fructibus sui beneficii fecit, ut declarat idem Alexander VII. dum hanc reprobatur. *Restitutio fructuum ob omissionem horarum suppleri potest per quascunq; eleemosynas, quas antea beneficiarius de fructibus sui beneficii fecit.*

Dico Ultimo. Circa onus restitutionis in Beneficiatis extat Bulla Pii V. edita anno 1571. disponēs, ut qui totū Officiū unius diei omiserit, omnes illius diei fructus restituat. Qui totum Matutinum, vel reliquas horas, dimidium. Qui vnam parvam horam, sextam partem. Quòd si beneficiatus diversa officia habeat, scilicet. Missarum, prædicationis & curæ animarum, pro toto Officio omisso, quartam partem fructuum illius diei restituere tenetur. Medina. & rationabiliter. Hoc intellige si pluries omittat. nam si tantum octies vel decies per annum omittat ad nihil tenetur. Idem Medina, quem sequitur dela Cruz. Quia est servus liberissimi Domini, qui multò minus quàm Domini temporales ad pauca attendit. Hoc etiam intellige, si transactis primis sex mensibus à die obtenti beneficii omittat. Petes, Vtrū habens plura beneficia satisfaciat semel horas recitando. R. ex S. Th. Quotlib. 1. a. 13, affirmativè. Qui plura vult de Beneficiatis, videat Doctores. Nec horum notitia tantopere pertinet ad nos. ipsi tenentur scire, quæ sunt sui statūs. Dum ergo horarum omissionem confitentur, inculcerur debitum restituendū & moneantur, ut current pertinentia ad sui statum scire, aliàs per ignorantiam, non excusabuntur.

## DISTINCTIO XIX.

### De ieiunio.

**N**Ota ieiunium est duplex: naturale & Ecclesiasticum. naturale consistit in hoc, quòd à media nocte præcedenti vsq; ad punctum celebrationis nihil per guttur, quòd sustentat sumatur. Ecclesiasticum consistit in abstinencia à carnibus & unica comestione. & propterea die Veneris, extra Quadragesimam & vigiliis, extra Poloniam non est simpliciter ieiunium. quia cœna non prohibetur. Sub abstinencia à carnibus intelliguntur ova & lacticia, quia sunt aliquid carnis, quibus in omnibus serè terræ partibus tempore Quadragesimæ vesci nō licet. hinc damnata ab Alexandro VII. sequens propositio. *Non est evidens, quòd consuetudo non comedendi ova & lacticia in Quadragesima obliget.*

Dico 1. à Vigesimo primo anno expleto, obligat ieiunium Ecclesiasticum, obligat inquam sub mortali etiā absit contemptus. Quare Alexander VII. sequentem reprobatur. *Frangens ieiunium Ecclesia ad quod tenetur non peccat mortaliter, nisi ex contemptu & inobedientia id faciat; puta quia non vult se subijcere præcepto.* Deobligat verò secundum communem sententiam à sexagesimo anno, & non primo, à septuagesimo. Quod extendo cum Salazar contra dela Cruz etiam ad eos, qui post annum sexagesimum adhuc sufficientes vires habent. Nam ut aiunt Medici, senum:



senum robur est illudivum, ita ut facili de causa deficiat, nisi cibi alimento sustentetur. Adverte, circa primam partem Conclusionis, si quis post adhibitam diligentiam dubitat, an ætatem pro ieiunio necessariam compleverit, non tenetur ieiunare, quia possessio stat pro ipso, & non pro ieiunio.

Dico 2. Non obligatur Paterfamilias familiam per vim compellere ad ieiunandum, sed sufficit charitativè monere. Quodsi aliqui transgrediantur non turbetur, præsertim si hinc ei immineret magnum incommodum v. g. quia nullum famulum sibi necessarium invenire posset si tempore ieiunii non daret cœnam, vel si ipsi gravius essent offensuri Deum, conviciando, maledicendo cœnâ negatâ. Moscicensis quoad omnes partes, & Sam de Lubl. cum Azor ait nullo præcepto obligari Patrem familias ad compellendum vi familiam ut ieiunet: cibos tamen vetitos non ministrat.

Dico 3. Viatores, qui non habent domicilium vbi ieiunatur non tenentur lege ieiunii loci, vbi reperiuntur, nisi absit scandalum. In favorabilibus poterunt se conformare consuetudini loci, ubi reperiuntur, etiam comedendo carnes, quamvis in propria patria ieiunetur. Moscicensis V. Dist. 18. Concl. 3.

Dico 4. Secundum Gordubam, Lopez, & alios, pueri nondum attingentes octavum annum, possunt diebus vetitis edere ova & lactinia; Secundum Rodriq. & Sâ, pueris ante usum rationis, cum non sint subiecti legibus, possunt dari carnes, idem de amentibus. Moscicensis. verò pueris ante septennium concedit carnes. Quæ sententia vera, licet habeant usum rationis, cum hoc sit per accidens.

Dico 5. Excusantur à ieiunio debiles: qui laborant dolore capitis nisi cœnam sumant. qui dormire non possunt nisi cœnent: qui non valet debitum reddere Vxori, ieiunando. Prægnantes & lactantes, hæ enim multo cibo, pro se & foetu, indigent. Qui die ieiunii alium non haberet cibum præter carnes, & ieiunando diem transire esset difficile. Moscic: qui non habet sufficientem refectionem tempore prandii, quales sunt ostiarum quærentes qui longa itinera pedestres conficiunt. Mosc: docet si trium vel amplius milliarium Polonicorum iter sit, sic pedester vadens, bis refici potest: peregrinantes ad loca sacra, si peregrinationem commodè differe non possunt, ut advertit Sylvius apud Dianam, vel si fervor peregrinationis ita accendat ad peregrinandum, ut utilius sit animæ peregrinantis peregrinari sine ieiunio, quàm ieiunare sine tali peregrinatione, ut advertit Gaier.

Dico 6. Non excusantur à ieiunio, qui curru aut equo vehuntur, & quidem cum omni commoditate, interdum autem solius recreationis causâ. Aliiter dicendum est, si iter sit necessarium, prolixum, seu vehemens, quod non compatitur ieiunium, si conferatur eum complexione itinerantis. Hæc Moscic Conclusio colligitur ex quadam Alexandri VII. determinatione damnante sequentem propositionem: *excusantur absolute à præcepto ieiunii illi, qui iter agunt equitando utcumq; iter agant, etiam si iter necessarium non sit. Et etiam iter unius diei conficiant.*

Dico 7. Excusantur à ieiunio, qui onerosè laborant, ut sunt fabri tam ferrarii quàm lignarii, agrorum cultores, sculptores, futores, figuli, argentarii, aurifices.

ces. textores, pelliones, fullones, laniones, muratores, pistores, & his similes. Item excusantur à jeiunio. qui ob opera pietatis maiora jeiunio, non valent jeiunare, ut concionatores, lectores, Confessarii assidue confessiones audientes, Cantores. Vbi ex Moscic. Adverte. hæc officia ex se non liberare à jeiunio, sed si commodè exerceri non valent dum jeiunatur. item eo tantum tempore excusant dum exercentur.

Dico 8. Non excusantur à jeiunio sartores, pictores, barbitoniores, & multò minus scriptores, notarii, advocati, Scholastici. Moscis cum Azorio. Quia labor eorum compatitur ieiunium, aliàs ferè omnes, qui corporaliter laborant excusarentur à jeiunio, quod damnat Alexander VII. sequentem propositionem damnando. *Omnes officiales qui in Republica corporaliter laborant sunt excusati ab obligatione ieiunij, nec debent se certificare, an labor sit compatibilis cum ieiunio.*

Dico 9. Defessus ex labore recreationis v. g. ex ludo pileæ. excusatur à jeiunio, dum modò talis recreatio non fiat in fraudem ieiunii. Medina. Quare ut docet Ledesma non tenentur abstinere à ludo licito, ut simus habiles ad ieiunandum. Hæc Conclusio non contrariatur determinationi Alexandri, quam conclusione sexta retuli. Nam non loquor de creatione adeò frequenti, sed quæ ad recreandum animum, curis vel studiis implicatum est utilis; & secundum quid necessaria, item non loquor de qualicunque & modica lassitudine ex labore recreationis causata.

Dico 10. Vxor ut devitet notabilem turbationem debet abstinere à jeiunio. v. g. Vir est durus, aut etiam hæreticus, permittit tamen Vxorem catholicè vivere. talis inquam si rescit vxorem ieiunare, indignatur graviter, malè tractat, rixas excitat, odium contrahit, alienatur ab ea, & supposito quòd sit hæreticus non facit ex contemptu catholicismi, sed quia dicit jeiunia esse eum detrimento & incommodo suo & familiæ, tunc vxor ut devitet talem turbationem, debet abstinere à jeiunio. Moscic. & Samuel de Lublino.

Dico 11. Qui habet causam dubiam ad ieiunandum, tenetur ieiunare donec à viro docto, vel à medico timorato accipiat declarationem, vel à superiori dispensationem. Dispensat autem ex iure Episcopus cum suis ovibus. Parochus ex consuetudine. Quia solet in tali eventu recursus fieri ad Parochum, quamvis præsens sit Episcopus, & ad eum facilis pateat aditus, ut advertit Mosc. Item dispensat Prælatus Regularis cum suis subditis, vel in absentia eius Vicarius. Quòd si superior de iustitia causæ dubitat, secundum Bonac. & alios, non potest licite dispensare, quia se exponit periculo dispensandi sine iusta causa. Quare secundum Caiet. commutabit in alia pia opera. Idem faciet secundum eundem Authorem, quando iudicat causam esse minus sufficientem. Dixi. *Qui habet causam dubiam.* Nam qui ex probabilitate morali aut experientia habet, quòd non comedendo infirmetur, secundum Lopez & alios, sine ulteriori declaratione aut dispensatione solvitur à jeiunio. Ex quo patet, ut quis sit liber à jeiunio & recursum ad superiorem pro licentia, sufficere causam probabilem. Adverte. Prælati regularium & in eorum



rum absentia vicarii, possunt se ipsos ex iusta causa dispensare, ne sint deterioris conditionis alius refertur tamen in privilegio Ord. Mend. quòd concedente Eugenio 4to, licentiam quam dat Prior vel in eius absentia vicarius aliis fratribus, possit etiam priori ac vicario concedere eorum Confessarius.

Dico 12. Quoties infirmus est dispensatus ad carnes propter reficiendas vires, ut in convalescentia, excusatur à ieiunio. Quia ad convalescentiam facit non solum quantitas cibi, sed etiam repetitio. si verò dispensatus est eò quòd alii cibi ei noceant, non excusatur à ieiunio, quare talis Vesperti nec carnes edere nec in magna quantitate alios cibos sumere potest, sed debet collatione ut alii cõtentari. Lessius & alii, ratio quoad secundam partem, nam de ratione ieiunii non solum est abstinencia à carnibus, sed etiam unica comestio, ergo per hoc quòd ab una parte ieiunii excusetur, non sequitur quòd à toto ieiunio excusetur nisi sit infirmus.

Dico 13. Dispensatus ad comedendas carnes, si carnes & pisces comedar, nò peccat contra aliquod ius, sed contra præceptum naturale conservandi salutem, si pisces nocent. Salazar & alii. Dispensatus tamen ad carnes propter infirmitatem, peccat comedendo nocivas carnes. Quia aliàs esus talium carnum est vetitus die ieiunii. Infirmitas non dispensat in cibis nocivis. dela Cruz cum Rodriq. Idem dicendum de eo qui dispensatur in esu ovorum, cui non licet edere lacticia, si saluti noceant. Qui etiam habet facultatem utendi butyro pro condimento, eò quòd non possit uti oleo v. g. Polonorum non statim potest vesci ovis & alius, sed intentio concedentis & aliæ circumstantiæ debent cõsiderari. Si enim est persona vilior, quæ ordinariè leguminibus victitat, nò habet causam utendi ovis & aliis.

Dico 14. Famulus tempore ieiunii parans Domino suo cœnam mensam instruens, ac ministrans, se iudum Moscic. non peccat. Idem de ancilla Domini hæretici coquente carnes die ieiunii, Tum quia suum officium præstat. Tum quia hoc omittere non nisi cum gravi suo damno potest nec inferas etiam non peccare famulum propinquantem Domino potum ad ebrietatem dispar enim est ratio, ut ait Moscic. Quia ebrietas est contra ius naturale, solutio verò ieiunii contra legem positivam Ecclesiasticam ac proinde minoris vinculi.

Dico 15. invitans ad cœnandum, etiam amicitia causa, aliàs obligatum ad ieiunium, peccat mortaliter, si invitatus cœnat. Nisi invitans credat invitatum non consenturum. Quod si invitatus paratus erat ad cœnandum, adhuc invitans peccat, quia inducit eum ad exequendum malum propositum, immo etiam si invitanti constaret invitatum decessisse alibi vel cum alio cœnare, adhuc invitans peccat, quia malo alterius cooperatur.

Dico 16. Tabernarii, & alii vendentes aut ministrantes cibos in die ieiunii ad jentaculum matutinum aut pomeridianum, cœnamvè, facillè excusari possunt à peccato, tum quia non tenentur discutere an causa adsit non ieiunandi neq. id eò modò facere possunt, tum quia de proximo benè supponendum est.

Dico 17. Quamquam olim collatio nocturna tantùm timebatur per modum medicinae ad captandum somnum, iam tamen consuetudo obsequit, ut etiam ali-

quid

quid per modum nutritionis sumatur in hac, non consideratis aliorum Theologorum sententiis servanda est Patriæ consuetudo, iuxta timoratas conscientias, non enim est mortale talem consuetudinem servare. Fernandez.

Dico 18. Potest anticipari hora prandii iusta de causa. Vel quia aliquis fatigatus est iter, vel quia hospitem habet, vel quia negotia expectant, quæ horam prandii impediunt, & sic excusantur famuli, qui ante tempus prandent, ut postea commodè ministrent dominis, qui longum tempus insumunt comedendo. possunt tamen hi si non dum sumptierunt prandium deferendo cibos aliquid sumere, ut possint faciliùs sustinere laborem, seu potius jeiunium, moderatè tamen ut advertit Gabriel in 4. Lectores etiam per totum mensæ tempus ad hoc ut cum debita diligentia munus suum exequantur possunt aliquid anticipare iumere.

Dico 19. Qui sine necessitate horam competentem (quæ est undecima antevertit) venialiter tantum peccat. Toletus & alii contra Mot. idem dic de eo qui collationem nocturnam, manè sumit, & ad noctem servat prandium. Fernandez, Salazar, & alii.

Dico 20. Sufficit ut una comestio sit continua moraliter. Et sic surgens è prandio, intra horam redire potest & continuare. Addo licet quis habet per animum finiendi comestionem, mutatà intentione redire potest, si prandium adhuc durat. Lessius. Quia sapientis est mutare consilium.

Dico 21. Qui semel ieiunium violat, non peccat postea sæpè comedendo. Armilla Mosc. & est communis. Quod si per inadvertentiam excusantem comedit, tenetur adhuc jeiunare, ac si nihil comediisset, non enim ieiunium violavit. Navarrus, dela Cruz & alii. Sicur & ille qui cibis die ieiunii vetitis utitur, tenetur ab ulteriori comestione abstinere, alias toties peccat, quoties vescitur. Toletus, Azorius. & est extra controversiam.

Dico 22. Natali Christi incidente in feriam sextam, non possunt vesci carnibus, qui ex Regula & Constitutionibus prohibentur, eò quod in C. explicari, in quo conceditur Christi fidelibus eo die esus carniû, tales excipiantur. Tamen Prælati talis Regulæ possunt hoc die sicut & aliis diebus, aliàs à iure non vetitis dispensare, ut docet Victoria, Armilla, Tabiena contra Medinam. Quia ut ait Pannonitanus, per dictum decretum tollitur ius commune, & manet in sua vi Religio. Sed in Religione v. g. Prædicatorum potest Prælatus dispensare in Constitutione prohibente carnes, ergo pariter hoc die potest dispensare, immo ut advertit dela Cruz comedendo tunc carnes isti Religiosi, non peccant, etiamsi id faciant sine licentia, cum leges eorum non obligent ad culpam.

Dico ultimo. Etiam si potus alimentum præstat, attamen si bibatur extra horam prandii sapiùs, non frangitur ieiunium. Fernandez & alii. loquor autem de potu, qui tantum per accidens præstat alimentum, cum Ecclesia ad id quod est per accidens non respiciat, cæterum aliter dicendum de potu, qui per se alimentum præstat ut lac.

*Circa Quartum Præceptum.*

Hoc



Hoc Præcepto præcipitur revereri. amare, & obedire Parentibus & Superioribus.

## DISTINCTIO XX.

De obligatione filiorum erga Parentes. Subditorum erga Superiores & viceversa.

Dico 1. Inter alia (magis ex se nota) peccat mortaliter filius, imprecando in faciem, more nostro Polono dæmones Parentibus, licet id non ex corde optet, quia notabiliter dehonorat. Item peccat mortaliter, dum fortunâ ad altiora evehitur, se negat esse filium.

Dico 2. Tenetur filius quoad res domesticas & bonos mores obedire parentibus. Vnde in re gravi nolle acquiescere præcepto, mortale est. Sicut & in re levi, si accesserit contemptus. Et licet filius sit liber in eligendo statu, si tamen vult ducere uxorem peccat mortaliter, ait Mosciceni. p. 2. Tyrocinii G. 2. § 4. non consulendo parentes, qui in hoc melius iudicant quàm filius qui amore exæcatus fortè eligit uxorem indignam & in magnum dedecus suæ domûs.

Dico 3. Ille qui adhuc in sæculo est constitutus, si habet parentes, qui sine ipso sustentari non possunt, non debet eis relictis religionem intrare, quia transgrediretur præceptum dehonoratione parentum. Ille verò qui jam est in Religione professus, reputatur jam quasi mortuus mundo. Vnde non debet occasione sustentationis parentum exire claustrum, in quo Christo cõsepelitur, & se iterùm secularibus negotiis implicare. Tenetur tamen salvâ sui Prælati obedientiâ & suæ religionis statu, pium studium adhibere, qualiter eius parentibus subveniat. ita in terminis quoad omnes partes S. Th. 2. 2. q. 101. a. 4. ad 4. Quod si extremam Parentum egestatem non posset aliter sublevare, nisi exeundo ad tempus è monasterio, tenetur petitiâ licentiâ egredi. Cai. & Nau. plùs dico. Si parentes in extrema necessitate sunt, tenetur filius aut filia, etiam furando (si aliter nequit) subvenire cùm in extrema necessitate omnia sint communia. His addet. Ita obligatur filius vel filia parentibus subvenire, ut licet parens filium vel filiam sibi molestam pellere possit, non tamen è contra.

Dico 4. Huc reducitur Religiosorum obedientia, qui in tribus tenentur obedire Prælato. Primò in his, quæ in Regula & Constitutionibus continentur. Secundò in illis sine quibus contenta in Regula commodè impleri nõ possunt. Tertiò in pœnis indictis propter transgressionem prædictorum duorum. Vnde si superior veller alia exigere, quæ ad maiorem austeritatem vel perfectionem pertinent, & quæ non sunt in statutis religionis, non tenentur Religiosi obedire attendant tamen ut bonis modis se excusent. Moscic. 2. p. Tyroc. c. 3. § de superbia.

Dico 5. Pater etiâ peccat contra hoc præceptum non instruendo filium in doctrina fidei, in bonis moribus. Dominus non præbendo servis necessaria, non curando ut dies festos, & similia, observent. Maritus, uxorem contumelijs afflicendo &c. è contra.

Dico 6. Leges humanæ etiam civiles dummodo sint iustæ, obligant ad peccatum. Et si sint in materia gravi, obligant sub mortali. quàmvis non adsit scandalum, vel contemptus. Sunt tamen aliquæ leges, quæ non obligant sub peccato, eò quòd legislatores non habuerint intentionem obligandi, licet aliqua pœna levis sit transgressoribus imposita v. g. si silva communis, flumen commune, pastua communia prohibentur. Nam quoad silvam propriam &c. aliter est dicendum. Nihilominus ubi gravis pœna apponitur, ut est pœna capitis, perpetui carceris, confiscationis bonorum, infamia, officii amissio, amputatio membri &c. proculdubio mortale incurritur, quàmvis id in lege non exprimatur. Mosc. l. c. sed aliqui citati à Diana. tt. 10. de leg. res. 18. contrariū docent, secluso periculo.

### Circa Quintum Præceptum.

Hoc Præcepto prohibetur non solum homicidium corporale, sed & spirituale, quod sit scandalizans & non corrigendo.

## DISTINCTIO XXI.

### De Homicidio.

Nota 1. Homicidium nihil aliud est, quàm iniusta hominis occisio. Sub hac comprehenditur vulneratio, percussio, mutilatio, incarceration, & cætera contra salutem corporalem proximi. comprehenditur inquam ut imperfectum sub perfecto.

Nota 2. Duplex est homicidium, voluntarium quod animo & intentione occidendi hominem perpetratur cum effectu. Et casuale, quod fit præter intentionem occidentis, aut facientis id unde mors secuta. Et est duplex, aliud purè casuale, quod nec virtualiter & implicite est intentum; & hoc non causet irregularitatem, quia nullo modo est voluntarium. Aliud est quod saltem indirecte est intentum & volitum in sua causa, ut si sit in ea prævitum, aut formaliter aut virtualiter seu implicite, in quantum poterit prævideri & nō est adhibita diligentia?

Nota 3. Ad iustam occisionem hæ conditiones concurrunt, quarum vel una deficiente committitur mortale, cum malum sit ex quolibet defectu. *Prima* est, ut fiat autoritate publicâ, nemini enim autoritate privatâ licet occidere etiam hominem nocentissimum nisi se defendendo, & sua. *Secunda*, ut fiat ex causa gravi, ut sic pœna proportionetur culpæ. *Tertia*, ut servetur juris ordo. *Quarta*, ut sit recta iudicis aut ministri exequentis intentio, scilicet ex iustitiæ zelo, non verò ex ira, aut alia inordinatâ passione.

Dico 1. Ob iustam sui defensionem, vel suorum, aut amicorum, aut innocentium, licet occidere iniustum aggressorem cum moderamine inculpatae tutelæ dicitur autem moderamen inculpatae tutelæ quando quis non potest aliter se defendere nisi occidat. Secundum de la Cruz Dianam &c. vir nobilis non tenetur fugere, sed potest expectare iniustum in valorem, si fugiendo graviter infamaretur. Non tamen idem licet secundum communem sententiam plebeio, Clerico, Religioso, quia talibus fuga non cedit nisi infamiam.

Dico



Dico 2. Fugientem v. g. cum equo tuo, aut rebus, aliquanti pretij licet occidere, si aliter certò recuperari non possunt, Sylu. Soto, Bannez & alii. Regulariter tamen non licet occidere furem pro conservatione unius aurei, ut determinavit Innocentius XI. dum oppositam sententiam damnavit.

Dico 3. Licet in vasorem castitatis ad tuendam castitatem occidere. Ita Communis. Sed non tenetur si certa est, quòd non adsit periculum consentiendi in turpem delectationem. Sylvester, verum quia magnum periculum consentiendi est, propter vehementiam obj:cti, ideo securius est in vasorem occidere.

Dico 4. Non licet percusso, percusorem insequi & occidere, si sit necesse pro sui honoris defensione, ut determinat Innocentius XI. damnando propositionem trigessimam, quæ idem, circa finem docet, sicut & marito, non licet propriâ auctoritate occidere uxorem in adulterio deprehensam, ut docet S. Th. in supplemento q. 60. a. 1. & determinavit Alexander VII.

Dico 5. Nemo potest propter defensionem vitæ suæ, per se & directè occidere innocentem. Vnde mulier gravida ex adulterio, non potest facere abortum propter defensionem vitæ suæ, etiam si fœtus nondum sit animatus. Ita determinavit Innocentius XI. dum sequentem damnat. *Licet procurare abortum ante animationem fœtus, ne puella deprehensa gravida occidatur aut infametur.*

Dico 6. Tempore belli non licet directè occidere innocentes, sed tantum reos. Nam ut docet Philippus à S. Sma Trinitate ex M. Bannez & communi Theo. logorum sententia, in nullo casu licitum est directè occidere innocentem. & patet ex illo Exodi 23. insonem & justum non occides. hinc captâ civitate vel aliquâ provinciâ, non possunt occidi pueri & similes, sed tantum nocentes.

Dico 7. potest fœmina gravida sumere medicamenta necessaria ad tuendam vitam, per se ordinata ad salutem suam, licet per accidens sequatur abortus. Non tamen licet sumere medicamentâ per se ordinata ad causandum abortum. Quòd si mors matris esset necessaria ad certam salutem spiritualem fœtus animati, alioquin æternaliter damnandâ, Mater potius se deberet exponere periculo mortis, quàm talia medicamenta sumere. Non tamen licet ei pati scissionem ut doceo in tract. de baptismo. ex S. Th. 3. p. q. 68. a. 11. ad 3. cum non sint facienda mala, ut eveniant bona, Rom. 3.

Dico 8. Iudex si scit aliquem innocentem esse, qui falsis testibus vincitur, debet diligentius examinare testes, ut inveniat occasionem liberandi innocentem, sicut Daniel fecit. Si autem hoc non potest, debet eum superiori relinquare judicandum, si autem nec hoc potest, non peccat secundum allegata sententiam ferens, quia ipse non occidit innocentem, sed illi qui eum asserunt nocentem. Minister autem judicis condemnâns innocentem, si sententia intollerabilem errorem contineat, non debet obedire, alijs excusantur carnifices, qui Martyres occiderunt. Si verò non contineat manifestam iniustiam, non peccat præceptum exequendo, quia ipse non habet discutere superioris sententiam, nec ipse occidit innocentem, sed iudex cui ministerium exhibet. Ita in terminis S. Th: 2. q. 94. a. 6. quoad omnes partes.

Dico 9. Qui contra aliquem falsum protulit testimonium, propter quod damnatur ad mortem, tunc, licet cum periculo propriæ vitæ debet retractare testimonium, aliàs peccat graviter contra iustitiam. ita communis. Sicut & ille peccat mortaliter contra charitatem, qui scit aliquem iniuste adiudicandum morri, aut pænæ gravi, nisi ferat testimoniū. & tamen non fert, licet non interrogetur. Item peccat mortaliter contra charitatē, qui scit alicui paratas insidias, & nō præmonet.

Dico 10. Non solum is peccat, qui physice occidit, sed etiam, qui sequentibus verbis continentur.

Iussio, consilium, consensus, palpo, secussum,

Participans, mutus, non obfians, non manifestans,

id est, qui præcipit Qui dat consilium. Qui consentit, & ratum habet factum, sive ante, sive post occasionem. Qui laudat factum, vel laudat ut fiat. Qui defendit homicidam, & præbet recursum ad se. Qui partem aliquam habet in homicidio, seu fuit socius criminis aliquomodo, & auxilium præbuit Qui non præmonet occidendum. Qui non defendit. Tandem, non manifestans veritatem ad defendendam vitam innocentis.

Dico 11. Confitendo homicidium aperienda sunt aliqua circumstantia v. g. si persona occisa erat Pater, Mater, aut in aliquo gradu consanguinitatis vel affinitatis. Si erat Persona sacris initiata, ratione excommunicationis annexæ. Si erat persona ex cuius occisione alii notabile damnum patiuntur, ut si Pater erat, cuius filii orphani relinquuntur. Si in loco sacro, nam sic committitur sacrilegium. Si in publico, nam sic est scandalum. Si eum, qui minus de homicidio cogitabat induxit, nam & sic est scandalum.

Dico 12. Hoc præcepto etiam sui ipsius prohibetur occisio. itaq; si quis occidat se ipsum, vel graviter lædat, mortaliter peccat immo licet à iudice jubeatur, ut sibi mortem v. g. hauriendo venenum inferat, exequendo peccat. mort. secundum S. Thomam 2. 2. q. 62. a. 4. Vnde S. Apollonia projiciendo se ipsam in ignem, fecit ex instinctu Spiritus Sancti, & idem iudicium de Samlone, & de quibusdam Sanctis fœminis, secundum S. Augustinum relatum à S. Th. 2. 2. q. 64. a. 5. ad 5. Vbi non excusat Raziam, qui 4. Machab 14 se occidit

Dico 13. Quando periculum est tale. ut ex eo mors frequentius sequi soleat, qui se tali periculo exponit, est homicida sui Dixi frequentius Nam si est periculum, ex quo bis aut ter mors subsequuta, tali periculo se exponens, & moriens, non est homicida sui. Hinc excusantur, qui per altas scalas, parietes, templorumq; tecta conscendunt. Item funambuli in ea arte peritissimi, quàmvis aliquando unus vel alter ceciderit & mortuus sit.

Dico 14. Licet desiderare propriam mortem, ob desiderium essendi cum Christo, sicut S. Paulus ad Philip: 1. aut ob virandas Dei offensas, aut ut liberemur à vitæ periculis, qualia sunt tempore incursionis Barbarorum. Sed desiderare mortem ex desperatione, aut impatientia, mortali non caret culpâ Mater etiam non peccat mortaliter, quæ videns filium aut alterum in gravi & prolixa infirmitate,



mitate, desiderat ei mortem Quia non ex odio, sed ex amore desideratur. Item secundum Navar. Fernandez, dela Cruz & alios, licet alteri desiderare mortem, sub ratione boni ut scilicet, cesset à peccatis. supposito quòd sit grandis nequam. Tandem inimicis fidei, & iniustus hostibus propter bonum publicum.

## DISTINCTIO XXII.

## De Bello.

**N**Ota. Bellum est conflictus exercituum, qui inducitur auctoritatè Principis superioris non recognoscentis. ut sit iustum tria requiruntur. *Primò*. auctoritas Principis Superiorem non recognoscentis, nam ad recognoscentem Superiorem, non pertinet movere bellum, cum hic possit ius suum prosequi iudicio Superioris. *Secundò*. Causa iusta v. g. damna valde gravia illata. tentandum tamen medium suavius. *Tertio*, recta intentio, scilicet, ut bonum promoveatur, & malum vitetur. S. Th. 2. 2. q. 40. a. 1.

Dico 1. Qui indicit bellum tenetur prius cum prudentibus examinare causam belli. Facto examine, si manet dubium, & unus eorum possidet, alter non potest eum bellare, quia juxta regulam juris 63. in dubiis *mèlior est conditio possidentis*. Et sic si possidens ab alio invaditur, potest bellare in vasorem cum sit ei illata iniuria & alter restituere tenetur. Quod si id, de quo est lis, à nullo possidetur, stante dubio æquali dividatur. Quòd si dubium est inæquale, dividatur pro qualitate dubii ita ut, major pars detur ei, pro quo stat major veri similitudo.

Dico 2. Princeps Christianus licetè potest militibus infidelibus uti in bello, Sam. de Lub. V. Bellum. ratione tamen periculi & scandali quod inde speratur, non licet. Makov: tom 5. super Decal. d. 2. q. 7. a. 1. Conclusionem Samuelis limitat Voscic. 3. p. Elem: ad S. Confess: §. *cum quo* Vbi in bello defensivo tantum concedit licere uti infidelibus contra Christianos, & hæreticos contra Catholicos.

Dico 3. In bello iusto licet uti insidiis, non dicendo falsum, aut non servando promissum (hoc enim nunquam licet) sed occultando consilia, simulando fugam. &c. D. Th. 1. c.

Dico 4. Quousque militibus subditis de iniustitia belli non constat bellare possunt, nec iniustitiam belli examinare tenentur, sicut nec tortor sententiam iudicis examinare tenetur. Vnde in dubio præsumendum est pro Principe, qui est in possessione sui juris. quà propter dubium privari non debet. Quod etiam ad non subditos extendit Navarra & alii in Summa Dianæ V. Pugna. scias, nomine subditorum intelligi etiam possunt milites mercenarii, qui sub continuis stipendiis tam pacis, quàm belli, tempore degunt.

Dico 5. Licitum est servis captis in bello etiam iusto, fugere dominos, sicut & iustè incarcerato, licet fugere carcerem Bannez 2. 2. q. 40. a. 1. & alii: contra Sylv: & Turrec. & licet his consulere fugam, immo ad eandem juvare ait Led de Char. c. 13. aliter sentiendum de servis iuste emptis, addit Bonac: tractans in materia

teria de reſtit. de bello. Adverte in favorem fidei in jure gentium diſpenſatum, ne Chriſtiani in bello etiam juſto capti, mancipia efficiantur.

Dico 6. In bello juſto licet inferre hoſtibus omnia mala, ut deſtruere arces, occidere reos, etiam partem victoriæ, uſque, ad plenam ſatisfactionem & pacem ſtabiliendam, ad hoc enim ordinatur bellum, quod adhuc durare ſuppono. dela Cruz in præſenti.

Dixi, *occidere reos*, Nam innocentes ex intentione occidere non licet præter intentionem tamen, & indirectè licet. ſi tamen alicubi eſſent multi innocentes & pauci nocentes, hos non licet expugnare cum periculo innocentum ait dela Cruz in præſenti, Villalobos in Summa Dianæ relatus. Quod ſi innocentes (& idè de pueris ratione carètibz) ſpectent ad hoſtes, captivari & ſpoliari poſſunt. quantum neceſſarium eſt ad finem belli conſequendum. Præterea Turcarum innocentes Chriſtianorū mancipia juſtè ſūt, ut docent multi in Summa Dianæ relati V. Pugna.

Petes. Qui nomine innocentum veniunt. & Infantes, mulieres, ſenes, Clerici, Religioſi, ruſtici, legati, peregrini & mercatores.

Dico 7. Capta à militibus etiam extra conſictum ſunt ipſorum. S. enim Thomas. 2. 2. q. 66. a. 8. ad 2m nullā diſtinctionem facit. Nec computari debent in ſatisfactione rei pro qua bellatur. Makov: tr. 5. d. 2. q. 6. a. 1 & Sum. Dianæ l. c.

Dico 8. Contra Turcas quilibet Chriſtianus ſuperiorem non recognoſcens in temporalibus habet jus gerendi bellum continuum. Quia occupant bona Chriſtianorum, & quia hos vexant perſecutionibus, tandem, quia conantur delere fidem Chriſtianam, Sam. de Lub. V. Bellum ex Cajet.

Dico 9. Licet reſolvere bellum in duellum ſeu conſictum duorum. Quia duellum ideo eſt illicitum, quia in eo periculoſè conſulitur ſaluti alicuius, in hoc autem caſu potius conſulitur, Sam. l. c. ex Clau. regia.

Dico 10. Si imminet periculum generi bellum, poteſt extrahere ab Eccleſia illic conſugientes, ut ſe & ſua defendat, & eos ſpoliare ſecus ſi non imminet tale periculū, ſed tales gaudet privilegio immunitatis Eccleſiaſticae. dela C. in præſenti.

Dico 11. Si magna urgeat cauſa poſſunt Clerici bellare, v. g. in deſenſionem propriæ vitæ, proximi innocentis, contra iniuſtos Patriæ invaſores, ad obtinendam victoriæ Eccleſiæ valdè proficua, in quibus caſibus ſecundum Mendozam & Konich non ſunt irregulares, ſi occidant. Alias non exiſtente tali vel ſimili cauſa ſi bellant majoribus Ordinibus initiati, peccant mortaliter. utpote Deo omnino conſecrati. ſuſpenderuntur, monaſterio in perpetuum includuntur, quod ſi in bello deſcedant ſacrificijs privantur. Et hæc ex jure deducuntur. Ex quibus ulterius patet. præſatos Clericos ſine cauſa urgenti bellantes peccare mortaliter. Et idem de Regularibus, etiam Converſis, ſaltem quo ad mortale ob præcedentem rationem. Alij Clerici minores bellando ſicut & Vxores ducendo, tantum venialiter peccant, cum remotè ordinentur ad miniſterium altaris.

Dico ultimo. Clericus rapiens aliquid in bello juſto, tenetur reſtituere ei, à quo rapuit, ſi ſcit, aliàs ſi nescit tenetur dare pauperibus, Quia ſicut non licuit ei pugnare,



gnare. nec etiam rapere. Si tamen ab aliis, qui rapuerunt iustè, aliquid derur, potest retinere. immo secundum Monaldum apud Armil. V. Bellum, potest de licentia Principis iustè bellantis retinere, per seipsum rapta, quam censetur Princeps concedere, concedendo Clericis bellare, hic tamen aliàs peccat, ut patet ex præcedenti Conclusionè.

## DISTINCTIO XXIII,

*De Eleemosyna.*

**Nota 1.** Superflua, ex quibus facienda eleemosyna, alia dicuntur *superflua vitæ* vel *naturæ*, alia dicuntur *superflua statûs*. *Superflua vitæ* vel *naturæ* sunt illa, quæ demptis necessarijs ad vitam sustentandam, adhuc superfluit. *Superflua statûs* sunt illa quæ demptis necessarijs ad sustentandam vitam, & decentem statum, juxta conditionem personæ, adhuc tamen superfluit.

**Nota 2.** Pauperum indigentia est triplex *Extrema*, *gravis*, & *communis*. *Prima* est quando desunt necessaria vitæ, & sine quibus vita aut deficiet, aut abbreviabitur, aut gravi & diuturno morbo corripitur. *Gravis necessitas* est, cum desunt necessaria ad conservandam conditionem proprii statûs. *Communis* tandem necessitas est mendicantium, qui quàmvis multum indigeant, quia tamen à multis postulant, moraliter loquendo non possunt suo statui necessaria non invenire. Vide huius declarationem apud Moseic. 2. p. Tyroc. de peccatis contra opera misericordiæ.

**Dico 1.** Dum proximus est in extrema, vel quasi extrema necessitate ad vitam conservandam, tenetur sub mortali quivis subvenire ei, si habeat superflua vitæ & naturæ, & probabiliter putat neminem subventurum, etiamsi non habeat superflua statûs. hoc enim exigit lex charitatis.

**Dico 2.** Dum proximus est in gravi necessitate, tenetur sub mortali subvenire ei, qui habet superflua statûs, si non sit alius, qui subveniat. hoc enim exigit lex charitatis. præsertim, si nemo subveniret, facile gravis necessitas transiret in extremam. vtramq; conclusionem docet Armilla, Moseic. & alij.

**Dico 3.** In communibus proximorum necessitatibus quales esse solent in ordinarijs pauperibus, divites, qui habent superflua statui; tenentur sub mortali ad aliquam eleëmodynâ elargiendam, indeterminatè tamen, cui & quibus voluerint, & illis temporibus, quibus placuerit. Nam aliquando hæc etiam necessitas, facile transiret in gravem & extremam. Hæc conclusio quoad substantiam est determinata ab Innocentio XI. dum sequentem damnat. *Vix in secularibus invenies, etiam in Regibus superfluum statui, & na vix aliquis tenetur ad eleëmodynâ quando tenetur tantum ex superfluo statui.*

Dices ex dictis sequi multos divites damnari, qui partim in extrema, partim in gravi, partim in communi necessitate pauperibus manum non præbent. Argonius concedit sequelâ, & Bannez non solum ipsos, sed & ipsorum Confessarios damnari

damnari existimat. Attamen multoties excusari possunt. vel quia proximi necessitatē non satis cognoscunt, vel quia probabiliter iudicant se non habere superflua.

Dico 4. Si quis mendicādo posset suā necessitati consulere, essetq; plebeius, non censeretur constitutus in extrema necessitate, si vero esset Vir honestus, & mendicare esset ignominiosum, aliqui dicunt esse in extrema necessitate. Malderus negat, & ruborem in tali casu attribuit superbix. Nisi fortē adeo esset ignominiosum mendicare, ut mori potius vellet, quā cum tanto dispendio vivere.

Dico 5. Personæ Ecclesiasticæ habentes beneficia, arctius quā sæculares obligantur ad dandam eleēmosynam. Tum quia sunt in statu perfectiori ac proinde ad charitatem magis obligati. Tum quia in statu remotiori à tot necessitatibus. Siquidem non habent Vxores, filios aut filias. Victus quoq; ac vestitus requirit modestiam secundum Concil. Trid. Tum quia per Ecclesiam, bona Ecclesiastica, sunt ad erogandum obligati pauperibus ea, quæ super sunt honestæ sustentationi Clerici, & provisioni pro casibus ordinariè eventuris. Mosc. quoad omnes partes. 2. p. Tyroc. l. c.

Dico 6. Dare eleēmosynam soli illi possunt, qui habent proprium, & liberam rerum dispensationem. Vnde Religiosi eleēmosynam dare non possunt. Item Vxor de bonis mariti. Filius de bonis Patris. Famulus de bonis Domini. nisi habeant aliquid proprium non subditum illis. Et sic Vxor ex acquisitis suā industriā, vel donatis ab aliquo potest dare eleēmosynam. Potest etiam Vxor dare eleēmosynam si maritus profectus est peregrinē. Vel si sit amens, aut in bonum eius, scilicet, ad impetrandum ei auxilium à Deo. vel si est valde negligens in eleēmosynis dandis. Moscic. quoad omnes partes l. c.

Dico 7. Potest Vxor de re communi marito & sibi, facere eleēmosynam modicam propter quam maritus non incidit in inopiam, scilicet, parum panis, cerevisiæ, salis &c. insuper si mos patriæ habet, quod Vxores hoc faciant, aut in spem ratihabitionis, omnis enim pro sua conditione præsumitur, indulgere filio minores sumptus & multo magis Vxori, immo docet M. Bannez Vxores posse Eleēmosynas communes facere, in quibus nihil damnificatur familia.

## DISTINCTIO XXIV.

### De Scandalo.

Nota 1. Scandalum est dictum vel factum minus rectum, occasionem spiritūalis ruinæ præbens. Ex qua definitione pater, quando aliquis ex alterius peccato excitatur ad odium peccati, non est scandalum. vnde multorum error sic scandalum accipientium, est corrigendus.

Nota 2. Scandalum aliud est actiuum, aliud passiuum, *actiuum* est, quando dicto factoq; tuo directē intendis, ut alter ruat, inducendo eum ad peccatum, vel si non intendis ut ruat, ipsum dictum vel factum est inductivum ad peccandum. v. g. si publicē pecces, aut facias aliquid habens speciem peccati. *Passiuum* est,



est, quando dictum vel factum vnius, est alteri causa per accidens peccandi v. g. si operans non intendat aliquem inducere ad peccatum, nec opus est per se induktivum, alter tamen sumit inde occasionem peccandi. Quod si sumat occasionem peccandi ex sua malitia, est scandalum Pharisaicum, si ex infirmitate vel ignorantia, est scandalum pusillorum, vel infirmorum.

Dico 1. Peccat scandalum activo qui ad explorandam constantiam alicuius in castitate, immittit in cubiculum mulierem. Idem de eo, qui ad experiendam alicuius fidelitatem, alture in aliquo loco non solito, patenti tamen, ponit aureum. Licet tamen non impedire neq; subtrahere pueris & famulis occasionem furandi, relinquendo pecuniam in loco solito, ut facilius deprehendantur convincantur, & emendentur. hoc enim non est cooperari peccato positivè, sicut prius, sed negativè se habere. Ita Moscic: quoad omnes partes.

Dico 2. Peccans in publico, hanc circumstantiam in confessione aperire tenetur, quia malum præbet exemplum, siue idem faciendi, siue graves tentationes patiendi, quamvis intentio non sit, ut proximus peccet. Propter eandem rationem secundum Moscic: peccant peccato scandalum Religiosi, paupertatis votum non observantes, silentia frangentes, cæteras observantias prætermittentes, licet non habeant animum pervertendi alios. Nam cæteri videntes tam mala exempla, faciliè imitabuntur abusus.

Dico 3to. Quando mulier ornata præsentat se conspectui eius, quem credit exarsurum in eius concupiscentiam, peccat, quamvis non habeat animum inducendi eum ad peccatum. Quia habet saltem animum tacitum & indirectum. cum advertat suum factum inordinatum, tendere ad ruinam proximi Moscic.

Dico 4to. Propter scandalum Pharisaicum, nec bona spiritualia, nec temporalia sunt omittenda immo nec propter scandalum pusillorum omitti debent bona spiritualia, necessaria ad salutem, quæ omitti non possunt sine mortali, aut etiam veniali. Quæ autem non sunt necessaria ad salutem, sunt occultanda, aut differenda, si periculum non imminet donec informatione præmissa scandalum cesset, quod si non cessaret, jam ex malitia procederet, consequenter non esset curandum. Ita quoad omnes partes D. Th. 2. 2. q. 43. ar. 7. & 8, sed pro maiori horum intelligentia.

Dico 5to. Si Confessarius suo fungens officio quandam animam in viam salutis dirigit, vicini autem hoc apprehendunt, quasi hæc directio non bonum finem haberet. Quam primò Confessario scandalum vicinorum innotuerit, secundum Salazar teneretur sub mortali à tali instructione cessare, usq; dum vicini errorem deponant, nisi fortè per prolongationem, anima quæ instruitur, notabile damnum pateretur, & aliàs vicini non possent còmo se moneri. Quod si advertitur vicinorù scandalum oriri ex malitia non curetur, & in directione talis animæ procedatur.

Dico 6to. Temporalia quorum Domini sumus, propter pusillorum scandalum aut sunt totaliter dimittenda aut per admonitionem, aliumvè modum scandalum sedandum S. Th. 2. 2. q. 43. ar. 8. iacturam tamen omnium aut penè omnium pati,

ob paucorum scandalum, nimis durum esset, secundum Mosciat qualiter intelligendus S. Thomas. Dixi, *giorum Domini sumus*. nam bona, quæ nobis sunt ad conservandum commissa, sicut bona Ecclesiæ committuntur Prælaris, & bona cõmunia Reipubli & Rectoribus, propter scandalum non sunt dimittenda, ut expressè docet S. Th: loco citato.

Q. Quando censetur populus scandalizatus? R. quando decem graves & honestæ personæ scandalizantur. Ita S. Raym. sequentibus: *Si Parochia habeat mille Parochianos, & ex illis solum decem graves & honestæ personæ scandalizantur de forcaria Sacerdotis, dici potest quod populus scandalizetur cum decem homines populum faciant*. Ita S. D. citi quem refert & sequitur Sylvester V. *Notorium*.

Scias aliud est, scandalum esse publicum, aliud est, peccatũ, de quo est scandalum, esse publicum. ut scandalum sit publicum, non est necesse peccatum esse publicum, ut patet; ipsum tamen scandalum, si sit activum, est peccatum & factum, & sic ad notorietatem eius sufficit dictus numerus.

## DISTINCTIO XXV.

### De Correctione Fraternali.

**Nota 1.** Correctio fraternalis est, quæ quis proximum suum fraternaliter corrigit ob peccati perpetrationem, secundum tempus & locum. Quinque conditiones ad eam necessariæ. *Prima* conditio est, ut certam notitiam quis habeat de peccato proximi. *Secunda*, ut proximus indigeat correctione, sive propter ignorantiam sive inadvertentiam, sive propter propositum iterandi, & non puratur ab aliquo alio corrigendus. *Tertia*, ut ex correctione speretur probabiliter emendatio, saltem ad tempus. Nec tamen facili debemus nobis de emendatione proximi male persuadere. cum sæpè emendentur, de quibus minus speratur. *Quarta*, ut fiat eo ordine, quo Christus Dominus ordinavit. Si tamen peccatum sit contra fidem Catholicam, aut bonum commune, subito declarandum. S. Th. 2. 2. q. 33. a. 7. in Corp. quod si error non esset contra si tem prolatus cum pertinacia, tunc subito non posset declarari, sed deberet secretò corrigi, ut docet Bannez. *Quinta*, ut fiat cum opportunitate, sive temporis, sive loci, sive personarum v. g. si indigens correctione, valde irascitur, probabiliter nihil efficit monitio. Si in aliorum præsentia, fortè magis exacerbatur. quòd si continuat suam malitiam, suaviter occurrendum prout fieri potest. quandoq; etiam expectanda persona magis ad corrigendum idonea.

**Nota 2.** Ordo in fraternali correctione servandus, traditur à Christo Domino Matth. 18. qui est talis. si peccaverit in te hoc est secretè frater tuus, vad: & corripe eum, inter te & ipsum solum. Si te non audierit, adhibe tecum adhuc unum vel duos, ut in ore duorum vel trium stet omne verbum. Quòd si non audierit, dic Ecclesiæ. Si autem Ecclesiam non audierit sit tibi tanquam Ethnicus & publicanus. Qui quidem ordo non solum est de jure Divino, sed etiam de jure naturali,



naturali, quod nos edocet, proximum corrigere cum minori detrimento illius famæ & honoris, quo possumus.

Dico 1<sup>o</sup> Si delinquens sit homo prudens & circumspectus, de quo facile emendatio sperari potest, tunc hoc præceptum correctionis ad sui observantiam non obligat. Quod si talis, dum actualiter peccat, à peccato probabiliter desisteret propter correctionem, non posset omitti correctio.

Dico 2<sup>do</sup>. Qui ex timore, tepiditate, verecundia, negligentia, aut alia simili causa non corrigit, non peccat mortaliter, si alias ita sit paratus, quod si crederet probabiliter posse fratrem emendare, omnia postponeret charitati fraternæ. De la Cruz ex S. Th. 2. 2. q. 33. ar. 2. ad 3. Et intelligitur Conclusio si ex omissione correctionis fraternæ non sequitur proximo notabile damnum in spiritualibus aut corporalibus. Quod tunc contingit quando peccans peccat ex ignorantia vnicibili, à qua difficultè exibat nisi doceatur, aut incidet in grave damnum animæ vel corporis. Ex conclusione sequitur, non tam frequenter contingere ut privatus omittens correctionem, peccet, mortaliter. Dixi, *privatus*. Nam Prælati omittens correctionem ex timore, tepiditate &c. in re mortifera, non excusatur à mortali. Diana & alii.

Dico 3<sup>to</sup>. Etsi per se loquendo ordo correctionis sit sub mortali servandus, tamen si prudenter judicatur secretam correctionem non profuturam, potest immediate procedi ad secundum medium, & idem iudicium sit de secundo medio, quod etiam potest omitti, si sciatur, non secururam emendationem quæ est finis correctionis. De la Cruz.

Dico 4<sup>to</sup>. Prælati Religionum tenentur aliquando sub mortali corrigere etiam peccata venialia subditorum, quæ regularem disciplinam notabiliter minuunt. Villalobos & alii. Immo ut docet D. Th. 2. 2. q. 33. a. 2. ad 4. Prælati tenentur sub gravi obligatione occulta peccata subditorum inquirere ad fraternaliter corrigendum. In hoc tamen servant consilium magni Patriarchæ S. Benedicti in Regula C. 64. ubi habetur ne superior sit turbulentus, anxius, & nimis suspiciosus.

Dico 5<sup>to</sup>. Concionatores tenentur publica peccata aut quæ sciunt in illis locis crebrò fieri, publicè reprehendere, etsi ea committentes credantur non emendandi. Ad idem tenetur superior licet non speret fructum, ut suo officio satisfaciat. Adverte. Si prædicti & alii, qui tenentur ex officio corrigere, ut est Pater, Maritus, Dominus, Tutor &c. omittant, correctionem, tenentur hanc circumstantiam in confessione aperire. Unde non sufficit dicere, omisi correctionem, sed debent dicere se esse tales, alias omitterent circumstantiam speciem mutantem. Cum ut docet Caiet. à Diana relatus, superior teneatur ex iustitia corrigere.

Dico 6<sup>o</sup>. Subditi tenentur aliquando corrigere suos Superiores, ut deducitur ex O. sicut tria tamen in tal correctione sunt servanda. primò ut cum magna prudentia & humilitate fiat, & potius obsecrando, quam increpando. Secundo, ut fiat secreto & non publicè, ex decreto Innoc. I l. C. cum ex munere, d. hæ-

reticis. Quòd intellige, nisi peccata sint scandalosa & publica, tunc enim publicè argui deberent, etsi nulla speraretur emendatio. tertio, captari debent tempore, quibus creduntur, magis dispositi

### *Circa Sextum Præceptum.*

Hoc Præcepto prohibetur omne peccatum repugnans castitati.

## **DISTINCTIO XXVI.**

### *Explicantur Species Luxuriæ.*

**N**Ota. Sex sunt species Luxuriæ: scilicet simplex fornicatio, stuprum, adulterium, incestus, raptus, peccatum contra naturam. S. Th. 2. 2. q. 154. a. 1. Sacriligium enim (quod est illicitus concubitus cum fœmina voto castitatis adstricta, vel in loco sacro, aut ab habente votum castitatis) non numeratur à D. Th. citato inter species luxuriæ, quia ex se directè pertinet ad irreligiositatem & reducitivè ad luxuriam.

Dico 1<sup>m</sup>ò Simplex fornicatio, est illicitus concubitus soluti cum soluta non Virgine in vase naturali. Dicitur solutus & soluta, id est non existentes in matrimonio, sive rato sive consummato. Ad hanc speciem reducitur concubitus.

Dico 2<sup>d</sup>ò Stuprum est defloratio Virginis per fractionem claustris Virginalis. Differt specie à simplici fornicatione secundum D. Th. loco citato. ar. 6.

Dico 3<sup>o</sup>. Adulterium est illicitus concubitus, vel coniugati cum coniugata, vel coniugati cum libera, vel liberi cum coniugata. & in primo aperienda est in confessione circumstantia utriusq; coniugati. quia sit iniustitia duplex, & æquivaleret duplici peccato.

Dico 4<sup>to</sup> Incestus est illicitus concubitus cum consanguinea vel affine usque ad quartum gradum inclusivè. Huc pertinet peccatum cum habente cognationem legalem, cum à se baptizata, & secundum aliquos cum filia Confessionis.

Dico 5<sup>to</sup> Raptus est, cum quis abducit fœminam, à domo parentum, vel eorum, sub quorum cura est, aut à domo propria si sui juris sit, ipsa invitâ, ad fornicandum cum illa, aut ad matrimonium contrahendum. Vide Trid. Sess. 34. c. 6.

Dico 6<sup>to</sup>. Peccatum contra naturam est omnis actus libidinosus extra vas, aut contra modum, à natura institutum. eius species sunt quatuor. Mollities seu pollutio. Bestialitas, Sodomia, inordinatus concubitus. Mollities seu pollutio, est voluntaria seminis effusio extra vas. & potest speciem alterius libidinis habere. Si videlicet aliquis in actu illo turpi delectetur de alio actu sive morosè, sive cum animo perpetrandi si posset, aut acsi defacto perpetraret. Bestialitas est coitus cum bestia. ad bestialitatem reducitur coitus cum dæmone succubo vel incubo, quia corpus assumptum à dæmone non est verum corpus humanum. Sodomia est illicitus concubitus vel masculi cum masculo, vel fœminæ cum fœmina. Pollutio ex tactu personæ eiusdem sexûs reducitur ad sodomiam. Concubitus masculi cum fœmina in vase præposterò secundum Armillam, & conformiter ad mentem

D. Tho.



D Thomæ, non est propriè sodomia, sed potius concubitus inordinatus & monstruosus, consequenter specie distinctus à concubitu masculi cum masculino. Tandem inordinatus concubitus tunc est, quando non est debita corporum positio vel quando non seminatur in vase, vel quando non adhibetur instrumentum debitum, & primus concubitus, si sit in vase debito & sine periculo effusionis seminis non est moralis inter conjuges

## DISTINCTIO XXVII.

*De Peccatis Luxurie in particulari, quæ sunt in secundam personam.*

Dico 1. Si fornicator provocavit mulierem, non tenetur ex communi praxi Confessariorum hanc circumstantiam scandali in confessione aperire, nam subintelligitur. Si verò è contra fœmina provocavit virum ad peccandum, ob contrariam rationem, tenetur hanc circumstantiam scandali aperire. Adverte si fornicator usus est provocatione valdè importuna tenetur in Confessione aperire, à fortiori si violento modo oppressit.

Dico 2. Sicut fornicari, sic & cooperari proximè ad fornicandum est mortale, licèt hoc fiat per actionem ex se & sua natura indifferentem. Quare famulus qui submissis humeris scienter adjuvat herum ascendere per fenestras ad fornicandum peccat mortaliter, licet id faciat, metu notabilis damni. Ita determinat Innocentius XI. dum sequentem damnat *Famulus qui submissis humeris scienter adjuvat herum suum ascendere per fenestras ad stuprandum Virginem, & multoties ei subseruit, deferendo scalam, aperiendo januam, aut quid simile cooperando, non peccat mortaliter. Si id faciat metu notabilis detrimenti, puta ne malè à Domino tractetur, ne torvis oculis aspiatur, ne domo expellatur.* Ex hoc patet, limi es Theologorum sententias, esse iam improbables. Dixi cooperari proximè ad fornicandum, licèt id fiat per actionem ex sua natura indifferentem ad bonum vel malum. Nam locare domum meretrici cum non sit cooperari proximè ad fornicandum, & fiat per actionem ex se indifferentem, licet, ubi permittuntur ad cavendum majus malum. nam ubi non permittuntur, judico non licere, cum hoc esset eas introducere.

Dico 3. Est obligandus concubinarij ad ejiciendam concubinam, licèt hæc nimis utilis esset ad oblectamentum concubinarij, & licet deficiente illâ, nimis ægrè vitam ageret, & alix epulæ radio magno concubinarium afficerent, & alia famula nimis difficilè inveniretur. Ita determinat Alexander VII. Cum verò Confessarius non possit aliter obligare concubinarium quam differendo absolutionē, hinc differe debet donec concubinam expellat, etsi primà vice id confiteatur, quia experientia constat pœnitentem semel absolutum rarò occasionem relinquere Diana, licèt aliàs, laxus.

Dico 4. Potest meretrix accipere & retinere luctum pro sui corporis prostitutione

tutione. quòd si fuerit excessivum attentata quiritate personæ, non potest, insuper quod pro tali promissum est opera, in conscientia solvendum est. Ioan. Corradus quoad primam & ultimam partem.

Dico 5. Qui deflorat Virginem tenetur hanc circumstantiam in confessione aperire S. Th 22 q. 154. a. 6. oppositum habet Sotus, etiam si ipsa, si sit sui juris, consentiat. Dela Cruz & Molsio, iudico tamen (salvo meliori aliorum iudicio) poenitentes circa hanc circumstantiam non esse molestandos, præcipue minus doctos, cum invincibiliter ignorent, specialem addere malitiam. Adverte, Virginem oppressam & idem iudicium de soluta, teneri clamare.

Dico 6. Amissio Virginitatis ex parte viri non est stuprum, sed reducitur ad unam ex aliis speciebus pro diversitate actûs, Qui masculus non est ita sub custodia Patris quo ad hoc, nec sit minus nubilus amissa Virginitate, sicut foemina. Armilla V. Stuprum & colligitur ex S. Th citato. Similiter si puella peccet contra castitatem se volutariè polluendo, non est stuprum, sed pertinet ad molitiam, & in utroq; casu non est necessario confitenda amissio Virginitatis, quantum ad virtutem in anima existentem.

Dico 7. Si quis promittit sive cum juramento, sive absq; illo, seducturum in Vxorem, sive Virginem sive non Virginem, cum qua rem habuit tenetur eam ducere, nisi sit magnus excessus inter personas, unde grave aliquod damnum timeatur ex tali matrimonio, nam in tali casu tenetur eam honestè dotare, maxime si ipsa velit. Quòd si nihil promisit, & nihil damni inde secutum, fornicator ad nihil tenetur. Item non tenetur dotare puellam si liberè & sine ulla promissione puella consentit, aliquando tamen ex charitate tenetur. quod iudicio prudentis relinquitur. hanc doctrinam in venies apud Dela Cruz de restit. a. 2. dub. 4. conc. 1. & 3. Adde ex Povodovio, si propter stuprũ vel fornicationem foemina infamata, deflorator vel fornicator tenetur pro posse talem infamiam auferre.

Dico 8. Habere rem cum spona alterius, est circumstantia in confessione aperienda, quia injuria inferitur sponso, & valde deterioratur conditio sponsæ, Homo bonus apud Dianam. Idè sentit Mose si cum sponso alterius res habeatur.

Dico 9. Copula cum conjugata, consentiente marito, est adulterium. quare non sufficit in confessione dicere se esse fornicatum. Ita determinat Innocentius XI, dum oppositum damnat.

Dico 10. Adulter propter adulterium jam notum, amittit jus petendi debitum ex iustitia (ita ut alter non teneatur reddere) non tamen amittit jus reddendi. Et idem dic de adultera. Dixi, *Propter adulterium jam notum*. Nam adulter propter adulterium occultè commissum, & nondum notum, non amittit ius ad exigendum debitum, ut docet Turrecremata, Sotus, Cajet: & Covarruvia s apud Fernandez. nam nemo tenetur se suo jure spoliare.

Dico 11. Maritus adulteræ, si non consensit adulterio, potest divortium ab illa facere, quoad thorum & habitationem. & potest illam intra monasterium includere per sententiam iudicis, potest etiam remittere culpam,

Dico



*De pecc. luxuria in particulari, quæ sunt in secundâ personâ. L. 1. 63*

Dico 12. Mulier adultera, ne noceat veri filio, non tenetur declarare filium spurium, cum periculo sue vitæ aut gravis infamiae, sed debet refarcire damnum aliorum filiorum, quantum potest aliis viis, & similiter ipse adulter. Spurius non tenetur credere matri adulteræ se esse spurium regulariter loquendo, ut docet sylvester cum sanormitano. Quod si adultera potest sine prædicto periculo se manifestare, & spem habeat, quod credetur, tenetur se ipsam manifestare, ne noceat veri filio, inter alia ut etiam docet Novodovius potest filio ex adulterio suscepto ingressum Religionis suadere. Hanc doctrinam fufius invenies apud Dela Cruz de resti. a. 6. dub. 6. & 7.

Dico 13. Probabile est quod mulier peccans cum Sacerdote Religioso, non teneatur explicare utramque circumstantiam, nimirum sacerdotii & Religionis, sed illarum alteram, dicendo peccavi cum Religioso. Vel sacerdote. Quod etiam procedit de ipso Sacerdote, cui satis est quod explicet alterutrum. Et ratio huius est, quia probabile est, vota solemnia castitatis, quæ emittuntur in Professione Religiosa, & in susceptione sacrorum Ordinum esse ejusdem speciei. Navar. & alij. immo putat Diana cum Villalobos, votum solenne castitatis, à voto simplici non differre specie, consequenter prædictam mulierem satisfacere dicendo, concubui cum habente votum castitatis, Religiosum verò Sacerdotem satisfacere dicendo fregi votum castitatis. Probabilius tamen est oppositum utriusque sententiæ, cum Thomistæ probent votum Clericale seu annexum sacris Ordinibus differre specie à voto Religiosorum. Hinc mulier peccans cum Sacerdote Religioso tenetur explicare circumstantiam Religionis dicendo peccavi cum Religioso, non tamen tenetur addere circumstantiam sacri Ordinis, dicendo, & cum Sacerdote, secundum Dela Cruz. Quia votum castitatis majoribus Ordinibus annexum, non addit specialem & majorem obligationem supra votum Religionis solenne. Dixi, *Sacri Ordinis*. Nam extra difficultatem est Clericū, in minoribus constitutum, non teneri explicare hanc circumstantiam, sed sufficit dicere, fornicatus sum. Lamas.

Petes. V. Clerici seculares teneantur explicare circumstantiam subdiaconatus, Diaconatus vel, Sacerdotii? Respondet Ledesma quod sic & rationabiliter, quia unus longè magis alio, consecratur Deo.

Dico 14. Copula cum Iudeo vel Iudæa, & item est de alijs extra Christianam Religionem constitutis, reputatur ad sacrilegium, quia talis conjunctio prohibita est ab Ecclesia in honorem Christianismi. Molitor cum Lessi. contra Azorium, Dianam & alios, qui dicunt secluso scandalis, sub perditionis periculo, Christianæ Religionis contemptu, & reservatione Episcopali, satis esse dicere, fornicatus sum &c. an verò qui in actu venereo gestat reliquias, vel agnum benedictum, etiam committat sacrilegium? negat Diana Molitor, & alij. Nisi habeat partem crucis, spinæ, vel clavi. Diana & alij.

Dico 15. Incestuosus cum sanguinea conjugis, in primo aut secundo gradu, non potest petere debitum, propter contractam affinitatem cum propria Vxore. Dispensatio tamen haberi potest ab Episcopo, aut ab habente privilegium.

Sciendum, Regulares privilegiati possunt dispensare cum conjugibus incestuosis.

fluotus, ut petant debitum. Possunt inquam dispensare, extra Monasterium, sine deputatione facta à Superiori, extra Sacram. penitentiae, & amore Superiori, supposito quòd licentiam dederit. Colligo ex Donato Laynensi to: 3. tr. 4. q. 40. circa finem, absolute enim loquitur & insinuat privilegium Martini V. Antonius verò à Spiritu S. in Directorio Regularium tr. 2. disp. 1. sect. 2. § 3. id expresse docet, & pro tribus posterioribus partibus DD. citat. ubi etiam docet, hanc potestatem quam tribuunt Prælati ad dispensandum in debito cum conjugibus incestuosis, extendi ad eos, qui cognationem spirituales contraxerunt, & refert Villal: & alios matrimonio supervenientem.

Dico 16. Sicut abuti moniali modo quasi sodomitico pertinet ad sacrilegium, abuti Virgine ad stuprum (hoc tamen negat Sà & Diana, quia non violatur claustrum) vxorata ad adulterium, ita abuti consanguinea aut affine pertinet ad incestum. Nec sufficit dicere in confessione habui rem modo sodomitico cum consanguineis vel affinibus, sed explicari debet primus & secundus gradus. Quantum ad alios verò gradus, sufficit dicere habui rem modo sodomitico cum consanguineis &c. Dixi, cum consanguineis vel affinibus. Nam nō sufficit in confessione nominare incestum in communi sed debet explicari qualis fuerit, an inter consanguineos vel affines, an inter cognatos cognatione spiritali, vel legali, ut probari potest ex his, quæ adducit Bonac: tractans de matrimonio. Petes, Vir cognoscens Vxorem suam quasi sodomitice utrū ultra peccatum contra naturam, committat adulterium. & Sanchez. committi adulterium tam ex parte Viri, quàm ex parte feminae, idq; ex Cajet: Soto, & Petro Ledesma.

Dico 17. Inter raptorem & raptā, quamdiu ipsa in potestate raptoris manserit, nullum posse consistere matrimonium. Quòd si rapta à raptore separata & in loco tuto, & libero constituta, illum in virum habere consenserit eam raptor in Vxorem habeat, & nihilominus raptor ipse, ac omnes illi consilium, auxilium & favorem præbentes, sint ipso jure excommunicati, ac perpetuò infames, omniumque dignitatum incapaces, & si Clerici fuerint, de proprio gradu decendant. Teneatur præterea raptor mulierem raptam, sive eam Vxorem duxerit, sive non duxerit, decenter iudicis arbitrio dotare. Ita in terminis sacrum Conc. Trid. Sess: 24. C. 6.

Dico 18. Si puella non vi rapitur, non est verè raptus, sed potius fuga, licet hoc fiat in vicis illis, sub quorum cura manet, consequenter validè contrahitur matrimonium. Diana p. 10 t. 4. res. 261 & alij Quia Tridentinum solum respexit ad libertatem puellarum, ne scilicet Virgines nubere cogerentur. Hic autem nullus sit coactio. Item si quis rapiat sponsam suam invitam, non committit verum raptum nec invalidatur matrimonium si videlicet sponsa solum contradicat raptui propter certos respectus, non verò contradicat ipsi matrimonio. Ita aliqui apud Bonac. de matrimonio à fortiori idem dicendum, si sponsa non invitata rapitur. & licet in jure Civili tunc committatur raptus non tamen in jure Canonico ut docet Bonac. consequenter validè contrahitur matrimonium.

DISTIN.



## DISTINCTIO XXVIII.

## De Pollutione.

**N**Ota. Pollutio evenit concurrentibus sequentibus conditionibus. 1. quod sit emissio seminis per membrum genitale tacta, non autem sufficit emissio alterius humoris. 2. quod talis emissio sit sensibilis & perceptibilis. 3. quod sit cum delectatione. 4. quod sit cum carnis commotione. id est, quæ sit nedum cum membri generalis motione, sed etiam totius corporis. Ghetius in Thesaurio Animæ V. Pollutio.

Dico 1. Pollutio in semiexpergefacto, non est mortalis, cum non sit sufficienter voluntaria, defectu pleni iudicii & advertentiæ. nisi esset procurata vel volita in causa, aut postea succederet voluntaria delectatio circa illam. an verò in somno inchoatam teneamur sub mortali in vigilia reprimere? negat Sà & Facundez Lib. 6. super Decalogum c. 1; modò absit periculum consensus.

Adverte. Dum loquor de pollutione in somno inchoata, non loquor de inchoata quoad effluxum (sic enim magis verificatur resolutio hæc) sed loquor de inchoata, id est proximè disposita. Facundez l. c. cum aliis. Universaliter, dum naturaliter pollutio evenit non tenemur eam reprimere. aliàs daretur occasio magnis anxietatibus, cum quibus non tenemur impedire pollutionem, ut habet Trulench Lib. 6. super Decal. C. l. dub. 8. ex Azor & filluc. Quia sic datur causa saltem utilis. quæ stante non tenemur impedire pollutionem, secundum comin. Propter quam tamen non licet in aliquo casu procurare pollutionem. Et sic non tenemur ad impediendum jam inchoatam pollutionem ab equitatione cessare & descendere, quod exemplum adducit Gerius V. Polli: allegando Navarrum.

Dico 2. Non est mortalis pollutio, causata ex positione magis accommodata corporis supini, quando aliquis cognoscit ex hoc modo jacendi securitatem in somnis pollutionem. Item causata ex cibis calidis, ex agitatione in equo. à fortiori quando ex Confessione, vel lectione casuum prævidetur. Quia in his & similibus casibus pollutio sequitur per accidens & præter intentionem. Quando etiam pollutio provenit ex fricatione ad sedandum magnum pruritum, non est mortalis. nam hæc causa est licita & necessaria, unde pollutio inde sequens, censetur esse præter intentionem. Hæc & sequentia docet Bonac. de Matrimonio partim ex Soto, partim ex Navar. partim ex aliis.

Dico 3. Quando pollutio provenit ex causa mortali non pertinente ad luxuriam, v. g. ex ebrietate. tunc pollutio non est peccatum mortale, cum ebrietas remotè & quasi per accidens ad pollutionem concurrat. Idem dicendum, quando provenit ex causa venialiter luxuriosa, & leviter influente in pollutionem. v. g. ex aspectu curioso vel lectione curiosa. Cuius ratio peti potest ex his, quæ dicā de motibus sensualitatis. Et hæc sunt probabilia. licet pollutio sit prævisa, modò non sit intencæ. in hoc enim sermo procedit, ut DD, exprimunt. Solùm ergo (ait

Eligius Basseus Capueinus V. Lux: citans Bonac. & alios) pollutio prævisa, nec tamen intentæ, est peccatum mortale, quando absque, vrgenti necessitate exercetur actio ex se turpis, & per se tendens ad actus venereos excitandos, pollutionemq; consummandam ita ille verbis Sanchez Lib. 9. d. 45. Augustinus verò Redding Doctor & Professor Salisburgensis tomo 2. q. 13. a. 2. controv: 31. Si causa pollutionis in se non intentæ sed prævisæ, sit in materia luxuriæ de se veniali, tunc pollutionem nec dum imputari ad culpam lethalem sed venialem; tenet Sanchez & alii DD. asserentes. pollutionem directè non volitam sed in causa prævisam tunc fore duntaxat mortalem, si causa in materia luxuriæ sit de se mortalis. ita citatus Doctor in terminis.

Dico 4. In nullo casu licitum est procurare pollutionem, etiam propter sanitatem. Ita communiter DD. Quia pollutio est jure naturæ prohibita, & intrinsecè mala. ut determinat Innocent. XI. damnans sequentem *Mellies jure natura prohibita non est. Unde si Deus eam non interdixisset. sæpè esset bona &c.* Nec semen est pars superflua, ut per pollutionem ejci creatur, sed est alimentum virtutis generativæ, quare tunc solùm ejci debet, quando virtus generativa in concubitu maritali requirit. Item sunt alia remedia ad sanitatem & natura ipsa in somnis ejcit. Nec vxor excusatur à morte: post copulam emittens semen cum sic semen prodigatur ad generationem institutum.

Dico 5. Licet sumere medicinam resolutentem semen in sanguinem vel aliam humorem. Item semen corruptum. v. g. in fœmina potest fricando vel medendo expelli, licet per accidens sequatur aliqua veri seminis emissio, modò constet illud semen esse corruptum. In dubio autem an sit corruptum, non licet, secundùm Bonac. & Sanchez. Quia præsumendum est in favorem seminis, quòd non sit corruptum. Qui autem in tali casu amore castitatis vitam profunderet bene faceret non enim tenemur mediis extraordinarijs, quàmvis à peccato mortali liberis, vitam tueri. Adverte. Licet in nullo casu liceat pollutionem procurare licitum tamen ob bonum finem v. g. ob sanitatem eam desiderare, vel de habita gaudere. Diana cum alijs. sententia Dianæ est D. Th. in 4. d. 9 q. 1. a. 4. q. 1. ad 5 Palud. & Armillæ. Multa enim licet desiderare, vel de habitis gaudere, non tamen ea facere. Nec tamen desideratur pollutio, quàm finis, ad quem pollutio per accidens conducit.

Dico 6. Ex causa urgentissima, potest vir relinquere imperfectam copulam, etsi fœmina jam seminaverit. vel si ita exigat honestas v. g. quod aliquis intrerea superveniat. Et hoc verum, licet alioquin secutura pollutio extra vas, cum hæc pollutio non censeatur voluntaria, sed præter intentionem. Pro quo refert Bonac. aliquos. Fornicans etiam pœnitentiâ ductus, potest se retrahere à seminatione, licet mulier jam seminaverit. Item licet sit periculum effusionis seminis. Quia quilibet potest se retrahere à peccato.

Dico 7. Aliæ emissiones humorû per genitalia membra, quæ non sunt pollutiones, nunquam sunt peccata mortalia, nec tenemur evitare occasiones illarum,



rum, ut docet Bartholomæus Medina L. 1. Instruct: Confess: C. 14. advertens, Viros spirituales non teneri relinquere conversationem cum mulieribus, licet ex tali conversatione sentiant titillationes carnis, & huiusmodi humiditates contra eorum voluntatem provenientes. Ghetius l. c. quo ad omnes partes. Quod si hæc conversatio cum tali effectu fiat sine causa, arguit eam peccati venialis gravis S. Th. Opusc. 64. de fluxu libid.

## DISTINCTIO XXIX.

De osculis, tactibus, aspectu, turpiloquio & motibus  
*sensualitatis.*

Dico 1. Osculum ob delectationem carnalem & sensibilem, quæ ex osculo oritur, habitum secluso etiam periculo ulteriori consensûs, & pollutionis, est mortale, & oppositum Marchantij damnavit Alexander VII. reprobando sequentem. *Es probabilis opinio, quæ dicit esse tantum veniale osculum habitum ob delectationem carnalem & sensibilem, quæ ex osculo oritur, secluso periculo consensûs ulteriori & pollutionis* Quod dixi de osculo. idem dicendum de amplexu, eadem intentione facto.

Dico 2. Levem tactum manus, item digiti intorsionem excusat à mortali Cajetanus, quia hæc fieri solent ex levitate, secus si ex delectatione. Tactum etiam mamillarum ex levitate & transeunter factum excusat à mortali Nau. Filluc. apud Bonac. de matr: q. 4. punct: 9. Nec est mortale osculari infantem, cum magna suavitate, quia hoc tantum fieri solet, ex amore teneræ illius ætatis. Tandem proprii pudendi tactum, si fiat sine dilectione, vel periculo delectationis, causâ levitatis, vel curiositatis excusat Bonac. à mortali.

Dico 3. Oscula & amplexus libidinosi, hoc est cum delectatione facta, sunt venialia tantum inter sponsum & sponsam, si desit periculum pollutionis, vel ulteriori consensûs. Armilla & alij n. 14 V. sponsalia. eò quod sponsus habeat aliquod jus, licet tantum inchoatum & imperfectum, ad corpus sponsæ.

Adverte ex eodem. V. impud. n. 2. hanc doctrinam non posse extendi, ad tactus partium verendarum inter sponsores.

Dico 4. Si conjux in absentia alterius conjugis tangit libidinosè verenda propria, peccat mortaliter, quia intrinsecè malum est, quod quis utatur proprio corpore ad explendam secum libidinem. Armilla & Diana. Hoc non obstante, conjux habens delectationem de copula habita vel habenda, in absentia alterius conjugis, absq; periculo pollutionis, non peccat mortaliter. Guriel: & alii. Oppositum habet Moscic. Viuis tamen non licet delectari delectatione libidinosâ, licet tantum sit morosa, de copula præterita, neq; sponsis de copula futura Bonac. & alii. Contra Cajet. & Serram, Dixi, *libidinosâ*. Nam Viuis vel sponsis delectari de copula sub ratione boni honesti, vel utilis, non est peccatum. v. g. quatenus copula ordinatur ad habendos filios, &c.

Dico 5. Oscula & tactus inter conjuges, etiam ob delectationem, & sine ordine

dine explicito ad copulam, sine periculo tamen pollutionis, non sunt mortalia. Idem dic de verbis turpibus. causa delectationis prolatis. Tactus autem impudici inter solutos, quamvis fiat sine causa delectationis, sunt peccata mortalia. assignat disparitatem Bonac. cur proprii corporis impudici tactus, non tam citò sint mortales, sicut alieni. Fœmina impudicè tacta tenetur sub mortali se retrahere. ne cooperetur rei intrinsecè malæ.

Dico 6. Aspectus Fœminæ licet fiat cum delectatione, quæ sistit in proportionem objecti visibilis ad potentiâ visivam, non est peccatum mortale. Nam non reperitur tanta turpitudine in aspectu, sicut in tactu. Nec aspectus ira provocat ad libidinem. secus dicendum, si sit in aspectu periculum delectationis libidinosæ, quæ solet in carne sentiri.

Dico 7. Aspectus pudendi ejusdem sexûs potest excusari à mortali, non enim tam proximè ad libidinem provocat. Aspectus tamen pudendi alterius sexûs, vel partis vicinæ licet non fiat ob malum finem, est de se peccatum mortale, quia multum incitat ad libidinem, nisi (ut docet Bonac.) fiat brevissimo tempore, ut non sit periculum commotionis in corpore. Dixi de se, quia aspectus, sicut & tactus pudendi alterius sexûs causa medicandi, licet, etsi delectatio suboritur, modò non sit periculum consensûs.

Dico 8. Videre, etiam ex sola curiositate, concubitus Viri cum fœmina, est mortale. secus dicendum videndo coitum bestiarum, vel partes eorum turpiter commotas, sine periculo ulterioris delectationis, cum hic aspectus non videatur adeo incitare ad libidinem. Confricans tamen inhonestas bestiarum partes, ut videatur semen, non excusatur à mortali, ut probat Bonac. ego, secluso periculo, in pollutionem haud leviter influente, item secluso periculo consensûs, non dannarem p. mortalis.

Dico 9. Turpiloquium si fiat animo se delectandi objecto turpi, est mortale, etsi non sit intentio utendi tali objecto. Idem dic de auditione, & lectione. Secus dicendum si delectemur præcisè solâ narratione ex levitate, abstrahendo ab objecto turpi. Vnde qui hoc secundo modo adest comœdiæ turpia repræsentanti excusatur à mortali ex hoc capite, nisi sit periculum delectationis. Nec Clericus, hoc modo præsens peccat mortaliter, nisi adsit scandalum. huic tamen prohibetur jure Ecclesiastico, hujusmodi actibus interesse. Dixi ex hoc capite, nam ex alio capite tam Clericus, quàm laicus, in quantum cooperatur rei malæ, non excusatur à mortali.

Dico 10. Repræsentantes turpia v. g. turpes comœdias, scribentes turpia, pingentes fœminas cum pudendis nudatis, mortaliter peccant, quia hæc multis ruinam præbent, à fortiori id dicendum de iis, qui sine causa alteri sexui pudenda ostendunt. Vtrum verò peccent mortaliter fœminæ, utentes veste ita tenui, ut faciliè pectora conspiciantur? negat Bonac. Si talis sit consuetudo patriæ. Et idem tenet Makovius. Fœminæ etiam sucantes suas facies sine causa, tantum venialiter peccant. Item utentes capillis alienis, vestibus odoriferis, immo & pretiosis, si absit grave familiæ damnum.

Dico



*De osculis, tactibus, aspectu turpiloquio & motibus sensualitatis. L. I. 69*

Dico ultimum. Motus sensualitatis, qui proveniunt ex causa tantum venialiter mala, in qua praevideri potuerunt, sunt peccata. v. g. quando proveniunt ex jocosis verbis, curioso aspectu &c. isti enim motus sunt sufficienter voluntarii, ut imputentur ad culpam. Non tamen secundum Bonac. sunt peccata mortalia. Quia ut imputentur ad culpam mortalem, requiritur majus voluntarium, quam sit in causa venialiter mala, in qua praevideri potuerunt. sic discurrens Bonac. de matrimonio q. 4. punc 7. & citat aliquos. Quod si proveniunt ex causa habente aliquam honestatem, vel utilitatem, ut quando proveniunt ex auditione peccatorum in confessione non sunt ullo modo peccaminosi.

Adverte probabilem esse sententiam Cajet, oppositam Bonac. cum non peccare mortaliter, qui motus naturaliter, & sine culpa consurgentes non reprimunt, sed negativè se habet, modo non sit periculum delectationis, vel consensus in hujusmodi motus

Hanc Cajetani sententiam cautè est utendum.

## DISTINCTIO XXX.

*De Consuetudinariis, & in proxima occasione peccati carnis v. g. pollutionis, cogitationis venerea &c. ( & eadem ratio de alijs peccatis ) constitutis.*

Dico 1. Tenemur Confessario interroganti fateri consuetudinem, v. g. pollutionis, cogitationum turpium &c. & eadem ratio de alijs peccatis. sic determinat Innoc. XI. dum sequentem propositionem. Non tenemur confessario interroganti fateri peccari alicuius consuetudinem, damnat.

Dico 2. Pœnitenti habenti consuetudinem peccandi contra legem Dei, naturæ, aut Ecclesiæ, si emendationis nulla spes appareat, est deneganda vel differenda absolutio, licet ore proferat se dolere, & proponere emendationem. Ita determinat Innoc. dum oppositum expressè damnat. Spes verò emendationis esse potest, quando homini ad bonum inclinato dantur remedia ad emendationem apta. Quod si adhibuit remedia, & emendatio vix aliquando secuta, de tali non potest concipere spem emendationis Confessarius, cum talis inefficaciter remedia adhibeat. consequenter differenda est absolutio. De eo etiam, qui vanis valdè intentus, & secundum conscientiam libertinus, non est spes emendationis, quare si sit consuetudinarius, absolutio ei differri debet. Vide tamen. dist. 11. Concl: 8. Remedia quæ consuetudinariis seu recidivis proponi solent, reperies de Sacram: de subiecto Sacramenti Pœnitentiæ.

Dico 3. Nunquam potest absolvi, qui in proxima occasione versatur, quam potest & non vult omittere, quinimmo directè & ex proposito quærit, aut ei se ingerit. Ita Innoc. XI. dum oppositum expressè damnat. Ex quo patet occasionè proximam fugiendam, quod est verum, licet causa aliqua utilis, aut honesta non fugiendi occurrat, ut expressè determinat idem Innocent. si plura de consuetudinariis & in proxima occasione constitutis desideras. vide Doctores vide etiam conclusi: tertiam dist. 27.

*Sententia Morales,*  
*Circa Septimum Præceptum.*

Hoc Præcepto prohibetur iniqua acceptio & detentio rei alienæ;

**DISTINCTIO XXXI.**

*De Furto.*

**N**Ota. Furtum est ablatio occulta rei alienæ invito domino rationabiliter. Distinguitur specie à rapina (quæ est ablatio rei alienæ publica) ut docet D. Thomas 2. 2. q. 66. a. 4. proinde circumstantia rapinæ, est necessariò in confessione aperienda, utpote speciem mutans.

Dico 1. Quænam sit gravis materia in furto, sufficiens ad peccatum mortale, vix potest dari regula certa, ut patet ex varietate sententiarum circa hoc punctum. sed relinquitur iudicio prudentis, qui ex circumstantiis personarum, regionum, locorum, hanc taxabit. Quare debet considerari persona, quæ patitur furtum, an minùs dives, an pauper, an in loco furti copia auri & argenti, seu aliarum rerum. Quia si consideratis his & similibus circumstantiis appareat ex quantitate furti, personam notabiliter gravari, illa quantitas respectu talis personæ sufficiens erit ad constituendum furtum mortale, nec excusabitur à mortali si in tali casu furatur quantitatem modicam. Quia aliquando pauperi medius florenus plus præstat, quando inde per diem alit suam familiam, quàm tres floreni personæ ditiori. rem clariùs explicando.

Dico 2. Materia furti sufficiens ad mortale sic potest probabiliter determinari. Qui accipit Regi vel magnati opulento aureum, mediocriter diviti, dimidium aureum. homini ordinario, ut sunt artifices &c. medium imperialem, pauperi, etiam mendico, quantum sufficit pro victu diurno, seu quantum datur tempore medio inter hyemem & æstatem laboratori, peccat mortaliter. Primas tres partes docet aliqui apud Philippum à S. Tr. de iustitia disp. 8. circa artic. 6. D. Th. 2. 2. q. 66. Quartam partem docet Card. Lugo de iust. d. 16. Sect. 2 alij talem determinationem relinquunt iudicio viri prudentis, negantes assignabilem in particulari determinatam. Hic autem accipio aureum pro sex florenis, ut quondam accipiebatur in hoc Regno. ex hoc enim quod augeatur valor auri vel argenti, nõ debet augeri quantitas furti, imò spectatis circumstantijs debet minui, cum illud augmentum ex magna proveniat regni egestate.

Circa hanc quantitatem furti possunt sæpè excusari homines ob ignorantiam, maximè, quando per furta minuta licet moraliter continuata, procedunt.

Dico 3. Maior exigitur quãtitas ut furtũ filii grave sit & mortale, quã extran ei quia Pater minùs invitus est, & licet ei displiceat modus accipiendi, & fortassis; usus in tali vel tali materia, non tamen semper vult obligare filium ad culpam lethalem in ea acceptione. & multominùs ad restitutionem postquam pecunia consumpta. Quæ autem quantitas in filio assignanda, non potest ultra certa regula assignari. pendet enim ex multis circumstantijs, ex statu & facultatibus parentis.



tis ex usu ad quem accipitur. ex pluralitate filiorum & eorum ætate, & genio Patris, majori vel minori affectu erga filium, & similibus quæ omnia sunt prudenter consideranda à Confessario. ne vel facile scrupulum peccati mortalis filio injiciat, vel habenas laxet ad furandum nimium ex bonis paternis. Lessius docet, si filius subtrahit ex bonis paternis duos vel tres aureos parenti prædixiti, non statim putandum esse peccatum mortale, secus si parenti mechanico vel cui res non adeo ampla,

Dico 4. Qui ab uno aut multis furatur parvam quantitatem animo deveniendi ad materiam gravem, in quolibet furto peccat mortaliter, propter tam perversum animum. sed si sine tali animo per parva furtiva deveniat ad materiam gravem secundum aliquos, actus quo attingitur materia gravis in virtute præcedentium est peccatum mortale, dum modò ultimum furtum præcedentis us moraliter conjungatur, nec sit notabilis interruptio inter furtiva. sed Nau. dicit quod talis in ultimo furto non peccet mortaliter. sed tenetur sub peccato mortali restituere illam materiam gravem minutatim acceptam.

Dico 5. Dum aliquis accepit rem alterius tempore extremæ necessitatis, aut quia nequit aliter habere compensationem, non furatur. Qui tamen accipit rem alterius urgente tantum necessitate gravi, à furto non excusatur, ut determinat Innoc. XI. cum propositionem 36. damnat. Sicut & famuli occultè dominis surripientes, ad compensandam operam suam, quam majorem judicant salario, quod recipiunt, à furto non excusantur, ut determinat idem Innocentius XI. dum 37mam damnat.

## DISTINCTIO XXXII.

### De Emptione & venditione.

Nota. Emptio, est traditio pretii pro merce. Venditio est traditio mercis pro pretio. est autem pretium duplex. Scilicet legitimum. & naturale seu vulgare, legitimum est, quod definitur à lege, seu principe, vel ab alio legitimo superiore, ut à Senatu &c. & hoc pretium dicitur consistere in indivisibili, ita ut si quis notabiliter excedat in pretio à lege definito peccet mortaliter, & ad restitutionem teneatur. Naturale seu vulgare est, quod hominum æstimatione constituitur. juxta dictamen naturalis & humanæ rationis. & hoc pretium habet latitudinem, eo quod à pluribus taxetur, nec omnes idem omnino judicent, ad differentiam pretii legitimi, quod consistit in indivisibili, eo quod pendeat à judicio seu decreto judicis. Pretium naturale, seu vulgare est triplex infimum seu pium, medium seu moderatum, & supremum seu rigorosum. v. g. pretium Infimum alicujus rei esse potest, nonaginta quinque, medium, centum. Supremum centum quinque, & hoc adhuc potest habere latitudinem juxta dictamen rationis naturalis. Ita describit & explicat pretium Bonac.

Dico 1. Pretium naturale cum sua latitudine crescit & decrescit pro varietate

tate temporum, multitudine & paucitate emptorum, abundantia & penuria rerū, copia & inopia pecuniæ. Diana. Non tamen crescit pretium propter dilatam solutionem ad tempus. Vnde sic vendere rem suprà iustum pretium rigorosum, non licet, aliter committitur usura.

Dico 2. Ex modo vendendi vlttroneo decrescit pretium, vnde res potest emi multominus, & secundum Cajetanum tertio minus. Tunc vlttroneus, quando emptor re non eget. Quare qui emit aliquam rem triginta ducatis, & vltro vendit, potest emi viginti ducatis. immo potest mercator vendere rem suam summo pretio, & deinde intra breve tempus eandem emere à suo emptore viliori pretio, intra latitudinem iusti pretii, dummodo velit revendere, nec vlla violentia aut pactum intercesserit in prima venditione.

Dico 3. Habens debitum difficilis solutionis, ad se autem assecurandum illud vult vendere alteri, poterit emptor illud acceptare minori pretio, etiam secundum medietatem, spectatis spectandis, ne sic conscientiam oneret. hoc est spectatis expensis, labore, industriâ & periculo. Hoc autem ipsi debitori non licet, cum sic non emeret sed minueret debitum.

Dico 4. Quando merces Reipublicæ sunt necessariae, non possunt emi simul & vendi separatim. Nam sic civibus infertur impedimentum, ne secundum iustum pretium emant. Quare sic facientes obligantur ad restitutionem omnium damnorum inde provenientium.

Dico 5. Monopolia sunt illicita. sic autem monopolium quando mercatores inter se conveniunt, ut certo pretio vendant vel emant. & quidem tales secundum antiquas leges deberent omnibus suis bonis expoliari, & in exilium mitti. Quicquid tamen de antiquis legibus sit, tales graviter peccant, & ad restitutionem obligantur. Vide Corradum p. 1. quæsito 159.

Dico 6. Contractus hic est licitus. v. g. Petrus vendit Francisco agrum, Franciscus agrum acceptat insinuando Petro, quod si pecuniam Petrus reddiderit, se quoque agrum redditurum. Idem pactum potest esse ex parte vendentis, obligando emptorem, quatenus revendat agrum, vel quid simile, quod pactum retrovendendi est licitum servando condiciones, quas adducit Corradus p. 1. quæsito 85.

Dico 7. Qui emit ut carius vendat, hoc solo fine ut lucretur mortaliter peccat Aletensis apud Corradum. Sed vendere carius quàm sit emptum negotiando, secundum D. Th. 2. 2. q. 77. 4. ordinario lucro, ad aliquem finem necessarium, vel honestum, est licitum, v. g. ad sustentationem suæ domus, vel pauperum, vel Patriæ, vel ne desint ei necessaria, vel expectando lucrum, non quasi finem, sed quasi stipendium sui laboris.

*Attamen* ut res sic vendatur carius debet pretium esse mutatum, vel ratione loci, vel ratione temporis, vel formæ, v. g. quia res meliorata, ut equus, qui crevit, vel framea expolita: immò inter mutationes formæ potest comprehendi, si res empta in quantitate magna vendatur minutatim. Item licet vendere carius



ratione laborum & periculorū in transferendo ad locum, ubi pretium maius est. Caterum non licet ei, qui carē emit, fuitq; in hoc propter suam ignorantiam deceptus. vendere rem pluris quā valeat, ubi non tantū valet. Nec excusatur, dicens: quōd tanti emerat. ipse enim sibi imputet. Nec propter hoc, quōd ipse deceptus, alium decipere licet.

Dico 8. Si do alteri rem meam, ut vendat pro sex, & vendit pro octo, non potest sibi retinere illa duo. rationem dat Sylvester, quia res non datur à Domino sic vendente, pro sex, ita ut non velit octo habere si possit, sed cum dixit pro sex vendendam, minimum pretium exprimere voluit. Excipe si ille, qui vendit soleat hoc exercere pro pretio, nec aliās excedat pretium sui laboris, nec valorem rei venditæ. Nam si excessit, debet reddi excessus.

Dico 9. Vendens quacūq; rem tenetur manifestare defectus, quos ignorat emens. Quōd si non manifestat, invalidus est contractus. cū emptor rationabiliter conqueri possit, se deceptū esse, potestq;, repetere pretium, nisi fortē tantū velit illam partem pretii sibi restitui, quam dedit, & in qua fuit deceptus.

Dico 10. Dum v. g. rusticus adfert aurifabro lapidem pretiosum, petens quinq; vel sex grossos, tenetur aurifaber rusticum monere, lapidem tantū vel tantum valere. Quōd si rusticus jam ab aurifabro monitus lapidem dat aurifabro levi pretio, cum aurifaber turā conscientia accipere potest, nam cum pretium lapidis jam rusticus sciat, suo juri cedere videtur. attamen aurifaber minus infimo pretio dare nequit, nisi fortē rusticus, quocūq; pretio contentaretur, nec aliunde necessitare pressus, ad sic vendendum cogeretur, aliās enim aurifaber ad recompensationem teneretur.

Dico 11. Venditor non tenetur manifestare circumstantias de futuro, quæ si adissent, facerent rem minus valere. Hinc venditor non tenetur dicere, quōd Veniant multæ naves cum grano, quod si scirent ementes, expectarent, & sic res sua vilesceret. S. Th. 2. 2. q. 77. a. 3. ad 4. Quia tales circumstantiæ non sunt defectus rei vendendæ, & ideo non est necesse eas manifestare. Monet tamen Salazar hoc multoties militare contra charitatem v. g. si emptor in extremam vel gravem necessitatem, quæ aliās ei non imminet, sic emendo deveniat.

Ex dicta Conclusionē patet, eum non peccare mortaliter, qui sciendo futuram taxæ diminutionem, currenti pretio vendit, vel emit pecuniā quam n. scit à suo valore cras deponendam, ut docet cum multis Bonac. Qui tamen fraudulenter procedit, v. g. ideo præcisè pecuniā perporat, quia cras est à suo valore deponenda peccat contra iusticiam & ad restitutionem, tenetur ut docet idem Bonac.

## DISTINCTIO XXXIII.

### De Simonia.

**N**Ota 1. Simonia sic definiri potest, scilicet est studiosa voluntas emendi vel vendendi aliquid spirituale vel spirituali annexum, Ortum habet hoc nomen

à Simone Mago, emere volente ab Apostolis virtutem Miraculorū parrandorum, quæ tamen virtus à Spiritu Sancto immediatè datur. Hoc vitium est contra virtutem Religionis, quia res sacræ & supernaturales indignè tractantur, si pretio temporali commutentur est etiam contra iustitiam, v. g. cum venditur id, quod aliàs debebatur gratis, ut si Parochus vendat Confessionem, item cum res venditur pluris propter consecrationem, ut calix. Illud enim plus est contra iustitiã, & taliter vendens tenetur ad restitutionem.

Nota 3<sup>o</sup>, Simonia est triplex scilicet: realis, conventionalis, & mentalis. *Realis est*, dum re ipsa exhibetur vel promittitur res temporalis pro re spirituali, actu vendita & tradita. *Conventionalis est*, cum convenitur de pretio & venditione, sed adhuc non est secutus effectus. *Mentalis est*, cum traditur res temporalis cum intentione accipiendi spirituale pro ea, sed sine pacto aut cõventione explicita, vel è contra. Præter has simonias assignari solet confidentialis. Sed hæc iuxta varias circumstantias potest esse realis, cõventionalis, vel mentalis. Committitur autem Simonia confidentialis in collationibus & resignationibus beneficiorum, cum scilicet confertur beneficium cum confidentia, vel quod sit resignandum alteri, vel collatori, vel eius fructus aut aliqua pars.

Nota 3<sup>io</sup>. Materia circa quam committi potest Simonia, est triplex. unã purè spiritualis. altera purè corporalis. tertia mixta ex corporali & spirituali. Purè spiritualis sunt dona Spiritus Sancti & gratiæ: purè corporalis, est v. g. sepultura, hæreditas Ecclesiæ &c. Mixta tandem ex corporali & spirituali, sunt Sacramenta, Sacramentalia, calices, ornamenta benedicta & consecrata. Ex quo patet, quòd ly spirituale in definitione simoniæ positum non debeat accipi propriè & ut sonat, sed impropriè, scilicet: pro re sacra. seu pro re quæ à Deo ut auctore gratiæ procedit, & ad Deum ut finem gratiæ ordinatur.

Nota 4<sup>to</sup>. Committitur simonia offerendo quamcunque rem per modum pretij pro re sacra. Vnde communiter dicitur simoniam committi per munus à manu. per munus à lingua. per munus ab obsequio. per munus à manu intelligitur pecunia, aut quodvis bonum temporale pertinens ad bona fortunæ. Per munus à lingua, intelliguntur preces, laudes, adulationes &c. quæ si accipiuntur per modum pretij, erit simonia conferre rem spiritualem pro illis. accipiuntur autem per modum pretij, si ex pacto & obligatione accipiantur. ut cum communi docet Bonac. vel si intendatur à conferente, principaliter temporale emolumentum, ut S. Thomam explicat Sotus. quoniam fit, si Episcopus acceptet preces intuitu emolumenti temporalis. Sic enim Episcopus est simoniacus. Per munus ab obsequio, intelligitur omne servitium temporale item signa honoris, &c. quæ si accipiuntur per modum pretij, reliquæ spiritualis pro illis datur, committitur simonia.

Dico 1. Non sufficit ad simoniam perfectam & realem, traditio pecuniæ pro beneficio, sed debet esse traditio beneficii. Valer tamen è contra traditio beneficii, sine actuali traditione pecuniæ ad perfectam simoniam. sicut enim sub sp. futura pecuniæ tradendæ committitur ultura perfectæ, ita etiam simonia committi potest. Sotus & alii apud Fernandez.

Dico



Dico 2. Si aliquid titulo sustentationis, liberali doni, gratitudinis, hoc est ad gratiam referendam vel ineundam, titulo eleemosynæ, comparandorum librorum, reverentiæ & honestatis v. g. ob reverentiam Sacramenti, titulo obligationis, legis, vel consuetudinis, qualiter excusatur, dicens accipio hoc ut solent boni Clerici, titulo fabricæ Ecclesiæ, in peccatum delicti, quando v. g. excommunicatus absolvitur, titulo stipendii, ut quando litteræ expediuntur, & non per modum pretii datur, non committitur simonia. ratione cuius servus procurans affectum sui Domini, vel voluntatem Episcopi, quatenus vacante beneficio, hoc sibi detur, non committit simoniam, neq; Dominus beneficium conferens simoniæ non censetur, cum totum hoc sit per modum gratitudinis & non per modum pretii, quod si è contrario eveniret, simonia conferetur.

Dico 3. Licet Episcopo offerre pecuniam & obsequia, ut Episcopus hanc occasione, beneficium ex gratitudine offerat. atq; occasionaliter per pecuniæ vel obsequiorum vim intendere beneficii receptionem. Nec in hoc casu secundum Bonac, q. 6. de Simonia puncto 1. & alios communiter, committi simoniam. *Adverte* in hoc casu pecuniam solum debere dari per modum conciliationis affectus, alias si daretur, etiam tantum secundario per modum pretii, non esset excusatio à simonia. Dices, hanc conclusionem contradicere determinationi Innoc. XI. dum sequentem damnat. *Dare temporale pro spirituali non est simonia, quando temporale non datur tanquam pretium, sed duntaxat tanquam motuum conferendi vel efficiendi spirituale. Vel etiam quando temporale sit solum gratuita compensatio pro spirituali, aut è contra.* R. nostra conclusio non dicit pecuniam vel obsequia esse motuum conferendi beneficium, sed solum occasionem, gratitudo autem est motuum. Determinatio autem Summi Pontificis solum reprobat pecuniam posse esse motuum conferendi beneficium, non verò reprobat posse esse occasionem. Sicut etiam quando intendit Pontifex spirituale non posse esse gratuitam compensationem pro temporali, solum negat posse haberi respectum rei spiritualis ad rem temporalem, non verò negat posse haberi respectum ad gratitudinem. Quod si gratitudinem concomitatur pactum vel obligatio rigorosa, nullas excusat a simonia, & in tali casu gratitudo, solum est ficta gratitudo. *Adverte* ex Lessio de Simonia dub. 10. licet hæc vera sint in foro conscientiæ, tamen in praxi periculosa, quia sæpè est magnum periculum simoniæ, ubi munera intercedunt.

Dico 4. Si Religiosos per abusum contigerit aliquid dare vel accipere in provisione officiorum ordinis, etsi propterea peccent vel contra constitutionem Clementis VIII. de largitione munerum, vel contra Constitutiones particulares Religionum, non tamen ideò debent censeri simoniaci, si tale munus non dant vel accipiunt in pretium talium officiorum. quia multi tituli honesti, v. g. gratitudinis &c. assignari possunt, propter quos tradens vel accipiens temporale pro spirituali, à simonia excusetur. *Lezana.*

Dico 5. Vadens ad horas principaliter propter quotidianas distributiones simoniacus est mentaliter, imò licet principaliter vadat ad laudandum Deum, pro

motivo tamen habeat quotidianas distributiones, adhuc simoniacus est, ut patet ex allegata Innoc. determinatione. Quod dixi de horis, applicandum est lectioni Missæ & similibus.

Dico 6. Licet exigere pretium pro labore antecedente in administratione Sacramentorum. Sotus, Toletus, & alii, labor autem antecedens administrationem Sacramentorum est ille, qui ex se & ex natura rei non comitatur ipsam effectivam Sacramentorum. Qui enim comitatur actionem audiendi confessiones, baptizandi, legendi sacrum &c. talis labor vendi nequit. Iter magnum conficere ad audiendas confessiones, ad baptizandum, ad faciendum sacrum, ex se non est labor aut nexus tali operi.

Dico 7. Potest exigi pretium pro obligatione, quâ quis se obligat certo tempore ministrare Sacramenta, vel dicere sacrum in tali loco. Cajetanus & Toletus. Quia non venditur res spiritualis, sed libertas. Potest etiam sacerdos facere pactum de certa quantitate sustentationis pro faciendo sacro, aut funere quâ non data nolit celebrare, nec funus exequi, etiam si sacerdos sit dives. Ita Sotus, Fernandez & alii. Nec contrariatur S. Th. 2. 2. q. 100. a. 1. ad 2. nam factus Doctor negat posse fieri pactum de certa quantitate conformando se juribus circa hoc quæ tamen ex mente Soti apud Bonac. sunt per consuetudinem contrariam abrogata.

Dico 8. Non committit Simoniam Parochus qui non vult benedicere nuptias, nisi ei dentur dona solita. Panormitanus, Sylv. & Sâ. est tamen simoniacus si aliquid acciperet per modum pretii pro benedicendis nuptiis ut determinatur in Extrav. de simonia.

Dico 9. Nolenti baptizare puerum morientem sine pretio, licet offerre pecuniam non in pretium, sed pro redimenda vexatione, si non sit alius, qui sine pretio baptizet. Palud. Sotus, & alii. sicut extrême egenti licet petere rituum sub usura, à volente aliter mutuare, etsi usura sit intrinsecè mala. quia sic offerens pecuniam non intendit emere Sacramentum, nec cooperatur malitiæ alterius, sed redimit vexationem, quod, stante dicta necessitate est licitum. Immo probabiliter docet Adrianus, idem licere in dicto casu, adulto morienti sine baptismo, aut sine pœnitentiâ. Quia, etsi iste non patiatur extremam necessitatem baptismi, aut pœnitentiæ. cum possit conteri de peccatis, sed quia hoc est difficilissimum, potest suam redimere vexationem medio offerendi pecunias. Ita etiam Ledesma & alii. Dixi probabiliter, quia oppositum est probabilius, utpote traditum à S. Thoma 2. 2. q. 100. a. 2. ad 1.

Dico 10. Non licet pecunia redimere vexationem in beneficio, ante jus acquisitum in beneficium. Quare si litigas cum alio pro beneficio, non potes ei dare pecuniam ut à lite del. stat S. Th. 2. 2. q. 100. a. 2. ad 5. Item si concurrens cum alio pro beneficio, licet sit indigens, non potes dare pecuniam electoribus, ut te, & non illum eligant. Docet tamen Iñes Cruz, si quis te in pedit vi aut dolo ab obtinendo beneficio, potes hanc vexationem redimere pecunia. quia tunc tantum remotè per temporale paratur via ad spirituale quod non est illicitum, sicut non est illicitum, datâ pecuniâ addiscere necessaria ad beneficium.

Dico



Dico 11. Acquisito jure ad beneficium licitè redimitur pecunià vexatio ab omni inpediente possessionem. nam sic non paratur via ad spirituale per temporale. cum redimens habeat totum jus ad beneficium, sed solum tollit impedimentum juris habiti. Ita S. Thomas loco jam citato.

Dico 12. Permutatio beneficiorum facta sine licentia non est licita, patet ex varijs decretis relatis ab authoribus. non erit tamen simoniaca talis permutatio, sine licentia facta cum non detur temporale pro spirituali, nisi aliàs fiat cum pensionis obligatione quia daretur spirituale intuitu temporalis. Ita Sylv. Soto. & alii. pariter non est simonia commutare missam pro missa, v. g. si Petrus accipiat meam obligationem absolvendi Missam & ego Petri.

Dico 13. Vendere sepulturam, hoc est humationem corporis humani, secundum quod quaeritur à fidelibus in locis benedictis, est simonia C. non satis, de Simonia. Licet tamen accipere pecuniam pro sepultura titulo sustentationis, aut eleemosynæ ad reparandam Ecclesiam, & alios ministros.

Dico 14. Quando Ecclesia prohibet sumi pretium pro aliqua functione propter connexionem cum re sacra, licet illa functio sit ex se vendibilis, potest tamen intervenire simonia. Et sic in Conc. Tridentino Sess. 24 C. 18. de reformatione, prohibetur sub peccato simoniæ ne examinatores ad beneficia aliquid accipiant pro examine.

Dico 15. Probabilius est non committi simoniam vendendo sine licentia pensiones beneficiorum titulo temporali debitas, ut sunt quæ dantur propter bonum pacis, propter indigentiam &c. peccatur tamen vendendo eas sine licentia Papæ ut docet Communis. Dixi titulo temporali debitas. nam vendere pensiones titulo spirituali debitas, v. g. ratione coadjutoris, prædicationis, aut aliàs ministerii spiritualis, est sine dubio simonia. Sicut & jus decimarum vendere est simonia. est autem pensio, jus ad certam partem beneficii alterius.

Dico 16. Vendere terram necessariam ad sepulturam in Ecclesia, ex se non est simonia. cum sit res merè temporalis, aliter dicendum est ex prohibitione Ecclesiæ, ex C. non satis, de simonia. Ista enim prohibitio facta est in ordine ad reverentiam debitam rebus sacris & benedictioni sepulturæ. at non erit simonia accipere pretium pro sepultura in loco honoratiori, ut docet Corradus & Dela-Cruz, aut pro jure perpetuo ad sepulturam secundum eundem Dela-Cruz. ista enim sunt reposita & per accidens unita spiritualitati sepulturæ, aliàs vero non prohibita.

Dico 17. Nulla simonia inducit pœnas juris ipso facto, nisi in ingressu religionis, ordine & beneficiis. Lezana cum alijs. Vnde si quis in alijs Sacramentis (præter Ordinis) conferendis vel accipiendis, in consecrationibus, benedictionibus, dispensationibus vel similibus simoniam committat, quamvis mortaliter peccet, non contrahit juris pœnas, an verò nomine beneficii etiam veniat Prælatura Religiosorum aliqui affirmant, in quorum sententia, simoniacus in officio Religionis, incurrit excommunicationem Papæ reservatam. aliqui negant. gratiores de hac iudicent, ego de inferioribus scilicet de commendatura, & vicaria tem-

porali iudico non venire nomine beneficii, cum secundum Felinum beneficium sit quid perpetuum. Qui tamen has emeret vel venderet, simoniacus esset.

Dico 18. Poenæ pro simoniâ in iure sunt hæc. *Prima* est privatio beneficii, & pretii pro eo accepti, & inhabilitatio ad omnia beneficia, nec fit Dominus fructus beneficii. Ita C. si quis Episcopus, & C. Presbyterorum, & solus Papa dispensat in hoc, ut patet ex C. detestabile, de simonia.

Et cum iure naturali relinquenda res aliena, ideo beneficium & fructus debent dimitti; etiam ante sententiam iudicis. Pretium pro beneficio, Ecclesiæ, vel pauperibus post sententiam iudicis dari. ipsi verò danti reddi, ante sententiam iudicis. *Secunda* poena est Excommunicatio. patet in loco citato, & intelligitur in casibus in superiori conclusionem expressis. *Tertia* poena est, suspensio à functione Ordinum simoniacè susceptorum, nec habet spem ascendendi ad alios Ordines, sic ordinatus. Quod si ministrare præsumit fit irregularis, privatus omni beneficio & ad illud inhabilis, hanc totam tertiam poenam fulminat Sixtus V. in bulla contra malè promotos. *Quarta* poena est infamia. patet ex C. sanè consequenter irregularitas. non sufficit ad infamiam sive juris sive facti, rumor sparsus & creditus, sed debet esse notitia, saltim majoris partis vicinæ, loci, collegii, vel monasterii, &c. ut docet Lezana.

Dico 19. Ut Simoniacus poenas dictas incurrat, oportet simoniam esse consummatam & perfectam, alias enim hæc poenæ non incurruntur. sicut nec incurruntur, per simoniam mentalem licet in aliquem actum emanaverit, ut docet Sylv. & Cajet. apud Fernandez. idem docent communiter Doctores de simonia conventionali, quæ ex neutra parte in opus emanavit. Imò licet pretium datum fuisset, si res nondum tradita ut colligo ex Ledelma, Cajet. Victoria & Soto apud Dela Cruz.

Dico 20. Simoniaci in Ordinum receptione, non possunt absolvi à Prælati Religionum, etiam attentis eorum privilegia. eo quod Clemens VIII. in Bulla, *Romanum*, abrogaverit privilegia, ad absolvendum simoniacè ordinantes & ordinatos. Ita refert Lezana tomo 1. qq. Reg. cap. 18. n. 39. Quod precedit per se nam per accidens & stante difficili recursum ad Papam & Legatū, potest Prælati Regularis absolvere suum subditum ab excommunicatione contracta ex simonia, in receptione Ordinis. Sicut & Episcopus potest secularem in simili casu.

Docet tamen Antonius à spir. S. in Directorio Regularium tr. 2. disp. 1. sect. 1. §. 2. posse a Prælati Regularibus absolvi subditos à simonia commissi in receptione sacrorum Ordinum. Quia licet Sixtus V. reservaverit in sua Bulla contra Clericos malè promotos absolutionem hujus simoniæ, & omnia Regularium Privilegia ibi revocaverit. quam revocationem Clemens VIII. confirmavit. Postea idem Clem. Paulus V. Greg. XV. omnia Privilegia Regularium de novo confirmarunt ex certa scientia. Quando autem Pontifices confirmant ex certa scientia, re validant privilegia etsi essent revocata, ut probant DD. unde conclusi tenet Portellus & alii. quos citat & sequitur Anton. à spir. S. l. c.



## QVÆSITVM.

**U**trum committatur p̄monia, docendo pretio, Theologiam moralem, speculativam & interpretativam Scripturarum? R. Negative, x Victoria, Soto & aliis apud Bonac. contra Palud. Sylv. & alios. Quia actiones Magistri naturales sunt, & ipsa Theologia in sua Entitate etiam naturalis, ut docui in primo tractatu super 1. p. D. Th. labor etiam pretio æstimabilis.

## DISTINCTIO XXXIV.

## De Usura.

**N**ota 1. Usura est *lucrum ex mutuo proviens*, v. g. præstitit Petrus Francisco viginti ducatos, cum pacto, quod reddat viginti quinque, illi quinque, superadditi sunt pretium usûs pecuniarum, & committitur usura. Nec potest dici, cum numerata pecunia, sit pretiosior numeranda, & nullus sit, qui non majoris faciat pecuniam præsentem quam futuram, potest creditor aliquid ultra sortem, v. g. ultra viginti mutuatos, quinque ducatos, à mutuuario exigere, & eo titulo ab usura excusari. Non potest inquam dici, quia hæc instantia, est expressè ab Innoc. XI. propositione 41. damnata.

**N**ota 2. Mutuum ab accommodato in hoc distingui. Nam mutuum tunc est, quando unus præstat alteri aliquid ad fruendum illi, ita tamen ut in eadem specie restituat, v. g. in tritico, vino &c. & dominium datis, transeat in dominium accipientis super rem datam. accommodatum tunc est, quando unus præstat aliquid alteri ad fruendum illo, ita ut transacto spatio aliquot dierum restituat, nec dominium datis, transeat in dominium accipientis. Quod fit accommodando librum v. g. seu vestem, &c.

**N**ota 3. Ut contractus censeatur esse usurarius, tres debet habere condiciones. *Prima* est, ut ultra præstitum aliqui accipiat, prout jam exemplificatum. *Secunda* est, illud, quod supra præstitum datur, sit pecunia æstimabile. nam si aliquis alteri præstaret, ad hoc ut suam iniret amicitiam non esset usura nam amicitia, est supra omnem pecuniam. *Tertia* conditio, ut id quod est supra præstitum, non detur alio titulo v. g. ratione debiti. Sic quando Ioannes petit sibi præstari viginti ducatos, cui alios viginti debet, solvendo omnes quadraginta non committitur usura. cum alii viginti, alio titulo v. g. titulo debiti debeantur.

**D**ico 1. Potest aliquid ultra sortem accipi ratione lucri cessantis. v. g. Petrus habet ducentos ad sustentandam suam vitam, petit illos sibi præstari Franciscus. Petrus autem respondet, se ducatos pro sua parte servare. attamen si Franciscus id, quod cum præstitis ducatis lucrabitur, promittat redditurum, libenter eos præstabit. ut autem talis contractus sit licitus, quatuor debet habere condiciones. *Prima*, ut non sit alia pecunia præmanibus. *Secunda*, ut lucrum ex tali pecunia Petro proveniens, sit verum & non fictum. *tertia*, ut intimetur Francisco lucrum

lucrum futurum, non fore proprium. posset enim evenire, si hanc conditionem sciret, pecuniam non acceptaret. *quarta*, ut non accipiat multum ratione lucrari futuri, cum lucrum futurum non ita sit certum, sicut praesens.

Dico 2dò. Potest etiam aliquid ultra sortem accipi, ratione damni emergentis. v. g. Petrus habet centum ducatos ad emendum triticum tempore Augusti, quia tunc leviori pretio invenitur, ad hoc ut domui suae provideat. Petit autem hanc pecuniam Petri Ioannes. Petrus verò responder, se talem pecuniam habere ad eum vendendum triticum, si tamen triticum incresceret, ac damnum inde eventurum exolvere sponderet, se ei talem summam praestitutum. est licitum pactum oportet tamen ut hoc, Ioanni intimetur. nam posset Ioannes pecuniam cum tali onere nolle,

Dico 3tò. Si maritus & Pater Vxoris convenirent expressè, quòd mulieri, quae nubit, darentur in dotem mille, & quod quamdiu non traderentur mille, darentur fructus horti vel agri vel quid simile, talis contractus est iustus. imò iustè maritus cum Patre Vxoris pacisci potest, de certa quantitate solvenda, quamdiu dos non fuerit soluta. Bannez, quem citat & sequitur Corradus, parte 1. casuum, quia æquum est, ut quamdiu dos non solvitur, resarciatur id, quod aliunde maritus poterat lucrifacere, cum mediocri diligentia mediante dote, ad sublevanda onera Matrimonii. dicendum tamen est, si gener ad nihil penitus, pecunià egeret, sed tantum ad cistam reponeret, praedictis gaudere non posset.

Dico 4tò. Usura est accomodare alicui hoc sine, ut emat ex sua apotheca, vel molar in suo molendino quia hæc obligatio æstinabilis est, & simul alteri libertatem auferit, quominus alio ire possit, cum tamen hoc multum homines æstiment. Est etiam usura p. æstare triticum, v. g. tempore Augusti, ita ut solvatur, si ut curret futuro Majo. Item est usura præstare v. g. ad quatuor annos cum conditio e, ut infra hoc tempus debitum non exigatur, & ratione huius pacti, ultra sortem principalem aliquid sumere. Ita determinat Alexander VII. dum sequentem propositionem damnat. Licitum est mutuanti aliquid ultra sortem exigere, si se obliget ad non repetendam sortem usq; ad certum tempus.

Dico 5. Si usus pignoris sit pretio æstinabilis v. g. de equo pago &c. ex quibus fructus percipiuntur, non licet mutuanti eo pignore uti gratis. aliàs usuram committeret. nisi utatur gratis de voluntate Domini, non quidem ratione mutui, sed ratione amicitiae & gratitudinis. & fructus computandi sunt in sortem principalem. v. g. si pagum mutuator per annum habuerit, qui de fructibus habet centum, tenetur illa centum extrahere, cum suas pecunias accepit, de illa summa quam ei commodaverat aliàs usura committitur. quia ex mutuo lucrum accipitur, non solvendo pagi fructum. Ita Armilla V. usura Ioannes Corradus p. 1. casuum conscientiae. Bonac. de rest. disp. 3. q. 10. punc. 1. Smiglecius de usura G. 13. & alii communiter constarq; expressè ex S. Th. 2. 2. q. 78. a. 2. ad 1. rationem dat Corradus quia pecunia de se non est fructifera, & pagu est fructifer, consequenter ex solo mutuo lucrum accipitur, sicq; usura committitur. Quod au-



rem fructus sint computandi in sortem principalem patet, quia pagus cum Domino sic Domino fructificat. res enim Domino fructificat, ut communiter dicitur. attamen expensæ propriæ circa fructus factæ, labor specialis, industria, lucrum, quod alio modo ex pecunia haberi posset sunt computanda.

Dico. De voluntate Domini, non ratione mutui, sed ratione amicitie & gratitudinis. Quod bene pondera. quia aliquando hæc gratitudo coacta, & in debitum deducta. hinc Innoc. XI. sequentem damnat *usura non est, dum ultra sortem aliquid exigitur, tanquam ex benevolentia & gratitudine debitum, & solum si exigitur, tanquam ex iustitia debitum.* Ex quo patet melius facerent nostri Domini Poloni, non accipiendo pagum pignus, sed emendo, cum pacto retrovendendi. Sic enim turæ conscientia fructus perceptos (utpote veri Domini pagi) retinere possent.

Dico 6. Non licet petere mutuum sub usuris. à non parato sic mutuare. aut ab eo, qui aliquando hoc facit, aliquando non, quia hoc esset inducere ad peccatum. licet tamen accipere, imò & petere mutuum sub iuris ab usurario. Cano. Bannez Capet. quos sequitur Dela Cruz. Quia sic petens, nec sibi complacet in peccato alterius, nec inducit, nec approbat peccatum usurarii, cum sit paratus, sed utitur ejus male à in suum commodum. attamen hoc fieri non debet, nisi premat gravis necessitas. alias enim non excusaretur à cooperatione in alterius peccatum.

Hinc inferes. si in casu necessitatis petis à Clerico, ut tuam excipiat Confessionem, & alias scis eum in statu peccati mortalis esse, non peccas petendo, sed ille anauendo, & sic sibi imputet.

Dico 7. Usurarius mentalis tenetur usuras restituere, à quo recepit, si voluntas ex utraq; parte erat iniqua. Si verò voluntas ex parte recipientis bona fuit, putando sibi datum ratione amicitie vel gratitudinis, non tenetur recipiens restituere, nisi postquam resciverit sibi datum ratione usuræ. Quod si è contra succederet, hoc est. si debitor offerret aliquid ratione gratitudinis, creditor autem ratione usuræ acciperet, teneretur creditor ad restitutionem. Et ratio horum est. quia usurarius licet tantum sit mentalis, irrogat mutuatorio injuriam contra iustitiam commutativam, quare non mirum quod obligetur ad restitutionem.

## MONITIO.

Confessarius sic se gerat cum usurario. Moneat eundem, quatenus animam suam ex pessimo statu eripiat, & male parca restituat. Qui tamen, si occultus esset, & nec dum male parca restitueret pro una vel altera vice absolvatur. Si publicus esset, ante restitutionem, etiam pro prima vice, non absolvatur vel det firmam cautionem, etiam coram testibus de restitutione facienda Salazar.

Ludovicus Lopes de contractibus L. i. c. 65 dicit hanc contractum licitum cum his conditionibus, scilicet obligare mercatorem ut negotietur. 1. non multum pro lucro petere, 3. ut mercator sorte capitale a se curet & pro sua sententia alios refert.

*Quæsitum valde necessarium.*

**Q**uid dicendum de tutoribus pecuniam pupillorum apud mercatores deponentibus, ut quinq; vel sex, pro centum recipiant cum securitate sui capitali? *Re.* à multis hoc condemnari, nec securum esse, &c. attamen praxis hac in re sic invaluit, ut passim id etiam timorata conscientia agere videantur sine scrupulo injustitiae. Quia & ad id quandoq; importune à mercatoribus sollicitantur, qui rem sibi gratissimam passim ab his praestari fatentur, & lucrum quod in se, hi pecuniam deponentes faciunt, libenter solvunt, ob majus lucrum, quod ex pecunia deposita eis cedit. Ideo quidam recentiores Theologi & Canonistae hanc praxim excusant per tres virtuales seu implicitos contractus, nempe per contractum societatis, per contractum assecurandi capitale & per venditionem lucri incerti majoris pro minori certo. Nec est necesse ut contrahentes, hos contractus expresse ineant, sed sufficit quod implicitè eos intendant, per unicum contractum expressum. Vnde sufficere videtur, quod quis conferat centum mercatori, ut quotannis solvat quinq;, salvà sortè, eo modo quo licitum est. *Lessi.* l. 2. c. 25. dub. 3. Nec est necessarium, ut hi qui pecuniam sic conferunt, omnia ista perfecte intelligant; sed implicitè censentur intendere justum titulum, quia cupiunt justo modo lucrari, & non aliter. Interim etsi defacto usurarius esset contractus, si tamen bonâ fide processerint, & aliàs facturi essent justum, probabilis est opinio multorum, posse retinere lucrum, quod justo tunc contractu facturi erant.

Hinc infero. Licet sit securius supra dictam consuetudinem tollere ab his qui pecuniâ suâ negotiaturi non erant, ne videatur mutuum implicitum cum usura. attamen qui bona fide fecerint, & lucrum perceperint, non puto facile condemnandos ad restitutionem, ob dicta. vide *Nau. C. 17. n. 257.*

*Sed dices.* quod si repetant sortem capitalem, ut securiori modo secundum conscientiam, suam applicent pecuniâ ad lucrum, & mercatores refundere differant? *Re.* hoc non infrequens esse. tunc ergo cum illi sint in mora, ratione illius morae possunt tunc lucrum justum accipere, quia pecuniam suam vel in annum redditum, vel per aliam justam viam, poterant lucrosè impendere? Videri etiam potest alius modus excusandi tutores vel viduas, scilicet pecuniam deponentes, apud *Lessi. L. 2. C. 22. dub. 10* circa finem. Nempe putari posse excusari per censum vtrinque redimibilem. Et licet suadeam hanc consuetudinem corrigendam, non tamen approbo. quod aliqui nimis vehementer in publico invehantur in eam, sine sufficienti discretionem: nam experientia constat, quandoq; in de non sequi fructum, sed potius tumultum, & conscientiarum involucrum. Vnde addo, cum aliqui bona fide id practicaunt, nec ex monitione speratur fructus (quod certè non est infrequens) potius hos in sua fide & opinione favorabili: quamvis minùs secura, relinquendos. quia saltem ratione bonae fidei solùm sunt in statu materialis peccati, & injustitiae. Quod si interrogent Confessariũ, tunc eis veritatem aperire teneatur. *Idem* iudicium est de viduis, & aliis similibus qui pecuniam apud se, aliàs quiescentem deponunt inter manus mercatorum, ut sex lucrentur super centum, & capitalem summam sibi volunt repetendam, ubi egerint. Ita Marchantius quoad



quoad totum in suis resolutionibus pastoralibus, circa septimum Præceptum quæ-  
sito 12. & 13. Ludovicus Lopes. Omnino autem excusandus à vitio usuræ census,  
quia non percipitur census seu fructus ex mutuo, sed ex hoc quod jus percipien-  
di fructum ex re aliena frugifera, v. g. quinq; vel sex pro centum, sit emptum.

## DISTINCTIO XXXV.

## De Decimis.

**N**Ota. Decima est *Fructuum jure quasitorum pars decima, quæ ministris Ecclesiæ  
quotannis solvitur.* Multis de causis est instituta. 1. Ut profiteamur Deum re-  
rum omnium habere dominium supremum. 2. Ut ministri Ecclesiæ commodè  
alantur. 3. ut Peregrini, advenæ & egentes subsidium habeant. 4. ut Parochi  
multa onera, inter quæ reparatio fabricæ, sustineant.

Dico 1. Decimas fideliter solvere secundum consuetudinem legitimam obli-  
gantur, qui agros possident, sub mortali, eoq; sacrilego peccato, nec absolvi pos-  
sunt, nisi restituant. Dixi, *secundum consuetudinem legitimam*, quia alicubi non est  
consuetum solvere decimam quo ad quotam, quamvis solvatur quo ad substantiam,  
hoc est congruam sustentationem Sacerdotis, nam datur certa pars fructuum,  
aut taxatur certa summa pecuniæ.

Dico 2. Quando detentor decimarum vendit alteri agrum, potest emptor,  
etiam infidelis, conveniri, ut solvat omnes decimas detentas. cum res cum suo  
onere transeat ad emptorem. & res, non persona sit obligata. Aliqui dicunt, u-  
trumq; posse conveniri, scilicet emptorem & venditorem.

Dico 3. Decimæ sunt solvendæ licet Parochus sit dives, vel improbus, vel  
male utatur. Quia ratione ministerii, & non ratione Personæ dantur.

Dico 4. Excommunicantur, non tamen excommunicatione reservatâ, Re-  
ligiosi præsumentes dissuadere decimas, sive concionando, sive aliâs, sermone ta-  
men. Item idem, non recipientes decimas, si requisiti à Rectoribus Ecclesiæ, vel  
Vicarijs, scienter prætermittunt facere conscientiam in confessione, de solu-  
tione decimarum suspenduntur ab officio prædicationis: Quod si non præmissâ  
pœnitentia seu monitione (si commodè fieri potest) prædicare præsumunt, ex-  
communicantur.

Dico 5. Monasteria & idem de aliis locis piis, tenentur solvere decimas  
prædiales ex bonis, quæ possident in communi, nisi aliquomodo, de quo infra,  
eximantur. Ita in O. Nuper de decimis. Et ratio. quia res transit cum suo on-  
ere, nec Ecclesiæ debet privari suis proventibus. Quod si talia bona antecedenter  
non erant obnoxia solvendis decimis, tunc transeundo ad Religiosos etiam erunt  
liberati: rationem dat Makovius tract: 3. super Decalogũ d. 2. q. 4. a. 1. coroll. 3.  
eo quod Religiosi sint exempti ab omni jurisdictione Episcopali, & ab alio on-  
ere juxta Canones.

Dico 6. Solis Clericis competit jus percipiendi decimas. quia est quid spi-  
rituale,

rituale. Fructus tamen seu decima in facto esse, potest convenire laicis quatuor modis, 1. jure emptionis, facultate Episcopi expressâ vel tacitâ jussu de causa, & ad breve tempus, v. g. ad triennium, ut insinuat Moscic. 2. per concessionem Episcopi, qui potest ex justa causa laicis bene de Ecclesia meritis ad vitam vel ad certum tempus concedere licentiam fructus percipiendi. Sed jus nequaquam. 3. jure feudi, non tamen transeuntis ad hæredes jure perpetuo. 4. titulo consuetudinis, ita ut consuetudo immemoralis vim habeat sufficientis probationis privilegii, sive à Summo Pontifice sive ab Episcopis dati. Samuel de Lub. V. Decima, quo ad omnes partes.

Dico 7. De novallus, hoc est de terra noviter ad culturam reducta, debentur decimæ illi Ecclesie, in cujus Parochia sita est. si verò non sit in certa Parochia, debentur Ecclesiano, qui potest sibi retinere, vel alteri concedere, etiam sine consensu capituli. Moscic. 2. p. Tyroc ex Graff.

Dico 8. Solutio Decimarum tollitur consuetudine legitimè præscripta. Est autem talis, quando longissimo tempore, cujus initium non exstat memoria, consueverunt non solvi. Lessius apud Moscic. docet si ficere quadraginta annos, etiam sine titulo. Idem docet Makovius l. c. q. 6. a. 1. coroll. 3. & addit ex Covarr. & Barb. quando dubium est cui Ecclesie decimæ ex certis rebus sint solvenda, sufficit decennialis consuetudo.

Dico 9. Solutio decimarum tollitur etiam præscriptione, si hæc concurrunt, scilicet bona fides, determinatum tempus, v. g. si addit titulus, quadraginta annorum, sine quo requiritur tempus immemorabile. Makovius l. c. coroll. 4. ex Covarr. & Gutierrez. Scias præscriptionem & consuetudinem in hoc discriminari, quod hæc, communiter jus acquiratur, præscriptione, etiam privata persona.

Dico 10. Valet, & licet hæc compositio inter Ecclesiasticos, scilicet ut decimæ debita uni Ecclesie, solvantur, deinde alteri Ecclesie, modò causa per Episcopum cognoscatur, & ipse consentiat. Aliàs remota auctoritate Episcopi, hæc compositio tantum valebit pro vita componentium. Barbosa Lib. 3. de jure universalis c. 26. §. 4. quem sequitur Makovius.

Dico 11. Solus Summus Pontifex eximit à solutione decimarum Non ergo Episcopus, cum decimæ fuerint assignatæ à Summo Pontifice singulis Ecclesiis, ut habent jura, inferior autem non potest eximere aliquem à lege Superioris.

Ex his intellige, solutionem decimarum cessare, consuetudine, præscriptione, compositione & exemptione seu privilegio, adde & compensatione.

## DISTINCTIO XXXVI.

*Notantur aliqua, pro faciliori notitia Casuum de restitutione.*

**N**ota 1. Iustitia est perpetua & constans voluntas jus suum unicuique tribuere. S. Th. 2. 2. q. 98. a. 1. dividitur in legalem, distributivam & commutativam, legalis est illa, quæ damus bono communi, quod suum est & sibi debitum.



v. g. inimicus facit incurtum contra civitatem, erunt omnes cives obligati ad suscipienda arma propter iustitiam legalem, respectu boni communis. Iustitia distributiva est, quæ damus unicuique debitum secundum merita v. g. duo vel tres concurrunt, pro aliqua dignitate obtinenda ratione iustitiæ distributivæ oritur obligatio conferendi digniori. Scias quod major dignitas unius præ alio, non tantum sumatur à scienti, sed etiam ab aliis circumstantiis. v. g. probitate morum. &c. quorum notitia cuilibet homini prudenti relinquitur. Commutativa est, quæ damus unicuique suum. non secundum merita, sed secundum æqualitatem rei ad rem, ut patet in emptione & venditione.

Nota 2. Restitutio est redditio rei alienæ Domino suo, ad quem spectat. ad hanc tenemur regulariter sub mortali, nisi paritas materiz, vel alia causa excuset, ut patebit ex dicendis, ex triplici capite secundum Salazar & alios oritur obligatio restituendi *primò*, ratione rei acceptæ. *secundò*, ratione iniustæ acceptionis seu actionis *tertio*, ratione utriusque. Obligatio ratione rei acceptæ, v. g. habeo rem alienam ad tempus, quo elapso teneor eam reddere ratione iniustæ acceptionis, quando a iure damifico, nihil sibi retinendo, v. g. dum combero domum ratione utriusque, quando rem alienam detineo damificando, ut in furto.

Nota 3. Casus restitutionis reducuntur ad sequentes versus.

Quis, Cui, Quod, Quantum, vel ubi. Quo tempore, Quovè.

Ordine. sive modo, te rogo, mente notes.

Per particulam *Quis* denotatur, obligatus ad restitutionem. Vbi etiam comprehenduntur co-eratores ad dominum, contenti duobus versibus, quorum explicationem vide dist. 21. conc. 10. reliquarum particularum explicatio patebit, ex conclusionibus, sequenti distinctione ponendis.

Nota 4. Fructus rei, sunt in triplici differentia alii sunt merè naturales, ut partus pecorum, alii mixti, ut fructus vinearum, alii merè industriales, ut lucrum ludo partum ex pecunia aliena, fructus merè industriales non sunt obnoxii restitutioni, sed naturales & mixti, subtractis expensis &c. hinc qui furatur quinquaginta ducatos, cum quibus lucratur alios quinquaginta, potest retinere hos quinquaginta lucro habitos. debet tamen restituere quinquaginta furto ablatis.

Nota 5. Triplex assignatur culpa ex qua oritur obligatio restituendi, lata, levis, & levissima. *Lata* dicitur illa quam communiter homines supinè negligentes committunt. *Levis* est, dum homo, non facit diligentiam, quam homines medio-criter diligentes faciunt. *Levissima* est, dum homo non facit diligentiam quam homines suis rebus benè invigilantes faciunt. lata culpæ exemplum est ejus, qui in porta domus, vel extra domum, librum sibi commodatum relinquit; levis culpæ exemplum est ejus, qui in cubiculo librum relinquit, sed ostio aperto. tandem exemplum culpæ levissimæ est si relinquit librum in cubiculo clauso, sed non ablerato vide Navarr. in manuali C. 17 n. 178. Dela-Cruz de restit. c. 6.

Nota 6. Differentia legis pœnalis à præceptiva est hæc, quod pœna per legem pœnalem posita, non incurritur, usque dum feratur sententia per judicem. secundum

eundem Glossam in C. fraternitatis. Exemplum legis præceptivæ, sit hoc. Mandat Rex Poloniæ, ne sal transuehatur in Silesiam, nisi prius tantum pro tanto in teloneis exhibeatur. nihilominus aurigæ sine taxa exhibita transuehant, & sic toties, quoties ad restitutionem obligantur. Exemplum legis pœnalis, sit hoc. Rex Poloniæ vult ne triticum (sub periculo amissionis) Dantiscum per Vistulam descendat. qui contra hanc legem faceret, nec peccaret mortaliter, nec Regi quicquam deberet, ante sententiam iudicis. Secundum Henricum de Gandavo relatum ab Armilla V. Constitutionum 7. & Fernandez p. 4. de peccatis Mercatorum num. 3. Cæterum, qui transgreditur legem pœnalem, in gravioribus casibus, quos recensui dist. 20. Conclus. ultima, non excusatur à peccato mortali. Ita Armilla. quia facit notabiliter contra charitatem sui ipsius V. dicenda in 4. d. 23. conc. 1.

## DISTINCTIO XXXVII.

### *Resolvuntur casus circa restitutionem.*

**Dico 1.** Dum poenitens se accusat præbuisse consilium, vel mandasse, aut instigasse furem ad furandum, interroget Confessarius, an ratione sui consilii, vel mandati fur sic furatus? qui si responder, se nescire animum furis, mander Confessarius tali, quatenus interroget furem, an sine suo consilio furatus fuisset. qui si responder, quod non fuisset furatus, obligabitur consilium dans ad restitutionem. Si verò fur affirmativè responder, scilicet, quod sine suo consilio, furatus fuisset. non obligabitur consilium dans ad restitutionem, quod si sub dubio fur responder, videlicet, se nescire, quid fecisset, consilium dans non obligabitur ad restitutionem. quia tunc melior est conditio possidentis. attamen probabiliter putans, ex suo consilio damnum secutum tenetur ad restitutionem secundum D. Thomam relatum in summa Dianæ V. restituere n. 14.

**Dico 2.** Qui concurret ad consumendam rem furto ablatam, & hoc bonà fide fecit, id est nescivit rem furto ablatam, ad nihil tenetur, nisi in quo factus est ditiore. hoc est, si non fuisset in convivio, ex malè partis parato, consumpsisset domi imperialem, hunc tenetur restituere. Si autem malà fide fecit, valorem partis à se consumptæ restituere tenetur.

**Dico 3.** Quando multi simul furantur, si unus absq; alio non fecisset vel non potuisset, omnes in solidum tenentur, id est quilibet eorum ad totum damnum tenetur. aliàs non. Sylv. apud Corr. ratio primæ partis, quia quilibet concurret ad totum damnum. ratio secundæ partis, quia durum videtur, aliquem ad restitutionem teneri illius rei, quam alter acceperat suà sponte, absq; auxilio, consilio & quocunque impulsu alieno.

**Dico 4.** Quando plures spoliant Urbem, supremus dux tenetur ad totum damnum, si nullus restituat, alii officiales tenentur ad damnum per suos milites illatum, si milites non restituant milites particulares, tantum quantum quilibet su-

stulic



Aulic eorum, licet alii non restituant nam licet unus vel alter deficeret, damnum tamen inferretur. Ita Bonac quo ad omnes partes citans alios, de restit. disp. v. q. 2. punc. 10. Hæc ex mente Bonac. recententis prædictos, non in totum damnum influere.

Dico 5. Videns v. g. domum proximi incendi furtivè & aliàs scit si clamaret, impediret incendium, si non est custos civitatis, non tenetur ad damni restitutionem. cum talis solum peccet mortaliter contra charitatem, & non contra justiciam.

Dico 6. Ratione vitæ non potest dari compensatio æqualis. cum vita ablata, & membrum mutilatum restitui nequeat. Occidens ergo, solum ad damna obligabitur rescarcenda. quomodo autem, & qualiter, judicio prudentis relinquatur, secundum diversitatem casuum.

Adverte. poena capitis quæ à iudice imponitur pro homicidio non compensat damnum illatum uxori & filiis. Sanchez relatus in summa Dicitur v. restituere. quia non est actus justitiæ commutativæ in satisfactionem partis, sed justitiæ legalis in satisfactionem Reipublicæ, & terrorem aliorum. hoc tamen intellige cum lēssio, si hæredes exigant talem satisfactionem, quod honesti, non solent. ut ponderat hic Author.

Dico 7. Possessor bonæ fidei. postquam resciverit dominum rei tenetur eam restituere si extat si res periit ad nihil tenetur. Item si extant fructus naturales, aut mixti tenetur restituere, sublati expensis & laboribus. Si non extant, tenetur restituere id, in quo factus est ditior. Si non extant fructus, nec factus inde ditior, ad nihil tenetur, si nec ipsa res extat. At possessor malæ fidei tenetur rem & fructus restituere, subtractis expensis, sive extant fructus sive non extant. & præterea tenetur integrum damnum rescarcire. quod ex illius injusta actione alius est passus.

Dico 8. Qui habuit equum à latrone bonâ fide, putans latronem esse verum dominum, & illum detinuit per unum annum, & lucratus est centum, postea rescivit equum fuisse raptum, non tenetur nisi equum Domino restituere. hoc tamen intellige, si consumpsit omnes fructus, & in nullo factus est ditior. Si verò extat aliqua pars fructuum, vel aliquid, quo ex illis factus est ditior, tenetur ad illam sublati expensis &c. hæc conclusio sequitur ex præcedenti.

Hinc inferitur, quod emens bonâ fide equum, equitando bonâ fide in eo per spatium unius anni, qui si alias pedester incessisset, non tenetur ad restitutionem sumptuum, quos in utendo alio equo intumpsisset. quia in nullo factus ditior.

Dico 9. Qui bonâ fide emit rem furto ablatam, si postea resciat esse furto ablatam, & aliàs videat non posse aliter pretium recuperare, potest rescindere contractum cum latrone, etsi sciat hunc non redditurum. Sylv. Navar. & alii. nam tunc non cooperatur latroni, sed ponit rem in statu in quo invenit. Quod si aliâ viâ potest recuperare pretium, verisimile est, quod ex justitia teneatur eam reddere vero Domino. aliàs (ait M. Bannes) cooperatur latroni. Sed quid dicendum, si emat

si emat rem à latrone ut eam det vero Domino? respondeo, quòd possit exigere pretium pro ea. nam ex bono opere, non debet reportare damnum.

Dico 10. Fur, nò solùm tenetur reddere equũ. sed & pretiũ eius, si mortuus (nisi eodem modo mortuus fuisset apud Dominum) & præterea tenetur resarcire damnum, quod passus est Dominus equi, & reddere fructus perceptos, sublatiis expensis. siue extent siue non extent. *ex quo habes* quòd possessor mala fidei tenetur ad restitutionem damni emergentis, & lucri cessantis. v. g. Petrus habet equum, quo frequenter lucratur florenum, & sic hæc pecuniã se sustentat, ac agrum elaborat. qui ergo equum Petri mala fide retineret, obligaretur ad restitutionem omnium horum.

Dico 11. Turpe lucrum non est restituendum nisi injustè accipiatũ. dicitur autem turpe lucrum, quod habetur ex actione mala. Itaq; si quis accipiat pecuniam ad occidendum hominem, & occidar, potest illam retinere, quia vendidit operam suam licet malam. tenetur tamen ad damnum, quod sequitur ex morte occisi, tenetur etiam ante adimpletam conditionem rescindere contractum, pretio restituto, aut cum obligatione restituendi. item Iudex potest retinere pretium, pro ferenda sententia iniqua, quod accipit quia vendidit operam suam, licet malam. tenetur tamen ad restitutionem damni illati, per sententiam iniquam. hoc totum colligitur ex Ioan. Corr. p. 1. Casuum q. 100. Cæterum non potest Iudex retinere pretium, pro ferenda sententia iusta, quia ex iustitia tenebatur talem sententiam ferre. Unde si vendat aliquis id, quod ex iustitia tenetur facere, & gratis, malè vendit & sic non potest facere pretium suum, & tenetur restituere, nisi alius remittat restitutionem.

Dico 12. Depositarius restituet depositum, etiamsi pereat sine culpa mortali, vel veniali, modo pereat de lata culpa. Communis apud Dela Cruz, qui refert D. Thomam. non tamen tenetur restituere de levi aut levissima culpa, ut probat Corrad. p. 1. in addit. ad q. 100. Cujus ratio inter alias. nam depositum accipitur in gratiam & utilitatem illius tantum, qui deposuit, unde absurdum esset gravare depositarium, ut restituat ex levi vel levissima culpa. Vide Notam. 5. Vide etiam dicta in 4. d. 24. conc. 3.

Dico 13. Commodatarius qui accepit commodatum in suam solùm utilitatem, si pereat commodatum ex sua culpa, quàmvis levissima tenetur ad restitutionem. Cajet Bannez, Sylv. Adrianus &c. quos sequitur Dela Cruz. nam accepit rem in suam solùm utilitatem, non tamen tenetur commodatarius restituere commodatum, si pereat casu fortuito. Michael Salomus.

Dico 14. Conductor, qui accepit rem in suam & locantis utilitatem, si de sua levi culpa pereat, tenetur restituere, pro hac citat Dela Cruz Communem Thomistarum. nam locatio fit in utilitatem conducentis & conductoris. Sed depositarius, qui accepit rem in solam utilitatem domini, tenetur solùm de lata culpa, & commodatarius, qui accepit rem in suam solùm utilitatem, tenetur de culpa levissima. Ergo conductor tenetur de culpa media. cum utilitas sit communis, scilicet conducenti & conductori.

Dico



Dico 15. Dum alicui eodem die datur pecunia mutua & commodatur liber, & statim per latrones spoliatur utroque, tenetur ad restitutionem pecuniæ, non autem libri quia pecuniæ erat dominus, non autem libri, res autem perit domino, Vide Distinct. 34. Nota. secundum.

Dico 16. Dum aliquis utitur deposito vel locato ad alios fines, quàm fuerit datum à Domino. & res ea de causa pereat, tenetur ad restitutionem, quia excessit modum depositi, & locati. & similiter, si res deterioratur.

Dico 17. Pignus si pereat culpa habentis pignus, est obligatio restituendi. Quod si pignus injustè detineatur, & pereat quocunq; modo, erit obligatio restituendi, nisi etiam periisset si fuisset restitutum domino, quod sane intelligendū.

Dico 18. Usurarius tenetur res restituere per usuras acquisitas, proprio domino. nec satisfacit eas dando propteribus. Idem dic de rebus aliter, quàm per usuram comparatis. non enim sufficit eis erogare in pias causas, aliàs proprius dominus damnificaretur. Et hoc docent Doctores, explicantes particulam Cui, in prædictis versibus positam: aliter dicendum, si proprius dominus non invenitur neq; hæredes, tunc enim erogari debent in pias causas.

Dico 19. Usurariorum complices, quod idem de complicibus latronum & furum dicendum (usurarii enim à furbus & latronibus in modo tantum differunt) tenentur ad restitutionem, sicut & ipsi usurarii. Quantum verò ad comedentes ex usuris, oportet distinguere. aut enim hoc bonà vel malà fide faciunt, circa quod observanda sunt ea, quæ diximus concl. 2.

Dico 20. Hæredes usurariorum, ad restitutionem, nisi ipsimet Usurarii restituerint, obligantur. Qui si dicant, se non posse, quia sic periculo famæ & honoris se exponunt, respondendum eis, quòd super re injustè acquisita & ad se devolutà dominium non habeant. Unde tenentur sub mortali quætere modum restituendi.

Dico 21. Ex defraudatione vectigalium oritur obligatio restituendi etiam in conscientia, si vectigalia sint justa. & fraudulenter non solvantur, debent autem censeri justa à subditis, nisi certò constet de Deorum injuria. Qui verò fraudat vectigalia non tenetur ad restitutionem poenæ, nisi post sententiam iudicis. Similiter ministri si permittant injustè defraudari vectigalia tenentur ad restitutionem damni domino illati, nisi fraudator restituat, non autem ad restitutionem poenæ, quam per talem negligentiam incurrunt. Vide Notam. sextum.

Dico 22. Sunt etiam restituenda bona inventa, quæ habent dominum, sed ignoratur. & quidem proprio domino debent restitui, qui diligenter inquiri debet, sit autem diligens inquisitio secundum Salazar, quando per publicas plateas, vel cathedras Ecclesiarum res inventa promulgatur, quòd si præmissa diligentè ad dominum inquirendum inquisitione, hic non inveniat probabilis est aliquorum apud Fernandez sententia, inventorem res inventas tutò in conscientia, retinere posse. Sanctus Thomas in oppositum citatus, explicatur à De la Cruz. Si dominus rei inveniat, potest inventor non solum aliquid petere pro labore, & expensis,

expensis. si fortè aliquæ fuerint in re inventa conservanda, & querendo domino exhibitæ. sed etiam potest aliquid accipere, & potest in præmium, sine violentia tamen & fraude. Adverte. Merces, ad vitam salvandam in mare projectæ, non possunt retineri, cæque excommunicatio in Bulla Cœna Domini, contra eas non restituentes.

Dico 23. Thesaurus cujus Dominus nescitur, si invenitur in proprio fundo, est totus inventoris, si in alieno fundo invenitur à casu, medietas una erit Domini fundi, altera inventoris, secundum S. Thom. 2. 2. q. 66. a. 5. ad 2. Si studiosè querendo invenitur cum licentia domini donantis quia ipse non vult quærere, totus est inventoris ut docet Povedovius. Si verò quæritur contra vel præter voluntatem Domini, totus erit Domini. Bonac. cum aliis. Quod si sciens in fundo esse thesaurum fundum emat, thesaurus est emptoris. Bonac. cum multis alijs. & colligitur ex Matt. 11. & S. Th. citato loco. consuetudo, quod thesauri sui principum, non obligat in conscientia, quia propter metum de minori se levatur, nec moribus utentium fuit aliquando approbata, nisi violententer. Armilla Sylv. Sor. &c. secus dicendū est. si gravis Reipublicæ necessitas urget. vel ut docet Povedovius, si alicubi lex aut consuetudo consona, aliter præscribit.

Dico 24. Tenemur restituere statim ac possumus. D. Th. 2. 2. q. 62. a. 8. nam cum Præceptum restituendi ut docet D. Th. ad 1. includat istam negationem, non retineas alienum, obligat semper & pro semper. quod si non potes statim restituere, habeas animum restituendi pro tempore, quo poteris. & dum habes animum contrarium, es in actuali peccato. & explicabis in confessione notabile ten pus, quo habuisti talem animum, & quo poteras restituere, & nō restituiisti.

Dico 25. Quando aliquis tenetur ex bona fide, res determinanda est in favorem ejus, quantum fieri potest. è contra verò, si tenetur ex mala fide, res determinanda est in favorem de mini, cui debetur. v. g. fuit mihi datus equus hic *Climontoviz*, quem bonâ fide possedi. & cum illo me transvuli Cracoviam, dum relicto equum esse alicujus commorantis *Climontoviz*, satis est si restituam eum Cracoviz, scribendo ad dominum, ut suis expensis mittat ad recipiendum eum. Si verò mala fide habui equum, teneor eum nec expensis remittere *Climontoviam*. Quod si in via perit, adhuc teneor eum restituere domino, ita ut ille nullum inde patiat novum damnum, & novas expensas. Si tamen quantitas rei tam modica esset, ut mittendo eam ad dominum quatuor vicibus plus per viam consumi deberet, tunc res aliter secundum prudens judicium, & attentis circumstantiis disponenda foret.

Dico 26. Quantum ad ordinem debitorum. Mortuo aliquo primo, debent solvi debita existentia in propria specie, justè aut injustè contracta. Capet. & primo est de rebus in priis nondum solutis, ex stentibus in propria specie. secundo, solvenda sunt expensæ funeris. Sylv. Scias, legata non esse debitis præferenda. Dela Cruz. Tertio, debita certa incertis præferenda. quæ autem inter certa prius solvenda vide Dela Cruz & alios, accedit, quod hæc res sit judicanda secundum varias circumstantias, & prudens Confessarii, vel alterius judicium, Dico



Dico 27. Quando debita sunt ejusdem rationis, antiquiora non sunt præferenda, sed dividantur debitoris bona, singulis creditoribus secundum proportionem debiti cujusq; & sic debitor non debet integrè uni creditorum solvere, si non habet bona, quibus aliis solvat, aliàs integra solutio debiti unius, revocatur l. 1. & 2. ff. quæ in fraudem creditorum. Sed hoc non obstantè docet Sylv. posse debitorem securè in conscientia, solvere integrè pauperi, etsi in foro externo, talis solutio revocetur. Dixi. *debita ejusdem rationis*. nam utrum debita illicitè contracta, sint præferenda, debitis licitè contractis, & prius solvenda? affirmat Medina negat Cajet.

Dico 28. Potest interdum aliquis excusari à restitutione propter impotentiam, quia non habet nisi necessaria, ad suæ familiæ sustentationem. Semper tamen habet obligationem restituendi, quàm primò poterit, neq; tenetur cadere de suo statu, nisi talem statum ex furtis & injustis acceptionibus haberet, tenetur tamen de suo statu tollere superflua & non necessaria parcè vivendo, ad hoc ut debita paulatim exoluantur, aliqui non est tutus in conscientia. *Secundò*, potest aliquis excusari à restitutione propter liberam remissionem creditoris. *Tertiò*, propter compensationem, quia aliundè ipse est creditor (hoc est debetur ipsi aliquid a suo creditore) debet autem creditum esse certum, sicut certum est debitum. nam si esset dubium, non posset sibi compensare, nisi pro qualitate dubii debet autem tacita compensatio, semper fieri cum cautela necessaria, ne aliis bis pariatur detrimentum, putans se esse debitorem post factam compensationem. & regulariter hæc tacita compensatio debet fieri, quando homo non potest faciliè suum recuperare, & ad vitandas longas lites, item inimicitias & molestias.

Dico 29. Bona fortunæ inferioris non debent restitui cum damno fortunæ superioris v. g. bona corporis non debent solvi cum notabili detrimento honoris, neq; honor cum detrimento vitæ, hujus exèpla Vide apud Salazar de rest. circa finè.

Adverte dum cessat periculum vitæ, tenetur læsor famæ dictum adversus alium revocare.

Dico 30. Impediens aliquem à consecutione cujusq; boni, modis licitis, ad nullam restitutionem tenetur. Impediens verò injustè eum qui jam consecutus, tenetur ad æquale. Si verò propè erat ut alsequeretur, vel qui verisimile erat ipsius asseuturum tenetur compensare ad arbitrium prudentis viri, secundum quod magis vel minus videbatur consecuturus. Armilla quoad omnes partes, quia quilibet habet jus ne injustè impediatur.

## DISTINCTIO XXXVIII.

### De restitutione furtorum minorum.

Dico 1. Qui pluribus per furtum minuta furatur ad restitutionem sub peccato mortali tenetur. est contra nonnullos qui absolutè docent modica furtum nonquam coalescere ad constituendum mortale, & inducendum onus restitutionis,

niti procedant ab eadem voluntate continuata pro nobis tamen stat Innoc. XI. qui sequentem damnat *non tenetur quis sub pena peccati mortalis restituere, quod ablatum est per pauca furtiva, quantumcunque, sit magna summa totalis.*

Dico 2. Qui nequit ijs, à quibus accepit commodè restituere, vel quòd ignorentur, vel quia executio restitutionis moraliter impossibilis, injungendum damnificatori à Confessario. ut det in pauperes, vel alia pia opera. hoc enim videtur maximè consentaneum voluntati dominorum, à quibus subtractum est Lessius & alii comm. Nomine pauperum veniunt, qui egent, necessariis ad decentem statum, item secundùm Navar. pia opera.

Dico 3. Ad peccatum mortale major quantitas requiritur, quando quis eidem magnis intervallis per pauca furtiva accipit, & non ex industria, sed per occasionem, quàm dum breviter, vel de industria vel simul accipit. Vnde dato quod is mortaliter peccet & ad restitutionem teneatur, qui ab eodem paupere rustico decem grossos simul accipit, vel per partes de industria, requiruntur 15. vel viginti. ut quis teneatur restituere, magnis intervallis ablatos. Lessius ex Navarro. Ex quo patet, quando eidem magnis intervallis per furtiva minuta res auferitur, vel duplo major quantitas ad peccatum mortale requiritur, vel saltem medietatem excedens illius, quæ alias requiritur ad peccatum mortale, quando simul vel parvis intervallis accipitur.

Petes. Quandonam furtiva minuta coalescant in vnum moraliter, ut quis ad restitutionem teneatur? & quando non notabiliter magnum intervallum intercedit, intervallum notabiliter magnum, secundùm Fillucium & Summiam Dianæ, est unius mensis vel dimidii.

Dico 4. Ad peccatum mortale major quantitas requiritur in furtis filiorum à parentibus, juxta superius dicta, quàm famulorum à Dominis, & in furtis famulorum, quàm exterorum, Lessius

Dico 5. Ad peccatum mortale major quantitas requiritur, quando quis à diversis minuta furatur, quàm quando ab uno, quia diversi illi parum læduntur. nec ita curant rerum minutarum restitutionem. Less.

Dico 6. Qui post notabilem quantitatem, per furtiva minuta factam, addit alia furtiva minuta, secundùm Bonac & alios, nova peccata mortalia committit, quia revocat implicitè voluntatem retinendi rem alienam in notabili quantitate. Si tamen post ablatam per furtiva minuta notabilem quantitatem, deleat de furto, & de novo furaretur quid minutum, non peccaret mortaliter, quia furtum sequens discontinuaretur per poenitentiam à præteritis. Bonacina.

## MONITIO.

Confessarii, non facile in furtis minutis, & quæ ad peccatum mortale non pertingunt, dissimulent, sed pro conditione personarum semper aliquam restitutionem imponant, quod fiat vel redeendo eandem rem, si extat vel ejusdem speciei, vel pretium rei, vel compensando majori obsequio, vel si credit ribus



non possunt, conferendo pauperibus. hæc enim ratione magis terrentur, quam aliis poenitentiis. alioquin sunt ad huiusmodi furtula faciliores, & ad maiora gradum faciunt. Less. lib. 2. c. 12. duc. 6.

### Circa Octauum Præceptum.

**H**Oc Præcepto prohibetur omne peccatum linguae, ut est falsum testimonium, mendacium, detractio, contumelia, convitium, murmuratio, susurratio, derisio, mali dictio, &c. prohibetur etiam cooperatio ad hæc non solum enim peccant, qui falsum testificantur, mentiuntur, detrahunt &c. sed & qui consentiunt, complacent &c. huc reducitur iudicium temerarium, suspicio &c. Item prohibentur peccata in iudicio commissa, sed de his v. 4. d. 14. & seq.

## DISTINCTIO XXXIX.

### De falso testimonio.

**N**Ota. Falsum testimonium est testificatio, seu assertio falsi in præjudicium proximi. includit in se mendacium, quod est assertio falsi scienter, ad decipiendum proximum & licet dicatur verum si putatur falsum, adhuc mendacium est. dividitur in iocosum efficiosum. & perniciosum. *jocosum* est ob delectationem, *efficiosum* ob utilitatem, *perniciosum* in nocumentum proximi.

Dico 1. Dum quis in iudicio testificatur falsum, primò peccat peccato mendacii. Secundò peccato sacrilegii, si adhibuit iuramentum, terriò peccato iniuriæ, nisi excusetur parvitate materię, vel alia causa. & tenetur ad restitutionem, non tamen cum majori damno quam sit illud, quod patitur proximus ex falso testimonio, ut colligo ex Less. lib. 2. Concl. 30. d. 7. tenetur tamen cum æquali. v. g. ex falso testimonio Pauli, aliquis mittendus est ad triremes, Paulus cum periculo ejusdem pœnæ tenetur retractare, non tamen cum periculo vitæ, nisi propter testimonium Pauli alter esset in eodem periculo vitæ, ut docui cum communi tractans de homicidio. Quòd si non retractat peccat, & tenetur ad damna, quæ patitur ille in trirēibus, & tua familia. Quòd si absque testimonio Pauli ad triremes fuisset, Paulus quidem peccavit, sed non tenetur ad restitutionem v. g. si fuit ultimus testis non necessarius hoc bene pondera, ille verò nec ad restitutionem tenetur, nec cum periculo vitæ revocare, qui ex ignorantia, vel alia causa non peccavit mortaliter, ferendo falsum testimonium Less. cit. cum Cajet. tenetur tamen quantum potest obviare malo.

Dico 2. Quando multi testes concurrunt per modum unius, omnes tenentur ad restitutionem, etiamsi media pars suffecisset ad condemnationem, non enim major ratio unius, quàm alterius. doctrinam utriusq; conclusionis applica etiam ad testes extra iudicium, tales enim præterquam quod peccent, tenentur ad restitutionem ob damna, quæ sunt consecuta.

*Sententie Morales;*  
**DISTINCTIO XL.**

*De Detractione, murmuratione & susurratione.*

**NOTA 1.** Detractio est *denigratio fame alterius, per verba in ejus absentia*. Differt à contumelia, quia contumeliosus per manifesta verba & in faciem remouet alterius honorem hinc contumelia est *inhonoratio alicujus per verba, aut signa denotantia malum culpæ.* ut si alicui dicatur fur, mendax, &c. differt à convitio, quia per convitium representantur mala sive pœnæ sive culpæ v. g. dico alicui es cæcus, &c. est convitium. Item si dico es fur, est etiam convitium, sed non tantum secundum D. Th. 2. 2. q. 72. a. 1. quando verò dicitur defectus minorationis seu indigentia, est improprium, v. g. si dicitur, ego te de fame eripui. Murmuratio est *quedam quærela cum impatientia, in his, quæ homo patienter ferre deberet.* Susurratio est; *quæ quis obloquendo, amicitiam inter aliquos tollit.* his est affinis derisio, *quæ quis alterius malum vel defectum in ludum vel risum ponit ut erubescat.* potest fieri verbo, cachinno, naso &c.

**NOTA 2** Detractio multipliciter fieri potest, vel quia detrahens falsum imponit, vel auget peccatum, vel revelat verum occultum verbis vel scriptis vel signis, vel asserit res bonas malâ intentione facta, vel negat bonum alterius. vel malitiosè tacet, vel diminutivè facetur. Armilla ex S. Th. qui modi detractionis sequentibus versibus exprimuntur.

Imponens, augens, manifestans, in mala verrens;

Qui negat, aut minuit, tacuit, laudatq; remissè.

**DICO 1.** Detractiones sunt ejusdem speciei, licet sint circa diversas res. Sâ, hinc non tenemur in confessione explicare circa quam rem detraimus, nisi notabiliter aggravaret. quod tunc fieri puto, quando magnæ auctoritatis viri grande crimen injustè revelatur. Ratione alicujus circumstantiæ fieri potest, ut detractiones specie distinguantur. ut patet in detractione quando falsum imponitur. in detractione contra Sacerdotem, quæ habet à junctam malitiam contra reverentiam Sacerdotibus debitam. In detractione contra patrem, quæ habet malitiam contra pietatem parentibus debitam. in detractione facta ex odio, quæ habet malitiam odii Bonac. hæc applica ad contumeliam, convitium. &c.

**DICO 2.** Non est detractio, si crimen proximi est publicum potest tamen aliquando esse contra charitatem. si dicatur ex contemptu & vilipendio proximi, & ex aliquo interno odio.

**DICO 3.** Qui sibi complacet in detractione alterius, peccat mortaliter contra charitatem. & idem dic de vidente, damnum secuturum ex alterius detractione, si non resistit, cum possit. damnum commune secutum ex detractione est læsio famæ. Quod si ad id ex officio tenetur, peccat contra justitiam non resistendo detractori. ut si sit prælatus detrahentis, vel ejus cui detrahitur. & sic restituat damna secuta, & qui inducit detrahentem, aut addit ei animum ad detrahendum, nam omnes isti sunt causæ morales talis damni.

Dico



Dico 4. Narrare defectus naturales in anima aut corpore, ut esse parvi ingenii, aut esse cæcum &c. non est mortale. Item aperire defectus natalium, ut dicere aliquē natū esse de adulterio, suppositā veritate non est mortale, secundum Petrum Navarum & alios, nisi pro x mus inde valde contemneretur, tandem non est mortale narrare in genere aliquem esse v. g. avarum. &c. quia hoc per se loquendo non sonat peccatum mortale, sed naturalem inclinationem, vel culpam venialem consequenter in his casibus, non est obligatio sub mortali ad restitutionem. *Adverte.* ex Bonac. si quis alteri in faciem dicat, quod sit v. g. cæcus, ex adulterio natus &c. licet hoc j. m. publicum sit mortaliter peccat, quia graviter contumeliatur seu potius convitiatur, & restituere honorem, per ejusdem exhibitionem obligatur.

Dico 5. Si quis narrat quod audivit, asserens se nescire an ita sit, sed narrare quod audivit, peccat mortaliter, & tenetur ad restitutionem, si fides adhibeatur, & fama sit notabiliter læsa. Sotus, Bannez, & alii contra Cajet. sylv. & alios, hæc 2. referuntur ad 2. p. conc. nam ad p. m. sufficit exponi periculo. Quod verum est quāvis ex levitate audientium talis procedat infamia, ut docet & probat Berandez 1. p. c. 14. §. 4. atamen si sic narrans, non putat aliquomodo securam infamiam, teneo non obligandum ad restitutionem. Si tamen sine magna difficultate famam restituere posset, sub mortali teneretur.

Dico 6. Narrare crimen ab aliquo secretum, est peccatum mortale. & quia contra justitiam oritur obligatio restituendi quāvis fiat Viro gravi & sub secreto. est contra Cajetanum, & alios. & ipse sic docet in primo cursu supra Decalogum d. 24. conc. 35. sic tamen tenet Soto Bannez, Philippus à Sanctissima Trinitate & est communior. quia ex hoc sequitur infamia, & fortè major quā, si aliis viris ordinariis diceretur potest tamen excusari, si hæc revelatio fiat in bonum delinquentis, vel in ordine ad bonum publicum, cum debitis circumstantiis.

Dico 7. Non est peccatum mortale, saltem contra justitiam, crimen alterius alicubi publicum, manifestare alibi, ubi nescitur. & sic nulla obligatio restituendi famam, pro hac Bonac. refert aliquis de rest. disp. 2. q. 4. puncto 6. & Diana p. 3. tract. 5. resol. 13. refert Lacundaz. præterea Bonac. & Diana eandem sequuntur, ratio est, quia delinquens per criminis publicitatem amisit jus in famam, consequenter manifestans crimen ejus publicum non facit illi injuriam, non peccat contra justitiam, tum quia consuetudine receptum est, ut delicta publica notentur, historiis commendentur, ubiq; promulgentur, & à quolibet perlegantur. Ergo signum est non esse peccatum contra justitiam, nec esse obligationem ad restitutionem, delictum in uno loco publicum referre alibi ubi nescitur loquitur autem conclusio etiam de loco ad quem fama difficilè vel nunquam pervenisset, ut patet ex probatione. item loquitur conclusio de quacūq; publicitate. Pro quo sciendum, publicum dici potest dupliciter, scilicet publicum publicitate juris, & publicitate facti. publicum publicitate juris est illud, de quo constat per ipsius rei confessionem in judicio, aut per testium depositionem, aut per judicis sententiam.

publi-

publicum publicitate facti est illud, quod in multorum presentia est commissum; ut in foro publico, aut via publica. ad hoc reducitur famolum. cuius fama ex sufficientibus indicis orta innotuit majori parti vicinæ, vel oppidi &c. quod autem scitur à majori parte collegii vel congregationis, quæ decem v. g. Personis constat, non est absolute publicum, sed solum respectu illius congregationis, publicum enim simpliciter dicitur, quod in tali loco, & cum talibus circumstantiis factum fuit, ut facile illis innotescere potuerit hoc sumitur ex illucio apud Bonac. loco cit. scilicet, publicum hic explicatum confundi cum notorio v. dicta in 3. d. 28.

Dixi *contra justitiam* nam fieri potest ut referre crimen alterius publicum, ubi nescitur sit mortale contra charitatem, si ex hac diffamatione sequatur grave damnum, dedecus consanguineorum &c. quia lege charitatis tenemur grave proximi damnum impedire, dum possumus, nec causa adest permittendi illud *Ex quo patet*. Si quis perdat famam Sandomiriæ, & vadat Cracoviam, ibique honorato fungatur officio, non peccat contra justitiam, nec est obligatio restituendi famam prodendo talem, licet propter hanc criminis detectionem removeatur ab officio Bonac. referens alios, peccatur tamen contra charitatem.

Dico 8. Non est peccatum contra justitiam referre alicui delicta alterius propter quæ fuit alias infamatus, quamvis nunc bonam famam acquisierit bonis actionibus, modo referens non ostendat, etiam nunc ipsum esse infamem quia non sit injuria, quamvis enim nunc bonam famam retineat, tamen ratione delicti alias perpetrati fuit infamis, & nunquam acquisivit jus, ut dicatur probus pro eo tempore, quo fuit improbus. Bonac. cum aliis, hoc tamen ex circumstantiis potest contra præceptum charitatis militare.

Dico 9. Peccatum occultè commissum, & injustâ revelatione vulgatum, eaque viâ publicum in uno loco, publicare magis ibidem, non est mortale, nec taliter publicantes tenentur ad restitutionem Ita probabiliter Less: secutus Magistrum Bannez relatum à Bonacina citato. quia publicitas tribuit licentiam loquendi. oppositum docet Fernandez cum Bonacina & aliis ab utroque relati. Quare suaderem qui scit rem occultam injustâ revelatione vulgatam, à modo narradi abstinere.

Dico 10. Qui non potest aliter impedire detractionem, debet discedere, si commodè potest, vel sermonem ad alia transferre, vel facietiam interponere, vel obsecrare ne de ea re agatur, vel vultum hilarem non præbere sed tristorem, juxta illud Proverb. 25. *Ventus Aquilo dissipat pluvias, & facies tristis linguam detrahentis*. Ita Bonac. referens alios de restitu. disp. 2. q. 4. puncto 11.

Dico 11. Dum solus adest, qui audit detrahentem, debet omnibus modis conari discedere, si alio modo scit non possit quicquam efficere, ne sic manendo sit detrahenti occasio prolongandi detractionem, à qua cessabit si auditore carebit. Dixi, *dum solus &c.* nam si plures adsunt, discedere non tenetur, modo non complaceat, & sciat alios certò permansturos

Dico 12. Dum quis secundum præcedentem conclusionem, bonâ fide audit detrahen-



detrahentem, caveat ne per hoc cui detrahitur bonum nomen apud se deterioreretur, aliàs recedere obligaretur, si adhuc plura adverteret referenda à detrahente, vel ad minus, si hoc facere non potest, firmiter apud se protestetur, quòd infamatum in eadem reputatione sit conservaturus.

Dico 13. Personæ privatæ sæpius excusantur à mortali non obstando detractio. Tum quia sæpè non speratur emendatio. tum quia audiens non debet in dubio præsumere de loquente malum, nisi habeat sufficientes conjecturas in contrarium, & cum ipse nesciat, an delictum quod ab alio narratur sit publicum vel occultum, & utrum iustè vel iniustè narretur. fieri enim potest, ut id quod narratur sit publicum, iustèq; narretur, & consequenter faciat injuriam narranti obstando, ac si corriperet de peccato, quod nescit peccatum. quod procedit si narrans non sit homo levis. Bonac. cit. Possunt adhuc personæ privatæ excusari à mortali non obstando detractio, secundum dicta de correctione fraterna.

Dico 14. Qui falsum crimen proximo imposuit, præter hoc, quod gravius peccaverit quàm si tantum verum occultum manifestasset, tenetur retractando dicere se falsum dixisse. immo jurare tenetur, si fides non adhibeatur. Nam tenetur famam proximi omni modo possibili restituere. Bannez & Soto.

Dico 15. Qui verum crimen, occultum tamen, revelavit, dicat secundum D. Thomam 2. 2. q. 62. a. 2. ad 2. se male dixisse, iniustè diffamasse. nam si impositio criminis credebatur, & retractatio est credenda aliàs audiens à temeritate non excusaretur. vel laudet in illa materia, in qua infamavit, ut docet Mosc. cum Lessio v. g. dicendo. hic homo tali virtute apud homines claret. nec mentitur, nam verè claret, cum oppositum publicè non constet. Quòd si fama publicè læsa, dicat Prædicatoribus vel Parochis, ut suo nomine dictum retractent apud plebem secundum Rodericum, quem citat & sequitur Fern. 1. p. c. 14. Sed quomodo honor à contumeliante & conviciante restituendus? *Primo* restitui potest amicà salutatione. ostensione majoris benevolentiae. peculiari favore & honore. & talis modus sufficit superioribus, scilicet Prælati, Dominis, Parentibus & Magistris, erga inferiores. Item Viro nobili & illustri erga plebeium, &c. *Secundo* restituitur adhibendo ad mensam, dando locum honorificum. Qui modus sæpè sufficit inter eos qui sunt paris conditionis. *Tertio* Petendo veniam. quo modo debent uti inferiores, erga superiores, & sæpè etiam æquales inter se, ut si læsus hanc satisfactionem iustè exigat, nec plus ante sententiam iudicis exhibendum. etiam pro summis injuriis. & hoc moribus gentium præceptum esse, ait Lessius. Sciendum tamen, magis humilem veniæ petitionem pro majori injuria exhibendam.

Dico 16. Qui diffamavit apud paucos, per quos postea est crimen divulgatum apud plures, si hi pauci, quibus dixit erant Viri prudentes & timorati, licet postea ex incuria rem divulgaverint, apud hos tantum detractor tenetur retractare, & famam restituere. quia sequens damnum per accidens fuit secutum, & ipsi qui imprudenter divulgaverunt illud tenentur ad integrum resarcire. Si verò illi

pauci erant homines leves, tenetur retractare apud omnes. quia damnum prævisum, subsequutum fuit. Tolerus apud Fernand citatum.

Dico 17. Murmuratio committitur contra Deum, quando displicet alicui, quòd v. g. non det prosperitatem, vel mittat tribulationem, vel non regat mundum modo nost. o. Committitur contra homines, quando quis conqueritur de re iusta, sed non debito modo, vel non apud eum, cuius interet providere. & potest esse peccatum mortale, v. g. quando murmuratio fit contra aliquid quod præceptum, vel propter scandalum. Armilla coincidit cum detractio. quamvis nomine murmurationis minus significetur.

Dico 18. Sufurratio ex suo genere est peccatum mortale. quia tendit ad nocumentum proximi, non qualecunque, sed grave. videlicet tollere amicitiam, quod est bonum melius honore & famâ. idèò gravius est detractio & contumelia. ex S. Th. 2. 2. q. 74. a. 4. Licet quis non intendat tollere amicitiam, si tamen incautè loquitur talia, quæ ex natura sua sufficiunt tollere amicitiam & facile potest advertere, quid ex talibus verbis soleat sequi nò excusatur à mortali. Armilla.

## DISTINCTIO XLI.

### De Maledictione.

**N**Ota Maledictio est, quâ quis imprecatur alicui cum desiderio aliquod malum, v. g. mortem, infamiam, infirmitatem, dæmones; morbum caducum, ut in Polonia &c.

Dico 1. Maledicere creaturas irrationales simpliciter absq; alia relatione est verbum ociosum. sed maledicere relatas ad Deum, vel ad bona hominis est peccatum mortale, perindè ac si his malediceretur. maledicere verò creaturas irrationales prout referuntur ad aliquod malum, prout Iob maledixit diei suæ, non est peccatum. aliàs pius Iob sic maledicendo peccasset, quod non est dicendū.

Dico 2. Quando maledictiones sunt verbo, sed non an mo nocendi, vel ex animi subreptione, est peccatum veniale ex imperfectione actûs, nisi in illo parvo tempore, & in illa subita passione iræ. esset determinatus consensus, quia tunc esset mortale, quâvis transacta irâ, nollit tale malū. Armilla ex Cajet. in summa.

Dico 3. Maledictio morbi caduci in regno Poloniæ, pleumq; non est peccatum mortale. eò quòd vel non ex animo epetitur, sed ex quadam patriz consuetudine, vel non perpenditur gravitas morbi quod locum habet maximè in rudibus, iudico tamen. audiendo cultiores interrogâdos, an maledictio ex animo nocendi processerit. cùm hi ex vna parte, faciliùs gravitatem morbi perpendant.

Dico 4. Licet maledictiones per dæmones, in Polonia frequentes, non ex animo nocendi prolatae, non sint peccatum mortale, talibus tan en ut hanc deformitatem v deant. & eò faciliùs desistant, iriungenda est aliqua devotio. v. g. vnum Ave Maria vel formatio Crucis, vel nominati. nomen IESVS MARIA IAN, semel singulis diebus sinè obligatione tamen, ut taliter per talem parvu-



Iam devotionem, gratiam præservativam à tam deformi consuetudine impetrent.

Ubi o 5. Qui maledicit imprecando mortem, infamiam, paupertatem, &c. spectata auctoritate D. Th. 2. 2. q. 76. a. 4. ad 2. item ratione Cajet. & Bannez; 2. 2. q. 35. a. 6. tenetur has maledictiones explicare. Sed quia opposita sententia ob auctoritatem Bonac. Dianæ & Tamburini, sua non caret probabilitate. ideo suaderem circa explicationem specterum maledictionis, pœnitentes non esse molestandos.

Dico 6. Licet interdum verba injuriosa contineant falsa mala, tamen non peccatur contra iustitiam consideratis personis, locis & consuetudinib<sup>9</sup> pravis. quia solent talia dici. non quia vera fiat, aut judicentur ab aliis ut vera, sed ex usu n<sup>o</sup>q; ex his sequitur infamia proximi. quia non datur illis fides. sed creduntur procedere ex aliquo malo animo, aut consuetudine prava. Sic sæpè excusantur à mortali, saltem contra iustitiam, rustici, pueri & milites. nec tenentur ad restitutionem. sæpè tamen peccare possunt contra charitatem, juxta dispositionem animi qui si graviter attendendo motus externos, alium offendit tenetur reconciliari petere veniam, aut ostendendo signa amicitiae, aut quid simile. Sciendum tamen, si superiores in aliquo excesserunt, reprehendendo subditos, non tenentur petere veniam, sed alio modo reconciliari ostendendo signa benevolentiae.

## DISTINCTIO XLII.

### De iudicio temerario & suspitione.

**N**Ota. Iudicium temerarium est. cum quis absq; sufficienti fundamento judicat malum de proximo. Suspicio est, cum quis assentitur uni parti, cum incertitudine, & cum formidine alterius partis differt à opinione. quia opinio in utra n<sup>o</sup>q; partem ferri potest. Suspicio verò fertur in deteriorem partem tria ad temerarium iudicium concurrunt. deliberatè, sine sufficientibus indiciis, & sine formidine asserere, v. g. videtur juvenis in domo mulieris, vel loquens cum illa, & propter hoc tantù n<sup>o</sup> judicatur peccasse vel intendere peccare, temerariè judicatur, si detrahatur, obligatio, restituendi famam, oritur.

Dico 1. Ut Iudicium temerarium sit peccatum mortale, debet esse in gravi materia, per quam proximus graviter despicitur, & infamatur, etsi hæc nullum aut leve indicet peccatum, quare gravis materia censetur judicare de viro gravissimo esse mendacem, fatuum &c. quàmvis hæc parvum, aut nullum indicent peccatum.

Dico 2. Non omne peccatum mortale est gravis materia in iudicio temerario, sicut & in detractio. nam judicare de viro valde vanitati dedito, quod sollicitè foeminam, aut exerceat aliud peccatum, de quo non valde curat, non est materia gravis iudicii temerarii, sicut & detractio.

Dico 3. Suspicio plenè deliberata in re gravi ex levibus indiciis, non est peccatum mortale, Armilla. Sotus & alii contra Bannez, Medinam & alios, &

colligitur ex Sancto Th: quodlibet 12. a. 34. ibi. *Suspicio est quid imperfectum in genere iudicij, & ideo est imperfectus motus, & ideo non est mortale ex genere, quamvis si fiat ex odio, erit aliquando mortale.*

Dico 4. Majora indicia requiruntur ad recte iudicandum, quam ad suspicandum, & majora ad recte suspicandum, quam ad dubitandum. v. g. si vir fide dignus referat, se audivisse à fide dignis, alium bonæ famæ furatum esse, poteris suspicari, non iudicare. quia inniteris proximè tantum fundamento probabili, quod est relatio seu testimonium. & licet sint fide digni, ex relatione aliquorum fide dignorum, tamen contra virum bonæ famæ. Quod si vir timoratus refert furtum de alio non ita bonæ famæ, potes iudicare ita esse, quia inniteris proximè, fundamento moraliter certo, quod licet sit relatio seu testimonium, tamen testis oculati viri timorati, de viro non ita bonæ famæ, quod testimonium ordinariè non solet esse suspectum de veritate. Non tamen si vir loquax refert furtum de viro timorato, potes iudicare ita esse, imò nec suspicari, addo, tantum potest esse nomen ejus, de quo malum refertur & adeò infamis relator ut nec dubitare possis. Quod si vitæq; est bonæ famæ, hoc est & narrator. & de quo narratur, attende circumstantias loci, temporis &c. ad hoc ut appareat sufficientia indiciorum, quibus attentis, si appareant & quales rationes, suspende iudicium. Dela Cruz, quoad omnes partes. Tamen quantum ad ultimam partem Conclusionis iudico, favendum esse possidenti suam famam, & in antiqua bona opinione habendus proximus.

Dico 5. Si poenitens sit timoratus, non illico damnetur, si dicat se iudicasse, aut suspicatum esse. quia ordinariè in his suspicio aut iudicium provenit ex indeliberatione. maxime si confitens sit melancholicus. Vnde de perfectione consensûs examinandus, attendat prius personæ qualitate.

Dico 6. Qui de aliquo ex levibus indicijs in re gravi deliberatè suspendit actum, non peccat mortaliter. v. g. si censebat Petrum natum esse nobilem, & quia alius parvæ auctoritatis dixit esse de gente Iudæorum, suspendit actum. quia majus est suspicari quam dubitare, & suspendere actum. Si ergo in priori casu secundum dicta non est mortale, suspicari, cur erit mortale suspendere actum? Oppositum docet Medina. Contra hoc præceptum etiam facit, qui legit litteras obsignatas, sicut & ille, qui revelat secretum. Quare secundum Armillam & alios, qui aperit litteras obsignatas peccat mortaliter, ob periculum sciendi secretum. Secus dicendum, si iudicatur rationabiliter, non adesse tale periculum peccatur tamen venialiter. Item non peccat legens Epistolam, de consensu saltem implicito mittentis. aut ejus, ad quem mittitur. tandem si timeatur malum, ut vitetur.

### *Circa Nonum & Decimum Præceptum.*

Circa hæc duo Præcepta, non multa occurrunt nam ea, quæ sexto & septimo quoad actum externum, nono & decimo, quoad desiderium, prohibentur. quare ex dictis circa illa, facilis notitia circa hæc, haberi potest, pro majori tamen rerum notitia,

DISTIN.



## DISTINCTIO XLIII.

## De Cogitatione morosa.

**N**Ota. Cogitatio morosa tunc est, quando quis non intendit actu perpetrare, peccatum v. g. carnis, seu quodvis aliud, sed contentatur illa delectatione, quæ oritur ex imaginatione objecti illiciti. dicitur morosa, quod mora in ea, permittendo eam, trahatur. Consensus in cogitationem morosam est duplex, expressus & tacitus. expressus est, quando voluntas acceptat positive delectationem. implicitus est, quando voluntas nec consentit nec dissentit expressè, sed permittit durare cogitationem & delectationem.

Dico 1. Probabile est non esse mortale, quando insurgentibus cogitationibus seu delectationibus turpibus, voluntas se permissivè & negativè habet, non impediendo tales cogitationes, sed suspendit actum, nec consentiendo, nec dissentiendo probabile inquam ob auctoritatem Caietani & Victoriz, & in simili docui de motibus sensualitatis. Sed probabilior est sententia Moscicensis, Linguas, & aliorum, esse mortale. tum ob periculum consentiendi. cum cogitationes sic permissæ sæpè trahant voluntatem, etiam prius reluctantem, tum quia, qui non reprimat cogitationes ex suo objecto mortaliter peccaminosas, virtualiter consentit, virtualis autem consensus sufficit ad mortale.

Dico 2. Probabile est in cogitatione purè morosa ( hoc est ut diximus. quæ non intendit opus externum, sed tantum delectatur circa objectum ) non esse exprimendam circumstantiam scemina, an fuerit Virgo, vxorata &c. debet tamen an fuerit circa masculum, bestiam &c. Item exprimendum an ille qui delectabatur fuerit Religiosus. Probabilius tamen est in cogitatione purè morosa, exprimendam circumstantiam scemina. nam ita communiter Doctores maximè Thomistæ. D. Anto Caiet Tar Ledesma Dela-Cruz contra alios. quia delectatio morosa sumit speciem ex objecto

Dico 3. Delectatio de objecto turpi, quod quidem ex se non est turpe, sed est turpe, quia est prohibitum, non est peccatum. Sic, qui die veneris delectatur de esu carniū, non peccat. modò non delectetur de esu carniū, ut complendo die veneris. Sicut & delectari de objecto ex se turpi, ratione aliquorum circumstantiarū, quæ ex se non sunt turpes, non est peccatum mortale. quæ circumstantiæ possunt esse, v. g. industria, inventio vel alius modus.

Dico ultimo. Si absit periculum consentiendi morosè non est prohibitum legere libros Ethnicorum, continentes res turpes. non est inquam prohibitum legere propter sermonis elegantiam, qui tamen nulla ratione debent prælegi pueris. Dixi, *Ethnicorum*. nam aliorum, qui res turpes ex professo tra-

stant, narrant ac docent, omnino prohibentur. Ita habet se-

ptima regula Concilii Tridentini ante Indicem

Librorum prohibitorum.

# LIBER II.

## DE SEPTEM SACRAMENTIS.

### DISTINCTIO PRIMA.

#### *De Naturâ & Institutione Sacramenti.*

**N**Ota. Multis modis nomen Sacramenti usurpatur *Primò*, pro juramento. *Secundò*, pro amicorum, regumq; secreto; *Tertiò* pro mysterio. est autem mysterium, *res Divina occulta naturalem hominis cognitionem excedens.* tandem sumitur propriè pro signo rei sacræ. De quo.

Dico *primò* Sacramentum est *signum rei sacræ sanctificantis homines.* S. Th. 3. p. q. 60. a. 2. explicatur. per *signum* intelligitur *signum ad placitum sacrum, secretum, practicum, permanens, sensibile, ad placitum.* id est ex institutione, & non naturale, cum res materialis rem spiritualemente supernaturalem non significet. *Sacrum*, quia ad Divinum cultum, & rem sacram significandam ordinatur. *secretum*, quia Sacramentorum cognitio solum fidelibus est nota. *practicum*, quia causat gratiam. *sensibile*, hoc est externum, sensibusq; perceptum. *permanens*, & sic manna, ig is descendens in Discipulos non erant Sacramenta. Dicitur, *rei sacræ sanctificantis*, id est gratiæ habitualis. per quod à ratione Sacramenti excluditur Crux & multa alia. cum hæc non ordinentur per se ad significandam gratiam, sed ad cultum Dei. Item excluduntur Sacramentalia; quæ non significant immediatè gratiam sanctificantem, sed quædam auxilia à Deo data, quibus disponimur ad gratiam sanctificantem. Definitiones Sacramentorum in particulari, videantur suis locis.

Hæc definitio Sacramenti potest ad præparari Sacramentis antiquæ legis. cum de ratione Sacramenti ut sic, non sit causare gratiâ, sed significare. S. Th. loco cit. a. 1.

Dico *2dò*. Sacramentum est *signum trium rerum*, nempe Passionis Christi memorativum. gratiæ demonstrativum, vitæ æternæ prognosticon, id est prænuntiativum. S. Th. 1. c. a. 3. sed principaliter significat gratiam. S. Th. ad 3.

Dico 3. Tria in Sacramento reperiuntur. *Sacramentum tantum, res tantum, res & Sacramentum simul*, v. g. in Baptismo. *Sacramentum tantum* est exterior ablutio *res tantum* est gratia in Baptismo collata *res & Sacramentum simul* est character. S. Th. 3. p. q. 63. a. 1. ad 2. est autem *Sacramentum tantum* quod significat tantum *res & Sacramentum*, quod significat & significatur. *res tantum*, quod significatur tantum.

Dico 4. Ad essentiam Sacramenti tria requiruntur. Materia, hoc est res aliqua sensibilis. Forma, hoc est verba, & intentio ministri, in Sacramento Matrimonii sufficit aliquid loco verborum, ut est nutus, vel aliud signum exprimens consensum.



Dico 5. Sacramenta antiqua à novis in multis differunt. Nam Sacramenta veteris legis Christum impientē & ut venturum significabant. Nova verò expli-  
tē & ut præsentem significant. illa scilicet antiqua non habebant determinatam ver-  
borum formam erant difficilia, ut patet in Circumcisione, promittebant tantum  
vitam æternam, cælum non aperiebant significabant & non causabant gratiam.  
sensu in fine dist. textu explicando. Vnde ad Gal. 3, infirma & egena vocantur,  
Ista autem scilicet novæ legis, habent determinatam formam. sunt faciliora, conse-  
runt vitam æternam, cælum aperiunt. Iesu enim baptizato aperti sunt cæli, Mat.  
3, continent & causant gratiam ex opere operato, hoc est non ex sola devotione  
suscipientis, sed ex institutione Christi. vide Trid. Sess. 7. Can. 21. 6. 7 & 8.

Dico 6. Christus Dominus, ut Deus authoritativè, & ut causa principalis in-  
stituit Sacramenta ut homo verò per potestatem excellentiæ & ut causa ministe-  
riæ. hanc potestatem habuit per unionem cum verbo Divino patet ex illo Mat. 28.  
*Data est mihi omnis potestas in cælo & in terra, docete omnes gentes, baptizantes eos &c.*

Omnia sacramenta instituit Christus Dominus. Trid. cit. Can. 1. Præcipue  
propter nostram salutem. Vide Moser in Examine Appr. tit. 1. q. 1. Poterat ta-  
men Apostolis vel Ecclesiæ, potestas instituendi Sacramenta communicari, sed non  
est communicata, ne plura sint capita.

Dico 7. Præter principalem necessitatē, quæ est justificationis & salutis no-  
stræ, triplex assignatur à S. Th. 3. p. q. 61. a. 1. necessitas instituendi Sacramenta, vi-  
delicet ut homo erudiatur, humilietur, & exercitetur. sic enim loquitur. *Per Sa-  
cramentorum institutionem homo convenienter suæ naturæ eruditur per sensibilia, hu-  
miliatur, se corporaliter percipit & cognoscens, dum sibi per corporalia subvenitur,  
preservatur etiam a nequæ actio. et per salubria exercitia Sacramentorum.*

## DISTINCTIO II.

### De Necessitate Sacramentorum.

**N**ota 1. Status innocentie in hoc consistit, quod per donum justitiæ Originalis  
quale habuit Adam, anima perfecte subsistit & obediatur Deo, & animæ corpus.

**N**ota 2. Per legem naturæ intelligitur totum illud tempus, quod fluxit a pec-  
cato primi parentis, usque ad tempora Moysis, quando Deus legem in tabulis scri-  
ptam dedit populo Israel. Igitur lex naturalis ut hic sumitur, opponitur legi scri-  
ptæ, & non legi supernaturali.

**N**ota 3. Lex scripta computatur ab illo tempore, quo Moyses ex Ægypto in  
terram promissionis properanti, in monte Sinai data fuit lex in tabulis lapideis  
scripta, ut eam toti populo promulgaret observandam. Rigorose tamen loquen-  
do Lex scripta incepit tempore Abraham, cui datum est præceptum Circumcisionis,  
ut habetur Genes. 17. & sic tempus illud medium inter Abraham & Moysen fuit  
quasi confinium legis naturæ & scriptæ.

Dico 1. In statu innocentie non fuerunt necessaria homini Sacramenta.  
Nam

Nam medicina non est necessaria nisi ægrotò. Sacramenta autem sunt spirituales medicinæ, contra peccati vulnera adhibita. Et quàmvis homo in illo statu gratiâ indigeret, non tamen ut eam per signa sensibilia consequeretur, sed spiritualiter & invisibiliter. S. Th. loco cit. art. 2.

Dices. In statu innocentie fuit Matrimonium, quod Apostolus ad Ephes. 7. vocat Sacramentum. Rdet S. Th. l. 2. ad 3. Matrimonium in statu innocentie fuisse institutum, non secundum quod est Sacramentum, sed secundum quod est officium naturæ ad propagationem generis humani. Nec Apostolus dicit quòd fuerit Sacramentum, sed quod modò sit Sacramentum, dicit enim, *Sacramentum hoc magnum est.*

Dico 2. Perseverante statu innocentie, nulla fuissent Sacramenta propriè sumpta. Nam non fuissent necessaria in remedium peccati, cum homo fuisset in perfecta animæ sanctitate. neq; fuissent necessaria ad maiorem animæ perfectionem. cum iustitia Originalis, dona supernaturalia, ac scientiæ infusæ, ad gratiam augendam sufficissent. S. Th. l. c. Vnde oblationes & alia quæ tunc fuissent, non habuissent rationem Sacramenti, sed gratiarum actionis ac recognitionis supremi dominii.

Dico 3. Si homo in puris naturalibus sine iustitia Originali creatus fuisset, tunc Sacramenta fuissent necessaria, vel saltem congrua & ad melius esse. primò ob maiorem animæ perfectionem, secundo in remedium peccati, si homo tunc deliquisset.

Dico 4. In statu legis naturæ fuerunt Sacramenta. Hæc autem Sacramenta fuerunt, externa protestatio fidei in Messiam futurum, & Sacrificia. illa ordinabatur ad delendum Originale, & fiebat per parentes vel per alium pro parvulis. Sacrificia autem ordinabantur ad tollendum peccatum actuale. Bonac: de Sacram: q. 1. puncto 3 propositione 2. Sed sciendum, hæc Sacrificia aliâ ratione fuisse Sacrificia, aliâ ratione Sacramenta. cum alia sit definitio Sacrificii, alia Sacramenti, S. Th. q. 65. a. 1. ad 7: numerat etiam decimas, inter Sacram: legis Naturæ.

Dico 5. In lege Moysaica seu scripta fuerunt Sacramenta. Nam ibi fuit morbus per Sacramenta sanandus. Ista autem Sacramenta fuerunt, Circumcisio Sacrificia expiatoria, Agnus paschalis, Consecratio Sacerdotum, Panes propositionum. Sed horum non assignant determinatum numerum DD.

Dico 6. Deus circumcisionem instituit Gen. 17. & Abrahamo tradidit quadringentis annis ante legē scriptam. Instituta fuit ad delendum peccatum Originale. fuit enim Baptismi figurativa, debebat etiam actuale in adultis saltem indirectè, cum contulerit gratiam sanctificantē in virtute tamen Passionis Christi, unde si post Passionem locum haberet in cælum introducere, fiebat in generationis parte, ad carnalis concupiscentiæ, ibi præcipuè vigentis, diminutionem.

Dico 7. Circumcisio erat necessaria. Ita habetur Gen. 17. *Circumcidi debetis carnem præputij vestri, ut sit signum fœderis inter me & vos.* Gentiles tamen nullum præceptum obligabat simpliciter ad circumcisionem, sed solum ex suppositione, si vellent



vellent populo Dei a hostiis & sacrificiis participare. Ita dicitur Exod. 12. *Si quis peregrinorum in vestram voluerit transire coloniam & facere pascha, circumcideatur prius.* Circumcisio fieri debebat die octava, ob infantis tenuitatem, quæ est ante octavum diem poterat in casu necessitatis postponi (unde dies illa erat de necessitate præcepti, & non Sacramenti) non autem præveniri, secundum Hugonem Victorinum apud D. Th. 3. p. q. 70. a. 3. ad 3.

Dico 8. Cum femina circumcidi non possent, tunc legis naturæ remedium perseverabat pro illis, sicut & pro masculis ante diem octavum morientibus, atque pro omnibus aliarum nationum. S. Th. a. 4. ad 1.

Dico 9. Minister circumcisionis non erat determinatus, Nam tam mares, quam feminae filios circumcidebant. addit Abul supra Iosue c. 5. aliquem potuisse seipsum circumcidere ob ministri indeterminationem. Quod dictum de ministro, dicendum de instrumento circumcisionis. inde ait D. Th. l. c. a. 3. ad 2. *Non invenitur tale instrumentum Divino Præcepto determinatum.*

Dico 10. Sacramenta legis Evangelicæ alia sunt necessaria simpliciter, alia secundum quid, & ad melius esse. Baptismus, Pœnitentia, & Ordo sunt necessaria simpliciter alia quatuor, sunt ad melius esse, hoc est ut communiter dicitur, sunt Sacramenta voluntatis & non necessitatis. Baptismus ergo est cuilibet necessarius simpliciter. Pœnitentia supposito peccato mortali post Baptismum Ordo Ecclesiæ. S. Th. 3. p. q. 65. a. 4. Matrimonium autem ut Sacramentum idè non est simpliciter necessarium Ecclesiæ, nam dato Matrimonio ut contractu civili tantum, adhuc Ecclesia conservaretur.

Sed si aliquis in statu legis Evangelicæ nec venialiter peccaret, an egeret Sacramentis? R. quod sic, excepta Pœnitentiâ & extremâ Vnctione.

Dico 11. Post Christi Passionem & Resurrectionem, ac sufficientem Evangelii promulgationem, obligare cœperunt Sacramenta, tuncq; legalia cessarunt, ad Gal. 5. *Si circumcidimini nihil vobis Christus proderit.*

## DISTINCTIO III.

### *De Materiâ & Formâ Sacramentorum Nove Legis.*

Dico 1. Duplex est Sacramentorum Materia, remota & proxima. Remota est, inter quam & formam aliquid mediat, scilicet materia proxima. materia proxima est, inter quam & formam nihil mediat. Materia remota in Baptismo est aqua. in Confirmatione Chrisma. In Eucharistia, panis & vinum. In Pœnitentia, peccata. in extrema Vnctione, Oleum benedictum. In Ordine, res quæ traditur Ordines suscipienti. In Matrimonio, personæ contrahentes.

Materia proxima in Baptismo est ablutio. In Confirmatione & Extrema Vnctione, Vnctio. In Eucharistia, species panis & vini. in Pœnitentia, actus pœnitentis. In Ordine, traditio materiæ remotæ. Tandem in Matrimonio, corporum traditio. Scias, Ecclesiam non posse materiam Sacramentorum mutare, quia à

Christo Domino est determinata Ecclesia autem non est supra Christum.

Dico 2. Sacramentum non est validum, dum forma mutatur forma iter seu substantialiter, cum forma sit pars essentialis sacramenti. Validum tamen est, si mutatio sit tantum materialis. Est autem mutatio formalis seu substantialis, quando non servatur idem sensus, Mutatio vero materialis & accidentalis est, quando idem servatur sensus.

Dico 3. Octo modis contingere potest variari formam 1. additione ut cum dicitur Ego te Baptizo in Nomine Patris, qui te creavit, &c. 2. diminutione, v. g. te baptizo, omitiendo ly ego 3. transpositione, v. g. ego te baptizo in Nomine Filii & Patris. &c. 4. interpositione, v. g. dicendo, ego te baptizo, & casu interponendo, aqua hæc est frigida, &c. 5. corruptione, v. g. ego te baptizo in Nomine Patria, &c. 6. per verba æquivoca. 7. per verba synonyma 8. per idiomatis mutationem. In his mutationibus verum conficitur Sacramentum, dummodò servetur formalis verborum significatio, & minime per talem variationem non intendat novum ritum inducere ab Ecclesia non receptum.

Dico 4. In omni idiomate potest confici Sacramentum, minister tamen graviter peccat suæ Ecclesiæ non servans usum. Immo Cajet. docet, idiomatum mixturem in eadem forma factam non facere Sacramentum invalidum, modò voces conjunctæ eundem servant sensum.

Dico 5. Tota forma debet ab uno & eodem ministro proferri, alias falsas redderetur formæ sensus v. g. Si quis diceret ego te baptizo, & alter subjungeret, in Nomine Patris &c. falsum diceret, cum realiter non baptizaret. Henriquez tamen, Sacramentum extrinsecus unctionis excipit, cum per modum orationis confecturatur, & oratio possit à pluribus continuari.

Dico 6. Dum quis prætermittit aliquod verbum, putans illud esse de essentia Sacramenti. cum verè non sit, & vice versa addit verbum putans esse de essentia, cum verè non sit, verum conficit Sacramentum, modò habeat intentionem faciendi quod facit Ecclesia. Sic enim in tali casu adest debita materia, forma & intentio.

Dico 7. Utens in conficiendis Sacramentis materiâ & formâ dubiâ, mortaliter peccat seclusâ necessitate. Cum se exponat periculo efficiendi Sacramentum invalidum, & pertinet tale peccatum ad sacrilegium.

Dico 8. Minister dubitâs de valore Sacramenti. potest sub cõditione iterare, si dubium sit rationale alias Sacramenti iteratio sine causa facta irrita est.

Dico 9. In Sacramentis loco verborum formæ, nequeunt adhiberi, scriptura, signa, natus. cum hæc à Christo Domino non sint instituta. Excipe Sacramentum Matrimonii, quod cum sit quidam contractus, potest celebrari natis signisque, quibus contrahentium animus manifestatur.

Dico 10. Sacramenta possunt sub cõditione administrari, si cõditio sit de præterito, vel de præsentis, cum talis cõditio Sacramenti effectum non suspendat, Non possunt tamen Sacramenta administrari sub cõditione, de futuro. Non enim



enim Sacramentum tunc est validum, dum a ministratur, cum minister tunc non intendit ipsum conficere. nec etiam validum est tempore adimpletæ conditionis, quia materia & forma tunc non existant DD. communiter quoad omnes partes.

## DISTINCTIO IV.

### *De Ministro Sacramentorum.*

**N**Ota. Triplex est intentio. Habitualis, actualis & virtualis. Habitualis est proclivitas ad faciendum aliquid, ex frequenti usu acquisita. hæc reperitur etiam in dormientibus & amentibus. Actualis est præiens animi applicatio circa opus quod agitur. quæ hic & nunc consistit in eo, ut quis attendat ad verba & verborum sensum. Virtualis, quam S. Th. q. 64. a 8 ad 3. Vocat habitualement, quæ quis ex virtute intentionis actualis non retractat, perficit opus.

Dico 1. Minister Sacramentorum novæ Legis est Sacerdos, excepto Sacramento Baptismi in necessitate, & Sacramento Merim nisi absolute, quod ipsi contraheutes ministrant. Angeli nequeunt ministrare Sacramenta, nisi Deus in hoc dispenseret. unde si Angelus, utpote veritatis nuncius, Sacramentum aliquod conficeret, pro valido habendum esset. Contrarium de Dæmone, utpote patre mendacii, dicendum.

Dico 2. Ministri intentio necessariò requiritur ad Sacramenti valorem, saltem virtualis. S. Th. l. c. qui nomine habitualis virtualem intelligit, ut patet ex textu. Habitualis propriè accepta non sufficit. aliàs Sacramentum posset confici à dormiente.

Sufficit ut minister habeat generalem intentionem faciendi, quod instituit Christus, vel quod facit Ecclesiæ Catholica, quæconquæ sit. quod additur propter Hæreticos Ecclesiæ Romanæ non credentes, & tamen verè baptizantes si in materia & forma non deficient.

Habita ergo intentione, licet per risum Sacramentum conficiatur, est validum, ut patet de Baptismo D. Athanasi, adn. e pueruli, joco alios puerulos baptizantis, quem baptismum pro valido judicavit Alexander Alexandrinus tunc Patriarcha. Item, licet Sacramentum ob malum finem v. g. ob homicidium conficiatur, validum est, ex Can. non illud d. 4. de Consi. si cum materia & forma, intentio adsit.

Ex quo patet, si minister intentionem non habeat, invalidum esse Sacramentum. cum intentio sit de necessitate Sacramenti. Nonnulli dicant si minister intentionem non habeat, supplet Christus, ut in Baptismo puerorum, vel fides & levitas, ut in adultis, qui intendunt Sacramentum percipere. Sed hoc reprobatur. D. Th. l. c. ad 2.

Dico 3. Non requiritur simpliciter fides in ministro ad valorem Sacramenti. Unde si Sacerdos hæreticus proferat verba consecratoria super materiam lebitam, etiam dubitaret non consecrationem, tamen verè consecraret, dum non do inten.

do intenderet facere id quod facit Ecclesia: De hoc habetur exemplum in Baptismo. legitur enim in vita S. Genesij, quòd cùm in derisionem Christianæ fidei in publico theatro coram Imperatore baptizari ad instar Christianorum voluisset, & minus eum baptizans facere quod facit Ecclesia Christianorum intendisset, licet sine fide, immo in derisum, verum confectum est Sacramentum, & conversio sancti Genesij secuta.

Dico 4. Ministri probitas requiritur ad Sacramentorum administrationem, non quidem validam, sed licitam. Cùm graviter peccet existens in mortali quodcunque Sacramentum ex officio conficiens non præmissa contritione quæ sufficit, excepto Eucharistiæ Sacramento, ad quod præmitti, debet confessio, ut decernit Trid. Sess. 13. Cap. 7.

Docent nonnulli, quòd existens in peccato mortali, & Subdiaconatum & forsitan Diaconatum exercens, res sacras tangens. Episcopus primam tonsuram conferens, sacras vestes, vasa benedicens, Chrisma, Oleum infirmorum conficiens, Ecclesiam consecrans, Concionator concionem ad populum habens, aquam benedicens, Baptismum in necessitate ministrans. Parochus Matrimonio assistens. è terra Eucharistiam elevans, ab uno altari ad aliud transferens, immo forsitan aliquem communicans, non peccet mortaliter, cùm tales functiones non sanctificant immediate. Ita etiam Dela. Cruz de Sac. in genere q. 4. d. 3.

Sed hoc non videtur quo ad omnia subsistere. cùm S. Th. in 4. d. 24. q. 1. ar. 1. q. 5. dicat *Quicumque autem cum peccato mortali aliquid sacrum officium pertractat, non est dubium quin indigne illud faciat: inde patet, quòd mortaliter peccet.* Quod intellige, nisi parvitas materiæ excuset. Et l. c. in resp. ad 4. sic habet *Quando tangunt res sacras quasi suo officio viuentes peccant mortaliter. Secus autem esset si in aliqua necessitate aliquid sacrum contingeret vel exequeretur, in illo casu in quo etiam laicis liceret. sicut, si baptizares in articulo necessitatis, vel si corpus Christi interra proiecitur colligeres.*

Ex quo colligis hos à mortali non excusandos. Scilicet Subdiaconum & Diaconum in mortali suum officium exercentes, Episcopum Chrisma & oleum infirmorum conficientem, Eucharistiam transferentem, & eandem distribuentem. Conet in manuali de Sacram. in genere C. 7. p. 3.

Dico 5. Licet à malis ministris Sacramenta recipere, si sint ab Ecclesia tolerati, non verò si sint nominatim excommunicati. & publici Clericorum percussores S. Th. q. 64. a. 6. ad 2. Licet etiam malos ministros inducere ad Sacramenta ministranda, sed in gravi necessitate aut magna exigente utilitate, si non adsit alius minister. Ledesma & comm. apud Dela. Cruz de sac. in gen. q. 4.

Similiter excommunicatus occultus potest Sacramenta conficere ante absolutionem ab excommunicatione, si contritionem habeat & probabiliter credat infamandum nisi celebret; nec sit commoditas petendi absolutionem.



## DISTINCTIO V.

## De Sacramentorum subiecto.

**D**ico primò. Subiectum Sacramentorum est tantum homo Viator. cum tantum ad eius salutem peccatq; remedium Sacramenta sint ordinata. Angeli, utpote spirituales, non sunt capaces Sacramentorum. mus v. g. hostiam consecratam comedens, materialiter tantum & non Sacramentaliter recipit Sacramentum.

Non tamen omnes homines sunt capaces omnium Sacramentorum. Nam quidam Matrimonii sunt incapaces v. g. propter defectum ætatis &c. alii Ordinis, ut foeminae. alii extremæ unctionis, ut sunt usu rationis carentes, &c.

**Dico 2.** Sacramenta non sunt administranda etiam occultè, peccatori publico indignè petenti. Cum non sint mittendæ margaritæ ante porcos. Sed peccatori occulto indignè petenti debent ministrari Sacramenta. si publicè petat, exemplo Christi 11. qui Iudæ proditori Eucharistiam non negavit.

Ex priori conclusionis parte sequitur, publicum peccatorem, v. g. usurarium; vel concubinarium notorium, sicut & histrionem comædias turpes publicè representantem repellendum esse à Sacramentorum receptione.

**Dico 3.** Peccatori publicè petenti Eucharistiam, non potest Sacerdos hostiam non consecratam præbere, ad petentis sacrilegium, necnon aliorum scandalum vitandum. Quia sic idololatriæ occasionem præberet. populo talem hostiam adorandam proponens S. Th. q. 80. a. 6. ad 2.

**Dico 4.** Requiritur intentio in Sacramenta suscipiente, sed diversimodè. Nam in adulto præter dispositionem requiritur formalis & propria intentio, quæ in Sacramentum contentiatur. In parvulis rationis usu carentibus sufficit intentio æquivalenter, ut Ecclesiæ.

**Dico 5.** Recipiens Eucharistiam ad famem pellendam, vel aliud Sacramentum invitè, vel in amentia (modò antea nunquam petierit) vel recipiens Sacramentum cum intentione neutrali, non recipit Sacramentum Sacramentaliter, cum intentio necessaria, quæ talis caret.

## DISTINCTIO VI.

## De Primario Sacramentorum effectu sc. gratiâ.

**N**ota. Sacramenta habent suam virtutem & efficiaciam ex passione Christi, unde Glossa super illud ad Rom. 6. *In similitudinem prævaricationis Adæ &c. ait ex latere Christi dormientis in Cruce fluxerunt Sacramenta, per quæ salvata est Ecclesiæ.*

**Nota 2.** Dupliciter potest causari gratia in anima, vno modo ex opere operato; altero ex opere operantis. Gratia causatur ex opere operato, quando ex virtute Sacramenti, ut à Christo instituti gratia confertur. E contra verò dicitur conferri ex opere operantis, quando ex vi & efficiacia operis ministri aut suscipientis communicatur gratia.

Dico 1. Omnia novæ legis Sacramenta conferunt gratiam non solum ex opere operantis, sed etiam ex opere operato. instrumentaliter tamen, cum solus Deus principaliter causet gratiam. Trid. Sess. 7. Can. 8. Si ponitur obex, id est si recipiens propter peccatum mortale sit indispositus, non conferunt gratiam, quam tamen postea conferunt recedente obice seu fictione. S. Th. q. 69. a. 9. & 10. Sciendum, recedente fictione seu impedimento conferri gratiam non solum correspondentem devotioni suscipientis, sed etiam correspondentem præterito Sacramento.

Hæc gratia quam causant Sacramenta est duplex. Communis & propria Communis omnibus Sacramentis, est gratia habitualis, alias dicta, justificans. Propria alias dicta Sacramentalis, est exigentia auxiliorum Divinorum, quæ conducunt ad consequendum uniuscujusque Sacramenti effectum. Gratia omnibus Sacramentis communis, alia est prima, alia secunda. prima dicitur, quæ primum infunditur subiecto, nondum habenti gratiam sanctificantem, atque adeo existenti in peccato mortali, vel Originali peccatum enim veniale est compossibile cum gratia. Ea verò appellatur secunda gratia, quæ advenit subiecto jam grato & sanctificato, atque adeo in gratia existenti.

Sed explicanda est gratia cuilibet Sacramento propria in particulari. Dico ergo, in baptismo confertur jus & exigentia ad auxilia Divina, quibus homo juvatur ad rectè suscipienda alia Sacramenta, & Christianè vivendum. in confirmatione confertur jus ad auxilia, quibus homo juvatur a se ipsis coram Tyranno professionem. In Sacramento Eucharistiæ confertur jus ad auxilia necessaria ad actus charitatis & devotionis, quibus anima spiritualiter nutritur. in Pœnitentia confertur jus ad auxilia ad satisfaciendum Deo pro peccatis præteritis, & ad evitanda futura. In Sacramento extremæ unctionis confertur jus ad auxilia, quibus reliquæ peccatorum tolluntur, ut sunt proclivitas ad malum, languor & debilitas ad bonum, & quibus vincuntur tentationes. In Sacramento Ordinis confertur jus ad auxilia, pro bono usu officii suscepti necessaria. Tandem in Sacramento Matrimonii confertur jus ad auxilia ad frenandam carnalis libidinem, fidelitatem conjugalem servandam, curam prolis habendam, & alios effectus, de quibus alibi.

Adverte, hoc jus & exigentia auxiliorum Dei, non est aliquid realiter distinctum a gratia omnibus Sacramentis communi, sed est quædam connotatio seu respectus transcendentalis ad auxilia Dei conducencia ad supradictos effectus, Quæ connotatio seu respectus diversimode explicatur in gratia Sacramentis communi, secundum quod à diversis Sacramentis causatur.

Dico 2. Baptismus & Pœnitentia conferunt primam gratiam, unde cum inveniant nomen per peccatum mortuum, dicuntur Sacramenta mortuorum. Ab aliis verò Sacramentis confertur secunda gratia, hoc est augmentum gratiæ, & sic cum in suscipiente gratiam supponant, dicuntur Sacramenta vivorum. Cæterum sicut baptisumus & pœnitentia per se primam gratiam causant, per accidens verò secundam, ut patet in accedente ad pœnitentiam cum contritione, ita cætera Sacramenta



Sacramenta per se secundam gratiam causant, per accidens autem primam, ut patet de recipiente in peccato mortali, sed bona fide, Eucharistiam, hoc est putando se non esse in mortali. Quod alia Sacramenta per accidens causant primam gratiam, docet Philippus à 58. Trinit. de Sacram. in genere d. 4. ar. 4, dicens esse aliorum Thomistarum mentem.

Dico 3. Suscipientes idem Sacramentum æqualem recipiunt gratiam, loquendo de pueris rationis usu carentibus, ac de adultis cum æquali dispositione accedentibus, tecus de adultis inæqualiter dispositis. Quia agens æqualiter operatur, in subiecto æqualiter disposito & inæqualiter, si non est æqualiter dispositum.

Dico 4. Sacramentum recipiens à meliori ministro, non ideo recipit maiorem gratiam, quam si ab improbo recipiat, cum gratia ob Christi, & non ministri meritum conferatur. Aliquando tamen melior minister impetrat auxilia à Deo, quibus recipiens melius disponitur & maiorem gratiam consequatur. Quod est meliorem ministrum tantum quandoque ad maiorem gratiam conducere, sed mediatur.

Dico 5. Sacramenta producant gratiam non solum moraliter, hoc est movendo Deum ut intuitu eorundem conferat gratiam, sed etiam physice, hoc est verè influendo. Nam Sacramenta verè causant in anima gratiam ut docent omnes Theologi, ergo causant physice. Cum causalitas moralis sit tantum metaphorica & non propria causalitas. Non tamen causant principaliter sed instrumentaliter. Principaliter enim producere gratiam Soli Deo convenit. Causant autem Sacramenta gratiam, quando sunt in esse completo, in instanti videlicet, quando materia & forma sunt simul.

## Q V Æ S I T V M.

*An veteris legis Sacramenta habuerint in se vim producendi gratiam?*

¶ Non habuisse vim physicam, ideoque ab Apostolo ad Galat. 4. *vocari elementa infirma & egena*. H habuisse tamen vim quandam morale, excitantem Deum ad dandam gratiam ritè ea suscipientibus, erant enim signa & figuræ passionis Christi futuræ, cuius intuitu Deus gratiam in antiqua lege conferebat. à ratione autem signi vis excitandi moraliter inseparabilis est. Ex quo intelliges veteris legis Sacramenta non causasse gratiam ex opere operato activè, sicut Sacramenta novæ legis, carebant enim virtute productivâ gratiæ per influxum physicum, causasse tamen gratiam ex opere operato passivè, reddendo subiectum dignum gratiâ. Conet in manuali Thom. de Bapt. c. 1.

Adverte in usu Sacramentorum veteris legis duo requirerentur ad consecutionem gratiæ, videlicet fides in Christum venturum, nam per fidem passionis Christi justificabantur antiqui Patres sicut & nos quod debet intelligi de fide implicita. explicitè enim tantum tenebantur credere in Salvatorem futurum. Deinde

inde requirebantur sacrae caeremoniae, quas vocamus Sacramenta, quibus antiqui Patres preestabantur hanc fidem. Philipp. à SS. Trinit. de Sacram: in Gen. d. 5. d. 6. ex 3. Th.

Ex dictis colliges, hanc etiam posse inter Sacramenta novae & veteris legis differentiam assignari, quod illa physice, hæc moraliter tantum conferbant gratiam.

Dices. Eugenius IV. in literis unionis hanc ponit differentiam inter antiquae & novae legis Sacramenta, quod illa tantum significabant gratiam, hæc etiam causant, quia non significant. ergo Sacramenta antiquae legis non causabant gratiam ex opere operato, etiamsi moraliter tantum. & Nego Consequentiam & dico Pontificem, tantum excludere à Sacramentis veteris legis veram productionem gratiae, non verò impropiam, qualis est moralis, quo sensu dicenda sunt signa practica.

## DISTINCTIO VII.

### *De secundario Sacramentorum effectū, scilicet charactere.*

**N**ota Character ex graeco, latinè idem sonat ac figura, nota, seu signum. quo quis ab alio distinguitur, & ad aliquid Divinum deputatur, definitur à S. The. q. 63. a. 4. *Signaculum quoddam spirituale anime indebiliter impressum, ad suscipiendum vel alijs tradendum ea, quae sunt Divini cultus.* Est triplex. Baptismi, per quem homo baptizatus ab infideli secernitur, & ad suscipienda alia Sacramenta redditur capax. Confirmationis, quo confirmatus à non confirmato distinguitur, & ad eliciendos actus fidei roboratur. Ordinis, per quem Ordinatus à laicis segregatur, & ad exercenda munera, cuius Ordini propria adaptatur.

Ex quo intelliges tria esse sacramenta characterem imprimentia, & consequenter non esse iterabilia, cum character semper duret, nec per peccatum, degradationem, hæresim vel mortem deleatur. Trid. Sess. 7. can. 9. ratio est, quia non habet contrarium, ut probant Theologi Speculativi, incorruptibile autem est, quod caret contrario, ut pater in Angelis. Et sic mortuus, antea baptizatus, confirmatus ac Ordinatus, & ad vitam revocatus, non est rebaptizandus, reconfirmandus; aut reordinandus.

Dico primò Iterantes Sacramenta non iterabilia mortaliter peccant tam conferentes, quam scienter recipientes, sed non sunt irregulares nisi iterantes baptismum, cum in jure hoc solum inveniat. ut autem propter aliquem casum incurratur irregularitas, debet in jure exprimi. Armilla v. irreg. n. 84. & alij.

Dico 2o. Praetati tres characteres differunt inter se specie. cum ad diversos actus ordinentur. Ordinum verò characteres, etiam specie, sed incompletè, inter se differunt, sicut & ipsi Ordines specie incompleta inter se differunt, ex quibus coalescit unum specie completa Sacramentum Ordinis. Labar de Sac: Ordinis d. 1. §. 3.

Dico 3o. Inter characterem Baptismi, Confirmationis, & Ordinis est connexio. Nam Baptismi necessariò ab alijs praesupponitur; Confirmatio enim & Ordo non



do non baptizato invalidè conferuntur, sed character Ordinis cum chrattere Confirmationis non tantam habet connexionem, cum Ordo, non confirmatio collatus, valeat. Ordinum etiam characteres non habent omnimodam inter se connexionem. Nam si Ordines per saltum conferuntur, valent, unde tales non reordinantur, sed ad omisso Ordines coguntur.

Dico 4. Character subiectatur immediatè in intellectu S. Th. q. 63. a. 4. Nam cum character per se primò ad actus Divini cultus, quibus fit protestatio fidei, ordinetur, debet habere pro subiecto immediato illam potentiam in qua immediatè subiectatur habitus fidei. Sed habitus fidei immediatè subiectatur in intellectu, ergo & character.

Dico 5. In Christo D. non datur character Sacramentalis. Nam seipso ab aliis distinguitur, ac per unionem hypostaticam omnia ad Divinum cultum spectantia præstare potest. Characteris effectus patet ex definitione.

## DISTINCTIO VIII.

### *De Numero Sacramentorum.*

Dico 1. Septem sunt novæ legis Sacramenta, his versibus comprehensa  
Ordinat & jungit, baptizat, chrismat & vngit,  
Peccatum plangit, & in altari sacra tangit.

Multæ solent assignari causæ, quòd sint septem nec plura nec pauciora Sacramenta. Prima ex similitudine vitæ spiritualis ad corporalem. Nam sicut in vita corporali homo, primò nascitur, secundò augetur & roboratur, tertio cibo nutritur, quarto ab infirmitate curatur, quinto contra infirmitatis reliquias per exercitium & similia juvatur, sexto propagationi ad conservationem speciei inservit, 7mò in dignitate ad gubernandos homines instituitur. Sic in vita spirituali homo per baptismum spiritualiter renascitur, per confirmationem in fide roboratur, per Eucharistiam nutritur, per pœnitentiam à peccati morbo curatur, per extremam unctionem, contra peccatorum reliquias, mortisque prælium juvatur, propagationi per Matrimonium Christianè intendit, per Ordinem in statu honoris Ecclesiastici constituitur. S. Th. q. 65. a. 1. aliam causam recitat. S. Th. loco cit. alias alij DD.

Et hæc septem Sacramenta differunt inter se, materiâ, formâ, necessitate, irrevocabilitate, ac dignitate.

## DISTINCTIO IX.

### *De ritu Sacramentorum.*

Nota. Ritus est duplex essentialis. in materia, forma, & intentione, consistens, estque de necessitate Sacramenti, & accidentalis. consistens in caeremonijs Sacramentalibus, videlicet, in actionibus religiosis quibus decenter Sacramenta ministrantur, estq; de necessitate præcepti, nisi parvitas materiæ excuset,

Dico 1. Ritus accidentales à Summo Pontifice præscripti, non possunt ab Episcopo mutari, cum inferior Superioris legem nequeat abrogare; potest tamen, quantum ad suæ Ecclesiæ gubernationem pertinet, moderari.

Dico 2. Propter varias causas ritus accidentales Ecclesia instituit. Propter ornatum & decorem, ut in vestibus Sacerdotalibus patet. Item, ut per tales cæremonias populorum fides augeatur. Tandem, nam rationabile est populum Christianum in modo colendi Deum convenire & concordare.

## DISTINCTIO X.

### De Sacramentalibus.

**N**Otæ, Sacramentalia sunt actiones sacræ Sacrificio vel Sacramentis adjunctæ vel ad hæc ordinatæ, extra essentiam & integritatem horum existentes. Et sic non omnes cæremoniæ sacræ sunt Sacramentalia, sed potius quædam observantiæ, quibus cultores Dei utuntur, ut ad cultum Dei se disponant, quales sunt genuflexiones, jeiunia, & alia huiusmodi, secundum alios. Sacramentalia sunt actiones, vel etiam res sacræ, ad colendum Deum autoritate publicâ institutæ.

Dico 1. Sacramentalia communiter numerantur sex hoc versu contenta.

*Orans, tinctus, edens, confessio, dans, benedicens.*

Per verbum *Orans*, intelligitur Oratio dominica, quæ inter omnes preces primum tenet, unde in celebratione Missæ adhibetur. Item intelligitur Oratio, quæ fit in Ecclesia consecrata. per verbum *tinctus*, intelligitur benedictio aquæ lustralis, vel etiam ipsamet aqua lustralis. per verbum *edens*, intelligitur manducatio panis benedicti, qui distribuebatur diebus dominicis. per verbum *confessio*, intelligitur confessio peccatorum, quæ fit extra Sacramentum pœnitentiæ, & est signum illius, ad quam reducitur unctio pectoris. per verbum *dans*, intelligitur elemosyna, vel alia opera misericordiæ corporalia vel spiritualia hæc enim reducuntur ad pœnitentiam. Per verbum *benedicens*, designatur benedictio, quam Episcopus, vel alius jurisdictionem habens, impendit.

Huc revocantur multæ actiones sacræ, ut exorcismi, Insufflationes benedictio fontis baptismalis, & vestium Sacerdotalium, prima tonsura, consecratio Christianis Olei infirmorum, templorum, calicum &c. admixtio aquæ vino. consecrando, &c.

Seias numerum Sacramentalium ab Ecclesia posse augeri. Impossunt Episcopi aliqua in suis Ecclesijs instituere, dummodò intacta maneant alia universaliter recepta, vel nisi à Summo Pontifice vel Concilio prohibeantur. Philippus à SS. Trinit. de Sac. in genere disp. 10. dub. 4.

Dico 2. Sacramentalia non causant immediatè ex opere operato gratiam gratum facientem, aliàs non differrent à Sacramentis Causant tamen auxilia Divinæ gratiæ, hoc est auxilia benè operandi, moraliter tantum, per modum impetrationis, ratione precum Ecclesiæ quæ ordinariè exauditur.



Benè autem dicuntur Sacramentalia caulare auxilia Divinæ gratiæ ex opere operato, licèt interveniant preces Ecclesiæ, nam causant ultra meritum ministrantis vel recipientis Sacramentalia. Sed an omnia Sacramentalia aliquid causent? R. ex S. Th. q. 71. ar. 3. ad ultim: quòd non.

Ex quo sequitur hanc causalitatem, non esse omnino infallibilem, quia non fundatur in aliqua promissione facta ex parte Dei, sed tantùm fundatur in imperatione Ecclesiæ quæ non semper impletur.

Causant etiam beneficia corporalia v. g. sanitatem &c. Item remissionem peccati venialis, & pœnæ ipsi debita, sicut & expulsionem dæmonum, & fugam eorum ne noceant ex opere operato, sed moraliter tantùm, movendo Deum, ut ad præsentiam sacramentalium intuitu precum Ecclesiæ, causet prædictos effectus.

Sacramentalia tamen non causant immediatè remissionem venialis sed mediatè tantùm, quatenùs ex orationibus Ecclesiæ, à Deo obtinent, auxilia quædam supernaturalia ad eliciendos actus supernaturales, quibus formaliter aut virtualiter peccata venialia displicent & retractantur.

## DISTINCTIO XI.

### De Baptismi institutione & necessitate.

**N**Ota. Baptismus ex græco latine ablutionem significat. Triplex assignatur, fluminis, fluminis & sanguinis. Baptismus fluminis definit S. Th. q. 66. a. 1. ex M. Sent: in 4. d. 3. scilicet, *est ablutio corporis exterior, sub præscripta verborum forma.* Subintellige, à Christo D. instituta, ad regenerationem spirituales. Fluminis consistit in acta contritionis, vel charitatis, cum desiderio item implicito suscipiendi aquæ baptismum. Sanguinis, est martyrium. Martyrium autem, est passio, seu lethalis cruciatus pro Christi fide, aut pro vera virtute susceptus. Solutus baptismus fluminis est Sacramentum, alii verò dicuntur baptismi, in quantum vices baptismi fluminis suppleant.

Nota 2. Dupliciter potest aliquid esse necessarium, simpliciter ad consequendam vitam æternam, nempe necessitate præcepti, & necessitate medii. Illud est necessarium necessitate præcepti tantùm ad vitam æternam, quod si culpabiliter & per negligentiam omittatur, impedit consecutionem vitæ æternæ. Si verò inculpabiliter omittatur, hoc est vel per ignorantiam vel per impotentiam non impedit consecutionem vitæ æternæ. Cæterum illud est necessarium necessitate medii, ad vitam æternam quod licèt inculpabiliter omittatur, impedit consecutionem vitæ æternæ.

Dico 1. Baptismus institutus fuit ante Christi D. passionem, quando Matt. 13. Christus D. in tordane à Ioanne Bap. S. Th. q. 66. a. 2. Tum quia baptismus tunc virtutem producendi suum effectum suscepit, dicente D. Aug. Serm. 1. Domini- cæ infra Octavam Epiphaniæ. Ex quo Christus in aqua mergitur, ex eo omnium peccata abluat aqua. Tum quia eo tempore indicata fuit materia baptismi, scilicet

aqua, & forma, sc: Ssmæ Trinitatis invocatio, in columbæ enim specie Spiritus S. visus est. paterna vox audita est, *tu es Filius meus dilectus*. Cæli aperti sunt, ad baptismi effectum prænuntiandum.

Dico 2. Sacramentum baptismi est necessarium necessitate mediæ ad salutem æternam. *Nisi quis renatus fuerit ex aqua &c. Ioan. 3.* Hinc omnes obligantur ad baptismi susceptionem, etiam in vtero gratiâ sanctificante donati. S. Th. q. 68. a. 1. ad 3. Nam per hoc non recipiunt characterem. Quare B. V. Maria à Christo D. baptizata. Euthimius in Q. 3. Ioan. Deinde Ioannes Baptista. S. Th. 3 p. q. 38. a. 6. ad 3.

Postea Petrus, Niceph. L. 2. Hist. C. 3. à Petro Baptizatus Ioan. Evangelista, Iacobus eius frater & Andreas, ab his deinde reliqui Apostoli. Ita refert Cinius in Cælo Stellato, à Petro & Ioan. septuaginta Christi discipuli. Idem Cinius, idque ante Christi passionem. nam non est verò simile Christum Apostolis nondum baptizatis Eucharistiam dedisse. Cæterum Christum D. omnes Apostolos Baptizasse conforme est menti S. Th. q. 84. a. 7. ad 4. referentis S. Aug.

Dico 3. Obligatio suscipiendi Baptismum non incipit ante Christi mortem, cum lex vetus, usq; tunc duraverit & obligaverit. Nec obligavit statim post Christi mortem, sed postquam lex nova innouit. Cum Christus D. juxta Imperatorum morem se gesserit, non statim facta à preconis legis promulgatione obligantium, sed elapso certo tempore.

Quæritur, quando fuit sufficiens novæ legis promulgatio? Aliqui putant factam fuisse die Pentecostes, quando Apostoli variis linguis omni nationi quæ sub cælo est prædicarunt. Alii verò putant unive salem Evangelii promulgationem incepisse post excidium Hierosolymitanum à Tito & Vespasiano anno post Christi passionem 40. peractum.

Dico 4. In articulo mortis, ac imminente alia necessitate, omnes statim tenentur baptizari, extra necessitatem verò quantocius, parvuli quidem quando commodè ad Ecclesiam deferri possunt, nempe octavo scilicet die, vel juxta aliam laudabilem consuetudinem. Adulti verò post perfectam in fide instructionem. Sicut Philippus Eunuchum act: 8. & Petrus Cornelium, act: 10. statim baptizant. quia apparebant sufficienter instructi, ut habet S. Th. q. 68. a. 3.

Dico 5. Baptismus ultra debitum tempus non est differendus, aliàs peccatur mortaliter. Opatovius de baptismo d. 3 q. 1. & alii. Excipe si sit casus necessitatis. Prælatorum licentia. Singularis erga Baptismum reverentia, ut de S. Martino octo annis catechumeno legitur. Illa duo baptizandi tempora, Paschalis & Pentecostes, ab Ecclesia statuta fuere, pro adultis tantum, & non pro parvulis. S. Th. 1. c. ad 1.

## DISTINCTIO XII.

### De Materia remota Baptismi.

Dico



**Dico 1** Materia remota Baptismi, est aqua naturalis, elementalís, pura & simplex. *Nisi quis renatus fuerit ex aqua &c. Ioan. 3* Quod intelligitur, siue de aqua terrestri v. g. Maris, fluminis, stagni, fontis, siue celesti qualis est pluvialis. Siue resoluta ex glacie, nive, pruina grandine. Ideo autem baptismus potius in aqua quàm in alio institutus, quia aqua est materia cõmunior, & ad usum facilior.

**Dico 2** Baptismus nequit conferri lacrymis, sudore, sputo, urinà, aquà ex vite profuente, aquà rosacèa, aquis alchimicis, herbarum succis, & aliis liquoribus artificialibus. Sylvester & communis. Cùm hæc & similia differant specie ab aqua naturali.

**Dico 3** In glacie, nive nequit conferri baptismus, cùm hæc non abluant, nisi priùs resolvantur pariter in p. isana id est aqua hordeacea, & similibus potabilibus liquoribus. non conficitur baptismus. cùm sint alienæ speciei ab aqua naturali. Vnde voto adstricti, panem & aqua ieiunare, frangunt ieiunium tali potu utentes, ait Cinius.

**Dico 4.** In brodio, lixivio, aqua sulphurea. aqua è luto saleq; extracta conficitur baptismus. Cùm gaudeant eadem specie aquæ. Si autem tanta esset corporum elixatorum, & cinerum resolutio, ut brodium & lixivium plus de aliena quàm de aquæ substantia haberet, ( quod ex spissitudine perspicere posset ) baptismus non conficeretur. Sicut, nec in aqua, ita mixta cum alio corpore & liquore, ut ad abluendum tanquam aqua sit inepta. V. S. Th. q. 66. a. 14.

**Dico 5** Utens brodio, immo aquà naturali alterata & fœdà, quamvis specie non variata, peccat peccato sacrilegij, ob Sacramenti irreverentiam, si id sine necessitate fiat: Immo non licet ministro seclusa necessitate, quamlibet aquam naturalem, puram & veram adhibere, sed bened. Quia aliàs peccatur mortaliter. Cùm consuetudinem & præcepta servare sit necesse. Multominus minister uti poterit materià baptismi dubia, ob periculum, nullum conficiendi Sacramentum, absente tamen materià certà potest. Sed tunc si baptizatus supervivat rebaptizandus sub conditione.

## DISTINCTIO XIII.

### De Materià proxima baptismi.

**Dico 1.** Materia proxima baptismi est exterior aquæ ablutio. cùm baptismus in usu materiæ consistat, secundum illud, *Baptizantes eos &c. Matth. 29* id est abluentes. Huiusmodi ablutio est successivus contactus, quo aqua successivè corpus contingit. Hinc ad Baptismum non sufficit una gutta aquæ tam modica, quæ per corpus non fluit. Cùm hoc sit tantum tangere & non abluere. Communis contra Vasquez Per hoc tamen non intendo, requiri determinatam aquæ portionem, sed sit quæcunq; modò successivè corpori applicetur.

**Dico 2.** Si aqua vestes tantum, pileum, vel quicquid simile extra carnem contingit, baptismus non est validus, quia nequit dici vera ablutio. Sed si panno, vel

pelle porosa sit obvolutus, ut aqua penetrans carnem contingat, valet baptisumus, cum verè dicatur ablutus. Sylv. V. Baptisumus. Valet etiam baptisumus collatus infanti sub pelle secundina, quando non potest commodè ipsa exui, nam tunc ad infantem pertinet, veluti eius pars. Samuel de Lublino v. Bapt: ex Sylv. multi tamen negant.

Dico 3. Si pes vel manus tantùm abluatur, non est tutò baptizatus, cum dubiè verificetur ablutus, quamvis in articulo mortis, si aliter fieri nequeat, in talibus partibus sit sub conditione baptizandus, quod si supervivat sub conditione rebaptizandus. Armilla v. Bapt: & alii. Quod à fortiori currit si digitus tantùm abluatur. Dubium etiam est, si capillos tantùm tangat. Nam Sotus in 4. d. 3. q. unica a. 7. affirmat. cum capilli sint capitis partes, vivant & crecant. Bonac: q. 2. de Bapt: puncto 3. negat. Nam capilli non sunt hominis partes, sed superfuitas & excrementum. Unde ministri baptismi sint cauti in aquæ infusione, ut eam in ea copia faciant, quæ peringat ad carnem & sic disputanda locus non erit, monet Opatovius disp. 1. de Bap. q. 3. Nec tamen totum, vel medium corpus abluendum, sed sufficit caput, pectus, scapulas, vel aliam partem, modò verificetur subiectum simpliciter ablutum. Qui tamen extra necessitatem, relicto capite, aliam partem ablueret, peccaret mortaliter, quia in re gravi contra communem Ecclesiæ consuetudinem faceret.

Dico 4. Deficiente aqua terrestri ac vase, potest infans submitti aquæ v. g. ex testo defluenti, eritq; baptizatus. Bonac. l. c. Cum sic sit verè ablutus. Sed securius est sumere manu aquam & per se ipsum abluere. Sed dubitatur, si puer in articulo mortis constituitur, nullq; existat copia aquæ, nisi ex rapido flumine, vel profundo puteo, nec sit vas ad hauriendam aquam, quid agendum? R. ex Arm: pannus funiculo in aquam dimittatur indeq; super puerum cum baptismi forma, aqua exprimatur. Quod si pannus vel aliquid simile non habeatur, tunc baptizans puerum in canistro positum cum tunc in aquam dimittendo immergat & sic baptizet. cum non sit opus baptizantem & baptizatum se immediatè tangere. Sotus l. c. a. 8. Tabiena v. Bapt. Negotio tandem ad has angustias redacto, ut nec funis, nec vas habeatur, puerq; jam jam moriatur, non debet projici in flumen ut baptizetur, nam non sunt facienda mala ut eveniant bona, ad Rom. 6. Si tamen projiciatur (modo contingat aquam) Opatovius l. c. ex Soto docet esse baptizatum.

Dico 5. Baptisumus tribus modis potest confici, sc: immersione, infusione, & asperzione: sed servandus sub p. m. in baptismo solemni propriæ Ecclesiæ ritus, nisi rationabilis causa excuset. Vbi extat consuetudo mergendo baptizare, non requiritur necessariò necessitate Sacramenti trina immersio, peccaret tamen graviter propriæ Ecclesiæ morè nò servans, extra casum necessitatis. Th. q. 66. a. 8.

Dico 6. Si Sacerdos trinā immersione baptizare intendens, unam vel alteram omittat, hoc est vel ipse, vel baptizandus, nondum completā secundā vel terciā immersione moriatur, erit verus baptisumus, si in prima vel secundā immersione forma

ne forma prolata. Caiet: supra q. 66. a. 8um. Nisi ferrè trinæ immersioni suam intentionem minister alliget, ita ut si non sequatur trina immersio, non intendat baptizare. ratio conclusionis. nam trina immersio non est de essentia, sed de congruentia. Sicq; explicantur SS. Patres asserentes trinam immersionem esse necessariam, scilicet necessitate præcepti non Sacramenti. Concilium autem Tolet. 4. Can. 5. Statuens unicam tantum immersionem, explicatur etiam, dicendo, id statuisse. propter errorem rebaptizantium S. Th. l. c.

Dico 7. Si ex immersione pueri mors immineret, vel acceleraretur, deberet, differri baptismus, vel si est periculum mortis, tenuibus guttis caput aspergatur, ne mors acceleretur. Soto l. c. a. 8.

## DISTINCTIO XIV.

## De Forma Baptismi.

Dico 1. Forma Baptismi est ista. *Ego te baptizo in Nomine Patris, & Filij, & Spiritus S. amen. Mater ultimò euntes docete omnes gentes baptizantes eos in nomine Patris &c.* Baptizati debet exprimi persona, dicendo, baptizo te, vel istum, vel Petrum &c. Persona verò baptizantis non necessariò debet exprimi. Tum quia ly. *Ego* includitur in ly baptizo, & tantum ad maiorem intentionis expressionem ponitur. Tum quia Græci validè baptizant, nec tamen personam baptizantis exprimunt, baptizant enim sic. *Baptizetur servus Christi N. in nomine Patris &c.* id faciunt ad evitandum antiquorum errorem, attribuentium virtutem baptismi ministris, dicebant enim ego sum Pauli, ego Cephæ &c. actio tamen debet exprimi per verbum baptizo vel abluo, vel aliud æquivalens significans ablationem peccati per modum ablutionis.

Dico 2. Divinæ Essentiæ unitas & Personarum Trinitas necessariò sunt exprimenda. unde in forma baptismi dicitur, *in nomine* quod essentia unitatem significat, dicitur, *Patris & Filij & Spiritus S.* quod Personarum Trinitatem denotat. Hinc dicens, ego te baptizo in nominibus Patris &c. non baptizat. Neq; secundum quosdam si dicat in nomine Patris, in nomine Filij &c. quia multa singularia æquipollent uni plurali. Sed Sotus satis probabiliter docet valere hanc formam, ego te baptizo in nomine Patris, in nomine Filij &c. cum ly *Nomen* solum multiplicetur propter maiorem expressionem. Item non valet si baptizans dicat in virtute Patris & Filij &c. cum ly *Nomine* plura comprehendat quàm virtus, nimirum fidem, virtutem, auctoritatem ex Innocentio G. 1. de Bapt.

Dico 3. Baptismus in nomine Sanctissimæ Trinitatis, vel trium Personarum, vel Dei, vel sanctæ Crucis collatus non valet, cum distincte non exprimantur SS. Trinitatis Personæ, aliàs necessariò exprimendæ. Quia cum baptismus sit Sacramentum fidei, Deus voluit cum professione & confessione distincta obiecti principalis fidei administrari.

Dico 4. Baptismus in nomine Christi collatus, non tenet, S. Th. q. 66. a. 6. & alii,



& alii Et licet Apostoli in primitiva Ecclesia in nomine Christi baptizaverint, id fecerunt ex spec. ali Dei dispensatione, ut Ihs u Christi nomen Iudæis & Gentilibus odiosum, honorabile redderetur, Notat tamen Soto l. c. a. 6. nunquam Apostolos in nomine Christi tantum baptizasse, sed loco Filij posuisse, dicendo. *ego te baptizo in Nomine Patris & Iesu Christi & Spiritus Sancti, Amen.*

Dico 5. Dicendo, ego te baptizo in nomine Patris omnipotentis, & Filii sapientis & Spiritus S. cl. mens valet baptismus. Item, ego te baptizo in nomine Patris &c. & B. M. V. seu Sanctorum, modo non intendat sic baptizare, sicut in nomine Patris &c. alias non baptizaret. Item, ego baptizo te in nomine Patria & Filia & Spiritus Sancti ut temporibus Zachariæ Papæ quidam illiteratus baptizavit, quem baptismum decrevit Pontifex esse validum, quia licet Patria non significet Patrem sed locum nativitatis, ut tamen est pars orationis corruptæ prolata ad intentionem Ecclesiæ, patrem significat. Item valet baptismus dicendo, ego te baptizo in nomine Filii & Patris &c. modo non intendat Filium esse principium Patris.

Sed an valeret baptismus datus, in nomine Genitoris & Geniti, & Procedentis ab utroque? affirmat Cajet. 3. p. q. 66. a. 5. Negandum tamen, quia expresse negat S. D. in 4. ad Annib. d. 3. q. unica a. 2. ad 4. Quia hæc nomina non sunt synonyma. nam Pater, Filius &c. significant Personam ut hypostasim, Genitor vero ut actum notionalem.

Valet etiam baptismus, si loco baptizo dicatur lavo &c. non verò si dicatur mitto in aquam vel in balneum, vel intendo te baptizare. Item, si loco ego ponatur nos honoris causâ, valet. vel si baptizandus est nobilissimus, & dicatur baptizo vos. Richardus in 4. d. 3. a. 2. Tandem si ly in vel ly & omittatur, cum adhuc sensus verborum subsistat. Opatovius de Bapt. d. 1. q. 4. Quod etiam procedit si utraq; particula simul omittatur.

Dico 6. Forma baptismi proferenda est cum aquæ ablutione, si non physice & punctualiter, ut utraq; simul incipiat, simulq; terminetur, saltem moraliter, hoc est, ut verborum prolatio incipiat antequam ablutio finiatur, vel è contra, ablutio incipiat, antequam verba finiatur. Erit tamen verus baptismus, si jam effusa aqua statim forma proferatur. Sylu & summa Sacerd. v. Bapt.

Dico 7. Si, antequam forma compleatur, infans moriatur, v. g. dicitur, ego te baptizo in nomine Patris, & infans mox moritur. p. è credendum est, summum Sacerdotem supplere defectum. consequenter, talis in loco sacro sepeliendus. Arm. v. Bapt. referens S Thomam, & Samuel de Lub. dicit esse communem. Si ita baptizaretur adultus, saltem baptismi flaminis, salvaretur.

## DISTINCTIO XV.

### De Ministro Baptismi.

Nota, duplicem esse ministrum, scilicet, solemnitatis seu ex officio & necessitatis.

Dico

Dico 1. Minister Solemnitatis in baptismo est Sacerdos, ut definitur in Conc. Florentino in decreto Eugenij. Qui sit proprius Parochus, Per quod non excluditur Episcopus. cum quod potest inferior possit superior. potest committi Diacono ut solemniter baptizet. Bonac. d. 7. de Censuris q. 1. punc. 7. ex Cajet. & Soto.

Dico 2. Minister necessitatis est omnis homo Viator, quia cum baptismus sit maximæ necessitatis, minister eius debet esse communis. Et sic in casu necessitatis non solum Sacerdos, vel Diaconus, sed etiam laicus, vel mulier, imò etiam paganus & hæreticus baptizare possunt. Flor. cit. Non tamen baptizare potest Angelus bonus vel malus, vel anima separata ex C. dedit. Cum non sint homo, nec valeant formam proferre vitaliter.

Dico 3. Dum in necessitate confortur baptismus servandus est Ordo. Quare infidelis non baptizet præsentem fideli. nec mulier præsentem viro. nec laicus præsentem Clerico, &c. Sacerdos tamen potest, præsentem Episcopo, cum hoc sit munus eius. Et quidem hic ordo quandoq; sub mortali servandus. Quare non Sacerdos baptizans in præsentia Sacerdotis peccat mortaliter. Et non Diaconus in præsentia Diaconi, secundum aliquos, cum Diaconus ex vi suæ Ordinationis possit ex commissione solemniter baptizare. Item peccat mortaliter infidelis aut excommunicatus baptizando præsentem fideli, aut non excommunicato. Sed inter alios non servare ordinem solum est veniale. Dela-Cruz de Bap. q. 2. dub. 1. immo nullum, si inferior melius novit modum baptizandi ut obiter, quæ proinde examinanda à Parocho, teneturq; sub mortali scire formam baptismi. D. Antonius relatus in Summa Dianæ v. Baptismi minister & alii. Sed Suarez in 3. p. tomo 3. disp. 21. Sec. 5. negat.

Dico 4. Non licet Sacerdoti infantem alterius Parochiæ solemniter baptizare, absq; necessitate, vel proprii Parochi, vel Episcopi licentia, licet factum teneat, aliàs graviter peccaret, usurpando jus alterius. Non tamen excommunicationem vel irregularitatem incurreret, cum hoc non sit in jure expressum. D. Antonius 3. p. tit. 14. C. 11. §. 4. Bonac. cum aliis de Bap. q. 2. punc. 5.

Dico 5. Si proprius Sacerdos sit aliquà censurâ interdictus, debet baptismus ab alio recipi. Nam adultus recipiens baptismum extra casum necessitatis à notorie excommunicato peccat mortaliter & idem de cooperante ad recipiendum baptismum.

Dico 6. Dum proprius Parochus, non vult absq; pecunia baptizare, non licet ab eo baptismum recipere, ne simonia committatur. Licet tamen in tali casu, aquam etiam bene dictam (cum non ematur ut benedicta, sed ut aqua) à sacerdote emere, si aliàs non possit haberi. Cuius in Cælo stellato, de baptismi ministro, referens Sotum.

Quod si ferens puerum ad baptismum, nesciat baptizare, nec habeat alium, & periculum sit, ne puer moriatur, Sacerdosq; se nont baptizare, nisi dato pretio, tunc potest dari pretium, non pro baptismo sed ad evitandam pueri damnationem, Samuel de Lub. v. Bap. cum Cajet.

Si verò Minister sit ita peruersus, ut baptizare nolit, priùs quàm parens iurer, se dare pecuniam non ad redimendam vexationem, sed ad emendandam gratiam Sacramentalem, non licebit dare pecuniam, ne faciat hoc quod Simon Magus cum S. Petro tentauit. Soti cit: pecuniam tamen sponte oblatam, licet recipere, immo & petere maximè vbi consuetudo, & abest voluntas vendendi sacramentum.

Dico 7. In nullo casu licet seipsum baptizare. Tum quia mutaretur substantialiter forma, dicendo, ego me baptizo. Tum quia sicut nemo potest seipsum generare, ita nec regenerare. Nec obstat, quòd Innoc. 3. in quadam decretali dicat de iudæo seipsum baptizante. Si decessisset absq; alio baptismo ad patriam euolasset. Nam ad patriam euolasset, non propter baptismum fluminis, sed flaminis.

Dico 8. Vnus potest plures in casu necessitatis baptizare, dicendo, ego vos baptizo &c. cum forma non mutetur substantialiter. Vos enim significat Te & Te, & sic factum tempore Apostolorum, ob maximam baptizandorum multitudinem. S. Th. q. 66. a. 5. ad 4.

Dico 9. Duo non possunt baptizare unum, dicendo, nos te baptizamus. S. Th. q. 67. a. 6. oppositum habet Kalud. & Durandus apud Cinium in Cælo Stellato. Quia minister debet esse unus, cum in Christi persona, qui est unus, baptizet. Si verò uterque diceret, ego te baptizo &c. uterque suam exprimens intentionem, quasiiple singulariter baptizaret, ut in casu in quo uterq; contentiosè baptizare conaretur, tunc verba priùs proferens baptizaret, alter verò nihil efficeret, sed potius tanquam rebaptizator, puniendus esset. Si autem simul verba proferrent, & simul immergerent aut aspergerent, verè baptizarent, puniendi tamen essent ob inordinatum modum S. Th. quoad omnes partes l. c.

Dico 10. Puero in mortis articulo constituto, si adsint duo, quorum unus sit mutus aquam fundens, alter verò sit manibus truncus formam proferens, non valet baptismus, nam forma non verificaretur.

Dico 11. Validus est baptismus collatus ei, quem minister cæcus credit esse Petrum, vel masculum, & est, Ioannes vel femina, modò non baptizet cum exclusione cuiuscunque, excepto Petro. Quamvis enim minister erret speculativè, non tamen errat practicè, cum intentionem dirigat in personam præsentem. sicut valida est absolutio impetrata viro, qui putabatur femina. Victoria de Bap. q. 34. Vivaldus C. 5. n. 22. Hinc malè egerunt in Lusitania, quendam rebaptizantes, cui post multum temporis apparuerunt virilia, tantum enim nomen femininum commutandum erat per Episcopum vel per alium in defectu, in masculinum. Sotus in 4. d. 2. q. 5. a. 8. Adverte, licet nomen in baptismo datum, possit quis propriâ autoritate mutare, cum hoc non sit prohibitum in iure, modò absit fraus, tutius tamen ut id fiat autoritate Episcopi vel Principis, propter vitandam fraudis suspicionem.

Dico 12. Apud Hæreticos seruantes essentialia baptismi, baptizato. denuo non exhibendus baptismus. Trid. Sess. 7. Can. 4. sub anathemate talem baptismum esse valium. definiens. Si autem ob aliquam causam probabile esset baptismum



ptismum non valere, sub conditione (quam mentaliter proferre sufficit) conferatur.

## DISTINCTIO XVI

## De Pueris Fidelium baptizandis.

**N**Ota. Omnis homo viator est subiectum baptismi, juxta illud *Matth. 28. Baptizate omnes gentes*. Vnde nec Angelos nec anima potest baptizari, cum non sit homo, nec mortuus, cum homo mortuus non sit verè homo, nec beatus, cum non sit viator nec ex bruto & tæmina genitus. Quia non censetur verus homo.

**Dico 1.** Puer in utero matris existens nequit baptizari, etiam imminente mortis periculo. Can. si ad matris de Cons. d. 4. Vnde D. Ang. Epul. 57 ad Dardanum. *Nemo renascitur, nisi prius nascatur*, ita etiam S. Th. q. 68. a. 11. & omnes. quia talis puer nequit abluui. Si tamen aqua intra uterum posset fundi & infans abluui. valere baptismum, ait Viêt. de Bapt. n. 32 & alii.

Cajetanus supra locum cit. D. Thomæ docet, parvulos in maternis uteris periclitantes posse salvari per Sacramentum baptismi, non in re sed in voto parentum, susceptum cum aliqua benedictione prolis, seu oblatione parvuli a Deum cum invocatione Sanctissimæ Trinitatis. Sed hoc communiter reprobat, cum tantum sit unus modus salvandi parvulos extra baptismum scilicet per martyrium.

Infantes ergo sine baptismo decedentes ad lymbum puerorum descendunt, non quidem penâ sensûs v. g. calore, frigore &c. cruciandi, cum peccato personali careant, sed penâ damni scilicet privatione visionis beatæ.

**Dico 2.** Licet mulier infidelis habens in utero puerum, imminente periculo baptizetur non per hoc etiam puer baptizatur. S. Th. q. 68. a. 11. ad 2. Nam puer in ventre non est aliquid matris per continuationem, sed per colligationem, sicq; à matre per ordinem ad baptismum omnino distinctus.

**Dico 3.** Si baptismus matris puero non suffragatur, ergo nec martyrium, quod est contra omnes. R. Disparem esse rationem, quia ad puerum tunc aquæ effusio non pertingit, estq; Ecclesiæ militanti ignotus. benè verò potest ad eum pertingere mors, estq; Deo notus, qui eum baptismo sanguinis mundat.

**Dico 4.** Non licet matre incidere, ut puer, imminente periculo baptizetur. S. Th. l. c. ad 3. nam non sunt facienda mala ut eveniant bona. & hoc verum, licet ex consilio Medicorum in partu moritura, vel à morte condemnata. Sed tunc differri debet iudicium donec pariat. *L. negat ff. de statu hominum*, at matre mortua & puero adhuc in ventre vivente, debet quantocius Mater aperiri, ut puer baptizetur. Ne verò suffocetur, os matris aliquo instrumēto apertū teneatur.

**Dico 5.** Infans ex utero matris extractus, & domi sine solemnitatibus baptizatus, & deinde mortuus, in loco sacro est sepeliendus, cum caractere Christi sit insignitus, & sic Christianus. Quod si absq; baptismo decedat extra Ecclesiam vel cœmeterium sepeliendus, modò non sit in matris utero, tunc enim cum ea

remolendus. Sylv. v. Sepultura Et tepeliens huiusmodi, extra casum dictum, in loco sacro, peccat mortaliter. Sylv. & alii.

Dico 3. Si baptizans parens, & susceptor, sint infideles, verè tamen baptizatur infans, cum Ecclesiæ intentio sufficiat. ait enim D. Aug. epist. 25. ad Bonif. tom. 2. *Offiruntur parvuli ad suscipiendam spiritualem gratiam, non ut ab eis, quorum gestantur manibus, quam ob universa Societate Sanctorum, a q. fidelium.*

## DISTINCTIO XVII.

### De Pueris infidelium baptizandis.

Dico 1. Pueri infidelium rationis usu carentes val. de baptizantur invitis parentibus. S. Th. q. 68. ar. 10. & alii contra Barad. Sylv. & Dur. Quia posita causa sufficienti, ut accidir in casu allato materiâ & formâ & Ecclesiæ intentione, ponitur effectus. Non licet tamen baptizare filios infidelium, qui politice tantum & civiliter solum sunt Ecclesiæ, seu principibus Christianis vel Ecclesiasticis invitis eorum parentibus. S. Th. q. 68. a. 10. *Dixi qui politice tantum & civiliter solum sunt.* Nam filios infidelium, qui sunt vera Christianorum mancipia, invitis parentibus baptizare licet. Gonet in manuali Thomæ de Bapt. c. 6. Opatovius disp. 3. de Bapt. q. 3. Nam tali Donino licet, servus vendere, derare, & quo volueritmittere, ergo etiam eorum filios à parentibus separare. Quâ separatione licet contra voluntatem parentum facta, cur non licebit eos baptizare? Idem. & quidem à fortiori currit de Apostatarum filiis. Sicut enim ipsorum Apostatarum, censuris & pœnis corporalibus cegi possunt ad fidem servandam, ita eorum filii, ijs invitis baptizari possunt.

Dico 2. Si Pater ad fidem conversus in filii baptismum consensiat, matre infideli reclamante, vel è contra, baptizandus est infans. Sic C. reg. IX. C. ex literis, tit. de conversione infidelium. Sicq; filius dari debet patri ad fidem converso. cum melior conditio parentis Christiani. Multo magis filius ex non parente jam Christiano natus, præsertim patre, est baptizandus. Quia pater est præcipua causa filii. Id etiam verum, si filius ex matre tantum Christiana natus. cum partus sequatur ventrem. Id etiam sequitur ex autoritate Greg. IX. allegata.

Dico 3. Infidelium filii jam jam morituri debent invitis parentibus baptizari. Quia subveniendum est maxime indigenti. nec tunc adeest periculum subversionis, & reditus ad suam fidem. Sotus apud Opatov. l. c.

Dico 4. Si puer rationis usum habet & petit, baptizandus est invitis parentibus, consequenter ab illis separandus. Quia quantum ad ea, quæ sunt juris Divini vel naturalis, est suæ potestatis. S. Th. q. 68. a. 10. In dubio autem usus rationis, sufficit esse septem annorum, nam sic censetur habere usum rationis. Bonac. de Bapt. q. 2. punc. 6. n. 11. & alii. Quod si ante serrennit in dubitatur an puer habeat usum rationis, est ne invitis parentibus baptizandus, si petit baptismum? Bonac. l. c. negat. Sed affirmativam partem colligo ex Soto à Bonac. relato. qui absolute

absolutè docet in dubio de usu rationis baptizandum esse, si petit, ratio etiam quòd in dubio declinandum sit in favorem fidei, tam acce quam post septennium, militat. Adverte non posse certum tempus usus rationis determinari. cum iuxta complexionem possit prolongari vel accelerari.

Dico 5. Infidelem non licet ad baptismum cogere. Quia non licet ad fidem cogere, quæ prærequiritur ad baptismum. *Qui crediderit & baptizatus fuerit salvus erit Matth. ultimo* Quod autem non liceat infideles ad fidem cogere, docet. S. Th. 2. 2. q. 10. a. 8.

## DISTINCTIO XVIII.

### *Examinantur reliqua de subiecto Baptismi.*

Dico 1. Si quis coacte coactione accidentali, v. g. timore pœnæ, potius eligat baptizari quam cruciari, modò interius consentiat, recipit baptismum saltem quoad characterem. Quia omnia requisita concurrunt. Quare ut validè baptismus recipiatur, requiritur intentio. ut licet, fides, item contritio, vel saltem attritio ex motivo supernaturali.

Dico 2. Amentibus à nativitate nulloq; lucido intervallo gaudentibus, conferendus est baptismus in fide Ecclesiæ, sicut pueris rationis usu carentibus. Si autem lucida intervalla habent, etiam baptizari debent in amentia, si tempore lucidi intervalli voluntatem habuerunt, modò periculum mortis timeatur, aliàs rationis lumen expectandum. Quòd si tempore lucidi intervalli intentio non appareat, non baptizentur. Baptis ex sana mente in amentiam, si antea baptismum petierunt, debet censeri baptismus in amentia, licet tempore amentix renuant, aliter dicendum si antea baptismum non petierunt. S. Th. quoad omnes partes q. 68. a. 1. de fideiis idem. Idem etiam de dormientibus, si antea petierunt. cum si fiat intentio habitualis in recipiente tales tamen non baptizandi nisi imminente mortis periculo. S. Th. l. c. ad 3. Vnde S. Aug. L. 4. Confessi. Q. 4. narrat de quodam amico suo, qui ob mortis periculum nesciens est baptizatus.

Dico 3. Maniaci, qui scilicet habent sufficientem usum rationis ad iudicandum de sua salute, & sciunt virtutem baptismi, etsi circa alia careant usu rationis, possunt baptizari, si volunt. S. Th. l. c.

Dico 4. Peccator debet baptizari, loquendo de peccatore ob peccatum præteritum, vel originale, vel etiam actuale, ut in adulto. Non verò loquendo de peccatore habente animum in peccato persistendi. Nam per baptismum homines Christo incorporantur ad Gal. 3. *Quicumq; baptizati estis, Christum induistis.* Nec enim in peccato persistens potest Christo incorporari. S. Th. l. c. a. 4. 1. x. q. 68. a. 1. si dormientes, amentes &c. dum sanà mente gaudent, baptizari volunt, & non habent certitudinem ex aliquibus signis colligi ut habuisse intentum neminem in amentia perseverandi, immediatè ante amentiam &c. ut est in concubinaris & similibus, non sunt baptizandi.



Dico 5. Baptizati. existentes in actuali affectu ad peccatum mortale, recipiunt baptismum quoad characterem, non quoad gratiam, recedente tamen fictione seu impedimento, baptismus sortitur suum effectum hoc est peccata ante baptismum commissa quoad culpam & poenam delet. S. Aug. & S. Th. q. 69. a. 10. ait enim. *tunc valere incipit ad salutem baptismus, cum illi p[er]fecto v[er]aci confessione recesserit.*

Quæritur, per quid tollitur fictio impediens fructum baptismi? R. Fictio post baptismum continuata, tollitur, non per baptismum, sed per poenitentiam. cum sit peccatum hominis baptizati pertinens ad clavus Ecclesie. & de hac fictione loquitur D. Th. l. c. ad 2. & 3. Secus sic de fictione solùm comitante baptismum, ut cum quis baptizatur sine attritione. Nam ista fictio, sicut & peccata antecedentia & concomitantia baptismum, tollitur per veram attritionem habitam antequam homo de novo peccet mortaliter, cum baptismo præcedente. Dela Cruz de Bapt. q. 4. d. 4. Et ratio quoad peccata concomitantia. Nam non maior dispositio exigitur ad hoc ut baptismus antea collatus communicet suum effectum, quàm tunc quando actu confertur. Hic casus de peccato baptismum concomitante esse potest, si quis in media verborum prolatione retractet affectum peccati, & quia res citò agitur, ante terminum prolationis formæ non atteratur, vel etiam igno et id esse necessarium. (fictiois.)

Ex hoc habes peccata tantùm baptismum concomitantia, nō esse materiam cō-

Dico 6. Adultri in mortali existentes & ad baptismum accedentes non tenentur confiteri, cum ante baptismum, usus clavium Ecclesie, locum non habeat, sed sufficit attritio ex motivo supernaturali. Quod si ex devotione petant confessionem audiuntur, non ad dandam absolutionem vel satisfactionem, sed instructionem. S. Th. quoad omnes partes, q. 78. a. 6.

Dico 7. Si quis ex aliquo casu non fuit verè baptizatus, & hoc ignorans moritur, si sine mortali decedit, salvatur baptismi fluminis. Quod si fiat Sacerdos pie credendum est facta per eum tenere, & Ecclesiam, defectum supplere. refertur pro hoc B. Albertus M. per sylv. de Bapt. & summa Angelica. Si tamen error deprehendatur, actiones per talē factæ repetantur. Quia tunc Ecclesia cessat supplere.

Occasione huius Conclus. Quæritur. An exp[re]ssim infantes, qui reperiuntur ad portas Ecclesie vel Hospitalis sine scripto, & sint ita tenelli, ut judicentur paucorum dierum, baptizari debeant?

R. Quod sic sed sub conditione. est enim magna præsumptio quod non sint baptizati, quia impudicæ mulieres toræ sunt regendo scelere, & de salute spirituali infantis nihil curant. Quod etiam faciendum, si puer videretur unius mensis, quia quandoq; infantes adeo magni nascuntur, ut ante mensem nati videantur.

Sed quid dicendum si infans schedulam baptismi collo appensam habeat? Adhuc sub conditione baptizandum esse docet Marchantius tr. 2. de Bapt. C. 2. q. 4. Quia testimonium schedulæ non est certum, & in dubio inclinandum est in favorem infantis, nec sic injuria Sacramento, cum opponatur conditio. Adde quod

quod schedula significat baptismum collatum à muliercula, quæ præcipue in tenebris & sollicitatione, prudenter creditur errorem in essentialibus commisisse. Sed contrarium alii tenent. nam cum schedula adfit, moraliter certum est, baptizatum esse.

Dico 8. Dum adultus, actu baptizatus nihil de baptismo cogitat, recipit Sacramentum, cum sufficiat intentio virtualis, imò habitualis, in suscipiente enim non requiritur tam perfecta intentio, ac in ministro. hinc amens in articulo mortis baptizandus est, si antea aliquando baptismum petiit, credendo eandem voluntatem perseverare. V. N. Labat de Sac. d. 1. d. 7. § 2. colliges hoc intercedere.

Dico 9. Monstrum quod capite & pectore formæ beathalem refert, non est baptizandum. Quia non censetur homo. Quod si caput tantum sit ferinum, secundum Comitolum baptizetur, secundum alios expectetur, donec certius cognoscatur, nisi immineat mors, tunc enim, sed sub cōditione, baptismus cōferendus.

Dico 10. Monstrum maris & sceminæ formam repræsentans est baptizandum cum sit homo, animâ rationali & corpore constans.

Sed quomodo baptizandum, quando cum duobus capitibus vel alio modo apparet? R. hanc esse regulam. Quando est unum individuū, vnâ formâ est baptizandum, vbi verò sunt duo individua duplicandus baptismus. Tunc autem sunt duo individua, quando sunt duæ animæ rationales, & tunc sunt duæ animæ, quando sunt duo capita & duo pectora divisa, quod ex operationibus, cognoscitur, si v. g. uno vigilante alterum dormiat &c. & tunc bis baptizandum, vel saltem unico actu (abluendo tamen utrumque) si urgeat mortis necessitas, dicendo, ego vos baptizo &c.

Si verò non appareat clarè duplici animâ constare, v. g. si habeat duo capita sub uno pectore, vel viceversâ, vratur minister duplici baptismo, uno absoluto ubi perfectius caput vel pectus viger, alio conditionato in parte minus perfecta, Sylv. v. Bapt. & alii.

Dico 11. Si in monstro sit unum caput, & inde ex umbilico alter homuncio ab humeris integer pendeat, tunc tale monstrum ut unum suppositum baptizandum, potest tamen ille pendulus homuncio, sub conditione baptizari, secundum Soto in 4. d. 3. q. 1. a. 9. & Bartholomæum ab Angelo, cuius ætate tale monstrum natum.

## DISTINCTIO XIX.

### De effectibus Baptismi.

Dico 1. Multi sunt effectus baptismi, ut patet ex Tertulliano L. de Bapt. C. 3. è quibus lex numerat. Pater Gonet in Manuali Thom: de Bapt. C. 8. Primus & præcipuus est remissio peccati originalis & omnium actualium baptismum præcedentium per baptismum enim Christianus fit novus homo, creatus in Christo Iesu, p. oinde nihil in eo remanet de vetustate peccati, ex S. Th. q. 69. a. 1. Sc-

a. 1. Secundus baptismi effectus est totius pœnæ peccato debita plenâ remissio, absq; satisfactione. ex S. Th. q. 68. a. 5 & 6. proinde patefactio aditus in regnum celorum absq; dilatione, si quoniam post baptismum sine novo peccato moriatur. ex S. Th. q. 69. a. 7. Tertius baptismi effectus est infusio gratiæ iustificantis & virtutis ac donorum eam concomitantium ex S. Th. q. 69. a. 4. & 6. Quartus effectus baptismi est jus ad auxilia finis eius proportionata, nempe ad sanctiæ & Christianæ vivendum, ut decet filios Dei adoptivos. ex S. Th. q. 67. a. 2. Quintus est unio moralis cum Christo ut capite ad participanda ipsius merita. ex S. Th. q. 69. a. 7. Sextus baptismi effectus est character. de quo S. Th. q. 63. a. 1. & sequentibus. Præter hos effectus qui sunt ex institutione Christi, est alius ex determinatione Ecclesiæ, scilicet ablatio irregularitatis, de qua in 3. & 6. conclusione. & cognatio spiritalis de qua in sequenti.

Dico 1. Baptismus omnibus baptizatis confert æqualem effectum, loquendo de effectu ad quem, est per se institutus, qui est gratia, virtus, peccatorum remissio &c. ne dum pueris ad baptismum æqualiter se habentibus, verum & adultis æqualiter dispositis; secus, si cum majori vel minori dispositione accedant, si sermo sit de effectibus magis & minus suscipientibus.

Dixi, *ad quem est per se institutus*. Nam loquendo de effectu accidentario, ad quem baptismus non est institutus, sed Divina virtus miraculosè operatur, ut lex v. g. peccati, quæ in membris nostris regnat, extinguatur, non æqualem confert effectum, etiam si sit æqualis dispositio, sed juxta divinæ providentiæ ordinem pueris & adultis dispensatur. S. Th. q. 69. a. 8.

Dico 3. Baptismus tollit omnem irregularitatem proveniente ex delicto; Panorm. in cap. Gaudemus de divor. Arm. v. irreg. Provenientem ex homicidio non peccaminoso Arm. ex C. Si quis Viduam d. 50. Non autem proveniente ex bigamia. Cap. Acutius d. 26. Nec irregularitatem ex defectu natalium orgam. Sylv. de Bap. Arm. v. irreg. unde sp. r. ius infidelis & deinde baptizatus, nequit ad ordines, dignitatesq; promoveri absq; dispensatione.

Dico 4. Licet baptismus præsentis vitæ pœnalitates auferre possit, non tamen eas ante resurrectionem tollit. ut homines in spiritali pugna victoriam reportent, item ne propter præsentis, sed potius futuræ gloriæ commoda, ad baptismum accedant S. Th. l. c. a. 3.

Dico 5. Baptismus non liberat à pœnis in foro externo debitis, v. g. propter homicidium, furtum &c. & sic baptismus non tollit à fure suspendium cum homines debeant ædificari ex pœna, sicut scandalizati fuerunt ex culpa unde potest quis in iudicio accusari de perpetratis ante baptismum. Piè tamen talibus princeps possit indulgere. S. Th. l. c. a. 2. ad 3.

Dico 6. Baptismus nullum liberat à servitute. cum hoc non sit in jure expressum Barthol. ab Angelo & alii. Nec liberat à restitutione; cum retinere alienum, sit lædere proximum S. Th. q. 68. a. 5. ad 3. Liberat tamen ab infamia sequente peccatum in ratione peccati. Glossa in C. sine pœnitentia, de cons. d. 4.

DISTIN.



## DISTINCTIO XX.

## De ritu Baptismi.

**N**Ota. Tres præcipuè sunt ritus baptismi. Catechismus. exorcismus, & Patrinus. Catechismus ex græco significat credendorum instructionem, hinc catechumeni dicuntur, qui ante susceptionem baptismi de fide instruuntur. Exorcismus ex græco significat adjurationem per res sacras, quâ dæmones ab hominibus pelluntur. ne eis noceant. Tandem Patrinus est, qui baptizandum offert & tenet & pro eo fidem proficitur. per quod ostendit, se infantem in suam curam recipere, & sic obligatur ipsum de fide & aliis ad salutem æternam necessariis instruere.

## Quoad Primum.

**D**ico 1. Licet pueri non sint instructionis capaces, congruè tamen utitur Ecclesia catechismo in baptismo eorum, quia baptismus est Sacramentum fidei, fides autem non habetur nisi per instructionem, dicente Apost: ad Rom. 10. *Quomodo credent ei quem non audierunt, quomodo autem audient sine prædicante?* Vade sicut Ecclesia pueris baptizandis aliorum pedes accommodat ut ad baptismum veniant &c. ita aliorum aures ut catechismum audiant, & intellectum ut instruantur, præbet. S. Th. q. 71. a. 1. ad 2. debet autem baptismum præcedere catechismus. Rabanus apud S. Th. l. c. ubi scias, Sacerdotis esse munus catechizare, ex Nicolao Papa, apud S. Th. l. c. a. 4.

**D**ico 2. Catechismus est institutus, propter fidei susceptionem, professionem, & observationem. Scrutinium Sacerdotale de Catechismo. Observa, fidei susceptionem, professionem & observationis curam, per se ipsum ab adulto requiri & promitti, à puero verò per Patrinum dicentem. Credo &c.

## Quoad Secundum.

**D**ico 1. Ecclesia utitur exorcismo ad pellendos dæmones à baptizandis, aliquam potestatem super eos habentes ob peccatum originale, vel etiam actuale, ut in adultis. Debet baptismum præcedere, ne hominis salus impediatur. Pertinet autem ad Sacerdotem exorcizare tanquam ad causam principalem, ad Lectorem & Exorcistam tanquam ad causam instrumentalem, sicut & catechizare. S. Th. q. 71. a. 4. ad 1. & 2.

**D**ico 2. Ea quæ sunt in exorcismo, duo efficiunt. scilicet excludunt baptismi impedimentum extrinsecum & intrinsecum, extrinsecum hoc est dæmonem, ne baptismum & alia bona impediatur, intrinsecum, in quantum sensus ad percipienda salutis mysteria præclusi aperiuntur. S. Th. l. c. a. 3.

## Quoad Tertium.

**D**ico 1. Præter baptizantem requiritur Patrinus in baptismo solemnī. Quamvis adultorum. Huius officium est, ut eius quem de sacro fonte suscepit curam gerat in his, quæ ad fidem & salutem æternam spectant. Hæc obligatio est

sub mortali, quia in facie Ecclesiæ se obstrinxit. Opat. de Bap. disp. 2. q. 4. Sed D. Th. q. 67. a. 8. excusat ab hac cura Patrinos, quando vident à se susceptos inter Catholicos conversari, nec in hoc contrariatur citatus Doctor.

Ex quo colliges hæreticos non posse pro Patriniis admitti. Nonnulli dicunt posse ob gravem causam. Catholici tamen ob rationabile eausam possunt infanti hæretici baptizante prædicante suscipere, saltem ubi hæreses impunè grassantur.

Dixi à principio conclusionis, *in baptismo solemn*. Nam in baptismo privato & necessitatis, Patrinus non est necessarius. Quòd si adhibeatur non contrahit cognationem spirituale. ut docui in Supp. Mosc. tit. 5. q. 17. ex Led. & Dela-Cruz.

Dico 2. Non Baptizatus nequit admitti ad officium Patrini, & factum non tenet si admittatur. quia non potest esse pater spiritualis, qui nondum spiritualiter natus. Pueri etiam & qui non habent usum rationis, officium Patrini non possunt suscipere. Propterea Spirituale Parisiense Cap. de administratione baptismi jubet, ut masculi annorum tredecim, scemina infra duodecimum ad officium Patrinorum admittantur. Panormitanus relatus ab Opatovio disp. 2. de Bap. q. 4. Vult esse annorum octodecim. ut tamen hi contrahant cognationem spiritua-lem non requiritur determinata ætas, sed sufficit usus rationis. Item mutus ab hoc munere excluditur. Idem statuitur de Abbatibus cum suis Monachis, nisi de Abbatibus consuetudo oppositum suadeat. De Religiosis Mendicantibus est diversitas opinionum. Quod si Monachi Patrinum agant, factum quidem tenet, sed peccant, non tamen mortaliter secundum Cinium contra Sorum. Nec parentibus carnalibus conceditur fungi actu Patrini. nam ex hoc sequitur cognatio spiritualis, unde non esset illis liber usus matrimonii, nisi Episcopus dispensaret. conceditur tamen parentibus exercitium Patrini in defectu aliorum. S. Th. q. 67. a. 8. ad 2. Sed inde etiam oriri cognationem spiritualement, & impediri usum Matrimonii docet Bonacina cum aliis q. 4. de m. punc. 2. non enim ad hoc etiam in defectu aliorum parentes coguntur, cum susceptio infantis non sit de necessitate baptismi. Sed non impediri usum Matrimonii in tali casu docet Opatov. de Bap. disp. 2. q. 4. & alii apud Bonac. l. c. Immo Konieh disp. 34. de Sac. d. 8. ex Durando & aliis docet cognationem spiritualement Matrimonio etiam culpabiliter supervenientem non impedire usum matrimonii. cum hoc in jure non sit expressum. Sed à sententia D. Th. in 4. d. 42. q. 1. a. 1. S. Bon. ibid. a. 1. q. 1. & aliorum non est recedendum, qui id ex jure deducunt.

Dico 3. Ex Opatov. l. c. ad contrahendam ex usu Patrini cognationem spiritualement quatuor requiruntur conditiones. Prima ut baptizandus in baptismo solemn

smo solemnī, quia loquitur de baptismo de quo Tridentinum, Tridentinum autem loquitur de solemnī, dum ait, quod Parochus interroget, qui sint Parrini.

Sed dubitatur primò, an contrahatur cognatio spiritalis dum baptisus sub conditione confertur? affirmat Opatov. l. c. Sed si cognatio spiritalis sub odiosis comprehenditur, non est extendenda nisi ad casus in jure expressos, vel inde per communem sententiam deductos.

Dubitatur 2. an baptizans in extrema necessitate contrahat impedimentum dirimens, ita ut matrem baptizari in coniugem habere nequeat? Respondeo sententiam affirmativam esse communem.

Secunda conditio, ut Parrini contrahant cognationem spiritualement est, ut non sit error personæ, nisi adesset intentio suscipiendi, quicumq; ille sit.

Tertia, ut suscipiens sit baptizatus, quia non baptizatus non subicitur Ecclesiæ, ex cuius dispositione oritur cognatio hæc & eadem ratio de parente infantis. Quare qui baptizavit infantem mulieris infidelis, si convertatur, potest duci in Vxorem, quia cognatio non resultat ex illius conversione ait Opat. l. c.

Quarta, ut a parentibus vel saltem a Parocho designentur, unde si alii ultra designatos baptizatum tetigerint, spiritualement cognationem nullo modo contrahunt. ait Trid. Sess. 24. Cap. 2.

Dico 4. Sufficit unus Parrinus vel una Matrinx, vel ad summum unus & una, ex Trid. Sess. 24. Q. 2. Si plures, committitur mortale. Bonac. de Matr. q. 3. puncto 5. §. 2. & alii contra Sanchez. Quia violatur præceptum Ecclesiæ in re gravi. Non possunt assumi duo viri, ut unus suppleat vices mulieris, ex declaratione S. Cong. apud Fernandez de Parrinis, factum tamen tenere puto, sicut dum plures assumuntur ad officium Parrinorum quam duo, contrahunt cognationem spiritualement ut communiter docetur contra Suarez.

Quare Parochus diligenter inquirat, quem velint parentes ad hoc officium. Horum nomina deinde conscribat & doceat, quam spiritualement cognationem contrahant. Si Parochus plures, quam duos permittat, ab Ordinario loci puniatur, ut habet Trid. cit. immo si Parochus contra voluntatem parentum aliquem admittat, non contrahit cognationem spiritualement, quia censetur non esse assignatus, designare enim non pertinet ad Parochum, nisi in defectu. Bonac. l. c. sicut & ille non contrahit cognationem spiritualement, qui ex iusta causa reprobatur, a Parocho v. g. quia est hæretic⁹, ita enim se habet ac si non esset designatus Bon. l. c. Plura de contractione cognationis spiritalis. V. in Sup. Mos. l. c. & apud alios.

## DISTINCTIO XXI.

### Examinantur reliqua de ritu Baptismi.

Dicitur est supra tres præcipue esse ritus baptismi. nam absolute loquendo sunt plures, quorum determinatus numerus desumendus ex Agenda cuiusq; Ecclesiæ. Ex his alii antecedunt, alii concomitantur, alii consequuntur baptismum.



Propter tres præcipuè causas huiusmodi ritus instituti. Primò ad excitandam fidelium devotionem, & reverentiam erga baptismum, ne à simplicioribus per modum simplicis ablutionis apprehendatur. 2dò. ad fidelium instructionem, simplices enim literis carentes oportet per signa sensibilia erudire. 3tiò. per huiusmodi ritus vis demonis cohibetur. Non tamen sunt de necessitate Sacramenti sed præcepti tantum, unde omittens sine causa vrgenti mortaliter peccat, ut docet S. Th. q. 71. a. 3. ad 3.

Dico 1. Ritus baptismum antecedentes sunt. 1. Interrogatio quid petatur. 2. exsufflatio. 3. Crux in fronte & pectore baptizandi. 4. impositio manus super caput. 5. immissio salis in os infantis. 6. exorcismus. 7. signum Crucis in fronte infantis. 8. impositio manus super caput eiusdem. 9. impositio extremitatis stolæ super eundem & introductio in Ecclesiam. 10. exorcismus antequam accedatur ad baptisterium. 11. tanguntur aures & nares salivâ Sacerdotis. 12. fit abrenunciatio Sathanæ. 13. Oleo Catechumenorum ungitur in pectore & inter scapulas in modum Crucis. 14. Interrogatur an credat. 15. an velit baptizari.

Dico 2. Ritus baptismum concomitantes sunt. 1. Quòd conferatur in loco sancto ad id deputato, nisi causa rationabilis aliter suadeat, ut fit dum filii Catholicorum in locis hæreticis baptizantur. Sciendum tamen, cum nobilibus quoad hoc in multis locis conniveri. 2. quòd conferatur in aqua ad hoc pridie Paschæ aut Pentecostes per infusionem chrismatis & alias cæremonias consecrata. *Adverte*, si hæc non habeatur, alia pro casu necessitatis ex tempore consecratur, per formulam brevem in nonnullis Agendis habitam. Si hæc etiam desit, accipiat aqua benedicta communis. 3. Patrini tenent puerum. 4. imponitur nomen infanti.

Dico 3. Ritus baptismum consequentes sunt. 1. Vngitur chrismate in summitate capitis in modum Crucis. 2. datur vestis candida. 3. candela accensa puero vel Patrino traditur.

Hæ cæremoniæ in baptismo privato prohibentur per Clementinam unicam. Patrinus tamen solet adhiberi, sed non necessariò. sine scrupulo etiam nomen imponeretur, & aqua benedicta communis adhiberetur. dato etiam quòd in loco sancto, ob proximam commoditatem fieret, sub prædicta prohibitione contineri non censeretur.

## Q V Æ S I T V M

*Quid significant hi ritus?*

✱. **EX**sufflatio, & idem de exorcismo, significat diaboli expulsionem & Spiritus Sancti introductionem. Quid crux, in fronte & pectore, mox patebit. Benedictio cum manûs impositione, designat præclusam diabolo viam ne redeat. Positio salis benedicti in os pueri significat fidelium sermonem debere esse discretionis sale conditum. Impositio extremitatis stolæ super infantem, denotat partem cum Christo in vita æterna. Aurium & narium cum sputo linitorio, ut aperiantur

tur aures ad audienda Dei mandata, & nares ad percipiendum Dei notitiæ odorem. Inunctio oleo facta in pectore & inter scapulas, hominem fieri pugnatorem contra diabolum. In vertice capitis chrismate per modum crucis unctio, hominem vexillum militiæ Christi in supremitate capitis præferre, & deinceps Christianum à Christo dici. Candidæ vestis receptio significat novitatem vitæ. Tandem cerei accensi in manum baptizati traditio, significat lumen fidei, cuius Sacramentum est baptismus, vel morum claritas, vel etiam doctrinæ veritatem.

Dico 4. Solemnitates baptismi ob necessitatem vel aliam gravem causam omittæ, deinde supplendæ ut eò facilius effectus, quem tales sollemnitates præstant, habeatur, S. Th. q. 71. a. 3. ad 3. Hoc tamen in hæreticis ad fidem conversis non practicatur, ne plebs putet eorum baptismum fuisse nullum.

Sed dubitatur, an si post peractas ceremonias, comperiatur puerum non fuisse baptizatum, reperendæ sint huiusmodi ceremoniæ? affirmat Viet: de Bap. negat Fernandez cum Vivaldo, argumento ducto à ceremonijs matrimonii, post quas si ob impedimentum deprehendatur matrimonium esse nullum, domi est secretò celebrandum propter vitandum scandalum, amoro tamen prius impedimento per dispensationem. Quod idem videtur dicendum de baptismo nulliter facto in publico.

## DISTINCTIO XXII.

### *De natura, institutione & necessitate Sacramenti Confirmationis.*

**N**Ota. Confirmatio appellatur manus impositio, ex modo dandi eam: *tunc imponebant manus super illos & accipiebant Spiritum Sanctum.* act. 8. item appellatur aliis nominibus, quæ videantur apud DD. Congruè autem dicitur Confirmatio ratione effectus, cum homo per illam confirmetur & roboretur, ad Christi nomen audacter confitendum. Nomine Confirmationis ante mille ducentos annos & ultra, usus est Melchisedes Papa, in Epistola ad Episcopos Hispaniæ, dicens. *Confirmatio armat & instruit ad agonem vite mundi huius.*

Dico 1. Confirmatio sic potest definiri. *Est unctio chrismatis ab Episcopo facta, in fronte hominis baptizati, sub præscripta verborum forma, ad perfectam vite spiritualis ætatem & Christi nomen audacter confitendum ordinata.* ex S. Th. q. 72.

Dico 2. Christus D. in nocte Cænæ instruit hoc Sacramentum inchoativè. Patet ex D. Fabiano Papa & martyre ante annos mille quadringentos in Epist. 2. C. 1. ad Episc. Orientales, ubi sic ait. *In illa die Dominus Iesus postquam conævit cum discipulis suis, & lavit pedes eorum sicut à sanctis apostolis prædecessores nostri acceperunt, nobisq. reliquerunt, Chrisma consicere coeuit. & hæc est ratio, cur Ecclesia singulis annis, vetere combusto novum Chrisma consecrat in die Cænæ.*

Postea verò intra eandem noctem institutum completivè, non quidem exhibendo, sed promittendo, S. Th. q. 72. a. 4. ad 1. ex illo Ioan. 16. *Si autem abiero*

*mittam eum ad vos.* Ideo autem hoc Sacramentum institutum est promittendo & non exhibendo, quia in hoc Sacramento datur Spiritus S. plenitudo, quæ non erat tribuenda ante Christi resurrectionem, ex illo Ioan. 7. *nondum erat Spiritus datus, quia Iesus nondum erat glorificatus.*

Ex dictis intellige, hoc Sacramentum non fuisse institutum quando Christus D. super pueros manus imponebat. cum pueri illi nondum erant baptizati. Nec quando Ioan. 20. in Apostolos insufflavir, quia tantum tradidit Spiritum S. ad remittenda peccata. Nec dum ibidem dixit, *sicut misit me vivens Pater, ita & ego mitto vos.* Nam tunc præbuit Apostolis potestatem hoc Sacramentum conferendi. Nec tandem ipso die Pentecostes, cum potius contulerit huius Sacramenti effectum.

Dico 3. Sacramentum Confirmationis non est simpliciter necessarium ad salutem. sed ad bene esse, utpote perfectionem salutis operans. Hinc sponte & non ex contemptu illud omittens venialiter tantum peccat, S. Th. q. 71. a. 8. ad 4. Nec faver Paludano, Durando & Richardo, Canon omnes fideles d. 5. de Consec. quia tantum consilium continet. Tunc autem ex contemptu hoc Sacramentum omittitur, quando omittitur quasi non esset Sacramentum, nulliusq; meriti.

## DISTINCTIO XXIII.

### *De Materia Sacramenti Confirmationis.*

Dico 1. Materia remota Confirmationis est Chrisma, seu unguentum ex oleo olivarum & balsamo confectum, ab Episcopo consecrato benedictum. Non potest chrisma confici ex oleo nucum amigdalorum & similium, cum solum olivarum sit simpliciter oleum.

Dico 2. Balsamum est de necessitate Sacramenti confirmationis. Quia Concilium Florentinum in decreto Eugenii determinat materiam Confirmationis esse Chrisma, & quia aliàs simplex oleum olivarum est materia Extremæ unctionis.

Debet autem Chrisma esse necessario ab Episcopo consecratum, ut patet ex perpetuo Ecclesiæ usu. immo Concilium Romanum sub Sylvestro & alia Concilia prohibent simplici Sacerdoti, & præcipiunt Episcopo Chrisma consecrare.

Dices, Sacerdos potest Eucharistiam consecrare ergo & Chrisma cum hoc sit minus. & aliàs qui potest maius potest & minus &c. N. Consi. ad prob. dico. hoc dictum solum valere in rebus sibi subordinatis non in rebus diversi generis & ordinis. Hinc valet, qui potest matrimonium celebrare. potest & sponsalia. non verò valet, qui potest Eucharistiam consecrare, potest & Virgines, vel minores conferre, licet hoc sit minus illo. Probabile tamen est. ex commissione Papæ, simplicem Sacerdotem posse Chrisma consecrare. Dela-Cruz de Conf. dub. 2. ex Cejeter: sicut ex eadem commissione potest illud ministrare.

Dico 3. Materia proxima Sacramenti Confirmationis est unctio in fronte per modum Crucis facta. Cum hoc Sacramentum in usu consistat. Dixi, *in fronte*, ut neq; propter erubescenciam, neq; propter timorem nomen Christi confiteri



teri prætermittamus. Dixi etiam, *per modum Crucis*. aliàs forma Confirmationis non verificaretur.

Dico 4. Probabilius est hanc unctionem non posse fieri aliquo instrumento. v.g. penicillo tempore pestis, sed est facienda digito quocunq; & quacunq; manu, ex præcepto ramen Ecclesiæ, pollice dexteræ. Observa frontem confirmati debere vittâ ligari, quousq; Christma sit desiccâtum nec usq; tunc caput debet lavari.

Dico 5. Tanta Christmatis quantitas requiritur ad hanc unctionem. quâ quis possit digito in fronte inungi. ad consciendum verò Christma, tanta balsami quantitas requiritur, ut suas qualitates præsertim odorem possit oleo communicare.

Quæritur, quid significant oleum & balsamum? R. Oleum significat conscientie nitorem, balsamum bonæ famæ odorem.

## DISTINCTIO XXIV.

### De Forma Sacramenti Confirmationis.

Dico 1. Forma Confirmationis est hæc. *Signo te signo Crucis, & confirmo te Chrismate Salutis, in Nomine Patris, & Filij, & Spiritus S. amen.* Concilium Florent. in institutione Armenorum. Adverte. Sacramentorum materias & formas Antistitem curâ ad hæc tempora conservatas, sed in Conc: Flor. sub Eugenio IV. Orientali & Occidentali Ecclesia ibi congregata, ampliùs explicatas.

Dico 2. Sanctissimæ Trinitatis expressio est de essentia huius Sacramenti, cum hoc Sacramentum ordinetur ad profitendam fidem. sunt etiam essentialia illa verba, *signo & confirmo*. quia actio Sacramentalis necessariò debet exprimi & quidem utrumq; debet exprimi, quia non æquipollet, aliud enim est signare. aliud confirmare. Probabilius etiam est necessariam esse illam particulam, *signo Crucis*, quia signare habet generaliorè significationem, unde debet per prædictam determinari particulam. Necessarium item est addere. *Chrismate salutis vel sanctificationis*. quia hæc non veniunt per verbum *Confirmo*, sicut per verbum baptizo veniunt materia & effectus baptismi. Tandem exprimi debet subjectum per particulam. *Te vel æquivalentem*.

Dico 3. Forma Confirmationis tantum accidentaliter mutatur, si pro *Chrismate* dicatur *unguento*, pro *confirmo*, *corroboro*, pro particula *salutis*, *sanctificationis* immo dicens *confirmetur servus Christi &c.* valet Confirmatio, sed sic confirmans à gravi peccato non excusatur. Sed si dicatur, *signet te Deus sigillo fidei sue*: ut S. Sylvester fertur Constantinum confirmasse, an valeat Confirmatio? negat Labat de Sacram: Conft: dubio 1. §. 1. dicens vel unctionem non fuisse Sacramentalem, vel non omnia verba relata.

Dico 4. Alia formâ utuntur Græci, nempe hæc *Signaculum Domini Spiritus Sancti &c.* ut constat ex omnibus Græcorum Eucholijis. Vnde cum hæc specie differat ab ea, quâ utuntur Latini, dicendum est Christum D. non determinasse formam huius Sacramenti quoad speciem, sed solum quoad genus, & instituisse solum

lum quodd celebraretur per aliqua verba quæ eius effectum significarent, ac reliquisse potestati Ecclesiæ verba illa determinare. Ita Gonet in Manuali Thomæ de Conf. §. 2. Huc etiam addo, nonnullos apud Cincum docere, à Christo D. non fuisse præscriptam formam conficiendi Chrisma, sed tantum in genere faciendam esse eius consecrationem per invocationem Spiritûs Sancti.

## DISTINCTIO XXV.

### *De Ministro Confirmationis.*

**Dico 1.** Solus Episcopus est minister ordinarius Sacramenti Confirmationis, ex Trid. Sess. 7. Can. 3. de Conf. sub anathemate id determinante. Quod deducitur ex act. 8. & 19. ubi Soli Apostoli, quorum successores sunt Episcopi, confirmabant ab alijs baptizatos.

Episcopus excommunicatus, degradatus, hæreticus, potest confirmare, non quidem licitè, sed validè cum characterem, in quo fundatur potestas confirmandi non amiserit. Sicut & Ordines validè confert. Item, licet ipse non sit confirmatus, confirmat tamen, cum polleat Ordinis Episcopalis characterem, seu potius characteris Sacerdotalis extensione ad hoc officium. Peccat tamen venialiter non confirmatus confirmans. Diana p. 9. tr. 6. res. 47. Episcopus electus & non consecratus non confirmat, cum prædicta characteris Sacerdotalis ad hoc officium extensione careat. Nugnus. 3. p. q. 72. a. 11.

**Dico 2.** Summus Pontifex ex plenitudine potestatis committere potest simplici Sacerdoti Confirmationis collationem S. Th. q. 72. a. 11. ad 1. ubi refert Gregorium Papam id concessisse. Ita etiam fecit Greg. XIII. qui in novo orbe quibusdam Sacerdotibus commisit administrationem huius Sacramenti, & Adrianus IV. per eandem potestatem, quibusdam Franciscanis idem concessit, utrumq; refert Opatov. l. c. disp. unica de Conf. q. 8.

**Dico 3.** Episcopus in sua diœcesi potest licitè subditum alterius diœcesis confirmare. cum præsumi possit, Episcopum proprium id ratum & gratum habere. Non potest autem licitè in aliena diœcesi, etiam proprium subditum confirmare, cum non possit præsumi Diœcesanum id gratum habere. est enim falcem in alienam messem in re gravi mittere.

## DISTINCTIO XXVI.

### *De Subiecto Confirmationis, & effectu ei collato.*

**Dico 1.** Confirmationis subiectum, est omnis & solus homo baptizatus Viator, Monstruosus & hermaphroditus debet conferri Confirmatio, quia sunt homines, & ut suppono, baptizati. Infirmitas etiam & statim moriturus potest conferri, quia illis pugna contra dæmones imminet. item amentibus lucida intervalla habentibus, cum expectetur, ut possint pro fide pugnare. Immo & perpetuò amentibus, sicut & pueris rationis usu carentibus, secundum S. Th. q. 71. a. 8. ad 2.

Nam saltem eis prodest, ut in die resurrectionis perfecti appareant, & hic majorem gratiam habeant. Convenientius tamen, ut rationis usus exspectetur.

Dico 2. Peccatori in peccato duranti non est exhibendum Confirmationis sacramentum. Qui sine sua culpa imperfectè contritus accedit, consequitur remissionem. S. Th. q. 76. a. 7. ad 1. Licet autem existens in mortali, ante Confirmationem teneatur præmittere contritionem, non tamen confessionem, & idem de recipientibus alia Sacramenta vivorum, excipe ex mente Tridentini Eucharistiam, ad quam necessarîo præmittenda confessio.

Brevius dicendo, subjectum Confirmationis, est homo baptizatus, sine mortali, & usum rationis habens, quod ultimum tantum est de congruentia.

Dico 3. Recipiens Ordinem ante Confirmationem non peccat mortaliter, nec fit irregularis. Soro in Summa Dianæ relatus V. Ordinis subjectum. nam non est tam stricta intentio Tridentini, sed solum consulit Episcopis, ut non Confirmationes non promoveant.

Dico 4. Confirmatio confert gratiæ habitualis augmentum, ac quædam Divina auxilia ad confitendum Christi fidem audacter, ad hoc enim in hoc Sacramento Spiritus S. datur. secundò contrahitur spiritualis cognatio ut in baptismo, non solum impediens, sed etiam dirimens matrimonium. ex Trid. Sess. 14. C. 2. Tertio confertur character, per quem baptizato traditur potestas agendi spectantia ad pugnam spiritualem contra fidei hostes, sicut per baptismum confertur potestas agendi pertinentia ad propriam salutem.

## DISTINCTIO XXVII.

### De Ritu Confirmationis.

Dico 1. Octo sunt ritus servandi in collatione huius Sacramenti. Primus, est tempus quo conferri debeat. antea deputatum fuit Pascha & festum Pentecostes. Secundus, est locus, qui debet esse sacer, nimirum Ecclesia. Tertius, ut Episcopus sit indutus vestibus sacris. Quartus, sunt orationes, quas Episcopus fundit, & ante & post peractam Confirmationem. Quintus, ut locus unctionis lineâ vitæ ligetur donec Chrisma absteritum fuerit ex fronte. Sextus, est Patrinus, Septimus, maxillam seu genam confirmati percutit Episcopus, ut eum admoneat ad persecutiones pro fide sustinendas, & ut recorderetur se esse confirmatum. Octavus, Episcopus nomine Ecclesiæ dat osculum confirmato. Ita refert Opatov. de Conf. q. 9.

Dico 2. Nunc usus obtinuit quovis tempore posse conferri Confirmationem Immo tempore interdicti, sicut & baptismus celebrari, & Chrisma confici potest, ex C. cum ex eo, de Sent. excomm. item, extra Ecclesiam conferri potest modo si locus sit decens. Chrisma tamen conficiendam in Ecclesia præcipue Cathedrali: Missa etiam ab Episcopo celebratâ nisi iusta de causa impefiatur. Singulis autem annis secundum Ecclesiæ præceptum, tri duo ante pascha, novum Chrisma confici debet,



ci debet, vetere combusto. Hinc quilibet Presbyter quolibet anno Chrisma debet accipere, vel per se, vel per Diaconum. Et sciendum Chrisma non posse accipi, nisi à proprio Episcopo; ex C. Presbyteri de Cons. dist. 4. unde aliunde accipientes, etiam Abbates, nisi sint privilegiati peccant. ut dicit Glossa, ibidem.

Dico 3. In Confirmatione necessarius est necessitate præcepti Patrinus, qui Confirmandum teneat. Cuius officium instruere Confirmatum in his, quæ ad pugnam spirituales spectant, præsertim si alii desint qui informare possint, Operatur de Conf. q. 7. alii hanc obligationem à Patrino tollunt. cum non reperiatur in iure Patrinus Confirmandi debet esse Confirmatus, aliqui tamen, si oppositum faciat, eum non damnant peccati mortalis. Sed contrahit cognationem spirituales, ut docui in Supp. Mosc. tit. 5. q. 17. ex Sylv. contra nonnullos.

Dico 4. Nec Pater vel Mater filium vel filiam. Nec Vir Vxorem vel è contra tenere debet, aliàs contrahitur cognatio spiritualis & amittitur jus petendi vel etiam reddendi debitum conjugale, si utriusq; culpa interveniat. Item Abbas, Monachus, prohibentur tenere nisi confirmandus sit Monachus.

Dico 5. Patrinus Cōfirmationis debet esse alius à Patrino baptisimi. Sylv. & comm. secus faciens non peccat mortaliter secundum Barth. ab Angelo

Dico 6. Mulier potest tenere virum, sed oppositum magis congruit. utrum vero plures eundem tenere possint? Idem dicendum ac de baptismo.

## DISTINCTIO XXVIII.

### *De Quidditate, Necessitate & institutione, SS. Eucharistiæ Sacramenti.*

**N**Ota. Eucharistia ex græco sonat idem quod bona gratia, vel etiam gratiarum actio. Dicitur etiam sacrificium incruentum (quamvis alia ratio Sacramenti alia sacrificii) quatenus sacrificii cruenti, hoc est passionis, est commemoratio & representatio, in quantum tempore consecrationis huius Sacramenti, Christus immolatur & representatione occiditur. Item dicitur hostia seu oblatio, hostia inquam pura, sancta & Immaculata. Quatenus Christus D. qui est hostia salutaris ad Eph. 5. in hoc Sacramento continetur, & modo incruento pro peccatorum expiatione offertur. Item dicitur synaxis vel societas seu Communio, id est communis unio, prout significat præsentis Ecclesiæ aggregatione & unitatem. Item, Viaticum quia eo in huius vitæ peregrinatione sustentamur, ut arduum ad cælum iter peragimus. Item Cœna, sed Catholicis hoc nomine prudenter utendum ex Conc. Colonienfi Trac. de Euchar. quia eo hæretici abutuntur ad suos errores, contra Missæ Sacrificium. Vocatur etiam per antonomasiam & propter excellentiam Sacramentum. est enim Sacramentum non solum in nobis salutatem causans, quod est commune omnibus Sacramentis, sed etiam authorem sanctitatis in se continens, plura, si placent, vide apud alios.

Dico 1. Sacramentum Eucharistiæ, ut Sacramentum est, seu signum sensibile

bile gratiæ sanctificantis, consistit essentialiter in speciebus consecratis, com-  
tando tamen & importando corpus & sanguinem Christi per continentiam. Ita  
Thomista ex 5. Th. q. 74. a. 1. ad 2. De speciebus enim sic consideratis verifica-  
tur quicquid est de ratione Sacramenti, ne npe esse signum sensibile gratiæ sancti-  
ficantis. Sunt enim de se sensibiles, ut constat ratione verò corporis & sanguinis  
Christi, quæ connotat & continent, habeat vim sanctificandi & causandi gratiam,  
animam cibantem ac reficientem. Gonet in Man. de Euch. C. 1. §. 1.

Dices Sancti Patres dicunt Eucharistiam esse carnem Christi, eamq; esse spi-  
ritualem animæ cibum. Sed hæc verificari nequeat nisi hoc Sacramentum con-  
sistat corpore Christi tamquam parte essentiali ergo corpus Christi D. est pars es-  
sentialis huius Sacramenti, & non tantum contentum & connotatum. & Fallam  
esse minorem Eucharistia enim à Sanctis Patribus corpus Christi appellatur per  
metonymiam, tribuendo contento nomen continentis, qui est frequentissimus  
modus loquendi. Similiter dicitur spiritualis animæ cibus, quia significat & cau-  
sat gratiam animam cibantem, quod non solum convenit corpori Christi, sed  
etiam speciebus consecratis ut elevatis ad causandam gratiam, ratione cuius ele-  
vationis sunt cibus animæ, quo spiritaliter nutritur. Quia tamen corpus Chri-  
sti, utpote instrumentum Divinitati conjunctum, ad hanc nutritionem nobiliori  
modo concurret, animæ cibus simpliciter & communiter dicitur.

Dico 2. Sacramentum Eucharistiæ est adorandum adoratione lætitiæ ex  
Trid. Sess. 13. C. 5. & Can. 6. Species autem consecratæ non sunt adorandæ  
tali cultu, & sic species consecratæ non constituent essentialiter Sacramentum  
Eucharistiæ. R2 Non solum Christus D. contentus sub speciebus consecratis, sed  
etiam species consecratæ sunt adorandæ cultu lætitiæ, sed propter Christum, quod  
nullam Concilium negat. immo multo magis quam Crux & imago Christi, hæc  
enim duo tantum repræsentant Christum objectivè præsentem, species vero con-  
secratæ repræsentant ipsum verè, realiter & physicè præsentem. Philippus 2. SS.  
Trin. disp. 1. de Euch. dub. 6.

Dico 2. Sacramentum Eucharistiæ consistit in re permanenti. Sequitur ex  
conclusionem præcedenti, cum consistat in speciebus consecratis. Et sic Sacramen-  
tum Eucharistiæ non consistit in consecratione, cum potius in hac consistat sacri-  
ficium Missæ. Neq; in sumptione, ut patet ex inmemorabili consuetudine Orien-  
talis & Occidentalis Ecclesiæ Eucharistiam asservantis, eamque ante sumptionem  
adorantis.

Nec obstat Concilium Toletanum primum Can. 74. mandans Eucharistiæ ac-  
ceptæ summptionem. Unde consuetudo fuit particulas post communionem reman-  
entes infantibus innocentibus distribuendi, ex Evangelio L. 3. Historiz Eccl. C. 26.

Non obstat inquam, solum enim Concilium intendit ne Eucharistia in tem-  
plo accepta domum deportetur, & conservetur.

Dico 3. In Eucharistia species consecratæ continentes corpus & sanguinem  
Christi sunt Sacramentum tantum, corpus autem & sanguis Christi sub illis con-

tenta, sunt res Sacramenti & Sacramentum simul, ut etiam in O. Marthæ, de celeb. Miss: insinuat. gratia verò sanctificans res Sacramenti tantum. Ratio, Quia species consecratæ significant tantum & non significatur. Corpus & sanguis Christi significantur ipsis speciebus & significant gratiam. Gratia verò sanctificans, quæ est per modum alimenti spiritualis, significatur tantum nec significat aliquid quod sit proprius huius Sacramenti effectus, licet significet gloriam, quæ est significatum commune omnibus Sacramentis,

Dico 4. Sacramentum Eucharistiæ physicè acceptum, nihil aliud est, quàm species panis & vini consecratæ sub præscripta verborum forma, ut realiter continent Christum ad causandam gratiam cibantem animam. Metaphysicè consideratum est Sacramentum novæ legis significans Christum, ut realiter contentum sub ipsis speciebus, & gratiam animam cibantem.

Dico 5. Eucharistia, est plura Sacramenta materialiter & in esse cuiusdam rei, cum hoc Sacramentum in quantum consistit in speciebus panis, sit per modum cibi, in quantum verò consistit in speciebus vini sit per modum potus. S. Th. q. 73. a. 3. formaliter tamen & in ratione Sacramenti est unum unitate specificâ a Thomâ seu infirmâ non minus ac duo homines sunt unius & eiusdem speciei Hoc dictum colligitur ex Catechismo Romanop 2. C. 4. ibi *Licet duo sint elementa panis, scilicet & vinum, ex quibus integrum Eucharistia Sacramentum conficitur, non tamen plura, sed unum tantum Eucharistia Sacramentum, Ecclesie auctoritate ducti, confitemur.* hanc autem unitatem specificam S. Th. l. c. ex unitate finis delumit, qui est, una refectio spiritualis.

Dico 6. Tota essentia specifica Sacramenti Eucharistiæ reperitur in qualibet specie hoc est vel panis vel vini, tamen neutra species seorsim sumpta est integrum & perfectum Sacramentum. Nam Eucharistia significat Christi passionem, in qua Christus non solum mortuus est, sed eius sanguis effusus, quorum utrumque significatur explicite ambabus speciebus panis & vini. Et licet ista explicita significatio non pertineat simpliciter ad essentiam Eucharistiæ bene verò ad eius complementum & integritatem. Hæc doctrina desumpta est ex Dela Cruz de Euch. ad initium. & de Sacrificio Missæ q. 1. dub. 2. eam etiam quoad secundam partem expressè tradit Catechismus Rom. l. c.

Dico 7. Sacramentum Eucharistiæ in re susceptum non est necessarium necessitate mediæ ad salutem, nam parvuli per solum baptismum sine perceptione huius Sacramenti salvantur. Propter eandem rationem votum seu desiderium explicitum recipiendi hoc Sacramentum non est necessarium necessitate mediæ ad salutem. implicitum tamen Eucharistiæ votum in baptismo, poenitentia inclusum, est necessarium necessitate mediæ ad salutem. Ita Thomæ ex S. Th. hic q. 71. a. 3. & alii. Probat P. Gonet Baptismus & poenitentia sunt necessaria ad salutem necessitate mediæ. Sed in baptismo & poenitentia &c. includitur implicitè votum Eucharistiæ Ergo Sacramentum Eucharistiæ in voto saltem implicito est necessarium necessitate mediæ ad salutem. Major est certa, minor probatur. In volitione mediæ



ne medii includitur implici. è saltem intentio finis. Sed Sacramentū Eucharistiæ est finis baptismi, poenitentiaë sicut & aliorum Sacramentorum ut docet S. Th. q. 65. a 5. ergo in baptismo, & poenitentia &c. includitur implicite votum Eucharistiæ.

Ex quo intelliges, licet realis & Sacramentalis Eucharistiæ perceptio non sit de necessitate salutis, necessitate medii, benè tamen mystica & spiritualis; quæ consistit in unione & incorporatione cum Christo, ad quam omnia Sacramenta ut ad finem ordinantur, præsertim baptismus. cum sit vitæ spiritualis initium. Vnde D. Aug. verba illa Christi D. Ioan. 6. *Nisi manducaveritis carnem filij hominis. & biberitis eius sanguinem non habebitis vitam in vobis.* extendit ad parvulos L. 1. de peccatorum meritis C. 20 non secundum participationem realem, sed mysticam quæ consistit in unione & incorporatione cum Christo.

Diligenter ergo observandum est Eucharistiam duobus modis posse considerari, primò ut est particulare aliquod Sacramentum. Secundò ut est causa vniuersalis aliorum Sacramentorum, quæ ad illam ut ad finem ordinantur, quatenus habet nos incorporare Christo. illique perfectè unire, qui est finis omnium Sacramentorum. vnde si primò modo consideretur, votum eius non est de necessitate salutis, benè tamen si altero modo consideretur, quia nemo potest salutem consequi, nisi Christo uniatur & incorporetur.

Dico 8. Christus D. hoc Sacramentum instituit, in ultima Coena, primâ die azymorum, nocte quâ tradebatur Quo tempore panis fermentatus in omnibus finibus Israël non reperiatur. Illis autem verbis Ioan. 6. *panis quem ego dabo caro mea est pro mundi vita,* fuit promissum. Illis *nisi manducaveritis carnem Filij hominis &c* præceptum est latum, & non institutum.

Dico 9. Propter hos fines Sacramentum Eucharistiæ institutum: 1. ut in medio populi Christiani Christus sit realiter, licet latenter, præsens. 2. ut fideles habeant refectioem spiritualem. 3. ut detur Sacrificium in Ecclesia. 4. ut detur signum infiniti amoris, quo Christus dilexit nos 5. ut esset memoriale passionis. tandem ut detur pignus æternæ hereditatis.

## DISTINCTIO XXIX.

### De Materia consecrationis Corporis Christi:

Dico 1. Materia consecrationis Corporis Christi D. est panis triticeus, ex communi sensu Ecclesiæ. Panis tamen ex filigine potest valde confici. cum hæc ex grano tritici in malis terris seminato nascatur. S. Th. q. 74. a 3 Idem dicendum si tritico grana hordei, lolii, vel millij admiscantur, modò secundum prudentum estimationem censeatur adhuc panis triticeus simpliciter. Panis tamen hordeaceus, nequit valde consecrari. quia hordeum non est tritici species, nec talis panis censeatur simpliciter panis, sed cum addito scilicet hordeaceus, nec nisi in defectu, usualis. nec panis ex avena, ob eandem rationem. Nec panis de amylo, contra Palud. cum amyllum censeatur speciem farinae amisisse. Nec pasta ex tritico confecta.

fecta. nam siue differat à pane siue non, non est panis usualis. Nec panis in fur-  
no, vel sub cinere coctus, sed deinde elixatus. cum non dicatur panis simpliciter,  
sed cum addito, scilicet elixatus. Nec panis triticus sed corruptus, vel ex grano cor-  
rupto confectus. si tanta est corruptio, ut speciem panis vel tritici tollat. Nec  
panis ex aqua artificiali. v. g. roacea confectus, contra Durandum. ita tamen  
S. Th. q. 79. a. 7. ad 3. quia non est verus panis, saltem usualis.

Dico 2. Græcus in Græcorum Ecclesia in azymo consecrans & Latinus in La-  
tinorum Ecclesia in fermentato consecrans, licet validè consecret. peccati tamen  
mortaliter, ut pote propriæ Ecclesiæ ritum in gravi materia pervertens. Et hoc  
licet fiat ob magnam necessitatem. v. g. ad communicandum infirmum, ut do-  
cet communis apud Dela Cruz q. 1. de Euch.

Adverte ex Labat, de Euch. d. 4. §. 1. quod Sacerdos Græcus degens in Ec-  
clesia Latina vel Latinus in Ecclesia Græca possit se conformare consuetudini il-  
lius Ecclesiæ in qua degit, ut inferitur ex Can. ille, dist. 12. & ex D. Aug. epist. 118  
dicente in *omnibus Ecclesiasticis consuetudinibus, que sunt de jure positivæ, posse quem-  
libet se conformare consuetudini illius Ecclesiæ in qua degit.* Secus tamen esset si Sa-  
cerdos Græcus fingeret sedem apud Latinos vel e contra, nec adesset Ecclesia proprii  
ritus, cui censeretur subiectus. Tunc enim ut incola teneretur conformari. Ita  
Philippus à SS. Trin. de Euch. disp. 2. dub. 3. Scias prima pars advertendi proce-  
dit, ubi non est templum, in quo servatur ritus nationis. Sylvius, i. q. 3. p. q. 74. a. 4.

Quæritur. Qui ex his duobus ritibus rationabilior? & Latinorum ut pro-  
bat S. Th. q. 74. a. 4. Quia hoc Sacramentum institutum primâ die azymorum.  
Matth. 26. quâ die nihil fermentatum in domibus Iudæorum esse debebat, ut ha-  
beret Exod. 12.

Dico 3. Ad valorem consecrationis non est necessarium ut materia sit de-  
terminatæ quantitatis. Nam quælibet magna quantitas, ut panis totius civitatis  
Sacerdoti præsens, potest validè, non tamen licitè consecrari. Et etiam quælibet  
parva quantitas, licet naturaliter non sit sensibilis, potest validè consecrari ab eo,  
cuius oculus ad eam intinenda per Dei potentiam elevaretur, quia tunc posset  
designari per particulam Hoc. Nugnus q. 74. a. 2.

Dico 4. Talis præsentia panis requiritur, qualis more usuq; hominum præ-  
sentia censetur, ut verificetur particula Hoc. Hinc hostia sub aliis hostijs, vel sub  
corporali; vel sub mappa, vel in pixide clausa, vel in missali latens, sicut &  
vinum in calice coopertum, vel dolio inclusum validè consecrantur. cum n. demon-  
strari possint per particulam Hoc vel Hic. Sed hostia à tergo, vel post parietem vel  
in tabernaculo clauso posita, non validè consecratur, quia non reputatur moraliter  
& humano modo præsens, & sic non verificatur particula Hoc. Sufficit autem  
præsentiam panis aliquo sensu percipere. Immo Sacerdos cæcus relatione tantum  
certior factus verè consecrat. vtrum verò materia panis viginti passibus distans  
possit consecrari? aliqui affirmant, cum adhuc censetur moraliter præsens, ali-  
qui negant,

## DISTINCTIO XXX.

## De Materia consecrationis Sanguinis Christi.

**D**ico 1. Omne vinum, modò sit verè vinum est materia cōsecrationis sanguinis Christi. Vnde in Græco, Muscatello, Malvasia, Vernaccia verè consecratur. cū sint propriè vinum. Sed vini rubri convenientior usus. Item vinum album mixtum nigro. item vinum aromate mixtum, est valida materia consecrationis, si ita levis sit mutatio, ut vini substantia maneat. Item vinum congelatum, modò liquefactum server speciem vini, sed sic consecrans graviter peccat. Item mustū seu vinum ex uva in calice expressum, quia est verè vinum, licet non perfectè purgatum. non licet tamen tale consecrare, sub p. mortali. nisi necessitas excuset, vel devotio populi, ut sit in aliquib⁹ provincijs. Item succus ex uvis passis expressus (in quo fama est consecrare Ægyptios) quia talis succus est vinum de vite, eoque perfectius, quo ab aqueo humore purgatus. C. ner in Manuali Thomistarum de Euch. C. 2. Tandem vinum per miraculum factum, ut fuit in Cana Galilee, quia est verè vinum. Quod autem decretum Eugenii IV. requirat vinum de vite solum attendit potentiam ordinariam, non absolūtā, & casum extraordinariū.

**D**ico 2. Lora non est materia consecrationis sanguinis Christi. cū non sit vinum, sed tantū vini acumine gaudeat. est autem lora succus ex uvis jam expressis, aqua madefactis, & denuo prælo subiectis, expressus. Item acetum. cū non sit vinum, sed ex corruptione vini factum. Secus vinum acetosum, & in via ad corruptionem, Sacerdos tamen graviter peccat. Hic adverte, si vinum consecratum in acetum convertatur, desinit esse Sacramentum, secus si tantū sit via ad acendum. Item agresta, id est succus ex uvis immaturis expressus, non est materia calicis. cū non sit vinum, sed in tendentia ad vinum. Item vinum ex uvis sylvestribus expressum. quia non est verum vinū, ait Opat. disp. 2. de Euch. q. 3. Item liquor ex uvis acidis expressus, quia hæ uva sunt substantialiter corruptæ, ait idem Doctor l. c. Item uva, quamvis matura. cū non sit vinum sub forma potabili. uva enim tantū manducatur. Canon autem, *Draicimus*. de Cons. d. 2. referens consuetudinem consecrandi uvas in a tari, intelligitur de benedictione facta à Sacerdote in gratiarum actionem. Item ob prædictam rationem, vinum in ossa panis inclusum. Idem dic de succu malogranatorum &c. aqua è vite fluente. cū non sint vinum. etiam ex dispensatione Papæ.

## DISTINCTIO XXXI.

## De aqua Vino miscenda.

**D**ico 1. Vinum in calice consecrandum est aqua miscendum & hoc ob sanguinis & aquæ è latere Christi fluentium repræsentationem. Item ad significandam populi cum Christo unionem. aqua enim populos, Apoc. 20. Vinum autem Christum, ego sum vitis vera, Ioan. 15. significat. Tandem quia Christus D. dilutum



dilutum calicem consecravit, ut probat S. Th. q. 74. a. 6. Quamvis autem vino jam imposita sit aqua in amphora, ad hoc ponenda est in calice, quia aliàs significatio ab Ecclesia intenta non compleretur.

Ex quo intelliges, si Sacerdos aquam nō apponat, quòd graviter peccet, item officio & beneficio privatur, ex C. literas de Celeb. Missi: si autem ex oblivione, idq. ante consecrationem advertat, statim apponat, cū adhuc Ecclesiæ præceptū possit adimpleri. Secus si jam peracta consecratio. cū non extet præceptum in tali casu miscendam esse aquam. Est etiam mortale, si aqua artificialis, v. g. rosacea loco elementalis ponatur. Arm. v. Euch. & alii. Consecritur tamen Sacramentum, sicut si nulla apponatur. Quia hæc mixtio tantū est de necessitate præcepti & non Sacramenti.

Dico 2. Vna vel altera gutta aquæ est infundenda calici. Dicit enim Conc. Florent. in decreto unionis Armenorum, miscendam esse aquam modicissimam, in quo corrigit Concilium Triburiense Provinciale, quod docuit tertiam partem aquæ esse miscendam. Ratio nostræ conclusionis, quia ut sentit Innoc. III. C. cū Marthæ, de Celeb. Missi & communiter Theologi, aqua non transit in sanguinem, nisi prius transeat in vinum. Sacerdos tamen non sit adeo scrupulosus, ne dum parum vult infundere deluto sensu nihil infundat. Colligo ex nonnullis posse misceri decimam vel octavam partem aquæ quorum ratio opposita nostræ, scilicet, ut aqua transeat in sanguinem, non esse necessarium ut prius transeat in vinum. cui sententiæ, propter multos & graves, eam tenentes DD. non est deneganda probabilitas.

## DISTINCTIO XXXII.

### De Forma consecrationis.

Dico 1. Forma consecrationis Corporis Christi, est hæc. *Hoc est corpus meum.*

Cū his verbis Christus D. consecraverit, usq. panis in Christi Corpus transubstantiatio significetur & efficiatur. Non audiendi qui docent ad conficiendum Eucharistiæ Sacramentum; necessariò necessitate Sacramenti præmittenda esse verba Canonis. *Qui prælie quàm pateretur &c.* Nam illis omissis, sufficienter significatur transubstantiatio panis in corpus Christi & hæc rationes possunt aliæ sententiæ confutari. Dum verò dicitur, illis omissis, non significat Sacerdos se loqui in Persona Christi, falsum est, attentà institutione Christi, & intentione Sacerdotis.

Dico 2. Non est valida consecratio Corporis Christi D. dicendo hoc est corpus Christi. Nec, hic panis est corpus meum. Nec hoc sit corpus Christi, vel meum. Nec, hoc sit corpus meum. Nec, hoc est corpus. Nec, hoc esse Corpus meum. Quia istæ mutationes sunt substantiales. Valida tamen hæc hic cibus &c. vel hæc res est corpus meum, vel hæc est caro mea. ex S. Cyrillo. Serm. 1. in Cœna.

Dico 3. Forma consecrationis sanguinis Christi, est hæc *Hic est Calix sanguinis mei. novi & æterni testamenti. Mysterium fidei. Qui pro vobis, & pro multis effundatur*

*fundetur in remissionem peccatorum*, Dela Cruz q. 2. de Euch. sola verba hæc dicit esse de essentia scilicet, *hic est calix sanguinis mei*, vel his æquivalentia, ut si dicas, *hic est sanguis meus*. Nam solum hæc verba significant conversionem vini in sanguinem Christi. Verba verò quæ sequuntur, scilicet, *novi & æterni &c.* solum sunt de integritate formæ, hæc enim verba solum important expressiorem significationem eius, quod continetur implicite in verbis essentialibus, utpote passionem Christi per sanguinis effusionem, & virtutem talis effusionis. Idem sentiunt multi ex Thomistis. alii verò ex Thomistis, inter quos Philippus à SS. Trin. disp. 5. de Euch. dub. 4. dicunt omnia esse de essentia formæ. hæc quidem vel æquivalentia, *hic est calix sanguinis mei. novi testamenti, qui pro vobis & pro multis effundetur in remissionem peccatorum*, expresse prolata, hæc verò, *æterni, mysterium fidei*, implicite contenta in aliis. Sed hæc ad scholasticos, tu intende quod intendit Ecclesia, & totam formam proferas, ne ut sacrilegus judiceris. Particula enim secundum omnes, non est essentialiter requisita, immo omisio eius, secundum multos non inducit mortale.

Dico 4. Non mutatur substantialiter prædicta forma, si quacunque lingua proferatur. Sed Latinus alia lingua consecrans à mortali non excusatur. Si etiam Sacerdos, *hic est calix &c.* S. pro X. utendo, inadvertentiâ vel impedimento lingue diceret, conficeret Sacramentum, quia salvaretur significatio substantialis. Quamvis enim vox *calis* habeat aliam significationem à voce calix, tamen ex ipso actu & forma consecrationis significat calicem, Eadem ratione solet doceri validum esse baptismum collatum in nomine Patria, &c.

Dico 5. Forma Corporis & Sanguinis non se mutuò expectant in producendo suum effectum. cum quælibet habeat propriam virtutem, completam significationem, ac propriam determinatam materiam. Hinc validè prius consecratur calix, sed committitur sacrilegium. eò quòd recedatur à Christi exemplo, & universalis Ecclesiæ ritu, Samuel de Lub. v. Euch.

Dico 6. Quamquam nonnulli dicant probabile esse, quòd Summus Pontifex ex causa possit cum Sacerdote dispensare, ut in una specie consecret, sed verius & tutius est quod non possit. Est communis. Probat, Nam integritas in utraq; specie consecrand. est de jure Divino ut definit Tridentinum Sess. 12. Can. 2. Summus autem Pontifex non potest dispensare in jure Divino, ut docet D. Th. 12. q. 89. a 9 ad 1. & consentiunt communiter Theologi, ac definitur à Zozymo Papi, referente Philippo à SS. Trin. & ratio suadet. qui interior nequit dispensare in lege superioris. V. Philip. à SS. Trin. de Euch. d. 2. dub. 6. & Opat. disp. 2. q. 1.

Adverte Si Sacerdos privata autoritate consecrat panem sine vino, excommunicatur à Conc. Tolet. C. nihil. Excusatur tamen, qui post consecratam hostiam ob evidens periculum mortis eam consumeret, & omisa consecratione calicis fugeret. Samuel l. c. Item, si post consecrationem calicis intelligat in eo esse venenum, ex sententia Doctorum. ait Opat. l. c. non obligatur ad illius summptionem, etiamsi fortasse non habeatur aliud vinum ad consecrandum. Si verò.

Sacerdos putans esse vinū in calice, consecret aq. am, & circa sumptionem deprehendat, tenetur ad consecrationem calicis, ut sit perfectum sacrificium etiam si in publico celebret. nam ut ait Philippus à SS Thrin 1 c. non esset scandalum actum sive datum, quod solum est prohibitum, sed esset passivum seu acceptum, quod non est curandum.

Dico 2. Forma consecrationis debet proferri tam recitativè, quàm significativè. licet non sit de necessitate Sacramenti eam proferri recitativè sed solum significativè. Hanc dicit Labat disp. 1. de Euch. dub. 11 §. 3. esse cōmunem sententiam Theologorū. Scias tunc verba proferuntur recitativè, quando proferuntur per modum narrationis, referendo id quod Christus dixit, ut sensus sit, Christus D. sic locutus est. tunc autem proferuntur significativè quando proferuntur ut Christus D. illa protulit. Prima pars conclusionis patet, ex illa particula, *dicens*, prolata ante consecrationem. Secunda, quia forma consecrationis dicitur in Persona Christi. Tertia, si Sacerdos præcisè proferret formam supra debitam materiam cum intentione consecrandi, omissis antecedentibus, consecraret, & tamen non proferret verba recitativè, ultima pars etiam patet. Christus enim Dominus, solum protulit verba significativè.

## DISTINCTIO XXXIII.

### De Ministro Consecrationis.

Dico 1. Soli Sacerdotes sunt ministri consecrationis, quibus tantum dictum 1. ad Cor. 11. *hoc facite in meam commemorationem*. Credens se esse sacerdotem & non est, pie credendum est quod consecret. Sylv. V. Bap. & alii dist. 18. Conc. 7. relati. Quod si post inchoatam Missam putet se non esse ritè ordinatum? Si id ante consecrationem advertat vel deponat conscientiam, vel Missam relinquat. Si post consecrationem, Missam perficiat, & deinde ad superiorem, casum exponendo, recurrat.

Dico 2. Sacerdos factus hæreticus, validè sed sacrilegè consecrat. Si ante consecrationem recollit se esse excommunicatum vel suspensum &c. Missam dimittat, nisi timeatur grande scandalum. Si post consecrationem factā contritione & proposito petendi absolutionem, Missam prosequatur.

Dico 3. Sacerdos duobus tantum digitis hostias tangat. Si ex officio tangat & sit in mortali mortaliter peccat, secus si in casu necessitatis. cum in hoc non sit deterioris conditionis aliis, quibus licet in necessitate quamvis in mortali tangere, v. g. si cadat in terram. ut d. 4. conc. 4. ex S. Thoma dictum.

Dico 4. Materia consecrationis debet esse in mente consecrantis determinata. Hinc si Sacerdos habeat decem præsentis hostias, & tantum intendat quatuor consecrare, non determinando eas, nulla erit consecrata, quia materia in mente consecrantis non est determinata, & non est major ratio, cur hæc potius & non alia consecratur. Si tamen Sacerdos plures hostias secum deferat cum intentione consecrandi,



consecrandi, sed in consecratione solus hostiæ quam præ manibus habet actu recordetur, omnes sunt consecratæ. Panorm. in C. Sacerdos, & alii. quia intentio virtualiter perseverat.

Dico 5. Sacerdos potest unam partem hostiæ validè consecrare, absq; alia illi continua. si determinet illam partem. Item si unus Sacerdos unam partem, alter alteram consecret, tota hostia est consecrata, facta tamen partium determinatione. Palud. in 4. d. 13. q. 4. a. 1.

Dico 6. Hostia quam in scio Sacerdote aliquis posuit ut consecrandam in Corporali, non consecratur, cum non sit in mente consecrantis determinata. Nec est valida consecratio, si Sacerdos intendat eas hostias consecrare, quas Deus intendit, cum materiam humano modo determinatam non habeat. Chamero- ta de Euch. & alii.

Dico 7. Si Sacerdos habeat in manibus duas hostias putans esse unam, nihil determinandò, veraq; manet consecrata, secundum communem DD. in Summa Dianæ V. Euch. Item loquendo de minoribus hostiis si credit esse 40. & sunt 60. omnes sunt consecratæ. Samuel de Lub. V. Euch. Dela Cruz q. 1. de Euch. si absolute intendat, nec de numero tantopere curet. Secus est, si 40. tantum, & unicè intenderet, & tunc quia in cumulo existentes non determinaret, nullâ consecraret.

Petes, si non consecratæ, misceantur consecratis, quid agendum? R. intendat Sacerdos non consecratas consecrare.

Dico 8. Plures Sacerdotes unam hostiam consecrare possunt, ut patet in ordinatione Sacerdotum juxta aliquarum Ecclesiarum consuetudinem, ubi novi Sacerdotes Episcopo concelebrant sicut Apostoli Christo Dño concelebraverunt. In hoc tamen casu omnium intentio debet referri ad instans quo Episcopus consecrat. unde Palud. relatus à Tabiena sentit, formis concelebrantium, si præveniant Episcopum suspendi ad instans formæ ab Episcopo terminatæ.

Dico 9. Gutte vini quæ sunt in calice separatæ ab eo quod est in fundo, non remanent consecratæ. Quia communis & optima intentio Ecclesiæ est, consecrare omnem liquorem consecrabilem qui continetur in calice per modum unius continui. Et hoc significatur per particulam *Hic*. Layman & alii contra Bonac. in Summa Dianæ V. Euch. relatum. Unde ne Sacerdos in detergendis guttis sic sollicitus, bene faciet, si suam mentem pro semper declaret, se nolle eas consecrare, sicut & micas hostiis adhærentes.

## DISTINCTIO XXXIV.

### *De Corpore vitiat, quibus prohibetur celebrare.*

Cum de Ministro Eucharistiæ nonnulla dixerimus, de impedimentis à ministro Eucharistiæ impediens, aliquid dicendum.

Dico 1. Licet cæcus possit confessiones audire & prædicare, sed si celebret sine dispensatione Papæ (prout cuidam Episcopo in Concilio Tridentino concessum

sum fuerat) peccat mortaliter, quia facit contra canones in re gravi. Sacerdos etiam habens maculam in oculo, vel à nativitate, vel ex aliquo casu, etiam sine sua culpa, si notabilem deformitatem generet, non potest celebrare. Secus, si talem deformitatem vel scandalum non generet. Sylv. de Corpore vitiatis.

Dico 2. Sacerdos uno oculo orbarus non potest celebrare, cum sit irregul-  
laris, refertur Bonac. de censuris d. 5. q. 2. punc. 2. Immo nequit sine dispen-  
satione Papæ ad Ordines promoveri. D. Ant. 3 p. tit. 28. C. 5. & alii. Sacerdos  
etiam si careat visu oculi canonis, hoc est sinistri, & nequeat canonem legere,  
nisi cum indecora faciei ad populum versione, non potest celebrare, secus sine ta-  
li indecoria, præsertim si sanus appareat. Bonac. l. c. cum Nau.

Adverte. Sacerdos factus cæcus sine sua culpa non est privandus beneficio,  
ne sic afflictio afflictio addatur, sed coadjutor ei detur. Idem dicendum de aliis  
beneficiatis corpore vitiatis. Sylv. cit. & alii.

Dico 3. Sacerdos naso privatus nequit celebrare, ob notabilem deformati-  
tem. habens tamen manum aridam vel debilem non arcetur à celebrando, si non  
adit notabilis deformitas scandalum generans, & possit hostiam calicemq; con-  
trectare. Secus, si adeò sit tremulus, ut calicem absq; effusionis periculo nequeat  
elevare. Sicut nec, si habeat pollicem, vel indicem abscissum, vel etiam eorun-  
dem ungulas ob quarum defectum redditur inhabilis, ad hostiam frangendam &  
calicem contrectandum, Carens tamen parte pollicis vel indicis, non remouetur  
à sacrificando. Gab. V. irreg. Sciendum, quando vitium non reddit inhabilem,  
nec multum deformem, si tamen sua culpa sit, ab Ordinibus repellitur, & pro-  
motus deiecitur. Arm. V. Corpore vitiati ex Host. & S. Raym.

Dico 4. Sacerdos pede carens, prohibetur celebrare, ob notabilem defor-  
mitatem Sylv. Tabiena & alii. Si autem tantum sit claudus, ab Ordinis executio-  
ne non repellitur. modò suà culpā non sit factus claudus, & ad altare sine baculo  
stare queat, ex C. nullus de Cons. d. 1. Item gibbosus non prohibetur sacrum  
facere, modò non sit nimia deformitas scandalum generans, nec suà culpā sit  
gibbosus. Sylv. & alii. Ille autem dicitur suà culpā gibbosus, vel alio modo cor-  
pore vitiatus, qui voluntariè membrum abscidit, vel permisit ab alio abscindi, vel  
dando operam rei illicitæ id sibi accidit. dicitur autem dare operam rei illicitæ,  
quantum ad præsens, cum agit opus ex suo genere periculosum. ex Soto 5. de  
Iust. q. 1. a. 9.

Dico 5. Sacerdos sibi genitalia amputans, putans se obsequium præstare  
Deo, eget ad celebrandum dispensatione. Si autem ab aliis sit castratus, idq; suà  
culpā tunc idem: secus, si sic natus sit, vel invitatus à Medicis, vel jussu de causa. v.  
g. pro totius corporis salute, castratus. Sylv. l. c. Soto 5. de Iust. q. 2. a. 1. Scias  
errorem vulgi esse Sacerdotem castratum teneri testiculos arefactos vel in pulve-  
rem redactos secum deferre.

Dico 6. Habens membra superflua v. g. sex digitos, licitè celebrat, modò  
non sit impeditus in membrorum usu, nec nimia sit deformitas, aliàs & prohibe-  
retur

bēretur celebrare, & recipiendo Ordines, utpote frustra, peccaret mortaliter. Leprosus etiam si recipiat Ordines non excusatur à mortali. Ordinatus tamen ut docet D. Th. apud Opat. de Pœnit. disp. 18. q. 3. §. secunda species &c. poterit in occulto sic suscepiunt Ordinem exercere, nisi per lepram essent labia, corrosa & tunc nec in occulto celebrare potest, ob periculum effusionis sanguinis.

Dico 7. Sacerdos morbo comitali seu caduco laborans expectet per annum ad iudicandum de infirmitate. Sylv. & alii. Idem dicitur de Sacerdote dæmoniacō, ex Vgone relato à Summa Confess. l. 2. tit. 1. q. 45. Furiosus verò potest Eucharistiam conficere, si rarò vexatur tali passione, item si sine spumæ iactatione, & vocis confusione, modò habeat iuxta se Sacerdotem, qui defectum suppleat. Sylv. cit. Idem docet Opatov. disp. 18. de Pœnit. q. 3. §. secunda species &c. de laborante morbo caduco si non adeò hoc morbo laborer, nec ore rejiciat spumas, & habeat socium, qui cōpleat sacrificium. sed quid de Sacerdote patiente seminis fluxum? disp. cum Ioanne de Lapide l. de dubijs circa Missam, nequit celebrare.

Dico 8. Si in Hermaphrodito prævaleat sexus fœmineus ordinari non potest, quia non est capax characteris. quemadmodum & fœmina, D. Ant. Sylv. & Tabiena apud Fern. l. c. Si verò æqualiter vigeat uterq; sexus, quantum ad Ordines pro fœmina reputari debet. Hugo, Turrecremata & alii apud Fern. Si autem in masculinum magis vergat & ordinetur, suscipit quidem characterem, sed absque dispelatione Papæ celebrare prohibetur. Sylv. V. Hermaphrod. & Nau. in Euchar. C. 17. n. 103. Plura videantur in tractatu de irregularitate. V. etiam Delacruz de Cens. a. 5. quis in supradictis dispenset.

Quæritur, cui competat iudicare de præfatis vitiis? R. Episcopo, vel si Religiosus sit vitiatus Prælato Regulari, cum sit eius Ordinarius. Potest & Episcopus, cum Religioso Ordinem conferat.

## DISTINCTIO XXXV.

### *De conversione panis & vini in Corpus & sanguinem Christi, & quæ consequuntur eam.*

Dico 1. Mutatio quæ fit in hoc Sacramento, non fit per panis & vini annihilationem, vel in præjacentis materiæ resolutionē, sed per eorum definitionem & in Christi Corpus & Sanguinem conversionem. Quæ conversio non est successiva, sed instantanea, cum fit in ultimo instanti prolationis verborum. Hæc conversio directè & ex vi verborum ad Corporis Christi substantiam terminatur, per concomitantiam verò ad eius quantitatem. Si causam conversionis inquiras, Deus est principalis. Sacerdos instrumentalis.

Dico 2. Si Sacramentum Eucharistiæ in triduo mortis cōfectum fuisset. tunc Christus Dominus sub speciebus Sacramentalibus mortuus exiit sset. Cum idem Christus, qui erat in Cruce vel sepulchro fuisset.

Dico 3. Totus Christus est sub utraque specie, immo totus est in qualibet parte,



parte, cū succedat in locum substantiæ panis & vini, quæ erat in qualibet particula. Hoc tamen sciendum est, sub speciebus panis esse Christi corpus ex vi verborum consecrationis, sanguis verò, anima, Divinitas per concomitantiam, sub speciebus vini ex vi verborum sanguis, corpus & alia per concomitantiam. Non solum autem est in hoc Sacramento secundum suam substantiam, sed etiam secundum quantitatem, modo tamen ineffabili, non per extensionem partium in ordine ad locum, sed in ordine ad se. Et quidem tam diu sub speciebus Christus Dominus existit, quā diu species existunt. Cū succedat in locum panis, cuius substantia tam diu quā diu accidentia.

Dico 5. Post conversionem corpus Christi D. non est in hoc Sacramento tanquam in loco, quia non est admodum quantitatatis, sed admodum substantiæ. Ex quo sequitur quod ibi sit immobiliter, per se loquendo, per accidens tamen hoc est ad motum specierum movetur. Item, cū Corpus Christi D. sit in hoc Sacramento admodum substantiæ & modo indivisibili, non posse videri oculo etiam glorificato.

Dico 6. De speciebus Sacramentalibus hæc solent doceri. eas posse corrumpi, cū idem esse post consecrationem retineant. immo potest aliquid ex eis generari, ut vermis. Item docetur solam quantitatem miraculosè existere, alia verò accidentia sine miraculo. quia subjunguntur in quantitate, supposito hoc miraculo quod per se existat. Item docetur prædictas species posse nutrire, cū possint converti in corpus humanum. Sed hæc ad Scholasticos.

## DISTINCTIO XXXVI.

### *De Ministro Eucharistiæ.*

Dico 1. Diaconus potest ministrare Corpus Christi Domini in necessitate jubente Episcopo vel Presbytero. S. Th. q. 82. a. 3. Non tamen Subdiaconus, multominus laicus. fertur tamen de Regina Scotiæ martyrium subitura, quod se ipsam communicaverit, unde Layman in Summa Dianæ V. communionis Minister, docet contra Bonac posse laicum se ipsum communicare in articulo mortis.

Dico 2. Religiosus Viaticum ministrans incurrit in excommunicationē. sed hoc procedit, si extra necessitatem, unde in articulo mortis absente Parocho, aut nolente ministrare potest quivis Sacerdos etiam Regularis, imò & Diaconus. si nullus sit Sacerdos, ministrare Eucharistiā. Dela Cruz q. 6. de Euch. Idem iudico si proprius Parochus sit nominatim excommunicatus, suspensus &c.

Dico 3. Eucharistiæ Sacramentum non possunt Regulares ministrare ad satisfaciendum præcepto tempore Paschali. Pro hac Mosc. 2. p. Tyrocinii §. 3 citat declarationem sacre Congregationis. unde privilegium à Nic. 5. Regularibus concessum à Sixto & Leone X confirmatum, censetur revocatum. Possunt tamen, si quis jam satisfecisset præcepto, aut vellet postea ire ad Parochiam. Etiam ipso die sancto Paschæ. Nam dum Pontifices hoc die prohibent extra Parochiam

chiam communionem, loquuntur de communionem quâ satisficit præcepto Ecclesiæ; ut communiter DD. explicant. Vbi sciendum Religiosos Mendicantes habere privilegium à Leone X. Julio II. & III. communicandi sæculares in suis Ecclesiis, vel per se vel per alios apud Regulares celebrantes,

Dico 4. Possunt Regulares ministrare Eucharistiam ad satisfaciendum præcepto Ecclesiæ. etiam ipso die Paschæ, vagis, advenis, & peregrinis. Item servis & domesticis, qui intra conventum degunt. his enim etiam viaticum, & extremam unctionem ministrant Gabriel à S. Vinc. in Summa Morali V. Euch. quoad omnes partes. Idem, de degentibus in loco exempto à Parochia.

Dico 5. Non valens pollice & indice Eucharistiam ministrare, potest aliis digitis, cum tota manus sit consecrata. Toll: l. C. 58. contra Possesvinum. Hic tamen, contra Suarez, concedit, tempore pestis licere Sacerdoti aliquo instrumento aureo vel argenteo rectè confecto, Eucharistiam ministrare.

Dico 6. Sacerdos in mortali existens, & pluribus Eucharistiam successive ministrans, unum peccatum mortale committit, Rodriquez & alii, contra Bonac. Nam licet physicè sint plures actus, moraliter tamen una actio convivii. ob eandem rationem Sacerdos in mortali dicens Missam, unum tantum mortale committit, est contra Nugnum & alios, qui dicunt quod duo, unum quatenus celebrat, alterum quatenus communicat.

## DISTINCTIO XXXVII.

### De subiecto Eucharistiæ.

Dico 1. Subiectum Eucharistiæ est omnis homo baptizatus, rationis compos, & benè dispositus. Publici peccatores, v. g. usurarii, lenones, meretrices, histriones publicè turpia representantes, remouentur à mensa Domini, etiam in mortis articulo, nisi signa pœnitentiæ publicè ostendant, si fieri possit. Publicus autem & notorius peccator dicitur, qui in iudicio convictus, vel in iudicio confessus, vel infamia notorii facti laborans. Si dubium an sit publicus peccator, ad communionem admittatur, nam melior est conditio possidentis. Item peccatori publico in uno loco, petenti Eucharistiam in alio loco, in quo pro publico non habetur, Sacerdos tenetur Eucharistiam dare, alias infamaretur.

Dico 2. Peccatori publico in secreto pœnitenti. & in publico Eucharistiam petenti, est deneganda quousq; pœnitentiam exterius ostendat S. Bon. & Palud. apud Cinium in præsent. Quæ doctrina ad publicè excommunicatum extendenda, dici enim potest. Scio publicum peccatum, sed non video publicam pœnitentiam. Peccatori occulto. soli Sacerdoti noto, tenetur Sacerdos Eucharistiam ministrare, non tamen, si in privato petat, nisi noticia esset ex confessione. tunc enim tenetur Eucharistiam ministrare. Moneat occultum, publicè petentem, sed cautè, saltem generaliter. Cavete ne aliquis cum p. m. accedat, nisi id per confessionem sciatur, tunc enim talis monitio omittenda.

Dico

Dico 3. Ex duello in extremis laboranti danda Eucharistia, si signa doloris ostendat. Item suspendendis ex C. Quæsitum. etiam si jam comedissent. Samuel de Lub. V. Communio. Hæretico relapso, sed pœnitenti. quamvis immediate comburendo. Sylv. & Angelus. Adverte ex Samuele l. c. consuetudinem Hispanorum negantium Eucharistiam interficiendis sublatam jussu Pii V. anno D. 1559. cui lex regia accessit per Philippum II. Et ratio est eò quòd communiter doceatur, communionem in articulo mortis esse de jure Divino.

Dico 4. Perpetuò amenti non est danda Eucharistia, cùm in eo non præcesserit erga hoc Sacramentum devotio. Idem dicitur de puero ratione carente. Non excusatur à mortali talibus Eucharistiam præbens, secundùm C. jct. V. Communio. Amenti tamen, aliquando huic Sacramento, scilicet tempore lucidi intervalli, affecto, & iterum in amentiam cadenti, danda Eucharistia in articulo mortis, modò irreverentia non timeatur. S. Th. q. 80. a. 9. Idem de dæmoniacis arreptitiis, ac morbo caduco laborantibus, modò actualiter hæc mala non patiantur, & absit irreverentia.

## DISTINCTIO XXXVIII.

### *De munditia mentis ad hoc Sacramentum necessaria.*

**N**Ota. Plures esse dispositiones, quas habere tenetur ad hoc Sacramentum accedens, comprehenduntur autem sequentibus versibus.

Lotus, discretus, sanus, jeiunus & aptus,

Contritus, fassus, mundus, recteque paratus.

Lotus, id est baptizatus, discretus, id est rationis usum habens. Sanus, id est stomacho benè valens. ne evomat. jeiunus jeiunio naturali, aptus, id est centuris non irretitus, contritus, id est de peccatis dolens. fassus, id est vocaliter confessus. mundus, id est non pollutus. paratus, intellige, devotione per actus v. g. fidei, spei, charitatis, &c.

Dico 1. Consciens peccati mortalis obligatur ad præmittendâ confessionem. Trid. Sess. 12. Cap. 7. immo oppositum docentes excommunicat Can. 11. Quare antiqui Theologi docentes sufficere contritionem, etiam datâ copiâ Confessionis, post Conc. Trid. non sunt audiendi. Cùm verò Tridentinum adducat auctoritatem Apostoli 1. ad Cor. 11. *Probet autem seipsum homo, & sic de pane illo edat.* colligitur hoc præceptum non solum esse Ecclesiasticum, sed & Divinum. Opatv disp. 8. de Euch. q. 3. cum D. Soto & M. Cano.

Dico 2. Licet in aliquo casu communicare & celebrare confessione non præmissâ. 1. in articulo mortis si desit Cōfessarius. 2. si adest necessitas officii, v. g. Parochus habet nimis distantem Confessarium (quæ distantia loci judicio prudentis relinquitur, habitâ ratione circumstantiarum & Personæ V. Moscic. 4 p. Elem. ad Sacras Conf: de Conf: n. 11.) ne Parochiani die festo missâ careant. 3. Si adest præcepti Ecclesiastici necessitas (quam non facit sola devotio, ex Soto in 4.



n. 4. d. 10. q. 1. a 4 ) ut Paschnus. Summa Conf: vel si Sacerdos nequit audire Missam nisi celebret. Diana & alii. Sed oppositum securius, nisi adfi. scandalum aut infamia, nam præceptū præmittenti confessionem fortius est præcepto communicandi in Paschate. vel die festo audiendi Missam. Dela Cruz de Euh. q. 5. 4. ad evitandum grave scandalum vel infamiae periculum, v. g. si quis in scamno communicantium recordatur peccati mortalis, non tenetur recedere, si id sine scandalo esse non potest. 5. Quando rationabiliter timetur revelatio proprii peccati, tenetur tamen alia confiteri. 6. pro communicando infirmo. In his casibus præmittenda necessariò contritio, excepto quarto & quinto casu, cum jam peccatum indirectè remissum, & sit homo in gratia. Vbi etiam scias in quinto casu differri debere confessionem, quantum fieri potest.

Dico 3. Sacerdos Regularis non potest cum sola contritione celebrare, quando non habet copiam Confessarii suæ Religionis, habet tamen copiam alterius, sed non vult illi confiteri ad vitandam suæ Religionis infamiam, quam ille concipiet Gabriel à S. Vinc. & alii. Quia ex confessione nulla aut parva sequitur infamia Religioni. Non potest etiam quis in mortali existens cum sola contritione communicare. si non habeat proprium Confessarium, cui possit devotius & utilis confiteri. Idem qui supra & alii. Nam reverentia huic sacramento debita, & Divini præcepti obligatio, debet prævalere propria devotioni & utilitati.

Dico 4. Sacerdos qui in casu necessitatis carens Confessario sine confessione celebravit, tenetur confiteri quamprimum. quia ita præcipit Tridentinū Sess: 13. C. 7. & non tantum consultit. Quare Alexander VII. inter 41. propositiones, hanc in ordine 18. damnat. *Mandatum Tridentini factum Sacerdoti celebranti ex necessitate cum peccato mortali confitenti, quamprimum est consilium & non præceptum.* sicut & sequenti damnat. *Illa particula quamprimum intelligitur cum Sacerdos suo tempore confitebitur.* Quare tenetur confiteri, prima commoditate. In Summa Dianæ V. celebrare Missā. *quam primum* exponitur *intra triduum*, quia quod intra triduum fit, dicitur statim fieri L. fin. C. de jud. ibi. *illico autem id est intra triduum.* Adverte hoc præceptum de facienda confessione quamprimum in prædicto casu, non extendi ad Sacerdotem more laicorum communicantem. Villalobos in Summa Dianæ l. c. & alii. quia tunc non se habet ut Sacerdos. à fortiori non extendi ad laicos.

Quæritur: quid faciendum si Confessarius veniendo ad infirmum, inveniat hunc multas fecisse confessiones invalidas, nec confessionem absolvere posse nisi post longum tempus? Respondet Zambranus de Sacram: 2. c. 4. dub. 6. Si timeatur mors, faciendi confessio per mediam horam crassa minerva, cum acclamatione generali, & communicandus infirmus, præmisso pacto, quod sumptimè occasione supplebit defectum. Si autem infirmitas non sit periculosa, & confessio per dimidiam horam absolvi non potest, præmittatur contritio cum proposito confitendi eo vel sequenti die & comunicetur. ratio primi. quia sic vitantur omnia incommoda, subvenitur enim moribundo præmissa confessione possibili,

& abolutione, ministrando illi Eucharistiam ratio secundi, quia sic vitatur scandalum, & eligitur minus inconveniens, quod est communicare cum sola contritione, & non cum confessione dimidiata. Zambrano favent aliqui, sed bonâ veniâ præfati authoris, etiam in secundo casu præmittenda modo possibili confessio. Nam præceptum confitendi ante communionem fortius est præcepto integrandi confessionem materialiter ut docet Dela. Cruz q. 5. de Euch. & alii. & aliâs ex opposito sequeretur, etiam in primo casu, & in multis aliis, qui solent proponi in trac. de Pœnit. de integritate confessionis, sufficere contritionem, & omittendam confessionem, accedit quod in hoc secundo casu servetur moralis integritas confessionis.

## DISTINCTIO XXXIX.

### *De munditia corporis ad hoc Sacramentum necessaria.*

**D**ico 1. Pollutio à causa mortali proveniens impedit licitam Eucharistiæ summptionem. S. Th. q. 80. a. 7. Talis tamen præmissâ confessione celebrans vel communicans non peccat mortaliter, cum nullum peccatum per confessionem dimissum impediatur summptionem Eucharistiæ sub mortali. Dela. Cruz de Euch. q. 5. dub. 3. Samuel de Lub. V. Communio.

Dixi à *causa mortali proveniens*. nam nocturna pollutio, quæ absque culpa mortali accidit, non impedit etiam sub veniali summptionem Eucharistiæ, præsertim si pollutio non relinquit aliquem affectum ad res venereas, & notabilem animi perturbationem. Samuel l. c. ex Bonac.

**D**ico 2. Die ante Eucharistiæ refectionem, à fortiori ipsâ die summptionis, non licet exigere vel reddere debitum ob Eucharistiæ reverentiam, nisi alter conjugum nimis instet. tamen si fiat non est mortale. Suppositâ autem inter conjuges re carnali, consilium est spatio viginti quatuor horarum abstinere à summptione Eucharistiæ. cum per hoc tempus natura per venerem deordinata, ordinetur. Cinius ex B. Alberto M. & S. Thoma.

Ex quo patet, dum Concilium Eliberitanum dicat, hominem ante summptionem Eucharistiæ debere abstinere à propria vxore, tribus, quatuor aut octo diebus, consilium tantum est.

Duo tamen inter alia coniugibus reverentiam erga hoc Sacramentum inculcant. Primum, si Panes propositionis ab his qui vxorem tetigerant comedi non poterant, quantum magis panis ille qui de cælo descendit. Item Rêgem Oza. 1. par. C. 13. manum suam ad arcam Dei extendentem ne bouum exorbitantiâ caderet fuisse à Deo percussum moxq; expirasse, quod nocte præcedenti vxorem cognoverit, ut affirmant Expositores.

## DISTINCTIO XL.

### *De ieiunio ante Eucharistiam.*

Dico

**D**ico 1. Ante sumptionem Eucharistiæ tenemur esse jeiuni à media nocte jeiunio non solum Ecclesiastico sed & naturali, nihil quantumcunque modici, etiam per modum medicinæ sumendo. Vnde C. nihil. quæst. 1. dicitur. *Nullus post quantumcunque sumptum minimum cibum, vel potum Missam faciat.* Et sic pulveris tabacæ per nares sumptus, cum non mereatur nomen cibi vel potus non impedit sumptionem Eucharistiæ.

Atamen reliquias cibi inter dentes relictas casualiter deglutiens ex S. Th. q. 80 a. 8. imò licet advertenter secundum aliquos. Os abluendo parum aquæ præter intentionem in stomachum transmittens. Sanguis è gingiva, vel capite in os fluentis paululum trajiciens. Parum terræ aut pulveris per modum respirationis attrahens. Muscam in os volentem casu transluciens, non frangit jeiunium. cum nihil per modum cibi sed salivæ, vel præter intentionem deglutiat. Item dentes sale & cæto medendo vel lavando perfundens, cibos potumq; tantum degustans. quidpiam aromaticum, ut nucem muscatâ ori imponens dentibusq; vitandi noxii æris causa tenens, non frangit jeiunium. modo nihil transmittat.

Sed an frustillum chartæ, lapillus &c. impediant communionem? probabile quod non. sed major difficultas, si vecis causâ vel pere saccarum ori imposui. sti, & transacta mediâ nocte resolutum in liquorem devenit ad stomachum. Probabilius sine dubio impediri in tali casu communionem. aliqui tamen oppositum habent. quia ille liquor non descendit per modum potus, sed per modum salivæ, nec videtur sumptio ab extrinseco, qualis requiritur ut solvatur jeiunium & propterea reliquæ cibi, de quibus supra, non tollunt jeiunium naturale.

Dixi in conc. à media nocte. Nam sacerdos ante mediam noctem comedens, potest post mediam noctem celebrare, ut in natali Domini, etsi non dormierit, nec cibum digesserit. non enim facit contra præceptum. Similiter si quis ex cibi indigestione vomat, non prohibetur communicare, ex Rich. in 4. d. 9. a. 2. q. 3. Sed congruentius est abstinere.

**D**ico 2. Sacerdos sumptâ ablutione habens hostiam palato affixam, potest novam ablutionem sumere, ad eandem in stomachum trajiciendam cum hoc magis debeat, quàm digito in os posito. Sylu. & Angelus. Idem dic de particula calici adhærente. Imò sumptâ ablutione solutisq; orationibus (nō tamen si ab altari discessit) si aliquam hostiæ particulam in patena vel corporali repererit, potest eam sumere cum tota illa actio à jeiunio inchoata, una perfecta sacrificii consumptio censeatur. Sacerdos etiam post Missæ sacrificium aliquo tempore manens in dispensanda Eucharistia, vasa purificare, reliquiasq; sumere potest, cum censeatur una actio moraliter, quod maximè verum de reliquiis seu particulis ad proprium sacrificium pertinentibus, ut advertit Bonac. & alii. Sed idem judicarem de particulis ad aliud sacrificium pertinentibus, cum hic & nunc ad idem convivium spectare videantur.

Adverte Licet dixerim, si ab altari non discessit probabile tamen particulas v. g. in patena casualiter remanentes etiam in sacristia antequam sacerdos exuat



tur sumi posse. quia non est nova communio sed præcedentis perfectio. ex Summa Dia. V. Communio, & in eadem, relato Granado,

Dico 2. Licet aliquando sumere Eucharistiam non servato jeiunio. 1. cum timetur Eucharistiam ad infidelium manus perventuram, aut simili de causa. 2. ut cum Sacerdos aquam loco vini consecrat, idque non advertat nisi post aquæ summptionem, tenetur de novo vinum consecrare. Item advertens post consecrationem se non esse jeiunum, tenetur perficere. Si verò ante consecrationem advertat, tutius reputat S. Th. q. 83. a. 6. ad 2. Missam inchoatam deferere, nisi gravis scandalum timeatur & idem de existente in scamno communicantium, & advertente se non esse jeiunum. Si etiam Sacerdos peracta consecratione moriatur, nec alius adsit nisi non jeiunus, hic tenetur perficere sacrificium, quia præceptum sacrificium perficiendi strictius est præcepto Eucharistiam sumendi à jeiuno. cum illud Divinum, hoc Ecclesiasticum. 3. Si infirmus sit in probabili periculo mortis, & non possit jeiunus sumere Eucharistiam. Imò durante eodem periculo mortis potest infirmus pluries per modum viatici communicare non jeiunus, si sex vel octo dies transierunt, maxime si lethalem culpam commisit. non tamen quotidie. Nugens q. 80. a. 8 & alii. Adde. Si morbus sit diuturnus, nec possit dari communio nisi post medicinam, potest dari, licet tantum devotio & non periculum mortis urgeat. ad hoc tamen Nau. & Villal. exigunt spatium triginta dierum.

Sed an liceat celebrare post sumptum cibum ob communicandum infirmum in articulo mortis? affirmat Major item Zanardus & Zambranus apud Dian. p. 3. tr. 3. res. 33. sed negant communiter, quia præceptum communicandi non obligat, nisi cum commodè & reverenter fieri potest.

Cum dixerimus nos debere esse jeiunos a media nocte, quæri potest à quo tempore incipiat media nox? 82. media nox non incipit à pulu horæ 12. sed quadrantum, aliqui oppositum docent si tamen essent plura horologia & non constaret de errore ultimi, posset quis comedere usque ad pullationem ultimi, & manè communicare. Si etiam quis dubicaret, an esset transacta media nox, vel an aliquid sumpserit, si adhibita sufficienter diligentia adhuc manet dubius, potest mane communicare, quia in dubio melior conditio possidentis. Gabriel à S. Vinc. in Summa V. jeiun.

Quæri etiam potest, si jeiunium ante sumptionem Eucharistiæ necessarium, cur in Natali Domini ter celebramus? sed respondetur, quia corpus & sanguis Christi non frangunt jeiunium.

## DISTINCTIO XLI.

### De obligatione sumendi Eucharistiam.

**N**Ota ex Trid. Sess. 13. C. ultimo, triplex est modus communicandi. Spiritualiter tantum, Sacramentaliter tantum. Spiritualiter & Sacramentaliter simul. manducare spiritualiter tantum, est per fidem & charitatem Christo D. uniri cum deinde.]

desiderio in re sumendi hoc Sacramentum. manducare Sacramentaliter tantum, est Eucharistiam absq; fructu sumere, qualiter sumunt in mortali existentes, manducare utroq; modo, est non solum Eucharistiam sed & fructum percipere S. Th. q. 80. a. 1. assignans duos, scilicet, sacramentalem tantum & spirituales, non contrariatur Tridentino. per spirituales enim intelligit eum, qui est cum fructu. siue sit realis, siue in voto tantum. Manducatio materialis, qualiter etiam à morte Eucharistia sumitur non valet ad propositum nostrum & sic à Trid. omittitur.

Dico 1. Vrgente mortis articulo tenemur sub p. m. ex præcepto Divino sumere Eucharistiam. Ita comm: DD. oppositum docet Alm. V. comm. ex Cajet. Quà obligatione tenemur, etsi ante infirmitatem paulo ante communicassemus. Nam hæc communio non fuit ut satisfaceret præcepto de Eucharistia in ratione Viatici. Ledesma de Euch. C. 13. & comm: contra nonnullos, qui negant obligari, si v. g. ante octo dies sumpta Eucharistia. Immo ex tenentibus nostram sententiam sunt qui asserunt, eum, qui mane communicavit, si à prandio urgeat periculum vitæ, teneri iterum sumere communionem tanquam viaticum. Sed an, qui post acceptam in ratione viatici communionem, teneatur denuo communicare, si mortaliter peccavit? Negat Ochagavia & alii in Sum. Dian V. Comm. necessitas. Quia iam satisfecit præcepto: affirmat Sotus, quod est securus.

Dico 2. Præter mortis periculum, præceptum Divinum obligat aliquoties in vita Eucharistiam sumere. S. Th q. 80. a. 11. Quia Eucharistia instituta est per modum cibi, qui in vita non semel est necessarius.

Dico 3. Præcepto Ecclesiæ tenemur semel in anno communicare. Quod præceptum in propria Parochia, vel etiam in Cathedrali Ecclesia, vel alibi de Parochi licentia, impletur. Qui tempore Paschali viaticum sumpsit, si supervivat, non tenetur communicare pro annuo præcepto. Sanch. & alii, in Sum. Dia. V. Comm. Scias hanc damnari ab Innoc. XI. *præcepto communionis annua satisficit per sacrilegam Domini manducationem.*

Dico 4. Qui prævidet aliquod impedimentum. ob quod tempore Paschalis non poterit communicare, nec satisfacere præcepto, si prævidet non post longum tempus Paschale, se communicaturum, non tenetur ad præveniendum. Si verò prævideat, quod non nisi longo tempore post Pascha sit communicaturus, videtur eiusmodi obligari ad præveniendum. Opar, disp. 8. de Euch. q. 4. & ratiōnabiliter. Sed stante sententiā Samuelis, de qua mox, quod communicatio annua sit alligata determinato tempore non tenetur prævenire. Sequens priorem opinionem & communicans, cessante impedimento non tenetur iterum communicare in Paschate. nam iam satisfecit præcepto. Hæredia in Summa Dian V. comm.

Dico 5. Præceptum Ecclesiæ obligat excommunicatum ad quærendam absolutionem & sic ad communicandum. unde si is absolutionem negliget peccaret mortaliter contra hoc præceptum. colligo conclusionem ex Fernandez p. 2. C. 8. & Nau. apud eundem. Contrarium tenet Leander cum Dian. p. 11. tr. 7. res. 14. infidelis se non convertendo, consequenter in Paschate non communicando,

cando, non peccat contra hoc præceptum, cum hoc non contineat infideles, utpote Ecclesiæ non subditos.

Dico 6. Dato casu quod tempore celebrationis Missæ, fidelis devotus ex urgentissima causa peteret communionem, tu verò non haberes consecratas hostias, poteris dare particulam tuæ hostiæ. Samuel V. con. m. ex Sylv.

Dico 7. Qui communioni Paschali sati fecit, potest si vult die Paschatis alibi communicare, cum jam proprium pastorem agnoverit, ut supra docui d. 36. Qui tamen suâ culpâ tempore Paschali non communicat peccat mort: estq; ab Ecclesiæ ingressu arcendus, & moriens extra locum sacrum sepeliendus Bonac. de Euch. q. 7. p. 2. ex C. utriusque.

Dico 8. Qui tempore Paschali non communicavit, tenetur infra annum communicare. Opat. l. c. & multi alii. Nam Ecclesia solum principaliter intendit præcipere communionem singulis annis, circumstantiam verò temporis solum accidentaliter. At D. Ant. Sylv. Arm. Samuel V. com. m. probabiliter negant. Sicut qui officium vel jeiunium omisit non tenetur sequenti die supplere. Nisi forte communicatio, vel nisi extet lex aliqua particularis sive consuetudo. Samuel l. c. Adverte, secundum nonnullos ex prioribus D. duo peccata committit, qui simpliciter communionem annuam relinquit, unum quod tempore Paschali non communicaverit, secundum quod post Pascha non suppleverit.

Dico 9. Cum communicatio imminente morte sit de jure Divino, tenetur iudex reo concedere tempus communicandi, præcise tamen notabili damno boni communis. Et licet aliquando ad aliorum exemplum reus privabatur Eucharistiâ, id tamen non est amplius in usu, immo à Pio V. prohibitum; ut retuli d. 33. Si autem concessam sufficientem temporis dilationem reus noluerit acceptare, iudex potest eum morti adjudicare, esto credat in mortali moriturum, alias præberetur reis occasio hoc Sacramentum non suscipiendi, ut se à morte eriperent, siquæ magna incommoda in republica sequerentur Soto & alii.

Dico 10. Pueri in articulo mortis tenentur communicare statim post usum rationis, etsi ante nunquam communicaverint, nec attigerint ætatem in qua tenentur secundum præceptum Ecclesiæ communicare. cum præceptum communicandi in articulo mortis sit Divinum, aliqui docent puerum moribundum communicari posse in dubio an sit doli capax, quamvis hoc non sit necesse. Ochagavia & alii negant puerum teneri ad communionem tempore mortis.

Quæritur, quâ ætate communicare obligamur? R. ex Trid. Sess. 13. Can. 9. dum annos discretionis attingimus annus discretionis in presenti non tunc censetur quando doli capaces sumus & confiteri tenemur, sed tunc cum Sacramentum Eucharistiæ reverenter ac devotè suscipere possumus. Quod quamvis accideret soleat, cum primò pervenimus ad annum 10. vel 11. tamen non tantum consideranda ætas, verum etiam industria, ingenium, consuetudo ac iudicium prudentum. M. Soto dicit, ante decimum annum potest puer communicari, si sit



vivax. Vitanda tamen aliorum offensio, si valdè parvulis, quamvis sagacibus, publice conferatur.

Exploratores talium puerorum, debent duo in eis considerare. Scientiam & affectum. Videlicet, an cognoscant quid in hoc Sacramento contineatur, & discernant à profano pane, Deinde an in affectu, ante sumptionem vehemens desiderium habeant, in usu verò aliquam suavitatem spiritualem, vel gaudium sentiant. Ita Mosc. quoad omnes partes quas. 2. p. Tyrocinii artis pœnit. exceptâ (quoad expressum) doctrinâ M. Soto.

Quæ hic desiderantur videantur d. 36.

## DISTINCTIO XLII.

### De frequentia communionis, & celebrationis.

Dico 1. Quantum ex parte Sacramenti quotidie potest communio semper, quantum ex parte nostra rariùs, cum maxima reverentia requiratur, meliùs tamen ex amore frequentius quàm ex timore rariùs Eucharistiam sumere. Hinc in primitiva Ecclesia quotidie communicabant fideles & Anacletus Papa apud D. Th. q. 80. a. 10. ad 5. dicit, peracta consecratione omnes communicent, qui noluerunt Ecclesiasticis carere liminibus. Deinde diebus Dominicis tantum, magis refrigescente devotione ter in anno sc. in Natal. Domini, Paschate & Pentecoste. Immo iter Catholicos non numerabatur, qui his tribus diebus non cõmunicabat. Et Soter Papa adiecit in Cœna Domini. Tandem Ecclesia videns, nec hoc debitè observari, statuit ut quilibet adultus, annos discretionis habens de manu proprii Sacerdotis sumat Eucharistiam in Paschate, & sumitur Pascha pro toto tempore à Dominica in Ramis usq; ad Dominicam in Albis inclusivè, in aliquibus locis longius tempus assignatur.

Dico 2. Qui ex communione quotidiana experitur fervorem charitatis augeri & reverentiam huic Sacramento debitam non minui, potest quotidie Eucharistiam sumere. S. Th. in 4. d. 12. q. 3. a. 1. q. 2. Secus si vel Reverentia minueretur, vel fervor charitatis non multum non augeretur. Ex quo patet quomodo procedendum cum petentibus quotidianam communionem. Univerfaliùs verò loquendo, optimum consilium est, vivantibus regulariter peccata mortalia communicare semel in septimana, aliquando bis, si occurrat magnum festum. L. de suma C. 24. de Euch.

Dico 3. Sacerdos habens curam animarum tenetur sub p. m. saltem diebus festivis per se vel per alium celebrare, ex C. quotidie de Consi. d. 2. Ceteri verò Sacerdotes saltem in Natali D. Paschate, & Pentecoste. Soto & alii.

Dico 4. Ex speciali Dei instinctu potest omnino à celebratione cessari; secus, est p. m. Carthus in 4. d. 13. q. 1. & est communis. quia unusquisq; tenetur vii gratia sibi datâ. oppositum docet Cajet. & nonnulli.

Sicut autem non licet omni tempore abstinere, ita nec omni celebrare, non enim

enim licet in die Parasceves, quo tamen die licet communicare. Quantum verò ad diem Cœnæ D. & Sabbathi S. tenent aliqui posse privatim celebrari secluso scandalo, præsertim si dies Annuntiationis incidat, vel desint hostiæ ad communicandum, qui si sit moribundus licet etiam die Veneris S. celebrare. Gab in Sum. V. Missæ. quia non celebrare die Veneris S. est tantum præceptum humanum, communicare in articulo mortis est Divinum.

## DISTINCTIO XLIII.

### *De Communionem sub utraq; specie.*

**Dico 1.** In Ecclesia fuit aliquando consuetudo communicandi sub vtraq; specie, immo & tempore S. Thomæ q. 80. a. 12. Interdixit tamen Ecclesia populo sanguinis sumptionem. 1. ob effusionis periculum. 2. ne species corrumpantur. cum hoc Sacramentum pro infirmis debeat servari. vinum autem facile acefcit & corrumpitur. 3. quia multi habent nauseam vini. Sacerdos hoc defectu laborans, potest sumpro sanguine immediatè sumere absolutionem aquæ absque vino. adde vinum infirmis nocere. Immo nonnullæ Provinciæ vini inopiâ valdè laborant. 4. ut Sacerdos hâc dignitate supra populum fulgeat. Tandem ad tollendum errorem docentiū totum Christum non contineri sub utraq; specie.

**Dico 2.** Sacerdos more laicorum communicans, prohibetur sanguinem, sub specie vini sumere, aliàs graviter peccat. Nec etiam potest seipsum communicare nisi in necessitate v. g. in peste.

**Dico 3.** Sacerdos sub vtraq; specie intra celebrandum communicans, non plus gratiæ recipit, quàm laicus sub una specie communicans ad differentiam corporalis refectionis, in qua plus nutrimenti sumitur ex cibo & potu, quàm ex solo cibo. Cajet. & alii contra M. Nugno eodem modo qui plures hostias sumit non majorè gratiam recipit. quia non est plus virtutis, quàm in vna tantum S. Th. q. 79. a. 7. ad 3. Et sic Sacerdos non dispositus in sumptione corporis Christi Domini, sed in sanguinis receptione, eandem gratiam consequitur, ac in corporis & sanguinis sumptione simul, per se loquendo.

## DISTINCTIO XLIV.

### *De effectu Sacramenti Eucharistiæ.*

**Dico 1.** Multi numerantur huius Sacramenti effectus 1. Conferitur gratia per modum nutritionis & augmenti in vita spiritali, quia per modum cibi & potus spiritalis hoc Sacramentum institutum est. dicitur conferri gratia per modum nutritionis & augmenti, in quantum conferitur cum quadam exigentia ad auxilia Divina, med js quibus prorumpimus in actus devotionis & charitatis quibus anima spiritaliter nutritur & augetur. Et hic effectus est proprius & principalis huius Sacramenti.

2. Confer-

2. Confertur quædam læticia, dulcedo & suavitas spiritualis, quæ animæ puræ in eius receptione perfunduntur ac quodammodo inebriantur. & hic effectus licet sit maximè huic Sacramento proprius, est tamen à primo separabilis, ut patet in illis, qui habent palatum cordis noxiis humoribus, & rerum terrenarum delectationibus infectum.

3. Tolluntur peccata venialia & à mortalibus fit præservatio. Trid. Ses. 13. Q. 2. *ibi hoc Sacramentum est antidotum quo liberamur à peccatis quotidianis & à peccatis mortalibus præservamur.* Probabilius est, quòd non solum mediatè deleat venialia, excitando ad actum charitatis venialia delentis, sed etiam immediatè, & idem de causatione præservationis à mortalibus, Immo hoc Sacramentum expiat p. m. per accidens tamen, quando nesciens se esse in mortali, accedit. Et hoc colligitur ex S. August. relato à Cinq. in præsent. *ibi, quando corpus Christi manducatur vivificat mortuos.*

4. Eucharistia, & quatenus sacrificium & quatenus Sacramentum remittit in parte poenam peccatis debitam. quatenus sacrificium directè, nam sub hac ratione habet vim satisfaciendi & placandi Deum, ac reddendi illum nobis propitium. Quatenus Sacramentum verò ex consequenti & concomitanter. quia excitat fervorem charitatis, per quem homo consequitur remissionem non solum culpæ sed & poenæ. hæc doctrina sumitur ex S. Th. q. 79 a. 5. (6. ad 3.

5. Diminuit concupiscentiam, & causat amorem castitatis. ex S. Th. l. c. 4.

6. Fit spiritualis unio cum Christo & eius fidelibus *unum corpus multi sumus.* 1. Cor. 10

7. Huic Sacramento tribuitur immortalitas & resurrectio corporum, ratione conjunctionis carnis nostræ cum carne Christi, quæ vivificatrix est, vi potestate hypostaticè, unita Verbo Divino, à quo universa vivificantur. hunc effectum probat Gonet ex SS. Patribus.

8. Hoc Sacramentum causat perseverantiam finalem. Nam, cum sit institutum per modum cibi & potus spiritualis, fovet vitam spirituale. Item, quia præservat à mortalibus, & facit vincere tentationes, juxta dicta. Hanc ob causam viaticum peregrinationis nostræ à SS. Patribus dicitur, atq; ab Ecclesia infirmis ægitudine oppressis, & tentationibus circumdatis, per modum viatici, quo iter æternitatis alacriù in fortitudine cibi huius decurrant, ministratur.

Tandem sequitur ultimus ac præcipuus huius Sacramenti effectus, nimirum adeptio gloriæ æternæ, juxta illud Ioan. 6. *Si quis manducaverit ex hoc pane vivet in æternum.*

Dico .. Qui accedit ad Sacramentum cum affectu actuali ad p. veniale, recipit gratiæ augmentum. cū n. gratia comparatur veniale. non tamen obinet remissionem illius venialis, ut docet S. Th. q. 79 a. 3 ad 1. Qui etiam distrahitur in perceptione huius Sacramenti per ipi. quidem augmentum gratiæ, non tamen percipit spirituales læticia n. & dulcedinem S. Th. l. c.

Dico 3. Sacramentum Eucharistiæ confert gratiam mor. ac guttur transivit.



Soto in 4. d. 11. q. 2. a. 1. & alii. Cibus enim tunc nutrit, quando ad stomachum transit. Unde qui recipit species Sacramentales, sed postea eas expuit, non valens eas deglutire ob naturæ debilitatem, vel qui diu in ore retinet hostiam, ita ut species corrumpantur antequam deglutiantur, effectum huius Sacramenti non percipit, benè tamen ille, qui eas deglutit, sed postea evomit, quia illi non manducant corpus Christi manducatione completa, benè tamen iste, vomitus enim non opponitur manducationi, sed potius eam supponit, licet impediatur digestionem. Gonet in manuali Thomistarum de Euch. C. 9. Caietanus tamen supra q. 79 a. 1. docet, Eucharistiam conferre gratiam, & eo tempore quo est in ore vel gurgure, & quàm diu species in stomacho perseverant. Quod ultimum est probabilius, si novos devotionis actus homo tunc eliciat.

## DISTINCTIO XLV.

### De ritu, & figuris Sacramenti Eucharistiae.

#### Quo ad Primum:

Dico Maximâ reverentia, etiam corporali, v. g. genuflectendo &c. Eucharistia sumatur. V. Mosc. p. 11. Elementorum a Sacras Confessi: sacerdos more laicorum communicans, pater hoc debet stolam in modum crucis indere, sub poena excommunicationis ex Conc. Barchensi, sed hæc obligatio non est cum tanto rigore in usu. Azor. l. 10. (19. q. 12. ante & post sumptionem requiritur devotio ad percipiendum fructum, de qua Mosc. l. c. quare Christus Dñs summè gavissus, proprium sumendo corpus, eò quòd fuerit in mundo, qui dignè ut omnino decet sumpsit Eucharistiam.

#### Quo ad Secundum:

Dico ex S. Th. q. 73. a. 6. in hoc Sacramento tria considerare possumus, scilicet id quod est Sacramentum tantum, quod est species panis & vini. & id quod est res & Sacramentum, scilicet corpus Christi verum. & id quod est res tantum, scilicet effectus huius Sacramenti. Quantum igitur ad id quod est Sacramentum, tantum potissima figura fuit huius Sacramenti oblatio Melchisedech, qui obtulit panem & vinum. Quantum autem ad ipsum Christum passum, qui continetur in hoc Sacramento, figura eius fuerunt omnia sacrificia veteris testamenti, præcipue sacrificium expiationis, quod erat solemnissimum. Quantum autem ad effectum, fuit præcipua eius figura manna, qua habebat in se omnis saporis suavitatem, ut dicitur Sapientie 61. Sicut & gratia huius Sacramenti quantum ad omnia reficit mentem. Sed Agnus Paschalis quantum ad hæc tria præfigurabat hoc Sacramentum. Quantum enim ad primum, quia manducabatur cum panibus azymis, secundum illud Exodus 12. edent carnes & azymos panes. Quantum verò ad secundum, quia immolabatur ab omni multitudine filiorum Israel, decima quarta luna, quod fuit figura passionis Christi, qui propter innocentiam dicitur agnus. Quantum verò ad effectum, quia per sanguinem

agni:

agni Paschalis protecti sunt filij Israel à devastante Angelo, & educti de Ægyptiaca servitute.

## DISTINCTIO XLVI.

## De Sacrificio Missæ.

**N**Ota. ratio sacrificij consistit in hoc, quòd Deo aliquid solemniter, & cum debitis offeratur exremouis faciend, aliquid circa rem oblatam, ad honorem & cultum Dei. Quare sic potest definiri. *Sacrificium est oblatio externa, rei alicujus permanentis Deo facta, cum illius rei immutatione, in protestationem dominij eius in vitam & mortem sua creature.* explicatio si placet videatur apud Labat in 3. p. tr. 2. disp. 5. dub. 1.

**Nota 2.** Missa, quæ est sacrificium in specie, & legis gratiæ sic potest definiri. *est sacrificium corporis & sanguinis D. N. I. C. sub speciebus panis & vini consecratis.* Congruè autem vocatur Missa, eò quòd oblatio & preces ad Deum mittantur, sicq; illorum verborum. ite Missa est, sensus est, abire licet, quia oblatio & hostia salutaris iam transmissa est cum precibus ad Deum pro vobis. Hugo de S. Vic. L. 2. de Sacram.

**Nota 3.** ex Philippo à SS. Trin. disp. 8. de Euch. dub. 11. In Eucharistia alia ratio sacrificij, alia ratio Sacramenti. nam ut sacrificium, respicit Deum directè tanquam terminum ad quem. ipsi enim offertur ad gloriàm & honorem propter bonum nostrum, ut Sacramentum respicit filios Ecclesiæ, quibus datur ut alimentum spirituale animæ, ut Sacrificium est quid transiens, completur enim in consecratione. ut Sacramentum est quid permanent. nam licet per consecrationem conficiatur, ipsa tamen peracta permanet. In his ergo & alijs est discrimen.

**Dico 1.** Sacrificium Missæ à Christo institutum, licet à solis Sacerdotibus offeratur, ministerio tamen eorundem ab alijs fidelibus offertur. Et sic ait Sacerdos in canone Missæ, *pro quibus tibi offerimus. vel qui tibi offerunt hoc sacrificium.* Et sic fideles ministerio Sacerdotum implent præceptum naturale, quo tenentur Deo offerre Sacrificia. In hoc Sacrificio Christus immolatur & offertur. Et sic sacrificium nostrum quoad rem oblatam, ne dum specie, sed & numero, convenit cum sacrificio Crucis, est tamen diversum quoad modum. Nam in nostro sacrificio non separatur sanguis à corpore, sed solum significatur talis separatio.

**Dico 2.** Essentia sacrificij Missæ salvatur in consecratione unius speciei, non integritas. Sicut & essentia Eucharistiæ, etsi non integritas, salvatur in una sola specie.

Dixi in consecratione nam essentia sacrificij Missæ non consistit in oblatione, quæ fit post consecrationem, vel in sumptione, sed solum in consecratione, cum respectu tamen ad sumptionem ut necessariam ad integritatem sacrificij. Ita M. Reynerus Cathedricus Viennensis in manuscriptis cum communiiori Thomistarum. Prima pars patet. Nam hæc oblatio solum est ab Ecclesia instituta,

Vnde D. Greg. L. 7. epist. 63. asserit. Initio nascentis Ecclesie post consecrationem oratio Dominica immediatè dicebatur, nec proinde fiebat hæc oblatio. Secunda etiam pars: cum tertia patet. Quia in illa actione debet esse essentia sacrificii, quæ fit in persona Christi tanquam principalis Sacerdotis, sola autem consecratio sic exercetur non sumptio. Siquidem Christus D. principaliter consecrat, non verò se ipsum sumit. Ex his habes 1. etiam in aliis partibus non consistere essentiam sacrificii Missæ. Numerantur autem à S. Th. q. 83. a 4 sex. 1. præparatio 2. fidei instructio, quæ incipit ab Epistola 3. oblatio. 4. consecratio quæ incipit à præfatione. ad quam reducitur oblatio post consecrationem. Vnde & memores Domine &c. offerimus maiestati tue. 5. perceptio Eucharistie, quæ incipit ab oratione Dominica 6. gratiarum actio, quæ incipit à cantu post communionem. Possunt reduci ad tres, scilicet, præparationem, consecrationem & sumptionem. Habes 2. in Parasceve non fieri propriè sacrificium.

Dico 3. Sacrificium Missæ continet omnem perfectionem & causat omnes effectus sacrificiorum legis naturæ & scriptæ.

Sciendum inter sacrificia vetera, alia fuisse holocausta ordinata ad protestandam supremam excellentiam Dei in omni genere. & tota hostia huius sacrificii cremabatur in honorem Dei & hoc dicit holocaustum, id est totum incensum. Alia erant sacrificia propitiatoria seu expiativa, seu hostia ad placandum Deum iratum. & horum quædam pars cremabatur, quædam pars sumebatur à Sacerdote. Alia sacrificia dicebantur hostia pacifica oblata pro beneficiis acceptis, vel etiam accipiendis, & horum quædam pars cremabatur, quædam à Sacerdote, quædam ab offerente sumebatur.

Sciendum præterea, quando animal offerebatur dicebatur victima sive hostia. Quando res inanimata solidæ, dicebatur immolatio. Quando res liquida, dicebatur libamen.

Si primario intendebatur honor Dei ob summam eius excellentiam, erat sacrificium latreuticum. Si peccatorum remissio & poenarum relaxatio, propitiatorium. Si gratiarum actio, eucharisticum. Si beneficii impetratio, impetratorium.

Sacrificium ergo Missæ, quia hæc habet dicitur latreuticum, propitiatorium, eucharisticum & impetratorium. Vnde Ecclesia in quadam oratione sic ait, *Deus qui legalium differentiam victimarum, unius sacrificij perfectione sanxisti.*

Dico 4. Sacrificium Missæ non confert immediatè ex opere operato & infallibiliter primam gratiam, nec sic remittit peccata mortalia, ut faciat ex attrito contritum. & oppositum iudicatur erroneum. Non etiam confert immediatè ex opere operato & infallibiliter augmentum gratiæ. Vterque enim modus causandi gratiam tantum est sacramentorum. Causat tamen sacrificium Missæ gratiam & augmentum gratiæ mediatè ex opere operato, impetrando auxilium Divinum, & sic non causat ista semper. Eodem modo causat alia bona spiritualia & temporalia, hoc est impetrando.

Dico 5. Per sacrificium Missæ remittitur culpa venialis ex opere operato non.



non solum mediate, impetrando auxilium, per quod homo iustus eliciat actum qui sit formalis vel virtualis detestatio peccati venialis, sed etiam immediate & infallibiliter. ita Sapientissimus meus Professor M. Reynerus in manuscriptis, Potest autem fieri hæc remissio per hoc, quod homo ponat aliquem actum, qui licet per se non sufficiat ad remissionem venialis, sufficit tamen ex superaddita vi sacrificii, sicut v. g. attritio non sufficit ad remissionem mortalis, sufficit tamen adjuncta virtute Sacramenti Pœnitentiæ.

Dico 6. Sacrificiū Missæ remittit pœnas temporales, quæ, remissâ culpâ, restant solvendæ vel in hac vita vel in purgatorio, idq; ex opere operato immediate & infallibiliter. Idem qui supra & communiter. Adverte ex S. Th. q. 79. a. 5. virtute huius sacrificii non semper tollitur tota pœna, sed major vel minor juxta dispositionem offerentium & eorum pro quibus offertur, qua devotione modificatur valor infinitus sacrificii ad effectum finitum.

Dico 7. Sacrificium Missæ offerre pro damnatis est mortale, cum ijs non proffit. Secus pro existentibus in mortali, quia tamen non sunt amici Dei, non eis prodest ut satisfactorium, sed ut placativum Dei irati.

Dico 8. Pro infidelibus licet Sacerdoti directè sacrificare, ut convertantur, Bonac. de Sacrifi. contra nonnullos. Item pro excommunicatis tol. etatis possumus publicè orare & sacrificia offerre. quia Concilium Constantiense absolute concedit, ut cum talibus communicemus in omnibus Divinis officiis, à qua communicatione non est ratio cur excludantur publica oratio & sacrificia. Megala, & alii tacite in Summa Dianæ V. Excomm. effectus, relati. Immo pro excommunicatis denunciatis possunt sacrificia offerri, si sine peccato sint excommunicati, vel si sint verè pœnitentes, & non stat per ipsos quin absolvantur ab excommunicatione, Philippus à SS. Trin. de Sacram. Euch. disp. 8. Potest etiam Sacerdos ut persona particularis, pro denunciatis, ut in memento, orare. Philippus l. c. & alii. Adde Bonacinam de Cens. d. 2 q. 2. punc. 1. docere. Missam cuicunq; excommunicato in persona Christi applicatam prodesse & quoad impetrationem. si verò sit in gratia, & quoad satisfactionem. Quia hic valor, ait ille, non numeratur inter suffragia Ecclesiæ.

Dico 9. Hoc sacrificium etiam ut satisfactorium potest offerri pro Catechumenis mortuis. Et ita fecit D. Amb. pro anima Valentini. Quia etiam si isti non sint baptizati, censentur tamen viva membra Christi per fidem & charitatem. Nec Concilium primum Bracharense Can. 35. est contrarium, cum loquatur de Catechumenis suâ culpa sine baptismo decedentibus.

Dico 10. Sacrificium Missæ, ut gratiarum actio, potest offerri pro beatis, Dela Cruz de Sacrifi. Missæ q. 1. dub. 5. cum communi. Nam prodest eis ad gloriam accidentalem. & sic bene offertur pro baptizatis mortuis ante usum rationis.

Dico 11. Si Missa consideretur ut nomine Christi vel etiam Ecclesiæ. a ministro procedit, est æqualis valoris, (stante tamen differentiâ penes id quod est offerre nomine Christi, & nomine Ecclesiæ.) secus ut procedit a ministro nomi-

ne proprio S. Th. q. 82. a. 6. ex quo habes tripliciter posse Missam accipi, scilicet ut nomine Christi, nomine Ecclesiæ, nomine proprio à ministro procedit. Valor tamen Missæ ut nomine Christi offertur: est, excellentissimus & non impedibilis. Valor verò Missæ, ut nomine Ecclesiæ, vel à ministro nomine proprio offertur, impeditur. Primus, si sit excommunicatus, quia excommunicatus nequit offerre sacrificium Missæ, nomine Ecclesiæ. cum sit ab ea præcisus. secundus, si sit in mortali. quod probat. S. Th. ex illo Prou. 28. *qui declinat aures suas ne audiat legem, oratio eius erit execrabilis.*

Dico 12. Valor accidentalis Missæ ortus ex dignitate Ecclesiæ offerentis, orationibus, invocatione Sanctorum, devotione ministri. est finitus. Ortus ex re oblata & principali offerente scilicet Christo est infinitus, habet tamen effectum finitum, & sæpè nullum, unde multum prodest replicatio Missæ pro inclinanda Divina misericordia. Nec hic valor (in se consideratus) limitatur à ministro, quia hic tantum ut instrumentum. Dixi, *in se consideratus*. Nam quantum ad effectum limitatur à Sacerdote applicante, ut ijs solis profit pro quibus offertur. & ut specialius profit, pro quibus specialius applicatur. Limitatur etiam ex devotione eius pro quo offertur. Quemadmodum in naturalibus agens producit effectum, non quantum ex se potest, sed secundum applicationem, & dispositionem passivi.

Dico 13. Cum valor accidentalis Missæ sit finitus, quanto in plures dividitur tanto minus singulis prodest, secus de valore essentiali, cum sit infinitus. Et sic, si Missa pro multis offeratur, æqualiter tamen, ac pro uno, non minus prodest singulis, quam si pro uno solo offeratur. æqualiter inquam. nam si pro aliquo offeratur specialiter, pro alijs in generali, & non ita specialiter, plus illi prodest, quantum ex hoc capite. Ita Sylu. Caietanus. Cano quos sequitur Labat disp. 5. de Sacr. dub. 3. §. 1. Philippus à SS. Trin. d. 8. de Sacr. Euch. dub. 6. & alij.

Ex quo inferitur, Sacerdotem posse unico sacrificio satisfacere pluribus peccatis Missam, sed sine stipendio, & eadem Missa satisfacere posse voto & obligationi celebrandi ex eleemosyna, sicut & pro illo qui eleemosynam dedit, & pro alijs pro quibus ex charitate tenetur, v. g. pro fratribus & sororibus suæ Religionis. Ita, & rationabiliter infert P. M. Reynerus in manuscriptis.

Dices, ex nostra sententia sequi, posse Sacerdotem tutâ conscientia, accipere diversas eleemosynas à pluribus, omnibusq; unâ Missa satisfacere. cum tantum quilibet reporter, ac si pro quolibet seorsim celebraretur.

R. Ex M. Labat. N. sequelam. Quia non datur stipendium Sacerdoti pro fructu sacrificii missæ, vel pro labore in celebratione necessario, alias esset simonia (licet pro labore accidentali aliquid possit accipi, ut pro obligatione tali vel tali hora celebrandi, pro labore magni itineris conficiendi) sed datur stipendium tanquam eleemosyna ad vitam sustentandam, vel pro alijs necessarijs vel etiam ut docet Gabr. citandus pro obligatione ad celebrandum.

Dico 14. Sacerdos non validè applicat missam referendo suam intentionem

nem in intentionem alterius v. g. B. Virginis. quia ipse debet applicare Gab. à S. Vinc. V. missa potest tamen illi missam applicare, quem B. V. designaverit. quia tunc ipse Sacerdos est, qui applicat. Caveat; pro primo offerente eleemosynam missam applicare, hoc enim reprobatur per Clem. VIII.

Quantur quot sunt utilitates seu fructus sacrificij legis gratiæ? R. tres solent numerari fructus sacrificij, qui ex applicatione resultant. Primus ex universalis intentione Ecclesiæ sacrificium Missæ applicatur toti populo Christiano, & præcipue Papæ & Principibus Christianis. quò reducitur fructus, quem percipiunt ministri, & adstantes, qui sunt aliquomodo offerentes cum Sacerdote. Secundus fructus ex intentione peculiari sacerdotis applicatur, cui ipse voluerit hic fructus secuncum Gab. à S. Vinc. V. Missa, correspondet Christo D. facto Sacerdos tenetur hunc fructum applicare illi, qui v. g. eleemosynam dedit. Gabriel l. c. Tertius fructus cadit ipsi Sacerdoti. Secundum nonnullos potest Sacerdos fructum suum proveniente alteri applicare, non tamen potest pro eo aliquam eleemosynam accipere, ut statuit Alex. VII. damnando propositionem 8. ob eandem rationem, laicus suam missæ partem potest alteri applicare, v. g. animabus Purgatorij.

## DISTINCTIO XLVII.

### De Missarum stipendio.

Dico 1. missarum stipendium taxatur vel à superiore, vel ex communi usu. & licet adsit pactum inter Sacerdotem & dantem stipendium, nulla tamen est simonia quia non datur pretium pro Missa. Hinc fit quòd Sacerdos reportans ultra justum stipendium, peccet contra justitiam, nisi ulterò & benevolè detur. Iustum stipendium non est taxandum in ordine ad congruam Sacerdotis sustentationem pro vna die. nam Ecclesia taxando missarum, stipendia, non ita taxat, ut unum stipendium sufficiat pro integro victu vnius diei: ob quod in Concilio Tridentino statuitur, ut nullus ordinetur sine beneficio aut saltem patrimonio, quo congruè vivat. ne fideles graventur solvendo tam ampla stipendia.

Dico 2. Non licet Sacerdoti pauperi reportare duo iusta stipendia pro vna missa, licet his opus habeat ad victum moderatum juxta suum statum. Nam sicut paupertas vendentis non auget pretium suæ mercis. hinc pauper non potest plus vendere v. g. gallinam, quam dives, cum sit idem respectu omnium pretium. Ita nec paupertas Sacerdotis auget stipendium Missæ. Et illud hic in memoriam revocandum. quod damnavit Alexander VII. *Non est contra justitiam pro pluribus sacrificijs stipendium accipere, & sacrificium unum offerre.*

Dico 3. Non potest Sacerdos accipere duo stipendia, unum pro applicatione fructus, qui solet applicari & aliud applicando proprium fructum. & oppositum damnavit Alex. VII. N. q. potest quis accipere duplex stipendium applicando.



cando uni partem solitam, & alteri indulgentiam altaris privilegiati, aut aliam  
 Gab. à S. Vinc. V. missa

Dico 4. Tot missæ dicendæ, quot ad rationem eleemosynæ acceptæ, ex decreto S. Cong. autoritate Urbani VIII. sub interminatione Divini iudicii id præcipientis. Hinc non licet, dum petens Missam non dat justum stipendium, quòd possit pauper Sacerdos unam missam pro pluribus parvis stipendiis offerre. sibi imputet quòd suam mentem non explicuerit. Item non licet pro missa cantata duplicatum stipendium sumere, hoc sensu, scilicet pro duabus missis privatis, unam cantatam absolvere. Iustè tamen aliàs pro missa cantata duplicatum stipendium anticipatè exigitur, attento ministrorum numero, cùm sic plures obligentur. Vel etiam attentis aliis circumstantijs

Adverte ex Samuele de Lub. V. missa. Missa cantatà magis proficua est ex opere operantis, quàm privata quia plures sunt offerentes secundarii pro quo tamen fructu non solvitur. Proinde cum invitatur collegium ad cantandam missam, fraudatur intentio petentis quoad fructum prætentum, si saltem major pars non conveniat. & magis fraudaretur si privata diceretur. Idem dicendum de obligationibus antiquis, ut est missa conventualis, anniversariū pro defunctis.

Dico 5. Obligatus ex stipendio vel capellania. dicere missam v. g. de Spiritu Sancto, vel de B. Virgine vel de Requiem, satisfacit celebrando currentem. quia omnes missæ sunt æqualis valoris. Peccat tamen venialiter immo ut habet Sylu. & alii apud Dian. p. 3. trac. 6. res. 62. defunctis & aliis nulla missa est salubrior quàm dici. peccat tamen venialiter, specialiter promittens celebrare talem missam, & celebrans aliam. Nau Villalobos, V. Dia. l. c. & p. 2. tr. 4. res 31 Qui tenetur in aliquo loco celebrare, non potest celebrare alibi, quando fundator intendit cultum illius loci. Non nego tamen posse pro alio Missam applicari. Si deinde suppleatur defectus applicationis ad intentionem fundatoris, quàmvis in alio loco.

Dico 6. Peccant mortaliter colligentes Missarum nec copiam, quas nisi per longum tempus dicere possunt. Ita communiter Longum tempus secundum Villalobos & alios est ultra duos menses. Immo si periculum est in mora v. g. pro agonizante, nullo modo differendum. Quoad primam partem, salutare consilium erit, ait Dela-Cruz de Sacrif. q. 1. Si Sacerdos semper celebret pro omnibus pro quibus utq; tunc accepit stipendia. Sic enim danti v. g. unum stipendium plura applicat sacrificia. Et si in uno die iste non sit dispositus, pro recipiendo fructu sacrificii, in alio erit dispositus.

Dico 7. Missarum celebrandarum onera perpetua nullus recipere potest, secularis sine licentia Episcopi vel eius Vicarii. Regularis sine licentia Generalis vel Provincialis, ex decreto de celebratione Missarum. Qui suscipit Missam celebrandam cum certa eleemosyna, non potest eandem alteri committere parte eleemosynæ retentà, ex determinatione Alex. VII. Missa celebrata in altari privilegiato pro defunctis. non suffragatur, nec indulto satisficit, nisi sit de Requiem  
 licet

licet in indulto non exprimat Missa de Requiem. S. Cong. apud Barbosam in collect. Bull: V. Missa. Suffragatur tamen si Pontifex mentē suam exprimat.

Dico 8. Si Capellanus infirmatur per 15. v. g. dies. non tenetur per alium Missas dicere, ut probat Bonac. de Euch. q. ult. p. 8. nisi aliter in fundatione habeatur, & hoc ex majori stipendio compensetur. Scus, si morbus prolixior (nec reditus nimis tenuis, vel in morbum non absumuntur ut docet Bonac. ex Rodriq.) Nam tunc Missas per alium dicet, & satisfaciet dando stipendium ordinarium. Dela-Cruz de sacrif. q. 1.

Dico 9. Licet Capellano non habenti stipendia pro Missis liberis, dicere anticipatē Missas Capellanæ. Patet ex usu communitatum Religiosorum in simili, ait Dela C. Non tamen licet Sacerdoti non habenti stipendium, celebrare pro illis, qui postea illi commendabunt Missam, ut supra dictum, sive reservando applicationem Missæ in tempus, quo sibi Missa commendabitur, sive applicando eas modò pro eo, quem Deus scit eas petiturum. Ita declaravit Paulus V.

Dico 10. Parochus non tenetur quotidie per se vel per alium, suis ovibus celebrare, quāvis habeat pingue beneficium. Oppositum docet Sotus in 4 d. 19. q. 2. a. 2. Ledesma tamen C. 17. de Euch. cum aliis quos refert, docet teneri Parochos pro suis ovibus celebrare in festis & Dominicis diebus. sed in hoc attendendū consuetudo ait Dela C. Quod si his diebus tenentur pro suis ovibus Missam offerre, non possunt ab ijs (ut his diebus applicent) stipendium recipere. Si non tenentur, quāvis habeant bona Ecclesiastica sufficientissima, vel ex alio capite sint ditissimi licet, stipendium recipere.

Quicquid sit de obligatione offerendi Missam pro ovibus, Rectores Ecclesiarum Cathedralium, Collegiatarum, Conventualium, immo & Parochialium, ubi est sufficiens numerus Sacerdotum, tenentur quotidie providere sub mortali de Missa, Dela-Cruz q. 2. de Missa, referens communem.

## DISTINCTIO XLVIII.

### *De loco in quo celebranda Missa, ubi de Oratorio & Altari.*

Dico 1. Missa celebranda est in loco sacro, saltem ab Episcopo benedicto, (quam benedictionem potest delegare Episcopus simplici sacerdoti pro Ecclesia seculari, S. C. apud G. b. V. Ecclesia) licet non consecrato. Hoc præceptum, cum sit de re gravissima ligat sub mortali. Ledesma C. 20. de Euch. & alii, contra M. Soto in 4 d. 13 q. 2. a. 3. & Sa V. Missa. Si in majoribus, solemnitatibus Ecclesia non capit omnes fideles, licet extra eam in loco decenti celebrare. Non tamen in mari aut fluvio ob periculum effusionis sanguinis, Item itinerantibus, si desit Ecclesia, licet sub dio aut sub tentoriis, Missas celebrare in alteri portatili ex C. concedimus de Consecrat. d. 1. Episcopis extra Ecclesiam celebrare licet, etiam sine necessitate. cum id eis absolutè concedatur.

Dico 2. Conceditur celebrare extra Ecclesiam cum licentia Episcopi, stante tamen

te tamen aliquâ necessitate, licet non ita evidenti. v. g. si sit in aliqua domo, ubi non est Oratorium, in finibus, potest Episcopus dare licentiam celebrandi in aliqua camera in altari portatili in sua diocesi tantum. est ablato altari illo camera deserviat prioribus usibus, & idem in aliis casibus in quibus iudicio prudentis aliqua licet non ita evidens necessitas.

Dico 3. In Oratoris privatis non nisi de licentia Papæ Missa celebrari potest, & debent esse decenter ornata, visitata verò & approbata ab Episcopo pro his insinuat declarationem S. Cong. Gab. à S. Vinc. V. Orat. tenor privilegii attendendus, an eodem die plures missæ dici possint. Regulares ex licentia Provincialis absq; licentia Episcopi Oratoria erigere possunt. quæ sufficit ut sit præsumpta & in aliquo casu, quando Provincialis faciliè consuli non potest sufficit licentia Superioris localis, tum ut erigantur in Conventu, tum in grangijs. Gab. l. c. Sed sine læsione juris Parochialis.

Est autem privatum Oratorium illud, quod in domibus privatis erigitur cuius ostium non est patens in via publica, nec habet campanam prominentem ad convocandos alios extra domum, & ad usus prophanos converti potest. tandem non gaudet immunitate Ecclesiasticâ nisi sit benedictum Summa Dia. V. Orat. Hujus benedictio & reconciliatio pertinet ad Regularem Superiores. Summa cit. loquendo de Oratorio Regularium.

Dico 4. Possunt audire missam in Oratorio privato, non solum Domini, sed etiam tota familia absente Domino. Novarius in Sum. Dia. l. c. Vnde audiens missam in tali Oratorio, qui non est de familia Domini, peccat mortaliter, si aliam non audiat die festo. Nomine domesticorum gaudentium privilegio audiendi sacrum in privato Oratorio, intelligi non solum domesticos Domino cohabitantes. verum etiam, qui extra domum manent Domini expensis.

Dico 5. Dies prohibiti celebrationis in Oratorio privato sunt prima dies tantum Natalis Domini, Paschatis, Pentecostes, Epiphaniæ, Annunciationis, Assumptionis B. M. V. SS. Petri & Pauli, & omnium Sanctorum. vnde si quis istis diebus sacrum audiat in Oratorio privato, non satisfacit præcepto Ecclesiæ de audienda missa. Garzias in Sum. Dia. l. c. Sed Gab. à S. Vinc. l. c. tantum numerat dies Paschatis. Pentecostes & Nativitatis.

Dico 6. Privilegium concessum habendi Oratorium privatum, cum sit gratia personalis. extenditur ubicunq; Dominus fuerit. Itaq; potest Oratorium erigere in alio pago. & quâvis nominatio loci in privilegio taxet locum particularem, intelligitur quod demonstretur non determinetur. Aymon in Sum. Dia. Nec opus est nova approbatione Episcopi, dummodo ornatus ille, quo vltus fuit in primo Oratorio collocetur. Quiradanus ibid.

Dico 7. Regulares in Oratorio privato, possunt ministrare Sacramentum Eucharistiæ Baunius & alii ibid. Quod intellige de petentibus ex devotione. Quia administratio Eucharistiæ non est verita Regularibus, quando præceptum communionis non obligat. Busemb. de Euch. C. 2. d. 1.

Dico 8.



Dico 8. Quando altare firmum, seu lapis qui altari superponitur, est consecratus, non est opus altari portatili, secus si non fuerit consecratus.

Vnde scias duplex esse altare, firmum vel stabile, & viaticum seu portatile, sic dictum, eo quod de loco in locum transferri possit, cuius tanta longitudo & latitudo esse debet, ut in eo capi possit pes caticis & hostia consecrata. Stabile si sit consecratum, necessario debet esse lapideum aliàs potest esse ex alia materia, sed superponendum est portatile. Portatile verò cum semper debeat esse consecratum, semper etiam debet esse lapideum.

Dico 9. Sede vacante possunt Regulares adire Episcopum viciniorem pro consecrando altari, sicut & eum vocare pro consecranda Ecclesia, ex concessione Sixti IV. & Eugenii IV. Gab. V. Altare. Non sunt consecranda altaria sub quibus sunt cadavera mortuorum. S. Cong. apud Lez. t. 3. qq. Regul. V. Altare, nisi sint Sanctorum. Arm. V. Alt. Et sic reponere cadavera sub altaribus vel gradibus eorum non licet, Sacra Cong. apud Lez. l. c. Et Episcopo Ternensi mandatum fuit a movere sepulchra, quæ extarent subtus altaria, vel ipsorum bracciellam, apud Lez. Ex quibus à fortiori patet, si essent aliqua altaria quæ continerent cadavera, non esset celebrandum in eis, siue essent laicorum, siue presbiteriorum. Lez.

Dico 10. Altaria erigere in Ecclesijs consecratis, non licet in jure communi stando, sine Episcopi consensu, sub pœna depositionis Clericis, & excommunicationis, laicis. in Ecclesijs verò non consecratis, licitum est id Presbyteris. Similiter in Ecclesijs consecratis, nulli licet absq; consensu Episcopi altaria destruere, ex paritate rationis. In Ecclesijs verò non consecratis quilibet jure suo potest altaria non consecrata destruere, Lez. quoad omnes partes.

Dico 11. Probabile est privilegium Regularibus concessum (ut ubiq; locorum celebrent in altari portatili) non esse omnino à Trid. revocatum, sed solum in casu quo Episcopus id prohibeat, ita ut ipso non contradicente possint Regulares, & qui cum ipsis communicant in privilegiis in loco honesto celebrare, cum solo altari portatili. Lez. citans alios. Hoc tamen debet esse sine præjudicio Ecclesiæ Parochialis, quod in tribus consistit, in oblationibus, decimis & primitiis.

Dico 12. Quamvis Episcopus repugnet, possunt Regulares privilegiati celebrare Missam in altari portatili in grangiis seu prædiis suorum monasteriorum. Lez. referens alios. Item in cameris particularibus Religiosorum in casu extraordinario, vel propter infirmitatem vel communionem percipiendam, potest sacrificium fieri cum solo portatili, etiam Episcopo contradicente, quia non sunt privatz domus, nec extra Ecclesiam. Pro hac conclusionis parte insinuat Lezana privilegium pij IV. pro Canonicis Regularibus S. Salvatoris Lateranensis, concessum post Trid. nam concessum 1565. 18. Maij.

Dico 13. Audientes Missam in die festo in infirmariis Regularium, in Oratorijs & grangiis, cum ista ex Rodrico & alijs, referente Gabriele à S. Vinc. in

Summa V. Altare, veniant nomine Ecclesiæ Regularis, in qua fideles satisfaciunt præcepto de audienda Missa, etiam satisfaciunt audiendo eam in dictis locis.

Dico 14. Facultas erigendi altaria in Oratoriis, capellis & grangiis Regularium pertinet non ad solum Provinciale, sed etiam ad Prælatum localem, non in virtute privilegii Patribus Societatis concessi, quia in virtute huius solum ad Provinciale spectat, sed in virtute privilegii, Patribus D. Hieronymi in Hispania, concessi, ubi etiã, quod in Camera Prælati infirmi, altare erigi possit. Gab. l. c.

Dico 15. Altare privilegiatum est illud, in quo, vel cui indulgentia pro defunctis concessa est. Pro qua lucranda non est necesse, quod Sacerdos sit in statu gratiæ. Sicut nec in aliis indulgentiis pro defunctis requiritur.

Dico 16. Licet dicere Missam privatam de Requiem die Dominico infra octavam Omnium SS. in altari privilegiato, quia videtur, quod Pontifex velit illam concedere, & idem de festo duplici, quod non procedit de aliis Missis defunctorum. Diana l. c. Resol. 28.

Dico 17. Quando altare privilegiatum conceditur ad septennium, tunc septennium non incipit à die concessionis, sed à die electo pro celebratione Missæ. Debet enim septennium esse utile. sic viri docti consulti, referente Gab.

Dico 18. Numerus Missarum dicendarum in Ecclesia, ubi conceditur altare privilegiatum aut indulgentia, non requiritur tanquam conditio necessaria ad valorem. Diana res. 10 & 11 cum Bordonio. alii oppositum tenent.

Dico 19. Indulgentia altaris privilegiati (aut & aliæ indulgentiæ pro defunctis) non suspenditur in jubileo, nisi hoc exprimatur. Destruitur tamen per destructionem Ecclesiæ aut Capellæ; secus, si per partes paulatim renovatur. Facta electione altaris privilegiati, non potest amplius mutari locus, alii oppositum tenent, Gab. quoad omnes partes. Cum hæc indulgentia sit difficultatis concessionis, non communicatur aliis Religiosis. Diana res. 20.

## DISTINCTIO XLIX.

### *De violatione Ecclesiæ.*

Dico 1. Violatur Ecclesia ob homicidium publicum. Quare non violatur per occasionem hominis pure casualem, aut tactam in propriam defensionem, aut ab amente, aut ebrio, quam diu his non imputatur ad culpam. Item, si extra Ecclesiam percussus lethaliter, & percussus moritur in Ecclesia, non violatur, Sicut nec è contra, si absq; sanguinis effusione v. g. veneno lethaliter noceas in Ecclesia, & moriatur extra Ecclesiam. Nam mors ex homicidio secuta debet intra Ecclesiam inchoari & perfici, quàmvis occidens sit extra Ecclesiam. Et sic homicidium factum supra Ecclesiam, aut subius eam vel extra portam, non violat, ait Samuel de Lub. V. Ecclesia, in simili de effusione sanguinis. Si iudex suspendat reum in Ecclesia, violatur. Si tamen suspendat in parietibus ad extra, aut supra tectum, violatur solum cimiterium. Item, si quis seipsum in Ecclesia occidit,

occidit, violatur. Immo ex martyrio facto in Ecclesia, violatur, cum hæc occisio ex parte Tyranni, sit injuriosa loco sacro.

Dico 2. Violatur Ecclesia per effusionem sanguinis publicam, & mortaliter illicitam, & in magna quantitate. Et sic non violatur per effusionem sanguinis in propriam defensionem, aut purè casualem, aut naturalem, ut cum è naribus effluit, aut medicinale, ut, cum quis in Ecclesia minuitur. Immo, ut docet Samuel de Lub. l. c. nec si quis alterius nares percutit, unde multus profluit sanguis, ista enim percussio levis est & non mortifera. Item, violatur Ecclesia per effusionem proprii sanguinis, si videlicet cum peccato mortali effundis, secus, si si. gellando pro peccatis, aut casualiter, aut aliter licitè. Et ut Ecclesia violetur, non est necesse ut sanguis cadat in terram. Nam, etsi recipiatur in vase, aut accepto vulnere statim exis violatur Ecclesia. Nec est necessarium percussorem esse in Ecclesia. nam si extra Ecclesiam existens, percutis existentem in Ecclesia, violatur. Secus, si existens in Ecclesia, percutis existentem extra Ecclesiam.

Dico 3. Violatur Ecclesia pollutione voluntaria & publicà, & idem de coitu & non sufficit parva distillatio, quàmvis sit mortaliter peccaminosa. Dela Cruz q. 3. de Sacrifi. Missæ quia sic non est effusio. Nec requiritur ut semen cadat in terram cum Ecclesia non violetur ob contactum, sed ob irreverentiam factam loco sacro. Ecclesia non violatur per pollutionem naturalem, aut in somno sine culpa mortali. nec per pollutionem vel coitum occultum, à fortiori ab amente factum, sicut, nec per homicidium aut sanguinis effusionem occultam, etsi à duobus vel tribus sciatur, dum non publicatur. Quæ publicitas non exigat sententiam declaratoriam iudicis, ut patet ex usu.

Dico 4. Si conjuges diu cogantur habitare in Ecclesia, nec extra eam ad coitum exire possint, sicut non peccant tunc coeundo, sic nec violatur Ecclesia, etsi talis coitus publicetur. At, si conjuges sine causa ibi coeunt, vipote, si possint exire ad coitum extra Ecclesiam, aut si per breve tempus cogantur esse in Ecclesia, & facillè possunt abstinere à coitu ibi, peccant mortaliter petendo & reddendo contra reverentiam loci sacri, & violatur Ecclesia si coitus publicetur.

Dico 5. Violatur Ecclesia sepeliendo in ea excommunicatum, & intelligitur post Concilium Constantiense de solo excommunicato non tolerato. Nam solus iste à nobis est vitandus. Violatur etiam Ecclesia sepeliendo in ea infidelem, & intelligit Dela Cruz per infidelem etiam puerum hominis Christiani non baptizatum, si separatim à matre sepeliatur, secus si in utero matris. Sed per infidelem, talem puerum non intelligit, Sayrus, relatus à Bonac. de mat. d. 4. q. 4. puncto ultimo. Quod à fortiori currit si simul cum matre, quàmvis non intra eam existens, sepeliatur. Sayrus cum aliis. Non etiam per infidelem intelligitur hæreticus, cum odio restringi debeant. Et sic per sepulturam huius non violatur Ecclesia, sicut nec per exercitium hæreticum, item per spurcicias hominum &c. quàmvis debeat & praxis habeat, saltem per Sacerdotem cum aliqua cæremonia esse reconciliandam & abluendam.



Dico 6. Violatur Ecclesia seu potius exaciatur, si parietes ita ruant, ut sit necesse quod reedificetur, saltem quoad maiorem partem. Secus si paulatim successive ruant, & sic successive reparentur nam tunc non amittitur consecratio. nec sufficit quod tectum ruat. nam unctiones & cruces consecrationis Ecclesie, non in tecto sed in parietibus sunt. Quod si Ecclesia tantum sit benedicta, & parietes ruant, non amittit benedictionem, cum tantum terra benedicatur, & sic durante terra & pavimento durat benedictio.

Dico 7. Violata Ecclesia violatur cæmeterium. Cum accessorium sequatur naturam principalis. Non è contra. Et dicitur Ecclesia quod manet versus parietem internum, clauso ostio. Aliud verò quod manet extra, etiam sacristia, non venit nomine Ecclesie. Et hæc violatio non habet locum in oratorijs, sed in Ecclesijs, consecratis aut benedictis. sicut & quando res non publicatur non censetur violata. Hæc, exceptis nonnullis ex Dela Cruz q. de Sacrif.

Dico 8. Polluta seu violata Ecclesia polluitur altare stabile, ita ut reconciliatione indigeat. non tamen exacrata Ecclesia exacratur altare. Mosc. p. 9. Element ad Sac. co. 15. est autem exacratio, quando res est de novo consecranda ob amissam formam & usum. Nec sequitur licere in tali altari celebrare, cum extra Ecclesiam non liceat celebrare. Solum enim sequitur non indigere novâ reconciliatione.

## Q V Æ S I T V M.

### Quomodo Ecclesia reconcilianda?

Respondetur Ecclesia tantum benedicta, & deinde polluta, potest per asperisionem aquæ, non tamen de necessitate ab Episcopo benedictæ, reconciliari à simplici Sacerdote, & quidem secundum Dianam quamvis non adsit facultas Episcopi. Si Ecclesia erat consecrata, debet reconciliari à proprio Episcopo, vel si à simplici Sacerdote, tunc de licentia Papæ, habita tamen aqua ab Episcopo sacrata cum salè, vino & cinere vel saltem Episcopus dispense, ut in ea celebretur. Docent nonnulli Prælatos Regulares habere privilegium reconciliandi proprias Ecclesias, & hoc cum aqua ab eis benedicta, ubi Episcopus per duas dietas abest. Dela Cruz de statu Relig. L. 1. C. 5. d. 9. continet autem dicta 7. leucas per Sylv. V. Benef.

Adverte ex Bonac de Matr. disp. 4. q. 4. puncto ultimo, & alijs DD. non esse necessariam reconciliationem, quando Ecclesia fuit occultè violata, & post violationem antequam publicetur violatio conficiatur in ea missæ sacrificium. Nam Ecclesia censetur sufficienter reconciliata per præsentiam SS. corporis Christi D.

Dico 9. Peccat mortaliter, qui celebrat in Ecclesia violata, sed non incurrit excommunicationem vel irregularitatem, est tamen suspensus ab ingressu Ecclesie, ut docet Lopus apud Arm. Quod si in tali suspensione celebret, sit irregularis. Alii, cum quibus Bonac l. c. negant incurrere aliquam censuram.

Aliquando tamen licet celebrare in Ecclesia violata. 1. ex privilegio, ut Prædicatore

dicatores & Minores. si enim privilegio gaudent celebrandi extra Ecclesiam (secundum limitationem tamen in superiori distinctione attacham) à fortiori in Ecclesia violata. 2. de licentia Episcopi, requiritur tamen necessitas, licet non ita evidens. 3. quories ob necessitatem licet celebrare extra Ecclesiam, licebit à fortiori celebrare in Ecclesia violata. cum hæc sit decentior locus.

Dico 10. Si Ecclesia inter celebrandum violatur, & Sacerdos inchoaverit canonem, perficiat suum ministerium, aliàs omittat quousq; Ecclesia reconcilietur. Bonac. cum aliis l. c. Quod si tantum erat benedicta, ipse Sacerdos potest eam statim reconciliare.

## A D D I T I O.

### *De Exacratione Altaris.*

Dico 1. Altare stabile exaceratur. si ita frangatur, ut in nulla eius integra parte, saltem major pars calicis & hostiæ possit consistere. 2. Si moveatur junctura, quâ mensa stipiti adhæret. quia in illa conjunctione præcipue intelligitur esse consecratio altaris. & hoc ubicunq; sepulchrum sit. Scias, sepulchrum dicitur locellus in ipsa mensa vel in basi altaris, in quo conditæ sunt reliquiæ. 3. Si sepulchrum frangatur, vel amoveatur vel minuatur. Adverte ex Samuele de Lub. V. > leare, non exacrari altare, si sepulchrum modicè frangatur, ita ut non sint duæ partes. Aliqui negant per fractionem vel amotionem sepulchri altare exacrari.

Dico 2. Altare portatile exaceratur. 1. Si removeatur lapis à ligno quando sepulchrum est in ligno. 2. Si frangatur, amoveatur &c. repositorium reliquiarum. 3. Si lapis notabiliter frangatur, ut supra de stabili. Nota ex Samuele l. c. Non exacrari, quando lapis est in ligno & sepulchrum in lapide, & amovetur lapis à ligno.

Ex dictis collige. cum DD. de ipso sepulchro dubitèt. Si casu aliquo tantum sigillum sepulchri frangeretur, puto non esse tantopere timendum de exacratione altaris.

## D I S T I N C T I O L.

### *De tempore celebrationis, ubi, an pluries eodem die?*

Dico 1. Ordinariè nequit inchoari Missa ante initium auroræ seu primam lucis irradiationem, & hoc debet moraliter taxari. nam etsi aurora non sit semper æqualis, ac omni tempore licet inchoare Missam horâ & dimidiâ ante solis ortum, hoc est ante manifestos Solis radios. Dela Cruz q. 3. de Sacrificiis cum Ledesma. Immo aliqui dicunt, tunc posse finiri & sic posse inchoari duabus horis, ante manifestos solis radios. quia ad faciendum sacrum requiritur dimidia hora.

Dico 2. Aliquando licet dicere Missam ante dictum tempus. 1. ob necessitatem.

statem v. g. causa itinerandi, aut ut audiat à laboraturis Item ad communicandum infirmum morti proximum Dela Cruz l. c. Led. C. 19. de Euch. 2. Nocte Natalis D. potest dici prima Missa illico post mediam noctem Immo & alia duæ possunt dici tunc. Led. & Dela-Cruz iudicat probabile, cum oppositum dicat probabilius.

Nostri etiam Religiosi, per communicationem cum Patribus Benedictinis Montis Serrati (quibus id concedit Alex. VI. Bulla 13.) possunt dicere Missam duabus horis post mediam noctem de causa sufficienti. Scias Privilegium concessum vni monasterio extendi ad alia utriusque sexus. deinde ad participantes. Gab. à S. Vinc. in Sum. Morali V. Privilegium Quod supponit Iacobus à S. Ant. in suis Consult. Canon. Consult. 2. resol. 4. n. 191.

Dico 3. Missa inchoata ante meridiem potest post meridiem terminari, sed eam inchoare post meridiem ordinariè est mortale. DD. apud Led. cit. Et licet fuerit quondam usus celebrandi post meridiem hora tertia, jam tamen vetatur per Pium V. in motu incipiente. *Santissimus in Christo Pater.* an. 1566.

Dixi, ordinariè. Nam ex causa rationabili, potest inchoari Missa post meridiem. 1. Si in festo solemni durat Missa solemnis & Concio duabus v. g. horis post meridiem, potest Missa privata inchoari si utà concione. Dela-Cruz cit. quia continuatur adhuc præsens festivitas, 2. ratione itineris potest Missa celebrari in festo post meridiem, dum tamen tempus vnius horæ non excedatur. Soto-L. 10. de Iust. q. 5. a. 4.

Nostri etiam Religiosi, per communicationem privilegiorum, quam habent à Leone X. Bul. 33. cum Minoribus, Augustinianis, Carmelitis, Servis B. M. V. & Minimis (Minores autem per Clementem VII. Bul. 2. participant privilegia & gratias concessas & concedendas Mendicantibus & non Mendicantibus) celebrare possunt usq; ad tertiam horam post meridiem. quod privilegium concessit Eugenius Bul. 11. Cælestinus itinerantibus.

Quæritur. V. simplici communioni præfigatur tempus?

R. quod non. Quare licet, quacunq; hora communicare, congruum tamen in hoc conformari tempori celebrationis. Circa cõmunionem adverte. 1. Sumptà hostia non statim spuat. Si oportet, tunc in loco honesto. 2. non statim comedatur. Si fiat, non peccatur. nam C. si manè. de consec. dist. 2. est abrogatum. 3. Hostia leniter sumatur, anterioribus dentibus teratur, non totaliter conteratur. per os non volvatur, sed lingua mollescat, ne aliqua pars dentibus adhæreat.

Dico 4. Sacerdos ex causa rationabili potest aliquando eodem die plures Missas dicere. 1. Die Natalis Dñi celebrantur tres, cuius congruentiam assignat D. Thomas. Nam illæ tres Missæ significant triplicem Verbi nativitatem scilicet Divinam, humanam, & per gratiam. 2. Quando sub finem vnius Missæ supervenit Episcopus, vel habens quasi Episcopale jurisdictionem Ordinarius Prælarus, vel alius princeps sæcularis, vel etiam aliqui itinerantes die festo 3. Quando sub



do sub finem Missæ intret corpus defuncti sepeliendum cum Missa. 4. si non esset reservata Eucharistia, & dandum esse viaticum moribundo. 5. ad benedicendas nuptias, magnâ congruentiâ urgente. 6. ob rationabilem causam à viro prudenti & probo iustificandam. v. g. si eodem die duæ Missæ celebrandæ, una festi, altera vigiliæ, rogationum, aut defunctorum. 7. si Sacerdos præficeretur duabus Ecclesiis Parochialibus ob earum paupertatem, & hæc essent valdè distantes. seu, quod huic simile, si in festo solemnî Ecclesiâ non caperet omnes fideles. sed tunc satius extra Ecclesiâ celebrare.

Et in dictis casibus supponitur, quod secundam Missam dicens sit jejunus, ita ut in prima Missa non sumperit lavatorium, sed solum sanguinem cum hostia, Ita O ex parte de celeb. Miss. Item supponitur non adesse alium Sacerdotem, qui velit celebrare.

Adverte. Primum casum concedit usus. ultimum & ei annexum necessitas. Idem de quarto dici potest. alii non practicandi, nisi consuetudo concedat.

## DISTINCTIO II.

*De vasibus & vestibus pro Missa. ubi etiam de candelâ, crucifixo, & coadjutore.*

Dico 1. Tenemur sub mortali celebrare cum calice & patena ab Episcopo consecratis, vel si à simplici Sacerdote, ex commissione Papæ. Abbas Sacerdos & benedictus consecrare potest calices, sicut & altaria. Et quondam poterat pro aliis Ecclesiis. Sed anno 1632. 13. Martii, declaravit Sacra Cong. Abbates solum pro suis Ecclesiis posse benedicere ea, pro quibus requiritur unctio sacra, ut in benedictione calicis & altaris. Hoc autem privilegio non gaudent alii Religiosum Prælati, etiam communicantes, quia Abbates benedicuntur, quod alii Prælati non habent. Miranda in Summa Dianæ. V. Abbas. Nota ex C. ultimo de celeb. Miss. poenam depositionis eum incurrere, qui celebrat sine calice consecrato,

Dico 2. Tam diu durat calicis consecratio, quousq; taliter dividatur, quod amittat formam, & qualitatem suo usui convenientem. Licet autem superficies calicis & patenæ, ubi recipiuntur species iterum deauratur, non amittitur consecratio secundum aliquos in Summa Dianæ. V. Vasa Sacra.

Dico 3. Si calicis copam intus deaurata paulatim amittat deaurationem, non eget novâ consecratione, ait Led. cum communi. Amittitur tamen consecratio, cum copam calicis dividitur à pede per fractionem. Secus si pes calicis sit tornatilis, non amittitur consecratio ex hoc solo, quod pes à copâ separatur.

Dico 4. Calix debet esse aureus, argenteus, vel stanneus, & erit mortale secundum Dela O. q. 3. de Sacra. Missæ celebrare cum calice ferreo, plumbeo aut vitreo. Quia hæc & similes materiæ habent multa inconvenientia, aut quia sanguis potest effundi propter fractionem, ut in vitreo aut nimis vasi adherere, ut in aliis, ita ille, admittunt aliqui posse esse ex plumbo, An verò vas in quo recipitur

cipitur eucharistia pro communicandis fidelibus, debeat esse aureum, argentum vel stanneum, non determinatur in iure. An verò debeat consecrari, etiam non præcipitur in iure, & à viris piis talis consecratio omittitur. Congruum tamen est consecrari, cum immediatè Eucharistiam tangat.

Dico 5. Oportet ut superior pars altaris tobalia per totum tegatur, deinde ut super aram la. ideam extendatur linteum, tandem requiratur corporale. Et quidem tobalia & corporale requiruntur sub mortali, illud secundum linteum super aram sub veniali Fern. cum aliis parte 3. C. 5. §. 11.

Adverte. Prælati Regularium & istis absentibus eorum Vicarij, possunt benedicere non tantum vestes Sacerdotales, & alia ornamenta Ecclesiæ, sed etiam corporalia. Dela Cruz de statu & privilegiis Regularium. L. 2. O. 5. d. 8. Gavantus in nova editione allegat Sacram Congregationem abrogasse consuetudinem benedicendi præfata apparamenta Ecclesiarum non sibi subjectarum.

Tam diu corporale manet benedictum, quam diu potest recipere calicem cum hostia, licet in aliis partibus sit ruptum. Fern. l. c. cum Sylv. Scias. Duo priora apparamenta non necessariò debere benedici. Quæritur, ex qua materia debeant esse hæc apparamenta? Item palla & purificatorium? R. tria prima apparamenta debent esse de lino. corporale tamen in extremitatibus potest esse sericeum, vel auro elaboratum. Idem de purificatorio, quòd tamen non necessariò debet esse benedictum cum nulla eius in ritualibus reperiatur benedictio. Quantum ad pallam, docet Sotus apud Fern. l. c. §. 12. posse esse ex auro, serico, vel reze subtiliori.

Dico 6. Vestes Sacerdotales pro celebrando sunt amictus, albâ, cingulum, manipulus, stola & casula. Stola servire potest pro manipulo & è converso, cum ea iam indumenta non habeant determinate distinctam figuram. Villalobos & alii. Immo stola servire potest pro cingulo. Vestes Sacerdotales debent esse benedictæ, sub mortali. Quam benedictionem non amittunt, si pars aliqua non benedicta illis assuatur, vel scindantur aliquantò nisi ad proprium usum fiant ineptæ. Qualiter v. g. alba sit inepta si manica abscindatur. & sic deinde annexâ, alba rebenedicenda, secundum communem. Cingulum tamen tractum potest necesse, si altera pars non sufficiat. Sa & March.

Dico 7. In necessitate v. g. ad implendum præceptum die festo, Sacerdos semel vel bis celebrare potest absq; stola, vel manipulo, &c. benedictus. Summa Dianæ V. Vestes Sacerd. cum Liamas. Qui extra necessitatem non adhibet cingulum benedictum, non damnandus peccati m. ob parvitatem materiæ. Immo ob eandem rationem non peccat mortaliter, si non adhibeat cingulum, modò aliquid vices eius gerat. An verò in gravi necessitate liceat prorsus celebrare sine manipulo vel stola, affirmant nonnulli. Sed præcisò scandalo, satius est non celebrare.

Dico 8. Peccant venialiter seculares tangendo absq; necessitate, aram, calicem, patenam, aut corporalia. Idem de purificatorio iudico, ob proximum servitium.

vitium ad Eucharistiam. Immo si in calice vel corporali sit Eucharistia, non Sacerdotes aut non Diaconi tangendo ista sine necessitate peccant mortaliter. Post primam tamen lotionem factam saltem à Subdiacono licet traduntur corporalia & purificatoria mulieribus maximè Religiosis iterum lavanda.

Dico 9. Crucifixus in altari sub tempore Missæ est habendus, sed non est mortale omittere. Idem de velo super calicem. Si bursa seu repositoryum corporalis non adhibeatur, nec venialiter peccatur.

Dico 10. Tempore sacrificii necessaria candela accensa cerea sub mortali, non tamen sub eadem obligatione sunt duæ necessariæ. Fern. l. c. cum Grassi. In necessitate præciso scandalo celebrare cum lucerna olei aut lampade olei, vel etiam cum una candela tantum ex sebo, non est mortale secundum Bonac. q. ultima de Euch. p. 9. cum aliis.

Dico 11. Melius est non celebrare (nisi aliàs festum sit solemnissimum) quam celebrare sine coadiutore seu ministro. Cum hoc sit licere celebrare, sine ministro, v. g. die festo, pro dando viatico, aut dum adest similis necessitas. Sed nunquam licet mulieri, etiam deficiente viro, ministrum agere. & stante necessitate satius carere ministro, ut probat Bonac. l. c.

## DISTINCTIO II.

### *De Ceremoniis Missæ.*

Dico 1. Est peccatum mortale omittere v. g. Epistolam, Evangelium, aut integram orationem canonis est communis. cum sic fiat transgressio præcepti in re gravi. Omittendo, parvam partem, etiam canonis Missæ, tantum est veniale, ob parvitatem materiæ. Item Gloria vel Credo, vel in canone nomen alicuius Sancti. Excusat etiam à peccato Gab. à Vinc. V. Missa, ex aliqua infirmitatis causa celebrantem capite cooperto. Sicut multi, excusant in solemnibus Missa audientem epistolam vel evangelium & non legentem.

Dico 2. Si Missa diei sit de feria, potest tunc dici alia votiva aut de defunctis, patet ex usu. Immo si festum non sit duplex, potest ex causa rationabili dici Missa votiva, aut de defunctis. Quod procedit de Sacerdote in particulari. Nam Missa conventualis debet esse Missa diei. Sic præcipitur C. cum creatura de celeb. Miss. an verò Sacerdos particularis possit pro Missa petita dicere aliam? & optimè facit dicendo Missam diei. quia sic conformatur regulis Missalis. & alias una Missa æquè prodest ac alia. Immo peccat, qui in festis solemnibus dicit aliam Missam. Vide d. 44. conc. 5.

Dico 3. Extra diem festum alicuius Beati, non licet recitare eius officium, nec eius commemorationem facere in fine officii, aut in Missa. hoc enim proprium est Sancti Canonizari Gab. V. Beatus & Makowski trac. 1. supra. Decal. disp. 1. q. 5. a. 1. Et recitans officium extra diem festum non satisfacit. Makowski l. c. & probat ratione. Adverte dum autoritate Ordinis tale festum propter concurrenti.



currentiam aliorum transfertur, non censetur extra proprium diem celebrari, cum & hunc, illi Summus Pontifex, approbando Breviarium, interpretative concedat.

Dico 4. Quando conceditur facultas celebrandi Missam aliquibus Religiosis de aliquo beatificato in suis Ecclesiis, non licet ipsis in aliis Ecclesiis de eodem sancto Celebrare. Si tamen id semel vel bis fieret, non videtur mortale incurri. Ita Wakowski l. c. & apud eum Granado. Sed vix credo, à Religiosis extra manentibus id praticari. nec puto circa hoc tam rigidam Sedis Apostolicæ intentionem, nisi exprimatur. Immo absolute loquendo potest Religiosus de suis Beat. extra proprias Ecclesias celebrare diebus pro quibus concessa est facultas celebrandi. Ita mihi post primam impressionem respondit Reverendissimus P. M. Iacobus Ricci Procurator Gen. O. Præd. allegans Pasqualium id fundamentaliter probantem.

Dico 5. Quando conceditur facultas Sacerdotibus certæ Religionis ut Missam celebrent de Beatificato, tali facultate frui non possunt alii Sacerdotes. Ita expresse determinavit Sacra Cong. Cardinalium apud Gavantum in Enchir. Episcop. V. Missæ ritus n. 1. Ratio. Quia Alex. III. C. de reliq. & vener. Sanc. prohibuit aliquem colere publico cultu sine facultate Papæ.

Dico 6. Missæ Regularibus concessæ non possunt dici ab aliis, etiam in eorum Ecclesiis. Sic declaravit Sacra Cong. Card. apud Gavantum to. 1. p. 3. tit. 10. n. 16. Missa tamen de Rosario, quæ incipit *Salve radix Sancta*, potest dici ab omnibus Sacerdotibus, ut colligitur ex Brevi Clem. X. quod incipit *Cælestium munerum*: 671: ut mihi respondit Reverendissimus P. M. Sacri Palatii. 1691.

Dico 7. Bulla Pii V. præfixa Missali Romano præcipiens Missam juxta ritum & formam in eo præscriptam, legendam esse, non obligat sub m. ad observantiam singularum rerum, quæ in eo præscribuntur, sed pro gravitate earum: Filiucius to. 1. tr. 5. C. 5. n. 140. & alii. Et sic si quis diceret, Missam cum Passione, quæ legitur infra hebdomadam sanctam non peccaret mort. Castaldus in Summa Dianæ V. celebrare. Vbi nota, petenti talem Missam, legendam esse votivam de Passione. Idem docet, Missam cuiuscumq. Sancti posse ex devotione dici extra diem, mutato nomine festivitatis in commemorationis. Tandem sicut sacerdos in Dominica, aut festo Apostolorum &c. potest non dicere Missam, ita potest sine mortali dicere aliam à corrente. Quia præceptum de Missa corrente, secluso scandalo, non videtur larum sub mortali Summa Dia. l. c. ex Villalobos.

Dico 8. Non peccat mortaliter Sacerdos, si dum se sacris vestibus induit relinquit orationes solitas, est contra Sylvium. Quia ut patet ex superadiectis non omnes regulæ Missæ obligant ad mortale, sed illæ tantum quæ sacrificii essentiam vel quasi essentiam & partem præcipuam, ut supra diximus, de epistola & evangelio, continent. Reliquæ verò sunt instructiones.

Dico 9. Omittere Missam inceptam est mortale, nisi adsit causa urgentissima, & punitur talis poena suspensionis. nulla tamen incurritur excommunicatio. Ex causa legitima licet si inchoatâ Missâ superveniat infirmitas, ita ut

commo-

commodè perficere nequeas. 2. si inchoata Missa recordaris te non esse jejunum; aut esse excommunicatum, suspensum, interdictum, aut irregularem, nisi timeatur scandalum, vel iam inchoatus canon. 3. si excommunicatus non toleratus nolit exire a Missa & alias canon non dum inchoatus. Et idem si non dum incepto canone ponitur cessatio à Divinis, vel violatur Ecclesia, & alias non habetur privilegium celebrandi tunc. Quòd si inter celebrandum ponatur interdictum, perficienda Missa januis clausis.

Dico 10. Ablato scandalo, ob insignem personam, aut ob alios, qui tenentur audire Missam, licet repetere epistolam vel evangelium immediatè ante finitam; Immo id facere sine causa, non videtur mortale Ledesma:

## DISTINCTIO LIII.

## De defectibus in Missa occurrentibus.

Dico 1. Si sumpto calice reperis esse aquam, degluties eam secundum Ledesma & Dela Cruz. Nam excusaris tunc à præcepto sumendi eucharistiam jejunus, & consecra vinum, & lun e statim; & sic perfice sacrificium cum speciebus panis iam sumptis & hoc cum in publico celebratur, ob vitandum scandalum. Adu. ex Mosciensi 3. p Tyrocinii Artis Pœnitentiæ C. 8. §. 11. necessarium esse oblationem præmittere, saltem mente tenus, hoc est cogitatione formare oblationem illius vini, quod sive Sacerdos, sive etiam minister loco primæ ablutionis) infudit, super residuum aquæ, (& si nihil aquæ remansit, apponenda est alia) deinde consecret; incipiendo ab illis verbis, *simili modo posquam cenatum est*; usq; ad illa inclusivè, *hec quotiescunq; feceritis in meam memoriam facietis*; tandem sumat cum reverentia abiq; aliqua mora, prætermittis aliis ne populus errorem intelligat. Ita ille. Probabilior est sententia Divi Thomæ ( præcede. senim est Scoti) utpote Missilibus præfixa nimirum si scandalum non timeatur, aliam hostiam; præmissâ saltem mentetenus oblatione; cum vino consecrandam, & resumendum à verbis *qui prout est*. Quòd si talis defectus cognoscatur ante sumptionem hostiæ, ponatur tantum vinum cum aqua & resumatur ab illis verbis, *simili modo est*. cum ambæ species tunc sint simul.

Adu. ex Mosc. l. c. proseguendam in tali calu Missam more solito (etiam elevando) usq; ad finem. & post sumptionem corporis & sanguinis Christi sumatur aqua loco vini consecrata, si nondum hâusta, tantum enim ob vitandum scandalum; concessum fuit supra eam sumere. Quam doctrinam de prosecutione missæ etiam elevando, intellige quando utraq; materia consecratur. Alias proseguenda ubi dimissa.

Dico 2. Si defectus sit in hostia v. g. si sit hordæacea, tunc hoc cognito ante consecrationem ponatur alia hostia, & eâ simul cum vino oblata repetatur canon ita comm: quòd si non inveniatur hostia triticea, tunc non procedatur ulterius, cum nulla in vino, ut suppono, sit facta consecratio. Si defectus iste co-

gnoſcatur conſecrato vino & non ſumpto, ſecundum Palud. & alios, ſufficit conſecrare hoſtiam, & idem dicendum quando defectus iſte cognoscitur ſumpto vino, cum ordo conſecrandi prius hoſtiam, non ſit neceſſarius. Secundum D. Thomam debent poni novæ ſpecies panis & vini, ſi hoc advertatur poſt ſumptum ſacrificium. & facta prius oblatione, reſumendo à canone, vel ſecundum alios à verbis, qui pridie &c. conſecrare.

Dico 3. Si de intentione & forma ſit probabile dubium, reperatur ſub conditione, ſaltem tacita, ſine aliis verbis canonis, Si dubium ex ſcrupulo, deponatur, & nihil ſuppleatur. Scias, de intentione non poſſe eſſe tam fundamentale dubium, cum hoc ipſo quod feceris faciendâ ante celebrationem, hoc ipſo intentionem habueris.

Dico 4. Defectus accidentalis gravis v. g. ſi panis ſit fermentatus, vel ſi vino non ſit mixta aqua, ſuppleatur autem conſecrationem, non verò poſtea. ſi hoſtia ſit cum macula aut fracta, aut vinum parum acidum, ponatur alia materia etiam poſt oblationem, ſi non timeatur ſcandalum. Quod ſi non ſit alia materia, cum illa celebrabis, ſed ſecluſo ſcandalo.

Dico 5. Dum Sacerdos una ſaltem ſpecie conſecratâ ob infirmitatem ultra procedere non valet ſubſtituatur alius pro peragendo ſacrificio. Et hic incipit ab illo puncto, ubi alter ceſſavit. Et ſubſtituatur, ſi fieri poteſt jeiunus, aliâ per non jeiunum peragatur.

Nota, ſi Sacerdos ſupervivat, cum eo hoſtia dividenda. Item nota, nonnullos docere, alium Sacerdotem non obligari ad complendum ſacrificiū infirmi.

Dico 6. Si ſpecies conſecratæ ſint venenatæ, ſerventur donec corrumpantur, & poſtea in piſcinam mittantur. Species tamen vini in panno aut ſtuppa receptæ comburantur, & cineres in piſcinam mittantur. Sic enim eas ſtatim comburere, antequam exſiccantur, immane eſt ſacrilegium, ait Armilla & ob eandem rationem particulam hoſtiæ manui adhzrentem, manum candelæ apponendo, comburere, ſimili non caret ſacrilegio. Remotâ ergo ſpecie venenatâ ponatur alia, reſumendo à verbis, *qui pridie &c.* ſi eſt hoſtia. vel a verbis. *ſimili modo*, eſt vinum.

Dico 7. Si aranea vel aliud animal cadat in ſpecies vini, ex quo redduntur venenatæ, fiat de illis ut dictum eſt in conſeſſione præcedenti. Quod ſi ſpecies vini non efficiantur venenatæ, ſumuntur à Sacerdote cum illo animali, ſi fieri poteſt ſine periculo vomitûs, vel alterius caſus. Alias extracto animali & prius loto, comburatur animal & cinis in piſcinam mittatur, & ſpecies ſumantur.

Dico 8. Si hoſtia diſpareat. tunc alia hoſtia accipiat, & factâ prius oblatione, reſumantur verba, qui pridie &c. & conſecrationis. Idem ſimiliter faciendum, ſi totus ſanguis effundatur. Si tamen aliqua pars hoſtiæ aut ſanguinis manet, cum eis ſacrificiū perficiatur.

Dico 9. Si ſanguis cadat in terram, radatur, & raſuræ comburantur & mittantur in piſcinam. Si cadat in tabulam, tapetem, vel lapidem, lambantur à Sacerdote,



cerdote, deinde radantur, & cinis mittatur in piscinam. Si cadat in linteum altaris, quodcumq; illud sit, etiam ultimum, in corporale, aut vestem Sacerdotalem, lavetur hæc ter super calicem, & lotio mittatur in piscinam. De linteotamen, dicitur in Missali Romano, quod pars tacta à sanguine lavetur, deinde comburatur, tandem lotio cum cineribus in piscinam mittatur.

Quæritur. Quid censendum, si Sacerdos turbatus, nesciens quid agendum Missam sine essentiali supplemento compleat, R. 1. si ex ignorantia, (quæ hic locum non ita facile habet) & perturbatione vehementi omittat, non peccat mortaliter. Samuel de Lub. V. Missa cum Sâ. R. 2. si ante benedictionem errorem advertat. suppleat, si post, relinquat, nam sic non esset perficere sacrificium, sed iterare. S. Antonius apud Armillam V. Missa. Mosc. l. c. non restringit ad benedictionem, tantum enim dicit, si missam compleverit. V. dicta d. 40. Conc. 2. q. 2. huc probabiliter applicari possunt.

Quæsitum appendiculare ad prædicta.

*An Regulares possint exponere Eucharistiam publicè adorandam sine licentia loci Ordinarij.*

Respondet, Gab à S. Vinc. V. Euch. Regulares non possunt publicè exponere Eucharistiam adorandam sine causa ab Ordinario approbanda, præter illas vias, in quibus ex vi suarum constitutionum, aut ex usu legitime introducto eam exponunt, ut tempore suorum capitulorum &c. & refert S. Congregationem Rituum 17. Aug. 1630. & 1. Apr. 1632. Iacobus verò à S. Ant. L. Consult. 2. res. 4. absolute in favorem Regularium docet, & satis fusè tractat.

## DISTINCTIO LIV.

*De natura, institutione, & necessitate Sacramenti Pœnitentiæ.*

Dico 1. Pœnitentia ut de ea in præfati & sequentibus agimus; est Sacramentum in actibus pœnitentis & absolventis consistens, à Christo D. institutum per modum judicij emendativus, ad peccatorum remissionem. vel etiam, secundum Mosciensem, Sacramentum remissionis peccatorum post baptismum commissorum. Pœnitentia verò ut virtus. est quâ dolemus de peccato prout est offensa Dei. Ex quo patet Pœnitentiam dupliciter sumi posse.

Dico 2. Actus externus pœnitentis & Sacerdotis absolventis est Sacramentum tantum. Interior pœnitentia scilicet dolor, est res & Sacramentum simul. remissio peccatorum est res tantum. Quid sit esse Sacramentum tantum, rem Sacramenti tantum, rem & Sacramentum simul, diximus distinctione primâ huius tractatus.

Dico 3. Sacramentum Pœnitentiæ fuit institutum à Christo D. quando post resurrectionem dixit, accipite Spiritum Sanctum quorum remiseritis peccata remittuntur.

tuntur eis, & quorum retinueritis retenta sunt. Trid. Sess. 14. C. 1. Negari tamen non debet, institutionem huius Sacramenti in Cœna D. inchoatam per collationem characteris Sacerdotalis, in illis verbis Matt. 16. *tibi dabo Claves regni calorum, quodcumq; solveris super terram &c.* fuit promissum. Lucæ. verò ultimo, oportebat predicare in nomine eius penitentiam & remissionem peccatorum promulgatum. Finis institutionis huius Sacramenti fuit, ut peccator, qui per peccatum à Deo recesserat, per gratiam in pristinam amicitiam redeat.

Dico 4. Supposito peccato m. Sacramentum Pœnitentiæ est necessarium necessitate medii ad salutem æternam, in re quidem susceptum, dum datur copia Confessarii. sufficit tamen in voto, dum non datur copia Confessarii. Quid sit necessitas medii & quomodo distinguatur à necessitate tantum præcepti, vide dist. 11. Tunc dicitur Sacramentum in re susceptum, quando in seipso, actu, & realiter recipitur tunc verò in voto, quando intenditur quòd data occasione recipietur. Adverte. Quando aliquis per Sacramentum Pœnitentiæ in voto susceptum justificatur, requiritur actus contritionis seu dolor perfectus de peccatis.

Dico 5. Quando per Sacramentum Pœnitentiæ in voto tantum susceptum remittitur peccatum, non est necessarium tale votum esse explicitum, sed sufficit implicitum, hoc est inclusum in generali proposito, servandi omnia præcepta. Fernandez p. 3. C. 6. §. 1. ex S. Thomæ.

## DISTINCTIO LV.

### *De Materia Sacramenti Pœnitentiæ in communi.*

Dico 1. Materia remota Sacramenti Pœnitentiæ sunt peccata commissæ post baptismum. Hæc materia alia est necessaria, alia voluntaria seu sufficiens. Mortalia non dum confessi, sunt materia necessaria. Venialia sunt materia voluntaria seu sufficiens. Ideò mortalia nondum confessi sunt materia necessaria, quia per se loquendo necessariò debent in confessione exprimi. Venialia verò, item mortalia iam confessi dicuntur materia voluntaria, quia possunt in confessione omitti. Dicuntur etiam materia sufficiens, quia licet non habeantur mortalia non dum confessi, & solum confiteamur venialia, vel mortalia iam confessi, sufficit ad Sacramentum Pœnitentiæ.

Dico 2. Peccatum actuale ante baptismum commissum non est materia huius Sacramenti. Nam hoc peccatum est commissum extra Ecclesiam. & sic non debet ab ea judicari. Et idem de peccato cum baptismo commissum, ut si dum actu baptizaris, furari intendas. Per quid autem tale peccatum baptismum concomitans deleatur, vide dist. 18. Actuale tamen cum baptismo commissum, & post baptismum continuatum, est materia huius Sacramenti.

Dico 3. Materia proxima huius Sacramenti, sunt tres actus pœnitentis scilicet cordis contritio, oris confessio, & operis satisfactio. Primi duo sunt essentialiales, nec hoc Sacramentum sine illis potest ullo modo confici. Tertius potest

test dupliciter sumi, vel in re, vel in voto, quod votum in præsentī idem dicitur ac propositum satisfaciendi. Si satisfactio sumatur primo modo, non est pars essentialis sed integralis, quia ante impleram satisfactionem, recipitur verè Sacramentum. Si secundo modo, est pars essentialis. Nam nemo verè dolet, si satisfacere non intendat.

## DISTINCTIO XVI.

## De Contritione &amp; Attritione.

**Dico 1.** *Contritio est dolor de peccatis assumptus propter Deum summè dilectum, cum proposito confitendi & satisfaciendi.* per illas particulas, *propter Deum summè dilectum*, datur intelligi, quòd contritio debeat esse tantus dolor. ita, ut si in una libra ponerentur omnes creaturæ si nul, & in altera parte solus Deus magis, teneremur non offendere Deum, quàm curare de eff: creaturarum. Per illam particulam *propter*, datur intelligi, quòd motivum seu excitativum huius doloris, non debeat esse aliqua creatura, sed ipsemet Deus.

**Dico 2.** *Attritio est dolor de peccatis assumptus propter pœnas inferni, vel propter deformitatem peccati, cum proposito confitendi & satisfaciendi.* Per illas particulas, *propter pœnas inferni &c.* non datur intelligi, quòd finis attritionis sint pœnæ inferni &c. aliàs attritio esset actus vitiosus, poneret enim ultimum finem in creatura sed datur intelligi, quòd pœnæ inferni &c. sint tantum motivum & excitativum huius doloris. finis enim debet esse ipsemet Deus. Et in hoc attritio cum contritione convenit, differt autem in motivo. quòd attritio sit propter pœnas inferni &c. contritio verò propter Deum summè dilectum.

**Dico 3.** Contritio vocatur à Theologis dolor perfectus, attritio, imperfectus. Quia per illam sine Sacramento in re suscepto, iustificatur homo, per hanc verò extra Sacramentum non iustificatur homo. Quia tamen per attritionem intra Sacramentum, idem consequimur quod per contritionem extra Sacramentum, ideo Theologi dicunt, attritum recipiendo Sacramentum Pœnitentiæ, fieri contritum.

**Dico 4.** Sunt & alia motiva supernaturalia, ob quæ detestari possumus peccatum Christianà attritione, præter attracta in secunda conclusione. Quare detestari possumus peccatum propter amissionem gratiæ vel gloriæ. Immo detestari possumus peccatum verà attritione ex motivo pœnarum temporalium, si tamen considerentur ut inflictæ à Deo, De. q; iram ostendunt, & quoddammodo æternum supplicium inchoant. Fernandez 3. p. Q. 6. § 5. tum Suarez, qui tamen loco cit. hæc motiva reducit ad metum pœnarum inferni. Et sic sufficienter motiva attritionis in definitione attritionis adduximus.

**Dico 5.** Ut attritio sit pars huius Sacramenti, non est opus ut existimeretur contritio, sed sufficit cognita attritio, modò sit vera attritio. Fern. l. c. cum alius patet ex Conc. Trid. Sess. 14 C. 4. quòd absolutè asserit attritionem esse suffi-



cientem materiam huius Sacramenti, & dispositionem ad gratiam consequendam. Si verò opus esset ut existimaretur vera contritio, Concilium declararet conditionem tam necessariam. Non etiam necessarium ut hæc præcedat confessionem, sufficit enim quòd præcedat absolutionem, est contra Konich patet ex praxi Confessorum, absoluta confessione ad dolorem excitantium.

Dico 9. Attritio necessaria ad hoc Sacramentum, debet esse supernaturalis. Nam attritio-Sacramentalis est dispositio ad gratiam iustificantem. quæ est entitas supernaturalis, ergo & ipsa attritio debet esse supernaturalis. Et oppositum damnatur ab Innoc. XI. propositione 57.

Dico 7. Attritio, quæ in re non est attritio, sed solum existimatur vincibiliter vel invincibiliter attritio, non sufficit ad hoc Sacramentum. Nam error existimationis, non facit ut res, quæ ex se non est sufficiens, per errorem reddatur sufficiens.

Dico 8. Non requiritur, ut de singulis peccatis distinctos dolores habeamus, sed sufficit de omnibus unico actu dolore, est contra nonnullos ex antiquioribus. Quia nullum datur præceptum præcipiens hanc multiplicationem dolorum. Hæc sententia locum habet, licet peccator habeat graviora & leviora mortalia.

Dico 9. Probabile est, dum quis tenetur conteri extra Sacramentum Pœnitentiæ, v. g. in articulo mortis, vel quando urget necessitas communicandi & deest Confessarius &c. non est necessarium ut contritionem præcedat recordatio omnium peccatorum, sed sufficit generalis & confusa omnium cognitio. Caiet. 3. p. q. 87. a. 1. Nam præceptum examinis conscientie in particulari solum obligat in ordine ad confessionem ut sit integra. Oppositum putat probabilius P. Magister Reynerus Cathedraticus Viennensis in manuscriptis de Pœnit. docet tamen non requiri tam rigorosum examen, sicut requiritur pro confessione Sacramentali. Probat ex illo Isaiæ 38. *recogitabo tibi omnes annos meos in amaritudine anima mea.* Item ex S. Th. 1. 2. q. 111. a. 5. ad 3. ibi. *tempore præcedente iustificationem oportet quod homo singula peccata, quæ commisit detestetur, quorum memoriam habet.* Si tamen tempus non concedat, sufficet recogitatio peccatorum in genere, cum voluntate tamen saltem implicita particularis discussionis data commoditate. Adverte, varias esse utilitates huius discussionis. 1. si aliquid re-stituendum 2. si occasio peccati tollenda, vel remedium adhibendum ad præcavenda peccata. 3. propter satisfactionem condignam pro peccatis. 4. ut certius sit nos omnia peccata detestari.

Dico 10. Si Confessarius advertat pœnitentem in aliquod peccatum valde inclinatum, non ei specialiter inculcet dolorem circa tale peccatum, timendum enim, ne dum specialiter in memoriam revocatur, minuetur illud ex animo detestetur. Sufficit ergo inculcare actum doloris in communi.

Dico 11. Si quis recepta jam absolutione recordatur, omisisse inadvertenter aliquod peccatum, & mox confitetur & absolvitur, non tenetur novum dolorem pone-

rem ponere Item si scrupulosus recepta absolutione petit novam absolutionem, per novam confessionem, non tenetur novum dolorem ponere, sed sufficit præcedens. Similiter si moribundus absolvitur, & deinde respirat parumper & aliud confitetur & absolvitur, sufficit præcedens dolor si fuit universalis, & moraliter perseverans. Ita P. M. Reynerus citatus, dicens hanc sententiam esse communioem & constare ex praxi Confessariorum, qui in prædictis casibus non exigunt novum dolorem. Nec tamen idem putes de absolutione. hæc enim debet multiplicari, ut peccatum indirectè remissum, directè remittatur.

Adverte circa illud, *moraliter perseveras*. nonnullos docere si vespere conscientia examinatur & dolor elicitur cum respectu ad confessionem manè faciendam, non esse necessarium novum dolorem manè ponere.

Dico 12. Nemo tenetur habere dolorem de peccatis jam remissis, quando memoriæ occurrunt, est contra Richardum & alios ex antiquis. nam præceptum doloris de peccatis obligat ut nos reconcilemus Deo. ergo non obligat, quando sumus reconciliati.

Dico 13. Nemo tenetur statim conteri post peccatum. Neq; quando peccatum nondum confessum memoriæ occurrit, neq; diebus festis & Dominicis. Hæc omnia patent ex communi praxi Pœnitentium & Confessariorum. Pœnitentes enim non confitentur, si in prædictis casibus non conterantur, nec Confessarii interrogant an pœnitentes in dictis casibus peccaverint.

Dico 14. Tenemur conteri non solum in periculo & articulo mortis, sed etiam aliquando in vita, nimirum quando diu in mortali persistimus. Nam Deus graviter punit eos, qui differunt pœnitentiam. Vnde Isaïæ 57. dicitur. *omnes in cede corrueritis, propterea quod vocavi & non respondistis.*

Dico 15. Valde rationi congruit, quod docet M. Soto, Ledesma & alii, peccatorem transacto anno post commissum peccatum mortale, ad eliciendam contritionem obligari, ita ut si omittat novum peccatum mortale committat. Et hoc maxime verificatur in casu, in quo currit præceptum annuæ confessionis, & deest Confessarius. Nec huic obstat, quod aliqui non confiteantur eiusmodi peccatum, talem enim obligationem ignorant.

Dico 16. Obligamur sub p. m. ad eliciendam contritionem, in casu pestis universalis, vel belli fortissimi in republica durantis, seu proxime imminentis, sicut & in casu alterius magni mali. Quia sicut tenemur pro tali malo averterendo Deum orare, ita obligamur comparare media necessaria & utilia ut exaudiamur. quale medium est esse in gratia. Credo tamen, sufficere contritionem virtutalem inclusam in actu amoris Dei super omnia.

Dico 17. Docent aliqui non omnes tempore pestis, vel gravis belli teneri ad contritionem, sed illos tantum qui infectis inserviunt, & milites, qui aliquid periculosum aggrediuntur. Quia in his calamitatibus mortis periculum, licet respectu totius communitatis sit vicinum, respectu tamen huius vel illius, potest judicari non vicinum, sed remotum exceptis nonnullis, vel infectis deservientibus,

bus, vel civitatem aggredientibus. Hæc conclusio, aliam obligationem innuit, à præcedenti.

Dico 18. Obligamur ad eliciendam contritionem in casu gravissimæ tentationis, maximè, si homo credat, se illam tentationem superare non posse, nisi per contritionem convertatur in Deum & constituatur in gratia ut exaudiatur.

Dico 19. Præceptum contritionis in omni casu potest suppleri per Sacramentum Pœnitentiæ. Ita communior contra Suarez & Valent. Quia in lege Evangelica præceptum contritionis commutatum est in præceptum Sacramenti Confessionis. Ergo in omnibus casibus in quibus ex se obligat contritio, si ppleri potest per Sacramentum Confessionis. Et hæc post Confessionem in articulo mortis cum attritione factâ, nemo tenetur actum contritionis elicere, ut securus maneat de salute.

Dico 20. Quando exercendus est actus exigens hominem in gratia, si homo in p. m. tenetur elicere contritionem, v. g. quando administranda Sacramenta, vel quando suscipienda Sacramenta vivorum. Sacramentum tamen Eucharistiæ licet possit distribui præmissâ contritione, non tamen suscipi nisi præmissâ confessione. Trid. Sess. 13. C. 7.

Dico 21. Non tenemur deestari effectum bonum subsecutum ex actu peccati. Quare potest adulter complacere de filio suscepto ex adulterio. Et ideo complacemus de Christi D. redemptione subsecuta ex impia iudæorum occisione, non tamen complacemus cum reduplicatione, hoc est, quatenus est subsecuta ex impia occisione.

Dico 22. Iustificatus per contritionem tenetur eadem peccata, de quibus fuit contritus, in Sacramento Pœnitentiæ detegere. Ita definiit Sixtus V. contra Petrum de Osna. Quia actus contritionis includit votum confitendi peccata.

Dico 23. Contritionem comitatur propositum vitandi peccatum super omne vitabile. Et licet sit securius habere tale propositum explicitè, probabile tamen est multis DD. sufficere implicitum. Hoc enim ipso quod aliquis verè doleat, censetur velle vitare peccatum super omne vitabile. Si ex antiquis Theologis oppositum nonnulli docere videntur, explicandi sunt de necessitate secundum quid, & ad melius esse.

Dico 24. Confessarius post auditam Confessionem datamque admonitionem, si necessaria fuit, interroget pœnitentem de firmo proposito. Item andoleat quòd summum bonum offenderit? quod non solum dum rudes audire servandum, sed propter maiorem securitatem, etiam dum audit cultiores læculares, potest enim contingere, informando dolore esse ignaros. Immo idem servandum puto dum audiuntur nonnullæ personæ spirituales, potest enim evenire ex conscientia erronea velle differre post absolutionem, dolorem.

## DISTINCTIO LVII.

### *De necessitate Confessionis.*

Nota:



**N**Ota ex S. Raym. apud Arnallam V. Conf: Confessio est legitima coram Sacerdote peccatorum declaratio.

Dico 1. Non tenetur peccator statim ac peccavit confiteri S Th in supplemento 3 p q 6 a. 5. Nam præcepta affirmativa, quale est hoc, solum obligant in certis casibus, & non semper.

Dico 2. Præceptum confessionis obligat. 1. in articulo & periculo mortis. censetur periculum mortis. ut in suscipiente periculofam navigationem. in femina tenera primò paritura. Item quæ cum difficultate parit &c. 2. obligat quando sumenda est Eucharistia, ut dictum est ex Trid 3. semel in anno. Quod præceptum consuetudine alligatur temporis, videlicet circa Pascha, ait Mosc. 2. p Tyrocinnii Artis Pœnitentiæ. §. de Conf: annuali 4. si tentatio non aliter superanda putetur.

Dico 3. Quo ætatis anno præceptum confessionis annuæ obligat, non potest certa regula statui. cum non æqualiter ad usum rationis perveniamus. unde obligat, cum quis ad annos discretionis pertingit, & habet conscientiam peccati m Fernandez p. 2. C. 8 y. 3. allegans communem. Nonnulli docent, pueros post septennium hoc præcepto obligari, quando rationis usus in eis elucet, non autem antea, etiam si rationis usum habeant. nam hoc est per accidens, ad quod Ecclesia non respicit. Hoc certius pueros in articulo mortis ante septennium constitutos, peccati m. conscios, obligari ad confessionem. Si dubium de usu rationis, & sic & de peccato, absolvantur sub conditione. nam sic eligitur pars tutior. & iniuria Sacramenti cessat per conditionem. Immo id fieri posse, quando pueri confitentur extra articulum mortis, putat Diana.

Quæritur. Ex quibus signis colligitur pervenisse puerum ad usum rationis? R. Cum puer ob malè factum verecundatur & interrogatus an liceat innocentem occidere, aliena invadere, superiori maledicere, & alia huiusmodi, negativè respondet, & interrogatus, an bonum sit esurienti panem porrigere, adire Ecclesias &c. affirmativè respondet. Fern l. c. ex Nau.

Dico 4. Qui non habet nisi venialia. non tenetur præcepto annuæ confessionis. ita comm: talis tamen tenetur se sistere Parocho, ut cum cum reliquis ad communionem admittat, ad quod Parochus tenetur. Hinc collige Clementinam unicam de statu Monachi. ubi præcipitur Religiosis S. Benedicti, ut semel in mense confiteantur. non obligare sub mortali, quando non adiunt mortalia.

Dico 5. Si factâ confessione annuâ recordaris mortalis. inculpabiliter omisisti, potes illud reservare pro confessione anni sequentis, nisi alias velis sumere Eucharistiam. Soto. Medina & comm apud Dela Cruz de Pœnit q. 4. Nam iam implevisti præceptum confessionis annuæ confitendo integrè moraliter omnia peccata, quorû recordaberis post sufficiens examen. ergo non teneris ad amplius.

Dico 6. Non tenemur sub p. m. confessionem annuam prævenire, si adsit periculum obliviscendi multa peccata. Fern l. c. ex sylv Soto & aliis. nam solum tenemur ad confessionem eorum quorum recordamur adhibito prius suffi-

cienti examinet. Idem docet Dela-Cruz l. c. de eo, qui timet, quòd non erit ei Confessarius pro casibus reservatis, quòd non teneatur pravenire confessionem.

Dico 7. Tenemur præceptum annuæ confessionis pravenire, si in fine anni, quando urgebit præceptum, non speratur copia confessarii. Armilla v. Conf. Sacram, & multi alii quia ubi periculum imminet tollenda est mora. Idem, & à fortiori dicendum de eo, qui timet non habere confessarium tempore mortis, tenetur sub p. m. anticipare. Sicut in die festo qui prævīdet se non posse tempore debito Missam audire, tenetur sub m. anticipare.

Dico 8. Qui per annum præceptum confessionis non implevit, tenetur datâ opportunitate confiteri, ut cum multis docet Villalobos. Quia annus assignatur, ut non prætereatur, non verò ut eo præterito cesset obligatio præcepti. Opposita sententia propter auctoritatem D. Antonini & Sylv. est probab. lis. Positâ primâ opinione, secundum Bonac. toties peccatur quoties oblata opportunitate confessio omittitur. Secundum Nugnum, unum tantum peccatum committitur, eò quidem gravius, quò diutius confessio differtur.

Dico 9. Præcepto confessionis annuæ non facit per confessionem voluntariè invalidam, v. g. ex defectu doloris, propositi &c. ita determinavit Alexander VII. damnando propositionem 14tam. Quia Ecclesia præcipit confessionem quam Deus fieri mandat. cum non ponat novum præceptum, sed solum tempus determinet. Deus autem mandat validam confessionem.

Dico 10. Parochus nequit tempore Paschali Eucharistiam negare pœnitenti confesso Sacerdoti Mendicanti approbato. præsertim si confessionis testimonium afferat. Mendicantes enim ad hoc habent facultatem à Sacerdote omnium fidelium propriissimo, ut auctoritate Conciliorum, Summorum Pontificum & 50. Doctorum probat Franciscus Fontanus. Tali tamen pœnitenti mandetur ut in propria Parochia cõmunicet. Idem privilegium innuit Opat. de Pœn. d. 11. q. 3.

Dico 11. Transgressoribus præcepti de facienda confessione annua, nulla est certa imposita pœna, sed solum imponenda. Nam in C. utriusq; &c. solum dicitur ut arceantur ab ingressu Ecclesiæ, & careant Ecclesiasticâ sepulturâ, quæ pœna ut apparet non est imposita, sed primò per iudicem Ecclesiasticum imponenda. In Synodalibus tamen constitutionibus solet apponi pœna excommunicationis, lætæ vel ferendæ sententiæ.

Adverte. Qui faciunt confessionem annuam voluntariè invalidam. incurrunt prædictas pœnas, ut sunt publici usurarii, &c. Suarez & alii, quia re ipsâ non confitentur. Quas tamen pueri post septennium non incurrunt usq; ad annum 14. puellæ verò ad annum 12.

Dico 12. Qui inculpabiliter omisit peccatum m. in confessione, tenetur illud confiteri ante communionem, vel communionem relinquere nisi sic in scanno communicantium. non tamen tenetur conteri. cum peccatum oblitum sit per Sacramentum Pœnitentiæ indirectè remissum. Tenetur inquam confiteri, ut sic directè ab eo absolvatur.

Dico ultimò. Sacerdos confessus Missam incipiens, si recordatur mortalís non tenetur conteri, ut immediatè diximus. Tenetur tamen, si concio intermediat, confiteri. Et uniuersaliter loquendo si ante consecrationem commodè & sine scandalo confiteri potest, obligatur.

## DISTINCTIO LVIII.

## De conditionibus bonæ confessionis.

**S**edecim sunt conditiones bonæ Confessionis, sequentibus versibus contentæ.

Sit simplex, humilis confessio, pura, fidelis.

Atq; frequens, nuda discreta, libens verecunda

Integra, secreta, lachrymabilis, accelerata,

Fortis & accusans, & sit parere parata.

*Simplex.* id est sine admixtione historiarum, & aliorum impertinentium, quæ prudens Confessarius studeat refecare.

*Humilis.* tum quoad actum interiorem recognoscendo se esse peccatorem, tum quoad actum exteriorem, verbis humilibus &c. flexis genibus; quod licet non necessarium, congruum tamen, nisi aliqua causa excuset.

*Pura,* id est bonâ intentione facta, scilicet ut Deum placet Ecclesiæ obediat &c. Quare si quis confiteretur propter infamiam vel ut devotus appareret, & hoc principaliter intenderet, mortaliter peccaret. quia in hoc finem poneret. Si tamen ad confessionem faciendam propter infamiam fugiendam, vel quid simile, moveatur; pro principali verò fine habeat Deum & remissionem peccatorum, dignè hoc Sacramentum recipit.

*Fidelis,* id est vera. Nam si quis confitendo, ex industria utatur talibus verbis, ut peccata non adeò curentur à Confessario, peccat. Quam conditionem magis explicando.

Dico 1. Dicere mendacium in confessione de re, quæ non pertinet ad materiam confessionis, ex se tantum est veniale, gravius quidem, si quod esset dictum extra confessionem. quia irreverentia non est tanta ut sit mortale. Propter eandem rationem negare in confessione veniale, non est plus, quam veniale.

Dico 2. Affirmare in confessione veniale, quod pœnitens non commisit, non dando aliam materiam, est grave sacrilegium, quia forma profertur nulliter, utpote supra nullam cedens materiam. Affirmare verò veniale non commissum, simul cum aliis à se commissis non est mortale. Sylv. Sor. & alii. quia est defectus in materia non necessaria. Item deceptio Confessarii in re levi. & ideo Sacramento non fit gravis irreverentia

Dico 3. Qui negat vel tacet, quod credit vel dubitat mortale, mortaliter peccat. ideo dubia pro dubiis, certa pro certis, sunt dicenda, ita ut nec propter humilitatem liceat sibi imponere mortale, aliàs est grave sacrilegium, secundum communem DD eo quod in materia necessaria iudicium Sacramentale interturbetur, Confessariusq; graviter decipiatur.

*Frequens.*



*Frequens*, De frequentis confessionis non invenitur præceptum, nisi semel in anno. In periculo & articulo mortis Item quando adest mortale & sumenda Eucharistia, vel etiam si sic judicatur vincenda aliqua tentatio.

*Nuda*, hoc est, ut non involuatur verborum obcuritate, sed sic loquatur pœnitens, ut Sacerdos intelligat, quia in confessione latens morbus declarandus.

*Discreta*, id est prudenter facta, ut verbis honestis explicentur peccata & circumstantiæ, & maximè in peccato carnis. Huc etiam pertinet, ut pœnitens sit discretus, eligendo sibi Confessarium bonum, & Confessarius in examinando, præcipuè puellas.

*Libens*, id est voluntaria, non timore pœnæ vel infamiæ facta. Pro qua conditione melius intelligenda.

Dico 1. Si Confessarius omnia interrogaret pœnitentem & pœnitens omnia confiteretur, tamen non fuisset confessus, nisi Confessarius interrogasset, tenetur in fine confessionis confiteri suam fictionem & dicere. Pater, veni cum animo non dicendi peccatum nisi interrogaret.

Dico 2. Confessarius debet interrogare de his, quæ ex se ipso confitens non dicit, ut quando scit, vel probabiliter credit illum non recoluisse peccata vel circumstantias necessariò aperiendas, debet ad memoriam reducere, aliquin indignum scienter absolveret est communis sententia, cum integritas sit de jure Divino. V. Mosc. in Exam. approb. tit. 2. q. 14. 15. 16. 17. 18. 19. 20.

Dico 3. Qui ad interrogata tantum respondet, paratus tamen dicere peccata sua si non interrogaretur, sed rogat interrogari, ut melius confiteatur, satisfait, quia non tenetur nisi vel ore vel signo affirmare vel negare.

Dico 4. Quilibet tenetur confiteri peccatum quamvis Confessario manifestum. cum non sit notum in forma iudicii. S. Th. apud Arm. V. Conf: & iudico, sufficienter sic explicari. Pater, confiteor peccatum quod nosti me fecisse.

Dico 5. Si Confessarius certo sciat aliquem commisisse p. m. de quo non facit sibi conscientiam, & sic tale peccatum non confitetur, nec aliàs confessus, ut certo scit Confessarius, secundum Gofredum. apud Arm. V. Confessio debet ei facere conscientiam, nec eum absolvere, sed reputare indignum. Idem alii docent. Sed negata in Summa Dia. V. Conf: quoad examen, putat in tali casu absolutionem impendendam, quia tenetur sibi persuadere, quod pœnitens excusetur ab illo peccato explicando, ut sæpè contingit. aliàs ritè dispositum non absolvere gravis injuria. Quod si res dubia, & opiniones DD. variæ an sit p. m. quod reticetur. Si Confessarius sit ordinarius, pœnitentem admoneat, tamen in sua opinione persistentem, tenetur secundum Armillam & alios absolvere. Si verò non sit ordinarius, & aliàs tenet firmiter esse mortale, potest quidem absolvere, sed non tenetur, ait Armilla. sed melior aliorum opinio, quod teneatur, cum pœnitens sit dispositus, sequendo enim opinionem probabilem, prudenter operatur.

Dico 6. Si Confessarius audiat aliquem dicentem peccasse cum altero, non  
potest

poterit alterum interrogare de hoc peccato in speciali, sed in generali tantum. v. g. se recolligit, an non recorderetur alicuius adhuc peccati. Arm. loco cit. cum S. Antonino Nisi abesset revelatio sigilli, etiam indirectè.

*Verecundia*, Pudor enim magna pars est pœnitentiæ ex O. 1. de pœnit. dist. 6. *Integra*, quæ conditio quia longiorem exigit discussionem, specialiter tractabitur. *Secreta*, Circa quam conditionem.

Dico 1. Ex vi præcepti confessionis non tenemur confiteri per interpretem si aliter confiteri non possumus etiam in articulo mortis Dela-Cruz de Pœnit. q. 3. & alii Quia confessio nobis præcepta solum est quæ sit secretè.

Dico 2. Ex charitate tenemur in articulo vel periculo mortis per interpretem confiteri. Nam ex charitate tenemur providere nostræ salutis spirituali modo possibili, non suppetit autem alius modus moraliter possibilis, cum contritio difficilis, nec de ea constare possit. Dela Cruz l. c.

Dico 3. Qui non potest confiteri nisi per scriptum, quia vel ipse mutus est, vel Sacerdos surdus, tenetur confiteri, non solum ad satisfaciendum præcepto Divino v. g. in articulo mortis, sed & Ecclesiastico de annua confessione. Fern. p. 2 C 8 §. 3. referens D. Thomam, Sylv. Palud. Gaier & Pet. Soto. Quia hoc præceptum obligat, cum commodè potest impleri, tali autem modo potest commodè impleri, cum adhiberi possit diligentia, quæ scriptum statim rumpatur, ne manifestetur Mutus etiam, qui scribere nescit, tenetur per nutus confiteri ad satisfaciendum Divino & Ecclesiastico præcepto, cum ex hoc modo confitendi nullum sequatur incommodum. Observa in tali casu faciliè dari confessionem non integram materialiter. quare dum mutus auditur, Confessarius se non adeò ex cruciet.

Dico 4. Qui in mortis articulo, ex charitate in se ipsum per interpretem confiteri tenetur, non tenetur omnia peccata confiteri, sed sufficit unum vel alterum, de quo minor verecundia. Nugnus & alii. Quia videtur adesse sufficiens causa exculandi talem ab integritate materiali confessionis. Idem dicendum, quando confessio publicè fieret, ut in naufragio, incendio, tempore bellis, quando plures peste infecti simul maneat, & Confessarius timeret ne moreretur. In his enim & similibus casibus moneat Confessarius ut unum vel alterum peccatum dicant, de quo non tantopere verecundantur. In his casibus licet plures simul absolvere, dicendo, *ego vos absolvo &c.*

*Lachrymabilis*, hoc est cum displicentia omnium peccatorum commissorum, supra omne odibile, & cum proposito vitandi supra omne vitabile. Non tamen requiritur credere se amplius non peccaturum, sed sufficit proponere id conari ope Divinâ.

*Accelerata*, hoc est non dilata, ne subito morte præventus non habeat spatium *Fortis*, id est superans timorem mundanum & verecundiam, ne fortè propter hæc omittat aliquid necessario confitendum.

*Accusans*, id est sibi imputans, non cælo vel alteri, quia voluntas hominis

non potest cogi, licet possit persuaderi. Huc etiam pertinet complicem non esse revelandum. Sed de hoc postea.

*Parere parata.* Pœnitens enim tenetur satisfactionem acceptare. Item in relinquendis peccatorum occasionibus Confessario obedire.

## DISTINCTIO LIX.

### *De integritate Confessionis.*

**N**Ota. Confessionem dupliciter posse esse integram, scilicet materialiter & formaliter. Est integra materialiter, quando aliquis habet v. g. 20. peccata & omnia confitetur. Est integra formaliter quando rationabili examine factò confitetur omnia sibi occurrentia. Sufficit Confessionem esse integram formaliter. Deus enim non plus exigit, quam possumus. Confessio materialiter integra, dicitur integra physicè, formaliter integra, dicitur integra moraliter.

Dico 1. Ad integritatem confessionis necessarium est examen conscientie, quare pœnitens circa peccata mortalia, tenetur tantam inquisitionem præmittere, quantum adhiberet in negotio arduo, seu quanta judicio prudentis viri judicatur sufficiens ad omnia peccata in memoriam revocanda. Hanc inquisitionem sufficit esse mediocrem, & non necessaria, summa, Bonac. ex Nau. & aliis. Qui pluribus involuti negotiis, qui parvæ memoriæ, qui diu non confessi, magis tenentur conscientiam examinare.

Dico 2. Qui confessus est non præmisso examine conscientie, tenetur ad novam confessionem peccatorum, etiamsi negligentiam in confessione aperuerit, & absolutionem ob causam urgentem obrinuerit, quæ causa urgens non censetur, si quis intendat lucrari indulgentias, & sit magnus concursus. ex determinatione Innoc. XI. damnantis propositionem. 59. Nam per hoc, quod suam negligentiam sit confessus, non censendus conscientiam examinasse. Nau. & alij apud Bonac. Quod procedit, si Confessarius non supplevit defectum examinis per diligentem interrogationem. Nam talis defectus suppleri potest per Confessarium, qui sæpius accidit in rudibus, qui nesciunt peccata præmeditari. Scius maius supplementum requiri in illis, qui confessionem diu distulerunt, unde interrogandi, quando confessi. Ut verò aliâ vice paratiores veniant, instruendi, ut saltem per decem præcepta discurrendo se præparent, quodlibet præceptum in particulari considerent, videantq; an aliquid contra tale præceptum commiserint quia autem nesciunt nonnulla peccata contra decalogum saltem reductivè militare, Confessarius suppleat.

Dico 3. Non peccant mortaliter, nec indignè accedunt ad confessionem, homines rudes, qui modica diligentia adhibita accedunt ad Confessarium, animo respondendi ad interrogationes Confessarii Zerola & alij.

Dico 4. Si Confessarius advertat pœnitentem notabiliter defecisse circa examen conscientie, nec potest defectum per interrogationes supplere, debet



eum remittere, & monere, ut debitam præmittat diligentiam, & redeat, integritas enim est de jure Divino. Hoc intellige, nisi addit periculum mortis. In tali enim casu, confessarius eam diligentiam adhibeat, quam pro circumstantia temporis & qualitate personæ judicaverit expedire, eaque adhibita absolutio- nem impendat.

Dico 5. Quando confitemur tantum dubia peccata, tunc adiungendum est aliud peccatum, iam confessum, quamvis veniale. alias Sacramentum conficiendum esset sub conditione, quod non nisi urgente necessitate faciendum. Eodem modo quando aliquis confitetur, & Confessarius vel videt materiam non esse sufficientem, vel dubitat, dicatur peccatum ex præterita confessione, ut Confessarius habeat materiam certam absolutio- nis.

Dico 6. Quando pœnitens pro una parte habet rationem probabilem quod peccaverit mortaliter, & pro alia parte etiam probabilem quod non peccaverit mortaliter, non tenetur confiteri tale peccatum, debet tamen dubium discernere, & uni parti adherere, cum in dubio de peccato, secundum omnium sententiam, non liceat operari. Immo etsi habeat rationem probabiliorem, quod peccaverit mortaliter & minus probabilem, quod non peccaverit mortaliter, non tenetur confiteri tale peccatum. Quia homo in rebus practicis potest sequi opinionem probabilem relicta probabiliori, & tutiori, quando in rebus non ministrante Sacramentorum quando imminet periculum de valore actus, non licet sequi opinionem probabilem relicta tutiori ut determinavi. Inn XI Adverte. Dum pœnitens ex una parte ulicat probabilitate fundamentali se peccasse mortaliter, ex alia verò parte tantum suspicatur seu leviter opinatur, confiteri tenetur.

Dico 7. Sufficit unum vel alterum peccatum confiteri v. g. in infirmitate, si sic casus suadeat. Item, quando assistunt alii, qui abscedere nequeunt, ut in naufragio, ante pugnam &c. Item quando Sacerdos rationabiliter timet contagium infirmitatis, si integram audiatur confessionem, ut tempore pestis. Nota. In primo & ultimo casu dicendum peccatum, quod magis conscientiam pungit. In secundo, quod minus gignit scandalum. Fernandez 3. p. O. 6. §. 6.

Dico 8. Probabile est, quod infirmus, item mutus non valens explicare peccatum m. vel veniale, etiam in genere, sit absolvendus, si declaret in generali se peccasse, & ostendat signa doloris. D. Ant. cum Hostiensi 3 p. tit. 1 C. 2. Nau. in Man. C. 21. Corduba L. 5 q. 9 & alii. Quæ sententia maximè in necessitate sequenda, & absolutio, saltem sub conditione, danda.

Dico 9. Si infirmus petit Confessarium cum signis doloris, & veniente Confessari, privatur usu rationis, nec valet signa doloris ostendere, potest absolvi. Pro hac refertur canon 11. Conc. Araucani apud Labat. in 3. p. tra. 3. disp. 1. dub. 3. & apud Gonet. in Manuali Thomistarum de Pœnit. C. 6. Ritua- le Pauli V. cum praxi Ecclesiæ. Oppositum suadere conatur Dela Cruz q. 3. Pœnit. Dixi,

Dixi, *Veniente Confessario*. Nam Confessarius absens in nullo casu absolvit ut determinavit Clemens VIII. 20. Junij. 1602.

Dico 10. Si testes non in præsentia moribundi testantur de signis doloris, nequit Confessarius absolutionem impendere, aliàs absolveret in absentia confessum, cum moribundus per testes confiteatur. Ita Gonet l. c. cum multis aliis. Oppositum docet Bonac. nec improbable judicat Gonet.

Dico 11. Confessarius invalidè absolvit moribundum, qui non audit, nec loqui potest, sed pugno pectus pulsatur, & oculos in cælum tollit, vel ad imaginem se vertit cum suspirijs. Quia signa doloris adhibenda sunt in ordine ad claves, vocando Sacerdotem. Ita Megala in Summa Dianæ V. Confessionis modus, & rationabiliter. Oppositum docet Chipeavilla, cuius sententia in Summa Dia. vocatur pia, & suadenda, ut talis sub conditione absolvatur.

Dico 12. Non potest dari absolutio, etiam sub conditione, moribundo, qui nec Confessarium vocavit, nec signa doloris dedit. Ita comm. Theol: quia nequit dari absolutio, ubi nulla præcessit accusatio. Oppositum docuit Greg. XV. dum erat Archiepiscopus Bononiensis, & nonnulli recentiores Casuistæ & restantur practicum à Clem. VIII. cum quodam quem cadere vidit è fabrica D. Petri. Procedit autem sermo de moribundo aliàs bonæ vitæ. Hanc sententiam improbabilem, & merito, vocat Gonet l. c. Historiam de Clemente, re bene examinata refert esse fabulosam. Contrariatur etiam Rituali Pauli. V. Vbi inter alia. *Nec absolvat eos, qui talis beneficii sunt incapaces. quales sunt qui nullo dant signa doloris.*

Dico 13. Tempore naufragii, seu alterius magnæ necessitatis, sufficit ut quilibet dicat unum peccatum, & deinde omnes absolvantur, dicendo *ego vos absolvo &c.* Si tanta turbatio esset, ut ne unum quidem peccatum dici posset, dicat Confessarius, qui confiteri volunt, genuflectant & de peccatis doleant, & deinde absolvat. Hæc coincidit cum conclusione octava.

Dico 14. Si Confessarius audit dimidiatas confessiones, quia videlicet timuit, ne dum unius confessionem integre audiret, alter moriatur, teneat, si supervivant & commodè fieri possit, confessionem perficere. Quando enim propter rationabilem causam peccatum in confessione omittitur, est deinde explicandum, secundum bonam Theologiam, quia cum tantum fuerit indirectè remissum, restat ut directè remittatur.

Dico 15. Potest omitti in confessione peccatum si ex illius confessione timeatur rationabiliter grave damnum sive proprium sive alienum, etiam in articulo mortis. Medina in Sum. L. 2. C. 4. & Bannez 2. 2. q. 31. a. 8; Adu. sola diffidentia non est causa rationabilis. Item adverte, si in casu conclusionis potest differri confessio debet differri. id est, si non est necessario celebrandum vel communicandum.

Dico 16. Si non sit aliud remedium exprimendi peccatum, quàm revelando complicem, teneor exprimere peccatum, licet reveletur complex S. Th. in

4. d. 16. q. 3. a. 2. q. 5. ad 5. Quia complex voluntariè se faciendo socium in crimine, voluntariè etiam se subdidit, quantum in ipso est cognitioni iudicis de tali crimine. quia voluntariè se fecit circumstantiam talis delicti. Marfilius, Nau. apud Fern. l. c. d. cent. quod nec possim. eò quod infametur proximus. Sed hæc infamatio non est nisi materialis. Sicut quando aliquis infamatur ob ipsius vilitatem & correctionem.

Dixi, revelando complice. Nam secundum Moscicensem in Exam. approbandorum tit. 4. q. 3. & Fern. l. c. Si non sit socius criminis, non est integrè exprimendum peccatum v. g. frater oppressit sororem, tunc si Confessarius veniret in cognitionem personæ, nec posset differri confessio, non est integrè explicandum peccatum deinde tamen ignoro clariùs dicatur.

Dico 17. Secundum Caiet. Sor. & alios, non tenetur obliuioſus propter integritatem confessionis scribere peccata ne eorum multitudo excidat è memoria. Puto tamen sententiam Bonacinae esse probabiliorē. Quia præceptum Divinum. ut est de integritate confessionis, non ex tam levi causa cessat obligare. evulgationi enim, quæ timetur, per destructionem chartæ potest occurrī.

Dico 18. Faciens confessionem generalem non obligatur ad reperendum peccata antecedenter benè expressa. cum iam in aliis confessionibus sint remissa. Vbi scias ex Bonac. & Sanchez dum quis confitetur generaliter non est necessarium, ut separatim dicat peccata antea confessa, & separatim nondum confessa, sed potest hæc miscere, modò peccata nondum confessa benè exprimat.

## DISTINCTIO LX.

### De Circumstantijs peccatorum ?

QVæ in hac distinctione dicuntur pertinent ad præcedentem, novam tamen ponimus, ut distinctius procedamus.

Nota. Circumstantia peccati nihil aliud est, nisi accidens quoddam actûs humani peccaminosi. Alia est speciem mutans, hoc est alterius speciei malitiam induens v. g. circumstantia adulterij addita fornicationi facit, ut præter peccatum fornicationis distincta specie malitia inveniat in eodém actu libidinis. Alia est intra eandem speciem aggravans peccatum. Alia minuens, alia nec aggravans nec minuens, sed impertinens.

Dico primò. Circumstantiæ mutantes speciem necessariò sunt confitendæ. Trid. Sess. 14. Can. 7. quia tales circumstantiæ constituunt novas species peccatorum. Idem de circumstantijs notabiliter aggravantibus secundum communem. Immo N. Salazar ait, hoc tempore secundum praxim rarus invenitur, qui non asserat confitendas esse circumstantias notabiliter aggravantes. & patet ex Catechismo Concilii Trid. de Pœnit. §. sed quoniam, ubi docetur etiam circumstantias quæ peccati gravitatem valde augent vel minuunt in confessione explicandas esse. Vnde quando S. Thomas docet non esse confitendas circumstantias



aggravantes, solum excludit ab obligatione confitendi. illas circumstantias quæ non notabiliter aggravant, ut circumstantia diei festi, non verò excludit ab obligatione confitendi circumstantias notabiliter aggravantes. Et sic circumstantia notabiliter aggravans furtum est necessario explicanda. Item circumstantia incestus. an cum matre, sorore, vel nepte &c. quàmvis secundum D. Th. 2. 2. q. 154. a. 9. ad 1. hæc circumstantiæ non differant specie. Quòd si sit circumstantia extra secundum gradum, sufficit dicere, commisi incestum extra secundum gradum Dela-Cruz supra sextum præceptum a. 4. cum Led. Circa auctoritatem D. Th. explicatam. V. Man. Gon. de Pæn. C. 5 §. 4.

Quæritur 1. Vnde colligendum, esse circumstantiam speciem mutantem vel aggravantem? R. circumstantia speciem mutans tunc est, quando peccatum secundum se consideratum contrariatur uni virtuti, & secundum aliam rationem sibi adventitiam opponitur alii virtuti, v. g. dum aliquis furatur committit peccatum contrarium iustitiæ, si verò in Ecclesia, contrarium religioni. Circumstantia aggravans tunc est, quando peccato accrescit nova ratio, abiq; eo, quòd peccans distinctam virtutem transgrediatur. v. g. dum aliquis furatur 20 florenos, est circumstantia aggravans. id quòd peccato nova ratio modalis accrescat, scilicet majoritas injustitiæ. Gangericus in annot. in Sum. Caiet V. Conf. Quòd si dictum furtum distinctis actibus præfatam quantitatem attingeret, jam non circumstantia sed numerus peccatorum esset.

Quæritur 2. Vnde colligenda est circumstantia notabiliter aggravans? R. hac in re nequit certa regula assignari. Ideo totum negotium relinquitur prudentis arbitrio, conscientiaq; exulcerationi exultantis se excessisse ordinarium modum peccandi. Fern. p. 3. C. 6 §. 6.

Dico 2. Septem sunt circumstantiæ, sequenti versu comprehensæ.

*Quis, quid, ubi, quibus auxilijs, cur, quomodo, quando.*

In dictione *Quis*, explicatur peccans, complex, & ille in quem peccatur. & hæc circumstantia explicetur v. g. in homicidio, an persona occisa sit Ecclesiastica, an sit parens &c. Item in peccatis luxuriæ, an cum soluta, uxorata, voto constrieta, consanguinea &c. & idem de tactibus. cum hi sint circumstantiæ còtus, & pertineant ad speciem coitus, cuius differentiæ explicandæ. Quæ doctrina subsistit, etiam si prædicti tactus ex intentione tangentis non ordinentur ad coitum sufficit enim quod ex se ordinentur.

In dictione *Quid*, explicatur damnum & scandalum ex peccato secutum, quæ tunc imputantur, quando sunt prævisa & intenta saltem virtualiter, dum scilicet potuisti prævidere, & neglexisti. Et sic qui malo exemplo induxit alium ad peccandum, tenetur hoc in confessione explicare.

In dictione *Ubi*, explicatur circumstantia loci sacri. Nota ex Moscic. 3. p. Element. de circumstantia, *Ubi*. Nomine loci sacri non intelligitur hospitale, neque monasterium, neq; campanile (nisi sit in cœmeterio) immò neque rectum templi, sed solum templum & cœmeterium. Hæc circumstantia explicetur 1. in homici-

homicidio, & effusione sanguinis. 2. In opere completo luxuriæ, quale etiam est pollutio. Non verò in cogitationibus, aspectibus libidinis, turpiloquio. sicut nec in mendaciis, murmurationibus &c. cùm hæc non repugnent specialiter sanctitati loci ut judicant graves Theologi, sed an scœminam in Ecclesia, impudice tangens teneatur circumstantiam loci sacri explicare? R. negat Makovius tr. 6. super Decal. d. 3. q. 6. a. 1. & Homo bonus relatus in Sum. Dia. V. Circumstan. In furto nam furari in loco sacro est sacrilegium. Scias, sacrilegium in materia furci committi, auferendo sacrum de sacro vel non sacrum de sacro, aut sacrum de non sacro. Circa secundum modum docet Mosc. l. c. & Samuel de Lub. V. Sacrilegium, licet sit sacrilegus, qui è loco sacro res etiam laicorum depositas vel locatas. mutuò aut commodato, vel loco pignoris traditas furatur, non autem casu ibidem relictas, sicut & qui spoliat crumenam orantis in Ecclesia, non est sacrilegus. Circa tertium verò docet Lopez, quem sequitur Samuel, non committi sacrilegium. si calix quàmvis consecratus, non tamen pertinens ad Ecclesiam, extra Ecclesiam surripiatur. 4. explicetur circumstantia loci sacri, si extrahatur reus injustè ab Ecclesia &c.

In dictione, *quibus auxiliis*, explicantur instrumenta peccandi. Sed hæc circumstantia ordinariè non multum aggravat, nisi in bello invasivo utaris auxilio infidelium contra fideles, vel hæreticorum contra Catholicos. Mosc. l. c. §. cum quo. Vel si utaris instrumento apto ad majorem injuriam, v. g. si personam dignam, propter majorem contemptum, percutias baculo &c. Dixi, in bello invasivo. nam in bello defensivo, oppositum dicendum.

In dictione *Cur*, explicatur circumstantia finis, & hæc explicetur. si addit novam malitiam, v. g. in furto propter mœchiam. Navarrus tamen censet, quòd non tenemur explicare furtum commissum propter mœchiam, sed sufficit dicere furatum esse, & mœchatum esse.

In dictione *Quomodo*, explicatur circumstantia modi. Quæ dicatur, & cùm mutat speciem, v. g. si abstulisti alienum vi, & cùm notabiliter aggravat, v. g. si aliquem per insidias occidisti. explicandus etiam modus operandi scienter vel ignoranter, si scientia aut ignorantia excusat, vel accusat peccatum.

Ad circumstantiam modi pertinere possunt, quæ annectuntur actui turpi, ut sunt oscula, amplexus, tactus, dicta, quæ tamen non sunt necessariò explicanda, sed sufficit dicere actum principalem. Pariter qui gladium arripit, equum conscendit, inimicum persequitur, tandem occidit, non tenetur nisi homicidium explicare, eò quòd prædicta ad homicidium ordinentur.

Adv. ex Mosc. l. c. §. quories. Si quis tactibus impudicis vacaret. sed non in finem copulæ & postea sequeretur copula, virumq. teneretur explicare. quia sic essent distincta peccata.

In dictione *Quando*, explicatur circumstantia temporis v. g. festi, sed hæc secundum communem sententiam non est necessariò explicanda. Quare, si fornicaris die festo, non teneris circumstantiam festi explicare. Item explicatur circumstan-

circumstantia durationis: Sed sicut intentio actûs ordinariè non confitenda, cùm ordinariè non multùm aggraver, nisi sit extraordinaria, ut cum quis ita intendit alterum occidit, ut si possit, eum dilaniaret, ita duratio actûs non est confitenda, nisi sit notabilis, ut si per tres horas v. g. durasti in actibus, colloquiis, aut cogitationibus turpibus, ait Medina. Oppositum tamen securitate non caret, nisi sit valdè notabilis excessus.

Dices. Circumstantias non sufficienter enumerari à nobis, cùm dentur aliæ, scilicet *quoties & quantum*. R. secundùm Armillam, *quoties*, non est circumstantia, sed pertinet ad substantiam actûs. secundùm Fernandez verò, *quantum* reducitur ad *quid*.

## DISTINCTIO LXI.

### De numero Peccatorum.

**Dico 1.** Numerus peccatorum in confessione explicandus. Ita determinatur à Trid. Sess. 14. can. 7. nec sufficit dicere, aliquoties Arm & alii. Quòd si non possit haberi, exprimat pœnitens numerum verosimilem, addendo *plûs vel minûs*. quibus verbis satisficit pro aliquibus peccatis quæ ultra numerum confessionis postea veniunt in mentem. *plûs minûs* extenduntur pro numeri, cui adjunguntur, multitudine, quod arbitrio prudentis relinquitur. Navarrus docuit in numero centum peccatorum *plûs* vel *minûs* extendi ad decem. & Mosc docet in numero denario extendi ad duo.

**Dico 2.** Si dicens vigesies peccavi v. g. peccato furti, inveniat postea decies tantùm peccatum à se commissum, secundùm Bonac: non tenetur numerum retractare dicendo, se tantùm decies peccasse. Nam & id pœnitens bona fide fecerat, & confessio integra. cùm in numero majori contineatur minor. Quòd verò Confessarius sit deceptus, id cedit in præjudicium pœnitentis, qui propterea, majorem quàm meruit, pœnitentiam reportavit.

**Dico 3.** Meretrix in prostibulo inveterata non tenetur numerum peccatorum exprimere, sed sufficit exprimere tempus, per quod in malo perseveravit. Canus & alii. Adverte quòd teneatur species peccatorum exprimere quantum fieri potest, si nimirum rem habuit cum Clericis, Religiosis, conjugatis, propinquis, si Sodomiam peccavit &c. in quibus, urpote rarioribus, censo numerum dicendum. Qui etiam in alio malo inveteratus, sufficit ei tempus malè insumptum aperire. Item qui hæresi v. g. decem annis detinetur, legens libros veritatis, sapius blasphemans satisfacit manifestando hæresim, ait Mosc. nam cætera faciliè intelligere potest Confessarius ex tali statu si tamen faciliè intelligit. Sciant Confessarii dum audiunt meretrices in malo inveteratas, & similes, interrogent circa confessionem & communionem annuam, item, si cum vero proposito deferendi talem statum, confessæ &c.

**Dico 4.** Qui in confessionibus insufficienter exposuerunt numerum, iis dicendum,



Sciendum, ut modò dicant numerum, quem putant. Deinde monendi ut in sequenti confessione numerum declarent. quia cùm integritas sit de jure Divino, debet servari, quantum possibile. Caveat tamen Confessarius ne pœnites per-  
turbet circa numerum in prætëritis confessionibus omissum, sed supponat Confessarium suo officio bene functum.

Dico 5. Qui continuato sermone pluries injuriavit, &c. Satisfacit dicendo falsò, juravi &c. nec tenetur numerum explicare, nam illa repetitio si fiat vno actu absq; interruptione, non est nisi unum peccatum Summa Dia: cum Zinardo. Qui etiam die jejunii pluries notabiliter comedit, vnum peccatum committit. Qui verò pluries carnes comedit secundum communem sententiam plura peccata committit, quæ doctrina, ad jejunium ex voto, applicanda, sciat, qui fregit jejunium non tenetur amplius ad jejunandum, qui verò fregit abstinenciam à carnibus, vel à lacti-  
cinijs, prout diebus veneris & aliis diebus practicatur in Regno Poloniae, tene-  
tur adhuc ad abstinendum.

Dico 6. Posito, quod distribuens Eucharistiam in mortali, peccet mortali-  
ter, (cujus tamen contrarium aliqui docent) si quis continuato actu multos communicat, unum peccatum committit. quia est unus moraliter actus, & unum convivium spirituale, unde sufficit dicere, ministravi semel Eucharistiam in mortali. Qui etiam in mortali existens excipit multorum sine notabili inter-  
ruptione confessiones, unum tantum committit peccatum, secundum Rodriquez & alios quia omnes confessiones audiuntur per unum actum moraliter.

Dico 7. Si intra aliquod tempus, quàmvis notabile, renovasti pluries cogitationes occidendi inimicum, non teneris explicare singulas renovatio-  
nes, cum illæ censeantur unum in genere moris. Molc. l. c. § quoties. Dela Cruz de Pœ-  
nit. q. 5. teneris tamen explicare tempus si sit valde notabile. Quòd si per actum contrarium tales cogitationes interrupisti, numerum explica.

Dixi, occidendi &c. nam si tales non ordinantur ad opus, erunt distincta peccata, & sic distinctè confitenda. ut si delectaris in cogitatione sitiendo in ea, vel profers verba turpia sitiendo in illis Dela Cruz. l. c.

N. tet Confessarius Dum pœnitens confitetur homicidium non casuale vel furtum laboriosè commissum &c. interrogandus de mora intentionis, potest enim de facili evenire, quòd diu hoc intenderit, modos & occasiones quaerit. hæc autem notabilis mora, non est in confessione omittenda. Sicut & numerus dicendus si intentio per actus contrarios interrupta.

Dico 8. Retinens rem alienam per annum vel plùs, vnum tantum peccatum committit secundum Aragonium, etiam si pluries occasio oblata fuerit, vel pluries propositum de non restituendo renovatum. Si tamen tæpiùs propositum mutaret & tamen datà opportunitate non restitueret, semper novum peccatum committeret, quod & teneretur in confessione aperire.

Sciendum. Quàmvis quò longior detentio, eò gravius peccatum, tamen in  
C c sententia

sententia docente circumstantias notabiliter aggravantes non esse necessario confitendas, non est obligatio explicandi moram voluntarie detentionis. Qui etiam per actus contrarios interrupt voluntatem pravam non restituendi, & potest explicare numerum non tenetur explicare moram.

Dico 9. Ratione plurium objectorum plures malitiae in eodem actu reperiuntur, unde & in confessione necessario explicandae. Et sic, si quis uno voluntatis actu statuit non jeunare totam quadragesimam, tot peccata committit, quot sunt ieiunia quadragesimae. Idem dic de statuente omittere officium Divinum per totum annum, aut volente occidere multos, aut cubare cum multis mulieribus. Item maledicens uno sermone Deum, B. Virginem M. & B. Petrum, tria peccata committit, laedens uno verbo plurium famam, tot peccata habet, sicut qui uno ictu multos occidit, multa homicidia, facit. docet tamen Mose. l. c. qui maledicit Patri & simul toti familiae duo tantum peccata committit, quia familia in iure pro una persona reputatur: idem tenet Facundez Rurhus, qui sibi complacet de triplici actu nefando à se commissio, Qui in pollutione recogitat tres feminas. Qui uno verbo. ad peccandum tres inducit, &c. tria peccata committit. Coniugatus etiam rem habens cum coniugata committit duplex adulterium & Religiosus rem habens cum Moniali duplex sacrilegium.

Dico 10. Omittens sacrum die Dominico, in quo incidit aliud festum de precepto. Item, omittens jeunare in vigilia incidente in quadragesima, unum peccatum committit, quia haec precepta respiciunt eandem virtutem. Preceptum de celebrando die Dominico & alio festo, respicit virtutem religionis. Preceptum de servanda vigilia & quadragesima respicit virtutem temperantiae. Nec obstat adesse plura precepta, ex pluralitate enim preceptorum non sumitur distinctio peccatorum ut docetur l. 2. sed ex distinctione objectorum adaequatorum. Bonac. de Integ. Conf. cum Nugno & aliis. His bene consideratis non contradicitur praeteritae conclusioni, & sunt DD qui utramque sine vitio contradictionis, tenent. Si tamen ex voto obligaretur ad audiendum sacrum die Dominico, vel ad jeunandum in quadragesima, & omitteret, duo peccata committeret quia contra duas virtutes faceret. Qui etiam furaretur rem sacram de loco sacro, unum sacrilegium committeret, nec teneretur utramque circumstantiam dicere, sed hanc vel illam. Facundez in Sum. Dian. & eadem ratio ac primae partem. Item, qui de aliqua re pluries jurat, & postea non servat, unum peccatum est, & satisficit dicendo, violavi iuramentum. Henriquez ibid.

Dico 11. Obligatus ad Officium Divinum ratione beneficii & Ordinis sacri, & omittens, tenetur in confessione explicare hunc duplicem titulum obligationis. Bonac. & alii. Quia contra diversas virtutes facit ratione Ordinis contra virtutem religionis, ratione beneficii. contra virtutem iustitiae.

Dico 12. Qui confessionem annuam facit invalidam reticendo p. m. peccat contra preceptum divinum praecipiens integritatem confessionis, & contra preceptum Ecclesiasticum, non enim satisficit, ut determinavit Alexander VIII. sed

sed an duo peccata committat controversum. Quicquid tamen fit tenetur v-  
tramq; circumstantiam explicare, docendo feci confessionem annuam inualidâ.

Sciat Confessarius, Dum pœnitens confitetur furtum 100. v. g. flor. norum,  
interroget, an uno, an distinctis actibus, nam si distinctis actibus, tot mortalia,  
si in notabili quantitate.

## Q V Æ S I T V M.

*Vnde colligenda distinctio numerica peccatorum?*

R Espondetur, colligendam esse vel ex interruptione per notabile tempus, quod  
autem sit notabile tempus, relinquatur iudicio prudentis, vel ex interruptio-  
ne per mutationem animi, vel ex consummatione totali actûs. Sunt enim in  
actibus humanis nonnulli, qui habet certū terminū, in quo cōlummātur, una v. g.  
copula maris & fœminæ, unum homicidium. hæc autem consummatio actûs ita  
distinguit peccatum, ut licet immediatè post aliud sequatur, plura sint peccata.  
Et sic, qui per noctē cum amasia dormivit, tenetur numerum copulā explicare.

## DISTINCTIO LXII.

*In quo casu repetenda, vel non repetenda confessio?*

DICO 1. Confessio est repetenda, quando est nulla. Est autem nulla, quando  
defuit dolor necessarius vel propolium, vel non fuit integra, vel absolvens  
non intendit absolvere, vel non protulit formam, vel defuit jurisdictio ad ab-  
solvendum, vel non habuit usum jurisditionis, eò quòd fuerit excommunicatus  
vel suspensus denuntiat, vel notorius Clerici percussor, excommunicatus enim  
toleratus validè absolvit, sicut & suspensus. An verò interdictus & irregularis,  
denuntiati, validè absolvant? controvertunt DD. tu sequere securius.

DICO 2. Non est invalida confessio; & sic non repetenda, facta Sacerdoti  
habenti jurisditionem, ita tamen indocto, ut nesciat judicare inter mortale &  
veniale, inter reservatum & non reservatum Henric. & alii in Summa Dia. Si  
tamen pœnitens elegit talem Confessarium, invalida erit confessio, ex indisposi-  
tione pœnitentis. Nisi pœnitens doctus ignorantiam Confessarii tollat.

DICO 3. Si confessio est repetenda, & fit alteri confessario, distinctè omnia  
repetenda. Si fiat coram eodem, & hic recordatur statûs pœnitentis, sufficit di-  
cere, accuso me peccatorum quæ tibi confessus sum. Si verò Confessarius nec  
distinctè nec confusè habet notitiam statûs pœnitentis, repetantur distinctè pec-  
cata, aliàs non, si Confessarius confusè recordatur statûs pœnitentis, vel saltē  
pœnitentiæ imposita, si congruam imponere consuevit. Armil. ex D. Bonau.  
& Palud.

DICO 4. Nesciens se esse excommunicatum, & non præmissâ ullo modo  
absolutione ab excommunicatione, absolutus à peccatis, verè absolvitur, & sic  
non tenetur iterare confessionem, sed quærere ab excommunicatione absolu-  
tionem



tionem. Caiet. apud Armil. V. Confi: Pari modo. dum scitur excommunicatio, & rogatur Confessarius, interea non absolvit, sed tantum à peccatis, valida est absolutio à peccatis, sed Confessarius graviter peccat si cum advertentia faciat. Ex quo intellige præmittendam absolutionem ab excommunicatione.

Dico 5. Sive culpabiliter, sive inculpabiliter obliv. scatur pœnitens satisfactionis, non tenetur repetere confessionem Arm. cum Caiet. vocat tamen oppositum, securius. Quia per confessionem culpa fuit remissa absq; ulla dependentia à satisfactione in plenda. Satisfactio autem potest impleri aliis pœnis à Confessario imponendis. Suaderi etiam potest susceptio alicuius indulgentiæ.

Dico 6. Habens casus reservatos, & vadens ad eum qui habet licentiam absolvendi à reservatis, & absolvitur, & post modum recordatur de quibusdam aliis reservatis, non est necessarium confiteri coram habente à reservatis, cum reservatio oblatorum casuum sit sublata per verba generalia, quæ in absolutione adhibentur. Limitat Arm. V, Confi: Bonac. de Pœnit. q. 7. pun. 6 & alii. Si Confessarius ita universaliter intendit, sed Mosc. in Ex. m. apprch. tit. 13 q. 6. absolute docet. ratio enim eius. quia si in reservatio tollitur ac homo à peccatis valide absolvitur. Intellige, ab habente potestatem. Alii etiam apud Bonac. l. c. absolute docent & probabiliter. Nam & pœnitens d. petit interpretativè, & Confessarius censetur velle quantum potest absolvere. Hoc certum est; qui virtute Iubilæi vel similis gratiæ absolvitur, reservatio oblatorum tollitur.

Docet Mosc. p. 4. elementorum ad sac. conf. Si quis tempore Iubilæi habens peccata m. tam reservata, quam non reservata, in confessione manifestaret tantum reservata, non reservata verò celaret, ac proinde invalide absolveretur, is si postea rediret ad cor, posset à quolibet confessore absolvi à reservatis iam confessis. Nam peccatum reservatum, semel cognitum ab Ecclesia cessat esse reservatum. Ita etiam Henric. item Ochagavia.

Dico 7. Dum Confessarius non habens facultatem à reservatis absolvit, valide absolvit modò pœnitens præter reservata, alia confiteatur, & bonâ fide procedat. consequenter non tenetur iterare omnia, sed ea tantum, à quibus non potuit absolvi. Idem iudico, dum non expositus, confitentem mortalia & venialia absolvit, & sic raro defectu expositionis Sacramentum Pœnitentiæ est nullum, si pœnitens bonâ fide procedat. hic tamen tenetur, re apertâ, coram exposito mortalia confiteri.

Dico 8. Reconferri peccata toties per confessiones generales, quandoq; est bonum, ut eò facilius pœna peccatis debita dimittatur. quandoq; malum, quando propter hoc conscientia redduntur inquietæ. Ideo talibus consulendum, dum semel, vel bis confessionem generalem fecerunt, non amplius iterent.

Dico 9. Licet pœnitens omiserit in confessione peccatum m. ex oblivione vincibili, & sic mortaliter peccaverit, confessio tamen fuit valida, nec reperenda. De la C. de Pœnit. q. 3. dicens esse communem. Evenit autem hoc, dum pœnitens non adhibet sufficientem diligentiam in examinanda conscientia. Vnde sufficit

in sequen-

in sequenti confessione hanc negligentiam aperire. Hæc negligentia non sit crassa, aliàs confessio esset nulla, & repetenda. Adverte, licet in tali casu, confessio esset valida, informis tamen, quia sine fructu. Sicut, dum recipitur baptis- mus cum affectu ad p. m. valet quidem; nec repetendus, caret tamen fructu, id est non confertur gratia.

Datur etiam sacramentum pœnitentiæ informe, quando dolor est inefficax, non includens voluntatem absoluram vitandi peccatum, sed tantum velleitatem, quæ excludit quidem omnem expressum affectum peccandi, non tamen implicatum. Dela Cruz l. c. cum communi; ut ait.

## DISTINCTIO LXII.

## De Satisfactione.

**N**Ota. Sermonem procedere de satisfactione pœnæ, quæ remanet ablata cul- pa. Est autem satisfactio Sacramentalis, passio voluntaria pœnæ pro peccato, à Confessario imposita ad placandum Deum; cum proposito cum amplius non offendendis.

Dico 1. Confessarius tenetur satisfactionem imponere proportionatam cul- pis juxta prudens arbitrium. Conc. Trid. Sess. 14. Cap. 8. *Debent ergo Sacerdo- tes Domini, quantum spiritus & prudentia suggesserit, pro qualitate criminum & pœ- nitentium facultate salutaris & convenientis satisfactiones injungere, ne si forte pec- catis conviveant & indulgentius cum pœnitentibus agant; levissima quedam opera pro gravissimis delictis injungendo, alienorum peccatorum participes efficiantur.*

Dixi juxta prudens arbitrium. Nam magis attendi debet, præterit pœnitenti- tis dispositio, quam culpæ præteritæ gravitas. Confessarius etiam magis ad le- nitatem propendat. V. Conc. ultimum.

Dico 2. Licitum est Confessario aliquando, non imponere; aut saltem mi- norem imponere pœnitentiam. 1. Cum Pœnitens est in extremæ vitæ periodo, in qua iam nihil potest pati quia frustra jubetur, quod impleri nequit. 2. cum Confessario constat à pœnitente assumptam pœnitentiam sufficientem. 3. cum pœnitens accedit nimis contritus. Contritio enim grandis multum de pœna de- bita tollit; & in hoc casu judico minorem imponendam. 4. Quando pœnitens est ita imperfectus, ut timeatur eum non accepturum graviolem pœnitentiam, imponatur minor: melius enim est homines ponere in purgatorio quam in inferno. addi possunt tali opera aliàs debita. v. g. auditio Missæ die festo &c. eti- am satisfactio per alium implenda.

Dico 3. Satisfactio imponenda ante absolutionem. Quia est pars materialis, ergo rectus ordo postulat ut antecedar formam. Armilla docet parum referre quod ante vel post imponatur: addit tamen, melius esse, si ante. Cave ne infer- ras, idem sentiendum de contritione extra controversiam enim, quod antecede- re debeat formam absolutionis,

Dico 4. Probabile est satisfactionem Sacramentalem posse esse opus internum. v. g. ut ægrotus mente proferat Nomen Ies u. Si enim contritio, quæ est magis necessaria, est actus internus, cur non satisfactio? An verò opus animabus purgatorii applicandum possit in satisfactionem imponi? aliqui affirmant, aliqui negant, & securius.

Dico 5. Opera externa quæ imponi possunt in satisfactionem, sunt, jeiunium, oratio & eleemosyna. Ieiunium comprehendit omnia opera pœnalia carni, quales sunt mortificationes. Oratio comprehendit omnia opera spiritualia, ut celebrationes Missarum, earundem auditiones, peregrinationes, & his similia. Eleemosyna comprehendit omnia opera misericordiz.

Dico 6. Tenetur pœnitens acceptare pœnitentiam à Confessario impositam, si sit iusta, nec adest causa eam non acceptandi. Quia ut dictum ex Triet. Confessarius tenetur eam imponere, ergo pœnitens tenetur eam acceptare. aliàs frustra esset obligatio imponendi, si daretur libertas non acceptandi. Ex quo patet pœnitentem teneri acceptam pœnitentiam implere. Sic enim frustranea esset obligatio eam acceptandi. Et licet elapsetur tempus præfixum, adhuc pœnitens tenetur pœnitentiam implere. Cum non fuerit præfixum ad terminandam, sed sollicitandam obligationem. Si pœnitentia pro venialibus, vel mortalibus aliàs coïssis imposita sit, illam totam omittere, licet gravem, probabile est, tantum veniale esse. Quia durum videtur, obligationem satisfaciendi pro re levi, esse gravem, per se loquendo. omittere etiam levem pro mortalibus primò coïssis impositam, non est mortale secundum communem.

Dico 7. Dum pœnitens non vult acceptare pœnitentiam, Confessarius eam moderetur, vel in aliud opus satisfactorium commutet. Quam si omnino noluerit, Confessarius eum non absolvat, tanquam indispositum. cum ut diximus tenetur eam acceptare, docet tamen Samuel de Lub. V. Satisfactio. cum Arm. talem absolvendum licet nec animam acceptæ sed offerat in purgatorio satisfactionem.

Dico 8. Pœnitens non valens implere acceptatam pœnitentiam, non tenetur aliud opus satisfactorium substituere. Sicut qui non valet die ieiunii jeiunare, non tenetur v. g. eleemosynam substituere.

Dico 9. Implens pœnitentiam in mortali, satisfacit præcepto Confessarii, nec tenetur eam repetere Arm. V. satisfactio. Mosc. in Exam app. tit. 5 q. 2. Quia præceptum traditur de substantia non de modo operis faciendi. Pœnitentia sic impleta sortitur effectum remoto obice. Fernandez de satisf. ex Caiet. Petro Soro, & Vist. Quia Sacramentum sortitur effectum remoto obice. ergo & pars Sacramenti. Excusat etiam sic satisfaciens a p. m. Dela Cruz de Sac. Pœnit. q. 4. & rationabiliter. idem tenet Filliucius in præsent.

Dico 10. Si certò constet Confessarium errasse, potest alius pœnitentiam mutare seu moderari. Immo & vir doctus idem potest et si non sit Confessarius, ait Ledelma, intellige moderari. extra confessionem enim nequit pœnitentia commutari, cum commutatio sit actus jurisdictionis clavium in foro Sacramentali & sic pro-



sic propriâ autoritate. etiam in evidenter melius, quæcunq; illa, nequit commu-  
tari. Potest etiam Confessarius ex iusta causa commutare vel moderari pœniten-  
tiam rationabilem ab alio impositam Sylv. V. Conf: si qui commutat vel mode-  
ratur, habeat potestatem in peccata id petentis, nec sint sibi reservata. Mosc. l. c.  
q. 5 & comm. Nota, ut Confessarius alius à primo commutet vel moderetur pœ-  
nitentiam, non est necessarium reconferri peccata Fern. l. c. cum Viêt & Nau.

Dico II. Confessarius cavere debet ne sit nimium facilis in pœnitentia im-  
ponenda pro peccatis mortalibus v. g. psalmum de profundis omittendi officii-  
um divinum. unde secundum D. Th. quodl. 3. a. 29 omittendi officium divi-  
num dentur pro pœnitentia 7. psalmi pœnit. vel plûs secundum qualitatem offi-  
cii divini. facilitas enim veniæ, delinquendi præbet occasionem, ut autem à con-  
fessarius auferatur scrupulus. suadeant pœnitentibus pœnitentiam à se impositam  
esse parvam, dum talem ob aliquam causam imponunt. Quæ taxatâ imponant  
pœnitenti, ut quicquid boni fecerit, & mali sustinuerit, in satisfactionem offerat.  
Nam sic in satisfactionem injecta opera aliâ libera, sunt pars Sacramenti Pœ-  
nitentiæ, & sunt satisfactoria ex opere operato.

Attamen licet Confessarius non imponat expressè pœnitenti, quicquid bo-  
ni fecerit &c. in satisfactionem offeret, per generalem applicationem, *quicquid  
boni feceris &c.* bona opera in gratia facta, præter alia expressè imposita, virtute  
clavium Ecclesiæ redduntur Sacramentaliter satisfactoria. S. Th. l. c. a. 8. Et  
propterea Nau. & Regin. apud Bonac. de Satisf: observant. usu receptum esse, ut  
modicæ pœnitentiæ imponantur. quia id in quo deficiunt pœnitentiæ impositæ,  
suppleri potest per bona opera quæ communiter, & ut plurimum ab hominibus  
præstantur. Quam diu sine mortali possit differri satisfactio, pauci, ut videre po-  
tui determinant. tenet tamen Summa Dia. V. implere pœnitentiam, cum Fernan-  
dez in instructorio Conf: p. 1. docum. 7. §. 2. Si Confessarius tempus non præ-  
scribit differri posse sine mortali per annum.

## Q V Æ S I T V M.

*Homicide voluntario quam pœnitentiam censes imponendam?*

R Espondet Comitulus. Ad interfecti propinquos supplex accedens veniam po-  
stulet, illisque illata damna restituat. pro salute occisi singulis hebdomadis  
unum saltem sacrificium per annum fieri curet, si possit. & per idem tempus  
eleëmofynam largiatur, & litanias quotidie flexis genibus recitet, & unam salte-  
n orationem Dominicam & salutarionem Angelicam flexis & nudis genibus per  
totam vitam pronunciet, ac per annum octavo quoque die confiteatur, & singulis  
mensibus communicet.

## DISTINCTIO LXIV.

## De absolutione.

**N**Ota. Absolutio à censuris præmittatur absolutioni à peccatis. si non consistit, præmittatur ad cautelam. *Si teneris aliquo vinculo excommunicationis &c.* Scias etiam, quod suspensio non afficiat nisi Cleric. s. Quare si absolutio fertur in non Clericum, dicatur. *Si teneris aliquo vinculo excommunicationis & interdicti &c.* omittendo particulam. *suspensionis.*

Dico 1. Absolutio à peccatis est hæc. *ego te absolvo à peccatis tuis, in nomine Patris, & Filij, & Spiritus S.* quæ sola detur tempore concursus, omittendo antecedentia & sequentia. Vel etiam dum post absolutionem recordatur alicuius peccati. Supposito, quod poenitens non sit excommunicatus &c. aliàs deberet præmitti absolutio à censura. & supposito, quod poenitentia proportionata imponatur. aliàs dicenda essent sequentia. scilicet. *Passio D. N. IESU Christi, &c.*

Dico 2. In reconciliationibus seu brevibus confessionibus, ut illorum qui sæpe consentitur & breviter se expediunt, sufficit dicere. *Auctoritate D. N. Iesu Christi, ego absolvo te à peccatis tuis, in nomine Patris &c.* vel etiam *si teneris aliquo vinculo excomm. sub & interd. à quo possum te absolvere, ego absolvo te ab omnibus peccatis tuis, in nomine Patris, & Filij, & Spiritus S. amen.* Molcic. in Exam. ap. prob. tit. 6. q. 12.

Dico 3. De essentia absolutionis à peccatis est, ut proferatur voce humana & non sufficit scripto vel signo. Pater ex usu Ecclesiæ non concedentis sacerdoti facto muto absolvere etiam in necessitate. Item, de essentia huius formæ est, ut proferatur per modum indicativum, v. g. *absolvo te*, vel imperativum *absolvaris à me*, & non per modum deprecativum, *absolvat te Deus*. Quia hoc Sacramentum est per modum iudicii, in iudicio autem fertur sententia indicativè vel imperativè, & non deprecativè.

Dico 4. Non variatur formaliter absolutio dicendo, *condono remitto Sacramentum absolutionis impendo*. Hæc *absolvo*. Item dicendo *remittuntur à me peccata tua. absolvaris à me absolvo te non mea, sed Christi potestate*. Omittendo autem absolute particulam *te*, hoc est non includendo in aliquo termino, ut includitur in *ly tuis*, non valet Sacramentum.

Dico 5. Præmissa p. ccatorum accusatione, in his tantum consistit essentialiter absolutio à peccatis, scilicet *absolvo te*. ita comm. *ly enim à peccatis tuis* non est de essentia. Nam non est necesse à iudice narrari crimen, sed supposita notitia criminis sufficit proferre sententiam. Invocatio etiam Ss. Trinitatis non est de essentia huius formæ, ut est communis contra Durandum. Nec paritatem sumas à baptismo. Baptismus enim est janua per quam ingredimur Ecclesiam, & ideo in susceptione baptismi, primarii objecti fidei exprimendi professio. Immo omittere dictam invocationem non est p. m. apud Dela Cruz, & Valent.

Dico 6. *Absolvo te*, potest simul & semel extendi ad absolvendum à peccatis & censuris. Et sic urgente casu in articulo mortis sufficit dicere. *Ego te absolvo ab omnibus censuris & peccatis, in nomine &c.* Molcic. l. c. q. 12. ex Rituali Pauli V.

Dico 7. Verus sensus, horum verborum. *ego absolvo te à peccatis tuis* hic est *ego tibi confero gratiam. quantum est ex se, remissivam peccatorum.* Hæc enim forma sic intellecta verificatur, non solum quando pœnitens cum sola attritione, & in p. m. ad sacramentum Pœnitentiæ accedit, sed etiam quando contritus & justificatus illud suscipit, vel quando de peccatis alias validè confessis & remissis absolvitur. nam in his casibus recipit gratiam, quantum est de se, remissivam peccati, licet actu peccatum non remittat. Gonet in Manuali de Sacr. Pœn. C. 6.

Dico 8. In sacramento Pœnitentiæ nulla cæremonia est ex præcepto adhibenda, sed ex congruitate. Extensio manûs, ministri potestatem denotans, potest liberè omitti, sed servetur loci consuetudo. Verba, formam essentialem antecedentia, & subsequencia (maximè si congrua satisfactio imponatur) non est mortale omittere. Signum Crucis, congruentius quàm dicta adhibetur. cum omnia Sacramenta hoc salutari signo administrari soleant. Ex parte pœnitentis nulla cæremonia est necessario servanda. congruum tamen ut flectat. caput discooperiat &c. Citius dialogo ultimo de Pœnit. quoad omnes partes.

Dico 9. Absolutio data sub conditione de futuro v. g. *absolvo te, si restitues,* secundum communem Theologorum. non valet. quia non est in potestate ministri suspendere effectum Sacramenti, Absolutio tamen de præterito v. g. *Absolvo te si habes intentionem restituendi.* Item absolutio de præterito v. g. *absolvo te si restitisti, valet.* Sed sine urgenti causa non adhibenda. Dum Confessarius absolvit sub conditione, sufficit mente exprimere conditionem.

Dico 10. Confessarius inferior auctoritate confessione integrâ, potest pœnitentem à non reservatis absolvere, & pro absolutione à reservatis ad superiorem remittere. S. Th. apud Mosc. l. c. q. 6. Sed mens S. Doctoris non est, hoc posse regulariter & universaliter praticari Mosc. l. c. Regulariter enim Confessarius debet subsistere & facultatem a superiori querere, vel remittendus pœnitens ad habentem à reservatis, qui integrè auditis absolvere. In casu tamen quando non patet auditus ad superiorem, & ex altera parte rationabilis causa confessionem exigit, tunc confessarius inferior auditus omnibus peccatis (secundum alios sufficit non reservata aperire) poterit pœnitentem directè absolvere à non reservatis, & ex consequenti à aliis sub onere confitendi reservata habenti à reservatis; cui sufficit aperire reservata.

Dico 11. Habens auctoritatem absolvendî à p. m. potest absolvere à censuris juris non reservatis, S. Th. apud Mosc. l. c. q. 11. Quod si habeat facultatem absolvendî à casibus reservatis, poterit absolvere etiam ab illis censuris, quæ sunt annexæ talibus peccatis.

Dico 12. Confessarius qui non habens facultatem à reservatis absolvit, tenetur facultatem petere à superiore, & si scandalum absit, admonere pœnitentem ad reconfitendum reservata, sed priùs licentiam ab eodem petat, loquendi de dictis in confessione vel si iterum veniat ad confitendum, dicere an doleat de præteritis, A fortiori monendus pœnitens, si forma absolutionis omissa. Dixi si



*scandalum absit*, hoc enim si timeatur, omittatur monitio, cum reservata sint indirectè dimissa. Quam poenam incurrat absolvens à reservatis, dicam de Censuris, agendo de absolutione ab excommunicatione.

Dico 13. Habens facultatem absolvendi v. g. ab hæresi in foro conscientiarum, potest à solâ excommunicatione absolvere. Henricus & Miranda apud Lez. t. 1. q. 99. Reg. C. 18. quod & ipse probabile iudicat. Secus si in confessione diceretur *in foro penitentiarum, auditis peccatis &c.* Lezana l. c. & comm. nonnulli tamen apud Bonac. de Cens. d. 1. q. 3. punc. 6. docent, etiam in tali casu posse impendi absolutionem extra confessionem.

Dico 14. Quando in Iubileo datur facultas super casus Bullæ Cœnæ, hæretici non denunciati, item relapsi, qui coram iudice hæreses non abjuraverunt absolvi possunt, ubi non viger inquisitio. Non possunt autem hæretici denunciari, relapsi, qui abjuraverunt probationem fufam huius vide apud Mosc. in appendice ad Tyroc.

Dico 15. Casus Papæ reservatus, stante impedimento ad eundem Papam, absolvi potest ab Episcopo, nec obligatus habens talem casum impetrare absolutionem à Papa per Procuratorem vel epistolam, quamvis possit. Henriquez Vgolus Duardus apud Bonac. d. 11. de Cens. q. 3. punc. 2. ipse tamen oppositum docet. Nec tenetur adire nuntium Summi Pontificis, vel habentem privilegium absolvendi, quamvis possit. Henricus Avila, apud Bonac. l. c. qui oppositum habet, quia stante præfato impedimento restituitur Episcopo ordinaria potestas, quam per reservationem amisit. adde, quod reservatio, cum sit odiosa strictè explicanda, vnde explicanda de recurfu ad solum Papam. Et hæc doctrina verificatur, quamvis in reservatione Papali dicatur, nullus absolvat, nisi in mortis articulo. Avila cum Nau. & aliis apud Bonac. l. c. hæc enim particula tantum ponuntur ad coarctandam privilegia.

Quod si Regularis incurrat casum Papæ reservatum, absolvi potest in dictis casibus à suo Prælato, etiam seclusis privilegiis. Seclusis enim particularibus privilegiis, potest Prælatus Regularis potiri privilegio, quo potiuntur Episcopi ad absolvendum subditos, etiam in casibus Papæ reservatis, qui ob legitimum impedimentum accedere non possunt Sedem Apostolicam, ita tamen, ut si illud impedimentum non sit perpetuum, teneantur illo cessante coram eadem Sede comparere, quod de alijs currit. Quia Prælati Regularium habent potestatem in suos subditos quasi Episcopalem. Et privilegium absolvendi in dictis casibus non est præcisè concessum Episcopis ut talibus, sed quatenus Prælati sunt, & propter bonum spirituale subditorum, quæ ratio etiam procedit in præfatis. Bordonus ex Panor. Megala & aliis apud Lezanam t. 4. q. 9. Reg. V. Prælatus Regularis. Si cessante impedimento (quicumque sint) non compareant, incidunt in eandem excomm. ex C. eos de sent. excomm. in 6. Et sunt perjuri. Vnde scias, stante impedimento temporali, imponi debet à Confessario iuramentum comparendi coram superiore cui competit de jure absolvere, ut refert Bonac. de Censuris in comm. disp. 1. q. 3. punc. 3. n. 11. excipiuntur pueri,

Quæri-

Quæritur, impedimenta excusantia à recurſu ad Papam quæ ſunt? R. Hæc  
 1. Periculum mortis in itinere. 2. infirmitas longa, quamvis non periculofa. 3.  
 Paupertas. nam niſi mendicare ſoleat, non tenetur Romam ire mendicando.  
 4. ætas imbecillis. 5. Sexus fœmineus. 6. Subjeçtio filii familias ad patrem, &  
 ſervi ad dominum, quando ſine præjudicio eorum Papam adire non poſſunt. 7.  
 cura animarum, vel temporale dominium, quando ſubjeçtorum detrimentum ti-  
 metur. 8. debilitas in viris delicatis, qui laborem itineris ſuſtinere non poſſunt,  
 ut etiam defectus in membris in cœco, & claudo. Tandem, quod arbitrio pru-  
 dentis cenſetur legitimum impedimentum.

Dico 16. Abſolvendus ab excommunicatione majori, juret ſtare mandatis  
 Eccleſiæ vel abſolventis. Sed hoc tantum procedit, cum incendiariis, falſariis,  
 hæreticis & ſimilibus. Pro notoria in aliquem offenſa excommunicatus, tenetur  
 ante abſolutionem ſatisfactionem præſtare. Quod ſi nequeat, tenetur dare cau-  
 tionem pignoratiam, in defectu huius fidejuſſoriam, in defectu harum, jurato-  
 riam. Præterea abſolvendus ab excommunicatione, debet verberari, ſed hoc o-  
 mittitur in mulieribus. Igitur ſolemniter abſolvens excommunicatum, præmiſ-  
 ſo aliquo horum ſi opus eſt, aut præmiſſis omnibus ſi omnia requiri contingat,  
 dicat unum pſalmum pœnitentialem, v. g. *miferere* vel *de profundis* ad ſingulos  
 verſus pœnitentis humerum denudatum leviter percutiendo (ſed ex juſta cauſa  
 hæc cæremonia omitti poteſt) *Kyrie* &c. & *Pater N.* & quatuor verſiculos ſci-  
 licet, *ſalvum fac* &c. *nihil proſeriat inimicus* &c. *eſto ei* &c. *domine exaudi* &c.  
 & orationem *Deus cui proprium* &c. mutando *ly delictorum* in *ly excommunicatio-  
 nis*. Et poſtea abſolvat, dicens, *ego abſolvo te à vinculo excommunicationis, quam in-  
 curriſti propter talem vel talem cauſam* & *reſtituo te Sacramentis Eccleſiæ, commu-  
 nioni & unitati fidelium*. In Nomine Patris, &c. & poſtea mandet ei, quæ mandan-  
 da ſunt: hæc c. ncluſio eſt ex Sum. Caiet. idem ſerè modus ſervatur in abſolu-  
 tione mortui, niſi quod ſepulchrum virgâ percutiatur.

Adverte, juramentum requiſitum in abſolutione excommunicationis, non de-  
 bet eſſe de ſervandis omnibus præceptis Eccleſiæ, ſed tantum de non violando le-  
 gem, ob cuius tranſgreſſionem lata fuit excommunication. Adverte etiam, ſole-  
 mnitates, ſcilicet, verberationem. juramentum de non violando legem ob cuius  
 tranſgreſſionem lata fuit excommunication, in toto vel parte præmiſſam ſatisfa-  
 ctionem, vel ſaltem cautionem, ſolum requiri in foro externo, Lezana tot. 3. qq.  
 Reg. V. abſolutio.

Quæritur. An circa abſolvendum excommunicatum ab homine, præſertim  
 in mortis articulo ſint aliqua obſervanda ex ſynodo Provinciali? R. Quod ſic,  
 ſed conſtant ex conſeſſione, hoc addendum, ſi excommunicatus pro offenſa, nec  
 fidejuſſores invenerit, Confefſor ei ſub juramento præcipiat, ut infra menſem à  
 reſtitutione ſanitatis adeat excommunicatorem, & mandatis reverenter pareat.  
 Quo promittente, abſolvatur. Qui aliter abſolvere excommunicatum præſum-  
 pſerit, eſt puniendus V. Moſcic. l. c. q. 15. Quod ſtatutum non ligat Regulares

Mendicantes, hi enim non tenentur legibus Episcoporum, nec statutis synodali-  
bus, etiam à S. Sede confirmatis, ut latè probat Iacobus à S. Antonio. L. Consul-  
tationum Canon. Consi. 2. res. 3.

Dico 17. Quàmvis determinatam formam absolutionis ab excommunica-  
tione assignaverimus, hæc tamen non est necessariò determinata, sed sufficiunt ad  
valorem signa quibus significatur absolutio. idem dic de forma absolutionis à su-  
spensione & interdicto. potest tamen sic dici. *ego absolvo te à vineulo suspensionis  
& interdicti, in Nomine Patris, &c.* Quoad irregularitatem scias, huius relaxatio-  
nem non fieri per *ly absolvo*, sed per *ly dispenso te cum super irregularitate vel irre-  
gularitatibus quam vel quas contraxisti propter talem vel talem causam & habeo is  
ad legitimos affectus in Nomine Patris &c.*

## DISTINCTIO LXV.

### De Ministro Sacramenti Pœnitentie.

**N**Ota. Iurisdicção, prout nunc accipitur, est potestas quæ habetur in alios ad  
iplos gubernandos ac in regnum cœlorum dirigendos. Alia est ordinaria, alia  
delegata, Ordinaria habetur ex vi officii, ut in Papa, Episcopo, Parocho. Archie-  
piscopo actualiter visitante subditos suorum Episcoporum. non aliàs. Archidia-  
cono, Prælato religionis, Vicario perpetuo Episcopi vel etiam Parochi. Delegata  
datur ab habente ordinariam. Quæ non potest subdelegari nisi hoc sit con-  
cessum, vel nisi sit delegatus ad universitatem causarum, ut si alicui committere-  
tur officium Parochi absentis, talis enim aliqua exercitia iurisdictionis, alteri, ex  
præsumpta voluntate, habentis ordinariam potestatem, subdelegare posset non  
tamen integrum officium.

**N**ota 2. Approbatio & iurisdicção seu expositio sunt duæ res distinctæ, quàm-  
vis soleant confundi. Approbatio enim est testimonium iudicum de capacita-  
te & sufficientia Sacerdotis pro excipiendis fidelium confessionibus. Iurisdicção  
autem est potestas in subditos.

Dico 1. Solus Sacerdos est minister Sacramenti Pœnitentie. est de fide, ideo  
dum S. Th. dicit, in defectu Sacerdotis faciendam confessionem laico, loquitur  
de confessione ad humiliationem, non verò ad consequendum Sacramentum. Quæ  
quidem humiliatio tunc tantum exercenda, quando subest periculum non haben-  
di contritionem. Nec omnis Sacerdos est huius Sacramenti minister, sed solus  
habens iurisdictionem in hoc foro. est de fide.

Dico 2. Parochus solas oves sibi commissas regulariter loquendo absolvere  
potest. Si tamen Episcopus videat Parochos, quoscunq, personas suæ diocesis ab-  
solvere, & taceat, annuere videtur, & tacitam licentiam concedere. Scias, Sacram  
Congregationem 1641. 13. Sept. declarasse. Regulares approbatos ab Ordinariis,  
posse sine licentia Parochorum audire confessiones infirmorum in eorum domibus.

Dico 3. Religiosi confessores possunt audire pœnitentes undecunque veni-  
ant,



ant, tam ex Episcopatu in quo sunt expositi, quàm aliunde dum modo id faciant in illo Episcopatu, in quo sunt expositi, & præterea pœnitens non sit Religiosus. Sed de hoc infra. Samuel de Lub. V. Confessor.

Dico 4. Nullibi habentes domicilium, confiteri possunt quibuscunque expositis, ubi sunt, etiam in Paschate. Idem de existentibus extra sua oppida. In his enim casibus nulla fit Parochis injuria, cum prædicti non sint eorum Parochiani, nisi maneant alicubi, vel saltem intendant, per majorem partem anni. Sic enim subduntur Parochis, adinstar incolarum.

Dico 5. Episcopus, quamvis tantum titularis. Decanus & Archidiaconus Ecclesie Cathedralis, Prælatus regularis. Parochus, gaudent facultate ligendi Confessarium. Hæc facultas non extenditur ad Abbatissas. Opat. disp. 10. q. 4 de Pœnit. ex Sylv. Extenditur ad alios Sacerdotes sæculares, ubi consuetudo, quam in Polonia esse colligit ex Opat. Doctore Polono l. c. qui hanc consuetudinem sine limitatione asserit.

Dico 6. Qui habet facultatem eligendi Confessarium, eligere debet approbatum. Samuel l. c. allegans declarationem. S. C. per approbatum hic & nunc intelligit Lezana cum Ludou. à Cruce expositum. Quod si dicas sic parum aut nihil concedi, cum etiam sine privilegio id liceat. & enim non parum concedi. cum virtute talis privilegii possit eligi Parochus, qui attento suo officio tantum pro suis ovibus expositus.

Dico 7. Quando in facultate eligendi Confessarium v. g. tempore jubilæi vel aliàs, tantum fit mentio Ordinarii & non additur loci, eligi potest in Confessarium, etiam extraneæ diœcesis Parochus, vel alius approbatus à quovis Ordinario, durante approbatione. Bannez Medina & alii apud Dela-Cruz q. 5 de Pœnit. ubi ad declarationem S. C. in qua lez. & Bonac. fundantur, respondet.

Dico 8. Prælati Regulares possunt sibi subditis concedere licentiam, ut dum sunt extra conventum possint confiteri idoneo Sacerdoti sæculari, aut alterius ordinis regulari, etiam reservata Religionis. Ita concessit Prædicatoribus Innoc. VII. apud Dela Cruz L. 1. de statu Relig. C. 6. d. 11. imò ut colligitur ex hoc privilegio, cum sola licentia itinerandi, aut existendi extra conventum videtur concessa facultas confitendi & absolvendi à prædictis casibus. Adverte ex D. Ant. Sylv. & Soto. idoneum Sacerdotem pro Religiosis absolvendis in nostro casu reputari quemlibet Sacerdotem aliàs non suspensum aut excommunicatum. cum in Trid. pro Religiosis nihil statuatur, ut statuitur pro sæcularibus etiam Sacerdotibus. pro quibus solum idoneus reputatur, qui est Parochus, aut ab Ordinario approbatus.

Sed quid, si Religiosus cum Prælato iter agat? & is divertendo ad alium Conventum, vel habendo Sacerdotem ejusdem Ordinis, potest eidem sine licentia expressa confiteri. Cum enim conveniat Regulari sæpius confiteri, & aliàs si non consuetum proprio Superiori, adest licentia virtualis tunc, inclusa in licentia iter simul agendi. Nec enim mens Superioris, est hunc magis extra, quàm intra Conventum, adstringendi.

Dico 9. Existimatio de futuro cōsensu, vel ratihabitione, quòd scilicet quando resciverit Ordinarius erit contentus, non sufficit ad valorem Sacramenti Pœnitentiæ. Ita Palud. D. Ant. Aug. Sylv. & comm. apud Fern. de Ministro Livius Sacram. Nam ad hoc Sacramentum necessaria est jurisdictio de præsenti, per spem autē ratihabitionis solum habetur jurisdictio de futuro, hoc est, speratur jurisdictio.

Dico 10. Verum conficit Sacramentum pœnitentiæ Sacerdos, qui ex præsumpta voluntate Ordinarii videntis vel scientis, & per silentium consentientis, illud subditis talis Ordinarii ministrat, ut sæpè cōringere potest inter Parochos vicinos. Hinc, quando conveniunt plures Parochi ad unam Parochiam tempore solemnī, & accedunt Parochiani ad confessiones, non est opus proprii Parochi licentiæ. Nau. Sotus & alii. Quia sufficit facultas interpretativa & præsumpta, modò fundetur in signis, quæ indicent consensum. Monet tamen Sotus, non licere uti hac tacitæ voluntate, absq; urgenti necessitate, nisi omnino certa sit.

Dico 11. Non sufficit Regulari præsenti Episcopo, sed necessarium & approbati. Si recurratur ad privilegia, hæc esse revocata probat Fern. agendo de Ministro Pœnit. Et licet injustè deneger Episcopus approbationem, invalidè ministratur Sacramentum Pœnit. privilegiis enim in hoc derogavit Urban. VI. 1628. ut refert Card. de Lugo de Pœnit. dist. 21. Quæ à fortiori procedunt de Sacerdote seculari.

Ex quo patet, Approbationem Episcopi esse de necessitate huius Sacramenti ita Trid. Sess. 13. Cap. 15. de reform. his verbis. *decernit sancta Synodus, neminem etiam Regularem, posse confessiones secularium, etiam Sacerdotum audire, nec ad id idoneum reputari, nisi aut t arochiale beneficium, aut ab Episcopis per examen se illis videbitur necessarium, aut aliàs idoneus judicetur, & approbationem, quæ gratis detur, obtineat, privilegij & consuetudine quacumq; etiam immemorabili non obstantibus.* hæc approbatio ordinariè danda ab Episcopo, qui est ordinarius loci, ubi quis vult audire confessiones. Ita communius addidi, *ordinariè*, propter conclusionem, 7. 20. & 22.

Ad Regularem tamen confessionem audiendam, non requiritur approbatio per Episcopum. Sed Superior potest exponere, quem judicat idoneum, non præsentiando Episcopo. Colligitur ex verbis Trid. & praxi Regularium.

Ad peccata etiam venialia, vel mortalia confessa, absolvenda, non requiritur approbatio per Episcopum. sicut nec jurisdictio ab eodem concessa, ut comm. docetur. Nam respectu horum habent Sacerdotes jurisditionem vel ex jure Divino, vel quod veriùs à Papa sibi in sua ordinatione concessam. Nam omnis jurisdictio à capite Ecclesiæ derivatur.

Dico 12. Approbatio fieri potest ad certum tempus, locum & personas. Si tamen approbatio Regularium sine legitima causa restringatur, restrictio non tenet. Lez. r. 1. 99. Reg. C. 19. & adducit declarationem Sacræ Cong. die 2. Julij 1687. quæ sic habet. *Regulares qui ad audiendas confessiones idonei generaliter ab Ordinarijs, eorumq; examinatoribus r. perti, & approbati fuerint, generaliter quòq; & inasim-*

indistinctè absq; ulla limitatione temporis, certorumq; locorum, aut generis Personarum admittantur in propria diœcesi. Nota. Iy idonei generaliter ab Ordinarijs, eorumq; examinadoribus reperi. Si vis hoc privilegio uti. Eandem sententiam fuisse probat Iacobus à S. Ant. Consultatione 2. resol. 6. & Dela Cruz L. 2. de statu Relig. C. 6. d. 7. ait. *Si Ordinarius sine rationabili causa limitat Regularium approbationem, manet limitata quantum ad jurisdictionem ab eo delegatam, non tamen quantum ad jurisdictionem ex privilegio Papa concessam ipsis Religiosis semel approbatis. sed quantum ad hoc sunt habendi veluti absolute approbati.* ita ille, referendo Henriq. Sed advertat Regularis, ne temerè judicet, ordinarium sine rationabili causa approbationem limitare.

Quæritur, an sit congruum Lectores & in Theologia graduatos ante approbationem examinari? R. negativè. ita favet Pius V. referente Augustino à S. M. verbo Confessio sæcularium. *Lectores insuper ex eisdem fratribus. & in Theologia graduati, qui cum licentia suorum Superiorum ad gradus admissi fuerint, cum de ipsorum doctrinâ ambigendum non sit, tam confessiones audiant, quàm prædicationis munus subituri ab Episcopis minime examinentur.* Ita ille, debent tamen approbati, quàmvis in Theologia graduati, ut habet idem Pius V. apud eundem l. c.

Dixi, an congruum quia cum Lez. t. 1. qq. Reg. C. 19. dicat similia privilegia, Per Urbanum VIII. 1628. revocata, ideo absolute possunt examinari.

Dico 13. Pius V. & Urbanus VIII. apud Barbos. in collect. Bull. V. Confessarij concedunt, quòd novus Episcopus possit Confessarios Regulares à prædecessoribus Episcopis approbatos, iterum examinare & approbare, vel reprobare, si minus idonei reperiantur.

Dico 14. Episcopus, ubi concessit Regulari Confessionem ad certum tempus, vel simpliciter non potest illam revocare ante tempus sine rationabili causa Mercus in Summa Dianæ V. Confess. Reg. quod apud Gavantum V. approbare, declaravit S. Cong. Episc. & Reg. 1630. & ratio in Sum. Dian. adducitur. Quia jurisdictionem Regulari non dat Episcopus, sed Papa per privilegia. Episcopus vero solum examinat & idoneum appellat veluti per sententiam, quæ semel data secundum regulas iustitiæ non potest amplius revocari. unde non obstante tali revocatione injusta, poterit Confessarius Regularis Confessiones excipere. Secus dicendum de approbatione concessa ad beneplacitum. Nam hæc potest quandoquq; revocari. ut declaravit eadem S. C. 1619 apud Barb. V. Regul. Conf. & V. approbare, vel si aliqua causa, pertinens tamen ad munus confessionis, ut habet Lezana & Gab. à S. Vinc. Episcopum moveat, quam non tenetur Regularibus edicere, sed Sedi Apostolicæ, ex Urbano VIII. apud Barb. V. Confessarius.

Dico 17. Approbatio semel facta, & non limitata, nec revocata semper durat, etiam si alius Episcopus succedat, vel Confessarius post longum tempus revertatur, quàmvis per modum transeuntis, non figendo sedem. cum eadem ratio, ac figendo sedem, militet. Sed ad huius notitiam. Scias, gratiam aliam esse factam, aliam faciendam, Gratia facta dicitur, quæ data est directè & absolute alicui in favorem



favorem ipsius, ut si Prælatus concedat alicui Religioso in gratiam ipsius, eligendi Confessarium &c. vel ut dispenset cum aliquo in irregularitate &c. Gratia verò facienda est, quæ non conceditur alicui directè, sed alii mandatur, ut eam ipsi conferat, ut si prælatus in favorem alicuius Religiosi habentis casum reservatum concedat facultatem alicui Confessario, ut possit eum absolvere à tali casu. Et hæc expirat morte concedentis, ut probat claro exemplo juris Lez. 1. 3. qq. Reg. V. Gratia. Quod intellige. Si res sit integra, id est, si nondum inchoata executio gratiæ si enim ante mortem concedentis inchoata, non cessat morte illius. Lez. ex Sylv. Sanch. & Bordonio Gratia verò facta, sine determinatione temporis concessa, etiam à Visitatoribus vel Commissariis tantum, durat, post mortem vel cessationem Officii concedentis, etiam re integrâ. Item, quamvis sit concessa ad beneplacitum Sedis, Officii, vel Dignitatis quando enim talis Sedes, Dignitas vel Officium fuerint perpetua, ut sunt Sedes Apostolica, Officia & Dignitates Religionum, quæ reputantur eadem in successore, tunc gratia ad tale beneplacitum concessa erit perpetua, nisi à successore revocetur. Item, quamvis concedens dicat. *donec noluerò, donec revocaverò, donec aliud decreverò.* Secus, si concessa ad beneplacitum concedentis, vel ad arbitrium ipsius, siu donec voluerit hæc enim morte concedentis terminatur, C. si gratiose de rescriptis in 6. Hæc probata reperies apud Lez. l. c. Ex his patet, quid dicendum de Regularibus expositis à suis superioribus pro fratribus. Patet etiam, quomodo intelligendum illud, *semel expositus semper expositus* scilicet, semel expositus sine limitatione temporis, semper expositus in eadem diœcesi, vel territorio. donec, saltem successor, revocaverit.

Quæritur. Qui redit ad Conventum in quo fuit expositus, an possit sine nova expositione, præcipuè, novi Prioris, confessiones excipere? R. quod sic. Sicut qui redit ad eandem diœcesim, in qua fuit simpliciter expositus, potest sine nova expositione confessiones audire, licet Episcopi mutari, ut docet Bonac. de Pœnit. q. 7. pun. 4. §. 1. cum Nugno Zerola & aliis. eadem enim ratio, scilicet perperuitas.

Dixi, in quo fuit expositus. Nam si non fuit, licet in eo, ex quo venit, fuerit, debet exponi, nisi consuetudo aliud suadeat, de qua videndum: hæc enim secundum communem, dat jurisdictionem. Et ratio principalis dicti. cum Prior pro tota provincia nequeat exponere. Quod etiam de superiore in Ordine N. currit. hic enim ex vi officii, apud nos, non habet curam animarum, & consequenter ut alius debet exponi.

Dico 16. Si Religioso Apostata, putando, quod sit Clericus secularis, fuit collatum beneficium Parochiale, talis in rei. veritate non fuit Parochus, omnia tamen Sacramenta ab ipso administrata valida erant. In hoc enim & similibus Ecclesia supplet defectum jurisdictionis. Fern. de Min. Pœnit. cum aliis tacitè relatis. Item dum aliquis habet probabilem rationem se habere jurisdictionem, & in rei veritate non habet, si alia essentialia concurrant, validè confert hoc Sacramentum ex tacito consensu Ecclesiæ, Mosc. in fine Append. ad Tyr. ex Less. & aliis ab eodem relatis,

Ex prima

Ex prima conclusi parte habes, si Confessarius cum licentia subreptitiè obtentâ Confessiones excipiat, esse validas. Nam secundum DD. communis error cum titulo colorato seu invalido, à legitimo possessore obtentio, tribuit jurisdictionem, Imò sufficere errorem communem, docet Diana p. 3. t. 4. res. 122, ex Pontio & Molfesio, sed hoc comm: negatur. Hoc securiùs iudico, qui nescit suam potestatem esse revocaram, & absolvit, validè absolvit.

Dico 17. In articulo mortis quilibet pœnitens à quibusvis peccatis, à quocunq; Sacerdote absolvi potest, ex Trid. Sess. 14. C. 7. Securius, hæreticos, degradatos, suspensos, aut non expositos, non posse tunc absolvere, si alius Sacerdos addit. Dela. Cruz de Ministro Pœnit. ex Led.

Secundum Palud. Sylv. & alios apud Fern. l. c. idem dicendum in probabili periculo mortis, quod in articulo mortis. Quale autem censetur probabile periculum mortis, prudentis arbitrio relinquitur, in exemplo, est longa & periculosa navigatio, partus mulieris, si periculosè soleat parere &c.

Dico 18. Non est absolvendus Pœnitens etiam in articulo mortis à censuris, si non satisfacit, supposito quòd censura petant satisfactionem. Quòd si non possit, det cautionem de satisfaciendo. Hæc currunt secundum dicta d. 64. Conc. 16. in foro externo, an verò his omisiss extra articulum mortis, sit invalida absolutio à censura data ab habente facultatem ordinariam? negat Lezana t. 3. qq. Reg. v. absol. ex Sylv. cum id (ut ait) nullo jure caveatur secus, si in commissione adderetur, satisfacta parte. Quæ autem sit sufficiens cautio d. xi. dist. 64. Conc. 16. Adverte. Sà V. absolutio ab excomm: docet. Ite de quo procedit conclusio, ab excommunicatione, absolutus cum aliqua cautione, etiam extra articulum mortis, non reincidit, etsi non satisfaciatur.

Dico 19. Parochus tenetur ad audiendas confessiones suarum ovium, quoties rationabiliter petunt, vel loco sui idoneum Pœnitentiæ ministrum substitueret. Quia pastor non solum necessitatem, sed & utilitatem ovium respicere tenetur. Est multorum contra Richardum, & Sylvestrum.

Dico 20. Religiosus approbatus Cracoviæ valide absolvit diœcesanum Cracoviensem in aliena diœcesi, nisi domicilium mutaret diœcesanus est comm: idem de aliis Sacerdotibus, contra Gutierrez. Quia jurisdictio delegatur in personam & non in loca, ergo est personalis, & exerceri potest, ubicunq; reperitur persona subiecta.

Dico 21. Confessarius Regularis approbatus ab Episcopo unius diœcesis, nequit audire confessiones in alia diœcesi, ut probat Lez. t. 1. qq. Reg. C. 19.

Dices. Minores & Patres Societatis, ex privilegiis Eugenii IV. & Gregorii X. 11. in itinere existentes, si Episcopis se præsentare non possint, nec Parochi repugnent, possunt excipere confessiones, consequenter & alii cum illis communicantes. Sed hæc privilegia sunt revocata per constitutionem Urbani VIII. editam 1628. quæ incipit. Cum sicut accepimus, ait Card. de Lugo de Sac. & an. d. 21. §. 2. & Diana p. 6. t. 7. res. 59.

Dico ultimò. Potest Parochus delegare suam jurisdictionem Sacerdoti approbato à suo, aut extraneo Ordinario, & pro suis ovibus, & etiam pro te, in istodem calibus Dela-Cruz l. c. ex Henriq. & alijs. Et sic approbatus in una diœcesi, durante approbatione potest recipere jurisdictionem in alia sine nova approbatione, per quod explicatur præcedens conclusio, & consultur Parochis, qui alij diœcesi vicini sunt,

## Q V Æ S I T V M.

*Quid de Confessarijs Monialium?*

**R**espōdetur hæc à S. Congregatione Concilii Trii interpretum determinata. 1. Regulares generaliter ab Episcopo approbati ad confessiones personarum secularium audiendas, nequaquam censentur approbati ad audiendas confessiones Monialium sibi subjectarum, sed egent quoad hoc speciali Episcopi approbatione. 2. Regularis ad audiendas Monialium confessiones unius Monasterii ab Episcopo approbatus minimè potest audire confessiones Monialium alterius monasterii. 3. Confessores extraordinarii semel deputati atq; approbati ab Episcopo, ad Monialium confessiones pro una vice audiendas, haud possunt pluries in vim approbationis eiusmodi illarum confessiones audire, sed ab Episcopo toties esse approbandos, quoties casus deputationis contigit. V. Barb. in collect. bull. v. confessarii. Sed an hæc in nostris partibus recepta? consule alios. mihi respondit quidam vir doctus in his notitiam habens, non esse recepta.

## DISTINCTIO LXVI.

*De Ministro Pœnitentie circa reservata.*

**N**ota. Casus reservati alij sunt Papales, alij Episcopales, alij reservati prælati Regularium pro suis subditis. Papales alij reservati in Bulla Cœnz Domini, alij in alijs Bullis & decretis. Episcopales reservati sunt triplicis generis. Quidam de jure. Quidam de consuetudine generali, hoc est, qui in omnibus Episcopalibus communiter reservantur. Quidam de consuetudine particulari, scilicet, huius vel illius Episcopatus. Papales, cum ratione censuræ reserventur, recentebuntur, dum de censuris agemus.

Dico 1. Distinguendo calum à censura, hi reservantur Episcopo in jure. Peccatum Clerici habens annexam irregularitatem. Sed juxta D. Th. in 4. d. 19. q. 1. a. 3. q. 2. ad 2. etsi irregularitas sit reservata, sed non peccatum, adò. incendium domorum, frugum, & aliorum de industria factum. Quod si incendium sit Ecclesiæ, monasterii, aut loci sacri, incurritur excommunicatio, ante denuntiationem, Episcopalis, post, Papalis, sed probabilius ante denuntiationem, esse nullam. Arm. V. Excomm: excomm: 23. 1. peccatum cui debetur sollemnis pœnitentia, quæ ob solum peccatum notorium imponitur, ut est concubinus notorius. Sed cum publica pœnitentia iam non sit in usu, aliqui dicunt, hunc calum non esse amplius



ampliùs reservatum. 4. Blasphemia publica & notoria. Sed secundum D. Thomam hic casus reservatur Episcopo ratione solemnisi pœnitentiæ ab Episcopo imponendæ, quæ cum jam non sit in usu, nec reservatio. Lezana V. Casus, probat nullum casum de jure antiquo esse Episcopo reservatum, de jure tamen novo reservatur eidem abortus fœtus animati, secuto effectu, & habet annexam excommunicationem. vide Lez. l. c. & V. Abort.

Dico 2. In referendis casibus ex consuetudine generali Episcopo reservatis, non conveniunt DD. ut videre est apud eosdem, neq; hæc consuetudo generalis aut ejusdemmodi in omnibus Episcopatibus videtur esse, ait Lezana. Ideo quando de reservatis ex consuetudine in aliquo Episcopatu non constat, solum habendi illi pro reservatis, quos sibi Episcopi expressè reservant. Peirinis & Ludov. à Cruce apud Lezanam.

Referuntur tamen quatuor casus ex consuetudine generali Episcopis reservati, in Summa Dianæ V. Casus reservati. 1. Homicidium & actualis mutilatio. 2. Crimen falsariorum, addit Mosc. in scripturis, testimoniis, & recitencia veri in iudicio. In falsitate tamen quæ in Apostolicis literis committitur, incurritur casus Papalis in Bulla Cœnæ Domini. 3. Sacrilegia furti de re Ecclesiastica & homicidij, vulnerationis in loco sacro. 4. Divinationes, & incantationes, ac Dæmonum invocationes plures refert Mosc. in Examine approb. tit. 6. q. 6 & Dela-Cruz de min. Pœnit. Sed scrupulus tollitur tenendo præfatam Lezanæ sententiam.

Quæritur, qui casus in diœcesi Crac, reservantur? R. quia multi sunt, & faciliè haberi possunt, eos ob brevitatem omitto. Videantur in constit. Provinc. La 4. tit. de Pœnit. & remissione & in Reformationibus general. C. 15 apud Mosc. l. c. quorum tamen absolutio tempore Andræ Trzebicki delegabatur, aliis quatuor reservatis. Vnde in his consulatur consuetudo currens, cuius mentionem non facio, quia faciliè mutabilis.

Si Regularis incurrat casum Episcopo reservatum, potest absolvi à Confessorio Regulari, cui ordinariè ille vel alii confitentur. Cùm reservatio Episcopali non extendatur ad Regulares ob exemptionem. Nisi esset casus à jure Episcopo reservatus, vel censura Episcopalis, ut propter procuracionem abortus fœtus animati secuto effectu, tunc enim Superior proprius esset adeundus. Nisi dicamus Regulares privilegiato habere facultatem absolvendi à prædictis de qua mox.

Refert etiam Dela Cruz l. c. casus ex consuetudine generali Episcopo reservatos habentes annexam excommunicationem. Sed Mosc. p. 9. Elem. eos refert inter excommunicationes Papales non reservatas.

Dico 3. Pro casibus ab Episcopo reservandis hæc statuit Cōgregatio Episcoporum & Regularium sub Clem. VIII. in decretis anni 1601. ubi hæc monentur omnes, ut paucos, eosq; tantum, (intellige, reservent) quos ad Christianam disciplinam revocandam & necessariò reservandos esse judicaverint. Ne enim de us C. de anno 1602. hæc habet. Probet etiam, ne sibi superflue reservent casus in Bulla die Cœnæ Domini legè consueti contentos, neq; alios Sedi Apostolicæ spec. aliter reservados.

vnde infero, si casus Sedi Apostolicæ reservatus, per privilegium Regularibus absolvendus concederetur. & ab Ordinario loci reservaretur, intrepidè Regulares ab eo absolvere possent. cùm inferior nequeat limitare privilegium Superioris. Subjungitur etiam, *Facultatem verò & licentiam absolvendi à casibus reservatis, quam in scriptis tantum concedi permutabatur, etiam vivâ voce concedi posse declarat* V. Barb. de offic. & potest. episcop. allegat. 50: in fine & in Collect. Bull. V. Casus reservati. Vbi etiam refert ex eadem S. C. non posse esse casum reservatum, restitutionem incertorum, nec eorum qui nocte per civitatem inhonesta cantant, nec violatores festorum.

Dico 4. Probabile est, quòd ignorans reservationem non incurrat illam, quia cùm sit pœnalis secundùm Bonac. de Sacram. d. 5. q. 5. punc. 5. & alios, non incurritur ab ignorantibus, sicut nec alix pœnæ. Gab. à S. Vinc. V. Casus.

Dico 5. A casu reservato absolvit, qui reservavit. Item Superior reservantis. Qualis non est Archiepiscopus respectu Episcoporum, nisi dum actualiter visitat. Absolvit etiam à reservatis, cui delegavit potestatem proprius reservans, vel Superior proprii reservantis.

Dico 6. Qui privilegium obtinuit à Sede Apostolica ab omnibus censuris & casibus reservatis, nequit absolvere à censuris in Bulla Cœnæ contentis & à casibus ab Episcopo loci reservatis. Bonac. de Sacrament. Pœnit. q. 7. punc. 5. probat ex decreto Clem. VIII. in Bulla quæ incipit *Sacra Congregatio*, ubi sub pœna excomm. ipso facto incurrendæ, aliisq; gravissimis pœnis privationis officii &c. præcipit, ne quis extra mortis articulum prætextu cuiuscunq; privilegii absolvar à casibus in Bulla Cœnæ contentis, & ab excomm: ob percussione Clerici, vel ob violationem immunitatis Ecclesiæ, juxta constitutionem Greg. XIII. vel ob provocationem & pugnam in duello, juxta decretum Sacri Conc. Trid. & Constitutionem Greg. VIII. vel ob simoniam realem scienter contractam. vel confidentiam beneficalem. vel violationem clausuræ Monialium ad malum finem.

Secundam partem idem Bonac. de Cens. d. 1. q. 3. pun. 1. probat autoritate Navarri, Grassij. Farinacii & aliorum tacitè relatorum. Ex ratione, quia dum Pontifex condit aliquam legem, non intendit derogare statutis & consuetudinibus particularibus locorum. C. 1. de constitutionibus in 6. allegat etiam Bullam Clementis VIII. quæ incipit, *Sacra Congregatio*, ubi decernit, ne ullus prætextu cuiuscunq; privilegii absolvat à casibus reservatis Episcopos. Videnda sunt necessitudo, dicenda in 3. d. 10. q. unico. Adde in Summa Diana V. Absol: à Reserv. refertur Sacram. Congregationem ex mandato Urbani VIII. abrogasse privilegia Regularium absolvendi à casibus Episcopalis etiam si extarent extra Italiam.

Dico 7. Facultas concessa Episcopis absolvendi suos subditos in foro conscientie à quibuscunq; casibus occultis. etiam Sedi Apostolicæ reservatis, concessa inquam in Trid. Sess. 24. de reform. C. 6. revocata censetur per Bullam Cœnæ ibi, *etiam Episcopali vel alia majori dignitate predictis &c. ac cujusvis Concilij decretis, Præterea declarationibus summorum Pontificum, praxi curiæ Romanæ, &c.*  
*declarat*

declaratione S. C. probat Lez. V. Bulla Cœnæ. Bonac. l. c. punc. 1. pro utraque sententia DD. refert. Summa etiam Dianæ V. absol. à reserv. oppositam Lezanæ, (exceptâ hæresi) insinuat. signum ergo declarationes relatas non esse authenticas, nec praxim curiæ Romanæ universalem, immo aliqui, facultatem concessam Episcopis absolvendi suos subditos ab hæresi occulta, negant revocari per Bullam Cœnæ. V. Summam Dian. V. absol. ab hæresi. Quid autem veniat nomine casus vel hæresis occultæ, sciri nequit, nisi sciatur quid veniat nomine casûs vel hæresis publicæ. talis autem est per Granadum quæ scitur à majori parte communitatis, quæ constat saltem decem personis. Idem colligo ex Gab. à S. Vinc. V. Notorium. & Bonac. de rest. d. 1. q. 4. punc. 6. Sed hoc, tantum est publicum respectu talis congregationis. V. dist. 28. de Censuris.

Dico 8. Prælati Regularium non possunt extra necessitatem, de qua d. 64. Conc. 15. suos subditos absolvere à casibus Bullæ Cœnæ, quicquid sit de privilegiis quondam habitis. Manifestè pater ex Bulla Cœnæ sub Urbano VIII. ibi. *Quorumvis Ordinum etiam Mendicantium*, & declaratione S. C. 1628. 17. Nov. Quod à fortiori procedit de Confessariis Regulariis respectu quorumcunque pœnitentium.

Dico 9. Prælati Regularium, etiam t.clusis privilegiis possunt absolvere suos subditos à censuris, quæ iure communi sunt commissæ Episcopis, Lezana V. Clericus ex Suarez & Perrinis. Eò quod Prælati Regularium habeant jurisdictionem quasi Episcopalem in subditos. A censuris autem, quæ specialiter commissæ sunt Episcopis, ut legatis Papæ, Prælati Regulares absolvere non possunt, qualiter committitur Episcopis in Trid. absolutio ab hæresi occulta. Excipe casum difficultioris aditûs ad Papam.

Dico 10. Confessarii Regulares extra Italiam & in Vrbe virtute privilegiorum absolvere possunt à casibus Papæ reservatis extra Bullam Cœnæ, etiam frequentibus. 1. à violatione clausuræ Monialium ad malum finem. 2. à violenta manu in Clericum. 3. à simonia reali scienter contracta. 4. à confidentia beneficii. 5. à pugna in duello. 6. ab extrâctione rei ab Ecclesia absq; licentia Episcopi. Ita refert Lez. t. 1. qq. Reg. C. 19. n. 15. & 16. & citat declarationem S. C. sub Urbano VIII. hanc conclusionem non contradicere decreto Clementis VIII.

Et dato quod præfati Confessarii à prædictis casibus absolvere non possent, ab aliis reservatis Papæ possent, ut probat idem Doctor l. c. & loquitur de Confessariis Reg. etiam intra Italiam.

Occasione 6ti casûs scias immunitatem Ecclesiasticam non favere. 1. hæresi, hoc est si hæreticus propter hæresim puniendus fugiat. 2. homicidio & mutilationi in Ecclesia vel cimiterio factis. 3. homicidio proditorio, ille autem, ut recitat Bonac. circa 1. præc. proditoriè occidit qui occidit id non prævidentem, seu qui occidit cum quo amicitiam simulabat. seu qui dolosè seducit ut occidat. 4. Assassinio. Assassinum dicitur, cum quis conducit ad occidendum, aut mercede conductus aliquem occidit. 5. crimini læsæ Majestatis. 6. latrocinio publico, & grassationi viarum. 7. depopulationi agrorum.



Scias etiam, cum casus Papales sint reservati ob annexam excomm: ideo Regulares absolvent ab excommunicationibus Papæ reservatis in dictis casibus.

Dico 11. Licet non possint Regulares absolvere à casibus quos sibi Episcopi reservant, non prohibentur tamen ex vi decreti Clementis VIII. absolvere à censuris Episcopis reservatis, scilicet à jure, non tamen ab homine latis, aliàs Episcopi frustra aliquem excommunicarent. Item absolvere possunt Regulares à casibus à jure Episcopis reservatis. Gab. à S. Vinc. V. Casus reservatus, quo ad omnes partes. Romæ impressus sub approbatione Magistri Palatii. Patet etiam conclusio ex ijs quæ adducit Dela-Cruz de Ministro Pœn. dub. 5. conclus. 4.

Dico 12. Impeditus adire Pontificem pro obtinenda absolutione à reservato, potest adire Episcopum & impeditus adire etiam Episcopum, potest ab alio confessario absolvi: Adverte apud Gab. à S. Vinc. non fieri restrictionem ad Parochum, ita ut stante impedimento a secundi Episcopum, necessariò sit adeundus Parochus, interpretando benignè voluntatem Summi Pontificis, non intendentis suorum casuum, Parochos esse necessariò commissarios.

Sed in quo casu id quod est expressum in conclusione, licet & quando v. g. timeatur infamia vel scandalum ex omissione confessionis, vel communionis. Summa Diana. l. c. ex Granada.

Sciendum. Sic absolutus tenetur se præsentare Superiori vel delegato, non ut denuò absolvatur, sed ut Superiori debitus honor detur, vel si præstanda sit satisfactio parti. Per responsum ad quæsitum mitigatur sententia Josc. & aliorum, supra d. 64. conc. 10. Quid sequens si habens casum reservatum nequeat Superiorem vel delegatum adire, & interim periculum infamæ vel scandalum urgeat potest communicare vel celebrare non confessus, si noli alius p. m. sibi confectus Opat. de Pœn. d. 16. q. 6. citans Angelum & Niu sed facta contritione.

Dico 13. Absolutus in articulo mortis vel stante alio impedimento per Sacerdotem inferiorem non habentem privilegium, a casu reservato non habente annexam excomm: non tenetur comparere coram Superiore si convalescat De Ant. Palud. Sylv. & Armilla apud Fern. de Min. Pœnit. Secus si fuit annexa excommunicatio reservata. aliàs omittens ex contemptu incidit in eandem excommunicationem C. eos de sententia excomm: latam. Dixi ex contemptu. nam hoc exclusio non incidit. Caiet. & Led. apud Dela-Cruz de Min. Pœn. Nota ex D. Th. apud eundem, convalescentem non teneri comparere coram Superiore ut absolvatur, sed ut Superiori innotescat, & videat quo opus.

Dico 14. Dum subditus alicuius Episcopatus ex casu versatur in alio Episcopatu, & confitetur approbato ab Ordinario loci in quo versatur, prout potest ex consuetudine recepta, si habet peccatum reservatum in tali Episcopatu, tenetur secundum Fern. l. c. ex Caiet. & D. Ant. adire reservantem, non autem si habeat reservata in proprio Episcopatu, ab his enim absolvi potest extra propriam dioccesim, nisi hac ratione extra iret. Sotus tamen apud eundem docet talem pœnitentem non posse absolvi à reservatis proprii Episcopatus, posse tamen absolvi à

reserva.

reservatis alieni. Ego judico talem posse absolvi à reservatis in proprio & in alieno Episcopatu, à reservatis quidem in proprio, eò quòd peregrini & viatores non obligentur particularibus statutis dum absunt. In alieno, eò quòd iidem non obligentur iisdem statutis locorum ubi sunt, ut patet ex ijs quæ docentur in tract. de legibus.

Dico 15. Prælari Regularium, ex decreto Clem. VIII. hos tantùm casus possunt sibi reservare 1. Veneficia, incantationes, sortilegia. 2. Apostasiam à Religione, sive habitu dimisso sive detento. 3. Nocturnam ac furtivam, è monasterio seu conventu egressionem, etiam non animo apostatandi factam. 4. Proprietatem contra votum paupertatis, quæ sit p. m. 5. juramentum falsum in iudicio regulari seu legitimo. 6. procuracionem, auxilium seu consilium ad abortum faciendum post animatum scetum, etiam effectu non secuto. 7. falsificationem manûs aut sigilli officialium monasterii, aut conventûs. 8. Furtum de rebus monasterii seu conventûs in ea quantitate, quæ sit p. m. 9. Lapsum carnis voluntarium opere consummatum. 10. Occisionem, vulneracionem, seu gravem percussionem cuiuscunq; personæ. 11. Maliciosum impedimentum seu retardacionem, aut apercutionem literarum à Superioribus ad inferiores, & ab inferioribus ad Superiores.

Dico 16. Superiores Regularium non possunt reliqua peccata v. g. accessum ad Moniales &c. prohibere sub excommunicatione sibi tantùm reservata, refertur Sacra Cong. in Summ. Dian. V. Casus reservati. Nam Clem. VIII. prohibet omnium reservationem, & tale peccatum ratione censuræ reservatum manet, unde patet reservationem excommunicationis adinventam in fraudem supradicti decreti, & ideo oppositam sententiam nonnullorum non esset admittendam docet Diana & Lezana.

Dices. Si superior extra præfata reservaret aliquid sub excommunicatione teneretur inferior obedire, cum teneatur se accommodare sententiæ probabili Superioris. R. Quando inferior habet opinionem probabilem, quod præceptum sit illicitum vel extra Superioris jurisdictionem, potest inferior non obedire. Palaus & alii. in Sum. Dian. V. Opinio. Accedit, quod sententia docens Superiores Regularium posse reliqua peccata prohibere sub centura sibi reservata, secundum Lez. 2. 1. qq. Reg. C. 18. non possit in præxi sustineri, & sic sit prædixce improbabilis.

Dico 17. Casus in Religione reservati secundum communem, non afficiunt Novitios, cum hi in onerosis non censeantur Religiosi. Reservati verò ab Episcopo, non afficiunt impuberes. Sicut enim hi pro tali tempore non incidunt in alias pœnas, ita nec in hanc Gab. à S. Vinc. V. Casus reserva. Scias, annos pubertatis in masculo haberi anno 14. complero, in fœmina, duodecimo. Hæc reservatio cessat mortuo Episcopo, nisi sit per statutum, vel consuetudinem, reservatio quoad Regulares, amoto Prælato, si ipse tantùm reservavit.

Dico 18. Confessarius qui incidit in casum reservatum, potest hoc modo petere facultatem. Pero facultatem, ut absolvatur vnus subditus tuus, Gab. à S. Vinc. Qui etiam refert decretum Clem. VIII. quando Prælatus Regul. negat licentiam absolven.

absolvendi à reservatis, potest pœnitens absolvi directè à peccatis, pro una Vice! Quod etiam, ex nonnullis DD. judico de Episcopo negante facultatem.

Dico ultimò. Licet Regulares extra Italiam & in Vrbe existentes possint absolvere à Papalibus extra Bullam Cœnæ, non tamen à reservatis in Religione. aliàs tunc reservarentur. Lez. V. Confessarius Regul. Quare ab his, non potest dari absolutio, nisi dependenter à dispositione Superioris, ut pater ex quodam decreto Urbani VIII. apud Lez. t. 1. §. 19. Quòd si Religiosus veniat de uno Conventu ad alium, habens reservatum, modò hoc non faciat in fraudem, non est necessarium Superiorem adire, elicitur ex DD. supra cit.

## DISTINCTIO LXVII.

### *Explicantur conditiones Ministri Pœnit.*

Dico 1. Secundùm Caet. & alios, Confessarius quinque debet habere conditiones, scilicet, *potestatem, scientiam, prudentiam, bonitatem, sigillum*, potestas, alia est Ordinis, alia jurisdictionis. Potestas ordinis habetur ex Sacerdotio, jurisdictionis, ex officio pastoris, vel etiam ex commissione proprii pastoris. Et sic Parochus quàm primò instituitur, sine ulteriori approbatione habet potestatem in proprias oves. Potestas ex officio, dicitur ordinaria, ex commissione, delegata. Hæc de potestate. V. d. 65. & 66

Dico 2. Non omnis qui judicatur idoneus ad audiendas confessiones in aliquo certo loco, eò ipso judicatur etiam idoneus pro aliis locis. Nam audiens confessiones in aliquo pago, non indiget tantà scientiâ, quantà ille, qui in aliqua civitate, ubi plures difficultates v. g. in Contractibus &c. occurrunt.

Dico 3. Confessarius tantà debet pollere scientiâ, ut valeat de statu pœnitentis judicare, & discernere mortalia à venialibus. 2. ut valeat cognoscere circumstantias speciem mutantes & notabiliter aggravantes. 3. Quibus annexa restitutio bonorum corporis famæ & honoris. 4. an peccatum reservatum, an habeat annexam excommunicationem &c. & sic tenetur scire casus reservados, censuras saltem communiore, & idem de irregularitatibus. 5. quæ dispositio necessaria in pœnitente. tandem quæ remedia contra peccata?

Dico 4. Non est necessarium ut Confessarius per se ipsum possit omnia determinare, sed sufficit ut in occurrentibus difficultatibus possit dubitare, & dubitando libros vel doctiores consulere, v. g. an in tali casu restitutio facienda, &c. Immo nec hic recursus semper est necessarius, v. g. dum tantùm agitur de gravitate peccati in difficili casu an scilicet sit m. vel V. sufficit enim cognoscere peccatū esse commissum, Sylv. V. Confessor. alias vix aliquis esset Confessarius idoneus.

Dico 5. Confessarius non est obligatus ut de singulis peccatis ferat iudicium in particulari an videlicet pœnitens fuerit excusatus, per ignorantiam vel inadvertentiam vel ob aliam causam. Sed sufficit quòd peccata audiat, & aliunde sciat, quòd peccata quæ pœnitens dicit, mortalia vel venialia sint ex genere suo, alias



alias enim valdè onerosum esset tribunal Pœnitentiæ. Secus dicendum, quando imponenda restitutio, prohibendus contractus, vel quid simile, tunc enim particularia examinanda ad ferendum iudicium. Item, dum valde rudes audiuntur.

Dico 6. Non est opus, Confessarium habere distinctam singulorum peccatorum memoriam, quando imponit satisfactionem, sed sufficit recordari imperfectè status pœnitentis, quòd saltem est necessarium ne dicatur cæcè imponere satisfactionem. hæc de scientia.

Dico 7. Confessarius cavere debet, ne audiens aliquod grave peccatum hæreat similis attonito, vel gestu, motu, suspirio, aliove simili modo det indicium indiscretæ displicentiæ, ne hoc modo pœnitentem terreat vel impediatur, a dicendis aliis peccatis.

Dico 8. Caveat Confessarius, ne audito primo peccato vel secundo, in ipso limine confessionis peccatorum gravitatem exaggeret, hoc enim commodius post omnium peccatorum confessionem fieri potest. unde permittat pœnitentem proseguere confessionem etiam crasso modo, ut sic sciat quibus peccatis involutus, & de quibus interrogandus, ubi nec omittat, quæ dubitat eum commisisse, de circumstantiis, & numero in mortalibus interrogando. Interrogando autem sit discretus, pœnitentem non nimis molester in enumerandis circumstantiis, nisi quas viderit necessariò exprimendas.

Dico 9. Confessarius in fine confessionis pœnitenti sincerum dolorem & verum proposu inculcet. Divinam misericordiam vel iustitiam juxta pœnitentis statum proponat. ut bona opera, quæ præter impositam pœnitentiam faciet (ad quæ tamen non est obligandus) vel si aliquid patietur, in plenioris satisfactionem operetur. Tandem, si necessarium videbitur remedia opportuna contra peccata adhibeat, v. g. si pœnitens in luxuriam proclivis, carnem maceret. hæc de prudentia.

Dico 10. Ad bonitatem confessarii pertinet, ut sit in gratia, alias exercendo actualiter officium Confessarii sacrilegium committeret. Sufficit tamen, si est in p. m. conteri, & obligatur ante audiendas confessiones confiteri, etiam habitâ commoditate Confessarii. Item ad eandem bonitatem pertinet, ne sit aliquâ censurâ innodatus. Sigillum specialem distinctionem petit. Sextam conditionem ponit Mosc. scilicet fortitudinem, quam explicat 3. p. Tyroc. C. 4.

## DISTINCTIO LXVIII.

### De Sigillo Confessionis.

Triplex præcepto Confessor obligatur ad servandum sigillum confessionis. natural, Divino & humano. naturali, quia de jure naturæ est servare secretum sibi commissum. Divino. quia confessio quæ est juris divini, sine secreto esset nimis odiosa. proinde moraliter impossibilis. humano denique seu Ecclesiastico, quia Ecclesia strictissimè præcipit servari confessionis sigillum & pœnis gravissimis eius violatores vult puniri, ex P. Gonet in Manuali Thomist. de Sacram. Pœn.

docet tamen Mose. in Exam: approb. tit. 7. q. 16. nullam esse censuram aut pœnam defacto, præter p. m. unde primò est pœna depolitionis ferendæ. 2. cogendus est talis Sacerdos vt perpetuò ignominiosè peregrinetur, quæ, ut refert Opat: de Pœnit. d. 13. q. 1. mutata in reclusionem perpetuam in monasterio.

Nota 2. Sacerdos violans sigillum confessionis triplex peccatum committit, primum detractionis infamando proximum. Secundum infidelitatis non servando secretum. tertium sacrilegii faciendo contra reverentiam huius sacramenti. ex Gonet. l. c.

Dico 1. Confessario non licet revelare peccata mortalia etiã in communi, dicendo, iste mihi confessus est peccata mortalia. Immo nec venialia in particulari, dicendo v. g. iste confessus est mihi verbum otiosum, benè tamen in communi, dicendo. Iste confessus est mihi venialia, aut istum abso vi. Quæ, etsi non sint peccata, tamen ex eorum manifestatione potest deveniri in peccatum pœnitentis, cadunt sub sigillo confessionis. Sub quo non cadunt dona & virtutes, cum ex tali manifestatione non reddatur confessio odiosa. nisi in aliquo casu essent necessaria ad explicationem peccati, & deveniretur in cognitionem huius.

Dico 2. Confessarius tenetur celare sub hoc sigillo, licet sint peccata enormia contra bonum commune, etiamsi pœnitens dicat se non habere animum cessandi ab illis. nam adhuc est verè confessio Sacramentalis in ordine ad absolutionem, etsi defacto non sequatur. Secus dicendum, si confessio esset ficta. hæc enim deobligat à sigillo. Fern. de Min. Pœnit. Dela Cruz q. 6. de Pœnit. & alii. cautè tamen procedat Confessarius.

Dico 3. Si quis impie Confessarium interrogat sub juramento, an in confessione tale vel tale peccatum audierit, potest secundum D Thomam jurare se id nescire, subintelligendo tanquam homo. Si urgeat, an audierit ut Deus, etiam jurare potest, subintelligendo per modum causæ principalis. quia non jurat falsum. Amphibologia enim materialis, mendacii expers, & sic licita, nec ab Inn. XI. damnata V. Gonet in Manuali Thomistarum, de fide C. 2.

Dico 4. Frangitur sigillum confessionis, si Confessarius loquendo de loco non valde amplo, aut de aliquo monasterio, dicat, in eo gravia scelera committi. nam fieri potest, ut non levis suspicio de aliquo particulari concipiatur, & aliqui jacturam famæ patiantur. Secus, si id de aliqua civitate loquatur. huc. q. 6. de Pœnit. sect. 5. punc. 4. quoad utramq. partem. ex Nau. Nug. & aliis.

Dico 5. Quando ex usu notitiæ per confessionem comparatæ: nulla sequitur etiam indirecta confessionis revelatio, nec morale periculum talis revelationis, heitum est, uti tali notitiâ extra confessionem. Ita omnes referente Fern. l. c. hinc in sensu conclusionis, Confessarius potest res suas melius custodire. abstinere à calice in quo scit esse venenum. desistere à via, in qua scit sibi paratam mortem ex vnius latronis confessione, monere prælatum ut vigilet super gregem suum &c. Sed in his & similibus procedat Confessarius cautè. Dixi, *extra confessionem*. Nam Confessarius potest in confessione uti scientiâ ab ipso pœnitente habita, in  
alia

alia confessione. consequenter potest Confessarius in confessione in qua pœnitens narrat peccata eiusdem rationis cum peccatis alias confessis reprehendere pœnitentem ob peccata sæpius perpetrata. Bonac. l. c. cum Onuphrio, Nau. Sanch. & Henric. Ex quo ne inferas, licere ex confessione unius. interrogare de speciali, alium, hoc enim non licere, extra controversiam est.

Dico 6. Si Prælatus ex sola confessione scit alicuius indignitatem ad Officium. non potest eum privare illo Officio, ait tamen S. Th. quodl. 5. a. 13. *Si per amotionem ab administratione peccatum nullatenus manifestaretur, puta si in aliquo monasterio esset consuetum quoddam Abbas pro suo libitu de facili aliquos ab administratione removeret, tunc alia occasione accepta potest subditum sibi confessum ab administratione removere, & deberet hoc facere, cum debita tamen cautela, si talis administratio esset subito periculosa posterum. Quamvis etiam in hoc casu melius esset, quod eum induceret ad confessionem penitentiam* Sed S. Th. loquitur sub conditione de possibili hoc est. si posset fieri remotio ab officio cum tanta cautela, ita ut omnis suspicio evitetur de confessionis revelatione, & quod nullatenus violaretur sigillum Sacramentale. quæ quidem conditio, quamvis speculative & metaphysice posset esse possibilis & vera, nihilominus practice & moraliter est impossibilis, & conditio impossibilis habetur pro non adjecta. Ita explicat P. Hyac. Donatus, Laynensis to. 2 par. 1. tr. 4. q. 9. n. 23. Docet etiam Bonac l. c. ex Soro, Reginaldo & aliis. poss. Confessarium semotâ omni revelatione, etiam indirecta (sic enim loquimur) reddi vigilantiorē circa gregem suum, modò ab aliis usitato, quæ ultimæ particulæ benè notandæ.

Dico 7. Si pœnitens ex necessitate manifestavit in confessione peccatum complicitis v. g. dicendo, peccasse cum sorore, Confessarius tenetur peccatum complicitis occultare sub sigillo confessionis. Nam tunc peccatum complicitis pertinet ad confessionem. Si autem pœnitens manifestaret peccatum complicitis sine necessitate, hoc est, si manifestatio complicitis non esset ullo modo necessaria ad manifestationem peccati, confessarius non teneretur tale peccatum occultare sub sigillo confessionis, sed tantum sub secreto naturali, ait Dela-Cruz & nonnulli à P. Gobat in præsentī tacitè relati, sed oppositum docent alii, & securius.

Dico 8. Prælatus, si ab eo petatur licentia à reservatis, tenetur ad sigillum confessionis. Item laicus audiens alicuius confessionem in necessitate. sensu d. 68. conc. 1. licet talis confessio non sit Sacramentalis. Item, qui se fingit Confessarium, aut qui casu audit peccata alicuius dum confitetur. Idem de repiciente charitatem in qua peccata scripta.

Dico 9. De licentia pœnitentis potest revelari eius confessio, sed hoc fiet dum cedit in bonum pœnitentis, alias non congruit v. g. ad communicandum eius confessionem alii peritiori, qui tamen tenebitur ad sigillum. Potest etiam de licentia pœnitentis revelari complex. à fortiori latro qui v. g. innocentem ducit in aliquo loco occidendum & declinat in Ecclesiam cum eo, ut confiteatur, potest revelari de licentia pœnitentis. Potest etiam dexteritas Confessarii adinvenire aliū modū de licentia pœnitentis liberandi eundem,



Dico 10. Si Confessarius sciat peccatum aliunde & extra confessionem non tenetur illud celare sub sigillo, cum jam sciat ut homo. Non tamen potest de eo loqui ut audito in confessione.

Dico 11. Dum Confessarius ex rationabili causa injungit pœnitenti publicam restitutionem famæ, non censetur revelare peccatum, cum aliunde sciatur restitutionem famæ esse necessariam. Vnde scias, doctrinam Moscic. in Exam. app. tit. 7. q. 9. Si periculum revelationis, non expedit pœnitentiam publicam injungere etiam pro publico crimine. Nec ad eam potest cogi pœnitens, & satis est, ut docet idem Doctor ex Fern. Si pro publico satisfaciatur peccator occultè. Sed rarè revelatio in hoc casu timenda. cum aliunde sciatur publicum scandalum, non nisi publice posse tolli. & hæc ratione, excusabantur à fractione sigilli imponentes, antiquis temporibus, pœnitentias publicas secundum Canones, quæ publicis & non privatis delictis imponi poterant. Docet tamen Samuel de Lub. V. Pœn. sub censura S. M. Ecclesiæ Canones pœn. nunquā in cōfessione Sacramentali fuisse servatos.

## DISTINCTIO LXIX.

### De Subiecto Sacramenti Pœnitentiæ.

Dico 1. Complex peccati confessarii est capax absolutionis ab eodem Confessario. Quare, licet non conveniat ut Sacerdos audiat confessionem mulieris, cum qua peccavit, de illo peccato, tum propter periculum, tum quia minor verecundia, si tamen absolveret absoluta esset. Quod autem Aug. de vera & falsa pœnit. C. 20. dicit. *Nullus officio Sacerdotis uti debet, nisi immunis ab illis sit, quæ in alijs judicat*, intelligendum est secundum congruitatem, non secundum necessitatem Sacramenti. Ita S. Th. in 4. d. 19. q. 1. a. 3. q. 2. ad 2.

Dico 2. Confessarius sciens malum statum pœnitentis, quem ipse pœnitens ignorat invincibiliter, si habeat spem emendationis, & possit abiq; scandalo & gravi suo damno pœnitentem à malo statu vindicare, tenetur eum monere. Quia status ille secundum se est malus, & sicut fieri potest tollendus.

Dixi. *si habeat spem emendationis*, alias enim non tenetur. quia talis monitio obesset, & non prodesset. nam jam peccaret pœnitens non materialiter solum, sed formaliter.

Item dixi, *dum potest absq; gravi scandalo*. Quia scandalum, si sit activum, potius vitandum, quam status materialis peccati. hæc quoad casus particulares relinquuntur judicio prudentis.

Quid dicendum de eo, quem Confessarius scit certò peccasse, & ille taceri vide d. 58. conc. 5. examinando particulam libera.

Dico 3. Si pœnitens proposuit bis vel ter in aliis confessionibus restituere & non restituit non est absolvendus, quia Confessarius nequit judicare talem habere efficacem propositum. Fern. in præsentia ex D. Ant. Caiet. Sylv. Nav. & Corduba.

Dico 4. Quando pœnitens tenetur deserere occasionem proximam peccandi, quando

Si, quamvis possit Confessarius semel aut bis illum absolvere, antequam defacto deserat, eo quod speret emendationem, raro tamen id facere debet, quia experientia docet pœnitentem semel absolutum raro occasionem relinquere, immo potius novis modis se implicare. Ita suadetur in Sum. Dia. ex communi sententia V. Confessarius quo ad examen. Circa concubinarium tamen Confessarius tenetur esse magis rigorosus, quare nec pro prima vice absolvendus. Mosc. p. 5. Element. ad S. Confessi: numerat calus in quibus neganda aut differenda absolutio.

Dices. Pœnitentem habere ius ad absolutionem, etiamsi millies concubinam expellere promiserit, dum extraordinaria signa contritionis, & propositum ostendit, ac proinde Confessarius ei absolutionem negare non potest. & Dato id procedere de Confessario ut iudice, non tamen ut Medico, qui tenetur adhibere remedia ad cavenda peccata futura, qualis est dilatio absolutionis. quamvis enim contritionis signa & propositum cognoscat, semper tamen iuste timere debet, remansuram occasionem si absolutionem concedat. Sum. Dia. l. c. ex Palao.

Dico 5. Confessarii non debent se admodum difficiles gerere in absolvendis recidivis, quales sunt, qui in blasphemias, in iuramenta turpia, &c. frequenter incidunt. Matt. enim 8 interroganti Petro dictum fuit. Non septies, sed septuagies septies ignoscendum esse fratri peccanti. Nihilominus non est absolvendus pœnitens recidivans (tanquam non dans nec ostendens sufficiens signum de cetero non peccandi) si nulla emendatio, aut eius inchoatio in eo, post tot confessiones appareret, nulla contra passionem resistentia, sed semper suarum cupiditatum expletio deprehenderetur. Moscic. in Exam. tit. 6. q. 14. V. dicta l. 1. d. 12. conc. 8.

Ad huius evidentiam scias. Quamvis pœnitens non teneatur explicare consuetudinem, ut docet Bonac. de Pœnit. q. 5. Sec. 2. punc. 2. cum aliis, nisi hæc oriatur ex occasione proxima, quam vitare tenetur. potest nihilominus Confessarius ad cognoscendum propositum pœnitentis, de consuetudine interrogare, & tenetur respondere, ut decrevit Innoc. XI. damnando propositionem 58. Cum consuetudo peccandi arguat infirmum propositum.

Dico 6. Pœnitenti recidivanti proponenda sunt remedia. E quibus alia jurant ne reincidat, alia, postquam reincidit, ne sæpius relabatur, primi generis possunt esse hæc 1. Oratio aliqua brevis v. g. *Deus in adiutorium meum intende, vel cor mundum crea in me Deus. vel fiat Domine cor meum immaculatum.* 2. applicatio mentis ad aliquid, quod pœnitentem remove possit à peccato, ut consideratio mortis, inferni, gloriæ cœlestis, &c. juxta propensionem pœnitentis. aliqui enim magis noventur pœnis, quam beneficiis. aspectus alicuius imaginis v. g. Crucifixi &c. Demum admotio alicuius rei, quæ dolorem inferat carni v. g. candelæ ad digitum &c.

Secundi generis possunt esse hæc 1. recitatio psalmi miserere flexis, vel etiam nudis genibus. 2. deosculatio terræ, quinque vel pluries. 3. ieiunium sequenti die, vel aquæ potus in sequenti mensa. 4. flagellum vel gestatio cilicii sequenti

sequenti horâ vel vespere: 5. eleemosyna aliqua Deniq; ut saltem post tertiam vicem redeat ad confessionem, ut scilicet ratio delicti postulabit. Hæc remedia omnia vel saltem aliqua proponenda pœnitenti, ut ipse assumat aliquod tanquam necessarium. tenetur enim ad aliquod ex prædictis assumendum. Non tamen imponenda sunt cum obligatione, nisi habito prius suaviter consensu pœnitentis, alias potius obesse possent, quàm prodesse.

Nonnulla ex his proponi possunt ad eradicandas variorum regnorum in blasphemando vel maledicendo consuetudines, vel etiam suadeat Confessarius talibus & similibus consuetudinariis ad impetrandam à Deo gratiam, saltem ter, dum v. g. surgunt, & pro tota die intentionem formant, invocationem Nominis Iesu & MARIÆ. Notitia talium remediorum pertinet ad prudentiam Confessarii.

## DISTINCTIO LXX.

### De Clavibus Ecclesiæ.

**D**ico 1. Clavis Ecclesiæ non alius est, quàm *poteſtas ligandi & ſolvendi quâ iudex Eccleſiaſticus dignos recipere, & indignos excludere debet à regno Cælorum* S. Th. q. 17. Supp. a. 2.

Dico 2. Clavis ratione tantum differt à charactere Sacerdotali S. Th. l. c. ad 1. Nam eadem qualitas prout refertur ad corpus Christi verum consecrandum, dicitur character seu potestas consecrandi, & prout refertur ad ligandum vel solvendum fideles dicitur clavis. Quare Christus D. in ultima Cœna contulit Apostolis characterem cum clavibus, quantum ad substantiam, sed utrum clavium dedit eis Ioan. 20. dicendo. *Accipite Spiritum S. quorum remiseritis &c.* Sicut modo datur Sacerdotibus clavis, quantum ad substantiam cum characterem, in illis verbis, *accipe potestatem offerendi Sacrificium &c.* & postea, quando in fine Missæ displicatur calula, & dicitur ijs jam ordinatis, *accipe Spiritum S. &c.* explicatur magis potestas jam data.

Dico 3. Dux sunt claves in Ecclesia, una scientia, quæ non consistit in habitu scientiæ, sed in auctoritate iudicandi de dignitate aut indignitate pœnitentis. Secunda potestatis, quæ consistit in auctoritate pronuntiandi vel non, sententiam absolutionis. ex S. Th. a. 3.

Dico 4. Potestas jurisdictionis pro foro externo ad ferendas censuras, & pro foro interno ad absolvendum in foro Pœnitentiæ, non sunt propriè claves. Hinc Dela Cruz in præſenti dicit esse comm. Nam secundum D. Thomam clavis est idem cum characterem, prædictæ autem potestates non sunt idem cum characterem. Nam prima committi potest sæculari baptizato, secunda autem licet supponat characterem, non tamen confertur cum eo, sed postea datur ab Ordinario sine nova consecratione. Vocat quidem eam S. Th. q. 25. Supp. a. 2. ad 1. clavem, sed largè, unde dicenda conditio applicans, & constituens materiam in quam exercetur virtus clavis.

DISTIN.



## DISTINCTIO LXXI.

De effectibus Pœnitentiæ, ubi etiam de reditu peccatorum  
per ingratitudinem.

EX Thomistis P. Labat tres tantum numerat effectus Pœnitentiæ. 1. Gratia remissiva mortalium quo reducitur reatus pœnæ æternæ remanente tamen reatu alicuius pœnæ temporalis, non tamen semper, si sit fortiter & rvida contritio pœnitentis. 2. remissio venialium 3. recuperatio virtutum & meritorum mortificationum. Bonac. addit irrevocabilitatem peccatorum & obligationem sigilli. Sed has Labat revocaret, ad remissionem peccatorum.

Quæritur, cum peccata per pœnitentiam verè remittantur, & non tantum tegantur ut volunt Hæretici, quomodo dicantur per sequens peccatum redire? R. Hoc sensu per ingratitudinem dicantur redire, in quantum sequens peccatum majus est cæteris paribus, quam si aliquod nunquam fuisset remissum. Arm. V. ingratitudo. hæc autem ingratitudo, nisi sit notabilis, non est de necessitate explicanda in confessione idem l. c. ex S. Th. Quatuor autem sunt propter quæ specialiter dicuntur peccata redire. scilicet odium fraternum, apostasia à fide, contemptus confessionis, & dolor de pœnitentia habita, & continentur sequentibus.

Frater odit, apostata fit, spernitque fateri,  
Pœnituisse piget. pristina culpa redit.

## DISTINCTIO LXXII.

## De Indulgentiis.

NOTA 1. Indulgentia est remissio pœnæ temporalis pro peccatis actualibus debita, extra Sacramentum facta, ex thesauri Ecclesiastici dispensatione. Nomine thesauri veniunt merita Christi Domini. Item intercessionem & satisfactiones Sanctorum, immo ut docet Opat. d. 2. de Ind. q. 2. etiam eorum justorum, qui postea exciderunt à gratia, & in statu peccati sunt mortui. Hæ satisfactiones debent superare peccata, quales fuerunt Job. de quibus ipse. *Vinam appenderentur peccata mea quibus iram merui in statera, & calamitas quam patior, quasi arena maris hac gravior appareret* tantum autem feci mentionem meritorum Christi Dñi. nam actiones Sanctorum quatenus meritorie non ingrediuntur thesaurum, Ecclesiæ ut docet P. M. Labat in fine trac. de pœnit. cum ut tales, etiam ultra condignum, præmiantur à Deo. Circa ly extra Sacramentum facta V. Opat. l. c. q. 1.

NOTA 2. Indulgentia a suffragio distinguitur. Suffragium enim fit pro alio autoritate privata, vel applicando ei suam satisfactionem, vel impetrando ut satisfaciatur. Indulgentia verò fit autoritate publicâ, etiam, quando per modum solutionis applicatur mortuis. Sicut cum ex ærario publico solvitur aliquod debitum, fit autoritate publicâ. ubi sciendum. Indulgentiam factam mortuis non esse judiciariam, & sic non esse absolutionem, cum mortui sint extra jurisdictionem.

nem Papæ. Sed tantum esse solutionem & ad instar suffragii. Vide Opat. l. c. q. 3.  
Distinguitur etiam Indulgentia, intellige plenaria, à lubilæo, sed accidentaliter, inquantum lubilæum superaddit potestatem à reservatis & commutandi vota, licet non omnia, &c. plena verò, plenior & plenissima distinctione tantum nominis gaudent. Opat. d. 4 q. 3. ex M. Cano. Victoria & Soto. unde plenior & plenissima, exaggerationem tantum denotat.

Dico 1. Indulgentiam concedere possunt, Papa, Cardinales, Episcopi & Legati Pontificis. Papa quidem jure divino plenarias, perpetuas & per totum orbem. Reliqui, autoritate Papæ, 40 dierum (præter Cardinales, qui concedere possunt 100 dierum) temporaneas (præter legatum, qui concedere potest perpetuas) & unus quisq; ex his in sua diocesi, & provincia. Sum. Dia. V. Indulg. Concedit tamen Episcopus in consecratione Ecclesiæ unum annum pro illo die tantum, & non anniversario. Pro quo 40. dies tantum, conceduntur.

Dico 2. Capitulum sede vacante, Prælari inferiores Episcopo, etiam Episcopali jurisdictione gaudentes indulgentias concedere non possunt. quia id nullo jure, vel saltem consensu Pontificis tacito probari nequit. Concilium generale absq; speciali concessione Papæ non potest dare plenarias nisi sede vacante ut alii apud Bonac. in præsent. punc. 3. docent. Et sic Prælati Regularium, etsi possint applicare sacrificia, & satisfactiones subditorum cui velint antequam fiant, vel dum fiunt, sed non possunt illa jam facta extrahere à Thesoro Ecclesiæ & alteri applicare, sicut nec illud potest qui ea obtulit. Dela Cruz & Samuel de Lub. in præsent. & patet ex conciliis. Nec audiendus Vivaldus in Candelabro de Indulgentiis, qui num. 6. tenet. quod omnes Parochi, atq; etiam simplices Sacerdotes, modò sint ab Ordinario approbati, possint ministrando Sacram. Pœnitentiæ concedere indulgentias. solum enim ut ait citatus Academia Crac. lumen Opatovius d. 3. possunt minuire sacramentales pœnitentias injunctas vel injungendas, pijs exhortationibus, augendo in illis dolorem & contritionem. Immo, ut refert citatus Doctor, totum illud Cap. ex Cand. jussu Clementis VIII. expunctum est.

Dico 3. Episcopus non potest largiri indulgentias defunctis, patet ex usu & praxi Ecclesiæ, quæ est optima interpret legum, nunquam enim leguntur Episcopi defunctis largiri fuisse indulgentias. Opat. l. c. ex D. Bonav. & Nau.

Dico 4. Quatuor requiruntur ut indulgentia valeat. 1. Causa rationabilis. 2. Autoritas dantis. 3. ut recipiens sit in statu gratiæ. 4. opus aliquod particulare per quod applicatur singulis indulgentia.

Ad conclusionis evidentiam scias, licet causa indulgentiarum non debeat esse adæquata effectui, hoc est remissioni pœnarum, aliàs non esset indulgentia sed commutatio, debet tamen esse proportionata. Vnde, sicut indulgentiæ sine causa concessæ non sunt validæ, ita concessa magna sine magna causa non valet. Opat. d. 5. q. 3. ex B. Alb. M. Adriano, Augustino de Ancona, Caiet. Soto &c. & probat ex Bullis Sum Pontific.

Et sic non sufficit causa tantum pia, qualis esset, si Papa omnibus decedentibus

bus in gratia daret indulgentiam plenariam, sic enim nullus ingrederetur purgatorium. Labat in fine tract. de Pœn. Causa sufficiens judicatur à Fernandez in præf. §. 6. allegando Henricq. affectus milericordiæ erga animas ut liberentur à pœnis purgatorij. Ne contrariatur sententiæ P. Labat S. Th. dum in 4. d. 20. q. 4. a. 3. dicit, quantitatem effectus indulgentiæ non commensurari quantitati seu gravitati causæ. Nam S. D. solum negat causam indulgentiæ debere esse adæquatam effectui indulgentiæ, & non negat debere esse proportionatam.

Dices tamen, sæpè indulgentiæ plenariæ conceduntur ex levi causa, licèt videatur esse proportio v. g. dum Papa celebrans in die Paschæ, & benedicit populo, concedit indulgentiam plenariam astantibus ad fores Ecclesiæ S. Petri. & ex Opat. indulgentiam plenariam non dari ex causa levi. Et quamvis ad stare ad fores Ecclesiæ, videatur opus in se consideratum esse leve, consideratis tamen circumstantiis est causa gravis & iusta. Quia magnitudo causæ non tam ex opere, quam ex fine consideranda. Vnde assistentia populi ad fores Ecclesiæ S. Petri, in quantum est medium ad protestandam fidem, quam habet erga Vicarium Christi, est causa proportionata ad obtinendam indulgentiam plenariam. Sed quid, quando Pontifex putat causam sufficientem & non est? R. ratam haberi à Christo D. & sic obtineretur indulgentia; Nam secundum axioma Theologorum. *Clave non errante semper subsequitur solutio, seu apertio cali*, quando autem prudenter fit dispositio, clavis non errat, & sic consequitur effectum. Scias etiam ad intelligentiam tertii requisiti, ut quis lucratur indulgentiam, sufficit ultimum opus esse in gratia, Opatov. d. 6 q. 2. cum Soto.

Dico 5. Quando conceditur indulgentia mille annorum, non debet intelligi, quòd per indulgentiam relaxetur, pœna mille annis debita in purgatorio, sed pœna mille annis debita in hac vita; licèt enim tam diu non vivamus, talem tamen pœnam ob multitudinem peccatorum mortalium facillè incurrimus, cum iuxta canones pœnit, peccato in publico debeatur pœna 7. annorum, communiter, & graviori, plurium.

## Q. V. aliquæ animæ an detineantur in purgatorio ad diem iudicij?

RESPONDET Florus Magister. Ord. S. Benedicti, in expositione Missæ *Vel vlt. ad diem iudicij longâ examinatione à vitiorum sorte mundantur, vel certe prius amicorum fidelium precibus &c. pœnis absolvi, & ipsi ad Beatorum perveniunt requiem.*

Dico 6. Si es in gratia, pœnes applicare tuam satisfactionem aliis in gratia exstentibus etiam defunctis. Non tamen indulgentiam, nisi tibi à Papa concedatur. Cùm dispensatio Thesauri Ecclesiæ ad Papam pertineat, S. Th. in supp. q. 27. a. 3. ad 2.

Dico 7. Ad lucrandam indulgentiam sufficit ponere opus præscriptum, sicut sufficit in præceptis. Vnde qui inscriptus Confraternitati recitat Rotarium, ignorans quod habeat annexam indulgentiam, adhuc eam lucratur Gab. à S. Vinc.



cum Diana, Portello, Sanctarello, Layman, Salas & Villalobos: Quia in formulis indulgentiarum præscribitur opus abiq; ulla intentionis determinatione. Seriùs tamen habere intentionem saltem virtutalem, ut cum manè in communi operum directione quis habet intentionem lucrandi omnes indulgentias cuilibet operi annexas.

Dico 8. Per indulgentiam liberatur homo ab onere implendi poenitentiam impositam à Confessario: ut si Confessarius imposuit jeiunium 40 dierum, liberatur per indulgentiam 40. dierum. Si jeiunium annuum singulis textis feriis per indulgentiam 52. dierum Sum. Dia. referens comm.: securius, si Confessarius commutet. Ex quo patet, posse Confessarium imponere parvam poenitentiam poenitenti dicenti preces habentes annexam indulgentiam.

Dico 9. Indulgentia concessa huic in individuo v. g. Rosario, non amittitur quando cordula frangitur, vel vetus renovatur. Quia cordæ variatio non mutat moraliter Rosarium. Medalia etiam non amittit indulgentiam si pars superior frangatur, & aliud foramen fiat, quia adhuc deservit ad usum priorem. Crux tamen amittit indulgentiam, quando crucis formam perdit. Gab. à S. Vinc. V. indulg. quoad omnes partes. Quòd si partes crucis resolverentur, & colligaretur, crux adhuc pro indulgentia serviret.

Dico 10. Is qui semel indulgentiam plenariam obtinuit, si post obtentam in peccatum labatur, potest eodem die etiam decies faciendo facienda ea lucrari: sed non per eadem opera. hoc enim reprobat in Decreto S. Congregationis indulgentijs & sacris reliquijs præpositæ 18 8.

Dico 11. Dato casu quod fiat revocatio Romæ indulgentiarum, non statim extinguuntur donec sufficienter innotescat. Opat. l. c. d. 7. q. 4. cum comm. Vnde inferit, si quis bonâ fide ignoraret de revocatione, & vigore indulgentiarum à reservatis absolveretur absolutio esset valida.

Dico 12. Quamvis lucrans per modum absolutionis & sententiæ indulgentiam, debeat esse baptizatus, cum debeat esse Ecclesiæ subditus, secus, qui lucratur per modum suffragii, & sic catechumenus eam lucratur, sicut & mortui labat in præsentia.

Dico 13. Ut quis lucretur indulgentiam pro defunctis, non est necesse ut sit in gratia. Quia in tali casu præscribitur opus ut conditio, quâ posita ab Ecclesia applicatur Christi & SS. satisfactiones animabus purgatorii S. Th. opus 67. C. 2. Scias Indulgentias defunctis applicatas, non habere effectum omnino infallibilem, quia iudex non tenetur acceptare poenæ commutationem, nisi se suâ promissione adstrinxerit. Vnde fidelium usus est, replicare indulgentias plenarias pro eodem defuncto. Gabriel à S. Vinc. V. Indulg. V. Samuel à Lub. ibid. n. 15.

## Q V Æ S I T V M.

*Quid nomine Carenæ, Septenæ & Quadragenæ veniat? Hæ enim in concessione indulgentiarum aliquando exprimuntur.*

Re

**R**espondetur, Carena significat pœnitentiam quadraginta dierum in pane & aqua cum aliqua alia pœnitentia septem v. g. annorum. Dicitur autem Carena, vel per syncopen quasi quarentena, vel potius a carendo cibis. Vnde quando in indulgentia conceditur una Carena, remittitur tanta pœna in purgatorio quanta ex vi illius pœnitentiæ remitti poterat. Septena significat pœnitentiam septem annorum, v. g. jeiunium omnibus sextis feriis intra septem annos, vel quid simile. Quadragena significat tempus pœnitentiæ, quadagesimæ per simile quadraginta dierum numerum concludit. Opat. l. c. q. 4. quoad omnes partes.

## DISTINCTIO LXXIII.

## De Iubilæo.

**N**ota. Iubilæus seu Iubilæum est indulgentia plenaria, cum alijs gratijs in Brevis expressis auctoritate Apostolicâ concessa his qui conditiones adimpleverint. Dum datur ita tunc tempore, finis est, honoratio Apostolorum Petri & Pauli, per visitationem Basilicarum eorum. 2. reverentia Sedis Apostolicæ. 3. ut fideles in fide confirmantur, & charitate accendantur visitando martyrum sepulchra. Dum datur initio Pontificatus, finis est impetratio divini auxilii pro tanto munere. Quando datur tempore cuiuscunq; necessitatis Ecclesiæ, finis est imploratio misericordiæ, & hi fines sunt ultimi, ut finis ultimus hic habet locum, nam finis proximus est remotio totius pœnæ temporalis. Conditiones ad consequendum Iubilæum regulariter sex numerantur. Scilicet processio. vel Ecclesiæ visitatio. 2. oratio. 3. jeiunium. 4. eleëmofyna. 5. confessio. 6. communio.

Dico 1. Opera ad consequendum Iubilæum præscripta, possunt præstari intra duas hebdomadas. Naldus V. indulg. affirmans Sacram. Pœnitentiarum Romanam ita declarasse. Sed jeiunia complenda intra eandem hebdomadam. Quia ico-  
pus Pontificis est, ut caro jeiuniis maceretur, ad quem magis faciunt jeiunia unita, immo hæc implenda diebus præscriptis.

Dico 2. Opera præscripta possunt impleri in duobus locis, modò in utroque sit Iubilæum. Et qui in sua patria lucrari negligit, alibi lucrari potest, sed Diana p. 5. tr. 12. resol. 53. Secutus Layman, confessionem communionem, jeiunium & eleëmofynam loco Iubilæi non alligat.

Dico 3. Opera præscripta possunt impleri per opera aliàs debita, & sic sufficit dare eleëmofynâ extremè egenti. Et quandoq; solet Iubilæum publicari tempore paschali. docet tamen Moscicensis in Exam. approb. tit. 13. q. 6. communionem tunc sumendam à Paracho, vel ab alio de huius licentia.

Dico 4. Si indeterminatè præscribatur Ecclesiarum visitatio, oratio & eleëmofyna, sufficit hæc semel præstare, idq; etiam die Dominico, ante vel post communionem. Si Episcopus deputaret plures Ecclesias in civitate, quàm Papa in Urbe, tunc sufficit quod Papa deputavit. quia Episcopus nequit onerare privilegium Papæ. Si verò Episcopus deputaret pauciores, aut unam, hæc sufficeret. Summa

Dianæ. Et sufficit visitare Ecclesiam de foris, si præ multitudine non detur ingressus. Nam nomine Ecclesie venit camerarium. cum in favorabilibus verbaliter explicanda. Sufficit etiam, si in jubilee dicatur, ut aliquot altaria in certis Ecclesijs visitentur, ad illa, se, orando, convertere ex eodem loco. Samuel de Lub. p. 1. V. jubil.

Dico 5. Si quis daret nummos famulo pro elemosyna facienda & famulus non praberet, vel ultra tempus præscriptum differret, lucraretur jubilæum. Si quis etiam elemosynam certo die præscriptam per inadvertentiam ad Sabatum differret & tunc majorem daret lucraretur jubilæum, ex tacita intentione Papæ. Quæ ratio applicanda primæ parti conclusionis. Elemosyna danda est pro arbitrio & non mensuranda Mosc. l. c. & alii.

Dico 6. Probabile est omittentem confessionem, eò quod non habeat mortalia, consequi jubilæum. Quia vel tantum requiritur ut conditio, vel si requiritur ut opus injectum, intelligitur, si adint mortalia. Quando in Brevi dicitur ut infra hebdomadam confiteamur, & die Dominicâ communicemus, confiteri possumus die Dominicâ, quia hoc consilium censetur, & idem, si utrumque præstemus infra hebdomadam.

Dico 7. Pueris non valentibus secundum ætatem communicare, commutanda communio in aliud opus, & idem de eo qui ultimâ die jubilæi inadvertenter bibit.

Dico 8. Confessarius Claustraliū perpetuò ibi degentium, incarceratorum captivorum, infirmorum non valentium requiritur, implere, commutatur, ut possint omnia & singula, in alia pietatis opera commutare, vel in aliud proximum tempus differre. Quoad itinerantes autem, commutatio Confessarii non committitur, sed ordinatur ut peracto itinere requirantur exequantur.

Dico 9. Confessarius non solum commutare potest opera omnia ex legitima causa, sed etiam omnia ex malitia. Et sic, si quis ultimo die dolens, quod conditiones non impleverit, petat sibi in alia opera commutari, vel tempus prorogari, potest Confessarius id præstare. In tali casu docet Mosc. Samuel de Lub. & alii, dandam absolutionem à censuris, tollendam reservationem & commutanda vota intra tempus jubilæi, tollendam inquam reservationem, non dandam absolutionem, quia hic casus non est tantæ necessitatis, ut liceat dimidiare sacramentalē absolutionem. Potest etiam Confessarius tempus prorogare, si pœnitens judicatur mansurus in proxima occasione.

Dico 10. Si in jubileo sermo est de Confessario approbato ab Ordinario & non additur, Loci, Regulares ad lucrandum jubilæum confiteri possunt approbato tantum à proprio Prælato, quia hic est eorum Ordinarius. Secus, dum sermo est de approbato ab Ordinario Loci. Lezana. Aliquot tamen dicunt etiam in hoc casu Regulares confiteri posse approbato tantum, à proprio Prælato. Quia prædicta verba accipienda cum explicatione accommoda, ut si agatur de secularibus necessitudo eligendus approbatus ab Episcopo. Hæc etiam procedunt de Monialibus Regularibus subiectis. Moniales enim tempore jubilæi etiam gaudent privilegio eligendi.



eligendi Confessarium. Nec contra S. Congregationem oppositum declarasse.

Dico 11. Quando in jubileo expressè conceditur facultas absolvendi ab omnibus reservatis Papæ, censetur etiam concedi tam à casibus quàm censuris Episcopo reservatis. Zanardus p. 1. C. 21. q. 34. Non enim credibile Summum Pontificem in tam extraordinario privilegio velle excipere casus & censuras Episcopales. Nec per hoc contradico decreto Clem. VII. insinuat d. 66. conc. 6. sed an censetur concedi facultas absolvendi ab hæresi V. d. 64. conc. 4.

Dico 12. Si quis tempore ad lucrandum jubileum electus aliquoties incidit in casum reservatum, toties poterit absolvi durante tali tempore. Nec ad hoc exigitur idem Confessarius, sed potest fieri recursus ad diversos.

Dico 13. Qui tempore jubilei obtinuit absolutionem reservatorum & commutationem votorum animo lucrandi jubileum, quod postea sua culpa non lucratur, non propterea reincident in reservata & vota Mosc. l. c. quia non fuit absolutus ad reincidentiam id enim nec habetur in dilectate, nec Confessarius absolvere potest sub conditione de futuro, id est, si lucraberis jubileum, quia absolutio debet esse absoluta, talis tamen peccat graviter ut probat Mosc. Adde, si talis obliviscatur in confessione reservatorum, tollitur reservatio, & potest post jubileum absolvi per Confessarium, quàmvis non privilegiatum. V. d. 62. conc. 5.

Dico 14. Non oportet omnia opera jubilei fieri in gratia, sed sufficit esse ingratia in ultimo instanti in quo indulgentia applicatur. Immo, si quis indulgentiam propter obicem non lucratur, probabile est obtenturum deinde recedente obice.

Dico 15. Absolutio à Censura virtute jubilei data si parti satisfactum, valet etiam in foro externo quàmvis recipiens absolutionem sit denunciatus. nisi tales excipiantur. ut probat Dela Cruz l. 2. de statu Relig. C. 7. dub. 1. aliàs tantum in foro Pœnit: si parti non satisfactum.

Dico 16. Nomine censuræ virtute jubilei absolubilis venit irregularitas ex delicto proveniens. quia est censura, ex Cornejo 3. p. tr. 5. d. 2. diff. 2. V. quæ docentur de Censuris.

Dico 17. Qui vna hebdomadâ lucratus est jubileum, iam secundâ nequit hoc lucrari. probat Opat. d. 8. de indul. tum autoritate D. Thomæ, tum ratione. idem docet Mosc. l. c. cum multis aliis. Oppositum docet Henrig. Benzoni, Molfesius & alii, & ad declarationem Clem. VI. & S. Congregationis respondent.

Dico 18. Non suspenduntur per annum sanctum indulgentiæ pro animabus purgatorii, secundum Dianam & Marti Carillo. Nec quæ conceduntur vivis ut applicentur mortuis, nec in articulo mortis, secundum citatos in Summa Dianæ. Nec concessæ Ecclesiis Urbis Romæ, secundum Rodriguez & alios Commutationem votorum, vide in tractatu super decalogum. Vide etiam, si placet, Moscici l. c. q. 9. 10. & 11.

## DISTINCTIO LXXIV.

*Proponitur interrogatorium pro confessionibus longioris temporis.*

**C**onfessarius ad initium interroget. 1. tempus ultimæ confessionis. 2. an impleverit pœnitentiam? 3. an peccata præcogitaverit? 4. statum, an conjugatus, an solutus, an mercator? &c. tandem circa 10 Præcepta. Circa primum interroget de peccatis fidei, charitati & religioni oppositis.

1. V. in aliquo articulo fidei dubitaverit? vel V. oppositum senserit, & id signo externo expresserit? alias enim non incurrit excommunicationem, nec casum reservatum. Nota. Qui cum pertinacia dubitat, ita ut non sit paratus corrigi, est hæreticus, ut colligitur ex C. de Summa Trin. ubi censetur hæreticus dubitans animam rationalem esse corporis formam. Qui autem dubitat & est paratus corrigi, licet dubitet ex ignorantia crassa, & peccet mort. non tamen censetur hæreticus, ut docet M. Cano & Bannez apud Soulam.

Interroget V. sciat communiora mysteria fidei? tenetur autem quilibet Christianus credere Deum esse, & remuneratorem esse. Mysterium SS. Trinitatis, Incarnationis & Redemptionis. Incarnationem Verbi Divini in utero B. V. M. factam. Beatam MARIAM esse Virginem, esse Matrem Dñi. Tria ex septem Sacramentis. scilicet, Baptismum Eucharistiam, & Pœnitentiam. reliqua tunc quando recipit. Præcepta Decalogi. Præcepta communia Ecclesiæ, maxime confessionis & communionis annuæ. Immortalitatem animæ Peccatum Originale. necessitatem gratiæ. Suadeat pœnitenti, ut Symbolum Apostolorum, Decalogum, Orationem Dominicam, & Ave MARIA memoriâ teneat, sed sufficit, quoad Orationem Dominicam scire eius summam, scilicet omnia à Deo esse petenda. sufficit etiam quoad Symbolum, Sacramenta, Decalogum & Ecclesiæ præcepta, quod interrogatus de contentis, sciat respondere. V. 1. d. 2.

2. V. desperaverit de bonitate Dei præsumpserit, dicendo, Deus bonus, dabit vitam æternam, licet in hoc statu (intellige malo) perseverabo. dicendo, peccabo, parcat Deus bonus enim est.

3. V. Deum odio habuerit? ob legem datam, vel pœnam inferni impositam, &c. V. inimicitiam erga proximum foverit? inimico signa amicitie omnibus communia, negaverit? injuriam non remisit, nec pacem petierit? V. Eleëmofynam in extrema vel gravi necessitate constituto dedit? Proximum fraternè correxerit? suppositâ spe emendationis & opportunitate temporis?

4. V. Aliquando oraverit? præcipue in gravi tentatione, tempore necessitatis publicæ v. g. belli &c. Sacrilegium commiserit? in locis, rebus sacris, v. g. imagines conculcando, reliquias spernendo &c. in personis sacris, eas lædendo. blasphemaverit, & quomodo? V. locum vanis observantiis dedit? committitur autem vana observantia, dum adhibentur aliqua nec ex se nec à Deo ordinata ad determinatum effectum. Quod si hæc sint ad nocendum, committitur maleficiū.

Inclu:

Includitur etiâ in similibus superstitionibus saltem implicitum cum dæmone pactum, cum assumantur res, nec à Deo, nec à natura ordinatæ.

Præcipuè sequentes circa vanas observantias examinentur. 1. Pastores, qui varia observant, ut gregem ab incommodis tueantur. 2. Fabri ferrarii, qui circa equos sanandos, utuntur mediis ad id non ordinatis. Quo revocatur consuetudo quâ jumentis vena aperitur die alicui Sancto dedicato. vosc. in Exam. approb. tit. 14. q. 4. 3. Rustici, qui ad sananda pecora vanis observantiis utuntur. vel ad vetulas id praticantes recurrunt. 4. obstetrices, quæ circa parturientes vanas. v. g. adhibent orationes. 5. Milites, sacra nomina vel orationes deferentes, ad certitu linem, quodd in bello non sint vulnerandi &c dixi, *ad certitudinem*. nam si solum habeatur respectus ad Deum, à quo humiliter effectus speratur, non est superstitio.

Magi & sagæ examinentur, cur explicitum cum dæmone pactum inierint. 2. de apostasia, idololatria & hæresi. solent enim abnegare Christum, &c. cum certo contemptu externo, qui explicetur renunciant sacramentis. habent dæmonem pro Deo vel Sancto, nec damnatum putant, & sic nec sequaces damnandos. 3. de blasphemii in Deum & Sanctos. 4. de Sacrilegiis, abutuntur enim rebus sacris, v. g. aquâ benedictâ, Eucharistiâ &c. 5. de commixtione cum dæmone. 6. de damnis illatis. tandem de variis superstitionibus.

Circa secundum, de peccatis juramento & voto oppositis.

1. V. mendaciter juraverit? videat Confessarius an talia juramenta sint ex prava consuetudine. si sic, procedat secundum dicta d. 69. conc. 5. & 6. V. juraverit facere quod malum, vel non facere quod bonum? juraverit, sine causa, licet in re vera? Nota. juramenta cum mendacio, licet in re parva, esse mortalia. quia etiam in re lev. falsa, Deum adducere ut testem, grandis irreverentia est, juramenta autem in re vera sed sine necessitate, tantum sunt venialia. immo & contra justitiam in re lev. v. g. juro, furabor grossum. 2. V. tardus fuerit in voto implendo? fregit? videat Confessarius, an possit dispensare, vel saltem cõmutare.

Circa tertium. V. missam die festo audierit? tempore missæ per notabile tempus garriverit? de quo maximè pueri & aulici examinandi. die festo opus servile exercuerit, vel alii in hoc causa fuerit? Nota aliquos docere, laborantem per duas horas non peccare mortaliter. V. certis diebus à cibis vetitis abstinuerit? in quadragesima & vigiliis jejunaverit? semel in anno confessus? in Paschate communicaverit? decimas dederit?

Circa quartum. V. filii parentibus obediens fuerint? in necessitatibus succurrerint? reverentiam præstiterint? mortem v. g. oprando, non maledixerint? non percusserint? eodem modo interrogandi discipuli respectu magistrorum, & famuli respectu dominorum.

Parentes filiis V. bonam educationem dederint? præcipuè quoad salutem animæ, malè vivere non permiserint? malum exemplum non dederint? Eodem modo interrogentur magistri respectu discipulorum, & domini respectu famulorum,



lorum, & subditorum V. Mose. loco citando. de pecc. Dominorum. V. Vxor in spectantibus ad gubernationem domûs, Viro obediens fuerit? ex bonis mariti aliquid notabile contra eius voluntatem, ad dispensandum secundum suum arbitrium, acceperit? Quia nec eleemosynam dare potest ex bonis mariti, nisi res parvi momenti, & nisi in Spem verisimilem ratihabitionis illius Mose. p. 8. Element. art. 22. de pecc. conjugatorum. Quod si maritus esset prodigus, licitè posset vxor accipere aliqua, ut in necessitate domui provideat. nec teneretur marito præcipienti tradere quæ habet. Similiter si maritus esset adeo tenax, ut in necessariis vxoris & domûs secundum conditionem eius deesset, posset vxor idem facere, V. blasphemiarum vel maledictionum causa fuerit.

Maritus V. vxorem iniuriis affecerit? percussit? occasio blasphemiarum vel maledictionum causa fuerit.

Circa quintum. V. non occiderit? vulneraverit? torserit? mater infantem in lecto oppresserit? abortûs causa fuerit? pro sterilitate aliquid fecerit? vel ad supradicta, hæc vel alius cooperatus, vno ex novem modis, supra septimum præceptum recensendis. Causa peccati, scandalizando, fuerit? ad peccatum induxerit? grave malum sibi aut aliis. v. g. morbum, mortem, dæmonem &c. ex animo optaverit? Nota ex Arm. V. maledictio, maledicere creaturæ irrationali relatæ ad aliquod malum quemadmodum Ioh maledixit diei suæ, non est peccatum nisi ex impatientia fiat. V. de morte v. g. Patris, fratris, ob hæreditatem, gavius? de aliorum prosperitate doluerit? graves minas, cum intentione nocendi, verba graviter injuriosa, protulerit?

Circa sextum. De verbis inhonestis, cantilenis turpibus. Nota, verba inhonesta si ex scurrilitate tantum proferantur, non sunt mortalia, nisi sint excessivè turpia, secus si sit complacentia. Item de aspectibus, osculis, tactibus libidinosi, explicando circumstantiam solutæ, maritatæ &c. V. cognoverit fœminam? & hæc an soluta, virgo, maritata, consanguinea, sacra fuerit? pollutionem procuraverit & de quali tunc cogitaverit? Nota ex nonnullis contra Toletum, pollutionem in somno inceptam non tenetur in vigilia sub p. m. reprimere, modò absit periculum consensûs. Supposito quòd amore turpi alicuius fœminæ exarserit, eamque concupierit, quærat, quàm diu in hoc pravo affectu duraverit V. pervenerit ad verba turpia, literas amatorias, tactus &c. V. ornatu, musicâ & aliis vsus animo provocandi ad peccatum? V. de peccato carnis, vel de aliqua turpitudine se iactaverit? de quo interrogandi, petulantem conversationem ducentes. Conjugatus, V. petierit debitum cum periculo abortûs. vel cum periculo effundendi semen extra vas? V. fuerint oscula &c. cum simili periculo? V. semen effusum, ne proles sequatur? Nota circa primum. incurri excommunicationem, si fœtus sit animatus & abortus prævisus.

Circa septimum. V. gr. ve. damnum intulerit? furatus in notabili quantitate? iussus in præcedenti confessione, restituerit? circa quem vide dist. 69. conc. 3. In emptione, venditione, circa rem, pretium, pondus, mensuram, numerum. de fraudave-

frauderit? rem alienam, quam talem putavit esse talem emerit? usuras acceperit? eo quod pecuniam vel aliam rem, v. g. frumentum mutuo dederit. 2. quod emptionem anticipaverit. 3. quod solutionem expectaverit. V. in ludo detrauderit? Rustici V. in sylvis & pascuis nocuerint? interroga etiâ de cooperatione circa prædicta. hæc autem sic novem sequentibus modis, per hos verius expressis.

lulio, consilium, consensus, palpo, recursus,

Participans, murus, non obitans, non manifestans

id est præcipiendo, consilium dando, contentiando & ratum habendo, sive ante sive post factum, laudando factum, vel ut fiat, defendendo & præbendo recursum ad se. habendo partem v. g. dando auxilium. non præmonendo, non defendendo, non manifestando malefactorem.

Circa octavum V. cum gravi damno proximi mentitus? in re gravi detraxerit? & exprimendum. V. mentiendo, vel verum occultum manifestando. Nam si verum publicum de aliquo etiam in re gravi dicitur, non peccatur. V. aliorum dicta animo infamandi retulerit? Nam si retulerit aliorum dicta non animo infamandi, nec asserendo pro veris, interea præter intentionem secuta infamia, non est obligatio ad restitutionem, nisi posset sine gravi incommodo. Interea suadendum penitentibus, ut à tali modo referendi aliorum dicta abstineant. cum facile evenire possit læsio famæ, maxime quando refertur dictum alicuius viri gravis, tali enim dicto facile creditur. V. audiendo cooperatus fuerit infamatori? quod sit, quando complacemus de dictis infamatoris. Si infamator per tale complacentiam excitatur ad infamandum, tunc & audiens obligatur ad restitutionem famæ. V. secretum revelaverit? contumelias in re gravi protulerit? differt contumelia à detractioe. quod hæc fiat in absentia, illa in præsentia, V. temerè judicaverit? inimicitias per susurrationem seminauerit?

Circa nonum. V. aliquid eorum, quæ sexto præcepto prohibentur, concupierit? v. g. V. cogitationibus venereis consensum præbuerit? & an hæc fuerint cum affectu ad peccandum, an verò tantum fuerit delectatio de objecto turpi? nam si non est affectus ad peccandum, sed tantum delectatio circa objectum, dicitur cogitatio morosa secundum omnes p. m. secundum aliquos tamen non tenemur personæ qualitatem explicare an scilicet fuerit soluta vel maritata, sicut tenemur si sit cogitatio cum affectu ad opus.

Circa decimum. V. aliquid eorum quæ 7mo. præcepto prohibentur, concupierit. Si fusius exigit interrogatorium, V. Mosc. p. 8. Element. ad sacras Confess. ubi de peccatis contra virtutes Theologicas contra Decalogum, contra præcepta Ecclesiæ. de 7. pecc. capitalibus. de pecc. per 5. sensus corporis de peccatis contra Spiritum S. de pecc. in cœlum clamantibus. de pecc. contra opera misericordiarum, de pecc. contra 7. Sacramenta. de peccatis alienis, de peccatis diversorum statuum.

Vnum quantum ad nostrum intentum attentis nonnullis regionibus, haud omitas, scilicet de ebrietate. ubi nota, quando videatur quod domus giret, ebrietas talis,

tas talis, adhuc non est p. m. sed grave veniale. Arm. ex S. Thomá & Caiet. quia ad ebrietatem, quæ sit p. m. requiritur rationis obumbratio seu alienatio mentis.

## DISTINCTIO LXXV.

### *Expenditur prædictum interrogatorium.*

1. PRædictum interrogatorium servit pro pœnitentibus qui per longum tempus non confessi. Qui fecerunt confessiones invalidas. pro audiendis hæreticis vel schismaticis noviter conversis. Supposito quòd hi expedire non confiteantur, ut faciunt rudes, pro quibus etiam hoc servit, licet non sint ex prædictis. Servit etiam, dum aliquis confitetur peccatum, quomodo circa alia tali peccato annexa interrogandus v. g. peccavit luxuriâ, interrogandus de annexis huic peccato, de quibus supra.

2. Pro confessionibus brevioribus eligat prudens Confessarius communiora v. g. circa superstitiones, juramenta. missarum auditionem, labores die festo. Circa contentiones, v. g. inter uxorem & maritum, inimicitias. Verba graviter injuriosa. Circa imprecationes gravis mali sibi vel aliis. v. g. mortis, dæmonis, fulminis, morbi caduci &c. ex corde. Circa verba turpia, cantilenas, aspectus libidininosos, oscula, tactus, cogitationes cum consensu, pollutiones. Circa nocumenta. præcipuè interroget rusticos de nocumentis in pascuis & sylvis. Circa detractiones, susurrations, ebrietatem. alia addendo vel dicta omittendo, attentiâ personarum qualitate. v. g. Circa maledictiones, quæ sunt contra exactores & exactorum fabros, tempore hostili. Circa murmura contra Deum, tempore calamitoso &c.

3. Permittendum est pœnitenti ut dicat peccata etiam crasso modo, deinde Confessarius interroget quæ omissa creduntur. Ita suadet Caiet. si Confessarius meruit oblivionem circa interrogationem necessariam, tunc suavi modo interrumpatur confessio, ne pœnitens turbatus alicuius obliviscatur. Si pœnitens scripta habeat peccata statim interrogari potest, dum in explicanda circumstantia deficit.

4. Pœnitens primò interrogandus in genere, deinde in specie, v. g. an peccaverit luxuriâ, priusquam interrogetur an cum maritata. Si in genere culpam non agnoscat, in specie non molestetur. Ita suadet Armilla.

5. Veniens cum peccato carnis aliquoties commissio interrogandus an maneat in eadem domo cum complice. si sic, & judicatur occasio proxima, differatur absolutio, secundum dicta d. 69. conc. 4. Si judicatur, non esse occasionem proximam, eò quòd una vel altera vice factum, & alias firmiter proponit, pro prima vice absolvatur, pro secunda vice, secundum N. Salazar, differatur absolutio, nisi inter reincidentiam notabilem interveniat tempus.

6. Dum venit, qui propter reticentiam, fecit confessiones invalidas, consequenter eas repetere tenetur, si non sit paratus ad repetendas, datâ suavi monitione, dicendum ei, ut præparatâ, conscientia, revertatur. Difficile enim ut de præte-



præteritis, tam citò recolligatur. Item difficile, præteritas confessiones per examen à Confessario suppleri. Aliunde etiam scitur, non nisi in magna necessitate confessionem dimidiandam. Inter alia instruendus Pœnitens, quoties peccatum reticuit, item quoties sic communicavit tot sacrilegia commisit.

7. Dum simpliciores audiuntur, qui reticuerunt in præcedentibus p. m. nõ tam faciliè dimittendi ut alii. Quia cum illi eadem fere peccata confiteantur præteritæ confessiones possunt per diligens examen Confessarii suppleri. Si tamen sic Confessarius iudicat, aliàs esset procedendum ut supra. Sicut etiam si à longo tempore fuit reticentia peccati, quàmvis in homine simpliciori.

8. Dum pœnitens est difficilis in explicando numero, doceatur in peccatis mortalibus necessariò secundùm posse exprimendum numerum. aliàs Confessio non esset integra, & inter duo mala minus eligendo Confessarius tenetur sub p. m. potius pœnitentem sine absolutione dimittere, quàm non dicto secundùm posse numero in peccatis mortalibus, absolvere. Dixi in peccatis mortalibus, in venialibus enim vel mortalibus jam benè confessis non necessariò numerus explicatur, Confessarius tamen hunc defectum potest supplere per examen. v. g. interrogando V. qualiter septimanà & quoties, vel V. quolibet mense & quoties? Dum sic procedit Confessarius, inquirat tempus præteritæ confessionis, ut sic percipiat statum pœnitentis. Hæc doctrina procedit de eo, qui non habet notabilem consuetudinem peccandi, ut est ille, qui ferè quotidie excedit. Nam habentem notabilem consuetudinem, sufficit interrogare de tempore.

9. Quando adhibitis variis interrogationibus Confessarius nihil elicit è rudi pœnitente, interroget de aliquo saltem veniali ex præcedenti confessione. Si nec hoc prodest, remittendus, ut se recolligat, & necessitatem examinis ante confessionem advertat.

10. Confessarius omitteus interrogationem necessariam, sed ex inadvertentia, non peccat m. an verò teneatur pœnitentem admonere, affirmat Fern. Secus scandalò. Nugnus & Reginaldus apud Dia. p. 2. t. 1. s. res. 7. putat tunc Confessarium ad hoc obligari, quando ex tali defectu confessio invalida, vel agitur de damno tertii, vel pœnitentis. Secus, si confessio fuit valida. Scias, debere præsupponi licentiam pœnitentis, loquendi de rebus in confessione auditis.

11. Persona rudis reticens mortale in confessione, nec putans se per hoc peccasse, non cogatur ad repetendam confessionem. ita colligo ex Dela-Cruz. de Pœn. q. 3. d. 4. & securum puto.

12. In interrogatione simplicium addenda particula. aliquando. Nam nonnulli ex simplicioribus licet semel vel bis in materia mortaliter mala peccaverint, id parum advertunt. Confundunt etiam simpliciores unum cum alio, unde clarè interrogentur.

## DISTINCTIO LXXVI.

*De Quidditate. Institutione. Necessitate. Materia. Sacramenti Extrema unctionis?*

**N**Ota. Congruè hoc Sacramentum dicitur extrema unctio, quia ultimò eà ungitur homo. primò enim ungitur in baptismo. 2. in confirmatione. 3. in Sacerdotali ordinatione. tandem in extrema unctione.

Dico 1. Extrema unctio, est unctio hominis infirmi, à Sacerdote in determinatis parvis corporis facta, oleo per Episcopum consecrato, sub prescripta verborum forma ad salutem animæ ac etiam corporis si expedit, divinitus ordinata. Hoc sacramentum Christus D. instituit, & D. Iacobus; promulgavit. Probabile est esse institutum, vna cum Sacramento Pœnitentiæ, cum sit huius consummativum. Gonet in Manuali Thom. §. 1. de Extrema Unct. Et sic quando Christus D. Marci 6. misit Apostolos oleo ungere infirmos, ipsum potius insinuavit. Nam Apostoli nondum Sacerdotes hanc unctionem etiam non baptizatis conferebant. De necessitate huius idem ac de necessitate confirmationis.

Dico 2. Materia remota extremæ unctionis est oleum olivarum simplex ab Episcopo benedictum. Non tamen est necessarium necessitate sacramenti esse benedictum ab Episcopo, sufficit enim ex commissione huius benedicti à Sacerdote, ut probat Gonet l. c. §. 2. Si Parochus seclusa necessitate, oleo præcedentis anni utatur à gravi peccato non excusatur. Posslevinus & alii. Non benedictum posse in necessitate misceri benedicto, sed in minori quantitate, docet Samuel de Lub. Dela Cruz & alii.

Dico 3. Materia proxima huius Sacramenti est unctio. Quia cum in usu consistat, actionem habet pro materia. Hanc unctionem fieri per modum crucis, non est necessarium. Sylv. & alii, convenit tamen.

Dico 4. Forma huius Sacramenti est hæc. *Per istam sanctam unctionem & suam piissimam misericordiam indulgeat tibi Deus, quicquid deliquisti per visum in nomine Patris &c.* hæc, in nomine Patris &c., non sunt de essentia formæ. cum hoc Sacramentum non sit Sacramentum fidei. Eadem forma in omnibus unctionibus repetitur, mutato partium vngendarum nomine. Nec per tot unctiones & formas, hoc Sacramentum cessat esse vnum. Quia hæc partiales unctiones & formæ, ordinantur ad vnum finem & effectum, nempe ad tollendum omnes reliquias peccatorum, quæ ex sensibus oriuntur & animam deprimunt.

## DISTINCTIO LXXVII.

### *De Ministro Extremæ unctionis.*

**D**ico 1. Solus Sacerdos est Minister huius Sacramenti. Patet ex illo Iacobi §. *inaucat Presbyteros.* Et sic Diaconus etiam de licentia Papæ nequit illud ministrare. Imminente mortis articulo, si non adsit proprius Sacerdos, potest ungere omnis Sacerdos, sicut etiam in tali casu communicare, sub spe rathabitionis, scilicet,

scilicet, credendo proprium Sacerdotem, hoc ratum habere, eiq; placere, consequenter Regularis in dicto casu ministrans extremam vnctionem non incurrit excommunicationem. Immo, si infirmus sine omni Sacramento deberet decedere, obligaretur hanc sub p. m. ministrare. Vivaldus de Extr. vñct. & alii. Quicunque autem curam animarum gerunt, absolutè obligantur sub p. m. ministrare vnctionem petentibus. Opat. de Ext. vñct. q. 7. Gab. à S. Vinc. V. Ext. vñc. & alii. Docetur etiam & rationabiliter, licere excommunicato denunciato, quàmvis tempore interdicti, vngere infirmum non confessum, in mortis articulo, & absente alio, qui vngat sed hic casus rarus, & procedit de infirmo amittente usum rationis, nec petente Confessarium. cum Sacerdos excommunicatus denunciatus, concurrentibus attractis, possit absolutionem impendere.

Dico 2. Sante necessitate potest hoc Sacramentum à pluribus ministrari, ita ut unus unam, alius aliam partem vngat, modò quilibet independenter ab alio vngat. Immo vrâ vel alterâ parte vñctâ, Sacerdoti q; v. g. mortuo, alius exteras vnctiones prosequatur, factas non repetendo, ne sacrilegus iudicetur.

Dico 3. Possunt Regulares hoc Sacramentum ministrare. 1. suis familiaribus, hospitibus, iter agentibus, peregrinis qui in eorum monasteriis sunt infirmi, cum non deceat vocare Parochum, ut in loco exempto, suam exerceat iurisdictionem. 2. Architectis & cuiusvis artis ministris, qui in monasterio operantur, licet sint illius Urbis cives, illiusvè loci incolæ. habeantq; in eo domicilium. Vnde si contingat, aliquem corripì morbo periculoso & repentino, in monasterio, ut de facto vidi observari in uno (ait Gab. à S. Vinc. l. c. ex quo hæc tota conclusio sumitur) qui ex alto loco cecidit, & animam ferè agebat, licet esset tempus vocandi Curatum parum distantem, Religiosi illius Conventûs illi ministrabant Sacramentum hoc. Non enim convenit quòd Curatus ministraret hoc Sacramentum actumq; iurisdictionis exerceat in loco exempto, qui censetur ratione exemptionis esse extra territorium, & diocesim, & multò magis extra Parochiam.

Dico 4. Possunt etiam Regulares hanc Sacram vnctionem ministrare, illis qui se ibi receperunt, ut Ecclesiæ gauderent immunitate. Præterea omnibus illis quibus contigit intra monasterii septa repentino casu hoc indigere Sacramento propter rationem jam dictam. Hoc idem extendunt aliqui ad Regularium grangias, ut scilicet possint Regulares laicis ibi manentibus hoc Sacramentum ministrare. quia nomine Conventûs in favorabilibus, veniunt grangia, cum sint quædam partes conventûs quædam quasi eremitoria. Gab. à S. Vinc. l. c. quoad omnes partes. Romæ 1668. impressus.

## DISTINCTIO LXXVIII.

### De Subiecto, effectu & ritu huius sacræ vnctionis.

Dico 1. Homo fidelis lethaliter infirmus est capax huius vnctionis. *Infirmatur quis ex vobis &c.* lac. 5. non tamen expectandum extremum periculum, Ministratur



nistretur ergo hæc sacra unctio infirmis, de quorum vita timeatur Præ senio deficientibus, amencibus, facida intervalla habentibus. devotionem ad hoc Sacramentum tempore lucidi intervalli ostendentibus. Infirmis in phrenesim lapsis, si dum erant sanæ mentis, illud petierunt, nec Sacramenti irreverentia timeatur. Immo secundum Samuelem de Lub. & Armillam licet antea non petissent. modo sint personæ, bonæ vitæ, secus si vita sit notoriè mala. Adultis baptizatis & mox in articulo mortis constitutis, cum in talibus post baptismum mentis debilitas & contra dæmonem pugna remaneat cæcis à nativitate, surdis &c. mutis in partibus vicinis. Quia licet exterius per hæc non peccaverint, peccare tamen potuerunt per potentias interiores illis correspondentes Gab à S. Vinc. & alii. ex S. Th. in 4. d. 23. q. 2. a. 3. q. 3. in Corp. Ex vulnere morituris. Samuei & alii.

Dico 2. Hoc Sacramentum negari debet finis. constitutum, mare procellosum ingredientibus, ad mortem damnatis, mulieribus in partu existentibus, nisi ex morbo in periculo mortis versentur. amentibus à nativitate, pueris rationis usu carentibus, peccatoribus, obstinatis, mortuis, de quibus si dubitetur, detur sub conditione.

Dico 3. Necessariò vngendi sunt quinque sensus, tanquam quinque peccandi radices. Nonnullæ particulares Ecclesiæ, etiam pedes propter gressum & renes propter concupiscibilis ardorem vngunt. Sed renum unctio in mulieribus pudori gratia omittitur. Observes, Sacerdotes non in palma, ubi chrismate uncti, sed in exteriori manus parte, vel infra palmam vngi debere, licet absolute nihil referat in palmis vngi, ut docet Palud. in 4. d. 23. q. 3. a. 3. an vero inter partes vngendas necessario servandus ordo, negandum est, sed quod utrumque organum sensus ex præcepto sit vngendum, tenet Bonac. in præsentis punc. 5. ex Naldo. ubi viger consuetudo.

Dico 4. Tempore necessitatis sufficit unam singulorum sensuum vngere partem, & unam formam continentem plures partiales proferre, v. g. per istam unctiorem & suam piissimam misericordiam indulgeat tibi Deus, quicquid peccasti per visum, auditum, gustum, odoratum & tactum. Quidam putant, sufficere vnum sensum magis obvium, vel potius caput, quo in eo sensus maxime vigent, vngere dicendo, per istam &c. quicquid deliquisti per visum v. g. vel p. r. quinque sensus tuos. Sed securius in casu necessitatis, unum oculum, aurem, manum, narem, & os velociter sine forma crucis ungere, & unam formam, de qua a principio conclusionis dicere. Alde si periculum infectionis, licet uti instrumento decenti.

Dico 5. In una infirmitate, in qua infirmus non nisi semel appropinquat morti, non debet hæc sacra unctio iterari. Sed si post unctiōem in periculo mortis, à quo infirmus liberatur, elapso aliquo tempore, arbitrio prudentis viri, in aliud periculum incidat, cessante plenè non convalescit, potest iterum ungi.

Dico 6. Sacramenti extremæ unctiōis tres præferuntur numerantur effectus. 1. est gratia tollens vel quias peccatorum, quæ sunt debilius ad bonum, ad resistendum diaboli tentationibus, ad sustinenda mala, proclivitas ad malum, & hic

& hic effectus est primarius. 2. est remissio peccatorum. 3. est sanitas corporis, quando expedit. Præter hos sunt & alii, scilicet, diminutio pœnæ pro peccatis debita, & sic velox ad cælum transitus, decedentis protestatio, quod in fide moriatur. Spiritualis animæ hilaritas, devotionis excitatio, robur contra dæmonis insidias, tandem diabolicæ potestatis arctatio. Sed spiritualis hilaritas & sequentes ad primum initio conclusionis positum reducuntur.

Q. V. sicut in aliis Sacramentis tria distinguuntur, scilicet, res tantum, Sacramentum tantum, res & Sacramentum simul. ita & in hoc? R. quod sic. Vnde in hoc Sacramento res tantum est gratia. Sacramentum tantum est extrema unctio, seu potius compositum ex unctionibus & verbis, res & Sacramentum simul est spiritualis animæ hilaritas. nam hæc & significatur per signum externum, & significat ulteriorem animæ sanctitatem, v. g. robur contra debilitatem ad bonum, & proclivitatem ad malum, quæ ex peccatis præcedentibus & præsentia morbi causantur. Conet in Man. de Extr. unct. §. 5.

Dico ultumò, Hoc Sacramentum est Conferendum post susceptam Eucharistiam. omisso hoc ordine non est peccatum sicut & non adhibere ministrum dum Sacerdos hoc ministrat. non est peccatum. Bonac. de Extr. unct. punc. 6. cum Barthol. ab Angelo. nisi aliter sit receptum per decreta Episcopi. Omittere tamen omnes orationes ab Ecclesia præscriptas, est mortale. Naldus in præsentia & alii, quod non procedit, non recitando septem psalmos pœnitentiales. ut docet Bonac. l. c. cum Naldo & aliis. supplendæ orationes si ob casum necessitatis omittantur, & unctus supervivat. Candetæ ob reverentiam Sacramenti adhibendæ, si secluso periculo irreverentiæ & scandali non adhibeantur, non est mortale, singulæ unctiones novâ stuppâ detergantur, quæ deinde comburenda. an verò tanta sit necessitas præcepti uti ministrum sacra veste dum infirmum vagit, ita ut eâ deficiente omittenda unctio? affirmat Bonac. cum aliis l. c. Quoad hos ritus consulari proprium Rituale, consuetudo & Episcoporum leges.

## DISTINCTIO LXXIX.

### De Quiditate, institutione, necessitate, materia & Forma Sacramenti Ordinis.

Nota. Congruè hoc Sacramentum dicitur Ordo, quia per illud in certo Ecclesiasticæ dignitatis gradu debite disponimur & collocamur.

Dico 1. Ordo est *Signaculum quoddam Ecclesiæ, per quod spiritualis potestas traditur Ordinato*. Magister in 4. d. 24. & S. Th. in Supp. q. 65. a. 2. Institutus a Christo Dño in ultima cœna. Trid. S. 22. c. 1. dicente. *hoc facite in meam commemorationem*. secundum comm. sent. Opatov. de Sac. Ord. d. 1. q. 1. & licet tunc præcipuè institutum Sacerdotium, tamen & alii Ordines instituti, utpote emmenter in Sacerdotio contenti & ad hoc ordinati. Est autem ordo principaliter institutus ad communem Ecclesiæ utilitatem, & ad aliorum salutem, in ques spiritualis

ritualis potestas exercenda. Est necessarius simpliciter, sed toti Ecclesie, & non cuilibet in particulari.

Dico 2. Sicut in aliis Sacramentis tria distingui solent, scilicet, Sacramentum tantum, res Sacramenti tantum, res & Sacramentum simul, ita & in hoc Sacramentum tantum est res externa & sensibilis cæremonia, quæ in collatione ordinis adhibetur. res tantum, est gratia sanctificans. res & Sacramentum, est character, qui per rem externam significatur & simul gratiam sanctificantem significat.

Dico 3. Materia remota Ordinis est res quæ Ordinando traditur Proxima est talis rei traditio. Forma sunt verba ab Episcopo modo imperativo prolata, cum faculeatis, quæ confertur, expressione.

Dico 4. Contactus materię est de necessitate Sacramenti Ordinis. aliis non tangens non reciperet Ordinem. Quia in forma exhibitionis materię est verbum accipe. Nonnulli negant talem contactum esse de necessitate sacramenti. Contactus & verba ab Episcopo prolata debent esse simul talem simultate morali, scilicet, tangendo paulo ante vel post Episcopi verba. Docent aliqui apud Opat. l. c. q. 4. probabile esse, qui tangit calicem, etiam patenam superpositam censetur tangere. Vnde & qui unā manu tangit calicem, alterā patenam, sed non hostiam, vel hostiam & non patenam, verè ordinatur.

## DISTINCTIO LXXX.

### De Ministro Sacramenti Ordinis.

Dico 1. Solus Episcopus est ordinarius Sacramenti Ordinis Minister. Quamvis excommunicetur validè ordinat. cum adhuc characterem Sacerdotalem per Episcopalem ordinationem extensum retineat. Ex commissione Papæ simplex Sacerdos Minores verè confert. Idem habent Abbates Sacerdotes, & benedicti respectu Regularium sibi subditorum. non verò respectu secularium subditorum quibus nec dimissorias concedere valent. sacro Concilio Trid. Sess. 21. C. 10. vtrumq; determinante. An vero Abbati possit à Summo Pontifice committi facultas conferendi majores? controversunt Theologi, Labat. & Gonet. de Diaconatu & Sacerdotio negant.

Dico 2. Non omnis Episcopus licet ordinari, sed proprius, qui est vel originis, vel domicilii, vel beneficii. Episcopus originis ille est. in cuius diœcesi ordinandus natus est, & ubi parentes domicilio potiuntur, non verò ubi fortuito natus. Episcopus domicilii dicitur Episcopus loci, in quo ordinandus habitat, vel incipit habitare, cum animo ibi semper manendi. vel in quo indicat, se domicilium constituere, ut si emit domum si eā majorem partem bonorum transtulit. Episcopus beneficii, est Episcopus loci in quo ordinandus beneficium habet, præsertim residentiale.

Dico 3. Episcopus licet ordinari subditum alterius diœcesis, si veniat cum dimissoriis, quarum concessio ad Episcopum spectat ex Trid. Sess. 23. C. 10. Quas  
tamen



tamen Capitulum sede vacante in duobus casibus ex Trid. Sess. 7. C. 10. conceditur scilicet, quando Episcopatus per annum vacat, & cum quis ita arctatur, ut si tunc ad Ordines non promoveatur, de amissione beneficii recepti vel recipiendi agatur.

Dico 4. Licet etiam ordinat Episcopus suum familiarem alterius diocesis subditum, qui per triennium secum est commoratus, modo illi statim beneficium conferat. Trid. Sess. 13. C. 9. Hoc non procedit de titulari, utpote diocesim in qua Ordinandus domicilium acquirit, non habente.

## DISTINCTIO LXXXI.

### De Subiecto Sacramenti Ordinis.

Dico 1. In Ordinando hæc requiruntur conditiones. 1. ut sit masculus. 2. ut sit baptizatus. 3. Confirmatus, Suscipiens tamen vel ministrans Ordinem non præmissâ confirmatione venialiter tantum peccat secundum Soto, & alios. 4. Initiatus primâ tonsurâ, valet tamen ordinatio ante tonsuram. Immo Presbyteratus ante alios Ordines collatus valet, Episcopatus tamen ante Sacerdotium, nullus. Aliâs hæc conditio vocatur Gradatio.

5. Ut sit legitima ætas. sed quo ad valorem, verè ordinatur infans ratione carens. S. Th. in Supp. q. 39. a. 2. Nec, adepto usu rationis, tenetur ad castitatem cum votum sit deliberata promissio. Aliter de Episcopatu sentiendum, hic enim ante usum rationis collatus, nullus. S. Th. l. c.

Quæ legitima ætas quo ad suscipiendos licet ordines? R. pro tribus Minoribus septem completi. pro Acolythatu, duodecim completi. pro Subdiaconatu, 22 pro Diaconatu, 23. pro Sacerdotio, 25. inchoati, pro Episcopatu, 30. completus. In defectu ætatis quo ad sacros Ordines solus Papa dispensat. Adverte, si ultimus dies ætatis sit inchoatus potest quis ordinari, quia in favorabilibus dies inchoatus habetur pro completo. *l. quâ aetate ff. de testam.*

6. Intentio, vel propria, ut in adultis, vel Ecclesiæ, in usu rationis carentibus. præter hanc recipiendi Sacramentum debet esse intentio valedicendi mundo.

7. Morum probitas testimonialibus à Parocho & Scholæ Magistro comprobata. Trid. Sess. 23. C. 5. vel à simili, ut in Regularibus, si expedit. Scias, ad solos Minores, literas testimoniales, etiam à Scholæ Magistro exigit Trid.

8. Dimissoriæ, si alibi ordinatur, etiam pro prima tonsurâ. Quas Regularibus concedit proprius Prælati ex privilegio PP. Benedictinis Vallisoletanis à Clementi VIII. concessio.

9. Vitæ bonitas, hoc est, esse in gratia.

10. Scientia. Prima tonsura non datur, nisi scienti rudimenta fidei, & nisi legere & scribere scienti. Item nisi inten dat mundo renuntiare. Trid. l. c. C. 4. minores non dantur, qui saltem linguam latinam non intelligit. Trid. C. 11. addit, *nemo ijs initiatur, quem non scientia spes majoribus Ordinibus dignum ostendat.* In subdiaconos & Diaconos non ordinantur qui literis & ijs quæ ad Ordinem exercendum

cendum pertinent, non sunt instructi Trid. C. 11. addit *Sciant, maxime decere, si saltem diebus Dominicis & solemnibus, cum altari ministraverint, sacram Communionem perceperint.* Per litteras intellige, Divinas, quas v. g. Carthechismus Romanus ex Decreto Tridentini, jussu Pij V. à PP. Prædicatoribus editus, & similes libri continent. Sacerdotium denegetur non habenti scientiam, qua populus necessaria ad salutem doceatur, eique Sacramenta administrentur. Trid. C. 4. Mortaliter peccat, qui indigno ordines confert. quia infideliter dona Dei dispensat. Ecclesiæ detrimentum facit, honorique Divino. S. Th. in lupp. q. 36. a. 4. Hoc conditio ab aliis, vocatur Examen.

11. Temporum interstitia servantur. Vnde minoribus initiatus per annum expectet Subdiaconatum. & eadem interstitia servantur inter alios Ordines. Hoc non sunt Mathematicè computanda, sed moraliter & juxta Ecclesiæ ritum, v. ab vno patchate ad aliud, licet inter primum & secundum pascha non sint omnino expleti duodecim menses. Episcopus cum suis subditis & Regularibus jussu de causa dispensat in interstitiis. Idem valet Vicarius Capituli sede vacante declaratione Card. apud Farinacium decis. 234. Possunt tamen Regulares cum suis subditis dispensare in interstitiis, ex privilegio Greg. XIII. concessio Societati quod Dela-Cruz L. 2. c. 9. d. 1 de statu Relig. & Suarez relatus in Summa Dia. 1 Ordo, & alii extendunt ad omnes Religiones communicantes. Quod si recipitur Ordines non servatis interstitiis, nec obtenta licentia, seu dispensatione quod ad hoc nulla censura, nec irregularitas incurritur, quia non est in jure descriptum Opat. d. 3. de Sac. Ord. q. 1.

12. Tempus quo Ordines conferuntur servetur, scilicet, conferantur sabath quatuor temporum, nec non Sabatho *sistentes*, & Sabatho S. tempore Missæ. Minores tamen conferri possunt diebus Dominicis & festivis, dummodò non videatur Episcopus tenere generalem ordinationem. sed prima tonsura quolibet die conferri potest.

13. Requiritur locus, qui in ordinatione solemnī est Ecclesia, in privata sacellum vel capella.

14. Necessarius titulus, qui triplex est, beneficii, patrimonii & paupertatis, seu professionis in Religione approbata. Si beneficium & Patrimonium simul, sufficiunt ad sustentationem, possunt Ordines conferri, secus si beneficio vel patrimonio insufficienti, elemosynæ conjungantur cum hæc sint incertæ. S. C. apud Quarantam, sicut & ad titulum beneficii temporanei, vel Capellanix amovibilis, ad quem præsentatur per patronum valentem quoties vult Capellanum amovere, licet Ordines cōferre. Dela C. de Sac. Ord. d. 8. & alii. cum hæc non veniant nomine beneficii simpliciter. unde cooperantes ad talem ordinationē mortaliter peccant contra Trid. & sic ordinatus suspenditur. ait Dela-Cruz l. c. cum Led. An vel actualis professor ordinari possit sub certa spe habendi quo vivat? probabiliter docet Corduba in Sum. q. 36.

Tandem necessarium est carere impedimentis de quibus in sequenti.

Dico

Dico 2. Prohibentur ad Ordines promoveri. 1. ignoti. 2. bigami. quia per bigamiam tollitur unitas Sacramenti cum bigamus pluribus suam carnem diviserit. 3. neophyti. 4. corpore vitati. 5. de illegitimo thoro nati. Sed cum his dispensat Episcopus ad Minores, & ad beneficia sine cura, ad beneficium autem curatum, ad dignitates, &c. solus Pontifex. 6. servi. cum nequeant se alteri mancipare, absque sui Domini facultate. Si ordinantur tenet Ordo, sed carent Ordinis executione. 7. ad ratiocinia obligati ante factam rationem, v. g. tutores. 8. homicidæ, quàmvis iuste occidant, ut carnifex, mandans &c. se vel alium mutilans. V. dicenda. in 3. d. 25. conc. 20. infirmos bona fide vertens, non subiacet huic irregularitati, quàmvis mors casu sequatur. tempore S. Th. ut ipse 3. p. q. 39. a. 4. fatetur, etiam se ipsum defendens & occidens, irregularis erat. Sed jam revocatum, si sit defensio cum moderamine inculpatae tutelæ. Ecclesiastici statuantes iudices ac hortantes ut iustitiam servant, non sunt irregulares, sicut, nec, proximum, dum occiditur, defendere omittens, si ex officio defendere non tenebatur. 9. hermaphroditi, si æque vel magis foemineo sexu polleant. in quo sexus virilis prævaleat, secundum Fernandez p. 2. C. 10. §. 7. ex D. Ant. & Sylv. quàmvis res non pateat, & sic characteris secundum communem capax, ob irregularitatem ordinari prohibetur. alii negant talem esse irregularem, nisi res sit notoria, 10. omnes alii irregulares & censuris affecti.

## DISTINCTIO LXXXII.

*Explicatur numerus Ordinum.*

Dico 1. Septem sunt Ordines. scilicet, Presbyteratus, Diaconatus Subdiaconatus, Acolythatus, Lectoratus, Exorcistatus & Ostiaratus. Hi unum efficiunt Sacramentum Ordinis. unum inquam perfectione finis, cum omnes ad unum finem, scilicet, Eucharistiam, ordinentur. Omnes ratione Sacramenti gaudent, cum omnes secundum S. Th. in 4. d. 24. q. 1. a. 2. q. 2. in Corp. characterem imprimant, Caiet. Sorus & Victoria apud Opat, d. 1. de Sac. Ord. q. 3. solum Sacerdotium fateatur esse Sacramentum, sed hic l. c. eos doctè excusat. Characteres Ordinum specie inter se, sed incompleta, distinguuntur. Labat, de Sac. Ord. §. 3. in resp. ad argum. Primi tres vocantur sacri, tam quia proximius accedunt ad Eucharistiam, tum quia habent annexum votum solenne castitatis. Amplè, possunt dici omnes sacri.

Dico 2. Prima censura non est, nisi largo modo, ordo, sed solum dispositio ad Ordines. Mulcominus cantoratus. cum non habeat specialem respectum ad Eucharistiam. Immo nec Episcopatus est propriè Ordo sed Ordinis eminentia S. Th. l. c. q. 3. a. 2. in Corp. & in Supp. q. 40. a. 1. Idem docetur de Papatu, à fortiori nec Archiepiscopatus, Primatus. Metropolitatus, Patriarchatus, Cardinalatus, est Ordo. de Cardinalatu N. Cardinalis Turrecremata affirmat, cum aliis



tamen negandum. cum non gaudet consecratione & charactere. ut probabile iudicat Cinius, Cardinales semper fuisse in Ecclesia, licet non sub isto nomine.

Q. Quid est characterem sacerdotalem per consecrationem Episcopalem extendi? R. reddi capacem ad conficienda duo Sacramenta, quæ simplex Sacerdos ex vi præcisæ suæ ordinationis, non potest conficere, nempe Confirmationem & Ordinem.

## DISTINCTIO LXXXIII.

*De quidditate, institutione, materiâ, formâ, characteris, impressione Ordinum in particulari.*

**D**ico 1. Presbyteratus est *spiritualis potestas, quâ Ordinatus in Presbyteriâ. corpus & Sanguinem Christi D. conficit.* Institutus a Christo D. in ultima Cœna, panem & vinum in corpus & sanguinem suum convertente. Eius materia remota est calix cum vino, & patena cum hostia. Proxima, horum traditio. Probabile est aliquibus, DD. conferri Sacerdotium, etsi ex oblivione non ponatur vinum in calice. Forma huius Sacramenti hæc. *accipe potestatem offerendi sacrificium Deo, Missæq; celebrandi in nomine Domini.* Si sequentia omitterentur, scilicet, *accipe Spiritum S. quorum remisit peccata remittuntur eis*, imperfecta esset Sacerdotis potestas, cum, tunc non posset à peccatis absolvere. Character imprimitur in traditione calicis cum vino, & patenæ cum hostia accedente debita verborum forma. Dum Episcopus pronuntiat, *accipe Spiritum S. quorum remisit peccata* &c. non confertur character, sed prior extenditur ad novum effectum, datur enim potestas absolvendi à peccatis. Ad dandam potestatem absolvendi à peccatis, secundum Dela Cruz & alios tantum ex præcepto adhibetur impositio manûs, secundum Gab. à S. Vinc. & Gonet est essentialis, quod conformius menti S. Præceptoris in 4. d. 14. q. 3. a. 3. ad 2.

**D**ico 2. Diaconatus est *spiritualis potestas, quâ ordinatus in Diaconum potest Evangelium solemniter in Ecclesia canere.* Institutus a Christo D. dum in Cœna corpus & sanguinem discipulis distribuit. Materia remota, liber Evangeliorum, proxima eiusdem traditio. Nota. excepto Sacerdotio sufficit materiam tradere per Archidiaconum, Sâ V. Ordo. n. 6. Forma. sunt Verba Episcopi, in quorum prolatione & materiæ traditione character imprimitur. Opat de Sac. Ord. d. 1. q. 4. præter traditionem libri Evangeliorum assignat pro materia proxima manuum impositionem. Gab. à S. Vinc. pro perfectione & complemento. Tempore tamen Apostolorum materia erat manuum impositio, & modo est apud Græcos. Unde ad similes objectiones dic. materiam à Christo D. in genere, in specie, ab Ecclesia determinatam. V. Gonet in Man. de Sac. Ord. C. 3 in solut. ad 1.

**D**ico 3. Subdiaconatus est *spiritualis potestas, quâ ordinatus in Subdiaconum potest calicem cum pane & vino ad conficiendam à Sacerdote Eucharistiam præparare.* Institutus à Christo D. sive se præciogente ac discipulorum pedes lavante.

Eius

probabile ju-  
nomine.  
scopalem ex-  
plex Sacer-  
firmationem

Eius materia remota calix vacuus & patena vacua. proxima horum ab Episcopo traditio. Forma, verba Episcopi, in quorum prolatione & materiae traditione character imprimitur. Opat. l. c. præter assignatam materiam proximam assignat & aditionem libri Epistolarum. sed Gab à S. Vinc. hanc dicit esse complementum & partem integram ad explicandum actum secundarium.

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

teris, im-

Dico 4. Acolythatus est *spiritualis potestas, quâ ordinatus in Acolythum potest ad altare urceolos, cum vino & aqua, ac candelam deferre.* Institutus à Christo Dño Ioan. 8. dicente. *ego sum lux mundi &c.* Eius materia remota, saltem unus urceolus & candelabrum cum candelâ extinctâ. Proxima horum, traditio. Forma, verba Episcopi. Character imprimitur in traditione urceoli secundum S. Th. in Supp. q. 38. a. 5. ad 6. & in 4. dicit. q. 1. a. 3. ad 6. cum ille actus sit principalior & immediatius ad Eucharistiam ordinatus, fit enim materiae preparatio, in candelabri traditione, utpote actu secundario, character potius extenditur, quàm imprimitur. Et licet Acolythus à candelabri ministerio denominetur, non ideo fit quia principalius, sed notius.

Dico 5. Exorcistatus est *spiritualis potestas, quâ ordinatus in Exorcistam potest demonem expellere, ne qui impiam ab Eucharistiae sumptione impediatur.* Institutus à Christo D. septem demonia à Magdalena ejiciente. ejus materia remota liber exorcismorum, proxima, traditio, forma, verba Episcopi, in quorum prolatione & materiae traditione character imprimitur.

Dico 6. Lectoratus est *spiritualis potestas, quâ ordinatus in Lectorem potest prophetias in Ecclesia legere.* Institutus à Christo D. in medio Doctorum stante, & legente illa verba, *Spiritus Domini super me* Isaia 61. Eius materia remota liber prophetiarum, proxima, traditio. Forma, verba Episcopi, in quorum prolatione & materiae traditione character imprimitur.

Dico 7. Ostiarius est *spiritualis potestas, per quam ordinatus in Ostiarium potest dignos recipere & indignos ab introitu templi repellere ad Eucharistiae Sacramentum recipiendum.* Institutus à Christo D. ejiciente cientes & vendentes de templo. Eius materia remota claves Ecclesiae, proxima eorum ab Episcopo traditio, cum quibus ab Archidiacono, aut ab alio vicem gerente deducitur ad claudendam, & aperiendam januam Ecclesiae. Aliqui pro materia addunt cymbalum. Forma, verba Episcopi, in quorum prolatione & clavium traditione character imprimitur.

## DISTINCTIO LXXXIV.

### De Officijs Ordinum in particulari.

Dico 1. Sacerdotis officium est. 1. Offerre Missam sacramentum, quâ ratione dicitur sacra faciens, huc revocatur, preces pro populo ad Deum fundere. 2. benedicere, quâ ratione dicitur sacrans. 3. praesidere, quâ ratione dicitur praesul, vel etiam sacer dux inter personas consecratos. 4. predicare, quâ ratione dicitur sa-

era docens. 5. Sacramenta conficere & ministrare, quâ ratione dicitur sacra dari. Vnde in Pontificali hæc assignantur. Officere, benedicere, præesse, baptizare (quo revocata alia Sacramenta) & prædicare.

Dico 2. Officium Diaconi est. 1. Ministrare ad altare. 2. Solemniter baptizare ex commissione Parochi, sed in necessitate. 3. prædicare, saltem per modum catechizantis. 4. Evangelium in Missa solemniter cantare, & in matutino homiliam recitare.

Dico 3. Officium Subdiaconi. 1. Panem & vinum in sacris vasis, Diacono ut Sacerdoti offerat præparare ac ministrare. 2. Epistolam in Missa cantare. 3. Pallas & corporalia ablueri.

Dico 4. Officium Acolythi est cereos deportare, dum Evangelium legitur, offerturque sacrificium. 2. Subdiacono urceolos cum vino & aqua ad Eucharistiam conficiendam præparare.

Dico 5. Officium Exorcistæ est nomen Domini super energumenos & catechumenos invocare, sicq; eos ut sacris interesse queant, præparare &c. jam tamen soli Sacerdotes id præstant.

Dico 6. Officium Lectoris. 1. Prophetias in Ecclesia legere, Catech: Tridentini, apud Opat. de Sac. Ord. d. 4. q. 2. dicit, etiam lectiones ex novo testamento annunciare, sed hic actus secundarius. cum materia ordinationis Lectoris sit liber prophetiarum. Immo D. Cyp. apud Opat. l. c. refert eum aliquando legisse Evangelium supra pulpitum, sed hoc intelligendum extra Missam & dum nocturnum officium peragitur. Adverte dum dicitur Lectoris munus, prædicare, intellige, recitativè, scilicet, legendo publice prophetarum libros. 2. Catechumenos fidei rudimenta docere. Cave, ne existens in Minoribus panes & novos fructus benedicas, hoc enim iam Lectori non committitur.

Dico 7. Officium Ostiarii. 1. cymbalum tempore sacrificii pulsare. 2. Ecclesiam aperire. 3. & librum ei qui prædicat. Plura de his V. apud Opatov. l. c. Scias officia Diaconi & Subdiaconi nullo modo præstari posse à laico, seu non existente in Minoribus. Gab. à S. Vinc. V. Ordo. Secundum aliquos, ait idem, officia Diaconi & Subdiaconi præstari possunt ab existente in Minoribus, sine stola tamen & manipulo.

## Q V Æ S I T V M.

### Qui sunt effectus & ritus Ordinum.

R. ad 1. Duo præsertim effectus numerantur, scilicet, augmentum gratiæ & character. Ad 2. Ritus, hi inter alios. 1. Ordines non conferantur post prandium. 2. Sacri non dentur sine Missa. 3. dentur in Ecclesia Episcopali nisi aliter Episcopus concefferit. 4. Cum debitis vestibus. Minoribus iniiciendi cum superpelliceo accedant. In Subdiaconum ordinandus, cum amictu, alba, cingulo, manipulo & Dalmatica. In Diaconum præter hæc, cum stola, in Sacerdotem, cum his, insuper cum casula omisâ Dalmatica, accedat.



*De Matrimonio.*      *L. 2.*  
**DISTINCTIO LXXXV.**

354

*De Sponsalibus.*

**N**ota 1. *Sponsalia sunt mutua futurarum nuptiarum promissio*, S. Th. in Supplem. q. 43. a. 1. & sic requiritur ut uterque promittat, nec sufficit accipere alterius promissionem, nisi etiam intendat se obligare. non etiam sufficit simplex propositum. v. g. volo te in meam. cum hoc non inducat obligationem, ut patet in voto, nisi quis intendat se obligare.

**N**ota 2. *Sponsalia sunt quatuor modis* S. Th. l. c. 1. nudâ promissione. v. g. accipiam te in meam, & viceversa. probabilius est, hanc non sufficere. non aliam ducam, quàm te. Bonac. de mat. q. 1. punct. 1. n. 13. cum communiori, quia dicta verba faciunt sensum conditionatum. si aliquam ducam, non aliam quàm te, tenetur tamen ducere, si sic deceptam violavit. 2. datis arrhis sponsalitiis. v. g. pecunia, vel alio simili. 3. annuli subarrhatione. 4. interveniente juramento. non tamen valent, licet sint jurata, si prima non sunt legitime dissoluta. Sylvester V. Sponsi n. 40 Armilla n. 1. sicut non valent, licet sint jurata, interveniente metu invalidante matrimonium. Sà V. Sponsi n. 5. & probabile judicatur in Sum. Dian. V. metus. n. 7.

**N**ota 3. *Duplex est Sponsaliorum effectus*. 1. Obligatio sub mortali contrahendi matrimonium. S. Th. citatus ad 3. nisi adsit legitimum impedimentum, hæc obligatio non necessario antecedit matrimonium, sicut & sponsalia non necessario antecidunt matrimonium. Sponsi in foro contencioso non compelluntur. quia matrimonia coacta malum exitum habere consueverunt. S. Th. in 4. d. 27. q. 2. a. 1 ad 2. nisi intervenisset juramentum ut quidam dicunt. Sed neq; propter hoc cogendi sunt ob dictam rationem. Arm. V. Sponsi n. 7. ex Panor. mitano. Sed hæc locum habent dum fundamentaliter timeatur malus exitus V. Petrum de Ledes. in præs.

Qui temerè retrocedit, amittit munera: Constans vero non.

**S**ecundus sponsaliorum effectus, est inhabilitas contrahendi cum consanguineis sponsi vel sponsæ in primo gradu tantum, quod dicitur impedimentum publicæ honestatis. Trid. Sess. 24. de Mat. c. 3.

**D**ico 1. *Sponsi vel propinqui sponсорum, vel stricti eorum amici, non possunt apponere pœnam gravem vel levem solvendam ab eo, qui non steterit sponsalibus*, ex c. gemma de spons. si apposuerint, non tenentur eam solvere, nec in foro externo, nec in foro interno, licet juramentum intervenerit. quia juramentum non obligat ad rem illicitam. Bonac. de Spons. punct. ultimo n. 1. & 2.

**A**pponere huiusmodi pœnam non est mortale secundum Caiet. V. Sponsi & alios. veniale tamen.

**D**ico 2. *Persona nobilis & dives, quæ iniit voluntariè sponsalia cum ignobili & paupere, cuius conditionem non ignorabat, tenetur matrimonium contrahere*, nam cum esset conscia conditionis, & voluerit sponsalia contrahere, tene-

tur adimplerè promissionem, ex qua oritur obligatio sub mortali. Bonac. q. 1. de Mat. p. 2. n. 2. cum communi, modo ex tali matrimonio non sequatur grave malum, vel magnum scandalum, ut graves rixæ inter parentes contrahentium, vel aliud grave incommodum, nam sponsus vel sponsa non tenetur adimplere promissionem futuri matrimonii, quando prævidet fore ut matrimonium sortiatur pravam exitum, idem, ex Nau. & Rodriq.

Dico 3. Qui sub ficta promissione defloravit virginem, tenetur sub mortali eam ducere S. Th. relatus à Labar de Mat. dub. 5. §. 5. nisi aliqua rationabilis causa oppositum suadeat, tunc enim satis est alio modo satisfacere. Oppositum D. Thomæ tenet Bonac. punct. 2. de sponsi n. 5. cum aliis. Qui etiam fictè promisit jam per alium corruptæ alias bonæ famæ, quæ infamiam ob carnalem copulam incurrit, tenetur eam ducere. infamata enim, cui, ut comperit nubet. Labar loco cit. secus dicendum dum nullum periculum infamæ, tunc enim sufficit pro injuria satisfacere. Samuel de Lub. V. promissio n. 9. & alii. Hæc à fortiori currunt, si promissio ficta sit jurata tunc enim tenetur ducere, etiã ab alio iam corruptâ S. Tho. 2. 2. q. 89. a. 7. ad 4. adducens illud Isidori L. 2. de summo bono C. 31. *Quacumq; arte verborum quis jurat, Deus tamen, quis testis conscientia est, ille hoc accipit, sicut ille, cui juratur, intelligit.*

Dico 4. Sponsalia quamvis jurata multis modis solvuntur 1. defectu ætatis, si quis non habeat septennium fære completum.

2. Per religionis ingressum, & sermo est de religionis ingressu, ante professionem, qui mox dirimit. non potest tamen ingredi si sponsam violavit, & nullâ viâ, etiam per matrimonium ratum, potest damnum resarcire. nam si potest per matrimonium ratum damnum resarcire, contrahat, deinde ingrediatur.

3. Per simplex castitatis votum, etiam post sponsalia jurata emissum. nam sponsalia jurata censentur sub hac conditione facta, nisi perfectior status eligatur Bonac. d. 1. de Mat. punct. 5. cum aliis DD. idem de voto Ordinis sacri.

4. Per subsequens cum altera matrimonium. Nota contra Dela-Cruz obligatio sponsaliorum soluto per mortem matrimonio, sicut & dimissio religionis habitu non reviviscit. nam obligatio semel extincta non reviviscit. primam partem docet Armill. secundam Sylv. V. spons.

5. Per alterius sponsi fornicationem, quâvis fœmina sit vi oppressa.

6. Per affinitatem supervenientem, etiam ex copula illicita. aut aliud impedimentum dirimens, immo quâvis tantùm sit fama de tali impedimento.

7. Si sponsus huc & illuc vagetur, & longius vadat.

8. Si in contractu sponsaliorum tempus determinetur eoque completo vnus non velit contrahere, alter liber manet.

(detur.

9. Si sponsalia facta sub conditione, & hæc non impleatur, v. g. ut tanta dos

10. Per gravem infirmitatem v. g. per morbum gallicum, per magnam deformitatem. v. g. orbitatem oculorum vel si aliqua vitia detegantur, aut alia superveniant, quæ si antea scirentur, sponsalia non contraherentur,

11. Per graves inimicitias ortas inter sponso.

Tandem

Tandem per utriusq; voluntatem. hæc probat Dela-Cruz de Mat. q. 2. n. 3. exceptis ijs pro quibus refertur. Bonac. n. 3. & alii n. 4. In prædictis casibus si sponsalia clandestina, vel causa manifesta, non est necessarium ut per iudicem dissolvantur. Sylv. V. spons. n. 10. quod dictum supponit sponsalia clandestina esse valida. Immo nec damnantur peccati mortalis à Sâ V. spons. n. 5. contra Armillam V. spons. n. 14. cuius tamen sententia securior & elicitur ex duodecimo Canone pœnitentiali apud Mosc. in Elementis ad sacras Conf; p. 5.

Dico 5. Per mutuum sponsorum consensum non ita solvuntur sponsalia ut liceat in eodem gradu ducere Bonac. q. 3. de Matr. p. 11. n. 7 adducens novam declarationem Cardinalium. si enim per mortem v. g. sponsæ non tollitur impedimentum publicæ honestatis ut passim decent DD. ex C. sponsam de sponsalibus, à fortiori non tollitur per utriusq; consensum.

## Q V Æ S I T V M.

*An oscula, amplexus, & his similia, liceant sponsis?*

R. Oscula & amplexus libidinosi hoc est cum delectatione facta, non sunt mortalia inter sponsum & sponsam, si desit periculum pollutionis vel ulterioris consensus. Arm. V. spons. n. 14. Samuel de Lub. V. spons. n. 4. Eò quòd sponsus habeat aliquod jus, licet tantum inchoatum & imperfectum ad corpus sponsæ, & viceversa, amplexus verò solius benevolentiae causa, nullo modo sunt peccata.

Nota hanc doctrinam non posse extendi ad tactus partium verendarum inter sponso. Arm. V. impud. n. 2. & Samuel loco cit. nec ad delectationem de copula. non enim licet sub mortali sponsis delectari delectatione libidinosa, de copula futura.

Quare ad hæc & vltiora peccata vitanda, non est vllò modo permittenda sponsis cohabitatio. magnū enim periculum, quod in conscientia vitare tenentur.

## DISTINCTIO LXXXVI.

*De Bannis seu Denuntiationibus.*

Dico 1. Antequam Matrimonium contrahatur, ter à proprio contrahentium Parocho tribus continuis diebus festis in Ecclesia inter Missarum solemnias publicè denuntietur inter quos Matrimonium contrahendum Trid. Sess. 24. C. 1. Per omissionem denuntiationū non invalidatur matrimonium, sed peccatur mortaliter, si omittatur sine facultate, aut legitima causa. cum sic possint sequi gravissima mala, quamvis nulla censura ipso facto incurratur. Bonac. q. 2. p. 6. n. 5. & 7. cum aliis DD. suspendendus tamen ab officio per triennium omittens denuntiationes C. cum inhibitis de clandestina desponsatione. ex quo patet, quam cavendum Parochis, ne faciliè advenas copulent. omittere unam denuntiationem non videtur aliquibus mortale propter parvitatem materiæ si Parochus sit certus moraliter non adesse impedimentum.



Dico 2. In utraq; Parochia faciendæ denuntiationes, vel à proprio Parocho, vel ab alio de Parochi licentia, si contrahentes sint diversarum Parochiarum. Trid. citatum. enim sic loquitur, à proprio contrahentium Parocho, & Bonac. loco cit. n. 59. refert declarationem sacræ Congregationis.

Dico 3. Denuntiationes possunt fieri extra Ecclesiam v. g. in cæmeterio, sicut & matrimonium. Nec peccatur faciendo eas alio die, quam festo, quando ingens multitudo populi confluit. hoc dictum probat Bonac. loco cit. n. 18. à loc. tiori possunt fieri, quando celebratur festum particulare ad quod populus confluit.

Dico 4. Dum adest causa valde vrgens, sufficit una denuntiatio, aut saltem Parocho, & duobus vel tribus testibus præsentibus matrimonium celebretur. etsi non adsit facultas Episcopi vel Officialis. quia necessitas lege caret. v. g. quando periculum est in mora, & non patet aditus ad Episcopum, vel Officialem, & alio teneretur dispensare.

Quando autem una tantum de licentia Episcopi, seu alias, denuntiatio præmittitur, non statim eâ factâ matrimonium contrahendum, sed per aliquod tempus, iudicio prudentis expectandum. Sanchez & alii apud Bon. loco cit. n. 56.

Dico 5. Causæ iustæ omittendi denuntiationes sunt multæ. de quibus Trid. prudens & timoratus iudicet. 1. Quando timetur matrimonium malitiosè impediendum. 2. Quando instat tempus, quo nuptiæ prohibentur, ut est adventus &c. quod autem fiat denuntiatio ter, scilicet in prima Missa, in Missa solemni tandem hac finitâ in Missa ante matrimonium celebrandum, tantum pura cætemonia est. cum id parum juvet ad notitiam impedimentorum. 3. Cum Magnates contrahunt. non enim timendum de impedimento. cum Magnatum matrimonia publica. 4. Quando concubinarus, citò petit conjunctionem matrimonialem &c. Bonac. loco cit. n. 8. in his tamen. debet constare moraliter non esse impedimentum dirimens.

Dico 6. Dum matrimonium contractum sine denuntiationibus, propter aliquam vrgentem causam non potest consummari non præmissis denuntiationibus ita Trid. citatum. aliàs peccatur mortaliter propter periculum impedimenti, quoties, quoties, consummatur. Bonac. cum multis aliis loco cit. n. 8. & 9. Ledelma tamen Lopez & alii ab eodem relati negant, si Parochus & contrahentes adhibuerunt sufficientem diligentiam, ut deprehendatur impedimentum.

Dico 7. Impedimenta matrimonii sunt detegenda sub obligatione peccati mortalis, etiam sub secreto scita. quamvis probari non possint. quia agitur de gravi proximi spiritali damno. præmittatur tamen correctio, si fructus speratur. Item quamvis tantum audita, modò à persona fide digna. Secus si audita à persona nihil certi sciente, vel quæ non meminit à quo audivit. Bonac. loco cit. n. 20. cum aliis DD.

## DISTINCTIO LXXXVII.

### De Sacramento Matrimonij secundum se.

**NOTA:** Matrimonium in ratione contractus naturalis, est legitima conjunctio maris & feminae in usum conjugii individuum vitae consuetudinem retinens. Labat de Mat. dub. 1. § 2. in ratione sacramenti est novae legis Sacramentum a Christo D. institutum causativum gratiae vitae. Salazar, gratia enim quae in hoc Sacramento datur significatur per modum vinculi & conjunctionis, & ordinatur ad mutuam supportationem item ad honestam procreationem & educationem prolis. Mosc. in exam. approb. tit. 1. q. 5. nec solum in hoc sacram. significatur gratia conjugens conjuges adinvicem, sed etiam significatur minus principaliter unio verbi cum humanitate, & conjunctio Christi cum Ecclesia.

Dico 1. Iuxta varietatem temporum est variè institutum matrimonium. in statu enim innocentiae est institutum in officium naturae, ad propagandam speciem humanam. in statu naturae lapsae, ultra hoc in remedium concupiscentiae. In lege gratiae a Christo Domino, in ratione Sacramenti S. Th. in Supp. q. 42. a. 1. Institutum inquam, sive Ioan. 2. in nuptijs, vel Matth. 19. dicendo. *quod Deus conjunxit homo non separet.*

Dico 2. Vtriusq; conjugis consensus mutuò per verba, vel per nutus expressus, est materia proxima, & forma huius Sacramenti, sub diversa tamen ratione, quatenus enim consensus conjugum habet rationem traditionis est materia, quatenus habet rationem acceptionis est forma. Ita Theologi maximè Thomistae cum Angelico D. in Supp. q. 42. a. 1. ad 1. & 2. Materia verò remota sunt ipsi contrahentes, vel corpora ipsorum. Et sic verba. *ego vos conjungo*, non sunt forma huius Sacramenti, immo nec ad valorem simpliciter necessaria, cum ante Trid. valida fuerint matrimonia clandestina, ut patet Sess. 14. C. 1.

Sciās. Verborum, *ego vos coniungo*, non est sensus, *ego vos coniungo, aliis non coniungentes*, sed *confirmo & benedico vestram conjunctionem*, vel, *ego vos coniungo in facie Ecclesiae, ut pro veris coniugibus coram hominibus sitis*. Dela O. de Mat. q. 1. n. 1.

Dico 3. Consensus in hoc Sacramento necessarius, debet esse expressus per verba de praesenti, vel per aliqua signa. nam cum sit Sacramentum, debet constare rebus sensibilibus, sicut & alia Sacramenta.

Si puella interrogata, praereverecundia taceat, & adstantes pro ea respondent, ipsa non contradicente, fit matrimonium. nam illa taciturnitas cum aliis circumstantiis temporis & respondentium pro ea, est sufficiens signum sensibile, significans eius internum consensum. S. Th. in Supp. q. 45. a. 2. ad 3. Consensus ergo per verba de futuro expressus v. g. *habebo te*, non matrimonium, sed sponsalia efficit S. Th. cit. a. 3. idem dic de his, contraho tecum pro anno futuro. at per verba, ex nunc habebo te in meam uxorem, fit matrimonium, cum de praesenti consensum expriment.

Dico 4. Consensus conditionatus ad valorem matrimonii sufficit, si apponatur conditio de praesenti. consensus tamen conditionatus appositae conditione de futuro, ordinariè loquendo, non sufficit. v. g. si Patri placuerit. quod si non expectato conditionis eventu consenserint in copulam affectu maritali, tunc fit

matrimonium, nec opus est novâ præsentia Parochi & testium pro hoc insinuar declarationem Congregationis Cardinali: Dela Cruz q. 3. de Mat. n. 3. Et idem censet Navar. de matrimonio celebrato coram Parocho & testibus sub conditione licita, si antequam voluntas mutetur, impleatur conditio. tunc enim perficitur matrimonium, sine nova Parochi & testium præsentia. sed oppositum aliis videtur verius, quos tacite refert Dela Cruz loco cit.

Dico 5. Consensus externus sine interno non efficit matrimonium. cum omnia Sacramenta requirant intentionem S. Th. a. 4. talis tamen in foro Ecclesiæ potest adstringi. cum hæc secundum allegata judicet.

Et sic qui verbis de præsentia cum aliqua contraxit, non habendo consensum internum, verbis expressum, si per excommunicationem cogatur ut primam habeat in uxorem, debet potius patienter sustinere excommunicationem, quam ad primam accedere. Ita in C. inquisitionis de sent. excomm. & S. Th. ad 3. & oppositum Magistri sent. est erroneum, nam ille accessus esset fornicarius, cum esset accessus ad non suam. nec efficitur sua, quamvis interveniat sententia in foro externo iusta. juxta C. de sent. & re judicata. vel recedat secum uxorem veram ducendo, si fieri potest S. Th. ibidem. Hæc doctrina etiam procedit, dum matrimonium ob aliam causam est nullum.

Dico 6. Qui consensum factum habuit, si non interveniat impedimentum dirimens, tenetur verè iterum cum conjuge defraudata contrahere matrimonium. ex Sylv. V. Lux & aliis, quæ injuria aliter non refarcitur. aliquando tamen excusabitur, v. g. si intercedat magna inæqualitas, aut si timeatur malus exitus, aut grave damnum &c. sed recompensatio non omittenda.

Dico 7. Minister essentialis Matrimonii, sunt ipsi contrahentes. cum ipsi tantum formam ponant, ut pater ex Conc. Flor. in decreto unionis Armenorum. Sacerdos enim tantum minister accidentalis. aliàs matrimonia clandestina non fuissent valida ante Trid. quod est contra Sess. 24. Cap. 1.

Et sic Sacerdos in mortali matrimonio assistens non peccat mortaliter. contrahentes, licet sint minister essentialis huius Sacramenti, cum non sint specialiter consecrati ad hoc. non peccant mort. illud ministrando in mortali. Dela C. de Sacram. in genere. q. 4. n. 4. peccant tamen mortaliter indigne recipiendo.

Dico 8. Omnis homo nullum habens impedimentum est subiectum Sacramenti matrimonii. Ut debite ad hoc Sacramentum accedat, promittenda confessio & Eucharistia sumenda. Sed hoc tantum consilium, præceptum verò contritionem esse præmittendam, si contrahens in mortali existit. cum si Sacramentum vivorum. Accedens ad hoc Sacramentum, intendat saltem virtualiter facere quod facit Ecclesia, & suscipere hoc Sacramentum non cum affectu libidinis, sed cum affectu suscipiendi prolem ad gloriam Dei.

Dico 9. Matrimonio iam contracto sponsi in eadem domo non cohabitent ante benedictionem in Ecclesia à Parocho vel cum licentia ab alio Sacerdote recipiendam, Trid. Sess. 24. C. 17.



Omittendo hanc benedictionem non incurritur mortale. Samuel de Lub. V. Bann. n. 5. & 6. Sa V. Mat. n. 6. sicut & omittendo solemnitatem nuptiarum nō est mortale. immo absolute omittenda benedictio in secundis nuptiis ex parte viri & mulieris, vel mulieris tantum, non autem in secundis nuptiis ex parte viri tantum. cum adhuc salvetur significatio conjunctionis Christi cum Ecclesia.

Dico 10. Matrimonium inter absentes per literas vel procuratorem celebratum, est verum, pater ex usu Ecclesie sæpè talia matrimonia celebrantis, quæ deinde in præsentia conjugum non celebrantur. idem de sponsalibus dicendum si sit consensus utriusq; vel saltem, si uterq; ratificet sponsalia nomine suo à Parentibus celebrata, alias enim sic à Parentibus facta, nec à sponsis ratificata non valent. Immo matrimonium inter absentes baptizatos celebratum per literas, vel procuratorem, coram Parocho & testibus, est Sacramentum, tanquam probabilius tenendum.

Dico 11. Matrimonium amore divitiarum, delectationis captandæ, & ob similem causam inhonestam celebratum non caret culpâ veniali, sicut ob causam mortaliter inhonestam non caret culpa mortali validum tamen, sicut baptismus propter lucrum administratus est validus.

### Q V Æ S I T V M 1.

V. In Sacramento Matrimonii hæc reperiantur. scilicet, Sacramentum tantum, res Sacramenti tantum, res & Sacramentum simul. R. Sicut in aliis &c. vide additionem 4. in fine f. 54.

### Q V Æ S I T V M 2.

*Quæ bona, finis, & effectus matrimonij.*

R. 1. Bona matrimonii sunt, fides, proles, Sacramentum, fides nē cum alijs Conjuges misceantur, proles, ut Christ anē educetur. Sacramentum ut matrimonium non separetur.

2. Finis ad quem matrimonium institutum primò est propagatio speciei & conservatio individuorum. 2. Remedium concupiscentiæ. 3. commoditas obsequij utriusque ad invicem.

3. Effectus Sacramenti matrimonii est gratia unitiva, hoc est gratia sanctificans, ut importat mutuam concordiam, decentem usum matrimonii, moderando carnis concupiscentiam, familiæ prudentem gubernationem, Christianam proli educationem. rerum domesticarum diligentem curam, dispositionem & fideliem dispensationem Mosc 2. p. Tyrocinii artis pœnitentiariæ §. 4. n. 25.

### D I S T I N C T I O LXXXVIII.

*De impedimentis impediētibz tantum matrimonium.*

N O T A. Impedimenta matrimonii duplicia sunt, alia tantum impediunt, ne licite contra-

te contrahatur matrimonium, validum tamen est. alia verò etiam contractum dirimunt, tanquam invalidum.

Dico 1. Impedimenta tantum impediunt sunt quinque votum interdictum, sponsalia, catechismus, crimen.

Crimen est multiplex quo commissio non licet ducere uxorem. 1. Occisio uxoris adulteræ propria autoritate facta. 2. Presbytericidium, per judicem declaratum. 3. Matrimonium cum moniali scienter contractum. 4. Susceptio proprii filii in baptismo aut confirmatione malo animo, ut scilicet contrahat cognationem cum propria uxore. 5. Publica pœnitentia, sed hæc iam non est in usu. 6. Raptus alienæ sponsæ. Sed hoc post Trid. est etiam dirimens secundum dicenda in sequentibus. 7. Incestus cum propria affiue, vel etiam cum consanguinea sed hoc secundum negat D. Th. & alii apud Dela C. q. 3. n. 1. Hoc impedimentum criminis juxta Sanchez, Ledesma & alios apud Bonac. de Mat. q. 3. punct. 14. n. 21. non inducit mortale, etsi dispensatio non petatur.

Si quis dispensationem desiderat, adeat Episcopum, qui in omnibus tantum impediuntibus impedimentis dispensat, excepto voto castitatis perpetuæ & religionis. Cand. aureum de Mat. n. 110. ex D. Antonino & Paludano.

Dico 2. Nomine voti intelligitur votum simplex religionis, aut castitatis; vel votum non nubendi.

Dico 3. Nomine interdicti venit prohibitio, quæ certo anni tempore interdicat matrimonium ab Ecclesia. Item si ab Ordinario loci aut curato interdicitur contrahere matrimonium, donec constet, non esse impedimentum, aut aliam ob causam.

Dico 4. Tempus interdicti incipit à media nocte præcedente primam Dominicam adventus usque; ad festum Epiphaniæ, & à media nocte ante feriam. 4. Cinerum, usque; ad Dominicam in Albis inclusivè. Trid. Sess. 24. Cap. 10.

Interdicitur autem hoc tempore solemnitas nuptiarum, ut accipere benedictionem in Ecclesia, aut convivium sollemniter celebrare, & contrahere peccat mortaliter, quia in re gravi transgreditur præceptum Ecclesiæ, Bonac. de Mat. q. 3. punct. 14. n. 4. cum aliis, DD.

Non interdicuntur hoc tempore sponsalia. Samuel de Lub. V. nuptiæ n. 1. idem non prohibetur contractus & consummatio matrimonii, sub mortali, atque bannorum publicatio. dummodo nullæ adhibeantur nuptiales solemnitates. Samuel num. 5. cum Paulo Piafocio. Sicut & privatim traducere tempore interdicti sponiam in domum sponsi non est prohibitum.

Dico 5. Impedimentum Catechismi contrahitur ab eo, qui tenet infantem baptizandum, responderque eius nomine ministro interroganti, an credat, an renunciet diabolo &c. & quidem si idem sit patrinus Catechismi & baptismi contrahit impedimentum dirimens. si alius Catechismi, contrahit tantum impediens sed negat Pontius relatus in Summa Divinæ. V. imped. n. 4. quia in Trid. dicitur spiritualem cognationem non contrahi nisi in baptismo & confirm. præter hoc

hoc citat pro sua sententia declarationem sacre Congregationis interpretum.

Dico 6. Impeditur Matrimonium ad dictum unius maxime matris deponētis de aliquo impedimento testimonium. nisi interveniat iuramentum in oppositum.

Impeditur etiam ad dictum unius Personæ gravis, cui fides debetur, & de fama vel scandalo docet, etsi in oppositum interveniat iuramentum parentum.

Quod si unus testis dicat, audisse ab vno ex suis maioribus duos esse in quarto v. g. gradu consanguinitatis, non impeditur matrimonium inter eos nam unus testis, de auditu nihil probat. Secus si plures graves audissent, à pluribus fide dignis.

Vt verò matrimonium contractum dissolvatur, efficaciora debent adesse testimonia. nam hoc non dissolvitur sine plurium iuramento: hæc è jure deducta reperies apud Dela. Cruz. q. 4. de mat. n. 3.

## DISTINCTIO LXXXIX.

### *De impedimentis dirimentibus matrimonium iure naturali.*

Nota 1. Impedimenta dirimentia & annullantia matrimonium de jure antiquo sunt 12. quibus de jure novo Tridentini addita sunt duo raptus & matrimonium clandestinum. comprehenduntur his versibus.

Error, Condicio, votum, cognatio, Crimen.

Cultus disparitas, vis, Ordo, Ligamen. Honestas.

Si sis affinis, si fortè coire nequibis.

Si Parochi, & duplicis desit præsentia testis,

Raptaque sit mulier, nec parti reddita tutæ.

Hæc facienda vetant connubia facta retractant.

Error Personæ, professio solemnns, ligamen, impotentia perfecta & perpetua, jure naturali dirimunt matrimonium, idem de amentia perpetua & de defectu ætatis sentiendum; alia dirimunt jure Ecclesiastico vide Dela C. q. 4. de mat. n. 2.

Nota 2. Hæc impedimenta non eo sensu dicuntur dirimentia, quatenus solvant matrimonium, jam validè contractum. Sed dicuntur dirimentia, quia impediunt, ne validè possit contrahi. & sic professio solemnns facta post matrimonium ratum & illud dissolvens, item conversio unius conjugis ad fidem, dissolvens matrimonium in infidelitate consumatum, ut infra dicetur, non dicuntur propriè impedimenta.

Dico 1. Error essentialis dirimit matrimonium, tollit enim consensum pro matrimonio requisitum, talis error est circa personam. cum matrimonium includat personas, quæ conjunguntur. Error verò accidentalns, & circa personæ qualitatem. v. g. circa bona fortunæ, non dirimit matrimonium v. g. si contrahas cum Bertha putans esse virginem, nobilem, divitem &c. cum hæc ad essentialiam matrimonii non spectent, nisi talis error in personam transunderetur, v. g. si cum Bertha contrahere nolis. si non sit virgo, dives vel nobilis, in tali enim casu error consensum tollit S. Th. in supp. q. 51, a. 2. ad, 5.

Dice



Dico 2. Simplex castitatis votum non dirimit matrimonium iam contractum, sed solum impedit contrahendum S. Th. cit. q. 53. a. 1. nam matrimonium fortius est vinculum. cum in eo fiat actualis corporum traditio. per votum autem simplex solum fit promissio, rei promissæ non transferens dominium, & idem dicendum de voto ingrediendi religionem; Excipe simplex castitatis votum Patrum Societatis Iesu, quod ex statuto Ecclesiæ matrimonium dirimit & eos verè religiosos facit.

Votum ergo solemne religionis dirimit matrimonium, non solum ex jure divino, sed ex natura sua ut docent Thomistæ. nam præter promissionem ad votum simplex sufficientem, importat perfectam & absolutam traditionem & acceptationem. unde qui sic solemniter vover, & postea matrimonium contrahit, invalidè contrahit.

Dico 3. Qui vovit ingressum religionis, primo bimestri, non potest reddere, à fortiori non potest petere. cum secundum communem sententiam adhuc teneatur religionem ingredi. si iam petendo vel reddendo consummaverit, potest non solum reddere sed & petere. ad castitatem enim obligabatur ratione voti religionis. cum ergo sit liber à religione hic & nunc, eò quòd consummaverit matrimonium, etiam liber, vivente sua conjuge, à castitate.

Qui verò sine voto ingrediendi religionem, habet votum castitatis perpetuum & contraxit matrimonium, nunquam petere potest, ut docent communiter. sed elapso primo bimestri reddere tenetur, etiam tantum interpretativè petitus, non autem ante. nam ut habet Bonac. circa 2. præceptum. q. 2. punct. 5. §. 5. n. 5. conjuges habent ius non reddendi debitum in primo bimestri etiam præciso voto, quare intra hoc reddens prima vice, peccat mortaliter. An verò intra bimestre, teneatur ingredi religionem? negat Bonac. loco cit. contra Caiet. & Sylv. V. Mat.

Dico 4. Vnus conjugum non potest altero invito ingredi religionem matrimonio iam consummato. nam nullus potest præstare oblationem ex alieno, corpus autem conjugis per carnalem copulam factam est alterius S. Th. q. 61. a. 1. Consummatur autem matrimonium secundum aliquos per solam apertionem claustrum, licet non sit seminatio alij requirunt seminationem & quidem veriusque, ut videre est in Summa Dianæ V. affinitas n. 2. & V. Mat. n. 22. per solam tamen seminationem in vase forminæ, absque vasis penetratione matrimonium consummatur.

Potest tamen vnus conjugum, etiam matrimonio consummato ingredi religionem si remanens in sæculo consentiat, & votum castitatis emitat, ad quod tenetur. Item si sit provectæ ætatis, nam si sit juvenis, etiam tenetur ingredi, ut probat Bonac. de Mat. q. 3. p. 4. n. 12. præterea, si Episcopus consentiat. cuius consensus si omittatur, secundum aliquos non incurritur peccatum mortale. Dixi matrimonio consummato. Nam ut supra intinatum, duo menses sunt concessi conjugibus ad deliberandum circa religionis ingressum, etiam altero renuens intra quos non tenentur consummare. Et licet ante elapsos duos menses cognoscat sponsam

sponsam violenter, ipsa verò religionem ingrediarur, & profiteatur, matrimoniū adhuc quoad vinculum solvitur, quia non videtur adhuc illi suum corpus cōmunicasse, cūm violenter fuerit oppressa. Samuel de Lub. V. divor. n. 20. cum Armilla.

Dico 5. Infidelis habens plures vxores si convertatur ad fidem tenetur permanere cum prima si ipsa voluerit cum eo permanere de quo i. Isra. Si verò omnes convertantur præter primam nolentem cum eo permanere, aut volentem quidem permanere sed cum injuria Creatoris, vir non tenetur ullam ex conversis ducere in rigore loquendo, quia nulla ex ipsis est vera vxor excepta primā, licet repudiata. Bonac. de Matrimo. q. 1. punc. 10. n. 7. cum aliis DD. Hic sciendum est, quod dispensatio quæ concessa fuerat à Deo in veteri lege ad habendas plures vxores ad hoc tempus non perseveret: nam revocata fuit à Christo Domino Matth. 19. *Qui dimiserit uxorem & aliam duxerit mœchatur.*

Dico 6. ut superstes conjux possit cum alio matrimonium inire, requiritur certitudo moralis. seu tanta certitudo, quanta judicio prudentis sufficit ad credendum priorem conjugem certo esse mortuum. Soto, Speculum. Rodriq. Gutierrez, Sanches, Perez, Valentia & alii quos sequitur Bonac. loco cit. n. 22. quia nisi adsit tanta certitudo, contrahentes exponunt se periculo adulterii. cūm fieri possit priorem conjugem adhuc vivere. Vnde vxor nequit cum alio matrimoniū contrahere, quando eius vir absuit per multos annos. C. in præsentia de Spons. & C. dominus de secundis nuptiis. nam certitudo moralis non habetur per absentiam multorum annorum. Sicut nec habetur per solam famam, cum fama oriari soleat ex auctore incerto, & plerumq; fallaci. nisi fortè cum fama existant tanta indicia, ut nullus dubitandi locus relinquatur de morte illius, Bonac. loco cit. n. 13. cum Speculo. Sylv. Nau. Rodriq. & aliis DD.

Ex quo per contrariam consequentiam sequitur, vxorem posse matrimoniū cum alio contrahere, quando maritus ingressus prælium, & postea non comparuit, & fama est ipsum periisse, aut quando per litteras eorum qui prælio interfuerunt, acceptum est, maritum mortuum. Henriq. & alii citati à Bonac. l. c. n. 14. Nota. relinquendum est judicio prudentis viri, judicare in calibus particularibus, an sit certitudo moralis, & conjecturæ sufficientes ad contrahendum novum matrimonium. Non tamen sufficienter probatur mors per vnum testem, Bonac. l. c. n. 16. & Sanchez contra Speculum & alios. Sicut enim unus testis non sufficit in causis pecuniariis, ita neque sufficit in causa secundi matrimonii, in quo agitur de periculo animæ, nisi fortè adsint tantæ conjecturæ, vel nisi conjux mortuus sit in loco ita distante, ut non possint faciliè haberi aliæ probationes nisi per unum si se dignum testem. Et hoc modo intelligitur C. in præsentia de Spons. ubi præcipitur Prælati ne permittant matrimonium contrahi donec certum nuncium de morte percipiant. Ob id cavere debet Parochi, ne aliquis coniungat non obtentā facultate ab Episcopo, apud quem fieri solent probationes de morte alterius conjugis. quo tamen non obstante mulier potest contrahere matrimonium quando ipsa sola certò novit virum esse mortuum, quam-

vis hoc probare non possit, & alias non timetur scandalum, quia tunc cessat periculum adulterii. Idem qui supra n. 16. cum aliis DD.

Ex his patet femina quæ contraxit matrimonium cum secundo credens primum virum mortuum teneri recedere à secundo, postquam rescivit primum virum vivere, alioquin adulteratur & peccat mortaliter petendo vel reddendo debitum post talem notitiam. nam secundum matrimonium est invalidum. Si vero non certò novit priorem virum vivere, sed tantum dubitat, non potest existente dubio petere debitum. alioquin exponit se periculo adulterii. Detsa Cruz q. 3. de Mat. n. 1. ex c. inquisitioni, de senten. excomm. tenetur tamen alteri conjugum petenti reddere, quam diu non constat priorem conjugem vivere. nam alter conjux habet jus petendi. nec tenetur credere conjugi dubitanti nisi dubitans, ita probet ut alter propter eius motiva & probationes, teneatur credere vel ita dubitare, ut nequeat deponere dubium.

Dico 7. Validum est matrimonium contractum ab eo, qui quidem crederet priorem conjugem vivere, sed falso crederet cum mortua fuerit. si sic contrahens putabat se validè contrahere, vel si habebat intentionem contrahendi quantum poterat. quia adest sufficiens consensus inter personas habiles. Et idem dicendum de eo, qui contrahit matrimonium credens adesse impedimentum dirimens, cum revera non sit, modò intendat ut supra. ratio à simili. nam qui credit baptismum nihil valere, tamen baptizando intendit, quod potest & quod intendit Ecclesia, validè baptizat, ut docetur comm. idem ergo in casu proposito.

Dico 8. Frigiditas seu impotentia coeundi dirimit matrimonium quando est perpetua & perfecta, id est incurabilis etsi conjuges ad castè vivendum contrahant, ut patet ex D. Th. in Supp. q. 18 a. 1. ad 4. nam de intrinseca matrimonii ratione est traditio potestatis ad usum & copulam conjugalem, quam impotentes tradere non possunt, cum non habeant. Et licet vir possit coire, si nequit seminare, invalidum est matrimonium ut patet ex quadam declarat. Sixti V. de qua mox. Dixi *si sit perpetua & perfecta*. nam si hæc impotentia sit temporanea, licet ignorata, quæ ætatis processu aut humanà arte sine mortis periculo auferri potest, valet matrimonium. D. Th. loco cit. Procedit autem resolutio quæ sit de perpetua & perfecta impotentia cum omni femina. Si enim cum una sit impotens, & potens cum alia, valet matrimonium etiam cum illa cum qua est impotens, secundum S. Th. loco cit. contra Sylv. & alios deducitur ex C. laudabilem & C. fraternitatis, de frigidis & maleficiatis, ubi dicitur, si quis separato priori matrimonio invenitur habilis ad aliam feminam, redeat ad priora connubia.

Dico 9. Impotentia generandi non tollit matrimonium. Matrimonia enim senum & steriliū valida sunt, ut patet ex usu. nam etsi isti non possint habere filios, qui est finis ultimus matrimonii salvatur tamen in eis finis proximus, scilicet usus matrimonii. D. Th. loco cit. ad 3. quo usu concupiscentia sedatur & est inter eos vera traditio corporum, & obligatio ad actus matrimoniales. Item emittunt semen ex natura sua prolificum, quamvis ex accidentali frigidityte ineptum. Secus



Secus de spadonibus dicendum, qui etsi penetrent vas fœminæ, quia tamen non emittunt semen ex natura sua prolificum, sunt inhabiles ad matrimonium. accedit Bulla Sixti V. edita anno 1587. declarans matrimonium spadonum cum quibulvis mulieribus live scientibus, sive ignorantibus, esse nullum.

Dico 10. Si fœmina ita sit arcta, ut sine miraculo aut arte magica, aut sine mortis periculo non possit aperiri, est inhabilis ad matrimonium juxta c. ex literis de frigidis & maleficiatis. Secus sentiendum si industria medicorum aperiri potest, ad quod ipsa tenetur secundum DD. etiam cum gravi dolo e, non verò cum gravissimo. Fœmina quæ recipit semen, etsi non possit illud retinere, erit habilis ad matrimonium, nec ipsa, nec vir accedens ad eam cum tali periculo, peccant mortaliter. Bonac. q. 4. de Mat. punc. 6. n. 18. isti enim, sicut & steriles faciunt, quod in se est, etsi ex aliquo accidentali impedimento, semen effundatur, & non sequatur generatio.

Dico 11. si constat impotentiam esse perpetuam, non expectandum, sed mox dissolvendum matrimonium. nec licet osculis vel tactibus vacare. si dubitatur conceduntur tres anni, quibus possit vir uxorem, & spe ad nitendum C. laudabilem de frigidis & maleficiatis. Attamen si sic nitentes certificantur de impotentia perpetua, non licet ulterius niti. eo quod, vel hæc impotentia, tandem successu temporis cognita, præcessit matrimonium, & sic matrimonium est nullum, quare habens hanc nequit ulterius niti, vel est subsecuta matrimonium, & sic etiam non licet ulterius niti. poterunt tamen hi, in quibus post matrimonium est subsecuta impotentia se libidinose tangere & osculari sine periculo tamen pollutionis, Bonac. loco cit. n. 17. & Dea Cruz a. 7. c. 2.

Dico 12. impotentia orta ex maleficio & ligamine dæmonis si sit perpetua & antecedit matrimonium dirimit illud. Secus si sit temporalis ad quod expendendum conceduntur tres anni, juxta C. laudabilem de frigidis & maleficiatis. Nota, si maleficium sanetur per remedia hæc, ut per confessionem, lacrymas elemosinas, orationes, exorcismos, signum est matrimonium valuisse. cum impedimentum sit ablatum per media ordinaria contra incursum dæmonum, quod si maleficium sit ablatum per miraculum vel arte dæmonis signum est matrimonium non valuisse, & sic isti possunt cum aliis contrahere secundum D. Th. loco cit. a. 2. ad 3.

Dico 13. Hermaphroditus in quo prævalet unus sexus, potest matrimonium inire juxta sexum, qui in ipso prævalet, unde si prævalet sexus virilis potest contrahere cum fœmina. quia censetur esse illius sexus, qui in eo prævalet. Et sic matrimonium est invalidum si celebretur juxta sexum inferiorem quare si sexus virilis prævaleat & fœmineus sit inferior, invalidè contrahitur cum viro eo quod censetur contrahi matrimonium cum persona ejusdem sexus Hermaphroditus in quo sexus est æqualis, secundum quem voluerit, poterit contrahere matrimonium.

Facta tamen semel electione sexus, & contracto semel juxta illum statum matrimonio, non potest mortuo conjuge mutare electionem, nam variaret electionem

tionem in re gravissima, cum sit valde indecens, uti modo hoc, modo altero sexu. Si tamen contraheret, validè contraheret, etiam facto juramento non variandi sexum. quia nullum jus tale matrimonium irritat. Nota, quoniam sexus prævaleat, pertinet judicare ad Medicos, vel ad matronas peritas. In dubio ferendum est iudicium ex ipsius hermaphroditi assertionem. nullus enim melius valet discernere. Caveat tamen Parochus assistere illius hermaphroditi Matrimonio in quo sexus æqualis, donec hermaphroditus coram iudice Ecclesiastico cum juramento protestetur quem sexum sequi velit. cum enim hæc pertineant ad forum externum non debet Parochus se ipsis immiscere. antequam hæc peragantur coram iudice Ecclesiastico. Bonac. quoad omnes partes cum aliis DD. q. 3. de Matrim; puncto 13. a. 26.

Dico 14. Amentia sequens matrimonium non dirimit illud, cum sit indissolubile. secus dicendum est de amentia omnino tollente usum rationis & antecedente matrimonium. cum sic non habeatur consensus pro matrimonio necessarius. si tamen aliquis habens lucida intervalla, tempore lucidi intervalli contrahat valet matrimonium, erit tamen peccatum mortale si sic amentes contrahant. Imò si sola femina sic amens contrahat, ob periculum abortus, nisi aliàs sit sterilis. Et tales interdicendi sunt ab usu matrimonij ob periculum abortus & educationis proles.

Dico 15. Matrimonium puerorum ante 14. annum & puellarum ante 12. regulariter est nullum, ex defectu plenioris usus rationis pro Matrimonio requisiti. Et hoc tempus taxatur in iure. Quod si aliquis ante dictos annos pubertatis habeat sufficientem usum rationis & naturæ vigorem, & contrahat sine Papæ dispensatione, valet Matrimonium juxta D. Thomam, in Supp. q. 56. a. 5. peccat tamen mortaliter. Nam in matrimonio contrahendo non debet attendi tempus sed an conjuges concipere possint & generare. Sufficit prædicta ætas, scilicet in puero 14. & puella 12. annorum, etsi protunc non habeant actualem potentiam coeundi, sed processu temporis habebunt. Nam potentia actualis coeundi non est de essentia Matrimonij. Expectandum tamen est usque ad annum 18. ut judicetur an sit perpetua impotentia. Sa V. Matr. n. 7. ex Sylvestro.

Dico 16. Si Parochus sciens matrimonij impedimentum ex confessione, rogetur assistere matrimonio, non habendo aliud remedium assistat. nam majus malum esset confessionis revelatio, quam talis matrimonij invalidi permissio. Vide D. Th. in Supp. q. 11. a. 1. ad 1.

## DISTINCTIO XC.

### *De Impedimentis dirimentibus matrimonium iure*

#### *Ecclesiastico.*

Dico 1. Servitus nota non dirimit matrimonium, sed ignorata. immo si servus contrahat cum serva putans liberam, valet matrimonium, S. Th. in Supp. q. 52.

q. 52. a. 1. ad 1. cum ambo sint ejusdem conditionis, & nulla interveniat injuria. Servitus etiam matrimonio superveniens non dirimit illud. Vir enim absq; consensu uxoris potest se ipsum in servum vendere. cum sit mulieris caput, solumq; ei in spectantibus ad matrimonii actum subdatur. S. Th. loco cit. a. 3. peccat tamen vir sine magna necessitate hoc faciens. cum sic graviter uxorem conturbet. Nec dirimit servitus matrimonium invito Domino contractum. nam matrimonium est de jure naturali & Divino, servitus de jure positivo. jus autem positivum non præjudicat juri naturali & Divino S. Th. cit. a. 2.

Dico 2. Cognatio est triplex. carnalis quæ est consanguinitas vel affinitas. spiritualis & legalis. Consanguinitas est propinquitas duarum personarum, quarum una ab altera. vel ambæ ab eadem carnaliter descendunt. Affinitas est propinquitas personarum ex carnali copula, aut ex eius potestate proveniens. per vltimam particulam denotatur affinitatem, etiam causari ex matrimonio rato non consummato. Alii negant ex matrimonio non consummato oriri affinitatem. pro se citant declarationem sacræ Congr. & solum vocant hoc impedimentum publicæ honestatis dirimens matrimonium intra quantum gradum, per quod distinguitur ab impedimento publicæ honestatis orto ex sponsalibus. Sed quæstio est de nomine parum refert an hoc impedimentum affinitas vel aliter vocetur. hoc verum, quod intra quantum gradum dirimat, ut determinat Pius V. motu proprio, qui incipit ad *Romanum spectat*. Cognatio spiritualis est propinquitas personarum ex vera baptismi aut confirmationis collatione, aut ex baptizati vel confirmati susceptione proveniens. Cognatio legalis est propinquitas personarum ex adoptione unius ab altero proveniens. de his infra.

Dico 3. Dux sunt lineæ in cognatione naturali consanguinitatis. una recta, altera transversa, est autem linea, ordinata collectio personarum sanguine junctarum, linea recta est collectio personarum, quarum prima producit secundam, secunda tertiam, & sic consequenter, veluti Pater, Filius Nepos &c. descendendo. & in hac consideratione appellatur recta linea descendendum. nam si ab inferiori incipiamus sursum versus, appellatur recta linea ascendentium. Linea transversa est collectio personarum quæ ab eodem principio (stipitem appellant. DD.) carnali propagatione emanant talis est collectio fratrum patruelium, qui sunt fratrum nati. consobrinorum, qui sunt ex fratre vel sorore matris nati. amittinorum, qui sunt ex sorore patris nati. Linea transversa alia est æqualis alia inæqualis, linea transversa æqualis est, quando dux personæ distant eodem gradu à communi stipite. v. g. duo filii, duo patruels primi &c. Linea transversa inæqualis est, quando dux personæ distant à communi stipite inæqualiter v. g. Petri Filius & Patruus, hoc est frater Patris, sunt in transversa linea inæquali, quia à communi stipite hoc est ab avo distant inæqualiter.

Dico 4. In linea recta ascendentium & descendendum, tot sunt gradus quot personæ mediæ, numerando vnum extremum. hinc quia inter Patrem & Filium nulla mediat Persona, Pater & Filius sunt in primo gradu. Pater Filius, nepos,



nepos, sunt tres, sed quia dux personæ mediant numerando vnum extremum, ideo avus & nepos sunt in secundo gradu lineæ rectæ, Proavus & pronepos sunt in tertio gradu. abavus & abnepos in quarto, tritavus, & trinepos, in quinto. Vel ut loquitur Moscicensis 2. p. Tyrocinii §. 4. n. 45. numerentur omnes Personæ, infima, suprema, hoc est stipites & intermedia: tot ergo erunt gradus, & tanta distantia à communi stipite quot recensentur personæ, vnà tamen dempta.

Dico 5. In linea transversa æquali, quo gradu vna Persona distat à communi principio seu stipite, eo gradu distant inter se. v. g. duo Fratres germani, quia cum Patre sunt in primo gradu, in eodem gradu sunt inter se. Item duo Fratres patruales primi seu Nepotes, quia ab avo distant secundo gradu, eodem gradu distant inter se.

### EXEMPLVM.

Pater	&	Mater.
	<i>Primus gradus.</i>	
Petrus		Anna.
	<i>Secundus gradus.</i>	
Agnes		Paulus. Nepotes.
	<i>Tertius gradus.</i>	
Simon		Martha. Pronepotes.
	<i>Quartus gradus.</i>	
Lucia		Thomas. Abnepotes.

Dico 6. In linea transversa inæquali, quo gradu à communi stipite distat persona remotior, eodem gradu distant inter se. v. g. Petri Filius & Patruus, hoc est fratre Petri, sunt in secundo gradu. quia Petri Filius distat à communi stipite id est ab avo secundo gradu. Vnde distans à communi stipite quinto gradu licet cōtrahit cum distante ab eodem stipite, quarto, tertio, secundo, vel primo gradu.

### EXEMPLVM.

Pater	&	Mater.
Petrus		Anna.
Agnes		Paulus.
Simon		Martha.
Lucia		Thomas.

*Hic & sequentes distant ab illo quarto gradu, quia ipse distat à stipite quarto gradu.*

Dico 7. Consanguinitas in primo gradu lineæ transversalis, ut inter fratrem & sororem jure naturali dirimit matrimonium. In quo Deus ab initio mundi cum Filio & Filia Adæ dispensavit. Et in hoc secundum communem sententiam nequit

quit Papa dispensare. Consanguinitas verò in secundo, tertio, quarto gradu, lineæ transversalis, soli jure Ecclesiastico dirimit Matrimonium. sicq; solos fideles obligat. Nec infideles taliter conjugari seperari debent si baptizentur C. de infidelibus de consanguineitate & affinitate.

Dico 8. Gradus affinitatis desumitur ex gradu consanguinitatis. Et sic tot sunt gradus affinitatis quot consanguinitatis. Quare Titius v. g. in eo gradu affinitatis est cum consanguineis vxoris suæ, in quo gradu consanguinitatis est vxor cum illis v. g. Titius in primo gradu affinitatis est cum sororibus vxoris suæ, quia vxor Titij est in primo gradu consanguinitatis cum illis.

Dico 9. Sola copula ex qua quantum est de se potest sequi generatio, etsi defecto non sequatur, causat affinitatem. Quàmvis claustra non rumpantur, sed aliunde semen habeatur. Quare copula spadonum non causat affinitatem sicut & Matrimonium eorum non est validum ut supra dixi. Matrimonium autem senum & sterilem causat affinitatem, sicut & matrimonium eorum est validum, quia ex eorum copula, quantum est ex se, potest sequi generatio, licet per accidens non sequatur.

Probabilitate non caret ad contrahendam affinitatem non si suff. ere semen virile, sed debet simul concurrere semen muliebre. Colligitur ex S. Th. in Supp. p. 55 a 4 ad 2. ubi dicit *Vir & mulier efficiuntur in carnali copula una caro per commixtionem seminum. Unde quantumcumq; aliquis claustra pudoris invadat & frangat nisi commixtio seminum sequatur non contrahitur affinitas.* Nam secundum Hypocratem & Galenum in Summa Dianæ ver. Affinitas n. 7. relat. semen muliebre est necessarium ad generationem. Igitur in hac sententia qui habuit copulam cum sorore vxoris suæ si hæ. non seminavit, non contrahit affinitatem, & potest petere debitum. Vel si hoc fuit ante Matrimonium, non contrahitur impedimentum dirimens. Hoc certius est, quod non si suff. iat semen mulieris ad causandam affinitatem. Bon. de Matrim. q. 3. punc. 12. n. 13. cum Paludano & aliis U.D.

Dico 10. Affinitas orta ex matrimonio extenditur ad quartum gradum quàmvis matrimonium sit tantum ratum, ut declarat Pius V. motu proprio. qui incipit, *ad Romanum.* Immo Bonac. q. 3. punc. 11. n. 11. idem docet contra Samuellem de Lub. V. Spons. n. 18. & Nau. licet Matrimonium ratum sit invalidum, modo non sit invalidum defectu consensus, & præter communem sent. adducit declarationem Card. aramen non vocat hoc in pedimentum affinitatis, sed publicæ honestatis usq; ad quartum gradum, sed quæstio de nomine. Et sic qui contrahit sponsalia cum aliqua & deinde celebrat matrimonium cum eius sorore, non potest priorem accipere & sic nullam potest in vxorem habere. Affinitas verò ex copula illicita tantum extenditur ad secundum gradum, ex Trid. Sess. 24. C. 4. & sic maritus accedens ad consanguineam vxoris in tertio gradu, non privatur jure petendi debitum à sua vxore. Dela-Cruz q. 4. a. 5. n. 2. de Matr. Quia tamen hoc impedimentum affinitatis solo jure Ecclesiastico dirimit matrimonium, in omni gradu affinitatis Papa dispensat, sicut dispensavit cum Casimiro Rege Poloniæ,

Poloniæ, ut cum Ludovica Vxore fratris sui matrimonium iniret. Nec dirimit hoc impedimentum, nisi baptizatorum matrimonium. vnde fideles intra gradus affinitatis apud Christianos prohibitos cōjugari, separari nō debent, si cōvertantur.

Dico 11. Qui dedit causam affinitati privatur jure petendi debitum tenetur tamen ex iustitia reddere, etiam tantum interpretativè & implicite petitus. quia alter conjux ob istius malitiam non debet suo jure privari. Quodsi ignoranter, v. g. vxor accessit ad consanguineum viri sui, non privatur jure petendi debitum, sine culpa enim non debet privari aliquis jure suo. idem dicas, si coacta, cum consanguineo viri rem habuit. Quodsi ambo conjuges dederunt scienter causam affinitati, privantur jure petendi, immo & reddendi. Bonac, loco cit. p. 12 num. 21.

Dico 12. Regulares privilegiati possunt dispensare cum conjugibus &c. V additionem 5. infine. f. 55. Noti, qui ignorat legem huius pœnæ, non petend debitum in prædicto casu, non privatur jure petendi. Portell. in add. ad dubi Reg. V. ignorantia n. 29. & alii.

Dico 13. Consanguinei mariti non sunt affines consanguineis vxoris, & consanguinei vxoris non sunt affines consanguineis mariti, nullo enim jure potest probari talis affinitas. propterea duo fratres possunt ducere duas sorores. hoc tamen verum est, consanguinei mariti sunt affines vxoris, & viceversâ. ob eandem rationem, potest filius ex alia vxore, ducere filiam vxoris Patris ex altero viro.

Dico 14. Titius v. g. qui habuit Bertham in vxorem, eâ mortuâ. potest ducere vxorem fratris Berthæ, mortuo fratre Berthæ. quia Titius factus est affinis consanguineis Berthæ, non vero factus affinis Berthæ. quia affinitas non parit affinitatem. Vxor autem fratris Berthæ non est consanguinea Berthæ, sed affinis consequenter Titius potest illam ducere mortua Berthâ, & eius fratre. Bonac loco cit. n. 2. cum aliis DD.

Dico 15. Consanguinei & affines attentantes scienter matrimonium contrahere excommunicantur, sicut & Religiosi. Moniales, & sacris Ordinibus initiati. Qui tamen ex ignorantia, quâvis vincibili, facit contra hanc legem, non excommunicatur, ut probat Led. C. 15. de mat. excommunicatur verò, si faciat ex ignorantia affectata. Qui etiam fiste contrahit, virtute prædicti decreti, non excommunicatur, quia in re ipsa non contrahit.

Dico 16. Ex sponsalibus causatur impedimentum publicæ honestatis, dirimens matrimonium in primo gradu lineæ rectæ & transversalis, hoc est nec matrem nec sororem sponsæ ducere potest. Trid. Sess. 24. Cap. 3. ratione cuius Sponsus accedens ad matrem aut sororem suæ sponsæ committit incestum etsi impetret et m sed in confessione explicandum, Quodsi sponsalia fuere nulla, ex quacumque causa, non contrahitur hec impedimentum. ut declarat Trid. loco cit. moderando in hoc jus antiquum. Item sponsalia conditionata suspendentia consensum in futurum, ut si dicas, promitto te in vxorem ducere, si factis denuntiationibus non sit impedimentum, non causant tale impedimentum. Secus dicendum



cendum dum impletur conditio, hæc eam impleta incipiunt esse vera sponsalia.

Dico 17. Inter baptizantem, baptizatum, eiusq; parentes, inter baptizatum, patrilos, baptizatiq; parentes, contrahitur cognatio spiritualis. ex Trid. Sess. 24. C. 2. jus antiquum tollente, in quo ista cognatio ad baptizati & patrini filios extendebatur. Per Sacramentum Confirmationis contrahitur similiter cognatio spiritualis. Si non facta designatio Patrinatorum sive oblivione sive negligentia, omnes tangentes realiter contrahunt cognationem. Si post designationem alii tetigerint, non contrahunt cognationem. Si plures fuerint designati, omnes contrahunt, si omnes tetigerint, Mosc. 2. p. Tyrocinii. § 4. n. 46. Hæc spiritualis cognatio non contrahitur inter Patrilos ad invicem ut declaravit. Pius V. in motu incipiente, cum illius vicem. nec transit à viro in uxorem, nec ad carnales patrini filios. quare potest aliquis accipere in uxorem filiam Patrini, aut etiam conjugem Patrini, Patrino defuncto. hoc patet ex Trid loco cit. jus antiquum auferte, cui D. Thomas ante Trid. vivens conformabatur in Supp. q. 56. a. 4. & 5.

Vt Patrini hanc cognationem contrahant, necessarium est realiter puerum tangere quando actualiter baptizatur. ex declarat. Card. insinuat a Dela-Cruz a. 6. n. 2. Vnde qui sunt Patrini per procuratores hanc cognationem non contrahunt, sed soli procuratores secundum comm. Theol. & Canonistarum. Nec tamen omnes tangentes realiter contrahunt cognat. spiritualem. Nam tenentes puerum in baptismo necessitatis non contrahunt cognationem spiritualem. cum Tridentinum loquatur de Patrini in baptismo solemnitate, dum ait, quod Parochus interroget qui sunt Patrini. Non baptizatus etiam, dato quod sit Patrilus (cum ramen esse non possit) non contrahit cognationem spiritualem, nam cum sit expertus vitæ spiritualis, non potest spiritualem cognationem contrahere. non confirmatus vero, Patrilus confirmati, contrahit cognationem spiritualem, Sylv. V. Matr. n. 8. sed an puer doli incapax. si sit Patrilus contrahat hanc cognationem? negat. Navar. L. 4. Cons. cons. 2. & 3.

Dico 18. Cognatio spiritualis, quæ contrahitur tempore matrimonii, non tollit matrimonium. sed cum qui dat causam culpabiliter tali cognationi, privat jure petendi debitum. Quare si Pater baptizat filium in necessitate, quando alius non est qui baptizet, non privatur jure petendi debitum. cum sine culpa non debeat suo jure privari. Ex quo non inferas Patrem baptizantem filium ex fornicatione susceptum, etsi non sit alius qui baptizet, posse postea contrahere matrimonium, cum matre huius. Labat de Matr. dub. 7. § 2. Dela C. a. 6. de Matr. n. 6. Qui etiam extra necessitatem baptizat filium, & ignorat inculpabiliter se per hoc contrahere cum uxore cognationem spiritualem, potest petere, nam non dat causam culpabiliter cognationi.

Dico 19. Adoptio est extraneæ personæ in filium, seu filiam, vel nepotem &c. assumptio. Est duplex, una perfecta, naturalem filiationem imitans, arrogatio dicta, per quam traducitur adoptatus in adoptantis potestatem, & succedit adoptanti ab intestato, nec potest cum adoptans sine culpa, quartæ hæreditatis parte priva-

re privare & hæc adoptio fit tantum principis autoritate. Alia quæ naturalem filiationem imperfectè imitatur, sit plex adoptio dicta, quæ adoptatus in adoptantis potestatem non transit. unde potius est quædam dispositio ad perfectam adoptionem. nec fit principis, sed v. g. Magistratus autoritate, neq; adoptatus in bonis adoptantis succedit, nisi adoptans testamento ea relinquat. sic adoptari potest, qui non est sui juris. Nota, qui non est sui juris, vel est 25. annorum minor, aut mulier, nequit aliquem adoptare nisi ex speciali principis concessione, cum enim adoptio ad hæreditatis successionem ordinetur, solum competit habentibus potestatem de hæreditate disponendi.

Dico 20. Ex adoptione perfecta contrahitur vinculum matrimonium dirimens, quod est cognatio legalis. Inter hos autem contrahitur cognatio legalis. 1. Inter adoptantem & adoptatum, filiosq; adoptati usq; ad quartum gradum. 2. Inter adoptantem & uxorem adoptati & inter adoptatum & uxorem adoptantis. 3. Inter adoptatum, filiosque adoptantis legitimos. sed hæc tertia non perpetuo matrimonium dirimit, & solum durat, dum alter eorum non emancipatur. S. Th. in Supp. q. 57. a. 3.

Dico 21. Primus casus in quo contrahitur impedimentum criminis est, adulteri sibi invicem promiserunt de matrimonio contrahendo, post mortem alterius conjugis & sufficit, sive hæc promissio præcedat, sive subsequatur adulterium, ut probat Fernandez de imped. Mat. sect. 5. Requiritur tamen quod uterque istorum sciat interesse matrimonium. Item requiritur ut promissio sit seria & acceptata. Secundus casus. si vir & femina convenerunt ad occidendum conjugem, ut inter se contrahant, & defacto occidunt, oritur inter eos impedimentum dirimens, etiam nullo præmisso adulterio. Requiritur ut ambo communis conspiratione ad mortem concurrant. & satis est concurrere per se vel per alium, immediatè vel mediatè, præcipiendo, juvando, consulendo, non tamen sufficit rati habitio? Item satis est quovis mortis genere occidere, seu ferro, seu veneno, seu suffocatione, requiritur insuper, ut concurrant ad mortem animo sibi nubendo. Tandem requiritur quod mors sequatur ex vi machinationum adhibitarum, & non à casu, aut alter. hæc omnia probat. Fern. loco cit. Tertius casus. si vnus conjugum occidat alterum conjugem animo contrahendi matrimonium, etiam eo nesciente cum quo intendit contrahere, dummodo interveniat adulterium cognitum ab ipsis adulteris. Ad incurrendum hoc impedimentum requiritur, ut adulterans, sive per se, sive per alium, occidat eo animo, ut cum adultero contrahat, requiritur etiam quod uterq; istorum sciat interesse matrimonium. Vide Fern. loco cit. Quartus casus. si adulteri contraxerunt vivente innocente, dummodo uterq; adulter sciat, alterum conjugem supersitem. & si sufficit adulterium subsecutum. Armilla V. Matr. n. 33. Bon. de Mat. q. 3. p. 6. n. 8. & hoc impedimentum currit, licet primum matrimonium fuerit tantum ratum, & quoad habitationem separatum. Cand. aureum. n. 213. Duo hic sunt notanda. primum dicta, explicando præfatos casus, sunt vera, si primum matrimonium verum, & non solum existimatum. 2. Hæc impedimentum

impedimenta criminis (& idem de aliis impedimentis) incurri, non solum ab eo, qui habet notitiam eorum, sed etiam ab eo, qui ignorat hæc esse impedimenta. patet ex praxi. nam & pro his solet exigi dispensatio.

Dico 22. Matrimonium inter baptizatum & non baptizatum est invalidum, etsi post matrimonium alter eorum baptizatur. Immo si Christianus cum Catechumena credente contrahit, invalidum est matrimonium. Non autem est invalidum matrimonium personæ Catholicæ cum hæretica, sed moraliter illicitum ut innuit. Masc. 2. p. Tyr. § 4. n. 36 Sed Nau. Azor. & Sanchez relati in addit. Sa. n. 8. Non damnant mortalis matrimonium Catholici cum hæretica, ubi hæretici cum Catholicis permixti vivunt. Si prædicta disparitas cultus, quod videlicet unus sit baptizatus & alter non baptizatus. contingat post matrimonium, non dissolvitur matrimonium. Matrimonium enim paganorum, non dissolvitur per hoc solum, quod alter conjugum ad fidem convertatur, ex C. gaudemus, de divorcio. Quod intelligitur, si matrimonium fuit contractum sine impedimento juris naturalis, licet fuerit contractum cum impedimento juris canonici tantum. Vnde potest conjux conversus ad fidem, cum non converso habitare sine injuria creatoris. Dixi sine injuria creatoris. nam si conjux persistens in infidelitate nolit cum eo converso ad fidem habitare, nisi cum injuria creatoris, hoc est Deum blasphemando, eius laudes audire renuendo, conjugem ad fidem conversum scandalizando, ac seducendo, matrimonium etiam consummatum dissolvitur. S. Th. in Supp. q. 59. n. 5. tuncq; conversus ad fidem potest aliam uxorem ducere. Idem est, si conjux infidelis discedit, nolens cum conjuge ad fidem converso habitare. quod patet ex 1. ad Corinth. 7. *Quod si infidelis discedit, discedat, non enim servitus subjectus est frater.* idest liber manet à matrimonii iugo, ut communiter explicant.

Et quidem secundum aliquos matrimonium statim ac infidelis discedit, aut cum alio habitare non vult, nisi cum injuria creatoris dissolvitur. Sed secundum S. Th. loco cit. ad 2. non dissolvitur quousq; fiat aliud matrimonium, cuius signum est, si infidelis convertatur, qui fuit ad fidem conversus, nondum conjugatus, ad eum redire tenetur, idq; facere potest absq; novo consensu, & tunc contractus civilis matrimonii, elevatur ut sit Sacramentum. Quod si conjux ad fidem non conversus nimium distet ut requiri non possit, quid agendum? Sanchez putat nihil ultra requiri. nam moraliter certum est, quod nolit converti & domum relinquere. Pontius requirit dispensationem Summi Pontificis. In Summa Dia. V. imp. matr. n. 10. utraq; opinio judicatur probabilis. Hic casus in partibus nostris facile evenit, dum v. g. Turcæ vel Tartari baptizantur. Cæterum si conjux præsens ad fidem non conversus, velit pacifice sine injuria creatoris cohabitare alteri ad fidem converso, hic non potest aliud matrimonium inire. S. Th. loco cit. licet possit liberè discedere à non converso ad fidem. Verba enim Apostoli 1. ad Corinth. 7. *Ego dico non Dominus si quis uxorem habet infidelem, & hæc consenti habitare cum illo, non dimittat illum.* Consilium tantum continet supponitur



tur ergo posse conjugem conversum ad fidem, cum non converso habitare sine injuria creatoris, & periculo subversionis, alijs non. Idem habet Samuel de Lub. V. matr. Bonac. tamen de Mat. q. 3. punc. 7. n. 6. putat in casu supra posito aliud matrimonium celebrari posse, & allegat aliquorum locorum consuetudinem, in quibus certum tempus assignatur, intra quod si alter non convertatur, fit separatio, in eandem sent. inclinat Mosc. loco cit. n. 25. nec tamen S. Th. contrariatur, sed praxi aliquorum locorum probabile fundamentum habenti faver.

Dico 23. Si conversus ad fidem recipiat sacros Ordines & vxor memor suæ salutis tandem convertatur, prohibetur cum alio matrimonium celebrare. si tamen solemniter profiteatur, vxor tandem ad fidem conversa, cum alio matrimonium contrahere potest, licet primum matrimonium in infidelitate fuisset consummatum, utramq; partem probat. Bonac. de Matr. loco cit. n. 9.

Dico 24. Tunc vis dirimit matrimonium, quando vnus conjugum per violentiam aut metum iniustum, in virum constantem cadentem, à causa libera illatum matrimonium contraxit etiamsi interius habuerit consensum comm. L. D. etiamsi iuraverit. Bon. q. 3. de Mat. punc. 8. n. 16. etiamsi consummaverit Candel. aureum n. 215. citans S. Th. est autem metus in virum constantem cadens, qui virum animo fortem frangit, qualis metus est diuturni & sordidi carceris, necis &c. in femina tamen ad metum in virum constantem cadentem, minus requiritur. Validatur tamen Matrimonium, si ille qui antea fuit coactus. postea consentiat copulæ affectu maritali. Qui ergo contraxit per metum iniuste incussum, & in virum constantem cadentem, non potest accedere ad mulierem, cum qua se contraxit, licet ei mors immineat. cum non sit sua, attamen ad evadendam mortem, potest accedere affectu maritali, & tunc validabitur matrimonium. nec erit necessaria nova Parochi & testium præsentia, ut ex dicendis patebit, nam non est intentio Ecclesiæ annullantis, matrimonia coacta, impedire istum si velit contrahere, cum lex in favorem eius lata. Dixi *per metum in virum constantem cadentem*. nam matrimonium ex metu levi, quamvis iniuste incusso contractum, secundum communem sententiam valet, nisi desit consensus. quia qui ex metu levi operatur, censetur liberè operari. cum posset metum deponere.

Et sic si puella metu reverentiali mota, consentit in matrimonium, valet. Vbi Confessarii notent pro puellis, sæpè enim parentibus, ante metu reverentiali dicunt, faciat ut vultis, in quibus verbis licet non consentiant expresse ob verecundiam, consentiunt tacite. Samuel de Lub. V. filius num. 7. secus est, quando puella propter timorem parentum, quem præcesserunt comminationes, verbera maledictiones & huiusmodi generis mala, consentit in matrimonium, tunc enim est nullum. Dixi etiam superius, *per metum iniuste incussum*, nam metus in virum constantem cadens, iuste tamen incussus, non invalidat matrimonium, ut communiter DD. Vnde si juvenis in stupro promittat matrimonium ne iudici, & magistratui prodatur, valet matrimonium. quia iuste prodi poterat. nisi hoc sine incuteretur metus accusationis, ut matrimonium contraheretur, tunc enim ma-

rimonium

Matrimonium non valeret Bonac loco cit. n. 10. Similiter, si matrimonium promittatur ne occidatur. quia metus occisionis pro stupro iniuste incurritur. Si etiam iudex ei quem ad mortem, vel ad aliam poenam gravem damnare debuerat, offerat in matrimonium filiam occisi, matrimonium non est invalidum quia metus iuste incurritur ad compensandum damnum. Non vero validum matrimonium, si iudex promittat liberationem, ut filiam suam in uxorem accipiat, quia hoc non tendit ad compensationem delicti. Nota, secundum Bonac. loco cit. n. 11. non iuste cogitur stuprator, iudici proditus ut eam ducat, quam consentientem defloravit, nisi alius titulus adsit, qualis titulus esset si ibi esset lex recepta, præcipiens contrahere matrimonium cum stuprata, vel si præcesserint sponsalia, vel promissio Matrimonii ut dicit Sanchez apud Bon. vel si involuntarie violata, ut dicit Bonac. loco cit. addo, si quæ consentit, si imprægnata.

Dico 25. Parentes non possunt cogere filios ad contrahendum matrimonium, neque ad tale matrimonium, cum filii habeant plenam libertatem ad eligendum statum, unde hac occasione non possunt exhereditari. Possunt tamen Parentes in edictis suasionibus, in oratione & increpatione paternâ absque vi & metu, quando adest iusta causa v. g. quia indignum est matrimonium, impedire tale matrimonium vel inducere ad aliud. Licet autem filii non possint cogi, tenentur tamen sub mortali, consilium parentum petere, & deinde sic consultis parentibus, intrare matrimonium, quod placet. Nisi multum intersit, ut filius tale matrimonium contrahat. v. g. ad componendas graves inimicitias &c. tunc enim sub mortali tenetur obedire parentibus, si nubere voluerit & non habet iustam causam resiliendi. Mosc. quoad omnes partes loco cit. n. 30. Pro meliori horum notitia, scias ex Trid. Sess. 24 cap. 9. Excommunicari DD, temporales. Magistratus, & alios jurisdictionem in foro exteriori habentes, si cogant sibi subditos ad contrahendum matrimonium. Aliqui hanc excommunicationem extendunt ad parentes cogentes, sed Bonac. loco cit. n. 34. cum communi DD. negat. immo negat extendi ad impediennes attentio textu Tridentini. Moscicensis 2. p. Tyroc. S. 4. n. 31. extendit ad impediennes quod & alii docent.

Dico 26. Ordo sacer matrimonium antecedens, illud dirimit. insuper taliter matrimonium contrahens excommunicatur, & fit irregularis, ut refert Dela C. de Matrimonio a. 3. n. 4. Ordo vero sacer matrimonio superveniens non dirimit illud. quamvis tantum sit ratum, sicut dirimit professio solemniter, Bonac. de Matr. q. 3. punc. 4. n. 60. cum aliis DD. Idem cenleo de voto à Patribus Societatis peracto biennio emisso, quod de susceptione Ordinis sacri, per se loquendo.

Dico 27. Si reclamante uxore vir ordinatur, quamvis id faciat matrimonio non consummato, mater irregularis etiam mortua uxore. Ita in extrau. antiquæ de voto. Ordinis tamen suscepcio valida. Tenetur in sententia probabiliori auctoritate Ledesma apud Dela C. loco cit. intrare religionem ante consummationem Matrimonii. Si non ingreditur tenetur post duos menses reddere debitum petitus. Ita S. Th. q. 53 a. 4. ad 2. Ipse vero non potest petere, & petenti ait D. T. non te-

netur vxor reddere, nam recipiendo Ordines cessat juri petendi. Si vxor consentit ut vir ordinetur privatur jure petendi & tenetur vovete castitatem, immo si sit juvenula cuius castitas periclitatur tenetur religionem intrare Colligitur ex S. Th. loco cit. a. 4. ad 2.

Dico 28. Matrimonium clandestinum, hoc est in absentia Parochi & duorum testium contractum est illicitum & novo jure Tridentini nullum. Nec habet vim sponsaliorum. Mosc. loco cit. n. 32. Contrahentes tamen matrimonium sine Parocho & testibus quamvis consumment illud, possunt, si non obstat aliud impedimentum, sine dispensatione de novo in facie Ecclesie contrahere, illis tamen, & testibus sine presentia Parochi, puniuntur. Nec obstant illa verba Tridentini *sint inhabiles ad sic contrahendum*. Nam non debet intelligi quod sint absolute inhabiles ad contrahendum, sed quod sint inhabiles ad contrahendum, clandestine. Necessario ergo debet assistere Matrimonio Parochus contrahentium. Patet ex Trid. Sess. 24. cap. 1. ubi dicitur. *Qui alter quam presente Parocho, vel alio Sacerdote, de Parochi vel Ordinarii licentia &c. contrahere attentabunt sancta Synodus ad sic contrahendum inhabiles reddit & huiusmodi contractus nullos esse decernit.* Et satis est ut assistat Parochus, alicuius contrahentium etsi matrimonium celebretur in aliena parochia, ex declaratione Cardinalium insinuat a Dela Cruz q. 3. de Matr. n. 7. Qui etiam ad aliquem locum divertit propter negotium intentionem habens manendi ibi majore parte anni, potest ibi contrahere Bonac. de Matr. q. 2. p. 8. n. 3. cum aliis Doctoribus. Nam si potest ibi sepeliri & adstringi legibus, cur non poterit ibi matrimonium contrahere. Quod si Parochus sit ipso jure privatus beneficio, modo in judicio non fuerit illo legitime privatus, valide assistit Matrimonio. Quia adhuc est Parochus cum titulo colorato, & errore communi vulgi, quæ autem sunt ab aliquo cum titulo colorato, & errore communi, nec adest impedimentum juris naturalis vel Divini, sunt valida; etiam respectu illius qui scit verum titulum deesse. Et ob id valide assistit matrimonio cui non ex animo, sed fide, proprius Parochus dedit licentiam assistendi. Item cui datur licentia eo quod putetur esse Sacerdos licet non sit, quia adest error communis & titulus coloratus, nec adest impedimentum juris naturalis vel Divini. Hæc probat Bonac. loco cit.

Licet etiam Parochus adesse cogatur, valet matrimonium. Nam Sacerdos non est minister matrimonii, sed ipsimet contrahentes. quare non est necessarium ut assistat voluntarius. Idem sit judicium de testibus. Immo etsi Parochus affectet non audire, obstruendo aures, claudendo oculos, valet matrimonium. Item valet matrimonium celebratum coram Parocho aut eius vicario, etsi Episcopus prohibuisset aliquos matrimonio copulare. Pro his insinuat declarationes Cardinalium Dela-Cruz quæst. 3. de Matr. n. 9. Nec tamen Parochus est unicus assistens Sacramenti Matrimonii, sed de licentia Parochi vel Ordinarii vel Vicarii Generalis potest alius Sacerdos assistere & non requiritur licentia in scriptis vel specialis ad istum actum sed sufficit verbalis generalis, ad omnia requisita pro officio Parochi,



nec tamen sufficit præsumpta. Sed debet esse expressa, ut insinuat ex declaratione Cardinalium Dela Cruz loco cit. n. 7. quam dare potest Vicarius Parochi licet amovibilis habens facultatem administrandi Sacramenta & assistendi Matrimonio. Bonac. quæst. 2. de Matr. punc. 8. n. 12. Parochus non Sacerdos potest dare licentiam, aliis assistendi matrimonio: licet sit excommunicatus, suspensus irregularis, & non toleratus, immo Sacramentorum administratione interdictus. Manet enim in possessione dum Parochia non privatur. Ita Samuel de Lub. V. Mat. n. 15. cum aliis DD. non obstantibus his quæ diximus. qui ex partibus, ubi Tridentinum est receptum, vadit etiam per modum transeuntis ad partes ubi Tridentinum non est receptum, validè ibi contrahit; licet quandoq; peccet. Bonac. quæst. 2. p. 7. n. 2. possumus enim uti privilegiis regionis in qua sumus. nisi hoc sine aliquis vadat. Nam sic non contrahit, licet oppositum doceat Bonac. Pro nobis enim est declaratio Sacre Congregationis anno 1628, insinuata in Summa Dianæ. V. Imp. matr. n. 28.

Dico 29. Hi duo testes à Coneilio requisiti debent esse rationis compotes, quicumq; illi sint, ut consanguinei, Religiosi scæminæ, infames secundum Covarr. & sufficiunt etsi ad id non sint vocati. Immo etsi sint coacti, ut declaravit sacra Congregatio, Dela Cruz loco cit. n. 6 Non sufficit tamen præsentia testium sicut & Parochi, physica tantum, qualem habet dormiens, & surdus, sed requiritur moralis. ita ut assistant cum actuali advertentia, & de tali contractu fidem dare possint.

Dico 30. Inter raptorem & raptam; quàm diu rapta est in potestate raptoris, non potest esse matrimonium. Et raptor, auxilantes, consulentes, faventes excommunicantur, manent perpetuò infames. Quod si sint Clerici de proprio gradu decident. Et tenetur raptor, raptam decenter arbitrio iudicis dotare, sive eam in uxorem ducat cessante raptu, & libertati restituendo, sive non. Trid. Sess. 24. c. 6. Nota. Raptum tunc propriè committi quando mulier vi rapitur ad matrimonium non verò si rapiatur ob aliam causam, etiam causâ libidinis. Sanchez. Et declaravit Sacra Congregatio, quam insinuat Summa Dian. V. impedimenta. Matr. n. 22. Si puella non vi rapitur nō est verè raptus, sed potius fuga, licet hoc fiat invitis illis sub quorum cura manet, consequenter validè contrahitur matrimonium. Diana parte 3. r. 4. resolutione 761 & alii DD. Quia Tridentinum solum respexit ad libertatem puellarum ne scilicet virgines nubere cogerentur. Hic autem nulla sit coactio. Item, si quis rapiat sponsam suam inviram, non committit verum raptum nec invalidatur matrimonium. si sponsa solum contradicat rapto propter certos respectus, non vero contradicat matrimonio. Ita aliqui apud Bonac. de Matr. q. 4. punc. 18. n. 11. à fortiori idem dicendum, si sponsa non invita rapiatur. Nec in tali casu licet Parentes sint invitati committitur verus raptus in jure Canonico ut habet. Bonac. ibidem, consequenter valide contrahitur, secus in jure Civili.

## DISTINCTIO XCI.

## De modo occurrendi impedimentis.

**Dico 1.** Ad validandum matrimonium, quod est invalidum defectu consensûs interni, sufficit, si consensus de novo præstetur ab eo, qui consenserat fictè, modò ille qui verè consenserat non revocaverit suum consensum. nam ex parte vnius adiunt omnia ad contrahendum matrimonium. Ergo accedente consensu ex parte alterius nil deest. Ergo sic validatur matrimonium. Nec est necessarium in hoc casu dicere aliquid illi, qui verè consenserat, nec est necessarium aliquo signo externo exprimere consensum internum. Quia signum externum jam fuit exhibitum in contractu solemni, secus dicendum est quando, defuit consensus utriusq; sic enim necessarius est consensus signo externo expressus Bonac. de Matr. q. 2. punc. 9. n. 1. & seq. cum aliis quoad omnes partes. sed quantum temporis debeat effluere inter consensum præcedentem vnius conjugis & consensum novum alterius conjugis, ut censetur validari matrimonium? Respondet Navarrus & Gutierrez posse in tali casu validari matrimonium, licet intercedat quodcunq; temporis spatium. Nam quantum præstat ad naturam matrimonii materia & forma censetur esse simul moraliter, quamvis consensus alterius præstetur post multum temporis, modò alter non revocaverit suum consensum. Nota, securius esset in prædicto casu validari Matrimonium per consensum utriusque, cum Clemens VIII. responderit Reçtori Romanæ Penitentiariæ Soc. Iesv. requiri consensum utriusque si vnus fictè consensit. De quo in Summa Dianæ V. Matrim; n. 10.

**Dico 2.** Ad validandum matrimonium, quod fuit nullum, propter impedimentum dirimens, necessarius est post acceptam dispensationem, vel impedimenti cessationem novus utriusq; consensus signo externo expressus, nec sufficit consensus illius qui novit impedimentum. Ita communiter apud Bonac. nam sicut à principio requirebatur consensus utriusq; exterius manifestus, ita modo requiritur, cum prius matrimonium periunde se habeat ac si nullo modo fuisset celebratum. Et sic quando matrimonium fuit invalidum propter impedimentum dirimens, tunc impedimentum obtenta dispensatione, vel cessante impedimento, manifestandum est conjugi illud ignoranti, quando manifestari potest absque gravi periculo: secus, si commodè & absq; gravi periculo nequeat manifestari. Et hoc pacto intelliguntur clausulæ dispensationum, in quibus præscribitur conjugem admonendum de invaliditate matrimonii. Non enim credibile est obligare Summum Pontificem cum tanto incommodo. Nec tamen negandum est Matrimonium posse validari etiam si impedimentum non manifestum, modo alter inscius impedimenti ita consentiat, ut dicat consentio quantum possum vel quantum debeo. Quia positis his adest sufficiens consensus. Secus dicendum est, si conjux inscius invaliditatis prioris matrimonii intendat solum ratificare præteritum Matrimonium quod credit esse verum, ut docet Bonac. loco citato n. 7. No-

et licet metus gravis sit impedimentum dirimens, tamen quando matrimonium est invalidum propter metum gravem, solet doceri, quod sufficiat illud revalidare per consensum unius vel internum vel ut securius externum v. g. accedendo vel acceptando copulam affectu maritali, benespectatâ saltē auctoritate DD.

Dico 3. Quando impedimentum nequit absque gravi periculo manifestari conjugum ignorant illud, tunc sic est procedendum, scilicet. Quando vir est lætus, mulier v. g. dicat ita te diligo quod si non essemus conjugati, vellem de novo tecum contrahere, & dico me tecum matrimonium contrahere, & petat, à viro, ut in gratiam sui eadem verba repetat, vel saltem aliquo signo ostendat. Dela-Cruz de matr. q. 3. n. 5. Caveat tamen ne ante validatum matrimonium petat aut reddat debitum. Docent etiam aliqui, quando, impedimentum uni conjugum notum, non potest absque periculo manifestari, nec consensus extorqueri, quod fit, si vir non sit hilaris, nec velit respondere, & ex alia parte petat debitum, & vxor nequeat negare absque scandalo & ruina mariti, docent inquam, sublato impedimento sufficere, ut ipsa copulam habeat affectu maritali. sed hæc sententia probabilis est, ob auctoritatem DD. & non ob rationem ait Bonac. placet hic apponere doctrinam Gabr. à S. Vinc. in summa Morali V. Matr. ubi hæc. nulla requiritur consensus simultas. quia vno posito semper censetur manere, quum diu non retractatur, & sic semper potest poni alter, exemplo aliorum contractuum. unde si matrimonium fuit nullum sive ratione consensus sive ratione impedimenti, non requiritur quod conjux qui novit nullitatem moneat alium, sed ablato per dispensationem impedimento consensu nullitatis ponat consensus cum alterius consensus manere censetur. oppositum tamen probabilius ita ille. sed fultius disp. 3. de Matr. n. 17 & 19.

Dico 4. Ut valide contrahatur Matrimonium antea invalidè celebratum propter aliquod impedimentum dirimens, non requiritur ut de novo contrahatur coram Parocho & testibus etiam si prius matrimonium fuerit mala fide celebratum. desumitur ex praxi, ut ait Navar. in manuali cap. 22. n. 70. quod intellige modò impedimentum sit occultum & sublatum, nec sit periculum ut probeatur in iudicio, & matrimonium dissolvatur in foro externo. Item, modò impedimentum sit ignotum Parocho extra confessionem, & testibus, quando contrahebatur matrimonium. aliàs non possunt testari de validitate matrimonii. A fortiori nõ requiruntur benedictiones, quando sublato impedimento revalidatur matrimonium, non loquor autem in resolutione data de impedimento matrimonii clandestini, hoc enim revalidatur per præsentiam Parochi & testium.

Dico 5. Post notitiam impedimenti dirimentis contracto jam matrimonio, nec peti nec reddi debet debitum sub mortali. cum non sint veri conjuges. Quo in casu consulat confessor impedimenti Confessarium vel alium virum doctum quomodo se gerere debeat. Confessarius verò si prudenter putat se nihil profecturum propter maximam rei difficultatem non moneat sed in bona fide relinquat, Molc. p. 5. Element. ad sac. conf. de prudentia Confessarii n. 14. Cavet autem



autem discurrat ne de invaliditate scrupulum ingerat. Est autem in presenti bona fides quando impedimentum nescitur, licet peccatum adulterii, vel alterius criminis præcesserit quod si Confessarius sperat se profecturum, debet monere vel etiam quantum potest dispensationem procurare, si autem pœnitens mala fide, hoc est sciendo impedimentum dirimens, matrimonium contraxit, omnino Confessarius moneatur. Immo, si parva spes emendationis, non absolvat, ne malo statui pœnitentis cooperetur.

Nota, ut possit Confessarius cognoscere pœnitentem laborare ignorantia invincibili, & bona fide procedere, curet bono & prudenti modo intelligere, an pœnitens putet se in bono statu constitutum esse. Nam si putaret non in bono statu se constitutum esse, jam non laboraret ignorantia invincibili, nec bona fide procederet, & consequenter esset corrigendus. Cautè tamen Confessarius ut supra dixi discurrat, ne dubium aliquod ingerat pœnitenti, dum non adeit spe emendationis. quando pœnitens saltem mediocriter suo objecto afficitur, ex altera verò parte non ponderat impedimentum, quod maximè locum habet in rudibus. Item est difficilis aditus ad Papam vel Legatum, vel saltem ad Ordinarium loci. Hæc modo benè, & non primo, occurrente in confessione casu considera.

Dico 6. Papa dispensare potest in omnibus impedimentis dirimentibus jure Ecclesiastico introductis. Immo & Episcopus potest in foro occulto contenti, si hæc simul concurrant. primò, si impedimentum sit occultum. secundò, si matrimonium sit publicum. tertio, si separatio sit maximè scandalosa. quarto, si ad Papam vel ad alium, habentem potestatem, propter legitima impedimenta non adsit accessus. ita Candelabr. aureum cum aliis de Matr. circa fidem. Quod intellige modò matrimonium sit contractum bonâ fide, nam si contrahatur mala fide sciendo impedimentum dirimens, præsumitur summum Pontificem in tali casu sibi reservare facultatem juxta Conc. Trid. Sess. 22. cap 5 quod vult sic contrahentes separari sine spe dispensationis obtinendæ.

Potest etiam Episcopus per se vel delegatum in urgentissima necessitate dispensare in impedimento dirimente & antecedente matrimonium v. g. si jam parata sunt omnia ad nuptias nec adest alia via evadendi infamiam, vel suspensionem gravis delicti in confessione manifestari, ut docent aliqui apud Bonac. Alij tamen securius dicunt posse Confessarium hoc remedio uti, ut sponsus voveat castitatem. v. g. ad mentem vel duos, deinde dicat se castitatem vovisse. mandatumque à Confessario à matrimonio abstinere, donec dispensatio veniat. Caveat tamen ne dicat se ad mentem tantum v. g. vovisse, ne audientes asserant sufficere dispensationem Episcopi, sicq; remedium deludatur. Cæterum si nulum periculum infamiae vel suspensionis delicti, apertius procedatur & dicatur ut modo sit solemnitas convivii, deinde adveniente dispensatione matrimonium celebretur.

## DISTINCTIO XCII.

De Divortio.

Nota,

**Nota:** Divortium est legitima vxoris & mariti separatio apud competentem iudicem cum causæ cognitione & sufficienti probatione facta. Est duplex. Quoad thorum & quoad vinculum. quoad thorum contingit divortium quando habitatio vel conversatio mutua Conjugum ad tempus vel nulla temporis habitatio ratione interdicatur. Quoad vinculum, quando matrimonium secundum substantiam suam in perpetuum rescinditur.

Dico 1. Tot modis solvitur matrimonium quoad vinculum, quot sunt impedimenta dirimentia & antecedentia matrimonium. Nam impedimenta sequentia contractum matrimonium non solvunt, cum sit insolubile; sunt tamen nonnulla quæ solvunt matrimonium jam contractum. Sic professi sollemnis emissio in religione approbata & non solus ingressus ad talem religionem solvit vinculum matrimonii contracti rati & nondum consummati. Conversio etiam ad fidem altero remanente in infidelitate secundum superius dicta solvit vinculum matrimonii licet fuerit consummatum. Idem à fortiori de morte, unde licet mortuus à mortuis resurgat, alter non manet obligatus nisi de novo contrahat. Quod & procedit de religioso mortuo, qui si resuscitetur, non tenetur ad observantiam Religionis.

Dico 2. Quando vnus conjugum fornicatur, non est faciendum divortium quoad vinculum. Matrimonium enim non dissolvitur per fornicationem vnus conjugum, ut determinatur in Trid. Sess. 24. c. 7. Nec obstat illud Matt. 19. *Qui dimiserit uxorem & aliam duxerit, excepta fornicationis causa, mæchatur.* nam illa exceptio, solum refertur ad dimissionem vxoris, ut docet S. Tho. in supplemento quest. 62. a. 5. ad 4. solum ergo potest vir dimittere uxorem, & vxor viam, ob fornicationem. *Nam frangenti fidem fides frangitur eidem.* Et sic, ut docet S. Th. art. 3. loco citato. si conjux sicut etiam in secreto, alterum adulteratum esse, potest, nisi excommunicatione cogatur, ei debitum negare, quamvis non possit sine iudicio Ecclesiæ ab eo separari quoad cohabitationem. C. Porro, de divortio. sed petere separationem, nisi aliàs adulterium, aut alia causa sufficiens pro divortio sit notissima. Dela Cruz de Matr. q. 5. n. 4. Nec solum tunc, quando de fornicatione certò in secreto constat, licet petere divortium, sed etiam quando suspicatio adest violenta, ut si inveniatur solus cum sola horis & locis suspectis. Ita S. Th. loco citato a 3. ad 4.

Dico 3. Vir tenetur dimittere uxorem fornicariam, aliàs non poenitentem, ne peccato eius consentire videatur, & favere incertitudini prolis. Et dimissio eius saepe proderit ut corrigatur, ad quod tenetur vir, cum sit caput. si ex dimissione subtrahantur necessaria viro pauperi & infirmo, aut subeat periculum incontinentiæ, & aliàs non sequitur incertitudo prolis aut scandalum, nec est spes emendæ, licet viro sequatur infamia, non dimittatur.

Dico 4. In his casibus non licet viro adulteram dimittere. Primò, si ipse ante divortium, etiam inscia vxore, fornicatus, quamvis post vxoris fornicationem, ut docet S. Thomas loco cit. a 6. ad 5. Secundò, si vir uxorem prostituit,

vel leuiter quod adulteretur, & non prohibuit. Tertiò vxor probabiliter credens suum virum obfisse alteri nupsit. Nisi scienter steterit cum secundo post aduentum primi. Quartò, si latenter est ab alio cognita sub specie viri. Quintò, si fuit per vim oppressa. Si tamen vel pcepto parentum, instantia consanguineorum vel simili causa fornicetur, non excusatur ut liberetur à diuortio. Samuel de Lub. V. diuort. n. 16. Sextò, si illam vir reconciliavit. Censetur autem reconciliare quod carnaliter sponte & non ab Ecclesia coactus cognoscat, & sciens adulterium. Septimò, si tempore infidelitatis vir dedit vxori libellum repudii, & mulier alteri nupsit tunc si vterq; convertatur ad fidem tenetur vir vxorem recipere. Ex cap. Gaudemus de diuortio, vide D. Thomas loco cit. a. 1. Addit Samuel de Lub. loco cit. n. 16. Casum octauum ex Sy. vestro, si vir contravoluntatem vxoris abstinendo pstat adulterandi occasionem. Non si ptextu alterius incommodi v. g. paupertatis, sed Sà. V. diuort. in 10. absolutè docet, quod vii non possit dimittere vxorem cui dedit adulterandi occasionem.

Dico 5. Sodomia actiua vel passiva & bestialitas, est causa sufficiens diuortii perpetui Bonac. q. 4. de Matr. punc. 5, n. 4. Nam per sodomiam & bestialitatem dividitur caro conjugis cum bestia vel alio. Nec obstat, quod in Tyrocinii artis pœnitentiariæ p. 2. § 4. n. 17. dictum fuerit ob solam fornicationem causalem esse perpetuum diuortium. hoc enim intelligendum est ordinariè. Quando peccatum quasi sodomie committitur cum propria vxore, non est causa sufficiens diuortii perpetui, quia non dividitur caro. Bonac. cum alijs loco cit. Tamen quando vxor sollicitatur à viro ad tale peccatum discedere potest propter periculum animæ, donec vir resipiscat. Pollutio etiam extraordinaria cum alia vel cum propria vxore non est causa sufficiens diuortii perpetui, quia caro propriè non dividitur. Idem loco cit. n. 5, potest tamen esse causa diuortii ad tempus, eò quod sit inductio ad peccatum, iuxta dicta intelligendus est S. Thomas loco cit. a. 1. ad 4.

Dico 6. Diuortii temporalis plures causæ assignantur. Prima causa est hæresis, vnde si vnus conjugum persistat in hæresi diuortium celebrari potest quam diu persistit. Immo tenetur conjux catholicus diuertere ab hæretico nolente resipiscere, quod potest facere etiam propria authoritate. siquidem iure naturæ obligatur cavere proprium animæ periculum, quod hic imminet ex tam vicino hoste. Nam ex nimia familiaritate cum quibus frequentes sumus, pessimi mores contrahuntur, Mosc. loco cit. in hoc & simili casu non tam est diuortium quam simplex relictio conjugis. secunda causa est sævitia mariti. Et intelligendum est de sævitia propter quam timetur grave aliquod malum, non verbera levia. siquidem est licitum viro vxorem verberare, non passim ex leviq; causa nec acriter, quamvis gravis causa per vxorem sit data, sed raro vrgenti ex causa atq; moderate. quia acris verberatio iudici est relinquenda, Mosc. loco cit. n. 39.

Quod si vxor iniuste & graviter verberata, non tamen facto per iudicem diuortio discesserit repenti viro cuius sævitiā veretur, non restituitur, nisi pceptum.



fitā cautione, quod restituat nullam inferat violentiam. Quæ cautio secundum Bon. de Mat q. 4. p. 5. n. 25. debet esse pignoratitia vel fidejussoria. Si spectatis nonnullis circumstantiis non sufficiat juratoria. Si verò tanta sit viri sævitia, ut vxori timenti de securitate nequeat vlllo modo provideri, tunc vsq; ad causæ decisionem alicui probæ & honestæ mulieri committatur custodienda. Tertia si vnus conjugum machinatur alteri mortem. Et sufficit huius machinationis vehementissima suspicio. Samuel de Lub. V. divort. n. 9. Quarta, quando delictum vnus, est causa gravis damni alterius, ut quando vxor est venefica, graviter nocens familiæ maleficiis. Immo, licet tantum sit venefica commercium habens cum dæmone, d. qua est divortio. Quinta, quando furia vnus conjugis ira est vehemens ut alter conjux cohabitando tubeat periculum vitæ. sed istæ tres causæ immediatè positæ reducuntur ad sævitiam. Sexta, quando vnus conjugum inducit alium ad quodvis peccatum. v. g. si in domum suam ducat parum pudicos, sitq; ita incautus ut aliquo ex illis relicto exeat, ipsa verò sollicitetur ab illo verbis, nutibus, aut tactibus. Maritus verò rogatus ab vxore ne eos admittat, negligat. Non tamen potest discedere à viro ministrante ei alimenta ex vsura, furtoq; acquisitis rebus. Quia quando vxor aliundè alimenta non habet excusatur istis parè vtens iuxta decentiam sui statûs, quamvis maritus efficiatur impotens ad restituendum iniuste parra. Mosc. loco cit. n. 38. sed si vir nollet desistere ab vsuris & furtis, posset à tal. discedere. ita aliqui à Sa sacre relati. V. Divort. n. 5. licet ipse in oppositum inclinet. Hæc causas reducit Mosc. ad triplex crimen.

Dico 7. Vxor non potest recedere à marito propter morbum gallicum, nec ob lepram quæ etiam est contagiosa. præterea nec ob amentiam, nisi imminet sibi probabile mortis periculum. Samuel de Lub. loco cit. n. 15. quoad omnes partes. Doctrina S. Thom. in Supp. q. 64. a. 1. ad 4. de lepra hæc est. Vxor viro leproso tenetur reddere debitum non tamen tenetur ei cohabitare. quia non tam cito inficitur ex coitu sicut ex frequenti cohabitatione & quamvis proles generetur infirma, tamen melius est ei sic esse quam non esse. hæc D. Th.

Dico 8. Conjux innocens. post divortium iurè celebratum, non tenetur recipere conjugem nocentem etiam correctum, & suppliciter veniam petenti. cum jam nocens amiserit jus. Etiam si innocens post divortium fornicatus esset, ut docet S. Th. in Supp. q. 62. a. 6. ad 4. ad cavendum tamen periculum animæ & scandalum potest cogi à iudice ut conjugem nocentem recipiat. Quando verò innocens revocat nocentem tenetur redire. S. Th. loco cit. ad 3. quia illa sententia lata est in favorem innocentis, & sic non debet eius juri præjudicare. Nisi nocens per divortium separatus de licentia innocentis castitatem novisset aut religionem intrasset. S. Th. loco cit. Ledesma tamen cap. 29. de marr. nullam requirit licentiam. nam qui divortium fecit, eò ipso ad tale vorum licentiam dedit.

## DISTINCTIO XCIII.

## De Matrimoniali debito.

Dico 1. Conjuges tenentur sibi mutuò debitum reddere, etiam interpretativè & implicite petentes, ut docet S. Th. in Supp. q. 64. art. 2. quare sine rationabili causa debitum negans mortaliter peccat, nisi alter remisse petat vel nolit negantem tam rigorosè obligare, Fundamentum conclusionis sumunt Theologi ex primæ ad Corint. 7. *Vir uxori debitum reddat.*

Dico 2. Conjuges sæpè à redditione debiti excusantur. Primò ob salutis periculum v. g. si fœmina in partu moretur concepta prole. In dubio verò an debitum noceat saluti, non tenetur reddere. Secundò, si preli jam concepta, à fortiori si proli animata, periculum abortus immineat. animatur autem proles, si mas, post dies 40 fœmina post dies 80. Tertio excusantur conjuges à redditione debiti, si mulier non habeat nutricem, fœcundata enim mulier lac amittit. Quartò, si multi filii, nec adest unde alantur. Quatò, si febris conjuges laborant, non autem si capere mediocriter, vel dente molari. Mosc. 2. p. Tyr. in speculo part. n. 25. Sextò, si statim post prandium petant, cum copula tunc sit gravis detrimenti causa. Septimò, si vnus ex conjugibus nimis frequenter petat vel formaliter ebrius sit. cum tunc irrationabiliter petat. Octavò, lepra seu simili morbo laboranti non est obligatio reddendi debitum, cum periculo infectionis, nil hic defectus notus fuisset ante contractum matrimonium, tunc conjux sanioris corporis cessit juri suo. Nec obstat, quod ex tali coitu generetur infirma proles. quia si conjugis infirmitas est perpetua, non sunt conjuges perpetuò privandi jure petendi & reddendi debitum ob prolis infirmitatem, cui melius est sic esse, quàm simpliciter non esse. Nonò, innocens si per excommunicationem, vel superioris præceptum compellatur habitare cum adultero per hoc non tenetur ad debitum. Samuel de Lub V. divor. num. 11. Decimo, non tenentur reddere debitum ante duos induciarum menses finitos, neque ante nuptiales benedictiones. deniq; si sit rationabilis causa negandi debitum. scias in his attendendam proximitatem temporis, quo debitum negatur, periculum incontinentiæ, & causam ob quam debitum negatur.

Dico 3. Fœmina non peccat negando debitum, quando experta est se non posse filios in lucem vivos edere. Quia magnum vitæ periculum subit ex morte fœtus in ventrè. potest tamen petere cum tali periculo ad vitandum grave periculum incontinentiæ, nam elegit minus malum ad vitandum majus. Bonac. de Matr. q. 4. p. 1. n. 14. cum Led. Viç. & aliis.

Dico 4. Accedere ad menstruatam est tantum veniale secundum Cajet. V. Matr. & alios. menstruatam non tenetur reddere. cò quòd non sit obligata reddendi, quando adest turpitudine ex parte actûs ut comm. docetur. est autem in præsentem turpitudine ex parte actûs. Quod si menstruum est perpetuum, nec veniale est à tali petere, nisi grave vitæ periculum immineret, tunc enim etiam mortale esset ad menstruatam accedere.

Dico 5. Quidam dicunt, quòd vnus absq; consensu alterius potest vovere quod non petat debitum, non autem quod non reddat. quia in primo vterq; est  
hui

sui juris, sed non in secundo. sed quia si alter nunquam peteret debitum, ex hoc alteri matrimonium onerosum redderetur, dum opportheret vnum, onus semper petendi debitum subire, & ideo alii probabilius dicunt, quod neutrum potest sine consensu alterius vovere. Hæc S. Th. in Supp. q. 64 a. 4. ad 3. Quæ doctrina non intelligitur de viro parum verecundo. Nota doctrinam S. Th. non contrariari dictis d. 89 §. Qui verò, cum votum validè emissum, non tam facile in toto cesset. V. dicta in 1. d. 15. conclus. 3.

Dico 6. Si ambo conjuges conveniant in vovendo castitatem, probabile est, si vnus petat debitum, alter non possit reddere, cum renunciaverit juri petenti, sed etiam probabile, si vnus petat, etiam implicite tantum, alter teneatur reddere, cum per votum, etiam inconvenientia factum, neuter amiserit jus ex iustitia petendi. quàmvis sic petens debitum, peccet contra votum. Bonac. q. 4. de Matr. p. 3. n. 8. cum alius DD. & idem, si vnus de alterius licentia emit votum de non reddendo debitum. Dela-Cruz q. 6. de matr. n. 2, & supra 2. præc. d. 9. conc. 2. & d. 10. conc. 3. per hoc enim non tollitur dominium quod habetur in corpus alterius. Hoc tamen securius, qui consensit in votum vxoris, potest tuta conscientia petere, si solum permisit eam facere, quidquid velit.

Dico 7. Si uterq; rationabiliter dubitat de valore Matrimonii, & nondum adhibita diligentia, non potest reddere debitum petenti, quia non habet jus petendi nondum adhibita diligentia. Bonac. loco cit. p. 4. n. 7. Si adhibita diligentia potest & reddere & petere Dela-Cruz q. 3. n. 3. Dixi rationabiliter. nam si dubium parum fundamentale, iudicio prudentis deponatur.

Dico 8. Si vnus conjugum illicitè petat ob solum circumstantiam personæ, quia v. g. voto castitatis se obstrinxerat, alter tenetur, & ex iustitia, & sub mortali reddere, hanc probat. Bonac. loco citato. p. 3. n. 3. allegans comm. DD. idem procedit de sene, sterili, prægnante ( licet multoties peccare possint venialiter tales petendo debitum ) his enim ex iustitia & sub mortali reddendum. si illicitè petat ob circumstantiam actûs, non est reddendum debitum v. g. petat retro accedere, in vase tamen debito, & sine periculo effusionis. Arm. V. deb. n. 6. & alii. nisi ad sit necessitas, quia v. g. pinguis. Sententia tamen Sanchez & aliorum etiam probabilis, quod taliter petenti reddendum debitum, quia sic reddendi debitum ordinariè est necessitas, cum alias soleant oriri rixæ. An verò possit vxor licitè petere & reddere debitum Marito, qui solet in fine copulæ membrum extrahere, & extra vas seminare approbare vereor. nec obstat, quod petens vel reddens cooperetur actioni quæ ex se potest benè fieri. nam & ille qui Domino ascendenti per fenestram ad stupratam virginem scalam tenet, cooperatur actioni quæ potest quantum est ex se & genere suo benè fieri, mortaliter tamen peccat, ut determinat Innocentius XI. damnando propositionem 51.

Dico 9. Duobus modis possunt conjuges exercere actum Matrimonii sine omni peccato, scilicet, si intendant prolem vel debiti redditionem. aliàs semper est ibi peccatum ad minus veniale S. Th. in supp. q. 49, a. 5. Sufficit autem hæc intendere



intendere virtualiter seu implicitè. Quare convenire cum vxorè ad cavendam incontinentiam, aut fornicationem in se, est veniale. S. Th. loco cit. ad 2. Dicit enim, si intendat vitare fornicationem in se, sic ibi est aliqua superfluitas, & secundum hoc est peccatum veniale. Nec ad hoc matrimonium est institutum, nisi secundum indulgentiam, quæ est de venialibus. Sic S. Th. alii oppositum tenent, & taliter convenientem peccati venialis non damnant. Convenire tamen ad vitandam incontinentiam alterius conjugis, non est veniale. quia sic est quædam redditio debiti. S. Th. Ibidem. Convenire etiam cum conjugè propter sanitatem est veniale S. Th. loco cit. ad 4. à fortiori convenire propter solam delectationem est veniale S. Th. loco cit. art. 6. & Determinat Innoc. XI. dum hanc propositionem damnat. *Opus conjugij ob solam voluptatem exercitum, omni penitus caret culpâ ac defectu venialis.*

Dico 10. Peccant mortaliter conjuges, extra vas naturale, & legitimum copulam habentes, aut extra vas seminantes. Et quoties voluntariè impediunt conceptionem fœtus. Tactus etiam & amplexus conjugum si ex eis sequatur pollutio extra vas sunt peccata. Quodsi fœmina à parte superiori maneat seu à latere accedat, non est mortale, nisi esset periculum effundendi seminis extra vas. Imò non est mortale secundum Samuelem de Lublino & alios V. Debitum n. 4. Si vir etiam non urgente necessitate, retro, ad vas tamen legitimum accedat, veniale, tamen gravissimum docet Bonac. q. 4. de matr. punc. 13. num. 2. accedere etiam ad suam imaginando aliam, est mortale.

Dico 11. Si vir habens copulam cum vxore non seminet cum possit peccat mortaliter. præcipuè si jam fœmina seminavit. nam tenetur perficere opus suum. Ledesm. cap. 9 de Matr. & alii. ex causa tamen urgentissima potest vitare relinquere imperfectam copulam, etsi fœmina jam seminaverit. Et est probabile, non peccare mortaliter eum qui non seminat quia valde debilitatur. Ledesm. & alii. nam ista copula licet non assequatur finem principalem qui est generatio, vitat tamen fornicationem. quæ vitatio est finis secundarius. Vel si honestas ita suadeat v. g. quod aliquis interea superveniat & hoc est probabile licet alioquin secuta pollutio extra vas. cum hæc pollutio non censetur voluntaria, sed præter intentionem ut docent aliqui apud Bonac. q. 4. de Matr. punc. 10. num. 16. Docet etiam Arm. V. debitum n. 9. non esse mortale si incepto coitu, vnus de alterius consensu desistat ab actu; sine periculo tamen pollutionis, in se & in alio.

Dico 12. Nullum tempus sacrum impedit debiti redditionem. Arm. V. Debitum n. 10. cum Palud. licet sit bonum his diebus abstinere. Magis tamen inconvenit die ante Eucharistiæ sumptionem vel ipsâ die sumptionis exigere vel petere debitum ob Eucharistiæ reverentiam, nisi alter conjugum nimis instet. tamen si fiat, non iudicatur mortale à Theologis. Quod autem Concilium Eliebertanum dicat hominem ante sumptionem debere abstinere à propria vxore tribus, quatuor, aut octo diebus, concilium est. Duo tamen præter alia sunt,

quæ

cavendam  
ad 2. Dicit  
itas, & se  
cutum, nisi  
um tenent,  
nen ad vi  
st quādam  
ter sanita-  
n delecta-  
dum hanc  
omni peni-  
imum co-  
mpediment  
sequatur  
neat seu à  
inis extra  
Debitum  
um acce-  
num, 2.

quæ conjugibus reverentiam erga hoc sacramentū inculcant. Primò si panes Pro-  
positionis ab his qui vxorem tenerant com-edi non poterant, quantò, magis pa-  
nis ille qui de cœlo descendit. Secundo Regem Oza. 1. Paralip. cap. 13. manum  
suam ad Dñi arcam extendentem, ne boum exorbitantiâ eaderet, fuisse à Dño  
percutsum, moxque exspirasse, quòd nocte præcedenti vxorem cognoverit, ut  
affirmant expositores.

Dico 13. si conjuges diu cogantur habitare in Ecclesia, nec extra ad coi-  
tum exire possint, non peccant tunc coeundo. Nec violatur Ecclesia, etsi talis  
coitus publicetur. Dela Cruz q. 3. de sacrificio Missæ, n. 3. cum Sylv. & Victo-  
ria. Et minor necessitas requiritur ut res habeatur cum vxore, in locis Ecclesiæ  
adherentibus, ut in loco tarris vel coemeterio. At si conjuges sine causa in lo-  
co sacro coeant, vtpote si possint exire ad coitum extra locum sacrum, aut si per  
breve tempus cogantur esse in loco sacro, & facile possint abstinere à coitu ibi,  
peccant mortaliter peccato sacrilegii petendo & reddendo debitum, & violatur  
Ecclesia, si coitus publicetur. Dela Cruz cum Led,

Dico vltimò. Regulares privilegiati possunt dispensare ad petendum &c.  
V. additionem sextam in fine f. 55.



V. Debi-  
a incon-  
vel pe-  
ster. ta-  
um Eli-  
a vxore  
ia sunt,  
quæ

Oo LIBER

# LIBER III.

## DE CENSURIS.

### DISTINCTIO I.

#### *De Censuris in Communi.*



**C**ota. Censura est Ecclesiastica pœna, his, vel illis Ecclesiæ bonis privans. Iuxta Canonistas, tres sunt Censuræ. Excommunicatio, Suspendio, Interdictum. Excommunicatio est Censura Ecclesiastica, quâ homo Christianus communibus fidelium bonis privatur. Si est major, privatur omnibus fidelium bonis. Si minor, privatur passivâ receptione Sacramentorum. Hæc autem communia fidelium bona, sunt tria, scilicet exterior conversatio, quæ in mutuo colloquio & convictu consistit. Sacramentorum participatio. Tandem Orationes & suffragia Ecclesiæ Suspendio, est Censura Ecclesiastica privans usu Ecclesiastici officii aut beneficii. Pro officio intellige tam officium Ordinis, quam Iurisdictionis. Pro beneficio intellige, tam beneficia curata, quàm simplicia, atq; etiam dignitates, ut canonicatus &c. Interdictum est Censura Ecclesiastica privans aliquorum Sacramentorum ministratione & receptione, divinis officiis, etiam audiendis, sepulturâ Ecclesiasticâ & ingressu Ecclesiæ. His addunt Theologi irregularitatem, non ut irregularitas sumitur in tota sua latitudine, sed cùm habet rationem pœnæ. Est autem irregularitas impedimentum jure canonico introductum ad suscipiendos Ecclesiasticos ordines, aut ad susceptos exercendos.

Dico 1. Probabile est quatuor esse species Censuræ scilicet Excommunicationem, suspensionem, interdictum & irregularitatem, ut provenit ex mero delicto. Tres primæ partes conceduntur ab omnibus. Ultima probatur. Quia in multis Bullis, postquam concessa est facultas absolvendi ab excommunicatione, suspensione & Interdicto, subjungitur, & ab omnibus censuris, & pœnis Ecclesiasticis, quibus verbis non potest aliud significari. quàm irregularitas, nam tres communes censuræ jam præmissæ sunt. Accedit, quòd irregularitati ex mero delicto provenienti conveniat definitio censuræ superius allata. Ex quo patet Irregularitatem sic sumptam taliter posse definiri, scilicet. Est Censura Ecclesiastica privans suscipiendis vel exercendis Ecclesiasticis Ordinibus. Privans inquam Ordinibus ut talibus, nam suspensio privat ut sunt officia.

Dico 2. Mulier jure Divino est incapax ferendi censuras. cùm sit incapax jurisdictionis spiritualis, etiam ex commissione ut docet D. Thom. in supplemento q. 19. a. 3. ad 4. Vir verò carens primâ tonsurâ ex solo jure Ecclesiastico est incapax ferendi censuras. Et idem est de vxorato, quàmvis minoribus initiato. Et sic istis à solo Papa potest committi facultas ferendi censuras.

Dico



Dico 3. Soli habentes iurisdictionem ordinariam Ecclesiasticam in foro externo possunt ex officio & propria auctoritate ferre censuras; sive istam iurisdictionem habeant à jure sive ex privilegio, sive ex consuetudine, sive à Papa immediate. Cuiusmodi sunt Episcopi & eorum Vicarii Generales, & alii habentes iurisdictionem quasi Episcopalem, ut Prælati Regularium, etsi non sint Sacerdotes. Et prædicti possunt delegare suam auctoritatem ad ferendum censuras subiectis aliàs de jure capacibus, utpote iniunctis primâ tonsurâ aliàs non vxoratis Dela-Cruz a. 1. de Cens. dub. 3.

Dico 4. Peccata externa etiam secreta possunt puniri censuris latis per modum legis. Percussor enim Clerici occultus, & hæreticus, qui aliquo signo sufficienti etiam occultissimo protulit hæresim, sunt excommunicati. Dixi *censuris latis per modum legis*. Nam peccator externus, sed occultus, & sine testibus, non potest in particulari & nominatim puniri censuris latis ab homine. Nam hoc esset cogere eum censuris, ut revelet crimen suum, quod est contra jus naturale.

Dico 5. Ecclesia non potest punire censuris peccata purè interna. Ita commun. Nam ista non cadunt sub hominis cognitione, ut sic puniantur. Nec obstat, quod excommunicatur, qui aliter, quàm Ecclesia sentit de Sacramentis, tamen sentire est actus purè internus. Non obstat inquam, nam similes censuræ non incurruntur per opus internum, nisi hoc signo aliquo manifestetur. Nec etiam obstat, quod Papa possit reservare peccata purè interna. Nam reservare peccata pertinet ad forum internum, & ferre censuras pertinet ad forum externum Ecclesiæ.

Dico 6. Probabilis est sententia aliquorum, quos tacito nomine refert summa Dianæ. V. Censura quod nulla censura etiam irregularitas incurratur propter culpam venialem, quia de pietate Sanctæ Matris Ecclesiæ non est credendum, quod velit culpæ levi poenam gravem imponere. vnde quoties ob ignorantiam aut impotentiam excusamur à peccato mortali, aut à circumstantia, cui est imposita aliqua censura, excusamur etiam à tali censura. Nam ubi non est culpa, non iustè infligitur poena. Ex quo sequitur, si occidisti hominem ignorando invincibiliter esse Clericum, non incurristi excommunicationem.

## DISTINCTIO II.

### De Excommunicatione Minori.

Dico 1. Excommunicatio minor privat sub mortali sumptione Sacramentorum, ut habet communis sententia cum O. Thom. Quod si excommunicatus excommunicatione minori celebret non fit irregularis. Item excommunicatio minor privat electione passivâ, collatione & præsentatione ad dignitatem seu beneficium Ecclesiasticum. Sic excommunicatus scienter acceptans electionem, & scienter illum (utpote inhabilem) eligentes peccant mortaliter. ita etiam commun. Vtrum verò excommunicatio minor privet sub veniali administratione Sacramentorū, negat Bonac. cum aliis,

Dico 1. Incurritur excommunicatio minor ob communicationem prohibitam cum excommunicato non tolerato. Aliquando tamen incurritur excommunicatio major communicando & participando cum excommunicato non tolerato. *Primò* si præsumis scienter se pelire publicè. excommunicatum non toleratum. Quæ excommunicatio incurritur à solo sciente & præsumptuosè sepeliente non verò, à iubente, consulente, aut faciente nec ab ignorante etiam vincibiliter. *Led. c. 7. de excommunicatione.* *Secundò*, si participes scienter in crimine cum jam excommunicato nominatim. v. g. si Bertha excommunicatur ob concubinatum cum petro, Petrus cum ea fornicando eandem excommunicationem incurrit. Et idem est de faventibus, auxiliantibus, consulentibus pro tali crimine. *Alios casus V. apud DD.*

Dico 3. Sicut Sacerdos non expositus pro Confessionibus potest absolvere à venialibus, ita potest absolvere ab excommunicatione minori, quæ incurritur ob participationem venialem cum excomm. non tolerato. *Arm. V. absolutio n. 38. & alii.* Ab excommunicatione tamen minori, quæ incurritur ob participationem mortalem, nequit absolvere non expositus. *Armilla loco citato.*

## DISTINCTIO III.

### *De divisione Excommunicationis maioris.*

**A**gendum priùs esset de excommunicationis maioris natura, sed quia hæc inefficacibus relucet, ideò ibi examinabitur. Præmittimus tamen definitionem. Definitur ergò à Dela-Cruz Est censura Ecclesiastica privans externà communicatione fidelium tam in civilibus quàm in divinis, & communibus Ecclesiæ orationibus & suffragiis. Ab hac, non differt anathema quoad vinculum, sed quoad solemnitatem. cuius forma describitur in jure. hoc solus Episcopus fulminat.

Dico 1. Excommunicatio major alia est à jure, alia ab homine. A jure est, quæ per aliquod statutum, vel constitutionem fulminatur. Ab homine est, quæ per aliquem judicem fertur. Veraq; aut est ipso facto, ut est comminatoria. Excommunicatio ipso facto est, quæ statim abiq; alterius sententiæ expectatione incurritur. Comminatoria est, quæ non statim incurritur, sed expectat judicis sententiam.

Queritur, unde agnoscitur, esse excommunicationem ipso facto, & esse comminatoriam. *R.* Si tradatur sic, sit excommunicatus, habeatur pro excommunicato, tunc est excommunicatio ipso facto. Si autem tradatur sic. sub poena excommunicationis vel sic excommunicetur, &c. tunc est comminatoria.

Queritur 2. Quæ adhuc est differentia inter excomm. à jure & ab homine? *R.* Excomm. à jure durat etiam post mortem judicis, dum jus ipsum durat. Posita autem ab homine cessat cessante vitâ vel officio judicis, si tamen ante mortem vel finem officii incurritur, durat. Secunda differentia. Ab excomm. à jure & non reservata potest quilibet expositus absolvere, non verò ab excomm. lata

lata ab homine, aliàs differentias V. apud Fernandez de Excommun. §. 1.

Dico 2. Excommunicatus excommunicatione majori alius dicitur toleratus alius non toleratus. Ex Concilio Constantiensi solum tenemur vitare in Divinis, aut civilibus notarios Clericorum percussores, ita ut hoc factum nullatenus possit celari vel excusari. Et nominatim publicè excommunicatos seu denuntiatos nomine proprio, vel saltem officii. Vitandi appellantur non tolerati.

## DISTINCTIO IV.

### De Effectibus Excommunicationis Maioris.

Dico 1. Excommunicatus privatur communibus Ecclesiæ suffragiis, ita ut publicas orationes non liceat pro eo fundere, aut celebrare nomine Ecclesiæ. nam nomine particularis personæ possunt quæcunque orationes pro excommunicato offerri, etiam in momento Missæ, cum in Missa non desinat sacerdos esse persona privata. Hæc procedunt de excommunicato non tolerato. nam pro excommunicatis toleratis licet publicè orare & sacrificia offerre, ut probat summa Dianæ V. Excomm. Debent tamen suffragia specialiter tunc applicari, cum Ecclesia excommunicatum ab eis quantum est ex se excludat.

Dico 2. Probabilis est sententia, si excommunicatus non toleratus per contritionem iustificetur, suffragia Ecclesiæ illi profunt, etiam ante obtentam absolutionem ab excommunicatione. Ita Faber in 4. dist. 25. disp. 4. c. 4. dub. 351. Nam Ecclesia non intendit suis suffragiis eum privare, qui Deo reconciliatus est. pariter, si per excommunicatum non stat ut absolutionem obtineat, fruitur communibus Ecclesiæ suffragiis. Hoc enim suadet materna benignitas Ecclesiæ.

Dico 3. Privatur adhuc excommunicatus Sacramentis, tam activè quàm passivè. ita ut nec Sacramenta ministrare nec suscipere abique peccato mortali possit. Et hoc verum est tam de excommunicato tolerato, quàm non tolerato. Toleratus tamen potest ministrare Sacramenta, si à fidelibus petatur. Hinc potest sacrum facere die festo, ut subditi satisfaciant præcepto, si id requirant. Quod deducitur ex Concilio Constantiensi in quo absolute conceditur fidelibus communicare cum excommunicatis toleratis.

Dico 4. Excommunicatus, etiam si sit tantum toleratus, ministrando in Ordine majori suscepto, seu illum recipiendo fit irregularis. Non, si ministret aut recipiat Ordines minores. Et ministratio hic verita est, baptizare solemniter &c. dicere solemniter ex officio Epistolam &c. dicere collectas in choro ex officio ut hebdomadarius, benedicere solemniter aquam, fruges &c. Non tamen baptizare sine solemnitate, aut canere litanias &c. cum hæc non requirant ministerium Ordinis. Hoc probat Dela Cruz partim ex jure, partim ex DD.

Dico 5. Item excommunicatus privatur exterius, quibusdam bonis communibus, hoc versu contentis. scilicet.

*Or, orare, vale, Communio, mensa negatur;*



Per *ly os* denotatur prohiberi conversationem quovis modo, verbo, signo, scripto factam. Per *ly orare* denotatur prohiberi, simul interesse Divinis. Per *ly vale* denotatur prohiberi salutationem, honoris exhibitionem aperiendo caput, donorum missionem. &c. Per *ly Communio* prohibetur civilis contractus. Tandem per *ly mensa* prohibetur simul in vna mensa comedere, in vno lecto dormire, non tamen prohibetur in vno cubiculo habitatio, si habitent tanquam alieni habitatores, ut docet Innoc. apud Fern. de Excomm, §. 12. Hæc inquam prohibentur cum excommunicatis non toleratis.

Dico 6. Si dum Missa celebratur intret excommunicatus non toleratus, & nolit exire, astantes Missæ tenentur sub mortali exire, cum ne eo cōmunicent, & Sacerdos cessare tenetur, si non incepit canonem. Aliqui tamen relati in summa Dianæ dicunt, tutius esse etiam incepto canone relinquere Missam, si nondum sit peracta consecratio.

Hoc intelligendum de existentia excommunicati ut audiat sacrum, non verò si ibi sit exercendo suam artem aut sedens aut dormiens in angulo. Sicut etiam quando dicitur non debere communicare in oratione, intelligendum de oratione communi, nam potest excommunicatus etiam in Ecclesia privatim orare, cum aliis privatim orantibus.

Dico 7. Excommunicatus etiam si sit toleratus, non potest eligi vel præsentari ad beneficium Ecclesiasticum. Quod si ante acceptationem incurrat excommunicationem. peccat quidem acceptando, valet tamen acceptatio. Nam jura solum irritant electionem & collationem factam excommunicato sed non acceptationem, quæ nulli jus novum confert. Item talis non est capax. ut eligatur ad dignitatem Ecclesiasticam, imò nec sæcularem v. g. in Regem Ducem &c. Quæ omnia vera sunt etiam si excommunicatio inculpabiliter ignoretur ab electo aut eligente.

Sed petes, utrum validetur præterita collatio beneficii, per absolutionem ab excommunicatione?

R. Non, sed opus novæ collatione, hoc, & immediatè antecedentia probat Bonac. de Excomm. q. 2. puncto 4.

Dico 8. Excommunicatus nō toleratus, privatur executione suæ jurisdictionis, quare non potest eligere aut conferre beneficium Ecclesiasticū. item nō potest absolvere à censuris per se, vel per alterum, delegando tunc alteri jurisdictionem ad hoc. Secus dicendum est de jurisdictione data ante excommunicationem, quæ tunc non expirat, nisi alias excommunicatus iste non toleratus sit oculus. nam tunc sententia ab isto lata & collatio per eum facta valet, item absolutio à peccatis & censuris, ex dispositione Ecclesiæ ita pro bono communi ordinantis. Dixi, *Excommunicatus non toleratus*. nam si sit toleratus, etiam si publicè sciatur, omnia quæ operatur ex jurisdictione Ecclesiastica, aut sæculari, ut collatio & electio ad beneficium valida sunt. cum tales excommunicati ob bonum fidelium in nullo sint à fidelibus vitandi, ut patet ex Concil. Constantiensi,

Dico 9. Beneficiarius qui lapsus est in excommunicationem post beneficii consecutionem, non est privatus fructibus beneficii, neque tenetur eos à se sponte abdicare, modo exequatur onera & officia beneficii, sive excommunicatus sit Curator animarum, sive sit Canonicus, sive habeat beneficium simplex. Bonac. referens alios de Excomm. q. 2. puncto 4. quod procedit de excommunicato tolerato, nam de excommunicato vitando aliter sentiendum. Idem Bonac. Hic tamen, ut alii pauperes, non privandus necessariis.

Dico 10. Mortuus in excommunicatione privatur Ecclesiastica sepultura, & est exhumandus si jam sepultus. Hoc intelligendum de excommunicato denunciato, vel notorio Clerici percussore. Per quem stetit absolutio ab excommunicatione, mortuus tamen est in excommunicatione. Nam si Confessus in articulo mortis, vel contritus, hoc est dans signa contritionis externa obiit, absolvendus est ab eo, qui poterat excommunicationem tollere, & humandus in loco sacro. Si verò humatus est in loco profano, inde extrahendus.

Dico 11. Gesta per iudicem excommunicatum non toleratum sunt nulla, sive sit iudex spiritualis, sive secularis. Hinc iudex spiritualis excommunicatus & non toleratus invalidè excommunicat. Gesta tamen per actorem excommunicatum & non toleratum, item per reum advocatum & procuratorem, licet sine illicita valida tamen. Testimonium etiam excommunicati & non tolerati, tam in causa matrimoniali, quam in alia causa validum est. Hæc & alia tradit. Bonac. de Excomm. q. 2. puncto 7. Item contractus civiles, v. g. emptionis, venditionis, &c. cum excommunicato non tolerato sunt validi, ut probatur in summa Dianæ. Ipse tamen excommunicatus, licet sit toleratus non potest agere in iudicio. Licet enim non prohibeamur conversari cum excommunicato tolerato, ipse tamen se immiscere non debet, ut comm. docetur.

Sunt & alii excommunicationis effectus, quos apud Bonacinam q. 2. de Censuris & alios vide. Hi tamen duo non sunt prætereundi. Primus quod durans pertinaciter in excommunicatione per annum, sit suspectus de fide. Secundus, quod subditi non teneantur excommunicato servare fidem, etiam juratam, &c.

Quæritur. V. Excommunicatus recipiat aliquando validum Pœnitentiæ Sacramentum? R. Affirmativè. primò, si pœnitens confiteatur peccata, & excommunicationem, & Confessarius solum absolvit à peccatis. Secundò. Si pœnitens ex ignorantia inculpabili non confiteatur excommunicationem, In his ergo casibus excommunicatus recipit Sacramentum & gratiam. Si excommunicatus ex ignorantia aut inadvertentia culpabili, non tamen crassa obliviscitur confiteri excommunicationem, peccat mortaliter ob negligentiam, nec recipit gratiam, recipit tamen Sacramentum Pœnitentiæ informe. Et sic dum postea confitetur, non tenetur repetere confessionem, sed censuram & negligentiam, & sic absolutus à tali censura & negligentia recipiet effectum præcedentis Sacramenti informis. Cajetanus V. absolutio & alii.

Adverte. Tunc dici negligentiam culpabilem & non crassam quando adhibita

hibita diligentia aliqualis, sed non sufficiens. tunc dicitur negligentia culpabilis ex illa, quando nulla adhibita diligentia.

## DISTINCTIO V.

*Qui Excommunicati vitandi & que culpa incurratur ex  
utraq; parte conversando?*

**N**Ota. Ille dicitur nominatim declaratus & denunciatus excommunicatus, consequenter non toleratus & vitandus, qui ut talis sententiâ iudicis declaratur contraxisse excommunicationem. Ad quod requiritur, ut nomine proprio exprimatur, aut apponantur alia signa quæ significant illum esse excommunicatum, certè, & sine omni dubio. Fern. ex jure, de Excomm. §. 14.

Dico 1. S. los notorios Clerici percussores. Item nominatim declaratos seu denunciatos tenemur evitare in humanis tantum sub veniali, in Divinis sub mortali. Cæteros verò etiam de quibus communiter scitur, quòd sint excommunicati, quales sunt hæretici, nec in humanis nec in Divinis tenemur evitare. Imò provocare ad hæc non prohibemur. patet jam ex dictis. Adverte. Hunc favorem non esse ex parte excommunicatorum, non enim ipsi se immiscere possint, sive in humanis sive in divinis. sed semper tenentur abstinere à communione auctum, ut communiter notant Authores.

Dico 2. Qui est notorius Clerici percussor notoreitate juris tantum hoc est, de quo est fama, vel est in iudicio convictus, non est vitandus, sed debet esse notorius notoreitate facti. Tunc autem respectu collegii seu vicinæ est notoreitas facti, quando coram decem percussit. Imò plures requiruntur respectu magnæ civitatis. Bonac. q. 2. de Excomm. punc. 1. quoad omnes partes. Et sic Angelus V. Notorium docet. Si vicinia habet decem personas tantum ad notoreitatem facti requiritur ut omnes sciant. sed sententia Sylvestri, sufficere sex (saltem respectu collegii &c.) est securior V. Lezanam in sum V. Notorium. Scias ex Donato Laynensi Publicè percussor &c. Vide in fine. f. 16. add 7.

Dico 3. Excommunicatus, licet sit toleratus, peccat mortaliter se immiscendo divinis v. g. si audiat Missam adsit horis Canonicis in choro decantatis aliisque caremoniis sacris solemniter, hoc est modo ab Ecclesia præscripto factis. quia facit contra prohibitionem in re gravi. Bonac. q. 2. de Excomm. p. 3. immiscendo tamen se in humanis solum peccat venialiter, quia facit contra prohibitionem in re levi. Aliqui dicunt apud Bonac. p. 6. excommunicatum tolerantum non peccare mortaliter eligendo & iudicando, supponendo quòd validè iudicet. Secus esset si excommunicatus non toleratus in prædictos actus electionis, iudicii & alios majoris momenti, se intromitteret

## DISTINCTIO VI.

*In quibus casibus licitum est conversari cum excommuni-  
cato non tolerato.* Casibus,



**C**asus, in quibus licet conversari cum excommunicato non tolerato comprehenduntur hoc versu *Vtile, Lex, Humile, Res ignorata, Necessse.*

Per *Vtile* intelligitur omnis utilitas (spiritualis & temporalis. licet enim conversari cum excommunicato non tolerato dando ei victum, consilium, imò hæc licet recipere ab eo, etsi alia verba misceantur urbanitatis causâ. Et sic licet admittere excommunicatum non toleratum ad concionem audiendam.

Per *Lex*, intelligitur lex Matrimonii. nam licet conjugibus inter se invicem communicare. Quod si mulier vel è contra, scienter cum excommunicato denunciato & non tolerato matrimonium contraxisset dicit S. Thom. in 4. dist. 18. q. 2. a. 4. cum illo communicare non posset. quia contractus factus in excommunicationis injuriam, videtur non tribuere jus contra ipsam.

Per *Humile* intelliguntur subjecti, ut filii, servi, familiares, pupilli. Hi possunt conversari cum suis superioribus non toleratis, quando manent in eadem domo & sub cura eorum, ut advertit Corneio relatus à summa Dianæ. V Excommunicationis effectus. Et hæc conversatio seu communicatio potest esse etiam in divinis. proinde prædicti subditi possunt superiores non toleratos ad sacrum euntes comitari. Koninch loco citato in Summa Dianæ Quod dicitur de filiis, servis, &c. respectu Patris, Domini &c. idem dicendum de Patre & Domino &c. respectu filiorum, servorum &c. Quare cum filiis, servis &c. excommunicatis non toleratis, potest Pater, Dominus &c. communicare. Prælato, quàmvis tolerato obedire non tenentur Religiosi. sicut & communicare seu conversari non tenentur, cum nemo privilegio uti teneatur, aliàs esset onus. Villalobos.

Per *Res ignorata* intelligitur quod ignorantia excuset à peccato conversatio: nis cum non tolerato, & idem dic de inadvertentia. Imò si dubito an Petrus sit excomm. non toleratus, possum cum eo participare. Nam in dubio melior est conditio possidentis.

Per *Necessse* intelligitur licere communicare etiam in Spiritualibus cum excommunicato non tolerato propter vitandum damnum proprium, aut excommunicati aut alterius. Si tamen aliquis in contemptum potestatis Ecclesiasticæ mihi mortem minaretur, si non communicavero cum tali excommunicato teneor subire mortem, tenemur enim exponere vitam pro bono Ecclesiæ.

## DISTINCTIO VII.

*Quis possit excommunicare? excommunicari? & ob quam causam?*

*ubi etiam de adjuvantibus causam excommunicationis?*

**D**ico 1. Soli habentes in toto contentioso Ecclesiastico jurisdictionem ordinariam, etsi non sint Sacerdotes, possunt propria autoritate excommunicare, & id delegare personis de jure capacibus, modo isti non sint excommunicati non tolerati & publici. Vide dicta ad 1. conc. 2. & 4. Item dicta d. 4. conc. 8.

Dico 2. Subjectum capax excommunicationis, est homo determinatus, ba-

Pp

ptizatus,

pizatus, vivos, subditus. Dicitur determinatus, quia tota civitas aut collegium simul excommunicari non possunt, nisi in particulari excommunicandi distinguantur. Cap. Roman. §. in universitatem. de sententia excomm. in 6. Et ratio est, nam periculum est ne excommunicatio cadat super innocentes.

Dico 3. Nullus potest excommunicari excommunicatione majori pro peccato veniali. Nam per talem excommunicationem excludimur ab Ecclesia, quod pro veniali non debetur. Debet autem adesse contumacia præsens. Quare ob solum peccatum præteritum, & cui non fuit annexa excommunicatio, nullus excommunicari potest. Probabile tamen est posse Papam in puram pœnam præteriti criminis aliquem excommunicare, sicut & suspendere. Fern. de excomm. §. 5. cum Tolet. o.

Dico 4. Aliquando fertur excommunicatio iusta de causa in communi, quæ in particulari non esset iusta, tamen considerata causa in communi obligat etiam in particulari. v. g. si excommunicentur, qui hortorum fructus surripiunt, iusta est causa in communi, quia notabile inferitur damnum, dum hic & ille rapit, & ideo excommunicatio obligat singulos.

Ex quo inferitur superiores iuste reservare sibi damnum vnius floreni Polonici communitati factum. Nam hæc materia licet non sit sufficiens in particulari, in communi tamen est sufficiens, cum sic conventus notabiliter damnetur, si hic & ille accipiat.

Dico 5. Cum certum est, te non peccasse mortaliter in tali vel tali facto, non incurris excommunicationem latam ob illud. Palud. in 4. d. 18. q. 1. a. 2. & sequitur ex concl. tertia. Hinc colliges non incurrere excommunicationem debitorem, cum non est solvendo. incipit tamen ligari excommunicatione, quam primò potest solvere, ut notat Fern. loco citato ex Tolet. Item nec ille incurrit excommunicationem, qui in iudicio non detegit crimen, quod probare non potest, secus si juberetur solum denunciare ad correctionem delinquentis, qui non acquievit fraternæ correctioni. Et sic in aliis casibus in quibus iudicaveris non intervenire peccatum mortale.

Dico 6. Quando excommunicatio fertur contra facientes, non comprehendit mandantes, consulentes, favorem vel auxilium præstantes nisi id tenore verborum exprimitur, aut aliis joribus habeatur declaratum. Pariter, quando excommunicatio fertur, contra facientes, mandantes, consulentes &c. non ligat si effectus non sequatur. Quod intellige nisi aliud exprimitur, ut exprimitur in ea, quæ excommunicantur Religiosi, qui concionantur animo retrahendi Auditores à solutione decimarum, quàmvis non retrahant. ut bene ponderat Bonac. de excomm. in particulari.

## DISTINCTIO VIII.

*Utrum Excommunicatio ignorata, & iniuste lata, liget?*

Nota.

**N**Ota: Ignorantia alia est juris, alia facti. Ignorantia facti tunc est, quando facio rem, quam non puto me facere. v. g. percurio Clericum & nescio esse Clericum. Ignorantia juris tunc est, quando ignoro alicui crimini annexam esse excommunicationem v. g. percurio Clericum, & ignoro an hæc percussio habeat annexam excommunicationem. Præterea ignorantia alia est invincibilis, quàm jurisperiti vocant probabilem, alia vincibilis seu improbabilis. Illa est quando quis ea nescit, quæ aut scire non tenetur, aut non potest. Hæc est, quando quis ignorat ea, quæ scire potest & tenetur, eorumq; antea, aliquem saltem scrupulum habuit.

Dico 1. Ignorans invincibiliter factum aut circumstantiam, cui est imposita excommunicatio non contrahit excommunicationem, quia ad excommunicationis contractionem requiritur contumacia, non est verò contumacia, ubi est ignorantia. Imò ignorans vincibiliter culpam, modò non ignoret crasse & supinè, excusatur à contractione excommunicationis summa Dianæ V. Ignor. & alii. Nam Ecclesia intendit punire formalem inobedientiam & formaliter volitam, illa autem inobedientia cum ignorantia vincibili, etsi sit peccatum mortale, nō tamen est directè & formaliter volita. plus dico, si excommunicatio lata sit contra scienter violantes, præsumentes &c. non incurritur licet interveniat ignorantia crassa aut supina. Bonac. relatus in summa Dianæ V. Ignorantia idem tenent alii. Quia temeritas & scientia, si non affectatam saltem crassam excludunt ignorantiam. Quod autem sit ignorantia crassa v. d. 4. § adverte. in fine.

Dico 2. Qui habet ignorantiam sive juris communis, sive juris particularis, licet hæc ignorantia sit vincibilis, & circa factum ex se ipso illicitum, talis non incurrit excommunicationem. Patet hæc Conclusio ex præcedenti.

Dico 3. Excommunicatio nulla nullum effectum habet, quod enim nulliter factum, non censetur factum. Verum taliter excommunicari, ad vitandum scandalum saltem in publico se gerere debent acsi essent excommunicati juxta illud, sententia Pastoris etiam injusta timenda. Donec nullitas iudicio sapientum cognoscatur & hoc vulgo manifestetur. Quod si antequam nullitas publicetur, se ingerat divinis publicè, peccabit, irregularitatem tamen non incurreret, cum hic actus inobedientiæ non sit perfectus in sua specie.

Quæritur, quando excommunicatio nulla? R. Quando fertur à non iudice aut à iudice suspensio seu excommunicato non toleratis. aut si fertur post legitimam appellationem. Aut si sit contra innocentem etiam probatum nocentem. V. sum. Dian. est autem vera excommunicatio ex ira aut odio lata. sed in causa iusta peccatur tamen.

Dico 4. Dum Iudex secundum probabilem opinionem fert excommunicationem vel declarat eam incurrisse, subditus licet habeat pro nullitate excommunicationis opinionem probabilem, debet obedire & se habere ad instar excommunicati. Alias confusio magna oriretur in Ecclesia.



## DISTINCTIO IX.

*Quæ servanda in ferenda excommunicatione. ubi etiam de intentione excommunicantis.*

**Dico 1.** Non sunt determinata verba, sub quibus ferenda excommunicatio, sed satis est dicere. Sit anathema. excommunicetur, à communione separetur. Servari tamen debent aliquæ cæremoniæ. Hinc quando fertur excommunicatio ob præteritum peccatum, debet præcedere trina monitio cum competentibus intervallis. Sufficit tamen vna pro trina datis tribus intervallis, nisi necessitas, suaverit ista intervalla moderanda. Item requiritur ut feratur in scriptis, in quibus exprimatur causa excommunicationis. nisi esset periculum in mora, si in scriptis daretur. Dixi, ob præteritum peccatum cui nullâ annexa censura. Nam si quis propter delictum aliquod ligatus est excommunicatione à jure, excommunicari potest ab homine absq; præmissa admonitione.

Queritur quod spatium assignandum, cuique intervallo admonitionum, si aliâs necessitas restringere non suadeat.

**R.** Spatium duorum dierum. Quare quando vna admonitio fit, debent dari sex dies, exprimendo, ut primi duo sint pro prima, secundi pro secunda, tertii pro tertia admonitione.

**Dico 2.** Ferens excommunicationem absq; præmissa trina monitione, interdicatur per mensem ab ingressu Ecclesiæ. Ferens excommunicationem voce non scripto, incurrit suspensionem per mensem ab ingressu Ecclesiæ, item suspensionem à participatione divinorum officiorum, ita ut exercens aliquem actum ordinis intra talem mensem fiat irregularis à solo Papa dispensabilis. Has pœnas non incurrunt Episcopi aut Superiores Prælati, quia in iis non fit eorum expressa mentio, ut fieri debet ad contrahendum ab eis ipso facto juris suspensionem. Nec superiores Religiosorum. Nam in his non servatur ordo juris, sicut in secularibus. Hæc omnia deducit Fern de excomm. §. 1. ex jure & DD.

**Dico 3.** Excommunicatio pendet ab intentione ferentis illam. Quare si nō intendat ligare, sed terrere, non ligat. Pendet etiam ab intentione petentis illam. Et sic in excommunicatione contra retinentes bona, non comprehenduntur vxor, filii, aut alii sic conjuncti, dum aliud non constat de intentione petentis excommunicationem. Angelus apud Fernan. loco citato §. 9.

**Dico 4.** Dum ad instantiam creditoris fertur excommunicatio contra aliquem nisi solvat intra certum tempus, si creditor ante impletum tempus prorogavit illud, non incurritur excommunicatio, etsi non solvatur debitum intra tempus prius taxatum. Vtrum vero transacto tempore prorogato liget excommunicatio, affirmat Fernandez. Negat Dela-Cruz. cum hoc sit jurisdictionis. Nisi alias prorogatio fiat de consensu Prælati saltim tacito.

## DISTINCTIO X.

## De absolutione ab Excommunicatione.

Dico 1. Pluribus excommunicationibus à pluribus iudicibus ligatus, aut ab vno ob plures causas, potest ab vna absolvi manente alià excommunicatione. S. Th. in supp. q. 24. a. 3. sufficeret tamen vna generalis ab habente auctoritatem.

Dico 2. In articulo mortis vir baptizatus etiam laicus etsi sit hæreticus verè absolvit ab excommunicatione. Sylv. V. Absolutio, Armilla & alii. Nam talis stando in iure Divino est capax jurisdictionis pro absolvendo ab excommunicatione, ergo piè credendum est Ecclesiam concedere illam tunc, sicut in simili casu concedit omnibus Sacerdotibus absolvere ab omnibus peccatis. Hoc verius Clericum primæ censuræ posse tunc absolvere ab excommunicatione est communis.

Quæres: Vtrum in tali casu debeat servari ordo majoritatis, hoc est, vtrum nequeat inferior absolvere præsentem superiore affirmat Fernandez §. 18. citans Innoc. negant alii relati à summa Dianæ V. Absolvere à censuris. Quia in articulo mortis omnes videntur æqualis auctoritatis.

Dico 3. Ab excommunicatione potest absolvi invitus S. Th. in supp. q. 24. a. 2. inscius & ignarus. Hinc per generalem censurarum absolutionem tollitur etiam culpabiliter oblita, si Confessarius poterat ab ea absolvere. à peccato tamen censuræ annexo non remanet absolutus, sed hoc postea confitendum. Idem dic de absentibus, aut per litteras, & tunc manent absoluti, quando litteræ notificantur. Et sic Prælati Regularium in festis præ ipuis in suis capitulis absolvunt à censuris subditos etiam absentes. Imò mortui si constet eos pœnitentiam egisse absolventi sunt ab excommunicatione, ut pro eis offerantur suffragia, ad quod cogantur hæredes. Et Fern. relatus in summa Dianæ V. absolvere à censuris dicit absolvi posse etiam si signa contritionis non dederint dum modo non constet obiisse in peccato mortali.

Dico 4. Ut absolutio sit valida requiruntur aliquæ conditiones. 1. debet esse absoluta, sine conditione futuri, actum suspendente, quia tunc nulla v. g. si dicatur, absolvo te ab excommunicatione si restitueris. sed oppositum probabilius, cum sit jurisdictionis externæ actus 2. data ab eo, cui de jure non competit, sed ex mandato vel commissione, debet servari, quod canon præcipit, v. g. satisfacere &c aliàs est nulla, cui autem de jure competit dare absolutionem, valet, licet non servantur, quæ canon tantum præcipit, etiam extra articulum mortis 3. absolutio ab excommunicatione, & idem dic de aliis censuris, vi aut metu extorta, non valet, quamvis habeatur iusta causa absolutionem petendi. Et extortor excommunicatur. 4. non valet absolutio quando causa primaria est falsa &c.

Dico 5. Ab excommunicatione lata ab homine in particulari, & nominatim contra aliquem, ille solus qui eam tulit, aut eius successor, aut superior, aut

alius ex istorum commissione valet absolvere. Quod si ex iusta causa sit difficile excommunicato excommunicatorem accedere, conceditur ut præstita cautione, quod excommunicationis mandato parebit, à proprio absolvatur Confessore. Adverte. Qui ex officio aut commissione potest excommunicare, potest, etsi non sit Sacerdos, ab eadem excommunicatione absolvere. cum utriusq; sit eadem ratio. Excipiuntur aliqui casus quos vide apud Dela-Cruz dub. 5.

Dico 6. Confessarius expositus valet absolvere ab excommunicatione generali lata ab homine, qualis est quæ fertur in visitationibus, si alias non reservatur. Quia hæc secundum aliquos ad censuram juris revocatur. Ex quo patet, posse dictam Confessarium absolvere ab excommunicatione lata à jure non reservata. D. Th. in supp. q. 24. a. 2. Scias. Nomine censuræ. V. in fin. f. 56. addit. 8.

Dico 7. Qui ex commissione absolvit ab excommunicatione, debet servare formam suæ commissionis, alias absolutio erit nulla. v. g. si committitur absolvere, satisfactâ parte, aut cum tali pœnitentia, seu præmissâ Confessione Sacramentali. alias si nihil horum jubetur in commissione, valet absolutio sine eis, cum ista ex se non connectantur cum absolutione à Censuris. Ex quo patet si in Iubilæo aut simili indulto non exprimitur absolutionem à censuris debere fieri in foro sacramentali, potest valide dari extra tale forum.

Dico 8. Absolutio excommunicationis ab homine nominatim lata factâ virtute Iubilæi, aut similis indulti, valet in foro externo seu contentioso, satisfactâ parte, & cessante contumaciâ. Sine satisfactione verò valet in foro conscientiæ, præstando cautionem de satisfaciendo, cum commodè fieri poterit. Hoc deducit ex quadam Bulla Pij Quinti Dela-Cruz l. 2. de statu Relig. c. 7. d. 1. Ex quo patet, non esse necessariam actualem satisfactionem, quando non est possibilis, ut obtineas in foro conscientiæ absolutionem censurarum virtute Iubilæi aut similis indulti, non obstante quod ibi peratur, nam debet intelligi, aut pro foro contentioso, aut quando est possibilis.

Dico 9. Non potest excommunicatus absolvi ad reincidentiam de consensu solius partis, & sine consensu saltem tacito excommunicantis, cum excommunicatio ad reincidentiam requirat jurisdictionem. Fit autem absolutio ad reincidentiam, dicendo v. g. *absolvo ab excommunicatione ad tres dies, ut si intra eos non solvas*, V. Dela-Cruz.

## Q V Æ S I T V M.

*Quam pœnam incurrit, absolvens ab excommunicatione reservata. Vbi etiam de casibus Episcopo reservatis.*

82. A Absolvens à casibus B. C. D. incurrit excommunicationem sed jam non reservatam. Ita refert Bonac. de Censuris Bullæ O. D. d. 1. q. 21. punc. 3. Imò secundum eundem & alios loco citato, qui ex ignorantia crassa sic absolvit, non excommunicatur. Quia est sermo de præsumptione. Præsumptio autem (ut ipse  
[sic])



sic) dolum & scientiam importat, quam prædicta ignorantia excludit, eo quod laborans tali ignorantia si legem sciret observaret eam. Qui tamen prætextu privilegii absolvit à casibus B. C. item à casibus tract. de Sacramentis d. 66. conclusionem decimam enumeratis, ite quos sibi Episcopus reservat, ex Decreto Clementis VIII. incurrit excommunicationem Papæ reservatam, modò absolvat in Italia extra urbem, ut addit Bonac. loco citato. à qua Regulares vi privilegiorum absolvunt, secundum aliquos, in summa Dianæ V. absolutio à reservatis. Dixi, *prætextu privilegii*. Nam qui v. g. ex malitia tantum absolvit, non incurrit reservatam. Bonac. cum aliis loco citato. Nam decretum Clementis VIII. loquitur prætextu privilegii.

Nota. decreto Clementis etiam prohiberi absolvere censuras, quas sibi Episcopus reservat, ut declaravit S. C. de mandato Pauli V. 1617. die 7. Januarii.

Præterea Regulares, seclusis privilegiis, ab excommunicatione juris, intellige, reservata, vel à sententiis per statuta Provincialia aut Synodalia promulgatis, seu à culpa & poena absolvere præsumētes excommunicatione Papali reservata innotantur. V. Arm. V. Excomm excomm. 49. Dixi *Regulares* Nam sæculares hanc non incurrunt. Incurrunt tamen absolventes à casibus B. C. & aliis, in decreto Clementis; ut supra.

Dixi, *seclusis privilegiis* de quibus conc. 10. cit. & §. dato. Nota etiam doctrinam supra datam de præsumptibus, quos hæc excommunicatio afficit, ut videre est apud Armillam.

An verò absolventes ab Interdicto & suspensione per statuta Provincialia, aut Synodalia promulgatis eandem incurrant excommunicationem negat Bonac. dist. 2. de Excomm. in particulari extra B. C. q. 9. p. 5. cum Sylv. Tabiena & aliis.

## DISTINCTIO XI.

### *Recitantur variae Excommunicationes.*

EXcommunicationes Bullæ Cœnæ Domini sunt sequentes. *Primo* excommunicantur Hæretici eorum fautores, eorum libros hæresim continentes vel de religione tractantes, scienter, legentes, tenentes, imprimentes, aut defendentes & Schismatici. Nota audientem legi librum hæreticum non excommunicari. Gab. à S. Vincentio. *Secundò*, Appellantes à Pontifice ad futurum Concilium, eorumque fautores. *Tertiò*, Piratarum mare Ecclesiæ discurrētes, atq; eorum receptatores. & fautores. *Quartò*, Naufragorum Christianorum cuiuscunq; generis bona, etiam in littoribus inventa, surripientes. *Quintò* Imponentes nova pedagagia seu gabellas, vel augentes vel etiam exigentes. *Sextò*, Falsificantes litteras Apostolicas, aut falsò fabricantes. Qui falsificant per alios, excommunicantur quidem, sed non reservatà Papæ. Mosc. p. 9 Elem. ad S. Conf. *Septimò*, Deferentes arma & alia vsui bellico necessaria ad Turcas, vel alios Christiani nominis inimicos, & ad Reipublicæ Christianæ statum pertinentia iisdem in damnum Christianorum nuncians;

nunciantes. comprehenduntur fautores. *Ottavo*, Impedientes eos qui victualia & alia necessaria Romam convehunt. per Romam intelligitur curia Romana. comprehenduntur impediendum defensores. *Nono*, Ad sedem Apostolicam venientes, vel ab ea recedentes, suâ aut aliorum operâ lædentes. & sine iurisdictione vexantes in curia cômorantes. 10. Romipetas ad Urbem accedentes, in Urbe morantes, vel abeuntes, lædentes, comprehenduntur fautores. 11. Offendentes S. Rom. Ecclesiæ Cárinales, & alios Prælatos. eorumq; fautores. 12. Ad Romanam curiam pro negotiis suis recurrentes, per se vel per alios lædentes. sit extensio ad fautores. 13. Appellantes, à gravamine vel futura executione litterarum Apostolicarum ad laicam potestatem. Executionem litterarum Apostolicarum aut aliarum expeditionum impediendes & prohibentes ad gratias impetrandas accedentes. 14. Avocantes causas spirituales vel spiritualibus annexas ab Officialibus Ecclesiasticis & intromittentes se in causas spirituales. cum fautoribus. 15. Officialis sæculares qui personas Ecclesiasticas trahunt ad sua tribunalia. quique Ecclesiasticam libertatem tollunt, vel contra eam ordinationes faciendo, vel his utendo. 16. Impedientes Prælatos & alios iudices Ecclesiasticos ne à iurisdictione utantur. Quiq; illorum & delegatorum iudicia eludentes, ad curiam sæcularem recurrunt, aut contra sententias eorum decernunt. præstantesq; favorem. 17. Usurpantes Sedes Apostolicæ, ac quarumcunq; Personarum Ecclesiasticarum iurisdictiones, fructus, vel etiam sequestrantes. per usurpare intelligitur aliquid sine iusto titulo sibi appropriare, ut refert Pilliucius. 18. Imponentes decimas & alia onera personis Ecclesiasticis, Ecclesiis, Monasteriis aut eorum fructibus, & idem de exigentibus imposita. & de fautoribus. 19. Iudices sæculares qui se interponunt in causis capitalibus aut criminalibus contra Ecclesiasticas personas, eas scil: processando, banniendo, capiendo, sententiam ferendo vel exequendo. 20. Præsumentes occupare bona aut terras Ecclesiæ Romanæ, & illius iurisdictionem usurpantes. cum fautoribus.

Favere idem est quod commodum seu utilitatem præstare, seu aliquid conferens & juvans ad finem ab alio intentum. Bonac. de Cens. B. C. D. disp. 1. q. 124. punct. 1. in fine.

*Præter Excomm: Papæ in B. C. D. reservatas, sunt alie.*

**P**rimò sic excommunicantur violantes interdictum Sedis Apost: post specialem monitionem, & ad id inducentes. 2. Dantes vel accipientes pro gratia vel iusticia apud Sedem Apostolicam. 3. Mulieres quæcunq; præsumentes ingredi Monasteria Religiosorum. Religiosi qui faciunt vel permittunt scæminas ingredi sua Monasteria prætextu facultatum, à Summo Pontifice vel aliis concessarum incurrunt excomm: Papæ reservatam, & privationem dignitatum, officiorum & beneficiorum, & inhabilitatem ad illa, & alia in posterum obtinenda, ut patet ex motu Greg. XIII. *Vbi gratia &c.* prætextu inquam facultatum ante hunc motum concessarum. Alii verò Religiosi, qui scæminas in Monasteria intromittere vel ad-

mittere

mittere præsumunt, etiam si foeminae absq; prætextu facultatum ingrediantur, incurrunt ipso facto suspensionem in divinis, & præterea privationem officiorum & inhabilitatem ad illa, & alia in posterum obtinenda. ut patet ex motu Pii V. *Regularium personarum*. Inter hos motus hæc differentia. Motus Gregorii non requirit præsumptionem, motus verò Pii V. requirit. 2dò. Motus Gregorii requirit, ut prætextu facultatum ingrediantur. Motus Pii V. hoc non requirit. Bonac. quoad omnes partes de Clausura q. 5. punc. 3. Scias terminos, quibus censuræ fiuntur, benè ponderandos ne poenitenti injuria fiat. 4. Incendiarii, postquam fuerint ab Episcopo excommunicati, & saltem generaliter denunciati. Advert; ex Armilla excommunicatione 23. incendiarios quorumcunque locorum, non esse ipso facto excommunicatos, sed posse ab Episcopo excommunicari. 5. Religiosi saltem sine licentia Vicarii, Eucharistiam, & extremam Vnctionem ministrantes & Matrimonium solemnizantes, id est, solemniter benedictes. procedit hæc contra præsumentes, non verò contra facientes ex ignorantia vel necessitate vel ex rarihabitatione vel ex privilegio. V. dicta in 2. d. 48. conc. 7. Bon. de Censuris in particulari disp. 2. q. 9. punc. 5. probat autoritate S. Congreg. Regulares Matrimonium solemnizare audentes tantum suspendi & sic excommunicatio Clementina commutata in suspensionem. 6. Absolventes à casibus & censuris Papæ vel Episcopo reservatis V. dicta in fine d. 10. 7. Domini temporales cogentes divina celebrare officia in locis interdictis. Convocantes ad hæc. prohibentes, nec excommunicati aut interdicti nominatim, ab Ecclesia ejiciantur dum Missarum solemnibus celebrantur, ac à celebrantibus. ut exeant, monentur, omnes hæc actiones sunt contra præsumentes. Adv: comprehendi etiam Prælatos habentes jurisdictionem temporalem. 8. Nominatim excommunicati vel interdicti, nominatim moniti ut tempore divinorum ab Ecclesia exeant remanere præsumentes. 9. Præsumentes dare vel accipere aliquid ex pacto ab ingredientibus Monasterium. Nota ly *ex pacto*. quo secluso non agitur contra hoc præceptum. Sunt verò exemptæ Moniales per quosdam Pontifices. 10. Professæ egressæ de Monasterio, nisi causâ incendii, causâ pestis per superiorem probata &c. licentiam dantes. immo hi & illæ incurrunt privationem dignitatum, administrationum & officiorum, & inhabiles ad illa in futurum obtinenda efficiuntur. Item sic excommunicantur, & dictas pœnas incurrunt comitantes & recipientes, si sint causâ egrediendi vel perseverandi extra. Secus si causâ urbanitatis. 11. Præsumentes ingredi Monasteria Monialium Minorum & Prædicatorum. sine licentia eius, qui eam dare potest, comprehendit mulieres, referente Alloza. 12. Præsumentes ingredi Monasteria quarumcunq; Monialium prætextu licentiæ Episcopi, vel alterius Superioris, sine necessitate. hæc ligat etiam foeminas ingredientes, & Moniales admittentes. Dixi, *prætextu licentiæ*. nam ingredientes sine licentia, tantum ligantur excommunicatione Tridentini, non reservatâ. Hæc (scil: Tridentini) comprehendit etiam foeminas. Quòd si malo sine quis ingrediatur, reservatur Papæ reservatione speciali. cum Regulares intra Italiam extra Urbem



Urbem virtute privilegiorum ab hac non absolvant. de his & similibus V. Bonac.  
 de Clausura. Praxis Monialium Ratibonensium aliquibus ex prædictis opposita,  
 vel speciali privilegio, vel alia ratione fulcitur. 13. Audentes exenterare mor-  
 tuos nisi fiat ob honorem. ut in principibus, vel ob anathomiam, vel ut transfe-  
 rantur de loco profano ad sacrū, vel alio fine, quàm ad sepeliendum, comprehen-  
 duntur mandantes. 14. Permittentes duellū, mandantes, instigantes, auxiliū vel  
 favorem dantes. etsi pugna non sequatur spectantes, intellige, qui ex industria  
 ad tale spectaculum accedunt, licet duellum privatim executioni mandetur. V-  
 trum verò provocans non securā pugnā eidem excommunicationi subiaceat affir-  
 mat Filliucius allegans stylum Curæ sed stylum Curæ non obligare ubiq; loco-  
 rum refertur in Summa Dianæ V. Lex. Mendoza apud Dia. p. 5 tr. 14. resol. 102.  
 & Gab. à S. Vinc. disp. 4. de Cens. q. 10. contrarium Filliucio tenent. Scribentes  
 chartas provocatorias, etiamsi nec expressa provocatio ad duellum subsecuta, ex-  
 communicantur. idem de faventibus, quia sic exprimitur, dictarum chartarum  
 necessaria est publicatio, ut excommunicatio incurratur. 15. Clerici scienter  
 admittentes & participantes in divinis cum excommunicatis nominatim à Papa.  
 16. Ecclesiasticus temerè inducens ut aliquis promittat, voveat vel juret elige-  
 re sepulturam in sua Ecclesia, aut non mutet jam electam. non, si exhorretur.  
 hæc non extenditur ad Parochos respectu suorum Parochianorum. 17. Perle-  
 verans in excommunicatione per annum, inflicta à delegato Papæ ob inobedien-  
 tiam suorum mandatorum. 18. Habentes litteras Apostolicas talias, potest vi-  
 ginti dies. ab excommunicatione lata per Episcopum generaliter. 19. Infringen-  
 tes & spoliantes Ecclesias. Adv: non sufficit tantum infringere, nisi quis furetur.  
 nec sufficit quælibet fractio serræ vel arcæ, sed Ecclesiæ vel forium eius. ut reser-  
 vetur Papæ requiritur denuntiatio, saltem in communi. Quā remota absolvit qui-  
 libet approbatus spectando jus commune, ait Bonac. 20. Aggravantes temerè  
 eos, qui censuram ferunt. hæc ante duos menses non reservata Papæ sed à quo-  
 libet approbato tollitur. 21. Simoniaci in Ordine & Beneficio. & Mediatores.  
 22. Audentes extrahere delinquentes è locis sacris. 23. Impugnantes temer-  
 rariè institutum vel constitutiones Societatis Iesu. 24. Componentes, retinen-  
 tes, imprimentes, libros infames, detractorios Ordini S. Francisci, vel S. Dominici  
 apud N. Salazar additur ly præsumptum sc. 25. Impedientes præfatos Religiosos  
 ne in suis Ecclesiis possint celebrare, aut prædicare, aut elemosynas recipere. 26.  
 Afferentes licere absolvere absentem. 27. Impedientes executionem litterarum  
 S. Pœnitentiariæ, sit extensio ad faventes. 28. Facientes jurare illicita & con-  
 traria libertati Ecclesiasticæ. 29. Rapientes bona Ecclesiastica. hæc reducitur ad  
 quadragesimam septimam videatur ergo. 30. Exigentes tributa ab Ecclesiasticis.  
 hæc licet referatur à nonnullis inter reservatas, non est reservata. 31. Qui in con-  
 cionib; alijsq; actib; publicis ut lectionibus, conclusionibus, audent asserere B. V.  
 conceptam in peccato originali suspenduntur à divinis &c. Qui verò eodem au-  
 tu affirmant tenentes quancunq; opinionem de conceptione B. V. M. in hæresim  
 incidere

incidere aut mortaliter peccare, excommunicantur. 32. Clerici vel Religiosi procurantes fraude aut scienter alienationes bonorum Ecclesiasticorum in detrimentum Ecclesiarum. hoc tempore majori cum rigore propter decretum Cardinaliū anno 1624. alienationes rerum Ecclesiasticarum procedunt. Cave ne confundas alienantes, cum alienationem procurantibus. Vide excomm: undecimam non reservatam. 33. Præsumentes prædicare miracula falsa vel incerta. & prophetias non contentas in S. Scriptura. has ajunt quidam non fuisse receptas. 34. Mendicantes transeuntes prætextu alicuius indulti ad Ordinem Monasticum, præter Carthusiorum. & idem de recipientibus Eugenius tamen 4. indulgit Priori & Fratribus Eremitæ Montis Camaldulensis ut omnes & singulos cuiuscunq; Ordinis existant. & de quibuscunq; Congregationibus, domibus, seu Monasteriis, sive Mendicantium sive non Mendicantium, etiam Carthusiensis Ordinis, venerint, Superiorum ipsorum licentiā petita licet non obtenta, in prædicta Eremita recipere & retinere possint. Ita refert Fagnanus 2. p. tertii Decretalium de Reguli Q. sanè n. 61. & 63 & 64. Cautè tamen res agantur inquirendo posteriores particulares prohibitiones. 35. Religiosi sine licentiā ad partes transmarinas pro majori parte ab infidelibus occupatas se transferre præsumentes. 36. Detinentes in suis Monasteriis vel Ecclesiis Apostatas Fratrum Prædicatorum postquam eis denuntiātum fuerit. 37. Prohibentes, impediētes vel molestantes scienter, Personas non impeditas volentes ingredi Religionem S. Benedicti Congregationis Montis Oliveti. In quo favore cōmunicant alii Religiosi. Intellige si in aliis cōmunicant V. quæ tradit Dela-Cruz supra 7. præceptum q. 7. a. 2. dub. 2. V. etiam l. 4. d. 11. conc. 4. 38. Parochi non adimplentes iuramenta de residendo certo tempore in suis Parochiis ad Papæ provisionem vel dispositionem pertinentibus, comprehenduntur scienter faventes. 39. Religiosi qui prætextu facultatum à Sixto V. concessarum cōmutant vota Papæ reservata. circa hanc excomm. adverte ex Antonio à Spiritu S. tractatu de obligatione Religiosorum, hanc censuram non incurrit, qui vi alterius privilegii vel nullus cōmutat. Vnde cum nulla facultas concessa à Sixto IV. de hac re, hæc ex. cōmunicatio præsentī tempore incurri non potest. Suarez Palaus apud Ant. cit. nisi errore vincibili putaret facultatem concessam imò cū Bulla excommunicans loquatur de cōmuratione non debet extendi ad dispensationem. cū pœnæ extendenda non sint. Clavis Regia apud cit. 40. Malè auctoritates alienationem bonorum Ecclesiasticorum, sed hæc non est reservata ut docet Bonac. contra Mosicensē. 41. Peregrinantes, in Ierusalem absq; licentiā Papæ. 42. Qui merces victualia & similia infidelibus deferunt. Qui tamen licet belli tempore deferant non excommunicantur in B. C. D. Secundū Tolerum apud N. Soulam. C. 8. in annotationibus ad textum. Imò nullo modò excommunicantur, si extra bellum deferunt, ut vidi apud Armillam Imò deferendo tempore belli non reservatur Papæ. Quod si quocunq; tempore deferant Alexandria vel in partes Ægypti reservatur excommunicatio, Papæ utraq; tam reservata quàm non reservata est contra præsumentes. 43. De-

trahentes in sermonibus Prælati & superioribus, eorumq; statui. Caiet. tamen, Caranza & Navarrus referente N. Salazar de Cens: in particulari §. 5. dicunt, hanc jam non esse in usu. 44. Inferentes violentiam locis Minorū vel prædicatorum. 45. Qui bona quatuor Ordinum Mendicantium occupare vel vexare audent, si intra tres dies non restituunt. 46. Seculares impediētes loca, jurisdictiones, bona, census, ac fructus cujuscunq; Ecclesiæ, Monasterii vel loci pii. 47. Qui aliquis Ecclesiæ, seu cuiusvis secularis vel Regularis beneficii, aliorumq; piorum locorum, jurisdictiones, bona ac jura &c. quocunque modo usurpare præsumunt, & cum complicibus, etiamsi tales Imperatores sint. Et qui impediunt ne tales fructus percipiantur ab his ad quos pertinent, cum complicibus. Trid. sess. 22. c. ultimo. differt autem ab excommunicatione. 17. B. C. D. nam hæc non est contra præsumentes, nec comprehendit mandantes, & quomodocunq; impediētes. 48. Capiētes privilegio vel consuetudine fructus primi vel vltioris anni, beneficii vacantis. Immo tales incurrunt excommunicationem Bullæ C. D. ut probat Bonac. super B. C. D. excommunicatione 17. 49. Prælati, qui personam Ecclesiasticam, collegium vel conventum traxerint ad forum laicale pro causis quæ spectant ad forum Ecclesiasticum. Sed hæc etiam reservatur in B. C. D. si trahant auctoritate laicali, habendo officium laicale. 50. Exercentes recipiendo, confidentiam Simoniacam. dixi recipiendo. nam resignans sub confidentia non excommunicatur. ad incurrendam istam non est opus ut confidentia in pactum expressum deducatur, vel sit confidentia ex parte vtriusq; V. Bonac. de Excomm. in particulari d. 2. q. 3. punc. 25. 51. Percutientes Clericum. de hac specialiter tractabitur.

Adv. 1. Enumerando præfatas excommunicationes, consultò ( ut videre potui ) addidi, *ly scientes, præsumentes, audentes, temerariè*, significando, quàmvis ignorantia crassa & supina à censuris non excuset, excusat tamen, secundum probabilem sententiam, si prædictæ vel similes particulæ addantur. nisi adsit in facto ingens temeritas. Quare si sic pœnitentem ignorantem factum, seu prohibitionem, seu excommunicationem vult excusare Confessarius, circa reservatam videat textum. In non reservata absolvat quantum indiget pœnitens. V. dist. 8. conclusionem 1. & 2.

Adv. 2. Referentes breviter excommunicationes, non solum omittunt nonnullas actiones, quibus per se & solitariè sumptis annectitur excommunicatio ( quas & meum compendium, in promptu habere non potuit ) sed etiam omittunt nonnullas particulas, indicantes necessarias condiciones ad incurrendam excommunicationem. v. g. *ly scienter, præsumentes, si intra tres dies non restituit &c.* quas querendo addici. primam tamen & quadagesimam sextam in Moslicensi tantum referente breviter excommunicationes, videre potui. omnimodam securitatem asserere non audeo, ubi non addidi.

Et sic Authores compendiosè tractantes, dum excommunicationes referunt, non ideo referunt ut Confessarius omnino incurrisse iudicet sed ut, quantum necessarium



cessarium est, absolvat, nisi reservatio innuatur. Nec etiam judicentur Personæ in excellenti gradu constitutæ incidisse in excommunicationem, nisi certius, quàm de aliis, constet, solent enim quandoq; ab excommunicatione eximi, & minori censurâ notari, sed hoc rarò. nec ad hoc attendere. referendo, vacabat.

**Adv. 3.** à prædictis excommunicationibus potest Episcopus vel habens facultatem ab eo, abolvere si sint occultæ. Et hoc virtute Tridentini sess. 24. c. 6 de Reform. Bonac. de Clausura q. 1. punc. 5. etsi excommunicatio Papæ reservata sit lata post Tridentinum. Bonac. l. c.

**Adv. 4.** Regulares habentes privilegiū absolvendi à reservatis Papæ, possunt à prædictis absolvere, exceptis nonnullis, de quibus l. 2. d. 66 hoc privilegium innuit Bonac. l. c. immo cum nonnullis docet id posse Regulares in foro conscientie præticare, quàmvis censuræ sint deductæ ad forum contentiosum. Quia, ut ait, privilegium absolutè concessum, absolutè est intelligendum. Religiosi volentes uti hoc privilegio, & similibus, habeant notitiam, saltem communicationis privilegiorum cum aliis.

### *Referuntur excommunicationes non reservate.*

1. **C**ontra Religiosos animo vagandi dimittentis habitum. 2. Contra Religiosos ad quæcunq; studia sine licentia sui Prælati euntes. nisi ibi sit Conventus suus in quo sunt. Mansuri. Scias, ut Religiosus sit liber ab hac censura requiritur consilium Conventus, vel saltem majoris partis supposito tamen quòd Prælatus Conventus habeat talem auctoritatem. nam non omnis habet. non tamen requiritur consensus. textus enim solum requirit consilium, ut bene ponderat Bonac. de Excomm. in particulari q. 8. punc. 8. 3. Contra Religiosos non servantes interdictum generale, vel cessationem generalem à Divinis, quam servat Cathedralis vel Parochialis oppidi. Scias ex Bonac. l. c. punc. 14. auctoritate Episcopi non posse interdictū speciale imponi Ecclesiis exemptis. consequenter Religiosi non servantes huiusmodi interdictum speciale non subijciuntur huic censuræ. V. Bonac. l. c. 4. Contra Religiosos qui decimas Ecclesiis debitas sibi usurpare præsumunt, nisi restitutionem intra duos menses fecerint. aut qui solutionem decimarum impediunt, nisi post monitionem factam ab iis quorum interest impedire destiterint intra mensem. Est tamen differentia inter Religiosos, quòd Religiosi habentes officia. administrationes, & beneficia, suspensiones incurrant à prædictis. qui verò prædicta non habent, incurrunt excommunicationem. quia suspensio quâ alii puniuntur ipsis infligi non potest cum non habeant officia vel beneficia à quibus suspendantur. Contra Religiosos præsumentes diluere decimas Ecclesiis ex iustitia debitas. sive concionando, sive aliàs, sermone tamen. Contra Religiosos non recipientes decimas, si requisiti à Rectoribus Ecclesiarum vel Vicariis, scienter prætermittunt facere conscientiam in Confessione de solutione decimarum, est suspensio ab officio prædicationis, quod si non præmissa pœnitentiâ seu monitione (si commodè fieri potest) prædicare præsumunt, excommuni-

communicantur: tempus requisitionis determinatur in iure. Vide infra suspensio-  
 ne quartadecima circa finem. 5. Contra Monachos simplices & Canonicos Re-  
 gulares præsumentes ad curias principum se conferre malo a iimo contra Præla-  
 tos, vel monasteriis accendi, ut hæc incurratur, necessarium est secundum Bo-  
 nac. de excomm: in particula q. 8. punc. 9. ingre li curiam principum & non suf-  
 ficit aggredi iter. 6. Contra Clericos, si sint in sacris, Religiosos, & Moniales,  
 scienter Matrimonium contrahentes. Item alios qui scienter in gradibus consan-  
 guinitatis vel affinitatis canonicè prohibitis, aut cum Monialibus cum eadem sci-  
 entia matrimonium contrahunt. 7. Contra Mendicantes qui sine licentia acci-  
 piant novas domos ad habitandum. Nonnulli habent ad hoc privilegiū Iulii 11.  
 8. Contra Monachos habentes sine licentia Abbatis arma intra Monasterium. 9.  
 Contra Religiosos. Item Clericos in dignitate constitutos, vel Sacerdotes, me-  
 dicinæ vel legibus studentes. ut hæc incurratur necessarium est ut auditio prædi-  
 ctarum scientiarum per duos menses non intermittatur. 10. Contra Sacerdo-  
 tes habentes officium præfecti secularis. non comprehenditur habentes annexam  
 suæ dignitati præfecturam. si hæc aut nomine proprio, aut nomine principis Ec-  
 clesiastici teneatur, ut hæc incurratur, necessaria est ex vna parte præsumptio, ex  
 alia parte monitio. 11. Contra alienantes vel locantes Ecclesiastica bona in plu-  
 res quàm tres annos, sed attendenda consuetudo comprehendit excommunicatio-  
 nem etiam recipientes. Ad v. ex Lezina tomo 3. qq. Regularium V. Alienatio.  
 hanc solum incurrit, qui facit ex dolo aut malicia aut præsumptione. cum Pon-  
 tificex utatur Verbo *presumpserint*. Nec dicas, per Tridentinum sess. 22. cap. 11 re-  
 servari. Quia Tridentinum solum loquitur de usurpantibus seu in proprios usus  
 bona Ecclesiastica convertentibus, (de quibus supra excomm. quadragesima se-  
 ptimâ reservata) unde non debet extendi ad simpliciter alienantes. Cave, ne  
 confundas alienantes & alienationem procurantes, de quibus supra excomm. tri-  
 gesima septimâ reservata. 12. Contra dominos temporales prohibentes ne ali-  
 quid emane personæ Ecclesiasticæ aut vendant, coquant, molant, aut ne quis eis  
 præster officia ad societatem vitæ humanæ necessaria. Vi de excomm: 15. B. O.  
 D. 13. Contra Personas Ecclesiasticas Episcopis &c. inferiores, permittentes in  
 terris suis foeneratores publicos alienigenas, & intra tres menses non expellunt  
 eos, vel locant eis, vel alio prætextu concedunt eis domos ad usurus exercendas.  
 14. Contra violantes libertatem Ecclesiasticam, vel scribendo statuta ei præju-  
 dicantia, vel servando consuetudines, tunc autem est reservatio in B. C. D. quan-  
 do vel statuta conduntur, vel ijs aliquis vitur contra libertatem Ecclesiasticam.  
 15. Contra exigentes vel extorquentes ab Ecclesia vel Personis Ecclesiasticis por-  
 torium seu pedagium, pro rebus quas non deferunt causa negotiandi &c. Nota,  
 si hæc & similia imposita exiguntur incurritur excommunicatio Bullæ C. D. 16.  
 Contra gubernatores & iudices non reddentes jus Ecclesiasticis, sed hæc, nume-  
 ro decimo octavo clariùs exprimitur. 17. Contra Dominos temporales & Ma-  
 gistratus cogentes sive directè sive indirectè, etiam non subditos, minds libere  
 Matrimo-

Matrimonium contrahere. 18. Contra eoldem non facientes iustitiam Ecclesiasticis post trinam monitionem. 19. Contra laicos accipientes oblationes ab altaribus. 20. Contra præsumentes vexare personam Ecclesiasticam, quia non elegit eum, pro quo rogabatur. 21. Contra eos, qui noviter usurpantes jus custodiendi aliquam Ecclesiam vacantem, vel titulum advocacionis, vel defensionis, aliqua bona illius capere præsument. Et contra Clericos vel Monachos hoc fieri procurantes. 22. Contra laicos compellentes personas Ecclesiasticas ad submittendum perpetuū vel per longum tempus scilicet ad decem annos Ecclesiarum bona immobilia, ac jura earum laicis, eadem excommunicatio afficit, hæc per licitum contractum tenentes, plus tamen usurpantes quàm sit illis permillum per eundem contractum, nisi moniti desisterint & restituerint. 23. Contra impediētes aut perturbantes Notarios Ordinis Prædicatorum ne sua munera exequantur. 24. Contra vocatos ut intersint electioni Monialium, seminantes vel nutriendes discordias. Nota ex Arn illa, non vocatos prædicta exercentes, hanc excommunicationem non incurrere. 25. Contra concedentes repressalia contra Personas Ecclesiasticas, vel extendentes, nisi infra mensem revocaverint. hæc ligat præsumentes, Scias, Repressalia sunt, facultas alicui data ut pro damno sibi illato possit rem æquivalentem ab alia tertia persona, etiam vi, accipere. 26. Contra præsumentes vi extorquere absolutionem vel revocationem censuræ. 27. Contra præsumentes sepelire in loco sacro hæreticos denunciatos, eorum credentes, receptatores, defensores, fautores. 28. Contra præsumentes sepelire aliquem in loco sacro interdicto vel naminatim interdictos, vel publicè excommunicatos, vel usurarios manifestos. per publicè excommunicatum intellige denuntiatum. & usurarius debet esse denuntiatus ut probabiliter docetur. 29. Contra præsumentes impedire visitationem Monialium in eo quod statuitur à Concilio nisi cessent moniti. 30. Contra non habentes pro authenticis omnes libros sacrorum Bibliorum. hæc & sequens in Trid. sess. 4. in decreto de canonicis scripturis non reservatur, sed reservatur in Bulla Cœnæ Domini. 31. Contra contemnentes scienter constitutiones Apostolicas. per Constitutiones Apostolicas intellige traditiones, vel ex ore Christi D. vel aliàs Spiritu S. dictante acceptas. 32. Contra imprimētes vel imprimi facientes librū vel quamlibet aliam scripturam sine debita licentia & approbatione certarū Personarum. hæc aliquibus apud Mosc. p. 9. Elementorum ad S. Confessiones de excomm. non reservatis non videtur esse recepta. 33. Contra audentes pertinaciter asserere non esse necessariam Confessionem ante communionem. Scias *ly pertinaciter* non additur *ly docere* prædicare seu publicè defendere *ly* tamen audentes pertinet ad omnes actiones. 34. Contra raptōres mulierum & complices. 35. Contra cogentes quacunq; mulieres ingrediti monasteria vel profiteri, & contra autorizantes, præsentes, consentientesque tali actui. Scias, sermonem procedere de præsentibus ex proposito, ut habet Bonac. 36. Contra impediētes sine iusta causa sanctam voluntatem mulierum, velum accipiendi vel emittendi votum. 37. Contra fidē, id est prætextu facul-



tatis, Apostolicæ, resignantes in gratiam tertiæ Personæ beneficia Ecclesiastica vel permutantes. & Notarios ac testes hæc scientes, ad hanc incurrendam requiritur, ut resignent extra curiam & ultra duas dioceses: 38. Contra Doctores & Professores non facientes professionem fidei, ubi recepta est Bulla Pii IV. Sed probabilis est tantum ligari Rectores vel Superiores Vniuersitatum, vel gymnasiorum, aut facultatem doctorandi habentes, qui permittunt consequi cathedras vel lectiones aut ad gradus promoveri non facti si tunc professione. 39. Contra audentes edere glossas in Tridentinum. Si in nonnullis ex prædictis inueneris satisfactio, propter quam inter reservatas mereantur numerari, attende ad tradita in 2. dist. 64. conc. 16. §. *Adverte*, & d. 66. conc. 4.

Excommunicationes Episcopo reservatæ sunt hæc. 1. Contra eum qui leuiter percutit Clericum, & etiam graviter, si sit mulier. 2. Contra excommunicationem excommunicatione Papali non valentem adire Papam. 3. Contra facientem prohibita sub excommunicatione Episcopali. 4. Contra eum qui per se vel per alios, abortum foetus animati secuto effectu. Et idem de cooperantibus scienter, ope, consilio, vel alia ratione, non verò de propinquantibus poculum sterilitatis, qui his temporibus non sunt excommunicati.

Communicans scienter in crimine cum excommunicato nominatim, eandem excommunicationem incurrit. Vide, si excommunicatus nominatim, fuit excommunicatus excommunicatione Papali, communicans in crimine, eandem innotatur. Et idem de Episcopali. Ille autem scilicet communicare in crimine cum excommunicato nominatim, qui participat in eo, propter quod fuit excommunicatus. v. g. Titus fuit excommunicatus nominatim ob fornicationem, post hanc excommunicationem mulier adhuc peccat cum eo. Hæc ergo mulier communicat, cum excommunicato nominatim, in crimine, & eandem incurrit excommunicationem.

Absolutus à Sententiâ excommunicationis ratione periculi. Si post periculum non se præsentat illi, qui ordinariè potest ab ea absolvere, reincidit in eandem, scilicet Papalem vel Episcopalem, qualis antea fuit.

## DISTINCTIO XII.

### *Circa primam excommunicationem Bullæ Cœnæ Domini.*

**D**ico 1. in Bulla Cœnæ Domini ille intelligitur Hæreticus, qui externè hæresim commisit. Nam ab hæresi purè internâ & mentali potest quilibet Confessarius absolvere. Intelligitur præterea Hæreticus formaliter, hoc est, qui non solum externè v. g. ob merum vel aliam passionem, sed etiam internè fidei contradixit. Et idem qui tantum externè fidem negavit, non incurrit hanc excommunicationem. Sufficit tamen quodvis signum exterius interiorem errorem manifestans, quàmvis occultissimum, ut hanc excommunicationem inducat. Palud. Caiet. & Sylv. Quod signum non sit indifferens, Qui verò nullum explicitè errorem

forem proficetur, dicit tamen se habere fidem, quam talis vel talis Hæreticus proficetur, nomine Credentis venit. Atq; hac excommunicatione ligatur.

Dico 2. Per Receptores ij intelliguntur, qui eo animo hæreticos recipiunt, ut occultent, ne ob hæresim comprehendantur, vel puniantur. Vnde qui ob alium finem recipit, non incurrit huiusmodi excommunicationem. Fautores verò hæreticorum sunt, qui ijs ut hæreticis, verbo, litteris, aut facto favent v. g. qui mittit munera, accommodat arma, quibus se defendant ab Inquisitoribus, equum in quo fugiant Inquisitorum satellites. Præterea sunt ij, qui cum ex officio tenentur hæreticos punire, non faciunt, neq; contra eos procedunt. Addit Sylv, etiam fautores hæreticorum censeret eos, qui cum iuramento se obstrinxerunt de deferendis & accusandis hæreticis, non id faciunt, quales sunt vulgò dicti familiares Inquisitionis. Qui verò ex sola charitate hæreticos deferre obligantur, nomine Factorum hic non intelliguntur. Tandem defensores hæreticorum, vel Credentium sunt ij, qui defen- tunc ne veniant in manus Iudicum puniendi excommunicandi aut capiendi ob hæresim. Item est defensor, qui patrocinium præstat aut advocat in causâ hæresis, &c. Adverte, Nomen fautoris posse extendi ad receptatores & defensores ut extendit Fernandez,

Dico 3. Schismaticus qui in Bulla Cœnæ Domini excommunicatur est, qui pertinaciter ab Ecclesia separatur, pertinaciter repugnando mandatis Ecclesiæ Concilij Generalis & Papæ. hoc enim est discrimen inter Hæreticum & Schismaticum, quod Hæreticus habeat aliquam propositionem contrariam fidei, & eam pertinaciter defendit, Schismaticus vero tantum separatur ab Ecclesia.

Dico 4. Contrahunt hanc etiam excommunicationem legentes scienter libros Hæreticorum auctorum, qui continent errores contra fidem, vel de Religione tractant, etiamsi in eis error non contineatur, seu legant ad errores impugnandos, seu cognoscendos ob eruditionem. In qua lectione quantitas ægrè potest determinari. Qui enim cum Sâ integram paginam pro quantitate notabili assignaret, laxè assignaret, nam Sâ quantum ad hoc expurgatus fuit. Qui verò cum Mendoza duas vel tres lineas, scrupulosè procederet.

Dixi Hæreticorum auctorem. Non qui dicta Hæreticorum legunt in libris Catholicorum vel libros Catholicorum habentes scholia vel notas hæretici nisi scholia essent epi- sa, ut liber potius ex ijs constaret. Qui vero libros in Indice prohibitos legunt aliam excommunicationem incurrunt sed non reservatam. Sed scientum in nostris partibus Indicem non esse cum tanto rigore receptum. Vnde qui librum Catholicæ authoris propter unam vel alteram propositionem damnatam legeret, excommunicatione indicis non innodaretur. ex Layman l. 1. t. 5 p. 2 c. 5. Legendo libros contra bonos mores non incurritur excommunicatio ipso facto, est tamen obligatio sub peccato mortali illos nec legendi nec retinendi. It. determinat Pius IV. in Brevis Dominici 1564.

Dico 5. Licet prohibeamur libros Hæreticorum legere, non tamen eorum conciones audire. Becanus lib. 5. Controvers. huius temporis cap. 7. dicitq; mul-

eos viros bonos sine scrupulo hoc factitare. Quod intellige pro partibus vbi Catholici hæreticis permixti. Eodem modo in talibus partibus licet comitari hæreticos ad sepulturam. idem c. 10. Item eorum ritibus adesse, Lezana. Modo in his omnibus absit scandalum & periculum subversionis.

Dico 6. Disputantes cum Hæreticis non excommunicantur hac excommunicatione. Laicus tamen disputans cum hæretico peccat mortaliter, quia hoc ei sub alia excommunicatione interdictum C. Quicumq; de hæreticis. Quæ tamen tantum est comminatoria. Catholicus etiam quicumq; disputando coram simplicioribus peccat S. Th. 2. 2. q. 10. a. 7. Item Catholicus quicumq; disputando cum hæretico pertinet peccat. quia sic nulla utilitas speranda. sed pacis perturbatio timenda. Vid. Beca. um l. 1. sed vigorem C. quicumque de hæreticis in Germania locutq; similibus vbi Catholici hæreticis permixti abrogavit consuetudo ut putat Bonaë d. 3. q. 1. p. 5. & alij.

Dico 7. In subiecto, in quo dicitur facultas super casus B. Illæ Cœnæ Domini, hæretici non denuciati, item relapsi qui publice hæresim coram iudice non abjurarunt, hic in nostris partibus impeditur absolvi possunt. Non possunt autem hæretici de iuncti; item relapsi. Dixi in nostris partibus. Nam secus dicendum in Italia & Hispania, ac vbiq; sunt Censores, seu Inquisitores fidei. Mosc. in Appendice ad Tyrocinium in Summis Ecclesiasticis.

Dices. Hæc opinio potest esse filia, ergo sequens non nulliter absolvet. Respondet antece. dens, probabilitatem enim non repugnat falsitas. Nego tamen Consequens. Nam probabilis opinio efficit, ut Ecclesia suppleat defectum, & det jurisdictionem propter bonum commune, ut probat citatus D. l. c.

Dico 8. Episcopi per se tantum & non per Vicarium suum possunt absolvere ab hæresi occulta. Trident. his verbis. *Liceat Episcopis &c. in quibuscumq; casibus occultis, etiam Sede Apostolica reservatis, delinquentes quoscumq; sibi subditos, in rebus suis per se ipsos, aut Vicarium ad specialiter deputandum a foro conscientie gratia absolvere, impoſita penitentia saluati. Item & in hæresis crimine in eadem foro conscientia cum tantum non eorum Vicariis sit permixtum.*

## DISTINCTIO XIII.

### Circa nonnullas Excommunicationes Bullæ Cœnæ Domini.

Dico 1. Illi incurrunt excommunicationem huius Bullæ imponendo nova pedagagia seu gabellas, qui supra se habent superiorem temporalem. Hernandez in Bulla Cruciatâ cum Roderico.

Dico 2. Non solum qui litteras Apostolicas falsificat, sed etiam qui eas falsificari facit ligat hæc censurâ Corduba apud Fern. loco citato. sed oppositum auctoritati ad excomm. sextam B. C. D. Per has litteras Apostolicas intelliguntur tam Bullæ à Papa expeditæ, quam supplicationes signatæ à Papa, verbo, fiat colligitur ex textu B. C. Domini. ideo non excommunicantur hac excommunicatione.



ne qui falsificant litteras Episcopi, vel Nuncii, vel Protocœnventuarii, quia non sunt litteræ Papales Samuel de Lub. in præsent. Item, non excommunicantur hæc excommunicatione, qui immutant aliquid accidenarium Papalium litterarum. Nav. neq; qui falsis ab alio factis litteris utuntur in suum commodum, quia hi non falsificant. Hi tamen aliâ excommunicatione Papali excommunicantur, quæ supra num. 18. insinuata.

Dico 3. Non solum illi, qui arma Turcis aliisq; infidelibus deferunt in Bulla Cœnæ Domini excommunicantur, sed etiam qui materiam armorum ut ferrum, æs &c. aut quodvis aliud ad bellum conducens, ut equos &c. subministrant. Christiani tamen captivi qui metu verborum & necis coacti remigant in triremibus Turcarum pugnantium contra Christianos non excommunicantur. Navar. in Manual. c. 27. n. 61. Fern. p. 3. c. 9. §. 16. Sec. 8. & alii quia Censuræ Ecclesiasticæ non feruntur nisi in liberè contrumaces, peccant tamen mortaliter, quia talis remigatio est directè & per se ordinata ad occasionem seu damnum innocentium Christianorum. Fern. l. c.

Hæc excommunicatio (ut patet ex textu) affl. it. eadem hæreticis per Papam nominatim declaratis, Catholicos impugnantibus præstantes, & ad Reipublicæ Catholicæ statum pertinentia, iisdem hæreticis in damnum Catholicorum nuntiantes. Affl. ut quoq; auxilium, consilium & favorem, infidelibus contra Christianos, & hæreticis supra dictis cōtra Catholicos, in prædictis quomodocūq; dantes.

Dico 4. Per Prælatos in excommunicatione vnd cima intelliguntur Patriarchæ, Archiepiscopi, Episcopi Sedis Apostolicæ Legati vel Nuncii ut habetur in textu. Non solum autem occidentes mulantes, cadentes, vulnerantes, vi retinentes, aut in carcerem conjicientes &c. hæc excommunicatione ligantur, sed etiam jubentes, ratum habentes, & faventes, ut est in textu.

Dico 5. In eos iudices sæculares lata est excommunicatio Bullæ Cœnæ Domini, qui cum sæculares iudices sint, cognoscunt causas Ecclesiasticarum Personarum quovis modo id intendunt facere. Nomine iudicium intelliguntur quicunque sæcularis fori officiales. Emanuel quem sequitur Fernandez in Bullæ revocata. An verò per Bullam Cœnæ revocentur Privilegia Regni Galliarum circa calus Privilegiatos in quibus laici Magistratus se intromittunt utro t cōtra Clericos &c. aliqui affirmant, alii negant.

Dico 6. Qui autoritativè seu ut Domini redditus Ecclesiasticos sine licentia Papæ capiunt incurrunt excommunicationem Bullæ Cœnæ Domini, ut referendo prædictas excommunicationes n. 17. diximus. Item qui Ecclesiasticorum bonis onera imponunt. Possunt tamen Philominus Principes absq; metu excommunicari, ut vectigal lucis & Ecclesiasticis permixtim imponere ob publicam necessitatem. Publica autem necessitas intelligitur illa, quæ æque principaliter concernit laicos & Clericos, non quæ secundariò Clericos concernit. Præter publicam necessitatem debet concurrere consensus Cleri, secundùm aliquos omnia Cleri venit solum Capitulum Cathedrale. Debet etiam præcedere licentia Summi Pontificis.

vificis, nisi periculum esset in mora, in quo casu pro primi oneris impositione sufficit consensus Episcopi & Cleri. Admoueri autem debent Episcopi, ut cum tales licentia impetrantur, advertant, verum narrata in supplicationibus sint vera, nam id intendunt Pontifices, dum dicunt. *stantibus premisis.* Immo debet audire Clerum de cuius interesse agitur, præcipue si dicatur, vocato Clero. Quando ergo Ecclesiastici prædictum onus solvere tenentur, exactio fieri debet per Personas Ecclesiasticas ab Episcopo deputatas, ut expressum est in Bulla Urbani VIII. concessa pro Ducatu Mediolanensi.

## DISTINCTIO XIV.

### *De Excommunicatione lata in Clericorum percussores.*

**E**xcommunicatio lata in Clericorum percussores his verbis in iure communi habetur. *Si quis sua sponte diabolo huius sacrilegij vitium, vel crimen incurrerit, quod in Clericum, vel Monachum violentas manus injecerit, anathematis vinculo subjaceat, & nullus Episcoporum illum presumat absolvere nisi mortis urgente periculo, donec Apostolico conspectui præsentetur & eius jussu præceptum mandatum.*

Nota. Triplicem Fernandez refert percussione[m] seu lationem, scilicet enormem, levem & mediocrem. Enormis est, in qua proceditur usque ad membri mutilationem, vel effusionem sanguinis, vel contra Episcopum vel Abbatem. Effusio autem sanguinis debet esse in copia, non ex naribus unde facile effluit. Levis est quæ fit pugno, palmâ manu, pede, ligno, lapide, non facientibus vulnus. Semper tamen fit cum peccato mortali. Ad judicandum inter levem & enormem, consideranda sunt, personæ qualitas circumstantia loci &c. Mediocris est inter levem & enormem. Sed de hac non potest esse certa regula. Summa Diana etiam triplicem refert. scilicet levem, gravem & enormem. Levem dicit non habere annexam excommunicationem. Gravem dicit reservatam Episcopo. Enormem Papæ, sed sciendum de tali levi percussione loqui Dianam quæ non attingit culpam mortalem. Dela-Cruz de Sacram: Pœnitentiæ q. 5. dub. 3. conclus. 1. & 2. tantum duas assignat scilicet levem & notabilem. Notabilem confundit cum enormi, & est in supra dictis casibus. Præterea quando per percussione[m] inhabilitatur membrum ad suum actum. Quando plebeius auctoritative lædit Clericum. Si percussio fit cum magno scandalo, v. g. si percutitur Clericus sacris indutus. Colligitur etiam percussione[m] esse notabilem ex loco percusso v. g. si datur alapa. Navar. tamen hanc putat esse levem, eo quod percussio, quæ fit palmâ manûs in iure dicatur levis. Sed intelligitur de percussione palmæ extra faciem ait Dela-Cruz cit. ex Armilla. Quod si dubium, an sit percussio notabilis seu gravis, iudicium pertinet ad Episcopum. Hostiensis apud Fernandes, vel etiam ad Confessarium habentem auctoritatem Episcopi ex commissione aut privilegio. Et quoties non potest determinari, reputetur notabilis, Nav. & Rod. quos sequitur Dela-C.

**Dico 4.** Injicere manus violentas in Clericum aut Monachum, si percussio

sic enormis seu notabilis reservatur Papæ extra Bullam Cœnæ. Ideo de eo, qui præcipit, consilium, auxilium aut favorem præstitit. Idem de eo, qui cum posset, non impedivit talem percussione[m], si scilicet ex officio & iustitia impedire tenebatur. Item excommunicatur, qui ratam habet percussione[m] suo nomine factam, cum rati habitio in jure mandato comparetur. Notat Tol. cum aliis apud Fernandes ad incurrendam hoc modo censuram, debet eo tempore suo nomine fieri percussio, quo ipse ratificans posset eam infligere. Quod si percussione[m] alterius nomine factam ratificas, peccas quidem sed non excommunicaris. C. Cum quis de sententia excomm. in 6.

Dico 2. Per Clericum hic intelligitur Clericus majorum Ordinum, etiam excommunicatus, suspensus, interdictus, irregularis, non tamen degradatus realiter secundum Caiet. in Summ. Apostata & vacans sævis criminibus. Armilla V. Excomm. Item per Clericum intelligitur saltem prima tonsura initiatus. V. Lezanam in sum. V. Cler. et si alias sit semel & cum virgine vxoratus, hic tamen saltem habitum Clericalem deferat, & alicui Ecclesiæ deserviat.

Dico 3. Per Monachum intelligitur Regularis Professus etiam Conversus; item Conversa, imò Novitius & Novitia. Similiter ut docet Sylve. Tertiarii, alias Donati & Oblati. Oppositum de Tertiariis sentit Dela Cruz & Armilla nisi sit privilegium, ut de Tertiariis Ordini Nostri & S. Francisci, vel nisi sint obligati perpetuo ad serviendum Deo. Armilla ex Panorm.

Quæres, utrum percussus Clericum vel Monachum mortuum incurrat hanc excommunicationem. R. Felinus, quem sequitur Fernandes affirmativè.

Dico 4. Per manum violentam intelligitur quicumque effectus violentus in Personam vel in adhaerentia Personæ ut notat. Sylv. v. g. si aquam projicias pulverem vel salivam per modum injuriæ. Imò ereptio alicuius rei per vim, nisi res sit alterius, & Clericus velit eam asportare. Item abscissio ephippii. Item persecutio talis, quæ cogat Clericum se præcipitare in flumen, vel aliud subire discrimen ad evitandum damnum. Non est tamen secundum Sylv. violenta manus injectio, persecutio ob quam Clericus cadit & læditur ad lapidem. Item per manum violentam intelligitur captio, detentio, incarceration. Nisi alias capiatur in crimine patrato, aut patrando, ut præsentetur suo superiori. Aut si creditor capiat, vel detineat Clericum fugientem ut eum Prælato suo præsentet pro iustitia servanda. Item secundum Rodericum & alios ponere manum violentam in equum cui infundit Clericus reputatur injectio manus in Clericum. Vtrum verò Clericus, qui se ipsum percutit, in hanc excommunicationem incidat. Affirmat Sylv. & Tab. negat Caiet. quia Canon distinctam personam videtur requirere. Secus dicendum, qui Clericum, spontè se verberibus subicientem, percutit non jocose. hic enim sine dubio excommunicatur, quia privilegium Clericale datum est in favorem Ordinis Clericalis cui Clericus cedere non potest. Hæc manuum injectio debet esse prævisa. Nam casualis, licet ob negligentiam mortalis, non causat hanc excommunicationem, quia non est formaliter & explicitè injuriosa v. d. s. conc. 1. 2.



Præterea debet esse suadente Diabolo, hoc est per peccatum mortale commissum.

Dico 5. In his & similibus casibus non incurritur excommunicatio ob violentam percussione. *Primò*, Quando fit joco, licet locus peccaminosè excedat modum. *Secundò*, Quando vis vi repellitur, cum moderamine inculpatæ tutele, licet al-quo modo excedatur ob impetum iræ. *Tertiò*, Quando percutitur incontinens Clericus turpiter inventus cum vxore vel matre, sorore vel filia, non autem cum aliis personis remotioribus. Si tamen vir consentiret vxori ut adulteretur, & hac occasione inventus percutiatur Clericus, non evadit excommunicatione. *Quartò* Quando percutit Clericum, de stupro eam tentantem facto non verbo tantum, Dela-Cruz & Alloza. Et in universum, quando percussio est solum peccatum veniale, ut si ex iusta passione aut si ex plena deliberatione, item ut contingit inter pueros Minoribus initiatos verberantes, cum enim talis rixa non oriatur regulariter ex ira perfecta non est mortale.

Dico 6. Sequentes possunt percutere Clericos absque excommunicationis contractione. *Primò*, Qui habent curam eijciendi foras turbantes officia Ecclesie, dum Clericos in Minoribus reperiunt officia divina turbantes. *Secundò*, Prælati suos subditos. *Tertiò*, Magistri discipulos. *Quartò*, Domini Clericos de sua familia. *Quintò*, Parentes filios. Ita Tolet. apud Fernandez. Adverte Custodes Ecclesie solum alios Clericos in Minoribus possunt percutere ut refert Fernandez. Prælati & Magistri licet leviter percutere ob correctionem etiam Sacerdotes. Ita Panorm. apud Fernandez. Idem & Parentibus idem licet Caiet. & Sylv. V. excomm. quia potestas parentum in filios non minor quam magistrorum in discipulos.

*Nota*. In percussione correctionis incurritur excommunicatio, dum exciditur modus ob iram & passionem, lethaliter. Sylv. & Tab. V. Excomm.

Dico 7. Quibus licet ob correctionem. Clericos percutere non possunt id facere per alium. Excipe Episcopos, qui id facere debent per alium Clericum. Item excipe Abbates, & Iudices Ecclesiasticos, si necessitas suadeat, ex C. universitatis de sententia excomm. Aliiter facientes tam mandantes, quam verberantes excommunicantur excomm. Papali. Sylv. V. excomm. Prælati Regularium ob correctionem possunt verberare subditos per alios subditos. Ita concessit Minibus Leo X. inter viva oracula. Sed Lezana & alii multi probant ex Bulla Urbani VIII. hæc jam cessasse. Antonius Lusitanus Carmel. exalceatus fusè oppositum probat. scilicet adhuc non cessasse. Quod si Episcopus vel Abbas percutit Clericum per laicum excommunicatu excomm. Papali, quam etiam incurrit laicus licet fuerit iusta causa percutiendi. Fernandez.

Dico 8. Qui mandavit percuti Clericum: & ante percussione revocavit mandatum, admonuitq; mandatarium mutari propositi non incurrit excommunicatione revocatio sufficit virtualis talis erit si fuerit piecem, sciente mandatario. Idem de consulente ac de mandante excommunicato Sylv. & alii. Addit Innoc. debet consulens, cum non sit ce tus de consiliario assistere velit, admonere Clericum, ut caveat, saltem in generali. Alii arbitrantur incurrit excomm. si consiliarius percutit, ex vi consilii dati, quantumvis revocati.

Dico

Dico ultimò. Qui percutit Clericum liberè se offerentem incurrit hanc excommunicationem, si seriò & non jocosè percutit. Quia privilegio concessio in favorem statûs Clericalis, Clericus cedere non valet. An verò taliter se offerens percussioni, excommunicetur, negari solet.

Q Casu quo Prælatus manus violentas in Regularem sibi subditum, vel etiam non subditum injiceret, à quo absolvendus? 1.º à suo Superiori. Si autem superior in præmptu non sit, potest ab alio Sacerdote ab eo in Confessorem electo absolvi Rodriguez, Miranda, & Peirinis. Nec hoc est exercere aut delegare jurisdictionem, sed designare Personam, cui Papa vi juris communis vel privilegiorum eam jurisdictionem concedit Suarez, Peirinis & Tamburinus. Si verò casus esset quòd in Conveni tantum essent Prælatus & subditus Sacerdos, & quòd adinvicem se percussissent, nec esset alius à quo absolvi possent, plures dicunt posse se adinvicem absolvere. etsi enim excommunicatus excommunicatione majori non possit absolvere, in casu tamen necessitatis, rour in præsentì, quia necessitas lege caret, id fieri potest. Tabiena, Rodriguez, Miranda, Coriolanus, Peirinis; Aliter respondet Suarez. Si talis excommunicatio est occulta potest Prælatus absolvere subditum, & postea ab hoc absolvi. Si verò est publica, quia caret jurisdictione, debet eligere alium Sacerdotem extra Religionem, habilem tamen, & ab eo absolvi, & postea ipse absolutus absolvere potest subditum. adducit Suarez ad hoc aliqua jura, sed non convincunt intentum. Ita in terminis Lezana to. 3. q. 99. Reg. V. Cler. n. 37.

## DISTINCTIO XV.

## De Suspensione.

Notà 1.º. Suspectio est *censura Ecclesiastica privans usu Ecclesiastici officij aut beneficii*. Constat pœni debet incurri propter culpam & quidem secundum Causam. sufficit venialis, si ut ad excommunicationem minorem, quæ etiam à magnis excludit. Hinc suspensio v. g. ebrietas &c. non est propriè suspensio.

Notà 2.º. Al qua quæ dicuntur de excommunicatione, dicenda sunt de suspensione. Hinc suspensio imposita & pravia mentione est ferenda, si imponatur ebrietas &c. Item sicut excommunicatio & interdictum sequenti appellatione non suspenduntur, ita & suspensio. Nulla est suspensio sicut & excommunicatio, si imponatur post legitimam appellationem.

Dico 1.º. Suspectus ab Ordine non ob id suspensus est à beneficio, aut jurisdictione, neque è contra, quia hæc sunt distincta & unum ab altero non dependet. Et sic si talis intersit divinis officijs potest percipere fructus ob assistentiam & regimen debitos. Suspectus ab Ordine majori, non ob id suspensus est à minori, bene è contra hinc qui suspensus à subdiaconatu etiam a Diaconatu.

Dico 2.º. Suspectus simpliciter ab officio intelligitur tam Ordinis quàm jurisdictionis. Panor. & alii apud Fernandez. sicut suspensus simpliciter non est positus

posico an ab officio aut beneficio, intelligitur suspensus ab omnibus, secundum Sylv. susp. Scias nomine officii intelligi omnem potestatem spiritualem ad actum spiritualem exercendum, sive sit actus Ordinis, sive Ecclesiasticæ administrationis.

Dico 3. Omnis illi, qui potest excommunicare, potest suspendere. sola Persona Ecclesiastica potest suspendi. ut patet ex definitione. Debet autem suspensio fieri ob aliquam culpam & sufficit venialis ad suspensionem levem. an verò requiratur contumacia? negandum videtur cum Innoc. & Abb. sed potest imponi in penam præteriti peccati.

Dico 4. Suspensus à beneficio tenetur sub peccato mortali restituere fructus, demptis necessarijs ad victum moderatum, si alias non habeat unde vivat, nec possit facere ut absolvatur. Huiusmodi autem fructus sunt utilitati Ecclesiæ. Sed non fit irregularis etsi fructus non restituat. Sicut & suspensus à receptione Sacramentorum, si hæc recipiat, non fit irregularis, cum hæc recipere etiam laicis competat. Excipio nisi recipiat Ordines majores, ut docet Dela Cruz ex D. Raym. & Sylv.

Dico 5. Suspensus ab Officio non potest eligere, quando eligere competit ei non ratione beneficii, sed officii, à quo est suspensus. sed non fit irregularis eligendo alterum. Item taliter suspensus non valet excommunicare &c. Peccat mortaliter, tam ipse quàm ipsum non viventes, in eo, in quo tenentur vitare. cum violent præceptum Ecclesiæ in re gravi, si sit denunciatus, & ei cooperentur. Secus si nulla cooperatio. Et sic assistens Missæ suspensi peccat, ex Nav. in Sum. Dianæ.

Dico 6. Suspensus ab Ordine sacro aut officio Eucharistico peccat mortaliter, & fit irregularis exercendo solemniter & ex officio actum sacris Ordinibus deputatum. Vide dicta dist. 4. concl. 4. consequenter si prædicet solemniter & ex officio & præterea sic prædicando excommunicatur, ut refert Fernandez. Quod si quis suspensus ab Ordinibus minoribus eos exerceat non fit irregularis, secundum Navar. Lib. 3. concl. 3. de sententia excomm.

Dico 7. Si quis bonâ fide putat se habere legitimam ætatem & ordinatur, bonâ fide non est suspensus, & sic non fit irregularis celebrando. Imò nec committit peccat celebrando secundum Nav. apud Led. c. 7. de Ordine, nec manet irregularis. Nam etsi in Tridentino habeatur, quod carens ætate non ordinatur, sed si bonâ fide ordinetur non veratur exercere Ordines. Imò supponitur quod sit jam bonâ fide ordinatus, habet jus exercendi suum ministerium. Ordinatus verò scienter sine ætate, post absolutionem à suspensione, celebrando non fit irregularis. Sylv. & Arm. V. Irreg. cum jam non sit suspensus, sed peccat mortaliter, addit Dela Cruz.

Dico 8. Sicut nulla sunt determinata verba in forma suspensionis observanda, sed quævis suspensionem exprimentia sufficiunt v. g. suspendo te &c. Ita nulla sunt determinata verba in forma absolutionis à suspensione, sed quibuscumque id significantibus suspensio tollitur, v. g. si dicas absolvo te à suspensione quam incurristi ob talem causam & restituo te pristina executioni. Imò suspensus



sensus pro certo tempore, vel quousque satisfaciatur, illi tempore impleto aut facta satisfactione manet absolutus abiq; alia verbali abitione.

Dico 9. Absolutio suspensionis lata ab nomine. pertinet ad eum, qui eam posuit, vel ad eius successorem, vel superiore n vel ad alium ex istorum commissione. Et valet in foro externo, data virtute alicuius indulti, v. g. tub. l. xi, satisfacta tamen parte, & cessante contumacia, ut in simili docui de absolutione excomm. Dist. 10. conc. 8. pariter absolutio suspensionis à jure, à quo determinatum est tempus suspensionis, ante finitum tempus pertinet ad juris conditorem, vel ad successorem vel ad alium ex istorum commissione, quamvis suspensio non sit aliunde reservata.

Dico 10. Episcopo in sua diocesi, & eius Vicario conceditur in Concil: Trident. Sess: 24. c. 6. absolvere in foro conscientia: suos subditos ab omni suspensione etiam Papæ reservata ex delicto occulto orta, excepta ad forum contentiosum deducta, & excepta ex decreto Sixti V. Suspensione Simoniacæ ordinantis, & ordinati. Et licet Clemens VIII hoc Decretum moderetur, pœnas tamen Simoniacæ ibi contentas in suo robore relinquit. reservatio autem vel est pœna, vel robur pœnæ. Sed hoc non omnes concedunt, negant enim reservationem esse pœnam.

Dico 11. Si suspensio sit lata cum termino aut reservatione, non potest tolli ab Episcopo in foro externo, sed transacto termino tollitur. Et propterea in præcedenti conclusione additum fuit, in foro conscientia:. Secus si sit posita sine termino & reservatione, & ob delictum in quo Episcopus potest dispensare, sicut ob adulterium, aut alia minora delicta. Nam si sit posita ob delictum, in quo non potest Episcopus dispensare, nõ poterit ab ea absolvere in foro externo, etiam si sit posita sine termino & reservatione. Ita refert Dela C. quantum ad omnes partes.

Q. v. Quilibet Confessarius ab Episcopo expositus possit absolvere in foro conscientia: à suspensione juris non reservata? R. poss: Bon: de Cens: in Communi d. 1. q. 3. punc. 1. n. 10. & cõmuniter Religiosi ex privilegiis absolvere possunt ab omni suspensione in foro conscientia:. Adv: ad ultimam partem conclus: nonæ, si vis uti primâ parte huius responsionis. Dixi, *communiter* & non omnes. nam mihi non constat omnes Religiosos quoad similia esse privilegiatos, quod notandum dum de privilegiis & communicatione fit mentio.

## DISTINCTIO XVI.

*Referuntur, magis necessarie scitu, suspensiones.*

PRIMO, eugens indiguum pro cura annuatum suspenditur a beneficiis Ecclesiasticis per triennium. Prælati talem per negligentiam confirmantes privantur potestate confirmandi primum successorem cuius electionem confirmaverunt, & suspendendi sunt a fructibus beneficii.

2. Sacris initiatus notorius concubinaris suspenditur. est autem notorius concubinaris, qui domi suæ concubinam quasi uxorem fovet. hæc non videtur esse

esse in usu, ait Samvel de Lublino V. Susp. jus tamen novum Tridentini sess. 25. c. 14. de Reformatione est servandum.

3. Recipiens Ordinem sacrum sine licentia, sui Episcopi sine ætate, extra tempora, plures Ordines sacros eodem die, ficto titulo, hoc est, qui sacris initiatur sine patrimonio, cum pacto non petendi ab Episcopo victum, & qui ordinatur ad præsentationem alicuius Beneficarii cum pacto nihil petendi, suspenditur ab ordine suscepto. Immo qui simul recipit Minores cum sacro, privatur executione ordinis sacri.

4. Recipiens ordinem sine testimonio suæ probitatis, dando à proprio ordinario, privatur exercitio susceptorum, etiam Minorum. & sic ampliatur prima pars præcedentis conclusionis. Recipiens ordinem post contractum matrimonium, suspenditur à suscepto ordine, nec potest promoveri ad officium vel beneficium. secus si tantum recipiat Minores. Recipiens ordinem in excommunicatione majori, quamvis tantum recipiat Minores, secularis quidem privatur executione ordinis suscepti, Regularis verò non solum privatur exercitio ordinis suscepti, sed & officio. Recipiens ordinem sacrum in apostasia suspenditur ab executione ordinis in Apostasia suscepti, etiam redierit & pœnitentiam egerit. Absolutio in hac haberi potest virtute privilegiorum, sed in foro interno.

5. Qui præsumit excommunicare sine trina monitione & testibus, suspenditur per mensem ab ingressu Ecclesiæ, nisi sit Prælatus Regularis, hæc potius est interdictum, Qui verò præsumit excommunicare, interdicere aut suspendere solo verbo aut sine expressione causæ, aut si requisitus intra mensem temerè negat transumptum scripturæ, suspenditur per mensem ab ingressu Ecclesiæ & divinis officiis: nisi sit Prælatus Regularis, Scias, Excommunicatio per legem lata non requirit monitionem.

6. Audentes vsurpare aliquid ex redditibus dignitatum vacantium, Personatum, Prioratum vel Ecclesiarum sibi subditarum, quos reliquerant mortui, aut collecti sunt tempore vacationis, suspenduntur ab officiis & beneficiis, donec restituerint, nisi habeant ad hoc privilegium vel consuetudinem præscriptam. Ecclesiam quoq; gravantes alienis debitis suspenduntur ab administratione temporalium & spiritualium. & hæc est contra audentes.

7. Iudex Ecclesiasticus faciens aliquid contra iustitiam & suam cōscientiam, per gratiam, odium, aut timorem, in gravamen partis alterius, suspenditur per annum ab officio, & perpetuò, si isto tempore se ingerit divinis.

8. Qui præsumit admittere, ad officia divina, ad Sacramenta, aut sepulturam Ecclesiasticam excommunicatos non toleratos aut interdictos publicos, suspenditur ab ingressu Ecclesiæ, seu potius interdicatur, donec satisfaciatur ad arbitrium illius cuius sententiam contempsit. Et hoc ait Navar. tantum contra exemptos, quorum nomine etiam veniunt Clerici privilegiati.

9. Habentes beneficium cui annexus est ordo, si infra annum non promoventur, suspenduntur. Hanc ut jacet refert Molc. p. 9. Clementorum ad 5. Conc. sess. V. dicenda in 4. d. 9. conc. 26.

10. Qui

10. Qui non servat interdicta juxta ea quæ solent doceri in trac. de interdicto suspenditur ab officio beneficio & jurisdictione.

11. Admittens usurarios manifestos ad Eucharistiam, sepulturam aut oblationem, suspenditur ab officio, quousque arbitrio Episcopi satisficiat. Vocatur usurarius manifestus qui est condemnatus de usuris, secundum Bonac. de Censuris in communi disp. 3. punc. 5. § 1

12. Simoniacus in ordine suspenditur à functione Ordinum Simoniacè susceptorum. Quid autem incurrat Simoniacus in beneficio V. l. 1. d. 33. conc. 13.

13. Religiosi habentes administrationem rerum Ecclesiasticarum, alienando aliquid ad eam pertineas, aut alicui ad vitam, seu ad alud certum tempus concedendo absque necessitate vel utilitate & licentia sui Conventus, aut Prælati, si non habet Conventum, etiamsi pretio illud concedant, suspenduntur ab officio & contractus annullatur. Et licet permittantur rerum locationes, & venditiones reddituum ad modicum tempus, tamen si dictæ solemnitates omittantur incurritur excommunicatio & contractus annullatur. V. decretum S. C. 1624. 7. Septem. quod etiam refert Lez. tomo 1. qq. Regul. C. 10. n. 1. ubi major rigor invenitur.

14. Sacerdotes Religiosi matrimonium celebrare id est coniungere vel benedicere sine licentia Parochi præsumentes (propter quod & alii Sacerdotes vel Parochi, absolute suspenduntur) Præterea Religiosi præsumentes usurpare decimas suspenduntur ab officiis, administrationibus & beneficiis suis, si moniti intra duos menses non satisfaciunt. Quod si nec officia, nec beneficia nec administrationes habeant, non suspenduntur, sed excommunicantur. Prælati Regularis, ad quos occasione excessuum suorum Regularium in Clementina 1. de privilegiis, prohibitorum aliquid quoquo modo pervenerit, absolute & simpliciter suspenduntur usque ad debitam satisfactionem, nisi intra mensem, postquam requisiti fuerint de eo, satisfecerint Ecclesiis aut personis Ecclesiasticis damnificatis. hi excessus sunt tres, primus est retrahere testantem à legatis faciendis Ecclesiis Matricibus. 2. retrahere testatorem à debitis restituendis. 3. procurare ut legata, debita vel male ablata incerta dentur sibi vel aliis personis singularibus sui Ordinis, vel Conventibus in præjudicium aliorum quibus debentur.

Observe cum Sayro l. 4. C. 13 & aliis, vetitum non esse Religiosis certiores facere moribundos de sua necessitate, ipsosque hortari, ut suo monasterio aliquid sponte legent. Religiosi non recipientes decimas, si requisiti à Rectoribus Ecclesiarum vel Vicariis, scienter prætermittunt facere conscientiam in confessione, de solutione decimarum suspenduntur ab officio prædicationis. V. dicta in r. d. 35. de decimis, tempus requisitionis determinatur à jure, scilicet prima Dominica, quarta & ultima Quadragesimæ. festa Ascensionis, Pentecostes, Nativitatis & Assumptionis B. M. V. Nativitas S. Ioan. Baptiste.

Religiosi audentes intromittere mulieres in monasteria suspenduntur. V. dicta de excomm. Papalibus reservatis extra B. G. D. Item, qui in Ordine Mendicanti præsumit admittere Novitium ad professionem ante completum tempus, excom-



municatur & suspenditur à receptione Novitiorum ad professionem excommunicatio non est lata sententia, secus suspensio.

15. Prælati Regularium si requisiti à Personis Ecclesiasticis de præiudicio ex administratione. S. tucharistia, Extremæ unctionis Matrimonii solemnizationis, aut quacunq; absolutione indebitè facta à suis Religiosis, infra mensem plenam satisfactionem laicis non exhibent, suspenduntur ab officio & beneficio. Attende, poni, ly *requisiti* & non ly *citati*. suspenduntur inquam viq; ad plenam satisfactionem, quâ posita cessat suspensio.

16. Visitantes, si recipere munera, vel exigere procuracionem in pecunia, aut visitationis officio non impenso procuracionem in victualibus vel alia resumere præsumunt, suspenduntur absolutè & simpliciter, si infra mensem duplum non restituant. donec restituant.

Scias 1. Suspensionem procedere de visitantibus jure ordinario, & eorum familiaribus. 2. Incurri suspensionem licet munera sponte dentur. 3. Licere procuracionem in pecunia sumere, si liberè offeratur. His subiacent Religiosi dum visitando aliquid accipiunt ultra victualia. solum enim excusantur accipiendo ex laudabili Religionis cõsuetudine vel instituto, ut habet C. Romana de Censibus.

17. Non solum qui præsumit in concione populari, aut vbi adest virorum ac mulierum multitudo disputare in alterutram partem de Conceptione B. M. V. asserendo propriam sententiam rationibus, vel auctoritatibus, & alteram refellendo, aut impugnando, verum etiam qui præsumit de hac ipsa questione cuiusvis pietatis prætextu vulgari lingua scribere vel dictare, scil; refellendo, aut impugnando suspenditur à divinis si est in sacris, nec non privatur ipso jure omni gradu & dignitate, & ad similem redditur inhabilis, & à solo Papa dispensari potest, ex Bulla Pii V. quæ incipit, *super specula*. Ita in terminis Bonac. de Cens. in comm. disp. 3. punc. 4. §. 1. Quæ verò ex dictis extenduntur ad omnes & ad privata colloquia. V. Bullam Greg. XV. & Bonac. de excomm. in particulari d. 2. q. 3. punc. 34. & d. 7. q. 6. punc. 5. vbi refert citatam Bullam.

18. Circa Sodomitas sic Pius V. definit. *Omnes & quoscunq; Presbyteros & Clericos saculares & Regulares cuiuscunq; gradus & dignitatis, hoc in fas exercentes, omni privilegio Clericali, omninq; officio & dignitate & beneficio Ecclesiastico præsentis canonis auctoritate privamus.*

19. Clericus provocans ad duellum aut illud acceptans suspenditur. sed negat Navar. eo quòd in C. à Sylvestro citato solum dicatur esse suspendendum. Alias suspensiones V. apud Opat. disp. 18. de Pœnit. q. 1. & Mosc. p. 9. Element. ad S. Confessiones.

Adv. 1. Episcopos non affici suspensione vel interdicto, nisi quando specialis mentio fit de eis. Quæ autem sunt tales, refert Mosc. l. c. 2. Suspendus si non est denunciatus validè absolvit a peccatis. 3. Non addid. quæ ex his suspensionibus reservatæ quæ non reservatæ. Si ergo Censurarii non privilegiati vel sunt practicare sententiam Bonac. & aliorum, videant textum, vel Doctores fusi centenas

examinantes. 4. Addidit circa aliquas ly *presumit* ly *scienter* &c. Quare si circa alias pœnitentem vel consilium petentē excusare vis, consule textum vel tractantem de suspensionibus ut tractat Bonac; nec tamen omninò certum est similes particulas excusare, dum adest ignorantia crassi. 5. Reperies in iure suspensiones quæ cessant impletâ conditione v. g. satisfactione. Si ergo te vis abstrahere ab absolutio-  
ne, consule id supra. tales suspensiones censentur reservatæ non impletâ condi-  
tione, licet aliunde non reserventur.

## DISTINCTIO XVII.

## De Degradatione.

**N**Ota: Degradatio rigorosè accepta & ut realis, est privatio legitimæ executio-  
nis Ordinum, & beneficiorum Ecclesiasticorum in totum abique spe restitu-  
tionis, cum certa solemnitate, & privatione privilegii Clericalis cuiusvis. colligi-  
tur ex Sylv. Tab. & aliis. Debet ergo hæc pœna solemniter fieri amovendo actua-  
liter insignia Clericalia à degradato. Quibus peractis sic degradatus eximitur à ju-  
risdictione Ecclesiastica & traditur sæculari brachio. ut verbalis verò, est suscepti-  
gradûs Ecclesiastici perpetua cum certa solemnitate depositio.

Dico 1. Degradatio non est maxima inter pœnas Ecclesiasticas, sed Excom-  
municatio. Paret ex effectu excommunicationis, privat enim participatione Sa-  
cramentorum, tam activâ, quàm passivâ, Fidelium suffragiis, Ecclesiasticâ sepul-  
turâ &c. tandem reddit excommunicatum jumentum diaboli. Quæ non com-  
petunt degradationi, hinc degradatus potest interesse divinis. Dicit tamen po-  
test degradationem majorem esse excommunicatione, quantum ad corpus inquam  
cum degradatum sic abicit Ecclesiâ, ut cum tradat brachio sæculari.

Dico 2. Solus Episcopus potest actualiter seu realiter & solemniter degra-  
dare. Nam res per quas nascitur per easdem dissolvitur. sed solus Episco-  
pus ad Ordines promovet. Ergo & solus degradat. Vbi sciendum ad degradatio-  
nem Presbyteri debere adjungi sex Abbates, ad degradationem Diaconi vel Sub-  
diaconi tres. Quia ex Concil. Trident. Sess: 13. c. 4. de Refor: nunc tot Abbates  
sunt adjungendi, quot olim adjungebantur Episcopi, sed olim tot Episcopi ad-  
jungebantur ut probat Vivald. de Depos: n. 16. ergo &c. Si Diaconus fuit ordinat-  
us a Papa nequit ab Episcopo degradari. Astensis in Sum. L. 7. tit. 7. a. 1. & alij  
tusi a Papa nequit ab Episcopo degradari. Astensis in Sum. L. 7. tit. 7. a. 1. & alij

Dico 3. Episcopus nequit degradari ab alio Episcopo. Nec à Legato à latere  
nisi ex speciali commissione; sed à solo Papa. Astensis & alij. debet autem causa  
agitari coram duodecim Episcopis, processus & Episcoporum Iudicium sunt desce-  
renda ad Papam, & ab eo proferenda sententia. Sylv. Tab. &c.

Dico 4. Omnis Clericus potest degradari, non tamen in usu in Minoribus  
constitutum d. g. ad ar. ut refert ex aliis Vivald. de Depos. n. 13. Hæc autem sunt  
ob quæ quis est degradandus. *Hæresis*, nisi statim pœniteat. *Falsificatio* litterarum  
Apostolicarum, *Conjuratio* in proprium Episcopum, vel injuria illi facta, *Soda-*

*ma* ut decrevit Pius V. Hec tenet Fernand. Qui facit ex consuetudine haberi, propter quodeumq, atrox scelus degradationem incurri, qualis est v. g. Monialis violatio.

Dico 5. Matrimonium coram testibus & sacerdote degradatio ex licentia Parochi est verum. Sicut & absolutio in articulo mortis à tali data valet. Ratio primæ partis. Quia ex Trid. Matrimonium est verum coram Parocho & testibus, vel coram Sacerdote de licentia Parochi, sed talis degradatus ad hoc est verus sacerdos. Ergo &c. Adde veros esse Ordines collatos ab Episcopo degradato, quia per degradationem non amittit Episcopalem characterem seu potius exceptionem characteris Sacerdotalis. Ratio secundæ partis. Quia propter instantem necessitatem dedit Ecclesia talem potestatem cuius Sacerdoti, degradatus autem est verus sacerdos.

Dico 6. Degradatus verbaliter tantum, non amittit privilegium Canonis, si quis suadente Diabolo &c. Degradatus autem actualiter seu realiter amittit tale privilegium secundum Caier. Sylv. V. Degradatio & alios. Hoc etiam inest inter degradatum verbaliter, quod depositus non subiacet potestati seculari, degradatus verò actualiter subiacet potestati seculari. Vide Lez. V. Degrad.

Dico 7. Degradatus actualiter tenetur ad horas Canonicas, Sylv. Arm. V. Degrad. & alii. Quia nemini sebet suffragari suâ malitiâ Missus verò ad extremes & præ magnitudine laboris impeditus à recitandis horis Canonicis, non obligatur ad recitandam aliquoties orationem Dominicam & salutationem Angelicam, sicut Sacerdos deobligatus ex legitima causa à recitando officio, non tenetur sub præcepto ad alias orationes, ut suppleat horarum Canonicarum defectum.

## DISTINCTIO XVIII.

### De Interdicto.

**I**nterdictum supra sic definivimus scilicet, *Est Censura Ecclesiastica separans hominem ab aliquorum Sacramentorum ministratione & receptione, à Divinis officiis etiam audientia, à sepultura Ecclesiastica, & ingressu Ecclesie. Quâ definitione posita.*

Nota. 1. Interdictum est triplex: Locale tantum. Personale tantum. Locale & Personale simul. Locale tantum est, quo solus locus interdicatur. Quod rursum est duplex. Generale, quo universalis locus interdicatur. v. g. regnum vel provincia. Speciale, quo interdicatur peculiaris locus, v. g. civitas, oppidum, sic exemplificat Fern. sed intelligendus respectivè. nam absolutè est generale ut referunt Bonac. Opatov. & alii. & clarè patet ex Elem. I de sent. excommuni. Quando civitas interdicatur includuntur suburbia, & ædificia propè mœnia. Item, quando Ecclesia, includuntur sacella & cœmeterium. Interdictum personale tantum, est quo interdicuntur persone tantum. Quod etiam est duplex. Generale, quo interdicuntur universim omnes huius. v. g. oppidi cives. Speciale, quo interdicuntur certa persona. Interdictum locale & personale simul, quo non solum locus, sed & persona interdicatur. Differt autem locale à personali, quod personale associetur perso-

nz, nec



nā, nec ullibi talis persona potest admitti ad Divina & sepulturam. At si vna Ecclesia sit interdicta, in alia possunt divina audiri. Item Interdictum aliud est à jure, de quo Angelus V. Interdictum refert novem casus. Aliud ab homine. sed Moser & alii referunt plures.

Nota 1. Nomine Divini officii tempore interdicti prohiberi intelligitur Missa, horæ Canonicae, aspersio aquæ in principio Missæ, ut solet fieri diebus Dominicis, benedictio solemnis Episcopi cum baculo, benedictio Abbatis & Abbatissæ, consecratio altaris, olei, chrismatism, calicis, & Virginis, benedictio aquæ, cineris, corporalium, ramorum Dominicæ in ramis, candelarum in Purificatione, ornamentorum Ecclesiæ, & velorum Monialium, processiones, Officia B Virginis & Defunctorum, exequiæ, benedictiones nuptiales &c. & universaliter quæ publicè ad Divinum cultum sunt à personis Ecclesiasticis. Non tamen intelligitur recitatio Litaniarum etiam musico cantu, dummodò non recitetur à Clericis superpelliceo indutis, & in processione cum Cruce, ut tradit Fernand.

Dico 1. Qui potest excommunicare & suspendere, potest & interdicere, sicut qui potest excommunicari & suspendi potest & interdici, vel quoad omnia, vel quoad aliquid, hinc qui interdictus ab ingressu Ecclesiæ, potest extra Ecclesiam celebrare. Nam in pœnulis non fit extensio de casu ad casum non expressum propter paritatem rationis, immo nec si virgeat major ratio, docet Portel. & alii, in Sum Dia. V. Lex. Decet tamen supponi culpa vel propria, vel aliena, & ideo interdictum comprehendit infantes & amentes. Ex quo patet Communitatem posse interdici, non quidem ob culpam hominis privati, nisi ex commissione Patris, sed ob culpam personæ publicæ v. g. Prætoris, Episcopi &c.

Dico 2. Forma sub qua ferri debet interdictum non est determinata, sicut nec in aliis censuris, ideo servanda est consuetudo in eo evulgando. Attamen quando imponitur ab homine oportet ut evulgetur in scriptis, insuper debet apponi causa, quæ sit rationabilis. Præterea debet præmitti tria monita peccatoris, propter quem interdictum imponitur Ita refert Fernandes. Dixi, si est ab homine, quia si imponitur à jure ipso facto incurritur. Non tamen tenemur servare interdictum nisi publicè & specialiter denunciatum v. g. contra Personam seu locum determinatum à Iudice expressè promulgatum. Arm. V. Interdictum. Et satis est promulgari in Ecclesia Matrice, & non opus in omnibus Parochiis & Ecclesiis.

Dico 3. Relata in notando secundo, non poterant olim tempore interdicti celebrari, sed jam ex concessione Capituli Alma Mater celebrantur submissa voce, januis clausis, sine campanis, excommunicatis & interdictis nominatim exclusis, nec admissis iis, qui privilegio carent audiendi tunc Missam. Dummodo Ecclesiis ubi ista celebrantur non sit specialiter interdicta. Nam in ista solum licet Missam semel in septimana celebrare pro renovanda Eucharistia, & communicandis infirmis, cum dicta tamen cautella, scilicet submissa voce, Capituli, Alma Mater.

Dico 4. possunt interesse divinis officiis tempore interd. Qu. Primò Clerici.

primæ

primæ confuzæ, aliàs non vxorati, etiam semel. Dixi *Clerici non vxorati*, quia Clerici vxorati amittunt omnia privilegia Clericalia. Duo excipe, nimirum ut eorum percussores contrahant excommunicationem Canonis secundum intelligentiam Conclusionis 2dæ dist. 14. deindè ne conveniantur coram iudice & alii. Secundò, habentes indultum super hoc, modò non sint excommunicati aut specialiter interdicti, nec dederint causam interdicti, aliàs natus, etiam Clerici negatur interesse divinis. Et privilegium Clericorum, & huiusmodi super hoc indultum, favet eorum famulis & familiaribus ex more eos associantibus. Tertò Interesse possunt adjucores Missarum secluso dño & pueri ante vium rationis.

Queritur. Verùm privilegiati teneantur tempore interdicti audire Missam. Affirmat Sorus in 4. dist. 22. q. 3. a. 1. Quia præceptum obligat eos, qui licet possunt audire Missam. Sed oppositum non caret probabilitate quia nemo tenetur vii privilegio.

Dico 5to. Soli Clerici qui servaverunt interdictum, si aliàs non sint specialiter interdicti, possunt in cœmeterio in silentio, sine solemnitate, & campanis sepeliri, sed jam ut docet Armilla V. Interd. conceditur eis Ecclesiastica sepultura cum Missa & officio funeris, cum cautela tamen Capituli Alma Mater, hoc est submissa voce &c. Alii etiã, quibus ex privilegio conceditur interesse divinis possunt cum silentio in cœmeterio sepeliri. Aug. V. Interd. Infantes tamen ante vltimæ rationis decedentes Ecclesiasticâ sepulturâ privantur, hanc sententiam Fernandez dicit esse communem. Hæc procedunt de interdicto locali generali. Nam secundum Ludov. Abelly, laici, etiam personaliter interdicti, modò non sint denunciati, possunt in loco sacro non interdicto sepeliri.

Dico 6. Sequenribus diebus anni suspenditur effectus interdicti, & ex consequenti possunt celebrari divina acsi non esset interdictum, scilicet In Natali Domini. Paschate. Pentecoste & Assumptione B. V. exclusis excommunicatis non toleratis, & admissis interdictis, etiam eis qui dederunt causam interdicto, modò propius non accedant ad altare. Idem conceditur pro festo Corporis Christi & Octava. Idem, pro festo Conceptionis & Octava. Et intelliguntur ista de interdicto generali. Nam in Ecclesia specialiter interdicta non licet divina celebrare etiam secretè. Religiosi etiam in suis festis suspendunt interdictum per sua privilegia. de quibus V. Dela Cruz de statu Relig. l. 1. c. 7. d. 2.

Queritur. Quàm diu durat suspensio interdicti?

R. Secundum Sylv. & alios à primis vespers vsque ad completorium sequentis diei inclusivè.

Queritur iterùm, an liceat tempore suspensionis interdicti mortuos sepelire? R. Negant communiter, D. Antoninus affirmat, quod est benignius & æquitati conformius. Cætera tamen non fiant nisi aliàs tempore interdicti liceant.

Dico 7. Tempore interdicti localis omnis actus maioribus Ordinibus deputatus & solemniter factus est sub peccato mortali prohibitus. Insuper incurritur irregularitas. Talis actus est cantare Epistolam cum manipulo, cantare Evangelium cum

*stola &c.* Idem dic de personaliter interdicto exercente hos actus solemniter. Celebrans etiam in interdicto sine cautela Capituli *Alma Mater*. fit irregularis, secundum Couatr. & alios de interdicto. §. ..

Dico 8. Qui tempore interdicti confert Ordines etiam tantum primam tonsuram fit irregularis Sylu. & alij. Qui autem recipit. Subdiaconatum aut Diaconatum nisi in Missa Ordinum canter Epistolam aut Euangelium, non incurrit irregularitatem, quia nullum exercet actum Ordinibus proprium, sed se tantum passim habet. suscipiens tamen Sacerdotium fit irregularis, cum celebret & consecreret cum Episcopo tunc & cooperetur ei exercendo actum sacro Ordini deputatum, & sic Episcopus. fit irregularis.

Dico 9. Sacramenta vetita in interdicto sunt Ordo nisi urgeret gravis penuria Sacerdotum. Extrema unctio, nisi in articulo mortis, nec poenitentia neque Eucharistia haberi potest. Item Eucharistia. Quia in articulo vel periculo mortis conceditur, ut est difficilis partus, navigatio &c. Matrimonium, sine benedictionibus tamen ut refert Oratou. Confirmatio & Baptismus non sunt vetita. poenitentia etiam non potest omnibus ministrari, exceptis ijs, qui dederunt causam, auxilium, consilium aut fauorem delicto interdicti. Quod intellige nisi satisfaciant, aut nisi quantum est de se curent, ut satis fiat.

Dico 10. Hæc sacra licent tempore interdicti, scilicet pulsatio ad salutationem Anglicam. Concionem Reliquias ostendendas. Eucharistiam dum deferretur ad infirmum. Gabriel à S. Vinc. V. Interd. Item licet mensæ benedictio. Oratio priuatum facta in Ecclesia, etiam si fiat ab ipsis interdictis. Cantus rerum sacrarum factus à Laicis etiam in Ecclesia. Responsorium priuatum, etiam super sepulturam defuncti. Fernand. quoad omnes partes cum communi.

Dico 11. Assistent principaliter in interdicto, celebrationi horarum sine cautela Capituli *Alma Mater*, & qui officiat principaliter. ut hebdomadarius &c. sunt irregulares, secus de alijs, etiam Clericis non sic autoritativè assistantibus, etsi cum alijs cantent, etiam Epistolam aut Euangelium sine solemnitate. Sylu. V. Interd. in interdicto etiam priuatâ autoritate pulsât campanas, aperit januas, ut autoritatem præbeat diuinorum celebrationum, fit irregularis. Secus si hæc faciat sine tali intentione. Quod si postea omittat exercitium ordinis sacri non fit irregularis.

Dico 12. Laicus assilens Diuinis si sit specialiter interdictus peccat mortaliter, non verò si solus locus sit interdictus. Sylu. Castr. V. Interd. Cum lex de seruando interdicto solis Clericis directè ponatur. Nisi alias laicus vim faciat vel contemnat.

Dico 13. Violator interdicti ut supra, suspenditur ab officio, beneficio, & iurisdictione. Est intelligibilis & impossibilis ad Prælaturam. Si est Religiosus præter suspensionem & irregularitatem excommunicatur. Vide excommunicationem inter non reservatam. Item violator interdicti potest priuari in perpetuum officio. Præterea beneficio Ecclesiastico.



His adde Interdicti ingressum Ecclesiæ illi, donec satis faciat qui celebrat vel celebrare facit scienter in locis interdictis, aut admittit publice excommunicatos, vel interdictos ad officia diuina. Sacramenta aut sepulturam. hoc interdictum secundum omnes partes est contra præsumentes.

Dico 14. Persona specialiter interdicta potest absolui ab eo, qui eam interdixit, à successore, aut superiore, aut ab alio ex horum commissione. Immo talis Persona cessante contumacia & satisfacta parte potest absolui à Confessore approbato virtute subilzi aut alterius similis indulti juxta dicta d. 9. conc. 8. D. xi. specialiter, &c. nam ab interdicto iuris personali non denunciato quivis approbatus absoluit.

## DISTINCTIO XIX.

### De Cessatione à Divinis.

**N**Ota. Cessationem reduci ad Interdictum. Eam definit Gabriel à S. Vicenti in sua Summa V. Cessatio. Est simplex prohibitio, quâ ministri Ecclesiæ prohibentur persolvere diuina officia, ministrare aliqua Sacramenta, & sepelire laicos in loco sacro. Duobus modis fieri potest. *primo* Generaliter, v. g. quando cessatur in vno regno. vel provincia vel ciuitate vel oppido. *Alio modo* specialiter v. g. quando in vna vel pluribus Ecclesijs cessatur. Differt ab Interdicto quia cessatio non est censura vt docet Opat. cum non ponatur in pœnam sed in signum grauissimi mœoris ab Ecclesia concepti propter grauissimam injuriam. 2dò in transgressione interdicti tam generalis quàm specialis incurritur irregularitas, non incurritur vero in transgressione cessationis tam generalis quàm particularis, cum hæc pœna non exprimatur in jure. Item cessatio non statuitur in jure, secus interdictum.

Dico 1. Qui habet priuilegium audiendi sacrum tempore, interdicti non potest ex vi talis priuilegij audire sacrum tempore cessationis, quia interdictum & cessatio continentur esse distincta. Pariter ex vi priuilegij audiendi sacrum tempore cessationis generalis, nequit audiri sacrum tempore cessationis specialis. Nam exceptio firmat regulam in oppositum & ideo qui talem facultatem concessit ad vnam, manifestè ostendit illam negare ad aliam cessationem. Tandem habens priuilegium audiendi sacrum tempore cessationis, non potest ex vi huius priuilegij suscipere Eucharistiam. Fernan. vel sacrificare, si sit Sacerdos, vt docet Calder. apud Fern.

Dico 2. Licet tempore cessationis semel celebrare in hebdomada pro renouanda Eucharistia. Non tamen licet alias celebrare cum cautela Capituli Alma Mater, vt aliquoties resolutum fuit Salmantice. quia si Bonifacius suam concessionem extendere voluisset, id fecisset. Oppositum docet D. Antonin. Pal sylu & Gabriel à S. Vine. solis ergo Episcopis conceditur tunc celebrare, & Religiosis juxta sua

juxta sua privilegia, Imò nec horas Canonicas dicere possunt bini secluso pri-  
uilegio, sed seorsum & submissa voce.

Dico 3. Cessatio à diuinis suspenditur in festis in quibus suspenditur in-  
terdictum de jure Ita fertur practicum Salmanticæ 1584. in festo Corporis  
Christi. Nam etsi in jure solum fiat mentio de suspensione interdicti generalis  
pro illis festis, piè creditur Papam idem voluisse concedere in cessatione ob re-  
uerentiam tantarum festiuitatum.

Dico 4. Hæc Sacramenta permittuntur tempore cessationis. scilicet Ba-  
ptismus etiam pro adultis cum solemnitate. Confirmatio. Pœnitentia etiam pro-  
fanis. Eucharistia pro solis infirmis, ad quos poterit deferri tolemniter sed non  
recitentur officia diuina. Matrimonium sine benedictionibus, quia inter diuina  
officia computantur. Med in sum §. 14. ex resolutione DD. S. Imaicensium.

Dico 5. Cessationis edictum pertinet ad solum episcopum, & ad Capitulum  
sede vacante, & tunc ad cessationis edictum debent omnes Canonici conuenire  
sicut ad electionem. Debet tamen interuenire grauis causa Talis erit, grauis injuria  
contra Ecclesiam cum contumacia; v. g. si sacerdos vel Ecclesiastica persona de-  
tineatur in carcere per Iudicem sæcularem, si impediatur redditus Ecclesiastici.  
Si fiant statuta contra libertatem Ecclesiasticam.

Dico vltimò. Religiosi violantes cessationem generalem excommunicantur.  
addit Fern de violatione cessationis specialis, nihil statui à jure. nec Clerici,  
nec Religiosi, violando cessationem sunt irregulares, cum nihil tale in jure ex-  
primatur. Quod intellige quando ponitur sola cessatio. nam si cum illa ponitur  
interdictum, tunc pro hac parte violator incurreret irregularitatem, & alias pœnas  
dictas.

Quæritur quid de sepultura tempore cessationis?

¶ Sepultura potest dari Clericis in loco sacro sine diuinis tamen officiis. Imò  
probabile, laicos posse tempore cessationis sepeliri in loco sacro sine diuinis tamen  
officiis, licet priuilegium habeant sepulturæ tempore interdicti, vide Bonac.

## DISTINCTIO XX.

### *De Irregularitate in Communi.*

Nota. Irregularitas est impedimentum jure Canonico introductum ad susci-  
piendos aut exercendos Ecclesiasticos Ordines. Ex quo patet inhabilitatem,  
quam habet ex jure Diuino mulier ad recipiendos Ordines, non esse propriè ir-  
regularitatem. Item ex hoc patet irregularitatem non incurrì nisi in casibus à  
jure expressis. Duplex est Irregularitas, vna ex defectu, altera ex delicto. vel  
ut alij loquuntur. vna est purè pœna, alia est significationis. Irregularitas ex de-  
fectu Est multiplex scilicet ex defectu corporis ex defectu animæ, ex defectu  
Sacramenti, ex defectu lenitatis, qualis est ex homicidio aut mutilatione. Ad  
irregularitatem ex defectu corporis. reducitur, quæ est ex defectu natalium, ori-  
ginis, bonæ famæ &c.

Dico 1. Irregularitas ex defectu non semper indiget dispensatione, sed sæpe tollitur ablato defectu, v. g. habet quis infirmitatem quæ notabile generat scandalum in celebrando, hæc quàm primò cessat, tollitur impedimentum sine dispensatione. Verùm Irregularitas ex delicto manet semper donec dispenseur.

Dico 2. In dubio non debet censi quis irregularis, siue sit dubium juris, siue facti. Itaq; dubitans an sit legitimus, censi debet legitimus in vtroq; foro. Henric; Lib 14. c. 3. n. 4. In dubio tamen homicidij debet censi quis i regularis Sic determinatur in C. ad audientiam, de homicidio. Hoc tamen non debet extendi ad mutilationem, nec ad homicidium iustum, quia jus tantum loquitur de dubio homicidij prohibiti, & odia sunt restringenda, Sanchez in Summ. tomo 1. Li. 1 c. 10. n. 49.

Dico 3. Irregularis non est capax beneficij. Quare si irregularis licet occultus obtineat beneficium non fit dominus ejus quare obtenta super irregularitate dispensatione, eget noua collatione ad beneficium, vt solet doceri contra Sylu. V. Excomm. nisi fortè ignarus irregularitatis beneficium obtinuisset, secundum Ludouicum Lopez parte 2. c. 22. Attamen si jam beneficiatus sit irregularis, non hoc ipso est priuatus beneficio ante sententiam. Immo talis si est occultus, pro vitando tali damno personæ, honoris: &c. potest celebrare dum non habet tempus petendi dispensationem.

## DISTINCTIO XXI.

### *De Irregularitate ex defectu corporis.*

Dico 1. Irregularitatem ex defectu corporis inducit omnis defectus siue in membro, siue in parte membri, qui infert inhabilitatem hoc est qui impedit ministerium Ordinis, aut inducit notabilem deformitatem, aut generat scandalum & abominationem. Si tamen ante hos defectus es ordinatus, solum sis irregularis ad ea officia: ad quæ es inhabilis. Hinc monoculus, leprosus & similes, sunt irregulares. Et idem de eo, qui non potest bibere vinum sine periculo vomitus: hic enim durante hoc periculo nequit ordinari. Quod si talis est Sacerdos, potest alia, præter celebrationem Missæ exercere.

Dico 2. Quando defectus sunt occulti, quia scilicet ex ijs non oritur deformitas, neq; scandalum, nulla inducitur irregularitas. Vnde qui in pedibus caret pollice, aut digitos haberet deformes, non esset irregularis, sicut nec ille, qui sine sua culpa careret virilibus. Immo non omnes defectus manifesti inducunt irregularitatem, gibbosus enim, claudus, qui sine baculo celebrare potest, item carens visu oculi dexteri, immo vel sinistri, secundum dela Cruz & alios, dummodo sine indecora & nimia faciei conuersione canonem legat ordinari potest. Carens tamen visu alicujus oculi, oculo carere non debet, alias virore monoculus esset irregularis.

Dico 3. Abscessio membri, quæ ex culpa est, inducit irregularitatem, etiam in co-



in eo casu, quando defectus si ex culpa non esset non inferret irregularitatem. Vnde qui sibi virilia amputauit, aut castrauit etiam zelo castitatis, licet hoc occulte fecerit, irregularis est. Et idem de eo, cui abscissa sunt virilia ob culpam, vt si iussit, aut à Iudice in poenam delicti. Similiter qui partem digiti sibi ex malicia amputauit, irregularis est, etiamsi sit talis digitus. cuius defectus, nisi ex culpa esset, non faceret irregularem. Tandem qui membrum occultum v. g. digitum pedis ex malicia sibi abscindit irregularitatem incurrit: Ad inducendam tamen huiusmodi irregularitatem necesse est vt abscissio ex culpa sit publica, ut docet Anchar. cum alijs apud Fernan. in presenti.

Aduerte. Absq; irregularitatis nota licet sibi amputare sextum digitum ad vitandam deformitatem, quia hic non est membrum, sed superfluitas naturæ.

Dico 4. Hermaphroditus in quo magis viget sexus fœmineus ordinari nequit, quia sicut fœmina, est incapax characteris. Si verò in eo æquè viget vterq; sexus, quantum ad Ordines pro fœmina reputari debet, secundum Card. Turrec. & alios apud Fernan. Si vero in eo, magis viget sexus virilis, licet characteris sit eapax irregularis tamen est propter deformitatem monstruositatis, quæ licet sensibus non pateat, tamen cogitationi semper occurrit. Ita Sylu. & alij. V. dicta de Euch. de corpore vitiatis.

## D I S T I N C T I O XXII.

## De Irregularitate ex defectu natalium, originis, &amp; bonæ fœmæ

Dico 1. Illegitimus siue manifestus, siue occultus. propter dignitatem Ordinis, aut irregularis. & inhabilis ad dignitates & beneficia, Genitus tamen ex Parentibus non habentibus impedimentum dirimens Matrimonium, quando eum genuerunt, legitimatur per sequens Matrimonium. & fit etiam ad Episcopatum habilis. Quòd si Parentes habebant impedimentum dirimens Matrimonium. non legitimatur filius per sequens Matrimonium celebratum cum dispensatione nisi alias nascatur post dispensationem etiamsi sit conceptus ante illam. V. Sylu.

Dico 2. Natus ex coniugibus tantum externè putatis coniugibus est legitimus, licet deinde per sententiam Iudicis separentur. Immo est censendus, legitimus, natus post litem contestatam, sed non iudicatam, modò sit bona fides in utroq; coniuge, aut saltem in vno. Panorm. apud Fern. in presenti.

Quæritur. Vtrum natus ex vero Matrimonio possit esse in aliquo casu illegitimus. R. Quòd sic. v. g. Natus ex coniugibus post quam vnus eorum factus Presbyter aliter vouit continentiam.

Dico 3. Irregularis ex defectu originis est seruus seu mancipium. Seruus verò intelligitur natus ex serua. Omnes serui manent liberi quauis viâ ordinentur, siue dominus consentiat, siue repugnet, docet Fern. & alij.

Dico 4. Si Episcopus, Præsentator, & testes nouerant seruitutem Ordinati, & contradictionem Domini. satisfaciunt Domino. si verò prædictos seruus fecerit, ipse satisfaciatur. vel si non habet, seruiatur domino in diuinis & spiritualibus, aut honestis conuenientibus Sacerdoti V. Opat. de Pœn. d. 17. q. 3 de Irreg. ex defectu corporis.

Dico 5. Irregulares ex defectu ætatis sunt hi. Ad primam quidem consuetudinem & tres Minores, non habentes septennium completum. Ad Acolithatum non habentes duodecimum annum completum. Ad Subdiaconatum non habentes vigesimum secundum. ad Diaconatum ætatem, ad sacerdotium ætatem annum inchoatum. Tandem ad Episcopatum trigessimum completum.

Dico 6. Qui ante legitimam ætatem ordinatur, suspenditur vsq; ad legitimam ætatem, quâ superueniente, non cessat suspensio per nouum ius Extrauag. l. iii. 11. Quæ Extrauagins comprehendit solos præsumentes non ignorantis ætatis defectum.

Quæritur. Quâ pœnâ puniatur Episcopus ordinans ante legitimam ætatem? S. Suspensionis non tamen secundum Butreum apud Fernan. est ipso facto suspensus sed suspendendus.

Dico 7. Irregulares ex defectu famæ sunt infames, siue sint infames infamiæ iuris, siue infamiæ facti. Infamiæ iuris tunc est, quando exercetur aliquid cui per leges aut canones annexa infamia. Facti tunc est, quando committitur delictum graue & notorium, propter quod apud graues & bonos viros malè auditur.

Aduerte. Sodomitam occultum non esse irregularem cum nec infamiæ iuris, ut probat dela Cruz, nec infamiæ facti, vt potè occultus, laboret.

## DISTINCTIO XXIII.

### *De Irregularitate ex defectu animæ.*

**N**Ota Irregulares ex defectu animæ, sunt dæmoniacy infani, furiosi, morbo caduco laborantes, secundum Gelasium. Item Hæretici. Neophiti, illiterati, &c.

Dico 1. Dæmoniacy, siue vt appellant energumeny, seu arrepticij. si non sunt promoti nunquam sunt promouendi, licet semel tantum vexati ad pristinam redierint libertatem. Si verò jam promoti ad inferiores Ordines incipiunt vexari, etiam omnino liberati, ad maiores non ascendant. Si verò jam promoti ad superiores Ordines arripiuntur, & postea liberantur, expectandum tempus ad probandam perfectam libertatem, quâ probatâ possunt ministrare altari. Probatio autem spectato tempore committitur arbitrio prudentum vt dicemus de laborante morbo caduco.

Dixi. & postea liberantur. Nam obf. ssis à dæmone nunquam potest concedi vt celebrent Missam.

Dico 2. Morbo caduco laborantes, seu epileptici, si non sunt promoti, nunquam.

quam sunt promouendi, licet sanentur. Promoti verò ad inferiores Ordines, & deinde in morbum caducum cadentes, ad superiores non ascendant. Quòd si jam promoti ad superiores Ordines incipiunt tali modo vexari, non permittantur ministrare, nisi sanentur, quod spectato tempore, iudicio prudentum relinquatur vt docet Sylu. V. Corpore viciatus & alij.

Dico 3. Rarò cadens in morbum caducum, si hoc ei accidat cum vocis amissione, & spumæ iactatione, prohibetur altari altare. Secus dicendum si rarò laborat & insuper si cadit, cadit blandè, & sine spumatione, tunc enim permittitur celebrare. sed cum socio parato sacrificium peragere; si forte inchoata consecratione morbo arripiatur. non autem ante, vt docet Opat. de Euch. d. 11. q. 6. Dicta in his tribus conclusionibus reperies tum in iure; tum in autoribus. Et applica ad amentem qui est talis ex causa permanenti, & furiosum &c.

Dico 4. Neophyti id est recenter ad fidem conuersi sunt irregulares ex defectu animæ, irregulares it quàm ad maiores Ordines, non ad minores secundum Turrettin & alios. si tamen per longum tempus probatur eorum fides & amor erga Ecclesiam, sunt capaces maiorum Ordinum Longum autem tempus appellatur decem annorum secundum Nauar. & alios.

Dico 5 Ignarus omnino literarum est irregularis. Vndè in Conc. Trid. statuitur pro ordinandis primà tonsura vt sciant legere & scribere. pro quatuor minoribus vt intelligant linguam latinam. pro Sacerdote petitur scientia, vt sciatur instruere populū in necessarijs ad salutem, & Sacramenta ministrare præter Pœnitentiam. Et ratio, quia in eodem Conc. statuitur, vt Sacerdos ab Ordinario per examen ad Confessiones audiendas approbetur, quod non esset necessarium, si dum in Sacerdote ordinatur sufficiens esse deberet pro ministrando Sacramento Pœnitentiæ. Quæritur Pro Diacono & Subdiacono quanta scientiâ requiratur? & tanta vt valeat ad suum Ordinē spectantia exercere, & sciat doctrinam Christianam, qualis in Catechismo Romano, & similibus traditur.

## DISTINCTIO XXIV.

### De Irregularitate ex defectu Sacramenti.

**N**ota Bigamus ex defectu Sacramenti est irregularis quia in eo deficit significatio Matrimonij Christi cum vna sponsa Ecclesia. Triplex autem est Bigamia vera, interpretatiua & similitudinaria vera est, cūm reuera intervenerint multæ nuptiæ. Interpretatiua est, cūm quis contraxit cum Vidua aut corrupta, aut cognovit uxorem, quæ post matrimonium commisit adulterium. Similitudinaria est, cūm quis post votum solemne castitatis contraxit cum aliqua, vt Religiosa aut sacris initiatus. vel cūm quis vivente adhuc propria uxore contraxit cum aliqua. Aliqui dicunt hunc secundum casum pertinere ad interpretatiuam.

Dico 1. Est bigamus & irregularis qui plures successivè duxit uxores legitimas, siue vnam



sive vnam ante baptismum, alteram post, sive vtramq; ante baptismum. Ad quam speciem bigamiae requiritur, ut cum vtraq; sit copula carnalis. Item est bigamus & irregularis, qui contraxit cum vidua iam cognita à primo marito, & eam cognovit carnaliter quamquam viduam duxerit ante baptismum. Item est bigamus & Irregularis, qui duxit & cognovit corruptam ab alio. Hæc refert Fern. ex canonibus. Hæc vltima irregularitas contrahitur, licet maritus ignorauerit vxorem corruptam ab alio, pro qua parte solet referri communis sententia. Dixi ab alio. Num duceas corruptam à se, non efficitur irregularis ex mente D. Th.

Dico 2. Cognoscens vxorem post adulterium eius, etiam occultum incurrit irregularitatem bigamiae. Imò incurrit licet cognoscat vxorem infamis adulterij quia irregularitas ex defectu incurritur etiam ab ignorante. Plus ad idendum ex S. Th. id verum esse, quamuis maritus censuris coactus vxorem adulteram cognouerit.

Dico 3. Qui bis contraxit & consummauit, sive vnum Matrimonium fuerit validum alterum inualidum, sive vtrumq; inualidum, est bigamus & irregularis Ita S. Th. in Supp. q. 66. a. 1. Sicut & qui nulliter contraxit cum vidua aut corrupta & consummauit. quam sententiam Toletus dicit esse communem. Aliqui tamen dicunt Matrimonium inualidum, sicut & fictum non causare irregularitatem, licet in casu Matrimonij inualidi eadem ratio currat, ac in casu Matrimonij validi, vtrobiq; enim deficit significatio Matrimonij Christi cum Ecclesia. Quia in legibus pœnalibus non fit extensio de casu ad casum propter paritatem rationis, ut Port. & alij 3. hoc verum esse in pœnalibus, non fieri extensionem de casu ad casum in iure expresse non contentum, licet eadem militet ratio, nisi ex intentione legislatoris aliud colligatur, quod tunc maximè fit quando legislator vnam adæquatam habet rationem, quæ in alijs casibus & Personis eodem modo procedit, ut in præfenti, benè considerando patet. V. Lezanam in Summa, V. Leges Regularium n. 42.

## DISTINCTIO XXV.

### *De Irregularitate ex homicidio & mutilatione iusta.*

**N**Ota. 1. Nomine homicidij intelligitur priuatio vitæ corporalis humanæ. Nomine mutilationis abscissio membri, aut partis membri humani, Est autem membrum pars corporis à natura destinata ad operationem ab alijs distinctam v.g. pes, manus, lingua, &c. Hinc digitus non est membrum sed pars membri secundum maiorem partem Canonistarum. Idem multi dicunt de auricula. An verò mamilla mulieris sit membrum affirmat Binnæz contra Couarr. & benè, nam competit ei definitio membri superius data, idem docet Caiet. contra Nau. de testiculis etiam sine parte genitali.

**N**Ota 2. Duobus modis potest quis defendere vitam occidendo vel mutilando.

lando. Primò cum moderamine inculpatae tutelae, hoc est quando nulla alia ratione potest mortem aut mutilationem evitare, quam occidendo vel mutilando: Secundò potest quis defendere vitam non servato moderamine inculpatae tutelae, hoc est quando potest effugere manus invasoris & non facit, sed occidit aut mutilat.

Dico 1. Non fit irregularis, furiosus, infans, alterum occidendo aut mutilando, & qui cum moderamine inculpatae tutelae occidit aut mutilat, licet sit persona Ecclesiastica. Oppositum quidem docuit S. Thom. in additionibus q. 39. art. 4. conformando se pro tunc juri Canonico, quod tamen per Clementinam revocatum. V. verò dans operam rei illicitae, v. g. deprehensus cum aliena uxore & occidens, servato moderamine inculpatae tutelae, maritum, fit irregularis, affirmat cōnunter Canonistae, universaliter docentes, qui dat operam rei illicitae ex qua sequitur mors, fit irregularis. negat Sylu. Arm. & multi ex Theologis.

Dico 2. Qui potuit sine periculo honoris aut alterius rei fugere & non fugit, sed occidit in sui defensionem, fit irregularis. Sic Sylu. & alij. Secus dicendum si fugiendo graviter in honore aut aliter v. g. in suis rebus notabiliter, loqueretur. Nam non tenetur uti fugā in suum grave damnum. Ecclesiasticus tamen, qui potuit per fugam vitae consulere, cum teneat ut Christi humilitatem imitari ratione status, nec ei fuga cedit in dedecus, sed in honorem ob imitationem Christi, manet irregularis, & quidem ex delicto.

Dico 3. Non fit irregularis, qui pro vitanda sui membri mutilatione alterum cum moderamine occidit. Est contra Fern. sic tamen tenet Sylu. & alij. Nam quoad hoc aequipollent mors & mutilatio, cum ex abscissione membri aliquando mors sequatur. Secus dicendum est, si pro vitando alio malo, v. g. pro divitijs, quis fugientem cum eis, sagittā vel alio instrumento occidat. nam quantum ad hoc ius antiquum manet in suo robore.

Dico 4. Non fit irregularis, qui alios convocat, ut eum defendant, si alij occidant eius invasorem. pro hac citatur communis sententia. Nam sicut ipse per se tunc, ita cum aliorum auxilio potest invasorem occidere, sine eo quod incurrat irregularitatem.

Dico 5. Qui proximum licitè defendendo, occidit aut mutilat invasorem non fit irregularis. Quae conclusio subsistit, si ex praecepto defendat alterum, aut Rempublicam. Et adhuc magis conclusio subsistit si talis defensor sit sacris Ordinibus initiatus. Dixi. Si ex praecepto. nam qui liberè defendit, ut milites, qui liberè nomen militiae dederunt, ab irregularitate non liberatur. Oppositum conclusionis, licet patria defendatur, est communius. nam dum antiquum jus circa irregularitatem revocatur, de eo qui alterum defendit, nihil disponitur. Refert tamen Peirinis apud Lezanam V. Irregu. declaratum esse à Sacra Cong. homicidium factum in defensionem Patrii (addit ille ex D. Ant. seu praelati) non causare Irregularitatem.

Dico 6. Probabile est, qui alterum occidit in defensionem propriorum bonorum

bonorum, quando ea sunt valde necessaria ad vitam nec facile possunt recuperari, non incurrit irregularitatem. Ita Lezana citans aliquos Oppositum sententia de la Cruz & Fern cum alijs. Sed nostra Cene. videtur conformis Clementinae, si furiosus. Cum enim predicta bona sint valde necessaria ad vitam ut suppono, tunc homo non operatur sponte sed coactus ad defensionem suae innocentiae. Quod si propria bona non essent in notabili gradu necessitatis, occidens al quem defendendo ea, esset irregularis. ut patet ex Cone. 3. & quidem ex delicto, si non licite occideret V. l. 1. d. 21. Conc. 2.

Aduerte Conclusionem non procedere in Ecclesiasticis & Religiosis, isti enim potius debent iacturam bonorum pati, quam occidere, & facius est imitando Christum confusionem pati ut dixi conc. 2da, item post tunicam relinquere pallium, quam pro rebus transitorijs tam acriter in proximum exardescere, Ita Toller. in Summa L. 5. ex Panormitano.

Dico 7mo Qui est causa proxima physica vel moralis, etiam iusta occisionis (exceptis casibus supra dictis) incurrit irregularitatem. Est communis Theologorum & Canonistarum. Hinc carnifex iuste suspendens furem. Iudex, testes, accusator & eius advocatus, scribens sententiam mortis, notificans eam reo cum auctoritate, ferens reum, non ad locum ubi legenda sententia, sed ad locum supplicij, sunt irregulares.

Dico 8 Accelerans mortem vel mutilationem verbo seu facto est irregularis: Ita Comm. DD quod intelligi debet, quando acceleratio est notabilis. Quae autem sit talis relinquo iudicio boni & prudentis viri. Parua enim excusabilis est, prout eam excusant aliqui apud Lez. & Sotus. L. 5, de Iust. qu. 1. ar. 9. ridet scrupulum cuiusdam Confessarij qui reum ad supplicium comitans, quod asinum in quo vehebatur pupugisset, putabat se esse irregularem. Victoria etiam apud Cennium de subiecto Ordinis, excusat ab irregularitate eum, qui bona fide vertit infirmum. Item Sacerdos benedicens Carnifici gladium ad decolandum characteres habentem, non incurrit irregularitatem. cum utatur auxilio Divino, sicut & qui orat pro victoria. Ut acceleratores sint liberi ab irregularitate, impediant mortem quanto tempore accelerarunt. ut jam non sint causa accelerationis.

Dico 9. Astantes supplicio authoritative v. g. Notarius, Satelles, Custos damnati &c. incurrunt irregularitatem. Item vendens, dans preparans instrumenta ad hanc determinatam occisionem. Aliter dicendum si ab istis ignorantibus accipiantur haec instrumenta. Nam tunc isti non sunt causa proxima moralis occisionis. Idem sit iudicium de seruo ignoranter deferente in scriptis sententiam mortis. An vero deferens ligna ad comburendos homines viuos fiat irregularis licet ea non applicet, negat Med. sed communiter affirmant.

Quaeritur. Verum testis testificans in fauorem rei contra actorem, erga quem exigitur poena talionis, quae illi irrogata est cum morte vel mutilatione fiat irregularis? R. Negatiue. Nam quod actori mors inferatur, non intenditur à testis, sed sola defensio accusati. Idem dicendum de aduocato in tali casu, contra Fernandez;



Dico 10. Episcopi Abbates, & alij Prælâti Regulares, qui ratione jurisdictionis temporalis quam habent, creant iudices pro causa sanguinis, non sunt irregulares, tum quia remotè concurrunt ad occisionem, tum quia non dant iudici facultatem occidendi, sed leges id jubent. Quæ doctrina subsistit etiam si creent tales iudices pro casu particulari. Item, etiam præcipiant in genere, sub pœna depositionis, quod faciant iustitiam, dum modo illis non præcipiant ut reum aliquem in particulari occidant aut mutilent, nec auctorizent Sententiam aut eius executionem.

Dico 11. Tradentes reum curiæ seculari non sunt irregulares, etsi curia secularis reum morti condemnet. Tales enim mortis sententiam non pronunciant, nec exequuntur, sed seculari curiæ id munus relinquunt, ut ibi eius causa peragatur. V. Filliuc tract. 9. de Censuris, c. 9 q. 8. A fortiori idem dicendū de accusantibus contra reum brachio seculari tradendū. cum hi remotius concurrant.

Dico 12. Consultor in causa mortis vel mutilationis, quando consultat in casu particulari imminenti, ut si interrogetur à Iudice quid agendum cum tali malefactori & ille respondeat esse suspendendum, incurrit irregularitatem. Quod intellige si talis responsio influat in homicidium, prout continget, quando iudex non erat firmiter paratus ad damnandum reum.

Dico 13. Si quis dicat in genere talem malefactorem esse dignum morte secundum leges, non fit irregularis, quia illa responsio, solum est speculativa & in genere, non practica & in particulari. Idem fit iudicium, quando interrogatur de malefactore in particulari sed solum responder in genere malefactores huius generis esse afficiendos morte secundum leges. Cuius ratio ut supra, & quia sic dicens non suadet occisionem, sed solum ostendit rei veritatem. His ad te Theologum posse sine periculo irregularitatis consulere Principi, ut condat legem prohibentem certos excessus sub pœna mortis. Nam sic non est causa mortis, sed solum facit suum officium, & iurimat pœnitentibus. Hanc resolutionem & quatuor conclusiones immediatè positas deducit Lez, ex authoribus V. Irreg.

Dico 14. Accusans alterum, sine protestatione in civilibus, non fit irregularis, etsi accusatus ob aliud ad mortem damnatur. Et idem est si accuset de crimine non merente mortem aut mutilationem, sed iniuste ad eam damnatur. Dixi. in Civilibus. Nam denuntiatus alterum sine protestatione in causa sanguinis, si reus occiditur aut mutilatur, fit irregularis. Ita C. Cler. ne Cler. vel Monachus, & intelligitur etiam si interius nolit alterius mortem, sed solam suam satisfactionem. nam Ecclesia non iudicat de occultis. Sic Lud. Lopez cum Covar. apud dela Cruz.

Dico 15. Accusans in suam utilitatem protestando non intendere mortem, sed satisfactionem honoris aut divitiarum &c. non fit irregularis, etsi sequatur mors. Ita C. prælatis de homic. & licet protestatio fiat tantum verboreus, quia talis animus non pertinet ad forum externum, nec est causa mortis. Sic citati D.

Dico 16. Non fit irregularis, qui in fauorem alterius & maxime Reipublicæ accusat,

accusat, testificatur, aut patrocinatur contra alterum in causa sanguinis cum prædicta protestatione. Colligitur ex C. Accusasti &c. ubi à pena liberatur qui prope Reipublicæ cum tali protestatione alterum accusauit ad mortem.

Dico 17. Bellans in bello iusto si non occidit, aut mutilauit, non fit irregularis, etsi alij occiderint. Nam hoc non est causa homicidij directè ut patet, nec indirectè cum non teneatur à bello cessare. Nec fit irregularis exhortans in bello iusto, etiam in actuali conflictu, licet habeat in animo intentionem occisionis. Nam in C. Quicumq; &c. absolurè conceditur Clericis exhortari in bello iusto. Ergo siue in actuali conflictu, cum privilegium latè sit explicandum siue quouis animo id faciant, modo non expriment verbis dictum. animum non fiunt irregulares.

Dixi *in bello iusto*, nam in bello iniusto ex vnico vnus militis homicidio omnes milites sunt irregulares. Sic Hurt; cum comm. Quia omnes milites animantur ab inuicem, & concurrunt ut vna causa totalis. Konich tamen docet non omnes fieri irregulares, sed ad summum quinquaginta vel centum viciniores qui occidentem videre & animare potuerunt.

Dico 18. Sicut exhortans, ita & præbens in bello iusto instrumenta bellica etiam in actuali conflictu non fit irregularis. Ita Auila. quia par ratio de utroque. Limitat tamen dela Cruz. Si hoc fiat sine intentione occisionis aut mutilationis. Alias enim esset irregularis. Nec est idem de exhortante cum eadem intentione. Nam exhortatio non explicat exterius talem intentionem, sicut exhibitio armorum si talis intentio adsit. Dixi *in bello iusto*; nam exhortans, dans arma, aut alia instrumenta belli, industriam, fauorem, consilium, iniuste bellantibus fit irregularis, si sequitur mors aut mutilatio secundum communem Canonistarum.

Dico 19 Quoties Clericus non peccat bellando, maximè quando tenetur bellare pro defensione proximi aut Reipublicæ grauiter oppressæ, non fit irregularis, licet occidat aut mutilet: nam sine culpa non debet quis suo jure privari. Sed oppositum est cõmunius nisi defendendo Rempublicam simul defendat se ipsum. Sic Caiet. cum Bann.

Dico 20. Non solum qui occidit, sed & qui mutilat membrum est irregularis. patet ex jure. Nisi mutilatio fiat sanitatis gratiã. Vnde chirurgus non est irregularis, nisi suã culpã infirmus moriatur aut mutiletur. Hæc autem culpa debet esse mortalis, secundum Cornelio & Peirinis apud Lez V. Irreg.

Colligitur cum cartilago auris, hoc est exterior pars, item tres digiti etiam principales non sint propriè pars, ut patet ex notando horum abfisser non est irregularis. Dices, qui facit alium irregularem est irregularis. R. Hoc esse falsum. Nam debilitans aut aretaciens alterius membrum non est irregularis, licet debilitatus aut arefactus sit talis. Sic etiam licet carens auricula vel tribus digitis sit irregularis, non tamen illè qui amputauit.

Quær. pro complemento Conclusionis 12mæ & 13mæ. V. Confessarius denegans.

negans iudici absolutionem, cō quod non occidat reum, quem occidere tenetur, sit irregularis? R. quod non. Nam Confessarius in foro Pœnitentiæ se habet vt DEVS & actus iste est occultus in foro Ecclesiæ, & occultior actu interiore, per quem non incurritur irregularitas. cūm hæc sit pœna fori externi Ecclesiæ,

## DISTINCTIO XXVI.

## De Irregularitate ex homicidio &amp; mutilatione iniusta.

**N**ota 1. Per vulnerationem cum quacūq; sanguinis effusione vbi non est mors, nec mutilatio membri non inducitur irregularitas. Pariter qui membrum debilitat alterius sed non abscindit, licet reddat illud impotens ad suum actum non fit irregularis. Et ideo excæcans alium sed non eruens oculum homini mortuo abscindens membrum aliquod, sœtum nondum animatum occidens (animatur vero in maternis visceribus quadragesimo die si est mas, octuagesimo, si est sœmina) liber est ab irregularitate. Non enim separat membrum à corpore, qui solum modò alium excæcat, nec priuat vitā sensitiuā humanā, qui aut homini mortuo membrum aliquod abscindit, aut sœtum inanimatum enecat.

**N**ota 2. Homicidium casuale est, quod fit præter intentionem occidentis aut facientis id, vnde mors secuta. Et est duplex, aliud purè casuale, quod nec virtualiter & implicite est intentum. & hoc non causat irregularitatem, quia nullo modo est voluntariū. Aliud est quod saltem indirecte est intentū & volitum in sua causa, vt si sit in ea præuisum, aut formaliter seu explicitè, aut virtualiter seu implicite, inquantum poterat prævideri & precaueri & non est adhibita diligentia.

**N**ota 3. Non quæuis res illicita vnde sequitur mors censetur illicita ad causandam irregularitatem, sed ea solum quæ ex genere suo est periculosa homicidij, hoc est quæ ex se est connexa cum homicidio. Sic Sotus de Iust. Lib. 5. q. 1. art. 9. Quod intelligendum, si res illicita, cui datur opera, non immediatè causet mortem, si enim immediatè causat mortem, incurritur irregularitas, etiamsi non sit ex se periculosa homicidij.

**D**ico 1. Sequentes incurrunt irregularitatem ex homicidio seu mutilatione iniusta. *Primo* nuperans si suo imperio etiam tantum interpretatio seu implicito, sequatur mors aut mutilatio. Secus dicendum si alias, hoc est, non ex vi imperij, mors aut mutilatio sequeretur. *Secundo* Consulens aut exhortans. *Tertio* Non obstans, aut non impediens occisionem, si ex iustitia tenetur, & cūm posset negligenter omisit. Et sic prætor non defendendo Cuiem Medicus ex pacto medens infirmum cuius negligentia moritur infirmus sunt irregulares. Eodem modo, qui non impedit vindicantes iniuriam sibi factam, si sequitur mors aut mutilatio. Nam tunc tacere est consentire. Secus dicendum si non potuit impedire, aut monere occisum, vt se tutaret.

Dictum fuit, *si ex iustitia tenetur*. Nam obligatio ex misericordia non inducit



ducat irregularitatem. Hinc non patiens fauce pereuntem, liber est ab irregularitate, secundum D. Antoninum.

Aduerte 1. Qui ante peractum homicidium reuocauit mandatum, mandatarius tamen noluit acquiescere, sed occidit, mandans non est irregularis. Eodem modo si mandatarius occidit nomine proprio, non mandantis. Tandem secundum aliquos si mandatarius occidit post tempus à mandante præscriptum.

Aduerte 2. Discrimen esse inter mandantem & cōsulentem. nam non sufficit reuocare consilium ad euitandam irregularitatem, si consiliarius ex vi consilij occidit. Inn. C. ad audient. de homic. communiter receptus. Alij hoc discrimen non agnoscunt. & dicunt sufficere reuocare consilium alio consilio. Imò secundum Sayrum, putans sufficere retractationem, liber est ab irregularitate, licet alter occidat.

Q. V. Ratum habens homicidium nomine suo factum incurrat irregularitatem? R. Syluester, Rosella & alij affirmatiue contra Tab. & Arm quia in delictis rati habitio mandato æquiparatur. Debet autem tale homicidium fieri tempore quo ipse ratum habens posset illud facere, vt notat Panorm.

Dico 2. Qui ex iustitia largè dicta tenetur alterum defendere & non facit non sit irregularis, ita M. Bannez. Et sic filius, qui ex iustitia largè dicta seu ex pietate tenetur Patrem defendere, non sit irregularis, & idem de Patre non defendente filium.

Dices Clerici in C. quæsitum de pœnit. declarantur irregulares ex oppressione filiorum, si illam procurant, aut studiosam negligentiam adhibent. Ergo idem in nostro casu. R. in his quæ pendent à lege humana non debet fieri extensio de casu ad casum propter paritatem rationis in odiosis. odiosa enim potius sunt contractanda, quàm extendenda.

Dico 3. Qui impedit alterum ne defendat proximum, si ex hoc sequitur mors aut mutilatio, sit irregularis. & intelligitur de impediente etiam tantum. consulendo, obligatum ex iustitia defendere. & de impediente vi aut dolo eum, qui ex sola charitate defendere tenebatur. nam in utroq; casu impeditor peccat contra iustitiam. Excipe, nisi quando amicus amicū hortatur, ne alterum defendat, non malo animo, sed ne periclitetur.

Dico 4. Quando multi vulnerant alterum & moritur, omnes fiunt irregulares. Si tamen aliquis non inflixit vulnus lethale, non sit irregularis, nam ex sua actione non est securum homicidium. Nisi talis conspiraret cum alijs occisoribus. Pariter, si primum vulnus fuit lethale & certò patet non ex eo mortuum, sed ex alijs postea inflictis, percuissor liber euadit ab irregularitate, nam ad irregularitatem requiritur occisio cum effectu. Quod si dubium ex quo vulnerare obierit, omnes vulneratores sunt irregulares vt patet ex C. significasti de homicidio. Et idem si dubietur de vulnere an fuerit lethale. Lop. cum alijs & patet ex Conc. 2. dist. 10.

Dico 5. Probabile est, qui dat operam rei illicitæ alias periculosa homicidij,

non fit irregularis, si sequitur mors, aut mutilatio si posuit diligentiam aut cederet ne sequatur. Ita aliqui apud dela Cruz. Nam tale homicidium non est per se & directè volitum, ut patet, nec indirectè, cum nec virtualiter fuerit intentum nec pravius in negligentia considerandi, adhibita enim fuit, ut suppono diligentia, ne sit periculum mortis.

Communius est, scilicet quod qui dat operam rei illicitæ alias periculosa homicidij fiat irregularis, si sequatur mors aut mutilatio, etiam si posuerit diligentiam ne sequatur. Vnde secundum Cap. nos de homic. manet irregularis Clericus in Maioribus, vel in Minoribus, habens beneficium, chirurgiam exercens, si quem incidit aut adussit ita ut ex ea incisione vel adustione mors secuta sit, licet ex incuria infirmi, quia dabit operam rei illicitæ. Clerico enim interdicitur usus chirurgiæ. Aliqui dictum Cap. intelligunt, si Clericus temerè se immisceat. Item manet irregularis, qui tenellum infantem in lecto secum collocat, & dormiens opprimit. cum hoc prohibitum sit, nisi hoc cogat paupertas. & tunc adhibenda est diligentia, quæ si deest, & infans opprimitur incurritur irregularitas.

Dico 6. In omnium sententia qui dat operam rei illicitæ, & periculosa homicidij aut mutilationis, si omisa sufficienti diligentia sequatur mors &c. incurritur irregularitas. Vnde qui serviens infirmo dat ei vetita à Medico, ex quo moritur aut mors acceleratur, fit irregularis. Secus si det non vetita à Medico, putans profutura. Nisi ita sit negligens, quod cum posset advertere an noceant, & non advertit. Nam si ex hoc certum sit mortem secutam, fit irregularis. Quod si non sit certum non putet ex hoc mortem secutam. D. Anton. 3. p. r. 28. c. 2.

Dico 7. Qui dat operam rei illicitæ, periculosa tamen homicidij aut mutilationis, si omisa sufficienti diligentia sequitur mors aut mutilatio, fit irregularis. S. Th. 2. 2. q. 64. a. 8.

Quod intelligitur nisi aliàs habeatur jus ad illam rem licitam, aut quia ex præcepto obligatio est ad illam, aut ex illa sequitur pia utilitas seu iusta necessitas. Vnde Medicus applicans medicinam per se curativam morbi & per accidens causativam abortus, non fit irregularis. dela Cruz. Nam in hoc & similibus mors non est intenta directè & ex intentione ut patet, nec indirectè, cum non teneamur tunc vitare causam per accidens.

Advertere ut in dictis casibus ob negligentiam incurratur irregularitas, requiritur negligentia mortalis ut docet Sorus & Bann. quia irregularitas est poena durissima. Quare in dictis casibus ignorantia aut inadvertentia excusans negligentiam à mortali, excusat etiam irregularitate.

## DISTINCTIO XXVII.

### De Irregularitate proveniente ex delicto.

**N**Ota. Hæc irregularitas est quædam poena, quia præsupponit culpam, & quidem, cum sit sat gravis, mortalem. Provenit autem ex multiplici capite.

pit. Scilicet ex delicto causante infamiam, delicto inducente poenitentiam publicam, ex iteratione baptismi, indebita susceptione Ordinum, exercitio Ordinum tempore censuræ, exercitio Ordinis qui non habetur, ex delicto hæresis, & tandem ex homicidio vel mutilatione iniusta de qua iam dist. 26. egimus. Sic dividit Lezana irregularitatem ex delicto.

Dico 1. Qui scienter bis aut pluries baptismum recepit irregularis est, Item qui baptizatus ab hæretico, in adulta ætate, secus in ætate infantili ante usum rationis. Lezana cum Corneio excusat adultos baptizatos ab hereticis, si ex ignorantia aut necessitate hoc faciant.

Dico 2. Rebaptizans secundum communem sententiam, est irregularis, etsi ex ignorantia, culpabili tamen rebaptizet, quod etiam procedit de rebaptizato ex eadem ignorantia. Sed qui rebaptizat scienter sub cōditione tamen, peccat quidem mortaliter, sed non fit irregularis, quia talis in rei veritate non rebaptizat, cum appōnat conditionem excludentem rebaptizationem. Idem dic, de rebaptizante ex metu sed non intendente rebaptizare.

Dico 3. Probabile est in mala Ordinum susceptione tantum in duobus casibus incurri irregularitatem: quia nullus alius casus exprimitur in iure. Hurt. apud Dian. Primò ergo incurrit irregularitatem qui ordinatur furtivè, hoc est, qui non examinatus, vel non admissus suscipit Ordines, vel alium loco sui facit examinari, & ipse suscipit Ordines. Secundò, si quis durante Matrimonio, etiam non consummato, præsumit sacros Ordines recipere.

Ex quo inferitur. Ordinatus ab Episcopo, qui renunciavit Episcopatu quoad locum & dignitatem non fit irregularis. Nec ordinatus ab alio Episcopo sine dimissorijs. Non servatis interstitijs. Per saltum. Extra tempora sine dispensatione. In irregularitate non obtentà dispensatione. Nam in his casibus sola suspensio incurritur. Filluc. in Summa Dianæ. Suscipiens etiam Ordines ante Confirmationem non fit irregularis. Adverte. non in omnibus supra dictis casibus incurri suspensionem V. l. 2. dist. 81. n. 11.

Dico 4. Non fit irregularis, qui celebrat coram excōmunicato, nec qui dat excōmunicato licent. a te ebrādi. nec assistens Missæ, quia non reperitur in iure.

Dico 5. Excommunicatus excommunicatione maiori ministrans in Ordine maiori fit irregularis. Dixi, in Ordine maiori. quia censuratus ministrans in Ordine minori non fit irregularis. Suspensus etiam aut interdictus violans suspensionem aut interdictum exercendo actum Ordinis maioris est irregularis. Idem dic de deposito. per suspensum intellige suspensum ab officio & non à beneficio. An verò innodatus his censuris recipiend. Ordines fit irregularis, affirmavi supra præcipuè de suspensio & excomm: sed etiam probabile oppositum conformiter ad conc. tertiam. Adverte. Pluries excommunicatus &c. semel celebrando vnam tantum incurrit irregularitatem, sicut qui in pluribus existens peccatis mortalibus semel celebrando vnum tantum committit peccatum. E contra verò semel censuratus pluries celebrando plures incurrit irregularitates, proinde in dispensa



spensatione eorum debet numerum exprimere secundum stylum Curie, ut notat Nauar.

Dico 6. Qui exercet solemniter actum Ordinis sacri, quem non habet, est irregularis, v. g. canendo Epistolam cum manipulo absq; Subdiaconatu. Euangelium cum stola absq; Diaconatu, baptizando solemniter, audiendo Confessiones, Missam dicendo, aut alia Sacramenta conferendo absq; Sacerdotio. Immo ut refert Dela Cruz, tales sunt deponendi & nunquam ordinandi. Dixi actum Ordinis sacri, nam Laicus exercendo actus minorum Ordinum non fit irregularis, sicut & Sacerdos non expositus exercendo actum jurisdictionis absoluendo à peccatis mortalibus, licet peccet grauiter & inualide absoluat, non tamen fit Irregularis.

Dico 7. Hæretici & Apostatæ qui in hæresim exteriorē lapsi sunt irregulares ex delicto hæresis nisi hæc sit occulta ut docet Laym: l. 1. t. 5. c. 4. & alij. Dixi, ut docet Layman, nam non intendo contradicere sententiæ probabili in 2. d. d. ff. l. conc. 9. An verò in nostris partibus prædictorum filij sint etiam irregulares, si crimen Parentum nunquam imitati, negant aliqui apud Gobat. tr. 8. n. 655. Quia in nostris partibus hæresis non inducit infamiam. certum est, si hæretici emendentur, Irregulares quidem manent, sed non eorum filij. C. statutum §. 2. de hæret. in 6. Præter dictas irregularitates recitat Lezana alias ex delicto provenientes. *Prima.* est propter Apostasiam à Religione. *Secunda.* propter Apostasiam à Clericatu. *Tertia.* contra excommunicatum, qui præcipit coram se celebrare. *Quarta.* propter egressum Religiosi extra claustrum ad audiendas leges vel medicinam. *Quinta.* propter crimen Sodomiz. *Sexta.* propter celebrationem in altari propria autoritate erecto. *Septima.* contra Sacerdotem qui Missam pro aliquo celebrat ut moriatur. *Octaua.* contra eum qui prætermisso ritu quem Ecclesia præcipit, corpus & sanguinē conficit. *Nona.* contra eum, qui altaria denudat, seu lugubri ornamento vestit, solum ob animi sui tristitiam. *Decima.* contra Episcopum qui abutitur potestate ordinandi conferendo Ordines per saltum quando vult. *Vndecima.* contra Cardinalem indebitè, in Papam electū, à paucioribus, quàm à duabus partib⁹. *Duodecima.* contra Clericum, qui in vita vel morte fauet raptoribus. *Decimatercia.* contra Sacerdotem, qui excommunicatum nominatim scienter admittit ad sepulturam Ecclesiasticam. *Decimaquarta.* propter sacrilegium. *Decimaquinta.* contra concubantem cum moniali. *Decimaseptima.* contra Clericum periurum. *Decimaoctaua.* contra blasphemum.

Subiungit tamen dictus autor nullam in dictis casibus incurri irregularitatem, quia vel nullus textus adducitur, vel si adducitur, solum is loquitur de aliqua alia censura vel depositione, non irregularitate. vel tandem si aliqua irregularitas in dictis casibus incurritur, ea non est præcisè ratione delictorum, sed infamiz quando ipsa fuerint notoria.

Aduerte tamen quoad tertiam, quando excommunicatus, autorizat suā præsentia celebrationem Missæ, fit irregularis. & tradit cum comm: Lezana V. Irreg.

## DISTINCTIO XXVIII.

## De dispensatione in irregularitate.

**O**ccasione verborum Tridentini Sess. 24. cap. 6. scilicet, *Liceat Episcopis in irregularitatibus omnibus & suspensionibus ex delicto occulto prouenientibus excepta ea, quæ oritur ex homicidio voluntario & exceptis alijs deductis ad forum contentiosum, dispensare.* Occasione inquam horum verborum sciendum quid sit occultum, publicum, notorium &c. Quare.

Nota 1. Notorium est, quod ita clarè & euidenter constat, ut nullo modo negari possit. Est duplex: scilicet notorium juris, quod constat per juridicam sententiam, vel per confessionem rei in iudicio, & notorium facti, quod est publicum euidentia facti, id est, ita se exhibens oculis magnæ partis alicuius communitatis, ut nulla tergiversatione possit celari.

Nota 2. Ad notorium juris non sufficit plene per testes in iudicio probare, si reus crimen non confiteatur, vel iudex de eo sententiam non proferat, nisi probationes sint ita claræ, ut nec coloratè impugnari valeant. Ad notorium facti in minori conuentu minor Personarum numerus requiritur V. dicta dist. 5. Debet autem notorium formaliter seu in ratione delicti esse notorium, & non solum materialiter. Hinc licet sit notorium aliquem celebrasse, si non est notorium celebrasse in censura, non est censendus notoriè irregularis, re tamen ipsa est irregularis.

Nota 3. Manifestum, publicum seu famosum, à notorio distinguuntur, manifestum dicitur illud quod facile potest probari per sufficientes testes, licet non per tot, ut dicatur notorium. Publicum seu famosum, quod fama publicè proclamatum. V. dicta in s. d. 66. conc. 7. notorium verò ut supra not. 1mo. Ex quo patet, cum hæc distinguantur à notorio, licet sit fama aliquem esse percussorem Clerici, si non sit notorium ut jus requirit, conuersans cum tali excommunicato non incurrit excommunicationem minorem. Quando etiam in privilegijs excipiuntur casus notorij potest dispensari, licet sint manifesti. Quia cum materia privilegiorum sit fauorabilis, extendi debet, quantum proprietas verborum permittit.

Nota 4. Occultum multis modis accipitur, ut distinguitur à probabili. Est, quod etsi sit externè factum, tamen idoneis testibus nequit probari. Ut distinguitur à publico, & est, quod etsi possit probari, non tamen fama proclamatum est. Ut distinguitur à notorio, & est, quod etsi probari possit & fama proclamatum sit, non tamen ita clarum, ut aliqua tergiversatione celari non possit. Occultum ergo primo modo est vere occultum, & vi privilegiorum absoluedi à casibus occultis venit. Item secundo modo occultum. Non tamen tertio modo occultum, cum tale sit publicum & famosum.

Not. 5. Dicitur etiam occultum, quod licet alibi publicum, in loco tamen ubi idè

vbi dispensatur non est tale. Tunc autem in sacra Pœnitentiaria oppositum prædicatur, quando probabiliter timetur in tali loco manifestatio. Quod si manifestatur, absolutio vel dispensatio bonâ fide data, solum valet in foro interiori. Item delictum est occultum, licet delatum ad forum externum, si reus absolvitur, quamvis per falsos testes. Tandem delictum adhuc censetur occultum licet delatum ad forum contentiosum, non verò si jam deductum, siue reus puniatur, siue non puniatur.

Dico 1. Irregularitas, ex defectu corporis non tollitur per baptismum vel Professionem cum hoc nullo jure probari possit. Sed per causæ cessationem, vel per Prælati Regularis respectu suorum subditorum Professorum dispensationem, virtute privilegiorum NN. superioribus concessorum, apud Lezanam Tomo 1. C. 18. n. 34. vbi homicidium voluntarium, mutilatio membrorum, & bigamia excipiuntur. Quæ tamen privilegij vniuersalitas non iuuat, si ex defectu corporis procedit graue scandalum. Possunt inquam NN. Prælati per privilegia sic vniuersalia dispensare cum suis subditis Professis, & qui communicant in privilegijs nobiscum, etsi tales defectus sint ex culpa & non occulti, v. g. si non habeatur oculus dexter vel sinister, vel, digitus, qui non sit pollex Non obstante etiam hac vniuersalitate privilegiorum non possunt dispensare cum hermaphroditis, licet in eis præualeat sexus virilis.

Dico 2. Illegitimus factus Professus non eget nouâ dispensatione ad Ordines suscipiendos. Nam per Professionem in Religione approbata tollitur irregularitas quæ est ex defectu natalium, vt refert Lezana. Tomo. 1. c. 3. n. 2. non tamen hæc irregularitas tollitur ad suscipiendas dignitates Ecclesiasticas & prælaturas, vt colligit idem Lezana ex c. 1. de filiis præby. loco cit.

Dico 3. Irregularitas ex defectu originis seu seruitutis non tollitur per baptismum, quia in multis regionibus post baptismum adhuc manent serui, Nec Episcopus in hoc defectu dispensat, quia si dispensat, puniatur. Nec Prælati Regulares cum suis subditis Professis, non obstantibus privilegijs cum supradicta vniuersalitate, supposito, quod adhuc factâ Professione maneat seruitus. Lez. Tomo 3. V. Irreg. Dixi. Si factâ Professione maneat. nam per Professionem validam tollitur seruitus cum liberetur à jurisdictione sui domini, seruatis tamen seruandis. V. Lezan. Tomo 1. quæstionum Regularium. c. 24. n. 2. Ad hanc irregularitatem reducitur, quæ est ex defectu libertatis, quales sunt mariti, tutores iudices, milites &c.

Dico 4. Irregularitas ex defectu ætatis non tollitur per baptismum vel Professionem. quia hoc nullo jure probari potest. Privilegia autem quo ad hoc sunt abrogata per Trid. quòd si post Trid. cum eadem vniuersalitate concessa, per Clementem 8. ad terminos Tridentini sunt reducta. Quare Regulares ante legitimam ætatem ordinati, sunt suspensi, quos si in sacris exercent, sunt irregulares.

Dico 5. Infamia facti & consequenter irregularitas ex illa contracta tollitur per vitæ emendationem publicam, nec est necessarium hanc probare per triennium. Hæc non potest tolli per potestatem aliquam cum non possit effici, vt qui



propter delictum male audit, bene audiat, nisi sublecuta satisfactione. Omnis tamen infamia facti tollitur per baptismum, quia baptismus est regeneratio, & retractio vitæ præteritæ, per quam tollitur omne peccatum, & omnis pœna pro ipso debita. Dixi. *infamiam facti*, nam infamia juris civilis, saltem omnis, non tollitur per baptismum.

Dico 6. Cum Episcopus possit dispensare in infamia juris canonici orta ex delictis, super quæ habet auctoritatem ideo Prælati Regulares id possunt jure communi, & jure speciali propter privilegia cum superdicta extensione concessa, cum suis tamen subditis Professis nisi grave timeretur scandalum. Dixi. *juris Canonici*, quia de infamia juris civilis aliter discurrendum.

Aduerte huc reduci irregularitatem ex pœnitentia publica provenientem, sed quia hæc non est in usu, ideo nec irregularitas ex illa proveniens.

Dico 7. In defectu animæ, qui est ex carentia vsûs rationis, Prælati Regularium cum suis subditis virtute privilegiorum non dispensant, nec tollitur per baptismum sed per cessationem causæ. Idem dicendum de defectu scientiæ. Irregularitas etiam ex defectu fidei, quæ innodantur Neophyti non tollitur per baptismum, vel professionem. Prælati tamen Regularium cum suis subditis professis possunt in tali irregularitate dispensare. nam cum in alijs irregularitatibus possint, exceptis, homicidij voluntarij, bigamiæ & mutilationis membrorum, nulla est ratio cur hæc eximatur ab illa generali concessione. Lezana V. Irregul.

Dico 8. Non potest Prælatus Regularis cum suis subditis professis dispensare in bigamia etiam interpretatiua, quia hæc in privilegijs semper intelligitur excipi. nec aliquod privilegium Regularium illam exprimit. Vide Lez. V. Bigamus. Et licet diceretur in privilegijs Regularium, ab omni irregularitate hæc non comprehenderetur, quia ut habetur in regula juris, *in generali concessione non veniunt ea, quæ speciali notâ sunt digna*, Potest tamen Prælatus Regularis cum suis subditis professis dispensare in bigamia similitudinaria. Quia in hac potest Episcopus. Quod autem potest Episcopus jure ordinario, potest etiam Prælatus Regularis cum suis subditis. Cum habeat jurisdictionem, quasi Episcopalem, ut probat Lez. Tom. 1. qq. Reg. C. 18. n. 2.

Dico 9. Irregularitas ex defectu lenitatis, (ad quam reducitur ea quæ incurritur in bello iusto) non tollitur per baptismum, cum secundum jus relatam à Lez. tomo. 3. v. Irreg. supponat baptizatos. Nec tollitur per Professionem, nec tollitur ab Episcopo, quia ei solum competit dispensare in irregularitate ex delicto. An verò Regulares habentes privilegia cum supra dicta vniuersaliu, cujus meminimus, & meminit Lez. tomo. 1. q. q. RR. c. 18. n. 34, & 40. possint in hac irregularitate dispensare probabile est, quia tale homicidium nomine voluntarij non venit. Ita Suarez Corneio Peirinis & N. Gand. apud Lez. Scias ante baptismum nulla est propriè irregularitas, sed defectus existens in homine ante baptismum, qui reddit illum irregularem post baptismum ex determinatione juris. Sic intellige dicta de effectu baptismi.

**Dico 10.** In irregularitate ex mutilatione voluntaria orta, potest Episcopus dispensare, quando casus est occultus, eò quòd in Tridentino conceditur Episcopo dispensare in omnibus casibus ex delicto occulto proueniētibus, excipiendo irregularitatem ex homicidio voluntario quantumuis occulto ortam, mutilatio uerò non est homicidium. Possunt etiam Prælati Regulares, qui cōmunicant in Priuilegijs cum Ordine N. ex Priuilegio Pij V. quod refert Lezan. tomo 1. cap. 18. n. 31. dispensare per se ipsos cum suis subditis in foro conscientiz tantum, quando casus fuerit occultus, non uerò ex vi illius priuilegij, cuius sæpè meminimus, quia ibi irregularitas ex mutilatione membrorū proueniens excipitur. Certum autem esse debet hanc irregularitatem non tolli per baptismū, quia solum à baptizatis contrahitur, nec per Professionem, quia nullum fundamentum.

Quomodo foras præfatum Priuilegium a Pio V. Ordini N. concessum? Sic. *Priori Conuentuali & superioribus Prælati (conceditur) ut ipsi per seipsos idem, omnino possint in fratres quod possunt Episcopi in Clericos & laicos sibi subditos, tam quoad absoluēdū, quam dispensandi huiusmodi, quàm alias quascunq; facultates,*

Aduerte. licet tuncquā aliquos D.D. Episcopi possint ab hæc occultis & alijs casibus occultis Bullæ Cœnæ Domini, secundum concessionem Tridentini absoluerē, hoc tamen non possunt Prælati Regulares respectu suorum subditorum. Tum quia hæc facultas reuocatur singulis annis per Bullam Cœnæ Domini. Et specialiter probat Lezana hoc non competere Prælatis Regularibus loco cit. n. 38. referens declarationem Cardinalium. Tum quia id quod concessit Tridentinum Episcopis in casus occultos Bullæ Cœnæ Domini reuocatum probat Lezan. per Bullam Cœnæ Domini tempore Urbani Octauī editam.

**Dico 11.** Irregularitas ex homicidio seu mutilatione casuali culpabili, & cooperatione ad eam dispensatur ab Episcopo quando casus est occultus, & Prælato Regulari habente priuilegia eum supradicta latitudine, cum suis subditis professis, & si casus sit publicus, ut docet Vecchius in summa Dianæ V. Prælatus Regularis, idem dic conclus duodecimā, tertiadecimā, quartadecimā, & duabus sequentibus, non autem tollitur per baptismū. Quia irregularitas ex delicto proueniens non afficit nisi baptizatos, vel per professionē, quia nullum huius fundamentum.

**Dico 12.** Quando in defensione exciditur modus non censetur homicidium voluntarium sed casuale, proinde in casu occulto dispensat Episcopus, & Prælatus Regularis cum suis subditis professis habendo priuilegia cum illa amplitudine & vniuersalitate, non autem tollitur per baptismum vel professionem fundamento superioris conclusionis.

**Dico 13.** Irregularitas, quam rebaptizans & rebaptizatus incurrunt, tollitur ab Episcopo in casu occulto, ex Trid. sess. 24. c. 6. Item à Prælatis Regularibus, respectu suorum subditorum professorum habentibus Priuilegia cum sæpè dicta vniuersalitate, non autem per baptismum, quia eum supponit nec per professionem, quia nullum huius fundamentum.

**Dico 14.** Irregularitas ex indebita Ordinum susceptione tollitur per ingressum,

sum, & condignam poenitentiam ibiq; laudabilem vitam: item à Prælatis Regularibus respectu suorum subditorum professorum virtute privilegiorum superiorum dictorum, non tollitur autem per baptismum, quia eum supponit.

Dico 15. Irregularitas contracta ob exercitium Ordinum tempore censuræ, non tollitur per baptismum, quia hunc supponit, nec per professionem, quia nullum fundamentum. Sed vel ab Episcopo, si casus occultus, vel à Prælato Regulari cum suis subditis professis secundum dictam privilegiorum extensionem.

Dico 16. Irregularitas contracta ob exercitium Ordinum, qui non habetur, tollitur, ut supra, in præcedenti conc. Adde posse Episcopum stando in iure communi & secluso privilegio Tridentini, dispensare cum Clerico hoc delictum committente, ut ministret in Ordinibus susceptis, non verò ut ascendat alios, ut probat Lezana.

Dico 17. In irregularitate, quam incurrit Hæretici & Apostatæ dispensat Episcopus in casu occulto attenta mente Tridentini. Adde, posse Episcopum dispensare in casu publico cum prædictis quoad usum Ordinum jam susceptorum, quia textus id permittunt, refert Lezana. Item dispensant Superiores Regulares cum suis subditis professis, saltem quando casus est occultus, vigore privilegiorum ut supra. Supponendum autem hanc irregularitatem etiam in casu occulto non tolli per professionem vel per baptismum.

Dico 18. Irregularitas quam contrahunt Hæreticorum & Apostatarum filij, non tollitur ab Episcopo spectato iure communi, quia non est ex delicto, sed ex indigentia Tolet. putat esse ex delicto, & sic tollitur ab Episcopo, quando casus est occultus, spectatâ mente Tridentini. Item à Prælato Regulari, respectu suorum subditorum professorum, attendendo privilegia ut supra, saltem si casus occultus, vide distinctionis præcedentis secundam partem conc. septimæ.





# LIBER IV.

*De obligationibus & peccatis variorum statuum.*

## DISTINCTIO I.

*Premittitur notitia peccati.*

**P**eccatum à Divo Augustino sic describitur. *Peccatum est dictum, vel factum, vel concupitum, contra legem eternam* Et quoniam affirmatio & negatio reducuntur ad idem genus, ideo cointelligendum est: peccatum quoque esse, non dictum, quod secundum DEI legem dici debebat, & non factum, quod fieri oportebat: in corde quoque, omisum, quod desiderari amarique debebat. Vtrobique enim est deviatio à statuto legis diuinæ, quæ ab æterno existit in DEO, estque *exemplar & regula agendorum per eos qui subduntur gubernationi eius.*

Dividitur primò, in personale & originale. Personale est, quod propria peccantis voluntate committitur. Originale, quod etiam Naturæ dicitur, est id quod communis voluntate primi Parentis, quæ totius humani generis censetur, est commissum.

Dividitur secundò, in actuale & habituale. Actuale est actus malus & dissolutus regulis morum habituale consistit in quadam macula, quæ in anima relinquitur, ex peccato actuale, & in ea remanet donec per poenitentiam deleatur.

Dividitur tertio in mortale & veniale. Illud inferi mortem animæ, eam priuando gratiâ & charitate. & auerendo ab ultimo fine. Hoc verò nec gratiâ nec charitate priuat, sed eius tantum feruor, & munus, nec auerit ab ultimo fine, sed ab eius consecutione retardat.

Dividitur quarto in commissionis & omissionis. Peccatum commissionis consistit in productione alius actus mali, & dissolutis regulis morum. Omissionis verò est carentia seu priuatio alicuius actus debiti, & lege præscripti. Primum pugnat cum præcepto negatiuo, ponendo actum, qui iubetur non poni. Secundum pugnat cum præcepto affirmatiuo, negligendo actum qui præcipitur.

Dividitur quinto in carnale & spirituale. Carnale est quod perficitur delectatione carnali, v. g. gula & luxuria, quæ in delectatione ciborum & venereorum consummantur. Spirituale verò perficitur delectatione spirituali, vt superbia, inuidia & similia, quæ in sola apprehensione alicuius rei concupiscunt vel ad placitum habitæ, consummantur. Carnale plus habet de conuersione quam de auersione. Spirituale è contra plùs de auersione quam de conuersione.

Dividitur sexto, in peccatum quod est contra DEVM, proximum, & seipsum. Quando homo detrahit DEO amorem & reuerentiam debitam, dicitur peccare in DEVM, vt sacrilegus, hæreticus, blasphemus. Quando homo suas passio-

*nes ratione non regulat, peccat in seipso, ut avarus, gulosus, luxuriosus. Quando homo non servat proximo jus debitum, vel offendit humanam societatem, cui naturaliter alligatur, tunc peccat contra proximum, ut fur, homicida, adulter &c.*

Dividitur septimò, in peccatum cordis oris, & operis. Quæ divisio dupliciter intelligi potest. Primò, ut per peccatum cordis illud accipiat, *quod inierius consummatur*, ut hæresis. Per peccatum oris illud, *quod locutione perficitur*, ut mendacium. Per peccatum operis illud, *quod opere completur*, ut adulterium & homicidium. Secundò hæc divisio intelligi potest, ut sit non tam in diversa peccata, quam in diversos gradus eiusdem peccati. Iracundus enim v. g. ex hoc quòd appetat vindictam, primo perturbatur in corde, secundò in verba contumeliosa prorumpit, tertio procedit ad facta iniuriosa. Idem patet in luxuria & quolibet alio peccato, in quo est primò conceptus cordis, scilicet cogitatio, deinde est manifestatio, & locutio. Ultimò est completio externa. Octavò dividitur peccatum, in peccatum factum ex infirmitate seu passione, ex ignorantia, & malitia. Peccatum ex infirmitate seu passione est, *quod oritur ex aliqua gravi tentatione, & motione appetitus sensitivi trahentis voluntatem ad consensum*. Peccatum ex ignorantia est, *quod procedit ex ignorantia culpabili & vincibili*. Peccatum ex malitia est, *quod plena libertate & voluntate committitur, nullâ passione incitante, & nullâ ignorantia excusante*. Primum peccatum dicitur esse contra personam Patris, cui appropriatur potentia. Secundum, contra personam Filij, cui appropriatur scientia. Tertium contra personam Spiritus Sancti, cui appropriatur bonitas.

Tandem dividitur peccatum in proprium & alienum. Illud est *quod ab ipso peccante committitur*. Hoc verò licet ab alio committatur nobis tamen imputatur. Et hoc multipliciter. Scilicet ratione præcepti, consilij, suasionis, adulationis, protectionis, & propter defectum correctionis.

Descendendo ad magis particularia dividitur peccatum in septem capitalia, sic dicta quia ab his alia oriuntur. Sunt autem superbia, avaritia, luxuria, invidia, gula, ira, acedia. Superbia est *appetitus inordinatus celsitudinis*. Avaritia est *inordinatus appetitus habendi*. Luxuria est *inordinatus appetitus venereorum*. Invidia est *tristitia de bono alieno*. Gula est *inordinatus appetitus cibi & potus*. Ira est *inordinatus appetitus vindictæ*. Acedia est *tristitia de bono spirituali ut ad ipsum hominem spectat*.

Aduerte iram vulgariter sumi pro quadam perturbatione animi, cum actuali impatience. Item differre ab odio. Iratus enim non intendit nocere, nisi ei qui sibi vel alijs nocuit, ut vindicta sit quasi quidam recompensatio. Per odium autem intenditur malum absq; tali respectu, sed absolute, eo tantum sine ut alicui malè sit, propterea, quòd vel nequam sit, vel eius persona sit odiosa, nobisq; displiceat. Pro hac displicentia frequèntissimè sed non ita propriè, sumitur odium.

Item, alia sunt contra Spiritum S. Sunt autem. Desperatio. Præsumptio. Impugnatio agnitæ veritatis. Invidentia fraternæ gratiæ. Impenitentia & obstinatio.

nario. Desperatio est quando quis abiicit spem de sui emendatione, peccatorum remissione, gratiæ & gloriæ consecutione. Potest autem aliquando coniungi cum hæresi, aliquando absq; hæresi esse. Nam si quis exprimat talem corde tale iudicium, quod DEVS non possit sibi parcere, aut non parceret, si se debito modo disposuerit, aut quod impossibile sit ei in hoc statu consequi gratiam, & postea gloriam reuera est contra fidem. Absque heresi verò, si quis secum ita deliberaret. Ego nunquā me disponō, & ideo nunquā mihi DEVS parceret ac proinde damnabor.

Præsumptio est quidam inordinatus conatus spei, quā expectat quis, per virtutem & misericordiam DEI id, quod secundum legem eius ordinariā non est possibile, v. g. remissionem peccatorum absq; pœnitentia, gloriam sine meritis proprijs aut talis viribus suis, absq; DEI gratia. & potest coniungi cum hæresi, si quis ita crederet, & absq; heresi, si ita quidem non iudicaret, sed ita se gereret ac tenderet in æternam beatitudinem ac si posset sua voluntate absq; operibus, aut illis solis, seclusā DEI, gratiā, obtineri.

Impugnatio agnitæ veritatis tunc est, quando quis post propositam fidei vel bonorum morum doctrinam, impugnat eam volens persuadere esse falsam.

Inuidia fraternæ gratiæ est, dum quis tristatur ex hoc quod gratiā DEI crescat in mundo. Hinc si quis videns fratrem suum in DEI seruitio proficere, peccatores pœnitentiam agere &c. doleret super hoc, peccaret contra Spiritum Sanctum, quasi contemnens interioris gratiæ auxilium.

Impœnitentia hic non significat permanentiam in peccato vsq; ad mortem, sed importat propositum non pœnitendi. Sumitur hæc explicatio ex Sancto Thoma apud Gerium in Thesauro Animæ. V. Impœnitentia.

Obstinatio est firmum propositum inherendi peccato propter aliquam delectationem quamvis breuem. Hæc peccata dicuntur irremissibilia non quod nullatenus remitti possint sed quia difficile & rarò dimittuntur, eo quod habeant in se repugnantiam ad remissionem, & DEI dona, quæ contemni videntur.

Item alia sunt in cælum clamantia sc: homicidium voluntarium. hoc est directè intentum & factum. Sodomia, Oppressio pauperum, ac merces operariorum defraudata.

Nomine pauperis intelligitur non tantum miserabilis persona, vt est advena vidua, pupillus, subditus, seruus, sed etiam quicumq; est inferioris conditionis respectu excellentioris. Nomine verò oppressionis intelligitur quæcumq; afflictio. Dicuntur in cælum clamare, quia ob sui grauitatem velocem petunt vltionem.

Q. 1. Quæ concurrunt ad peccatum mortale? R. hæc 1. grauitas ex parte obiecti. 2. perfecta aduertentia ex parte intellectus. 3. plenus consensus ex parte voluntatis. Hæc grauitas ex parte obiecti colligitur ex notabili contrarietate cum charitate DEI vel proximi. Alia autem est grauitas obiecti peccati nostri ex se & sua natura, alia ex graui prohibitione, vt fuit in pomo primis parentibus prohibito.

Q. 2. Peccatum mortale quorū modis transit in veniale? R. 3. 1. ratione imperfectæ deliberationis. nimirum quando ratio adeo tenuem habet considera-



tionem, vt non plenè aduertat malitiam obiecti sicut fit in non plenè excitatis à somno. 2. ratione imperfecti consensus. Sed hæc imperfectio consensus provenit ex imperfecta deliberatione precedenti. 3. ratione parentatis materiz vt furari solidum.

Q. 3. Peccatum veniale quot modis transit in mortale? R. 5. 1. Si quis veniale cum ea animi præparatione committat, vt si sciret illud esse mortale, nihilominus committeret. 2. Si quis veniale eo fine committat vt aliquem in peccatum mortale inducat. 3. Si in veniali intendat contemptum legis diuinæ vel legislatoris. 4. Quando ex veniali sequitur g. aut nocuumtum siue corporis siue animæ. 5. Si quis committendo veniale, dubitat an sit mortale.

Q. 4. Quæ sunt quæ hominem excusant a peccato mortali, vel ab omni? R. hæc. 1. Impotentia. 2. Subreptio, hoc est inconsideratio aut indeliberatio, cum quis non aduertit quid cogitet vel quid agat. 3. Defectus pleni iudicii. 4. Patuitas materiz. 5. Iusta causa. 6. Magna & quasi extrema necessitas. 7. Dispensatio. 8. Ignorantia inuincibilis.

Aduerte circa necessitatem, si hæc sit tantum grauis non excusat à peccato furii. & propterea Innoc. XI. sequentem propositionem in ordine. 36. damnat. *Permissum est furari non solum in extrema necessitate, sed etiam in graui.*

## DISTINCTIO II.

### De obligatione & peccatis Nouitiorum.

**N**otâ. Nouitius dicitur ille qui habitu religionis suscepto nōdum aliquā professione adstrictus, experitur religionis austeritatem. Et licet ante annos pubertatis possit aliquis habitum suscipere, vel à parentibus offerri, non tamen est propriè Nouitius, nisi compleuerit, masculus annos 14. & femina 12.

Dico 1. Peccat mortaliter, qui in examine interrogatus negat necessaria ad validitatem professionis. Insuper tenetur ad restitutionem expensarum, quas monasterium in eo sustentando consumpsit.

Dico 3. Peccat mortaliter, qui negat interrogata pertinentia ad magnam utilitatem Religionis. Quia fallit in re graui, de qua interrogatur iudicè, & quam detegere ex iustitia obligatur. V. g. si taceat morbum gallicum. nisi in aliquo Ordine esset statutum, quo annullaretur professio, tunc in tali casu, etiam taceretur aliquid pertinens ad valorem professionis, vt in Ordine N. in Cap. Generalissimo Romæ 1644. celebrato, ordinatione 7ma ordinatum.

Dico 4. Si commisso homicidio fugiat aliquis ad monasterium ne comprehendatur, & habitum recipat, tandem profiteatur, professio est nulla, & poterunt iudices sæculares contra eum procedere tanquam contra verè sæcularem, vt declarauit SIXTVS V. Anno 1588 die 16. Nou. mb. Sed constitutionem Sixti. quoad professionem criminis reuocauit CLEMENS VIII. vt habet Laynensis 10. 2. p. 1. tr. 3. q. 28. vnde l. c. q. 10. docet præfatum & similes, valide profiteri.

Dico 4.

## De obligatione & peccatis Religiosorum. L. 4. 465

Dico 4. Peccat mortaliter, qui ante solutionem debitorum Religionem ingreditur, professio tamen valida juxta decretum Clementis & secundum jura antiqua, ait Layn. l. c. q. 13. Si tamen habet unde facile soluit & amore Dei correptus statim vult migrare ad Religionem, cautioneq; creditoribus dat, quâ facili negotio suum recuperabunt, non peccant ante solutionem ingrediendo. Hoc colligitur ex verbis Sixti V. Ibi *ingenti are alieno supra vires suarum facultatum gravatos*. Dicendum etiam ex S. Thoma 22. q. 189. a. 6. si nulla spes pinguioris fortunæ unde debiti solue & valeat ab ingressu Religionis non impeditur.

Dico 5. Quando vnus coniugum potest facere perpetuum diuortium, & petens Religionem rogatur ab examinatore, an sit coniugatus? dicitq; negatiuè vt facilius admittatur, non peccat mortaliter. Ita Fernandes P. 4. C. 13. §. 1. cum Roderico & Nau. Quia ad talem effectum non est coniugatus.

Dico 6. annus probationis debet esse integer computando à die ad diem. Non tam debet esse integer mathematicè à puncto ad punctum, sed potest minui aliquot horis. Quia de minimis non curat Prætor, & quod parùm distat, nihil distare videtur. Et hoc secundum Henriquez & alios. Quod si annus sit bissextilis, & habitum quis suscepit die 24. Februarij, vtrumq; 24. diem, qui duplex est in anno bissextili, expectandum esse. Quia in iure computatur pro vno, vt refert Summa Dianæ V. Professio. Item debet esse continuus. Et quidem vt refertur in declarationibus Constitutionum O. N. d. 1. c. 13. ex decisione Romanæ Rotæ interruptitur per spatium vnus noctis vel vnus diei. Nec obstat textus Constitutionis de Nouitijs c. 14. qui alias obseruabatur ante Tridentinum. Non interruptitur tamen, si Nouitius cum licentia Prælati & cum habitu ex causa rationabili extra monasterium per aliquot tempus maneat. Quia adhuc est sub obedientia. Non interruptitur etiam, si Nouitius sit in infirmaria per totum annum. Ita Samuel de Lub. V. Professio cum Rodriquez quia sufficit experiri austeritates in generali. Non interruptitur etiam, si v. g. tempore pestis continuetur annus probationis, extra monasterium quamuis per maiorem partem anni. Immo quamuis per totum annum, vt colligo ex Samuele de Lub V. Nouitius & praxis id suadet.

Dico 7. Nouitij puri non obligantur ad præcepta regulæ, sed ad probandum, unde validè confiteri possunt sine licentia Superiorum suorum, Confessario seculari approbato ab Episcopo, & ab eo absoluti a casibus in Religione reservatis. Quia non sunt Religiosi ad onera, sed solum ad fauorabilia. Ita Fernandez p. 3. cap. 9. §. 8. & Gabriel a S. Vicentio. V. Nouitius. Ex hoc intellige eosdem non obligari ad horas Canonicas.

Dico 8. Nouitiorum Prælati sunt velut ipsorum Ordinarius, sed in fauorabilibus tantum, hinc potest cum eis dispensare, non verò excommunicare, Gab. à S. V. in Summa Mor. V. Nouitius.

Dico 9. Qui vult Religionem in communi, & suscepto habitu non admittitur ad professionem in vna, debet ire ad aliam, ait Sam. à Lub, sed in hoc spectanda

Standa intentio Novitij. vide dicta lib. 1. dist. 14. Conc. 11.

Dico 10. Cum nostris temporibus omnes Religiosorum Ordines Romani Pontificis beneficio ab Episcoporum, quibus jure comuni olim erant subiecti, potestate eximantur, efficitur ut Novitius delinquens à monasterij Praefecto possit puniri, & non ab Episcopo Sam. de Lub. l. c. An verò possit puniri perpetuo carcere, si in professo delictum hoc merebatur: dicendum negativè. Quia Novitius non est impediendus, quin redeat ad saeculum. Potest tamen ad tempus damnari, & hoc, si ipse velit, & non aliter.

Dico 11. Novitij non possunt validè disponere de bonis ad illos pertinentibus, nisi cum licentia Episcopi vel eius Vicarii & intra duos menses proximos ante professionem. Nec talis dispositio habet valorem, licet juramento firmetur, nisi secuta professione, ita Trid. Sess. 25. de Reg. c. 16. In qua decisione soli actu Novitij comprehenduntur, non verò illi qui Novitij esse volunt, & intuitu Religionis bonis suis renuntiant. Quia decisio solum est de Regularibus, ut constat ex titulo. Secundò, quia ita declaravit sacra Congregatio, ut refert Lezana. t. 1. qq. Reg. c. 24. Possunt tamen Novitij non obstante hoc decreto Concilij Tridèntini, & sine conditionibus ab ipso praescriptis facere testamentum, codicillum, & quamcunq; aliam voluntatem ultimam, ex causa mortis, seu quemcunq; alium contractum revocabilem. Ita Nau. & Azor, quos citat & sequitur Lezana l. c. Possunt etiam Novitij facere aliquas donationes & eleemosynas parvi momenti. Lezan. cum alijs. l. c. quia intentum Conc. solum est ne Novitius discedere impediar, quod esset si totam vel maiorem partem suae substantiae alius possideret.

Dico 12. Parentibus in extrema & gravi necessitate existentibus non potest filius ingredi Religionem, supposito quòd filius possit subvenire, & non sit alius. Et hoc subsistit, etiam si votum ingrediendi fecisset. In duobus tamen casibus, non obstante Parentum necessitate licitum est filio ingredi Religionem. 1. Quando filius à Patre ad malum inducitur. 2. Quando filius non potest extra Religionem esse sine periculo peccandi mortaliter. Quod intelligi debet, non de quocunq; periculo: hoc enim semper manet in saeculo, sed de periculo extraordinario & occasione proxima peccandi, quam vitare non potest nisi Religionem ingrediar. Quod si jam fecit professionem & Parentes extremè egent, tenetur petita licentià egredi è monasterio, si non potest aliter subvenire Parentibus. Caret. & Navar. apud dela Cruz supra 4. praec. Idem iudico si necessitas sit tantum gra-  
vis. Dixi, in extrema & gravi necessitate existentibus. Nam communis & levis Parentum necessitas non est impedimentum filio ad ingressum Religionis, ut docet Makovius trac. 2. Supra Decalogū disp. 3. q. 3. a. 1. ex S. Tho. Sed quid sentis de fratre v. g. voto Religionis obstricto: R. Idem ferè quod de filio respectu Patris.

Dico 13. Si monasterium praemittitur pauperie, licitum est aliqui d. recipere à Novitio, pro congrua illius sustentatione. Quia hoc non est aliquid spirituale vendere, sed monasterio ut commodius possit alere Novitium providere. Sam. de Lub. V. Nou. ex S. Tho. Et addit, peccare praesidentes monasteriorum puel-  
larum.



## *De obligatione & peccatis Religiosorum L. 4. 467*

larum, quæ quantò ditiora habent monasteria, tantò maiores exigunt dotes.

Dico 14. Potest Nouitio beneficium sæculare conferri Quia adhuc est sui juris Sed regularis beneficij non est capax. Cum id jure prohibeatur. Azor. tractatu 1. lect 12. cap 3. quest. 1.

Dico 15. Nouitius retrocedens non reincident in excommunicationem ob percussione Clerici à quo tempore Nouitiatus absolutus, vt patet ex Sum. Dia. V. Nou. Et idem de casibus Episcopo reſeruatis, ante ingressum commissis, & in Religione (vbi, vt innuit dela C. l. 1. de statu Relig. C. 6. d. 10. cessant esse reſeruati, & bene) absolutis. Quia absolutio data simpliciter, non debet explicari. quòd sit data ad reincidentiã De hac, tempore Nouitiatus, à censuris, irregular & reſeruatis absolutione V. citatos in Sum. Dia. l. c. & apud Lez. tract 1. qq. Reg. Cap. 14.

Quæritur, Qui Nouitium vi, fraude, aut dolo, à Religione extrahit ad quid tenetur? R. Non tenetur Religionem ingredi. Fernandez p. 1. c. 13. §. 1. & quidem à fortiori cum id de auocatione Professi teneat & refert Aragonium & Toletum. Quia vota Religionis debent esse maximè libera. Teneatur tamen saltem ex quadam æquitate alium substituere, si commodè potest Bonac. to. 2. de restit. in particulari. disp. 2. quest. 1. punc. vnico. cum alijs. Dixi, vi &c. Nam si hæc abest quàmuis malà intentione faciat, ad nihil tenetur. Bonac. l. c. quia contra iusticiam non peccat. Idem docet dela Cruz. supra 7. Præc q. 7, a 2. Quàmuis autem vi aut fraude auocans Nouitium non teneatur ingredi &c. tenetur tamen aliã viã satisfacere. v. g. suadere Nouitio reuersum, restituere famam Religioni per detractionem ablatam, & etiam bona, quæ Religio percepisset. l. c.

Dices, S Raymundum ob auocatum à Religione Nouitium, Religionem intrasse. R. Si sic quoad mortuum, (oppositum enim probabilius putat Maluenda in annalibus O. N. de anno 1222. fol mihi 408 secutus F. Penna) id fecit non ex obligatione, sed ex perfectionis instinctu, vt docet M. Soto & alij, apud Maluendam. V. dicta in 3 d. 11. de excommunicationibus extra B. C. D. reſeruatis, excommunicatione 37. & de non reſeruatis, excomm. 36.

## **DISTINCTIO III.**

### *De obligatione Religiosi ad perfectionem.*

**N**Ota ex Rndis. D Seruatis de Lairuelz, in Catechismo Nouitiorum. tom. 1. lect 16. decum. 2 summam perfectionis Christianæ in his consistere. 1. in fuga omnium, quæ perfectionem impedire vel retardare possunt, quales sunt passionēs inordinatæ, & affectiones ad res huius sæculi 2. in serio omnium virtutum exercitio. Tandem in ipsa diuini amoris affectione, quã DEO copulamur.

Dico 1. Religiosus ex vi suæ professionis tenetur tendere ad perfectionem. Non tamen tenetur ex vi suæ professionis esse perfectus in facto esse. Quia.

Y Y 3,

status.

status Religionis non est status perfectionis acquisitæ, qualis est status Episcoporum, sed acquirendæ. Quare non tenetur Religiosus habere passionem dominicam, sed sufficit ad eas domandas conari.

Dico 2. Non tenetur Religiosus tendere ad perfectionem per omnia opera consiliorum, sed per illa tantum, quæ sunt secundum Regulam sui Ordinis, & Constitutiones. Quia solum ad hæc se obligavit. Solet tamen doceri Religiosum peccare graviter si intendat non facere alia bona, quam quæ Regula & Constitutiones præcipiunt. Quia hoc est ponere obicem gratiæ spiritus Sancti.

Ex hoc non sequitur: Religiosum teneri sibi persuadere, se facere profectum quotidie in perfectione. Quia hoc pugnat cum humilitate, per quam debet judicare oppositum.

Hæc perfectio Christiana, quam profitentur Religiosi, consistit principaliter in actibus charitatis erga DEVM & proximos.

Dico 3. Obligatio Religiosi tendendi ad perfectionem est sub peccato mortali. Quia est in re gravissima quam vult, & in qua consistit substantia status Religiosi. Hæc tamen obligatio non est distincta ab obligatione servandi Vota & Constitutiones, Alias Religiosus transgrediens votum dupliciter peccaret. 1. contra votum. 2. contra perfectionem ad quam tenetur.

Dico 4. Peccat mortaliter Religiosus contra præceptum procurandi perfectionem 1. quando contemnit ea quibus venit ad perfectionem. 2. quando transgreditur Regulam, etiamsi ad nullum peccatum obliget eo fine, ut impediat perfectionem. 3. quando firmiter statuit nullo modo curare de perfectione suistatus. 4. quando suo exemplo alios inducit ad depravatam vitam vel relaxationem Regulæ.

Quæritur. Quando Religiosus censetur contemnere perfectionem sui status? R. tunc. Quando transgreditur leges eo animo, ut se non subiciat illis, aut Superioribus præcipientibus. Unde contemptus duo includit, & transgressionem præcepti, & intentionem, se non subijciendi præcepto vel superioribus.

Dico 5. Prava consuetudo non servandi Constitutiones, quæ non obligant ad culpam, vel solum ad venialem, non facit ex se quod transgressio sit peccatum mortale. Quia actus replicari sunt eiusdem speciei, ac proinde eiusdem malitiae. Si ergo prima transgressio Constitutionis Religiosæ fuit tantum peccatum veniale, etiamsi millies replicetur, non fiet mortale. Lez. tom. 1. QQ. Reg. c. 8. ex S. Th. & Caiet. Potest tamen talis consuetudo ex alio capite fieri mortalis. In quantum sic operans est valde perniciosus Religioni, & suo pravo exemplo alios ad relaxationem inducit.

Dico 6. Religiosorum peccata graviora peccatis secularium, ceteris paribus 1. Quia Religiosus maiorem tenetur habere advertentiam ad non peccandum, & placendum DEO. 2. Propter maiorem ingratitudinem, maiora enim habet à DEO beneficia.

Dico 7. Præter obligationem tendendi ad perfectionem omnibus Religiosis communem, tenentur specialiter Mendicantes, ex præcepto charitatis saluti proximo.

ximorum subuenire, sc. confessionibus, predicationibus, lectionibus &c. Quia finis horum, est salus animarum. Et propterea sunt coadiutores Episcoporum, quorum hoc munus. Ex Conc. Rothomagensi apud Buchardum l. 1. c. 88.

## DISTINCTIO IV.

### De obligatione trium votorum in communi, seu Professione.

**N**ota. Professio significat consensum hominis promittentis obedientiam Superiori in approbata Religione. Duplex est, nimirum tacita, quando Novitius deserit habitum Professorum eiusdem coenobii & formam, ultra annum probationi debitum. Expressa, quando Novitius facit, tria vota essentialia, in manu illius, cuius est Religionis incorporare. Sam. de Lub. V. Proh. quoad utramq; partem.

Dico 1. Quando Novitius est tacite professus, potest compelli per Superiorem, ut faciat professionem expressam. Et contra Novitius tacite professus potest instare, ut monasterium compellatur eum recipere ad professionem expressam. Nam ex professione tacita oritur hæc mutua obligatio. Sam. V. Novitius cum Graff. Oritur etiam ex professione tacita impedimentum dirimens Matrimonium. Sam. l. c. ex Armilla.

Dico 2. Professio facta ante annum sextum decimum est nulla, Trid. Sess. 23. c. 15. in quo ætate debet includi dies super additus anni bissextilis. Quia anni computandi secundum ritum Ecclesiæ.

Dico 3. Licet invalide profiteatur Novitius infra annum probationis, valide tamen proficetur multo post, Nam licet Trid. dicat: Novitium post annum probationis, vel ad proficendum admitti, vel dimitti debere, non proinde annullat professionem postea factam, nec circumstantiam illam temporis requirit ut formam. Sum. Dia. V. Professio cum Palao.

Dico 4. Professio facta ab excommunicato valet. Filliucius, quem sequitur Lez. to. 1. QQ. Reg. c. 2. Quia per excommunicationem non tollitur facultas faciendi contractus cum DEO, qualis est professio. Professio etiam facta per simoniam valet. Quia licet potuerit per Ecclesiam irritari, non tamen irritatur.

Dico 5. Si hermaphroditus, in quo uterq; sexus æqualis est proficetur, si inter viros, siue inter feminas non valet professio. Quia respectu virorum est femina, respectu feminarum est vir. H. nriquez, & Sanchez apud Lez. l. c.

Dico 6. Professio serui sine licentia domini est inualida. Quia non est sui juris. Si tamen ingrediatur & à domino id sciente, intra triennium non repetatur, nequit transacto triennio repeti. Ratio legis sic disponentis est, quia censetur dominus tacite consentisse. Unde professio erit valida transacto tali triennio, non verò antea. Censeo tamen professionem currere quoad antiquitatem & iura Religionis à die professionis sic bona fide factæ.

Dico 7. Interrogatus, an habeat v. g. lepram & occultans, vâlide proficetur. Quia hæc infirmitas non est contra essentialia Religionis. Et hoc currit de iure



jure cōmuni, nam de jure speciaii Ordinis nostri aliter uicendū V. dist. 2. conc. 2.

Dico 8. Professio facta sub conditione (q. & valide apponitur) licet obligationem suspendat, adueniente conditione absq. alio consensu est valida. Quia ille consensus conditionatus transit in absolutum, ergo si non retractetur sufficit ad professionem. Professio autem facta sub conditione contraria substantiæ Religionis v. g. habendi proprium est nulla.

Dico 9. Quando professio est invalida propter defectum ætatis, aut anni Nouitiatus, neq. ut votum simplex obligat, Lez. cum Caiet. & Soto. Quia Trid. Sess. 25. c. 15. ait. *Nullam inducat obligationem ad aliquam Regule vel Religionis vel Ordinis obseruationem, vel alios quoscunq. effectus.* Idem dicendum de eo, qui sic profitens inualidè, expresse voluit tantum obligari ad illa vota in Religionem. Quia eo ipso declarauit se nolle obligari ad ea ut vota simplicia. In casu autem in quo professio est nulla ex defectu acceptantis illam, v. g. propter seruitutem eius qui profiteretur. Propter iurum sibi constitutum, & similes causas, tunc talis professio habet vim voti simplicis. Ratio sumitur ex regula juris, c. unico: de desponsatione imuberum in 6. nempe quando actus non valet eo modo quo fit, valet eo modo quo fieri potest. Ac proinde cum talis Professio non valeat ut professio, valebit saltem ut simplex promissio, Nau. & Azor apud Lez.

Dico 10. Professio facta per Procuratorem, valet. Item facta ab absente. Tandem facta ab eo, qui fecit votum ingrediendi strictiorem, & professus in laxiori. Quia promissio strictioris Religionis, est commutata in solemnem professionem laxioris Ordinis.

Dico 11. Quando unus coniugum dedit licentiam alteri Religionem ingrediendi: potest illum ante professionem reuocare. alias professio nulla defectu consensûs. Sicut ille, qui ingressus est, potest liberè ante professionem ad Matrimonium reduci.

Dico 12. Religiosi facti Episcopi &c. obligantur ad tria vota. Quia sunt veri Religiosi. Soli tamen Papæ subiecti, qui est Generatissimus omnium Regum.

Dico 13. Eiecti è Religionem tenentur ad tria vota substantialia. Quia non verè Religiosi, ut declarasse ait S. Congregationem Lez. tom. 1. qq. Reg. C. 2. & alias de nouo recepti non solent probare.

## DISTINCTIO V.

### De reclamantibus post Professionem.

Dico 1. Post Concilium Tridentinum quinq. anni determinantur Religiosis ad reclamandum supposito quod inualidè sint professi, quibus elapsis non possunt reclamare. Sess. 25. c. 19. Etiam si intra quinquennium impediretur reclamare, vel ignorarent causam nullitatis suæ professionis, ut declarauit S. C. Decemb. 1668. & refertur in actis Capituli Generalis, sub Reuerendissimo P. 10. Thoma de Rocaberti, celebrati Romæ apud Mineruam.

Dico 2.

Dico 2. Licet ille, qui non potest reclamare habeatur pro Professo quo ad forum exterius, non tamen quo ad forum interius, si professio ob metum vel coactionem fuit nulla, & hæc adhuc durant. Nam Ecclesia nequit efficere ut consensus coactus durante coactione sit liber, qualis requiritur ad Professionem. Unde nulla erit per se loquendo obligatio.

Dico 3. Prælati etiam transacto quinquennio possunt eijcere Religiosum, qui reticuit defectum irritantem Professionem. Quia Concilium solum determinat quinquennium pro reclamatione Professorum.

Dico 4. Religiosus dum ei tempus non vacat ad reclamandum, quia v. g. transactum est quinquennium tenetur ratificare Professionem. Quia cum à Religionem habeatur ut professus, ipse etiam debet taliter se gerere erga ipsam, ne illam decipiat, ad quam ratificationem requiritur novus consensus, cum prior fuerit inualidus. Probabile tamen est, ex parte Religionis novum consensum non requiri, cum jam ex parte sua verum consensum præstiterit. Infertur ex illis, quæ doceo ex Bonac. lect. 2. dist. 91. conc. 2.

Adde. Etiam requiri novum consensum, si professio fuit nulla ex defectu ætatis, anni probationis &c. & non sufficit exercere actus professorum, nisi hoc fine fiant. Quia cum antecedens Professio fuerit nulla, non reuiuiscit, nisi reiteretur per novum consensum. Scias ex Sam. de Lub. V. Nouit, & alijs, Dum ratificatur Professio, non est necessarium iterare Nouitatum.

Dico 5. Non possunt reclamare Professi, eo quod habeant, vel habuerint tempore Professionis Parentes in extrema necessitate constitutos. Quia licet talis Professio fuerit illicita, valida tamen, ut præter alios docet Fern. 4. p. de peccatis Nouit.

Dico 6. Superiori Regulari impedito, vel etiam nolente conuenire cum Episcopo ad audiendum reclamantem contra Professionem, Episcopus solus non potest reclamationis causam cognoscere ac definire. S. C. citata

Dico 7. Episcopus non potest Superiorem Regularem compellere, vel per censuras, vel per alias pœnas, ut conueniat cum illo ad audiendum reclamantem contra Professionem, & ad causam reclamationis cognoscendam ac definendam S. C. citata;

## A P P E N D I X.

### *De Eiectis è Religione.*

**N**ullus in posterum, spectatis etiam quibuscunq; priuilegijs, potest eijci è Religione, nisi sit verè incorrigibilis. ut refert declaratum à S. C. Lezana ro. 1. Reg. C. 23. Ad incorrigibilitatem autem tria requiruntur. 1. Quod quis grauius crimina sæpius commiserit. 2. Quod monitus sæpè non desisterit. 3. Quod penitentiam non acceptauerit. Et hæc de jure antiquo. Nam de jure nouo talis debet

debet per annum in carcere in ieiunio, & poenitentia macerari. Si tandem indurato animo in sua peruitia perseverauerit, debet expelli, sed ab ipso Generali tantum. cum assensu sex Patrum. in capitulis generalibus (vt eodem iure nouo disponitur) eligendorum, facto secundum Constitutiones Ordinis processu, & plenè probatis causis eiectionis.

Crimina propter quæ potest aliquis è religione eijci, sunt fornicatio, furtum, ebrietas scandalosa, & his similia debet tamen, vt his temporibus sequatur effectus, concurrere incorrigibilitas, cum alijs conditionibus vt supra V. to. 4. Bullarij Constitutiones SS. D. N. Urbani n. 20.

## DISTINCTIO VI.

### *De obligatione voti obedientie.*

**N**ota Obiectum obedientie est præceptum Superioris. quod, vt ait Mosci: 2. p. Tyrocinij §. de superbia, ad tria se extendit. 1. ad ea quæ in Regula & Constitutionibus continentur. 2. ad ea, sine quibus contenta in Regula commodè impleri non possunt. 3. ad poenas propter transgressionem prædictorum inflictas, Vide l. 1. d. 20. Conc. 4.

Dico 1. Tenetur Religiosus obedire. etiam in illis quæ implicite tantum continentur in Regula & Constitutionibus. qualia sunt illa quæ sunt necessaria ad Regulæ & Constitutionum obseruantiam. Quia eo ipso ad hæc se obligauit quod fecerit Professionem secundum Regulam.

Dico 2. Si præcipiat Superior subdito ieiunare aliquâ die, quâ non tenetur ex Regula, vel aliam corporis mortificationem subire, in poenam delicti commissi vel in cautelam, ne in aliud incidat, tenetur obedire. Quia hoc totum pertinet & est necessarium ad Regulæ & Constitutionum obseruantiam.

Dico 3. Tenetur subditus obedire Prælato præcipienti præcepta communis omnibus Christianis, vel etiam omnibus Ecclesiasticis, aut Religiosis. Vt audire sacrum diebus festis, dicere officium diuinum, &c. Quia dato quòd hæc non contineantur in Regula & constitutionibus, sunt tamen quædam præambula necessaria ad regulam & Constitutiones. Ita Caiet.

Dico 4. Tenetur Religiosus obedire Prælato iubenti, vt eat ad aliquem locum, in quo non adeò est bona aëris temperies. Quia hoc est conforme, & necessarium ad locorum conseruationem. Item tenetur obedire præcipienti vt accipiat Prælaturam vel officium aliquid etiamsi dubitet de sua sufficientia.

Dico 5. Tempore pestis, licet imminet periculum mortis, tenetur subditus obedire Superiori præcipienti, vt ministret infirmis Religiosis suæ Religionis. Quia Religiosos præstare sibi huiusmodi ad inuicem ministeria ad conseruationem Religionis pertinet. Non tamen tenetur obedire vt ministret extra. Quia hoc (maximè cum periculo vitæ) est supra Regulam. Lez. 10 1 99



gularium c. 4. N. 19. Aduerte si deessent Parochi obligati interuire peste infectis, tenerentur subditi obedire Superioribus id præcipientibus. Quia Religiosi v. g. Medicantes. & alij, quorum institutum est Saluti proximorum interuire, sunt Coadiutores Episcoporum & Parochorum in salute proximorum procuranda, & ob id eleemosynis fidelium sustentantur.

Dico 6. Religiosi hospites & peregrini non obligantur specialibus præceptis Prouincie vel Conuentus. Quia hæc tantum ponuntur pro subditis. In hoc tamen debent attendi Constitutiones & consuetudo Ordinis. Ad leges verò, secundum Suarez to. 4. de Rel. t. 8. l. 2. c. 8 Religiosi hospites & peregrini tenentur, sed in foro exteriori tantum. Si vero scandalum timeretur etiam obligarentur in foro interiori & conscientie.

Dico 7 Religiosus delinquens non tenetur seipsum prodere, etiam ad quodcunque præceptum suorum Superiorum, quando ita est occultus, vt nulla infamia laboret. Colligitur ex Caiet. 22 q. 13. a. 7. & alijs. Secus dicendum est, quando præcedit aliqua infamia, quia tunc iuridicè interrogatur. Sotus. 5. de ius. q. 6. a. 1. Conc. 1. & alij.

Dico 8 Etiam si Religiosus dubitet, an res quæ illi præcipitur, sit licita, tenetur obedire dummodo non videat, esse euidenter illicitam. Ratio sumitur ex qua iam doctrina. D. Aug. l. 22. contra Faustum, c. 74. sc: Quod Regi etiam iniquo, indocenti bellum sit obediendum à subditis, dum non constat esse iniustum. Ex quo sequitur idem dicendum de obedientia Religiosi erga Prælatum. Idem dicendum quando subditus dubitat rem præceptam excedere Regulam & limites potestatis Superioris, aut Prælatum non esse legitime electum vel confirmatum. Item. Quando subditus iudicat probabiliter, esse malum id quod Superior præcepit. Dum enim hoc ei non constat certo, tenetur obedire. Quia sic esset consulto in Religionibus, si quis prætextu opinionis probabilis nollet Superiori obedire.

Dico 9. Quando Prælatus præcipit aliquid contra vel supra Regulam, si tamen constat probabiliter, immo etiam si res sit speculatiuè dubia, quod possit dispensare, tenetur Religiosus obedire. Quia in hoc casu debet credere quòd dispenset in Regula. Item. Quando dubitat Religiosus, an prælatus ex iusta causa dispenset, tenetur se ei conformare. Ita Nau. Ex quo colliges, quando Religiosus dubitat an teneatur se iunare, dicere officium diuinum, tenetur obedire ne se iunet. &c. Sotus, Imò generaliter loquendo, subditi debent stare determinationibus suorum Superiorum in dabijs conscientiam tangentibus.

## Q V Æ S I T V M.

*V. Omne quod iubetur sub præcepto obedientie, teneatur Religiosus exequi sub mortali?*

*R. S. I quod sic præcipitur est leuis momenti, v.g. præcepto tibi sub virtute obedientie.*

bedientia tollere festucam è solo, non est peccatum mortale id omittere. Fern. 4. p. de pecc. Rel. ex Caietano. At verò si contraveniatur ex contemptu putant aliqui esse mortale. Sed Sum. Dia. V. præceptum cum Caiet. quoad legem & legislatores humanum contrarium tenet. Quia contemni possunt non absolute sed quatenus sunt in materia leui. Idem tenet Ant. à Spiritu S. in directorio Reg. de obligationibus Rel. cum alijs. Sed in O. N. contemptus quantumcunq; minime constitutionis inducit mortale, Ita in p. ologo Constit. textu 6. littera N. Scias. Si res ex suo genere leuis sub formali præcepto prohibeatur in communi, v. g. ne vnus alterius cameram ingrediatur, erit peccatum mortale contra tacere V. dicta in 3. dist. 7. Cap. 4.

## DISTINCTIO VII.

### *De obligatione voti Castitatis.*

**D**ico 1. Per votum castitatis debet Religiosus abstinere ab omni actu venereo, siue cogitatione siue opere. Debet etiam ab aspectibus tactibus, literarum vel munusculorum missionibus, frequentibus accessibus & locutionibus cum fœminis. Quia sicut ista in sæcularibus sunt contra castitatem, ita in Religiosis contra votum castitatis.

Dico 2. Omnis actus Venereus qui in sæcularibus extra Matrimonium est contra castitatem, in Religiosis est Sacrilegium. Eò quod ratione voti opponatur virtuti Religionis. Hæc malitia Sacrilegij est mortalis in illis actibus, in quibus malitia libidinis in sæcularibus est mortalis, venialis verò in quibus illa est venialis. Quia votum castitatis non immutat obligationem juris naturalis, sed solum ad huc circumstantiam sacrilegij. Lessius. 2. de Iust. c. 41. dist. 9. & Sanc. l. 5. in Dec. c. 6. Contingere tamen potest quòd actus Venereus, qui in sæcularibus solum est venialis v. g. verbum inhonestum &c. sit mortalis in Religiosis ratione scandalii.

Dico 3. Per lapsum carnis voluntarium opere cõsummatum (qui alias potest reservari à Superioribus ex decreto Clem: VIII) intelligitur etiam secundum Suarez to. 4. de Relig. tr. 8. l. 2. C. 18. voluntaria pollutio. Nam est lapsus carnis voluntarius in sua specie opere consummatus, licet respectu ad copulam non sit consummatus. Non tamen per lapsum carnis voluntarium opere consummatum intelliguntur tactus impudici, oscula literæ, munuscula. Quia hi actus licet sint contra castitatem, & peccatum mortale, non tamen in sua specie sunt consummati.

Dico 4. Qui virginem DEO sacram cognouit. Qui per vim stuprum intulit. Qui incestum commisit, iure Pontificio poena depositionis punitur. Adulter verò eadem poena, sed tantum puniendus refertur à Leg. l. 1. cap. 5.

DISTIN

DISTINCTIO VIII.

De obligatione voti paupertatis.

**N**Ota. Paupertas Religiosa est voluntaria rerum temporalium abdicatio. Privat dominio cuiusque rei temporalis. Est autem dominium, jus perfectè disponendi de re. Secundo privat usu fructus hoc est, iure utendi & fruendi aliena re, salva illius substantia. Non tamen privat usu facti. Quia hic non opponitur paupertati. Cum constet servos, qui nihil proprii habent, habere usum facti respectu vestium, ciborum &c.

Dico 1. Possunt Religiosi habere dominium bonorum spiritualium seu internorum animi. Item aliquarum rerum præcio non æstimabilium, v. g. reliquiarum. Hinc si accipiant iura Ecclesiastica, v. g. facultatem excommunicandi, absolvendi, sine licentia, non sunt proprietarii. Secus dicendum de iure moderandi cathedras, Quia hoc est pecuniæ æstimabile.

Dico 2. Communitas Religiosorum potest habere dominium rerum temporalium. Excepe Capucinos & Minores de Observantia. Vnde dominium rerum, quas hi possident pertinet ad Papam.

Dico 3. Concilium Trid. Sess. 25 cap. 3. & multi Pontifices præcipiunt certum numerum personarum in monasterijs &c. sustentandum. Ne propter multitudinem cogantur Religiosi vel vitam communem deserere, vel à monasterijs abesse, vel plura stipendia Missarum quàm illa quibus satisfacere possunt recipere, vel cum secularibus implicari & nimium rebus temporalibus acquirendis occupari. Hoc præceptum quia est de re gravi, per se loquendo, obligat sub mortali.

Dico 4. Religiosi non possunt habere superfluum. Quia votum paupertatis solum ea concedit sine quibus vita transigi non potest. Nec prælati in hoc licentiam concedere possunt, immò concedendo peccant moraliter. Nam cum tantum sint dispensatores, debent prudenter suam potestatem exercere, usus autem superfluous, non est secundum prudentiam. Docet Lez. & benè, peccare peccato proprietatis tam Religiosos habentes superflua, licet cum licentia, quam Superiores hanc licentiam concedentes. Quia sicut Religiosi obligantur ex voto paupertatis non habere nisi necessaria secundum suum statum, sic & Prælati non dispensare nisi necessaria secundum eundem statum. Prælati autem dicenti, se posse concedere superflua, non est credendum ut declaravit S. C. apud Quarantam. Quod si non constar de superfluitate, standum iudicio Superioris.

Ex quo sequitur, habere Religiosum picturas sumptuosas, tapetes mundanos, vasa argentea, scriptoriola curiosa. & alias res pretiosas, est mortale, sumendo etiam hæc diuini. Quia sunt statui Religioso valde superflua. Patet etiam ex Trid Sess. 25. c. 2. *Mobilium verò usum ita Superiores permittant, ut eorum suppellex statui paupertatis, quam proficiunt sunt conveniat.* Nec Superior hæc concedere va-



ler. Quia sunt contra votum paupertatis. Aduerte, in taxatione rerum necessariarum debent attendi circumstantiæ temporis, loci, officij, personæ, item vsus approbatus inter prudentes & timoratos Religiosos.

Quæsitum fuit in S. Congregatione, an Superiore requisito, necessaria suis Regularibus negante, vel subtrahente, liceat ipsis clam vel inuito eo, illa sibi comparare vel retinere? Respondum fuit non licere, hoc tamen intellige de rebus non simpliciter necessarijs.

Dico 5. Spectata mente Trid. non licet Religioso habere census & redditus annuos. Sed Tridentinum propter multas necessitates Religiosorum, quibus ex bonis communitaris non subuenitur iuxta suum statum, non est in tanto rigore ubiq; receptum. Et idem de similibus aliquorum Pontificum decretis. Ideo Religiosi habentes census & redditus annuos non peccant, Lud. Lopez & alij apud dela. Cruz, de statu Religiosorum. l. 1. cap. 3, dist. 2.

Aduerte. pecunias ex quacunq; causa provenientes deponendas ad communem dep. situm intra viginti quatuor horas, ex mandato Verb. VIII. Anno 1627. Præter hoc tales pecuniæ quantum fieri potest debent exponi ab ipsis Officialibus ad hoc deputatis, quamuis in vsus fratrum. Hoc dictum probat Lez. jure.

Adde conclusioni titulum in hoc decretum S. Congregationis relatum à Lez. tom 1. cap. 6. debet esse in vsu. sc. ut Superiores nullo modo concedant fratribus bona stabilia, v. g. ad usum fructum, vel usum administrationem, aut commendam, depositum vel custodiam nomine.

Dico 6. Quando v. g. Prouincialis aliquid concedit Religioso, non debet id occultare coram Priore. Quia credendum est Prouincialem non velle præiudicare Priori, sed seruare jura Religionis. Nisi aliud de mente Prouincialis constet.

Dico 7. Ex vi voti paupertatis obligantur Religiosi, ad non recipiendum aliquid à quocunq; sine licentia Superiorum, ita ut sine tali licentia aliqui non accipiant peccent peccato proprietatis. Quia accipere aliquid independentem à voluntate Superioris est actus proprietatis.

Aduerte ex Lud. Lopez quem sequitur dela C. l. c. duplicem esse licentiam. aliam explicitam, aliam implicitam. Implicita dupliciter fit. 1. Quando subditus certò scit, si petat licentiam Prælatus non negabit, sed etiam scit Prælatum velle, ut nihil fiat sine eius licentia expressa. Talis licentia implicita non sufficit. Alias Religiosus posset sine licentia expressa exire extra conuentum, quod nullus dicit. Cum sciat si petet, licentia non negabitur. 2. Licentia implicita est quando per signa probabilia creditur subditus, si aliquid faciet v. g. emer librum, Prælato placebit. Talis implicita in rebus frequentius inter Religiosos occurrentibus, sufficit.

Dico 8. Religiosus rem alteri ad vsum concessam accipiens v. g. librum &c. peccat peccato proprietatis. Quia hoc facit sine omni prorsus licentia. A fortiori peccat peccato proprietatis, qui Missarum stipendia surripit. Item, quando dat v. g. foeminae propter finem inhonestum.

Dico 9.

Dico 9 Quidquid Monachus acquirit, monasterio acquirit. Habetur in iure: Quod si monasterium non est capax domini, tunc hoc acquiritur Papæ, & usus monasterio. Debita tamen orta ex delicto professi non debent solui à monasterio nisi aliquid secum attulisset Ita Nau. & Molina, quos sequitur Lez. tom. 1. c. 2. Sed de his videantur particularia, tum nostræ tum aliarum Religionum jura.

Dico 10. Religiosi possunt succedere in bonis temporalibus, vt hæredes. Quia hæc non acquiritur sibi sed monasterio. Excipiuntur Minores de Obseruantia. quibus tamen potest aliquid legari Aduerte, bona Religiosi, qui propter dolum & cupiditatem Prælati ad hæc inhiantis emisit professionem, non pertinent ad Religionem, sed ad hæredes. vt statuitur in iure.

Dico 11. Religiosus sine legitima causa expendens eleëmofynam, peccat quidem grauitè, non tamen tenetur ad restitutionem. Gab à S Vinc. V. Pauper. Eò quòd non peccet contra iustitiam. Cùm nullum pactum ineat cum dantibus eleëmofynam.

Dico 12. Etiam peccat peccato proprietatis Religiosus, quando sine licentia permutat, mutuat vel accomodat, vel concessa ad certos usus in alios conuertit. Item quando non adhibet diligentiam in cõseruandis rebus. Quia non cõseruare res sicut alij communiter cõseruant, est contra voluntatem Superioris cõsumere.

Dico 13. Si Religiosus, sæculari volenti sibi dare aliquam rem, dicat, Rogo des eam meo consanguineo. Non peccat peccato proprietatis secundùm Sanchez & Lez licet hoc faciat sine vlla licentia. Quia in tali casu nihil donat vel expendit Potest tamen peccare contra charitatem.

Dico 14 Religiosi ludentes gratia honestæ recreationis pro modica pecunia de licentia Superioris non peccant contra paupertatem. Secus esset si talis lusus esset prohibitus. Quia tunc nec pro modica pecunia esset ludendum, etiam de licentia Prælati, cum non posset eam concedere.

Dico 15. Ludens cum Religioso & lucrans vltra quantitatem, vltra quã Religiosus non potuit ludere, vel Prælatus licentiam concedere, tenetur ad restitutionem illius excelsus. Religiosus etiam ludens vltra debitam quantitatem, quia vel non habet licentiam vel Prælatus eam in tali quantitate non potest concedere, vel quia ludus est ei prohibitus, si contingat tunc lucrari, non potest id accipere, & accipiendo tenetur ad restitutionem excelsus. Quia qui non potest perdere non potest etiam lucrari. Nisi sæcularis sciret hoc impedimentum & tamen luderet cum Religioso. Tunc Religiosus posset quidem lucrari. non tam sibi quàm monasterio, non tamen perdere. Sibi enim deberet imputare sæcularis, in tali casu ludendo.

Dico 16. Religiosi neq; per modum eleëmofynæ possunt dare aliquid sine licentia. Quando tamen cum licentia absunt à monasterio, possunt ex his quæ sibi sunt donata, moderatas facere eleëmofynas. Quia adhuc præsumitur tacita licentia. Medina & Ledelma apud Lez l. c. Idem dicendū de his, quæ sibi à monasterio ad sustentationem tribuuntur. Valentia & Sanchez apud eundem. De his enim possunt aliquid sibi subtrahere, & modicas eleëmofynas facere. Superiores autem nomine monasteriorum tenentur eleëmofynas dare. Dico

Dico 17. Consuetudo aliquid accipiendi, retinendi, vel expendendi sine licentia expressa, quando est recepta, & durat consentientibus Superioribus excusat Religiosum. Quia habet vim licentiae. Secus esset si talis consuetudo introducta esset contra voluntatem Superiorum.

Dico 18. Taciturnitas Superioris videntis Religiosum aliquid accipere, retinere vel dare, sine licentia, & non contradicentis, non excusat Religiosum, nisi quando ex alijs signis constat illam taciturnitatem esse virtualem approbationem. Quia talis taciturnitas sæpè oritur ex pusillanimitate Superioris, vel ex protervia subditi.

Dico 19. Licentia requisita ut Religiosus aliquid possideat &c. non debet esse coacta, vel precibus importunis, favoribus metu vel dolo extorta. Similiter licentia debet esse legitima, hoc est, non ad malos usus. Quia eam Superior nequit concedere. Eius enim potestas non est ad destructionem.

Dico 20. Materia, de qua est dubium, an sit sufficiens ad furtum mortale, non est sufficiens ad peccatum mortale proprietatis. Cum Religiosi sint ut filij, Cum filijs autem non tam rigorosè proceditur.

Aduerte. Superiores iuste quandoq; reseruant damnum vnius floreni Polonici Communicati factum. Nam hæc materia licet non sit sufficiens in particulari, in communi tamen quandoq; est sufficiens. Cum sic Conuentus notabiliter damnificetur, dum hic & ille rapit. V. dicta in 3. d. 7.

Dico 21 Religiosi successivè minima accipientes, expendentes, &c. sine licentia, peccant mortaliter contra votum paupertatis, dum peruenitur ad notabilem quantitatem. Non intelligitur conclusio de rebus minimis comestibilibus aut potabilibus. Rebellus & Grassis. Quia in his non tam faciliter Prælati sunt iniuri. Nisi Religiosus his foueret personam inhonestam. Tunc enim quando perueniretur ad notabilem quantitatem, peccaretur contra paupertatem. Qui non posset præsumi licentia. Non procedit etiam conclusio quando actus non fuit moraliter vniti.

Dico 22. Religiosi vitam communem ex certis causis obseruare non valentes, debent esse parati ad recipiendam reformationem, & introductionem vite communis, si de nouo restauretur. Nec possunt sub peccato mortali resistere. Quia cum vita communis obliget omnes sub peccato mortali nec ab illius obseruantia excusari possunt nisi quia Prælati non provident de necessarijs, si sufficienter provident, nulla superest excusatio. Et hæc est communis sententia Theologorum apud Lez. to. 1. qq. Regularium ca. 6. Deducitur etiam ex Trid. Sess. 25. cap. 2. ex Clem. VIII. in decretis pro reform. Reg. Quod totum innouatum est à S. Congreg. autoritate Urbani VIII.





**Q V Æ S I T V M.**

*Quæ sunt pœnæ Proprietariorum de iure communi.*

**H**Æ. 1. Religiosus tempore mortis habens proprium debet sepeliri in sterquilino, saltem cum parte pecuniæ. Si est in loco sacro sepultus, inde extrahendus, nisi timeatur graue scandalum. De hoc autem quod sit mortuus proprietarius, debet esse certitudo moralis. quæ desumi potest ex præterita vita. 2. Si Religiosus deprehensus vel conuictus fuerit de hoc peccato, biennio astiuâ & passiuâ voce sit priuatus. 3. à communione altaris debet remoueri. 4. debet incarcerationi. Hæ pœnæ procedunt contra retinentes aliquid.

**D I S T I N C T I O IX.**

*De obligatione Beneficiariorum.*

**N**Ota Beneficium est jus perpetuum percipiendi fructus ex bonis Ecclesiasticis, Sacerdoti aut Clerico collatum ob ministerium Ecclesiasticum. Fructus Ecclesiastici in quatuor partes diuiduntur. 1. cedit Episcopo. 2. fabricæ Ecclesiæ. 3. Clericis. 4. pauperibus.

Nota 2. Beneficium sæculare diuiditur in simplex & duplex. Primum est, quod non habet aliquam jurisdictionem, prærogatiuam, neq; administrationem, sed tantum seruitium in Ecclesia, cantum in choro, Missam ad altare. Secundum, quod præter hæc habet aliquam juris qualitatem. sc. jurisdictionem, prærogatiuam & rerum Ecclesiasticarum administrationem. Beneficia habentia qualitates sunt, dignitas, personatus, officium, cura animarum &c. Dignitas propriè est, per quam Beneficiarius habet præminentiam cum jurisdictione in Clericos. Personatus, per quem beneficiarius habet eminentiam & gradum honorificum. v. g. in choro sedem superiorem, in collegio locum, absq; jurisdictione. Officium per quod Beneficiarius habet administrationem rerum Ecclesiasticarum absque jurisdictione.

Decanatus Præpositura, Archidiaconatus abbatia & Prioratus claustralis sunt Dignitates: Cantoria & similes, sunt Personatus. Syndicatus, Officium Sacristæ &c. sunt Officia.

Dico 1. Peccat mortaliter illegitimus qui sine dispensatione Papæ beneficium curatum accepit, aut simplex sine dispensatione saltem Episcopi. Adde Sam. de Lub. V. Benef. & acceptio est nulla. Peccat etiam mortaliter, qui suscipit beneficium curatum ante 25 annum inceptum, sine dispensatione Papæ. Adde Mosc. p. 8 Elem. ad S. Confess, collationem esse nullam. Idem incurrit recipiens beneficium non habendo primam tonsuram. Adde ex DD. collationem esse nullam.

Ex his collige ad recipiendum beneficium requiri. Ut habeat saltem primam consensum. Ut sit legitimi thori. Ut sit legitima ætatis. Bonorum morum. sufficientis doctrinæ. Careat censurâ & irregularitate.

Dico 2. Qui habita Ecclesia Parochiali non promouetur ad Sacerdotium intra annum, ipso facto perdit eam, & tenetur ad restitutionem fructuum post illum annum percipiendorum.

Dico 3. Qui suscipit beneficium curatum, sine intentione Sacerdotium suscipiendi, præter peccatum mortale obligatur restituere omnes fructus, nisi mutet voluntatem & eodem anno fiat Sacerdos.

Dico 4. Duæ Ecclesiæ Parochiales, officia personatus & dignitates. Item duo Canonicatus, vel duo sacellanix ad eandem frunctionem concurrentes in eadem Ecclesia, quæ dicuntur beneficia uniformia sub eodem recto, adeo nequeunt simul possideri, ut habito secundo beneficio, omnino perdatur prius beneficium, sine ulla declaratione.

Canonicatus verò simplices in diuersis Ecclesijs, & alia simplicia beneficia, siue requirant residentiam siue non, immo & sub eodem recto difformia, non possunt quidem sine peccato mortali ab eodem retineri, attamen si quis obtinet secundum, non hoc ipso vacat prius.

Dico 5. Si sit iusta causa possunt plura beneficia cum dispensatione haberi. Iusta autem causa dispensandi est manifesta necessitas, vel magna vilitas, quandoq; etiam prærogatiuæ & merita personæ, modo caueatur ne pluralitas beneficiorum ad priuatum tantum commodum referatur. Dixi. si sit iusta causa. Alias plura habens beneficia, non est tutus in conscientia.

Dico 6. Potest dari casus. in quo plura beneficia sine dispensatione licite habentur. 1. Si beneficium quod habetur, siue curatum, siue simplex sit valde tenue, ita ut non sufficiat ad congruam sustentationem Beneficiarij. In tali ergo casu licitum est aliud, sed simplex, & vnum tantum habere. Dummodo hoc alterum residentiam, quocumq; modo, hoc est siue jure communi, siue consuetudine, aut statuto, siue etiam fundatione, non requirat. 2. quando vnum datur in titulum, aliud in cõmendam non perpetuam, sed ad aliquot menses 3. Quando beneficium est alteri annexum, vel incorporatum.

Quæritur. Quod beneficium censetur sufficiens. 1. quod Beneficiario & familiæ sufficiat, etiam ad calus accidentales, v. g. morbos. Intra familiam Parentes & consanguinei numerantur. Si sit necessarium eos alij. Præterea quod sufficit ad hospites & peregrinos excipiendos & episcopalia jura persoluenda. Potest autem hic haberi ratio nobilitatis, scientiæ &c. cum respectu tamen ad Ecclesiæ vtilitatem, & cauendum est ne nimium nobis indulgeamus.

Dico 7. Habentes Parochiales Ecclesias, obrinentes Dignitates, Canonicatus. Præbendas, vel portiones, in Cathedralibus vel Collegiariis Ecclesijs, relictæ tenentur. Quantum ad alios simplices Beneficiarios hæc obligatio non currit, dummodo substituunt Vicarios. Verendum tamen est ne sit abusus & contra intentionem Fundatorum, præcipue in beneficijs pinguibus.

Dico 8.

**Dico 8.** Parochus tenetur munus Parochiale exercere per seipsum. Aliquando tamen uti potest alterius Sacerdotis opera in animarum cura administranda. Probabile est Parochum non residentem in Parochia, sed omnia munera per alium exercentem, posse fructus percipere & retinere, quoties ita per Capellanum satisfacit, ut oves nullum graue detrimentum inde habeant.

**Dico 9.** Habens Ecclesiam Parochialem in qua Vicarium perpetuum legitime institui obtinuit, non tenetur eo viuente residere, modo tota cura animarum translata sit incoadiutorem, abdicata à Parocho administratione.

**Dico 10.** Non Peccat mortaliter Parochus, si per bimestre absit, ex iusta causa, quamuis sine licentia Episcopi, sine damno tamen ouium, & substituendo in sui locum alium idoneum ministrum.

**Dico 11.** Habens beneficium curatum, si non resideat, incurrit priuationem fructuum pro rata absentiae, etiam ante ullam iudicis sententiam. Trid. Sess. 13. cap. 1. Quod si per alium deseruiat potest retinere fructus. Nam qui per alium facit per se ipsum facere censetur. Quid autem dicendum, de habentibus dignitates, Canonicatus, praebedas vel portiones in Ecclesijs Cathedralibus vel Collegiatis, si intra annum ultra tres menses absint. V. Trid. Sess. 24. cap. 12. de Reform.

**Dico 12.** Qui ex legitima causa absit, non lucratur distributiones secundum Trid. nisi absit in negotio Ecclesiae, & ex commissione Capituli, vel omnino inuoluntarie v. g. propter morbum.

**Dico 13.** A residentia excusat iusta causa cum licentia. In particulari autem: 1. obsequium Episcopi ad Ecclesiae utilitatem 2. Lectura Theologiae vel Iuris Canonici. Item lectura literarum humaniorum, & Philosophiae, sed haec duae postremae lecturae requirunt licentiam Episcopi, nisi consuetudo contrarium habeat. 3. Studium Theologiae Iuris Canonici, etiam per quinque annos. 4. Iusta & honesta consuetudo, ubi Trid. non est acceptatum. Alias non excusat. In Ecclesijs Collegiatis non insignibus excusa à non residentia consuetudo immemorabilis, & reuerentis tenues, qui Canonicos alere non possunt, refert declaratum à S. C. Goffar in Compendio Bonac. V. Residentia.

**Dico 14.** Beneficiarij consanguineos jurare possunt, non ut ditiores fiant, sed ne egeant. Ex his vero quae sibi suisque supersunt, pauperibus vel pijs operibus sub prelo erogare tenentur. Peccat ergo mortaliter Beneficiarius, si de redditibus Ecclesiasticis notabilem partem male impendit, & secundum Naturam restituere obligatur, quod tamen alij negant, cum sit dominus talium reddituum, sed à peccato non excusant.

**Dico 15.** Beneficiarius potest facere testamentum de bonis hereditarijs arte doctrinam vel donatione acquisitis, secus de fructibus beneficij. de his tamen ex consuetudine multis in locis recepta, possunt absque ulla licentia, (sed ad opera pia tantum) testari. Quare excommuni sententia peccant mortaliter, qui fructus beneficij relinquunt consanguineis diuitibus,



## QVÆSITVM.

*Peccat ne grauitè, qui relicto digniore, beneficium dat digno.*

**Q**uòd sic. Patet ex determinatione Innoc. XI. Damnantis propositionem 47. Aliqui intelligunt resolutionem de beneficio curato. Aliqui loquuntur absolute de quauis electione digni, relicto digniore. Hoc est certius si fiat oppositio dignior semper præferendus, obligatio sub peccato mortali eligendi digniorem propter eandem rationem extenditur ad Regulares. & alias S. Th. 22, quæst. 63. art. 2. ad 3. vniuersaliter loquitur.

Aduerte. Maior dignitas non sumitur, ex maiori authoritate, eruditione, pietate, sed peritia in administrando officio, attentis circumstancijs loci, temporis, personarum &c. Et hæc loquendo de digniore & digno. Nam quando concurrentium, seu petentium beneficium, par est dignitas & æquale meritum, Ibi ex aliqua causa, v. g. amicitia, cognationis, vel societatis, alter præfertur, non peccat elector, modo absit scandalum.

## DISTINCTIO X.

*De nonnullis alijs obligationibus Clericorum.*

**N**ota. Nomine Clericorum in lata significatione veniunt etiam Clerici primæ tonsuræ. In stricta tamen significatione non comprehenduntur Clerici in dignitate constituti v. g. Episcopi, &c. Arn. V. Clericus, immò nec Regulares. Gab. à S. V. V. Cle. & propterea in materia odiosa præfari non veniunt nomine Clericorum.

Dico 1. Si illegitimus suscipiat minores Ordines sine dispensatione Episcopi, & maiores sine dispensatione Papæ, peccat grauitè.

Dico 2. Qui post commissum delictum efficitur Clericus, non punitur quoad personam nisi a Iudice Ecclesiastico. S. Cong. 7. Decembr. 1631.

Dico 3. Clericus delinquens in Monasterio Regularium, non potest secundum aliquos ab Episcopo puniri, cum censeatur delinquere extra territorium. In propria Ecclesia non gaudet immunitate. Excommunicatus tenetur officium diuinum recitare. Alias pœna esset ei fauorabilis. Tempore belli defensionis compelli potest ad murorum custodiam. Gab. à S. V. quo ad omnes partes l. c.

Dico 4. Clericis prohibetur venatio turbulenta, permittitur autem modesta, in qua nec clamores, nec scurrilia fiunt. Quando enim Prælati vel Clerici interfunt, omnia modeste, honestè, & grauitè geri oportet. Et hæc distinctione satisfit antiquis Canonibus prohibentibus Episcopis & Clericis venationes. Loricinus

## *De obligatione Clericorum* L. 4. 483

richius in Thesauro V. Venatio. Est autem modesta & non turbulenta venatio, dum Clericus cum vao cane, solus cum sclopeto, causâ recreationis venatur Gab. à S. Vincen. l. c.

Dico 5. Non licet Clericis exercere mercaturam per seipsos. Immò Clericis negotiatoribus, apponuntur graues poenæ. Vt excommunicentur. Vt suspendantur ab officio Ecclesiastico. Item imponitur eis depositionis poena. Tandem iubetur, vt explodantur à Clericali consortio. Textus pro his poenis V. apud Fer. 4. p. V. Clericorum peccata. Vt tamen has poenas incurrant moneri debent, ait Gab l. c. sicut etiam Clericus concubinaris vt poenas incurrat, moneri debet. Ita Idem. Sequitur ergo ex probationibus insinuatâ Clericum mercaturam exercendo peccare mortaliter. Si per seipsum ratione lucri, vt alij mercatores, exerceat.

Aduerte. Mercatura Clericis prohibita ea sola est, in qua res emitur, vt eadem absq; alio artificio adhibito vendatur cum lucro. Fer. l. c. cum Comito. Idem secundum Fer. non est mercatura emere animalia macra, vt pingua vendantur, & alia similia in quibus adhibetur industria & artificio ementis ad venditionem cum lucro. Non est etiam illicitum emere vinum novum & seruare per annos, vt tanquam melius cum lucro vendatur. Sylu. V. Cle.

Dico 6. Licet Clericis exercere mercaturam per alios. vt hi principaliter mercaturam exerceant. Quare si Clericus DE O vacet, & solum alicui tribuat pecunias vt mercaturam exerceat, amoto scandalo potest lucrum reportare. Conceditur. Clericis tale honestum lucrum in Conc. Agathensi relato cap. 1. de Cel. Missi V. Sam. de Lub. V. Bulla C. D. casu 18.

Dico 7. Licet Clericis honestas artes per seipsos exercere: Nam Diuus Petrus & alij Apostoli piscatoriam artem non deseruerunt.

## DISTINCTIO XI.

### *De obligatione Parentum.*

Dico 1. Parentes obligantur instruere filios in his quæ ad honestatem morum noticiam fidei ac Religionis Christianæ pertinent. Item tenentur Parentes providere filiis de vitæ necessarijs

Dico 2. Mater siue adultera, siue non, tenetur alere filium vsq; ad tertium annum, non solum in casu diuortij, sed absolute, & Pater post triennium. Mater, non habens iustam excusationem proprio lacte lactandi filium, peccat solum venialiter si per seipsam non lactet, peccaret tamen mortaliter non querendo bonam nutricem.

Dico 3. Mater adultera si non consensit in adulterium, sed vi, metu aut fraude violata est, non tenetur alere filium pro primo triennio, sed ad id tenetur adulter. Quod si consensit in adulterium, pro primo triennio tenebitur adultera, pro

reliquo adulter. Sam. Lub. cum Rodriq. V. filius spurius mittatur ad hospitalē, sola mater tenetur ad expensas pro primo triennio, pro reliquo adulter.

Dico 4. Peccat Parentes, si filios post emissā vota continentiae in ætate de- liberandi, vi aut dolo, reuocant ab eorum implerione, vel consulunt, aut co- gunt eos ad coniugium eligendū. Scias quod Eugenius IV. Bullā 7. relatā in compendio. Manuelis Rodriq. excommunicet impediētes intrare Religionem, aut eos à Religione extrahentes. Sed id per communicationem cum P.P. Bene- dictinis. Scias, Si Priuilegium P.P. Benedictinis, sc. Congregationis Mont. Oleeuēti à Iulio 2do. concessum sit distinctum à Priuilegio Eugenij 4ti. quod de- la Cruz, supra 7. præceptum q. 7 a. 2. dub. 2. a 1 determinatam Religionem non restringit, non est propriè communicatio V. citatum Rodriquez. Scias etiam dictum Iulij secundi priuilegium esse contra præsumētes. Tandem scias, com- municationem priuilegiōrū tantū ad eos Religiosos extendi, quibus cōcessum.

Dico 5. Horret Natura vt Parentes puniant filios morte vel mutilatione. Vnde nec Adam potuit Cainum occidere, qui mortem meruit vt homicida. Li- cet enim fuerit Dominus orbis vniuersi, sed non iudex & princeps in filios. Sam. de Lub. l. c. ex Salon.

Dico 6. Parentes tenentur dotare filias spurias. Gab. à S. Vinc. V. Paren- tes, & Arm. V. Filius ex Panorm. Filijs autem spurij, non tenentur bona, tan- quam hæreditatem, relinquere, immò nec possunt. Quia sic in iure disponitur. Nisi alimenta. Spurij ( vt refert Gab. à S. Vinc. V. Filius ) sunt, nati ex adulte- rio, aut consanguinea, aut meretrice, aut vago concubitu, qui Patrem nominare nesciunt, aut ex habentibus plures concubinas, aut ex Religioso, vel Clerico in- sacris constituto. Nam qui ex soluto & soluta, seu ex concubina in domo re- tenta vt vxore, nati, spurij non sunt, sed naturales tantum, ait Arm. V. Filius, & spurios vocat natos ex damnato coitu.

## DISTINCTIO XII

### *De obligatione Filiorum.*

Dico 1. Filius accusans Patrem in iudicio, vel testem contra eum agens, gra- uiter peccat, & potest à patre exhæreditari, licet Pater ob crimen commis- sum, secundum leges puniendus esset pœnā mortis, amissionis bonorum, &c. Sam. de Lub. l. c. Duo casus excipiuntur. 1. Si crimen læsæ maiestatis commi- sit. Et sic si est proditor Reipublicæ, aut machinatur principi malum, debet quidem eum obsecrare filius, ne id faciat, dum tamen non proficit, accusare. 2. Si hæresim, non quameūq; sed perniciosā & aliorum infectiuam incurrit. Sam. l. c. cum Graff

Dico 2. Filius oretenus tantū & non ex animo maledicens Parentibus, non amplius quā venialiter peccat, Nauar. in man. c. 14. Aliud esset, si vel alij grauiter scandalizarentur.

Dico 3.



Dico 3. Filia seruens Patri infirmo, eam ad malum sollicitanti, deserere cum tenetur, si periculum proximum timeatur quamuis Parens sit in extrema necessitate. Fruitur ex illo: *qui amat Patrem plus quam me, non est me dignus*. Quod si sentiat nullatenus se casuram, non tenetur id facere, exemplo Ioseph, qui cum dominam suam quotidie sibi molestam haberet, non tamen seruitia domus reliquit. Gen 39.

Dico 4. Filius, ex bonis Parentum aliquid notabile contra eorum voluntatem accipiens tenetur restituere cohæredibus, vel computare pro parte sortis suæ nisi Pater viuens donasset. Idem dicendum, si Patre viuente, consumpsit aliqua bona paterna in ludis, vltibusq; vanis, aut Pater soluit in pœnam delicti eius. Sumptus tamen, quos propter studium Patre viuente fecit, non tenetur computare. Immo Fratres post mortem Patris, tenentur ante diuisionem soluere debita, quæ propter studia Patre viuente contraxit, licet contracta post Patris obitum, non teneantur soluere. Mole. quoad omnes partes 2. p. Tir. in speculo particulari diuersarum condicionum.

## DISTINCTIO XIII.

### *De Nobilibus & eorum subditis seu rusticis. De Patribus familias & eorum famulis.*

**D**E his, quo a l casus difficiliores nihil occurrit, meminerint tamen Confessarij monendos esse Nobiles & Dominos de oppressione cauenda quoad labores, census, itinera, vltra consuetudines antiquas & rationabiles. Quoad emptiones aut venditiones cariores, & aliquando grani immundi & corrupti. Quoad retentionem mercedis. Quoad duplam aut maiorem, quàm par sit; solutionem damni, per seruum facti. Quoad defraudationem vectigalium, sub pretextu necessitarum propriarum emendo. reipsa verò negotiando. Quoad commestationes, ebrietates, cum damno familiz. Quoad labores die festo. Aduerte non excusari Dominos à peccato mortali qui rusticis pro custodia domus deputatis mandant labores, qui anticipate peragi possent, vt est sectio lignorum pro culina & fornacibus hyeme. Sciant. in tali casu augeri peccatum secundum numerum personarum ab auditione Missæ impeditarum Quoad constitutionem pœnarum propter priuatum commodum.

Meminerint 2. Monendos Dominorum subditos, de fidelitate in laborando, de furtis cauendis in pascuis, syluis &c. imprecationibus, aleis, ebrietatibus cum præiudicio domus, & aliis.

Meminerint 3. Patresfamilias, monendos esse circa familiam, Quoad spiritualia. v. g. doctrinam Christianam, Sacramentorum vsum, festorum cultum, Missæ auditionem, ieiuniorum obseruationem, vitæ honestatem. Et quamuis cum magno suo incommodo, non tenentur importunè & acerrimè instare, tenentur tamen serio monere & discretè obiurgare. Tempore infirmitatis, de cura quoad animam & corpus, de mercede recenta &c.

Memi-

Meminerint 4. Monendos famulos. de infidelitate cauenda in custodiendo, dispensando executione iniquè iussorum à Dominis, iniqua conseruorum accusatione &c.

## DISTINCTIO XIV.

### De peccatis in iudicio.

**N**Ora 1. Triplex est via procedendi in iudicijs. 1. Via accusationis, quando actor spondet se obiecta probaturum. 2. Via denuntiationis, quando deferens crimen non vult suscipere onus probandi. Duplex est denuntiatio. Evangelica, quæ tendit ad emendationem fratris, & fit Superiori tanquam Patri. Iudicialis, quæ tendit vel ad punitionem criminum ob bonum commune, vel maius impeditiōē. Et fit Superiori tanquam Iudici. 3. Via inquisitionis. Et hæc tunc exercetur quando Iudex ex officio procedit ad pargandum locum sæ jurisdictioni subiectum. Lessius l. 2. iust. c. 29. d. 12.

Nora 2. Hi non possunt esse iudices, surdus, mutus, perpetuò furiosus, impubes, foemina, seruus excommunicatus, consanguinei rei, inimici actoris, vel alia causa suspecti, imperiti seu illiterati, Tabiena V. Iudex.

Dico 1. Si Iudex ignorat jus secundum quod iudicare debet, vel saltem cum consilio peritorum & bonæ conscientie, exequi non curat quod iustum est, peccat grauiter acceptando. Idem dicendum est, si ita non est fortis vt audeat contra potentes ferrè sententiam, & tamen acceptat.

Dico 2. Iudex, quamuis comestibilia & potabilia moderata ex mera liberalitate oblata suscipere valeat, tutius tamen est neq; talia acceptare vt liberius possit in iudicio procedere, ex quo intellige alia dona in materia notabili sub graui peccato prohiberi. Quod colligo ex Makouio. tr. 8. super Decal. d. 2 q. 2. 1. & Villalob apud eundem.

Dico 3. Habens causam iustam & dans Iudici pecuniam, vt iudicet pro se quia aliter non vult iudicare, non peccat quia red mit vexationem. Arm. V. Iudex cum Panorm. quos sequitur Sam. de Lub. Nec est Summa via, quia non datur temporale vt acquiratur spirituale. cum iam jus quod redimitur habeatur. Ita iudex secus esset si per sententiam jus in spiritualibus acquireret.

Dico 4. Vt Iudex possit instituere inquisitionem specialem contra aliquem tendentem ad punitionem criminis, debet præcedere aliqua infamia, id est rumor sparsus, vox publica, per quam apud viros probos reddatur suspectus.

Dico 5. Iudex non potest totaliter relaxare pœnas reorum. Quia impeditur. Primo ex parte accusatoris, ad quem a iquando pertinet jus. 2. Ex parte Reipub. ad cuius bonum spectat vt malefactores puniantur. Ideo inferiores iudices non possunt pœnas taxatas à Superiore, remittere. Superior verò potest, cum viderit expedire, etiam si nollit passus iniuriam remittere, si hoc bono communi expediat. Non possunt etiam inferiores iudices; pœnam taxatam à iure minus-

minuere, sicut potest superior. Quod si pœna non taxatur à jure, cõmittitur iudicis arbitrio Arm. quoad omnes partes.

Dico 6. Iudices inferiores non possunt post latam sententiam eam mutare. Immo secundum Tab. nec maiores. Ait tamen Gab. à S. Vinc. posse Principem suam sententiam mutare. & allegat Sylu.

Dico 7. Potest iudex sine citatione & defensione, & processu reum condemnare, si est crimen publicum, vel si ipse in flagranti delicto malefactorem offendit. Interuenit enim tunc notorium facti loco accusationis & testium, faciens scientiam publicam, excitans ad publicum iustitiæ actum. Sam. de Lub. cum Aragonio.

Dico 8. Peccat iudex mendacio, quando verbis simulatis promittit reo impunitatem, vt ab illo extorqueat veritatem. Et quia in re graui decipit, & contra juris ordinem, non excusandus à mortali.

Dico 9. Peccat mortaliter iudex concedendo dilationes, quas non debuit. Et obligatur ad restitutionem damnorum. Item peccat mortaliter condonando sine iusta causa, ea, quæ lege diuina, naturali, Ecclesiastica vel ciuili sunt damnata.

Dico 10. Peccat grauius iudex, interrogando ad quod reus respondere non tenetur. Ex leuibus indicij procedendo. Inquirendo occultum. Damnando quàmuis nocentem, sed sine sufficienti probatione, vel inauditum vel indefensum.

Dico 11. Non excusatur à mortali iudex, si erga peregrinos, viduas, pupillos, & alias miserabiles personas inhumaniter procedit Sczt. non prouidendo patrimonium, aut causam quàm primùm non expediendo, cum notabili detrimento earum.

Dico 12. Iudices laici excommunicantur in Bulla Cœnæ, si se interponant in causis Clericorum. Excipitur. 1. Quando Clericus est realiter degradatus. Quia per degradationem amittit omne priuilegium. 2. Quando Clericus inuenitur in flagranti crimine. Tunc enim capi potest, vt suo iudici tradatur. 3. Quando quis post delictum commissum & inquisitionem juridicam formatam efficitur Clericus, tunc enim iudex secularis potest causam prosequi, & Clericum punire, non tamen pœnâ capitali, sed pecuniaria. 4. Quando Clericus Laicum accusat. &c. Gab. à S. Vinc. V. Iudex, quoad omnes partes. V. conc. 8. in 1. de homicidio. Vbi de innocente accusato.

## DISTINCTIO XV.

### De obligatione Aduocati.

**N**Ota. Ab Aduocati officio arcentur Religiosi, nisi vbi monasterij utilitas reposit, non tamen in causis secularium. Arcentur etiam Clerici in causis secularium, nisi sint personæ miserabiles.

Dico 1. Peccat grauius Aduocatus, non monendo partem, vt desistat à prosecutione causæ dum iniustam agnoscit, id tamen aduersario indicare non debet,



neq; alijs. Mosc. p. 8. Elem. ad 5. Conf. de pec. Procur. Quod intellige secundum conclusionem 5. d. 17.

Dico 2. Aduocatus potest aduocare etiam in causa dubia, ut docet Sylu. Quia Aduocati officium solum est proponere, quæ sui clientis jus confirmant, quod in causa dubia non est iniustum, sed iuvat ut a iudice causa melius expendatur. Moneat tamen clientem. Nam hic fortè desisteret.

Dico 3. Peccat grauitur Aduocatus dum causam pauperis constituti in gravi necessitate sua auxilij, vel oppressi aut iniuste tractati, suscipere recusat, siue ob defectum solutionis, siue propter quicumq; alium respectum.

Dico 4. Aduocatis ad annum conductis pro certo salario. illis debetur, licet eo anno nullam causam defenderint, per ipsos namq; non stetit. posset tamen arbitrio boni viri aliquid detrahi, nisi essent tales qui vellent magis laborare quam ferari;

Dico 5. Peccat grauitur Aduocatus exigendo maius stipendium, quam conueniat. Potest pacisci de quota litis, absente præsumptione fraudis. Suspicionem & occasionem volendi vincere per fas & nefas.

Dico 6. Peccat etiam grauitur reuelando suæ partis fundamenta alteri. Immo potest prudenter occultare quæ jus sui clientis impediunt. Modo, non sint necessario aperienda, nec sequatur deceptio partis contrariæ.

Sed an Aduocatus irregularitatem incurrat, si eius negligentia reus damnetur, probabilius videtur quod sic.

## DISTINCTIO XVI.

### De obligatione Notarij.

**N**Ota. Notarius dicitur ille, qui habet officium publicum scribendi instrumenta ad faciendam fidem. Quando creatur, jurat, vel saltem jurare debet super hæc. 1. Conficiet instrumenta de quibus fuerit rogatus. 2. Nil veritatis tacebit. 3. Nullam falsitatem miscebit. 4. Non reuelabit secretum, nisi iusta de causa. 5. Non conficiet instrumentum de contractu usurario, vel de alio illicito. 6. Retinebit de omnibus instrumentis quæ dederit registerum. 7. Erit fidelis ei à quo est creatus Notarius, & admonet eum super his quæ s. iuerit in eius damnum vergere. 8. Nullo amore, odio, spe, vel etiam timore, abutetur suo officio. Nau in Man. c. 15. Instrumentum ab infami confectum nullius est valoris, nisi sit infamia occulta. Sam. de Lub. ex Sayro.

Quando in casu aliquo Notarius non potest haberi, possunt vicem eius supplere duæ personæ honestæ Tabiena V. Tabellio.

Dico 1. Qui ob ignorantiam, negligentiam &c. omittit clausulas, vel solemnitates necessarias ad valorem inscriptionis, aut obscuritates admittit, non exculatur à mortali, & tenetur restituere, si damnum inde proveniat.

Dico 2. Notarius scribens instrumentum vel testamentum falsum, ignis potest

nam promeretur, vel amputati nem manûs. Scribens instrumentum vsurarium, est infamis, si delictum est notorium. Gab. à S. Vinc. V. Notarius, quoad vtramq; partem. Præterea est periurus, si oppositum in sui institutione iurauit.

Dico 3. Notarius Christianus, scribens instrumentum vsurarium inter Iudæum & Christianum, ex parte Iudæi peccat, ex parte Christiani non peccat. Ideo ex parte Iudæi peccat quia Iudæus peccat, & ille cooperatur. Ideo ex parte Christiani non peccat quia, Christianus vsuras in necessitate promittens, non peccat. V. dicta in l. d. 34. Con. 6.

Dico 4. Non excusatur à mortali Notarius, si pauperibus, eò quòd non sint soluendo scripturas non conficit, vel non tradit, vnde magnum detrimentum patiuntur.

Dico 5. Non excusatur etiam à mortali, si partem renunciaturam alicui juri, ex ignorantia non informat. Ex quo patet cum peccare grauiter, qui minus idoneus officium Notarij acceptat.

Dico 6. Non licet Notarijs exigere precium vel oblatum acceptare nisi secundum quod est taxatum. Quia talis acceptio grauib; pœnis prohibetur, quas Notarij icire tenentur. Et quia talis prohibitio intendit vitare maxima inconuenientia, hinc obligat, ubi mortali. Non tamen à restituri onem acceptori non obligantur si leges sint tantum prohibentes & non annullantes acceptationem. ait Fern p. 4. cap. 13. § 2. & alij.

In consuecendis moribundi testamentis sint cauti Notarij, ne consueciant testamentum jam carentis iudicio, alias obligabuntur ad restitutionem ei, qui successurus erat.

## DISTINCTIO. XVII.

### De obligatione Testium.

**N**Ota. Hi non possunt testificari 1. Serui, pro vel contra Dominum. admittuntur tamen in factis alterius 2. Religiosi coram Iudice seculari, sine licentia Superioris, quòd si testificentur sine licentia, valet. Lez. to. 1. c. 9. & Gab. à S. Vinc. V. testis. Possunt tamen esse testes in quocunq; testamento, siue clauso siue aperto, etiam quando aliquid relinquitur mortuo alteri. S. Cong. apud Gab. 3. non possunt testificari mulieres in testamentis solemnibus, possunt tamen in codicillis, item non possunt testificari in criminalibus, excepta Simonia & hæresi alij uè quibusdam. Possunt tamen in causis civilibus. vel si de crimine civiliter, vel in modo denuntiationis, aut inquisitionis seu exceptionis agitur, etiam partes criminis, & contra Clericos. S. ias has coram Iudice non esse examinandas. sed mittendum ad domos earum. 4. Impuberes. Quia in civilibus requiritur pubertas, & in criminalibus viginti anni. Potest tamen impubes testari de visis tempore, quo est capax doli, & eius testimonium facit indicium ad torturam. e. Furioli & mente capti. sicut etiam repelluntur ab officio iudicandi, nisi habeant lucida interualla. 6. Infames. Periuri. publici Vsurarij. Concubinarij. Falsarij Pauperes, si tales sint conditi.

conditionis, quòd pecuniâ possint corumpi, aliàs possunt testari. 8. Infideles, Hæretici. Apostatæ à fide. Vbi tamen impune grassantur hæreses, Hæretici non prohibentur testari. 9. Affines & cognati. 10. De familia actoris vel rei. 11. Inimici vel amici, vbi tamen Iudex arbitrabitur. 12. Domestici exceptis quibusdam casibus. V. Less. L. 24. C. 3. 13. Socij criminis, Nisi in causa denuntiatiōnis, & in crimine læsæ Maiestatis, atq; Simoniz. Tandem, ignoti.

Debet ergo esse testis omni exceptione maior, ita vt contra illum nihil possit opponi ad illum reprobandum. Ly tamen positum ad initium non excludit licentiam Superiorum sed ostendit maiorem securitatem stante S. C. declaratione.

Nota 2. Quàmuis præfati testes secundùm iura non sint idonei ad testificandum, possunt tamen admitti in casibus difficilis probationis, quando delictum est tale, vt ex natura rei non possit per alios testes magis idoneos probari, v. g. si delicta sunt commissa in siluis, tempore nocturno in cubiculis, alijsq; locis secretis, vbi Iudex non potest aliter veritatem indagare. Makouius, tr. 8. d. 2. q. 3. cum Baldo. Nauar. & communi. Ait tamen Sam. de Lub. testes inhabiles, in prædictis casibus non plenè probare, sed præsumptionem inducere.

Nota 3. Testi vni in re magni momenti si est fide dignus, possumus quidē credere, sed non tenemur. Aliquando tamen vnus testis probat, vt cum nulli sit præiudicium v. g. quòd quis sit baptizatus. Vel dum impediendum peccatum, v. g. matrimonij illiciti &c. Iure tamen naturæ in grauib; causis, quando agitur de condemnatione alicuius requiruntur saltem duo testes, conuenientes in dicto, testificando de loco, tempore &c. se vidissē aut saltem sensu externo percepissē, tale factum à tali persona. Alias vnus testis, quàmuis idoneus, solum facit semiplenam probationem. Immò si dixerit, tantùm audiuisse ab alijs, non facit probationem sed tantum indicium.

Nota 4. Testium dicta debent esse consona, de eodem numero facta, aliàs testes erunt singulares & non probabunt. Consonantia autem debet esse quo ad ista *Res. persona, locus, gradus hæc sint consona, tempus*. Dissonantia tamen leuis, non mutat substantiam facti, v. g. si varietur hora, vel dies hebdomadz, quod Iudicis arbitrio remittitur.

Dico 1. Testis ante Iudicem legitimè productus, & secundùm ordinem iustitiæ interrogatus, si non manifestat veritatem in præiudicium pærtis, peccat grauiter. An vero teneatur ad restitutionem, dubitatur Affirmat Orelanna, Med. Soto & Nau. apud dela C. Sup. 8. prec. de Iniustitia Testis. Negat Bann. quem sequitur dela C. l. c. Hoc certius est, quod etiam docet Nau. si Testis vocatus vt testificetur se abscondat, non tenetur ad restitutionem.

Scias. Testis non tenetur dare testimonium cui imminet vitæ periculum, vnde licitè potest fugere, & interrogatus veritatem celare, modo non mentiarur. Hoc enim ab intrinseco est malum & nunquam licitum. Sam. de Lub. V. testis cum Graff.

Dico 2. Quando Testis pecuniam accipit, vt falsum testimonium dicat, quamuis



uis teneatur restituere damnum alteri ex falso testimonio illatum, non tamen teneatur restituere pecunias pro falso testimonio datas. Paret ex his quæ dixi in r. dist. 2. conc. 4. Quod si accipit, ut verum dicat, tenetur pecunias restituere. Quia sine his tenetur veritatem dicere. Mosc. par. 8. Element. art. 12.

Dico 3. Quando delictum est in fieri, seu pendet in futurum, tunc quicumque scit authorem, prodere tenetur, etiam si vnus tantum sciat quia vnusquisque lege charitatis, etiam non rogatus à Iudice, tenetur in hoc casu accusare, ut euitetur graue malum proximi. Quod si crimen iam est transactum, tunc si vnus solum testis sciat delinquentem, non tenetur eum prodere v. g. jacet cadaver hominis in platea, nescitur homicida, & Iudex ratione officij inquit auctorem, si vnus solum nouit homicidam, non tenetur prodere quia cum Iudex tantum generaliter inquirat, & nihil in particulari præcipiat, eò ipso videtur interrogare eos, qui sciunt homicidam, quando plures, & ad minimum duo sciunt, Sayrus in clauæ Reg. l. 1. c. 20 quem sequitur Sam. de Lub. l. c.

Dico 4. De crimine sub secrete naturali dicto teneor testificari, licet sub iuramento promiserim non reuelare, si crimen pendet in futurum cum notabili damno proximi. Quia tale crimen teneor accusare, vel saltem denuntiare, ergo à fortiori teneor testificari. Nec iuramentum in tali casu obligat, cum non sit vinculum iuramentis. Sam. de Lub. V. Testis ex Sylu. & Sayro.

Dico 5. Sciens per consultationem, (ut Aduocatus Medicus &c.) aliquod peccatum secretum & detegens illud peccat. Nisi cognitio eius esset necessaria ad mala impedienda. Considerandum tamen est an maius bonum sequatur ex manifestatione. Nam si minus bonum sequitur ex vna parte, maius malum ex alia, non possunt manifestare.

Dico 6. Emissio sanguinis in præsentia homicidæ occulti non est sufficiens signum etiam ad capturam. Non enim constat, an id fiat operatione diuinâ in detestationem homicidij, an ex aliqua causa naturali, an fraude diaboli. Idem dicendum de probatione per aquam, quâ Iudices nonnulli feminas magis suspectas solent in aquam cerro modo ligatas injicere, quæ si mergantur, absoluntur, si verò non, torturæ adiudicantur. Hoc enim indicium non est sufficiens ad torturâ, & operâ demonis fieri potest. Less. l. 2. c. 29. d. 27. &c. &c.

## QVÆSITVM.

*An liceat obijcere Testi crimen pro infirmando  
eius testimonio?*

**T**ESTIS in quo imponenti crimen falsum, aut reuelanti occultum verum, licet obijcere crimen verum etiam occultum. Ita com. n. apud dela C. Sup. 8. præ de iniustitia Testis. Nam vim vi repellere licet. Nec ista est aggressio sed legitima defensio. Et hoc etiam licet, etsi testis per ignorantiam inculpabilem

probabilem inferat talem injuriam. Immo et si testis dicat verum & legitime, si habet crimen probabile, quo eius testimonium repugnet, licet obijcere illud ei. Nam sic reus defendit se cum moderamine, quod ei licet, cum censetur inno- cens, dum per legitimos testes non probatur nocens. Et damna secuti, et imputantur, qui non tenebatur testificari cum periculo honoris. Et intelligun- tur prædicta, per se loquendo. Nam aliquando illud non licebit. 1. Si crimen obiectum testi nihil conducit pro infirmando testi monio. Nam tunc talis ob- iectio criminis non erit defensio sed vindicta. 2. Si reus potest alter se defen- dere. 3. Si damnum quod sequitur reo est paruum, non licet obijcere testi crimen notabile. Et semper crimen obiectum debet esse minimum, quod est necessari- um pro infirmando testimonio. Cum reus teneatur se defendere cum moderami- ne.

## Q V Æ S I T V M. II.

*Quid faciendum dum Testis sibi ipsi contradicit?*

**Q**uando Testis dicit vnum extra iudicium, & contrarium in iudicio, tunc standum est dicto secundo. Quia est firmatum. Si vero dicit in iudicio vnum, & postea extra iudicium reuocat, standum est primo ob eandem ratio- nem. Caterum si in vno iudicio dicit vnum & in altero iudicio contrarium, stan- dum est primo dicto. Quia ius parti est acquisitum per illud. Tandem si testis in vno iudicio dixit se nihil scire, & in secundo fert testimonium, tunc nihil pro- bat. Sam. de Lub. l. c. cum Azor.

## D I S T I N C T I O XVIII.

*De obligatione Accusatoris.*

**N**ota. Accusatio est delatio rei de crimine, in libello, ad vindictam, propter bonum commune. Gab. a S. Vinc. V. Accus. Quatuor ad accusationem con- currunt. 1. Debet fieri in scriptis. 2. Nomen Accusatoris & accusati est expre- ssim. 3. Species delicti, locus & tempus, si niter annis, & mensis imò etiam dies, quando Reus volens se defendere petit eum apponi, dicens se alibi eo die fuisse. 4. Requiritur Accusatoris subscriptio, quæ ad pœnam rationis se obli- gat. Hæc (ait Sam. de Lub.) modò non videtur esse in vtu.

Nota 2. Excluduntur ab accusatione, omnes excommunicati. Maiorum cri- minum rei. Infames, incestuosi, adulteri, homicidæ, periuri, venefici, raptores, qui falsum testimonium dixerunt, turpem quaestum exercentes v. g. qui nummos acceperunt ob accusandum. Inimici. Laici ab accusatione Clericorum, nisi suam injuriam prosequantur. & nisi peccatum sit hæresis, simoniæ, crimen lætæ maiesta- tis, sacrilegij, & dilapidationis bonorum Ecclesiæ. Clerici ab accusatione laici criminaliter, non tamen civiliter. Impubes Mulieres, & milites. Subdici re- spectu

specu praelatorum. filij respectu Parentum. Servi respectu dominorum.

Dico 1. Datur praeceptum de accusatione. Vnde qui non accusat delinquentem contra bonum publicum vel privatum notabile, peccat, tum contra pietatem, tum contra charitatem. Quod si ex officio tenetur accusare vel denunciare, etiam contra iustitiam facit, & ad restitutionem damni, si sequitur, tenetur. Tenemur autem accusare. 1. crimina quae cadunt immediate in damnum communitatis, ut est conspiratio contra principem, rebellio, monetae falsificatio &c. 2. quae ledunt mediate bonum commune, ut sunt peccata, atrocitas & peccata publica. 3. quae sunt contra personam privatam in re magni momenti.

Dico 2. In privato crimine non admittitur ad accusationem regulariter, nisi ille cuius interest. In crimine autem publico, quilibet est admittendus, qui non prohibetur specialiter. Arm. V. Accus.

Dico 3. Proximus est secretè corrigendus, etiam de crimine contra bonum commune, si sic probabiliter speretur emendatio, nec alius periclitetur bonum commune. Iuxta illud Math. 18. *Si peccaverit in te frater tuus, vade & corripe eum inter te & ipsum solum.* Quod si non corrigas, sed accuses, aut denunties restitues damna secuta. Cum iniuste infames. Habet enim proximus jus ad famam, dum non expedit bono communi, ut eius crimen publicetur. Et sic intellige praeceptum. Visitatorum sub excommunicatione mandantium sibi denuntiari delicta. Si enim proximus emendatus, vel probabiliter speratur emendandus per correctionem fraternam, non potest accusari vel denunciari, si alias non periclitatur bonum commune.

Dixi *Si sic probabiliter speratur &c.* Nam in dubio, an per secretam correctionem emendabitur, tenemur accusare, aut denunciare juridicè si desint testes pro accusatione. Cum in dubio inclinandum sit, tum in favorem boni communis, tum in favorem personae privatae innocentis.

Dixi etiam. *Nec alias periclitetur bonum commune.* Nam si timeatur de aliorum scandalo, est accusandus non praemissa correctione, licet speretur emendatio; vel etiam iam egerit poenitentiam. Patet ex Gab. à S. Vinc. l. c. & Makou tr 8. sup. Decal. d. 2. q. 2. a. 1. Hoc tamen non faciendum ex odio vel ad sumendam propriam vindictam. Quia taliter accusare vel denunciare non licet.

Dico 4. Non licet delinquentem de peccato quod non potest in iudicio probari accusare. Immo restituenda sunt damna ex tali accusatione secuta, nisi ex ignorantia inculpabili putes te posse tale peccatum probare.

Dico 5. Non licet Accusatori aliquid accipere ab Accusato, & sic à iusta accusatione desistere, etiam si Accusatus esset damnatus ad mortem. Arm. V. Accus. ex S. Thoma 2. 2. q. 69. a. 2. ad 1.

## DISTINCTIO. XIX.

### De obligatione Rei seu Accusati.

Nota. Tria concurrere debent ut Reus obligetur ad respondendum. 1. Ut in-

terro-



interrogetur à proprio Iudice 1. Vt seruetur forma juris. Sczt. vt interrogetur de crimine de quo præcessit, vel infamia, vel indicia graua vel semiplena probatio quæ habetur per testem omni exceptione maiorem. 3. Vt ista juris forma sit prius in processu probata, & Reo indicata, vt cognoscat se juridicè interrogari, alia non tenetur respondere.

Dico 1. Quando hæc tria, etiam diuisiuè de quibus in notando, deficiunt, non tenetur respondere Reus etiam proprio Iudici, quamuis fulminetur sententia excommunicationis. Qui occultum in foro exteriori non tenemur manifestare. Seruatis autem his tribus, tenetur respondere verum, licet inde proueniat mors, alia peccat grauius, tum ratione iuramenti, si interueniat, tum ratione mendacij.

Dico 2. Confessarius non debet Reum monere vt retractet falsum in legitimo iudicio dictum. Quia hoc esset eum cogere ad se prodendum, tenetur tamen monere, vt sit paratus ad veritatem dicendam, si iterum rogetur, quamuis sit damnandus ad mortem. Sam. de Lub. V. Accus. cum Azor. Nec per hoc incurrit irregularitatem, licet sequatur mors, vt patet ex 3. d. 25. circa finem.

Dico 3. Negans veritatem in iudicio, quam si diceret damnaretur ad soluendam pœnam pecuniariam, non tenetur ad soluendam illam. Quia nemo obligatur ad soluendam pœnam ante Iudicis sententiam. Verum vero hæc regula habet aliquam exceptionem. consule DD.

Dico 4. Reus qui delictum commisit, propter quod non est ipso iure priuatus, sed tantum priuandus bonis, potest ante sententiam bona sua distrahere. Quia adhuc est dominus suorum bonorum. Bannes in 2. 2. q. 62. a. 3. d. 2. quem sequitur. Sam. de Lub.

Dico 5. Tenetur Reus post sententiam, in exilum proficisci, in carcere manere se verberare, &c. Non enim est contra rationem, vt quis sit reus & vindicta in pœnis quæ non sunt nimis acerbæ. Tenetur collum ad gladium extendere, scilicet las ascendere, manus pro ligatura carnifici post tergum præbere. Non potest autem membrum sibi amputare nec se suspendere, venam scindere vt paulatim vita discedat. Nec portionem venenosam sumere. Si est damnatus vt fame pereat, oblatos cibos tenetur sub mortali sumere. Quia non sumere est seipsum occidere iuxta D. Thomam 2. 2. q. 69. a. 4.

Dico 6. Probabile est, Reum qui commisit crimen contra legem continentem sententiam latam de priuatione bonorum, ipso facto esse statim priuatum dominio bonorum suorum, licet maneat cum vsu illorum. Probabile etiam est, eiusmodi Reum adhuc retinere dominium bonorum suorum, licet caducti, ante Iudicis sententiam. Et sic posse non solum vti bonis, sed & vendere illa, declarando tamen vitium rei venditæ. Primam partem docet Caiet. in 2. 2. q. 69. a. 3. Secundam, docet Bannes. l. c.

Dico 7. Reus non potest interrogari de socijs occultis, nisi crimen cedat in notabile damnum tertij, & est in fieri aut pender in futurum & à fortiori si cedat in damnum publicum, vt est grassatio raptorum in vijs, falsificatio mone-

te. ambitiones, subordinaciones &c. Item si crimen sit atrox vt hæresis, crimen læsæ maiestatis. In dictis ergo casibus (& alijs leg: vel consuetudine rationabili concedente) licet interrogare Reum de complicibus occultis. V. dela C. sup. 8 præc. q. 3. a 3. Sam. & Sam. V. Reus

Dico 8. Si causa non est probata semiplenè & consequenter Iudex non interrogat juxta formam juris, Reus non tenetur juramentum præstare. Quod si cogatur, potest licitè uti verbis æquivocis, respondendo juxta suam mentem, contra intentionem Iudicis interrogantis, dicendo v. g. nescio (intelligendo intra se) vt tibi dicam. Quia ex quo causa non est semiplenè probata, delictum est omnino occultum. Makouius tr. 2. Sup. Decal. d. 1. q. 3. a. 1. referens Angelum, Naur. Sayr Addit. cit. D. Si maritus vi & metu adigat vxorem ad juramentum, vtrum in eius absentia adulterium commiserit, potest licitè vxor cum juramento æquivoco respondere, se tale delictum non fecisse, sub-intelligendo in mente, vt dicam. quia non tenetur illi secundum mentem eius respondere. Addit etiam qui ob defensionem, quando aliter fieri non potest inuaforem occidit, aut rem alienam in veri debiti compensationem vsurpat, interrogatus à Iudice, potest cum juramento negare, intelligendo intra se *de facto criminoso* ita etiam dela C. Sup. 8. præc. de iniuriis Rei. Ratio horum est. Nam Ecclesia prohibet restrictionem mentis quæ est cum mendacio, vt videre est apud Sam. de Lub. l. c. V. dicta in 1. d. 11. in fine.

Ex his patet non peccare Reum accusatum de crimine quod juridicè probari non potest, crimen negando. Quia juxta D. Thomam l. c. a. 2. Reus potest se tueri quacunq; via, modo non dicat mendacium, in tali autem casu non dicit mendacium, etiam dicendo quod accusans mentiatur. Qui enim probare non potest calumniatur, ac proinde mentitur.

Dico 9. Dum Reus Sacramentum Pœnitentiæ recusat, Iudex non tenetur eum liberare, & si sciat in mortali moriturum. Aliàs sic publica potestas eluderetur, & magna incommoda in Repub. sequerentur.

Dico 10. Reo, etiam iustè damnato ad pœnam mortis aut mutilationis aut flagellorum, licet rumpere carcerem. Nec restituet damna secuta carceri & custodi. Quia cum det operam rei licitæ, malum quod sequitur ei non imputatur. Immo licet consulere isti fugam. Nam licet consulere alteri quod licitè potest facere. Immo etiam licet personæ priuatæ dare tali Reo instrumenta quibus carcerem rumpat, cum cooperetur rei licitæ. Non tamen id licet ministris iustitiæ, quibus ex officio incumbit tueri publicam potestatem. Nec licet hos corrumpere muneribus vt fugam concedant. Esset enim inducere eos ad peccatum. Quod verò non liceat iuuare iustè damnatum vt rumpat carcerem, cõmuniter tenetur, dicta hæc conc. vide apud Bonac. to. 2. d. 10. q. 3. punc. 2. an. 13.

Dicta non procedunt, dum Reus detinetur in carcere præter pœnam mortis &c. sed v. g. vt eò citius debita soluat, vel damnatus est ad carcerem in pœnam ad tempus &c. Sic enim peccat fugiendo & alteri injuriam facit. Arm. V. Accusatio ex S. Thom. & Caiet.

Dico 11. Reus iniuste damnatus ad mortem &c. licite impugnât custodes carceris, vt fugiat. Item o secundum Bannes 2. q. 69. a. 4. & alios iuste damnatus juxta allegata & probata re ipsa tamen innocens, licite se defendit occidendo etiam ministros iustitiæ, si sic necessitas requirit, tectuso tamen scandalo & damno communi. Sicut innocens se defendendo licite occidit aggressorem innocentem, v. g. amentem.

Dico 12. Cui sub iuramento redeundi, conceditur exire e carcere, tenetur seruare iuramentum, si non relaxatur, & redire ad carcerem, quamuis iniuste sit incarceratus. dela C. de iniust. Rei. ex Cai. & Nuar. Sicut qui jurant dare latroni bona sua, tenetur seruare. Nec redeundo seipsum magis occidit, quam damnatus ad mortem, qui potest fugere carcerem, & non fugit.

Dico 13. Religiosi iuste incarcerati sagere non possunt, quoniam voto supposuerunt se Prælati suis. Alias peccant peccato apostatiæ. Mak. tr. 8. supra Decalog. d. 2. q. 2. a. 1. sequens Arm. l. c. & Caiet.

## DISTINCTIO XX.

### De facientibus & exequentibus testamentum.

**N**ota 1. Testamentum est, voluntatis humana iusta dispositio de eo, quod quis vult post suum obitum fieri, cum hæredis institutione. Dicitur à c. dicillo. Quia codicillus non fit ad instituendum hæredem, sed ad aliquid in testamento explicandum, mutandum, vel ad legata instituenda. Non requirit etiam tantam sollemnitatem vt testamentum, & sufficiunt quinq; testes ad illum.

**Nota 2.** Ad solemne testamentum requiritur 1. vt fiat hæredis institutio 2. si Testator literas nouit, propriâ manu testamentum scribat, vel saltem subscribat. 3. præsentia septem testium, præter eum qui scribit, vel subscribit loco Testatoris. 4. testes sint ad hoc rogati & non casuales. 5. testes sint i. tionei. Excluduntur enim mulieres impuberes, serui, Religiosi, muti, surdi, furiosi, prodigi, cognati, & potestati Testatoris subiecti. 6. testes se subscribant. si possint, nec vnus pro alio. 7. testes consignent proprijs annulis vel alienis, si proprijs carent. 8. testes eodem tempore se subscribant, si possint. Tandem testes. Testatorem videant, & non post cortinam v. g. audiant. excludendo Religiosos non intendo contradicere dictis d. 17. sed vt securius pono. quia declarationes S. C. debent esse authenticæ, vt iubet Urbanus VIII.

**Aduerte.** Si Parens testetur inter liberos sufficit adhibere duos testes.

**Nota 3.** Testari non possunt. 1. mutus nisi scribere sciat, sicut neq; qui articulatè loqui non potest. Cum nequeat nomen hæredis exprimere, nisi scribere sciat. 2. impubes filios familias, nisi habeat bona castrensia vel quasi. prodigus, cui prohibita est à Iudice bonorum administratio. 3. damnatus ad mortem naturalem & civilem, vt deportatus, & damnatus ad perpetuum carcerem. Sed



Sed in his attendenda consuetudo. 4. publicus usurarius, licet ab usuris destituerit, nisi ante mortem restituat, vel saltem cautionem præstet. De publicè excommunicato, communior est sententia quod possit testari. 5. Servus & Religiosus. 6. infamis ob libellum famosum in alterius iniuriam, infames autem ob aliam causam possunt testari. 7. reus criminis læsæ Maiestatis &c. &c.

Dico 1. Tam Pater quàm Mater carentes filijs legitimis, licet habeant hæredes ascendentes, ut est Pater & avus, possunt relinquere filijs naturalibus illegitimis in testamento omnia bona sua Sam. de Lub. cum Rodriq.

Dico 2. Licet possidentur, relicta in testamento minus solemnibus, etiam si solis verbis fiat. Sufficit enim constare de voluntate Testatoris. Et alias per contractus, jure humano irritos propter defectum solemnitatis essentialis, transfertur dominium, quomodo reuocabile. Bannes quem sequitur Sam. à Lub.

Dico 3. Potest relinqui in testamento Ecclesijs S. Francisci de Observantia aliquis redditus annuus pro fabrica, ornamentis altarium &c. Quia hæc tantum relinquuntur Ecclesiæ. Vnde Syndicus monasterij debet exigere talem redditum. Qui autem relinquit prædictis F.F. aliquem redditum, cum obligatione ut pro eo celebrentur Missæ &c. huiusmodi legatum non valet, etiam in foro interiori. Quia dicti F.F. sunt incapaces illius, nisi forsan reciperetur per modum elemosinæ. Rodriq. to 1, c. 122. conc. 3.

Dico 4. Testamento potest derogare Papa ob publicam utilitatem, & loci Princeps supremus, immo & Episcopus, cum consensu Executorum, potest contrarietate in maiorem publicam necessitatem, quod in minorem erat relictum. S. V. Testa. & Sam. à Lub.

Dico 5. Qui solis blandicijs, precibus sine causa facit mutari testamentum, licet ex odio faciat & peccet, non tenetur ad restitutionem. Sed si vi vel fraudibus Testatorem auerit tenetur ad restitutionem ei cui fuerat relictum. Colligitur totum ex his quæ docet de la C. Sup. 7. Præc. de Restit. art. 2. & Laynensis tom 2. p. 2. tract. 1. qu. 13.

Dico 6. Executores testamenti possunt esse Clerici, fœminæ, ubi servatur hæc consuetudo, & Religiosi, etiam ad causas prophanas, & si fiat licentia tacita. Scz. Prælato sciente & non contradicente. Nostri tamen Religiosi pure non, id prohibetur. Prædicti graviter peccant, si per longum tempus negligunt satisfacere testamentis. &c. &c.

## Q V Æ S I T V M.

*Quid circa testamenta minus solemnia sentiendum?*

Ad Testamentum nuncupativum seu apertum, requiruntur septem testes, Ad hæc vocari, ut testatoris voluntatem percipiant. Vnde testamentum legi debet à Tabellione seu Notario ante testes. Sed hoc secundum non pertinet ad substantiam actûs, sed ad securitatem.

§ 2. Testamentum ad pias causas valet coram duobus testibus legitimis, licet non sint vocati immo licet sint scemina. Quia in hoc cessant solemniores iuris positivi & sufficit sollemnitas iurigenium. Et sic valent legata in testamento minus sollemni, licet non sit posita clausula codicillaris. 2. Testamentum ad causam piam pertinet ad Iudicem Ecclesiasticum. 3. Relictum per testamentum sollemne ad causas pias, reuocatur per minus sollemne ad easdem causas pias, unde factum per duos testes reuocat factum per septem. 4. Licet ordinariè loquendo nequeat quis decedere partim testatus, & partim intestatus, tamen hoc fieri potest in ordine ad causas pias. 5. Licet dispositio bonorum facta per mutum ad causas prophanas sit nulla, valet tamen ad causas pias. 6. Valet testamentum ad causas pias in quo est sola subscriptio Testatoris sine testibus. Adde non esse necessariam hæredis institutionem.

§ 3. Testamentum rustici, etiam ad causas non pias, valet adhibitis quinque testibus, si plures esse non possint. Nec est necessaria subscriptio, si literati non sint.

§ 4. Testamentum militare, si in castris vel expeditione fiat valet etiam si sit destitutum omnibus sollemnitatibus, modo probari possit duobus testibus. Et idem de testamento tempore pestis coram duobus vel tribus testibus facto. Qui pura vult, videat Iuristas, & specialia locorum statuta.

## DISTINCTIO XXI.

### De obligatione Tutoris.

**N**Ota. 1. Tutor est qui causam gerit pupilli post mortem Patris. Differt à Curatore. Nam curator potius datur rebus quam personæ, è contra Tutor, potius personæ quam rebus. 2. Curator datur adulto qui res suas nequit administrare, v. g. furioso, prodigo, &c Tutor autem datur impuberi. 3. Curator datur tantum secundum leges. Tutor etiam à Iudice, & à Testatore. Potestas Tutoris in masculos, durat vsq; ad annum. 14. In sceminas, vsq; ad 12. Ab illo tempore incipit potestas Curatoris, & durat vsq; ad annum 25. completum pupillorum.

Nota. 2. Tutor est triplex. Testamentarius quem Pater constituit filio in testamento. Legitimus, quem leges constituunt, qualis præ cæteris Mater & Avia, si velint, deinde consanguinei proximiores idonei. Dativus, quem Iudex dat, quando nec in testamento datus est, nec inter consanguineos pupilli inuenitur idoneus ad tutelam.

Dico 1. Tutelam miserabilium personarum, omnes suscipere tenentur etiam Religiosi, de licentia tamen Superioris, saltem localis.

Dico. 2. Tutor tenetur pupillos à criminibus intactos conseruare, res eorum fideliter custodire & defendere, bona mobilia in emptionem, vel iustam negotiationem convertere, Inventarium de rebus facere, nisi ex iusta causa impediatur, aliter faciendo est suspectus de dolo, docet Arm. in præfenti.

Dico 3.

Dico 3. Damna illata pupillis in bonis ac redditibus per negligentiam Tutorum tenentur Tutores restituere. Nam ex iustitia tenentur bonum pupillorum curare. Addit Sam. de Lub. in presenti, si Tutor eo tempore quo tenebatur negotiari, omitteret, pupillus posset ab eo accipere quinq; pro centum.

Dico 4. Clerici & Religiosi non possunt obligari ad tutelam, nec sponte suscipere possunt testamentariam aut dativam. Legitimam suscipere possunt Clerici consanguinei pupilli. Item Religiosi de licentia Superiorum.

Dico 5. Mater nequit compelli ad tutelam pupilli, quod si recipiat, tunc promittat se non transcuram ad alias nuptias, quin prius tutelam abdicet & rationem reddat. Per nuptias enim amittit tutelam. Et idem si incontinenter viuat.

## DISTINCTIO XXII.

### De obligatione Medici.

Dico 1. Peccat mortaliter Medicus, qui praevidens mortem infirmi vel saltem probabiliter iudicat, & tamen tacet. Fern. p. 4. c. 12. §. 2. cum. D. Anton. Sylu. & Tab. Quia cuiq; DEVS mandavit de proximo suo, & ideo tenetur subvenire necessitati huius. huius maxima autem necessitas est periculum salutis aeternae. Adhuc cit. D. Hoc. intelligendum esse. etiamsi Medicus aduertat, quod tali monitione aegritudo ingrauescet. Quia aeterna salus debet anteferrī temporanae saluti.

Ab hoc efficacius exequendum Pius V. in Bulla, *super gregem*, edita 1566. praecipit, ne Medici ultra tertium diem aegrotum visitent, nisi de illius confessione per Confessorij chirographum certificentur. additq; in Doctoratu exigendum à Medicis iuramentum servandi hanc constitutionem. Aduerte hanc legem non obligare nisi in morbo graui, vel qui in principio prudenter iudicatur periculosus, ut grauis efficiatur. 2. Supradicta monitio fieri potest à Medico per alios. 3. Si infirmus admonitus noller confiteri, non debet à Medicis in probabili mortis periculo deteri. Immo si Medicus prudenter iudicaret monitionem non profuturam, nec illum monere teneretur. neq; deferere. Quia Pontifex nihil frustrarium praecipit. 4. Sufficere Medicis, quod de confessione aegroti testentur eius domestici fide digni, vel etiam ipse, si est magnae autoritatis. Iuuet etiam praefata monitio ut res ab infirmo disponantur. ne post mortemurbationes sequantur. Et propterea etiam ex hoc capite obligatur Medicus ad admonendum de morte infirmum.

Dico 2. Grauius peccat Medicus, qui ut aliquod medicamentum experiat, illud absq; ratione aliqua probabili tribuit infirmo. Quando vero sunt rationes probabiles de bonitate medicamenti. & adsunt alia faciliora remedia, & abiq; opinione infirmo salutifera; tunc haec sunt eligenda & illa de quibus habetur opinio relinquenda. V. dicta in l. d, 2, conc. 6. Quod si non adsunt faciliora, & est



dubium de medicamento, an sit saluterum, propter diuersas opinionēs, tunc potest applicare medicamentum, quod probabiliter putat saluterum, quamuis secundum alios sit mortiferum. Non enim fas est ait Sam. de Lub.) eo tempore infirmum sine remedio relinquere. Quod si postea nocuum inueniatur, Medico ad culpam non imputatur.

Dico 3. Medicus non sit nimis facilis in dispensando, in ieiunio, in carnibus &c. Sed at entā infirmitate. Si enim infirmitas fuerit talis quæ exigat infirmum bis aut ter comedere, non tamen causa illa exigat ut carnes comedat, tunc dispensat oportet fieri in commestione, & non in carnibus. Si verò infirmitas carnis vltimū & non plures refectiones exigat, tunc quo ad carnes tantum dispensatio est facienda. V. in 1. d. 19. conc. 11. & 12.

Dico 4. Medicus expertus, dum curat fœminas se in pollutionem consentire, non potest tali periculo sine peccato se committere. Quod intellige, si periculum sit proximum. Immo non est absoluendus, si hanc occasionem proximam, vitare non curat.

Dico 5. Medicus licitè applicat mulieri prægnanti medicinam; quàmuis æquè ordinetur ad matris salutem, atq; ad fœtui nocendum, & illius abortum, secundum Sam. de Lub. V. Med. & dela C. sup. 5. præ q. 1. a. 1. Potest tamen fœmina licitè abstinere à tali medicina, ut suæ proli consulat. Dixi. Secundum Samuelem &c. quia in aliena sententia lequor. V. dicta in 1. d. 21. conc. 7.

Dico 6. Pauperibus qui non valent soluere, tenetur Medicus gratis mederi immo etiam medicinas comparare, si ipse potest, & illi nec per alios magis coniunctos, nec per eos qui magis possent, valent curari. Quia remissio solutionis & medicinarum exhibitio, est quædam eleemosyna. Sylu. V. Medic. dicta in 1. d. 23. con. 1. & 2.

Q. Vtrum Medici possint promoueri ad Ordines? R. Quod sic, si in suis officijs erant periti, & nihil omiserunt de contingentibus, habentes super his conscientiam probabilem, aliter non.

## DISTINCTIO XXIII.

### De peccatis circa exactiones.

**N**Ota. Tributum est quod soluitur de prædijs, aut alijs rebus, quæ possidentur. Vectigal, soluitur de rebus quæ negotiacionis causa transportatur, pro conseruandis vijs, pontibus reparandis &c. Gabella rebus ad victum & vestitum &c. pertinentibus. Hæc solet confundi cum vectigali. Dixi, negotiacionis causa. Quæ enim pro vsu familiæ deficiunt, eximuntur à gabella. Caiet. in præfenti.

Dico 1. Qui defraudant vectigalia iusta, peccant grauiter & ad restitutionem obligantur. Tum quia huiusmodi tributa debentur Principi in congruum dignitatis eius subsidium, &c. Tum etiam quia talis defraudatio cedit in damnum huiusmodi tributa. V. dicta in 1. d. 37. conc. 21.

Non

Non tamen est improbabilis sententia Nau. tr. de lege pœnali. Et in Man. c. 17. & aliorum apud Dianam de leg. tr. 10. res 19 oppositum. Quia consuetudo interpretatur non esse mentem legislatorum ad aliud obligare, quam ut de. prehensi puniantur. Unde ad primum argumentum in contrarium respondet Be. lia & Duardus, quod licet debeantur talia tributa Principi, fraudatores tamen non. intendunt transgressionem huius legis, sed cum agatur de lege purè pœnali, eo. rum arbitrio committitur an velint soluere, an verò fraudando, se exponere pe. riculo luendæ pœnæ cum notabili Principis emolumento. Ad secundum respon. deht imputandum eventibus dicta tributa, si minùs vigilantes defraud. tur. Cum sub tali conditione illa emanant, ut si cum vno perdant, cum alio, propter pœnam lucentur. In qua sententia stando, Confessarij non cogant confitentes ad resti. tutionem ob vectigal a defraudata. Quæ tamen sententia non est extendenda dum vectigal seu gabella imponitur pro tollenda communi necessitate. Nomine autem communi necessitatis in, rasenti non intello reparacionem viarum, sub. sidium dignitatis Principis &c. sed quid maius.

Ex his patet legem purè pœnalem, quamvis in re gravi non obligare in con. scientia, ut docet Nau. & alij apud Dianam l. c. quorum, inter alias ratio. Nam. Principes sæculares nunquam expresserunt hæcenus, mentis suæ esse, obli gare subditos ad culpam. Nec consuetudo id vnquam fuit interpretata, nisi simul, lex diuina, naturalis aut Canonica constitutio, ex qua obligatio in conscien. tia colligatur, concurrat.

Immo non desunt DD. docentes legem mixtam non obligare sub peccato mortali, quam sententiam probabilem vocat Filiucius to. 2. tr. 21. c. 27.

Dices, leges mixtæ continent verba præceptiua *mandamus, precipimus*, qui. bus importatur obligatio ad culpam. Ex his non colligi obliga tionem. Quia leges multarum Religionum continent similia verba, & tamen nec sub veniali o. bligant. Ergo nisi aliunde constet de intentione legislatoris, non denotant talia verba talem obligationem. Ex alijs, colligitur legislatorem velle grauiter obliga. re, si fulminet grauem pœnam spiritualem v. g. excommunicationis. Explicati. onem legis purè pœnalis & mixtæ, vide in 1. d. 36. circa finem.

Dico 2. Ecclesiæ & personæ Ecclesiasticæ, quales sunt quæ Ordinem aliquem susceperunt, etiam si tonsuram tantum primam acceperint, omnes Religiosi, mo. niales, & res istorum, non tenentur ad solutionem gabellæ. Nisi exerceant nego. tia, scz emendo aliqua, quæ immutata postea vendant. V. Sam. de Lub V. Bul a Cenz Casu 18. vbi habes, quæ nam negociatio non prohibeatur Clericis. vide d. 11 de censuris n. 18. Præter quod scias ex a. V. gabel Religiosos Mendicantes ha. bere privilegium Pij V. quo exempti declarantur ab omni exactione, cum suis bo. nis, colonis, arendarijs, & negotiorum gestoribus.

Adverte. Quando res obligata ad soluendam exactionem devenit ad Cleri. cum vel Ecclesiam, obligatur Clericus ad eam soluendam. Quia, in tali casu res transit ad alium cum onere suo. Azor. to. 3. l. 5. c. 19. q. 8.

Dico

Dico 3. Conductor gabellarum, propter pestem vel alium casum superuenientem meretur remissionem pensionis, si prædicta tempore conditionis non timebantur probabiliter, nec prævideri poterant. Si vero tempore conductus su peruentura timebantur vel præuidebantur, non debet in conscientia remitti pensio. Quia sibi imputet quod tali tempore & cum tanta pensione gabellas conduxerit sylv. V. gab. quem sequitur Sam. de Lub.

Dico 4. Possunt Exactores gabellarum cum pauperibus dissimulare. Sâ. V. gab. Hi non tenentur eas soluere, si eo deueniat paupertas, ut se ac suos alere non possint soluendo gabellam. Nisi imposita esset ob gravem Reipublicæ necessitatem. Gab. à Vinc. in præsentia, quoad 2. & 3. partem.

Dico 5. Custodes permittentes exportari vel importari merces veritas non obligantur ad soluendas pœnas eorum, qui exportant merces veritas. Cum & hi eas non debeant soluere, nisi post sententiam. Quod si custodes pro hac fraude recipiant aliquid, non tenentur id restituere, nisi etiam post sententiam. Gab. à S. Vinc. V. Custos, quo ad utramque partem. Tenentur tamen Custodes ad restitutionem vestigalium quæ soluere debuissent fraudatores, stando in veriori & securiori sententia, vestigalia esse soluenda in conscientia, dato tamen fraudatores vestigalium secundum dicta d. præcedenti. non obligari ad restitutionem custodes tamen obligantur, ut in simili dixi de custodibus carceris d. 9. conc. decimâ & sic in prima impressione sensu intellige conclusionem.

De peccatis Militum V. dicta in 1. d. 21. 22. & 6. De peccatis Mercatorum. V. l. c. d. 31. 32. 36. 37. & 38.

## DISTINCTIO XXIV.

### De obligatione Tavernariorum.

Dico 1. Peccat Tavernarius, qui facit ut meretrices intra tabernam vel prope habitent, & aduenientibus inferuiant licet non intendat ut aduenæ peccent, sed ut hilares reddantur, & libentius eò plures diuertant Fern. 4. p. c. 5. S. 1. ex S. Thoma & D. Anton. Quia dat occasionem peccato alieno probabilem.

Dico 2. Peccat Tavernarius recipiendo aleatores vacantes lusibus mortalibus. eis mensam sternendo, lumina ad ludentium ministrando &c. Nam & culpa consentit, & ad illius exercitium iuvamen præstat V. l. 1. d. 27. conc. 2.

Dico 3. Tavernarius tenetur satisfacere pro damno dato in rebus à suo famulo, non autem pro vulnere Sâ. V. stabularius. & Sam. de Lub. V. Taverna. Tenetur quoque satisfacere pro deposito perduto, licet pereat ex culpa leui. de la super 7. Præc. quest. 7. articulo. 6. Si qui deposuit pro re conservanda soluit. Quema im dum custodes situarum & fluuiorum restituere damna tenentur. quamvis ex culpa leui accidant Idem l. cit. a. 3. cum communi. Sed hæc in foro exteriori servantur. In foro enim conscientie nemo tenetur nisi de culpa mortali, nisi aliud esset conuentum, vel res exactam diligentiam postularet. Gab. à S. Vinc. & Sâ. V. culpa.

Dico 4.



*De obligatione Christianorū vitandi Iudeos. L. 4. 503*

Dico 4. Tabernarius tenetur restituere id quod ultra pretium, consuetudine vel lege statutum accipit. Quia cum Consuetudo & lex sint consentanea æquitati obligant in conscientia. V. dicta l. cit. d. 19. conc. 14. 15. 16. vbi circa ministrum ciborum aliqua resoluuntur. Bene facerent gubernatores terrarum visitando occultiora tabernarum, maxime vbi tabernæ remotiores. cum in his fraudulenta homicidia quandoq; exercentur.

**DISTINCTIO XXV.**

*De obligatione Christianorum vitandi Iudeos.*

**D**ico 1. Lege Canonica prohibetur conuersari & communicare cum Iudæ. in conuersatione familiari, vt periculum subuersionis caueatur, & dignitas Christianæ Religionis conseruetur.

Dico 2. In speciali prohibentur 1. cohabitare Iudæis. Et sic prohibetur esse seruum, esse seruum, non verò prohibetur laborare si viterur nimia familiaritas vt habet Gab. à S. Vinc. V. Iudæi 2. Balneare simul. Quodsi, licet in eodem balneo sint, non communicant, non fit contra hanc prohibitionem, Bonac. circa 1. præc. d. 3. q. 4. p. 6. 3. Medicos adhibere. Si Iudæus peritior Christiano vocari potest. Bonac l. C. 4. Medicinas ab eis accipere. Præparatas tamen à Christianis, licet emere à Iudæis, docet Sylu. V. Iudæi Immo secundum Turrecremata relatum à Bonacina licet accipere paratas à Iudæis, modo eas infirmo non exhibeant, & Comedere azyma earum. In his quinque casibus prohibetur participatio cum Iudæis, Clericis quidem sub pœna depositionis, laicis sub pœna excommunicationis ferendæ per Clericum intellige in sacris vt est in textu 6. prohibetur ad Iudæorum conuiuia accedere. Non fit contra hanc prohibitionem si Christianus & Iudæus in taberna in eadem mensa, non tamen communicantes manducant. Vel si Christianus in diuersorio Iudæi cibos à Iudæo, non tamen quos ipse discernit, emat. Docet etiam Layman. l. 2. tr. 1. C. 17. ex Cetero non esse mortale, semel cum Iudæo manducare cibos non discretos 7. Eorum infantes, in domibus eorum nutrire. Extra domus eorum, id non prohibetur. 8. Eos ad officia publica inter Christianos admittere. Si quis Iudæum hoc permittit velut Sacrilegus debet excommunicari. Notatur in marginibus Arminius, hodie non omnes seruari dictorum casuum. Numero vero tertio V. Iudæus dicitur. *Cessante periculo subuersionis & iniuria fidei nostræ, & contemptus, non video mortale, si ex aliqua causa fiant.* Oteniet autem periculum subuersionis esse si nimia familiaritas adsit. Solet ad hunc Christiani ad nuptias vel solemnitates Iudæorum accedere. Item ne choreas cum illis ducant. Nec synagogas inuisant ijs temporibus, quibus ab ipsis superstitiosa celebrantur. Sed scilicet periculo subuersionis non est illicitum inuicere. Affine est, quod non liceat Iudæis locare bona in quibus exercetur iurisdictio temporalis in subditos. Nam locans laicus debet excommunicari, Sam, de Lub. V. Iud. cum Piascio.

Dico 3. Non est prohibitum Christiano res suas locare Iudæo, v. g. currus, boues, &c. Immo licet ei vendere ea, quibus vitur in cæremoniis suis, sed non eâ intentione, vt vtatur, sicut nec cum probabilitate scitur illis abuturum.

Dico 4. Nullo modo potest cohonestari ædificare Synagogas Iudæis. Quia licet talis ædificatio methaphisycè loquendo, possit à malo fine præscindere, moraliter tamen non potest. Quia hic & nunc in finem iniqui cultus ædificatur. Ita præter alios docet Makouius sup. Decalog. tr. 1. d. 2. q. 2. a. 1. & idem doctissimus Theologus, & præclarum celeberrimæ Academiæ Crac. decus, etiam opem præstare, aut ligna, calcem &c. vendere, ad ædificandas vel reparandas Iudæorum Synagogas, esse peccaminosum. Et licet permittat Ecclesia Iudæis, reparare Synagogas, non tamen vult vt id ministerio Christianorum fiat.

## A D D I T I O I.

### De non alienandis Regularium bonis.

**S**acra Congregatio Concilij in decreto jussu Urbani VIII. edito 1624. die 7. Septembris abrogatis omnibus indultis & privilegijs quomodolibet Religionibus concessis, omnibus Superioribus Regularium, *omnium rerum & bonorum immobilium ac pretiosorum mobilium alienationem. omnemq; pactum, per quod ipsorum dominium transfertur, census perpetuos seu vitalitios, hypothecam, locationem & conductionem ultra triennium, concessionem in feudum, vel emphyteusim, præterquàm in casibus à jure permissis, fieri perpetuò prohibet, atq; interdicit absq; ipsius Congregationis Concilij expressa licentia, in scriptis & gratis concedenda, sub pena privationis omnis officiorum, quæ tunc obtinetunt, vocisq; activæ & passivæ, ac perpetuæ inhabilitatis ad illa in posterum obtinenda, quam ipso facto absq; alia declaratione incurrant, sublata etiam Generali & Provinciali illam moderandi, aut relaxandi facultate. Penam nihilominus Apostolicarum Constitutionum & præsertim sel. rec. Pauli 1. quæ incipit. Ambinosa in suo robore permansurus. Alienationes verò & pacta census hypothecas, locationes, conductiones & concessionem quascunq; contra huiusmodi prohibitiones faciendas, Sanctitatis suæ auctoritate ipso jure nullas atq; irritas decernit. V. Lezanani 10. 1. Q. Q. R. R. C. 10. n. 1. & sequentibus. Bonac: de alienat. bonor. Ecclesiast. disp. 2. quæst. unicâ. punc. 1. Hoc decretum obligat licet alienatio bonorum Monasterij sit utilis. Vnde alienationem esse necessariam vel utilem Ecclesiæ vel Monasterio solum est causa iusta ad impetrandam licentiam à Sede Apostolica vel S. Congregatione. Lez. 1. c. n. x. ubi refert casus in quibus licita est alienatio, posita tamen necessitate vel utilitate Ecclesiæ, non recurrente ad sedem Apostolicam. Nomine alienationis, præter alia, venit pignus secundum Lez. & alios, permutatio, nisi sit inter Ecclesias vel Monasteria & usus fructus &c.*

ADDI-

## A D D I T I O. II.

*De nonnullorum Religiosorum vitalitiis redditibus.*

**S** Vppositâ sententiâ Religiosos posse etiam post Concilium Trid. habere vitalitios redditus ad vitandam proprietatem aliqua conditiones ponuntur à DD.

*Primo* Vt illos non habeant quoad dominium tanquam suos proprios, sed solum quoad simplicem usum facti congruentis pro suis particularibus necessitatibus. *Secundo*. Vt eos habeant ex Superiorum licentia. *Tertio*. Vt huiusmodi redditus sint moderati. *Quarto*. Vt prædicti redditus sint incorporati communibus bonis Monasterij. *Quinto*. Vt sint reuocabiles ad nutum Superioris. *Sexto*. Vt non malè vrantur, expendendo illos in vsus illicitos & prophanos. *Septimo*. Vt non vagè & ad vsus indeterminatos illis relinquatur dispositio prædictorum bonorum, sed solum ad vsus determinatos, pios, licitos, necessarios & à Superiore cognitos. *Octauo*. Vt id fiat ex iusta & rationabili causa. *Nono*. Vt prædictos redditus concessos non penes se habeant sed in manu publici officialis per Superiorem assignati, vel incommuni deposito, iuxta leges Religiosorum. *Decimo*. Vt subditus quando ab officiali necessaria petit exponat in particulari suas necessitates. aliàs tantum esset officialis materialiter, & subditus esset dispensator cum illa bona pro libitu acciperet & distribueret, quod est contra mentem Tridenti. Vel dictas necessitates exponat Superiori iuxta leges vel praxim Religiosorum. *V*, Eligium. *B*alleum *V*, Paupertas Religiosa. *V*, dicta in 4. d. 8,

## A D D I T I O III.

*De commutatione votorum.*

**D**E voto egi in 1. Sent. Mor. d. 14. & 15. in gratiam Confessorum tempore subiaci hæc (sed non omnia) ex Moscicensi addo. Hæc ergo, circa dictam commutationem veniunt consideranda,

*Primo*. Maior Dei honor, & quod ei gratus aut æquè gratum sit futurum id quod subrogatur. *Secundo*. Reipublicæ aut etiam vouentis utilitas, vt si magis congruit saluti eius Spirituali. Vnde expedit mutationem facere, in res quas vouens sibi elegerit, vel solitus est facere, non alligando ipsas ad tempus. *Tertio*. Finis ad quem votum ordinatur, vt si quis propter caliditatem vouit peregrinationem, magis conducent ad eam ieiunium & oratio, frequentatio Sacramentorum. Pœnitentiæ, Eucharistiæ, ac Meditatio. *Quarto*. Obligatio vouentis respectu rei promissæ. nam si votum esset de vitando peccato (v.g. fornicationis.) minori commutatione opus est, quia per cōmutationem non tollitur obligatio præcepti, nisi illud votum valde arceret à peccato, tunc enim subrogandum esset opus correspondens tali fini. Hinc, si votum conduceret ad hunc finem, commutandum



esset in perpetuam menstruam confessionem. Si non, in Rosarium totum semel quolibet mente, per triennium. 5. Habenda est ratio difficultatis in adimplendo rei promissæ & subrogandæ. v. g. jeiunium pauperis commutandum in maiorem elemosinam, quæ difficilior est pauperi quàm diuiti, & pauciora jeiunia imponenda laborantibus cholericis & debilibus, quàm otiosis, phlegmaticis, robustis. *Sexto.* Perpendenda est vouentis fragilitas, curandumq; est, ne nimis grauetur, ita ut maneat expositus periculo transgrediendi materiam subrogatam. *Septimo.* Expensæ, considerandæ, sed illæ quæ ultra domesticas & ordinarias fierent, labor itineris sufficit autem expensas erogari in pias causas, ubi vouenti placuerit. *Octauo.* Dum Confessarius commutat in opus æquale, æqualitas non est scrupulosè accipienda, sed moraliter ita ut prudentis arbitrio, nulla aut parua differentia esse videatur, vel saltem non sit certum bonum subrogatum non esse minus, bono antea promisso. Sed hoc vltimum tantum locum habet in confessario privilegiato v. g. tempore iubilæi &c. si verè admisceatur dubium de æqualitate vel qualitate materię subrogandæ nam in tali casu, cum materia subroganda sit iudicanda minor (possessio enim stat pro voto) necessarium est in parte dispensare, quod non conceditur Confessario simplici. *Nono.* Æqualitas inter materiam præsentem voti & materiam subrogandam, non est attendenda ex materia bonorum (constat enim orationem esse suam naturam nobiliorem jeiunio, peregrinatione & Elemosyna, & tamen pro vnius diei jeiunio, non sufficeret recitatio vnius partis Rosarii, neq; semper D E O gratius vouentem facere id quod per se excellentius est) sed attendenda æqualitas secundum proportionem rei ad rem, vel quoad acceptionem DEI vel vouentis salutem pensatis circumstantiis. *Decimo.* Æqualitas materię subrogandæ respectu promissæ non est attendenda secundum durationem magnitudinem aut numerum. v. g. quod votum perpetuum commutetur in materiam perpetuam, si perpetuitas ex alio capite compensetur.

Pro meliori notitia, ponuntur exempla mutandorum votorum. *Primum.* est ex C. *venientis de voto*, ubi commutatur votum Hierosolymitanum cuiusdam, factum in ætate puerili, commutatur inquam ob iustam causam, ut id elemosynis redimeret, & toto vitæ curriculo vni pauperi provideret.

*Secundum.* ex C. *magna de voto*, votum cuiusdam Episcopi commutatur, ut expensas eundi, redeundi & commorandi ibi, integrè mittat (quamuis hoc aliàs non sit necessitatis) & laborem itineris compenset, sollicitius instando vigiliis, deuotius vacando orationibus, & fortius se exercendo jeiuniis.

*Tertium.* Labor voti peregrinationis sic commutatur à doctis. Si peregrinatio pedestris esset promissa, ut ultra expensas, labor vnius diei commutetur in jeiunium vnius diei, & duorum dierum in duo jeiunia & sic deinceps. si non est peregrinatio pedestris, ut labor quatuor dierum commutetur in jeiunium vnius diei.

Quod si peregrinatio mendicatio fuit promissa nullæ expensæ sunt attendendæ sed labor & humiliatio.

*Quartum.* votum non contrahendi Matrimonium commutari potest in confes-

confessionem singulis mensibus per triennium & in nouem Sacra. Sanch. l. 4. c. 56. cum nonnullis. Posset addi (ait Mosc. de Iubilæo) breuis aliqua oratio singulis diebus ad mortem.

*Quintum.* Votum Sacerdotij assumendi, in recitationem quotidianam Psalmorum pœnitentialium cum Litanij. vel Officij B. V. M. vel integri Rosarij & in Confessionem ac communionem singulis quindennis potest commutari item sic vouens faciat celebrari sacrum quolibet mente, & voueat castitatem in statu seculari. Moscicen. cum Sanch. Quodsi veller contrahere, addendum jeunium semel in hebdomadz. jta DD. citari.

*Sextum.* Votum jeiunandi semel in septimana, in confessionem & communionem triennio singulis quindennis & in tria sacra facienda potest commutari, aut in recitationem Rosarij & eleemosynam modicam qualibet septimanâ perpetuò faciendam.

*Septimum.* Votum ingrediendi Religionem Dominicanorum attendendo debitam perpetuam abstinentiam à carnibus. jeunium septem mensibus, quolibet anno &c. Sic commutandum ab habente potestatem, iudicat Medina l. 1. Summa. C. 14. §. 7. in tr. de comm. reg. 3. Ut vouens, per totam vitam semel in quolibet septimana jeiunet. confiteatur & communice singulis quindennis. erogat eleemosynam iuxta suam facultatem, & quotidie recitet Psalmos pœnitentiales. pro eadem refertur Sayrus in Clavi regia l. 6. C. 12. n. 21. Sed Sanchez loco cit impugnat.

Ceterum in grauibz casibus meliùs est miscere dispensationem, existente iustâ causa in parte dispensandi & suppositâ facultate dispensandi, quam non habet quilibet Confessarius. Quâ partiali dispensatione seclusâ non audet Sanch. commutationem in quarto & quinto casu judicare æqualem.

Et sic benè monet Eligius Bassaus Capucinus. Confessarij imperiti onus commutandi vota in se non suscipiant sed consulant habentes peritiam commutandi, quia defectu huius, multæ ridiculæ sæpè commutationes fiunt. Si autem Confessarius nequit peritiorem consulere cō quod pœnitens reuocat expectare, dicat secundum citatum immediate Doctorem. ex nunc commuto tibi votum hoc, in res quas iudicabit talis Doctor, ad cuius sententiam te obligo. Nec est necessarium vt determinatio materiæ fiat tempore Iubilæi si dicto modo commutatio fiat tempore Iubilæi. Colligo ex Bonac. d. 4. super Decalogum q. 2. punc. 7. §. 3. 14. circa finem, vbi huius oneris non meminit, immo loco immediate sequenti absolute & sine restrictione dicit, cognita causa posse Confessarium disferre post tempus Iubilæi commutationem, & rationabiliter.

## A D D I T I O IV.

*Ad distinctionem 87mam. secundi Sententiarum.*

**S**icut in alijs Sacramentis, ita & in Sacramento Matrimonij hæc tria reperiuntur

Sczt. Sacramentum tantum Res Sacramenti tantum. Res & Sacramentum simul, Sacramentum tantum, est expressio externa & sensibilis, interni consensu. Res Sacramenti est, cum gratia Sacramentalis, cum unio Christi cum Ecclesia. Res & Sacramentum simul, est maritalis coniunctio. siue vinculum illud, quod sequitur ex contractu matrimoniali. Significatur enim per contractum, & simul vt per ipsum expressa, significat tum gratiam Sacramentalem, tum unionem Christi cum Ecclesia. Gonet in Manuali Thom, de Sacramento Matrimonij C. 2.

## A D D I T I O V.

*Ad distinctionem 90. eiusdem libri.*

**R**egulares privilegiati possunt dispensare cum coniugibus incestuosis, vt perant debitum. Possunt dispensare, extra Monasterium, si re deputatione facta à Superiori, extra Sacram. Pœnitentiæ, & amoto Superiori, supposito quòd licentiam dederit Colligo ex Donato Laynensi to. 3. tr. 4. q. 40. circa finem, absolute enim loquitur, & insinuat privilegium Martini V. Antonius verò à Spir. S. in Directorio Regularium tr. 2. disp. 1. sect. 2. §. 3. id expresse docet, & pro tribus posterioribus partibus D.D. citat. vbi etiam docet hanc potestatem quam tribuunt Prælati ad dispensandum in debito cum coniugibus incestuosis, extendi ad eos, qui cognationem spiritualem contraxerunt, & refert Vital & alios.

## A D D I T I O VI.

*Ad distinctionem ultimam, eiusdem.*

**R**egulares privilegiati possunt dispensare ad petendum debitum cum coniugatis qui post votum castitatis contraxerunt, vel illud post Matrimonium, etiam de consensu vtriusq; emiserunt. Nam cum hoc votum castitatis in coniugatis, non sit integræ castitatis, sed tantum non petendi debitum, inde fit quod non sit absolutum & perpetuum, sed ex parte, ac per consequens non est Papæ reservatum. Ant. à Spir. S. tr. 2. d. 1. Sec. 2. p. 2. & d. 3. sect. 2. §. 2. cum alijs. Vdist. 15. primi conc. 9. Hæc facultas non solum extenditur ad fideles illius diocesis, in qua est Religiosus, sed ad omnes vndequaq; venientes. Item exerceri valet absq; deputatione à Prouinciali. Ant. à Spir. S. tract. 2. dist. 1. sect. 2. §. 3. quoad vtramq; partem.

## A D D I T I O VII.

*Ad distinctionem 5tam. tertij sententiarum.*

**P**ublicè percussor Clerici, ante declarationem iudicis, non est euitandus. Quia licet ex Conc. Constantensi in duobus casibus teneamur excommunicatos euitare, nempe per cedulones, & publicè Clericorum percussores, tamen dictum Concilium declarauit, regulam habere locum tunc, quando percussio est ita no-



ita notoria. vt nullâ possit teigiuersatione celari, ac nullo juris remedio excul-  
 pari, quod nunquam aut rarissimè potest euenire. Etenim etsi notorium sit. Ti-  
 tium percussisse personam Ecclesiasticam, nihilominus notorium minimè est, nul-  
 lam excusationem posse habere. Quoniam poterit dicere hoc fecisse causâ hono-  
 ris vim vi repellendo ad sui defensionem, vel causa disciplinæ, vel quia eum in-  
 uenit cum sua uxore, vel torore, vel quia non habebat scientiam Canonis, vel  
 quia percussit non in loco publico, nec coram testibus opportunis, vel in somno,  
 vel ebrietate, vel inaduertèter. Quia pensabat percutere laicum & percussit Cle-  
 ricum sibi ignotum, vel in iræ calore, vel in primo motu, & similibus, ob quæ per-  
 cussor debet citari. Ita Donatus Laymenfis to. 1. p. 2. tr. 13. q. 52. cum alijs.  
 Sufficit autem declarare delictum. Vide citatum, tom. 2. p. 2. tr. 2. q. 2.

## A D D I T I O VIII.

### *Ad distinctionem decimam eiusdem libri.*

**N**omine censuræ ab homine latæ, venit censura particularis, siue hæc sit  
 quoad personam, in quam determinate fertur, pro commisso peccato. Si-  
 ve sit solum quoad delictum, quoad personam verò confusè, videlicet in eum,  
 vel in eos, qui commiserunt tale crimen. V. Mosc. in Exam. Approb. tit. 6. q. 11.

Quarta & sequentes interponendæ erant huic 2. editioni sed quia in absentia  
 Authoris tantum insinuatæ, ideo secundò vt additiones impleat.

## A D D I T I O IX.

### *De non ambigendis inter Religiosos officiis.*

**E**X Clemente VIII. in Decretis pro reformatione Regularium approbatis à S.  
 Cong. iussu S. D. N. Urbani VIII. sic habetur contra Religiosos ambiciosè pro  
 se vel pro alijs vota vel suffragia procurantes. *Vt omnis officiorum ambiciosa occasio  
 praeludatur, caueant omnes à directâ vel indirectâ vocum, seu suffragiorum procu-  
 ratione, tam pro se ipsis, quàm pro alijs, tum in Capitulis locorum, tum in ceteris,  
 præsertim generalibus Capitulis aut Congregationibus, seu alijs. Quicunq; secus  
 fecerint, præter alias penas, & censuras hactenus contra huiusmodi ambientes insu-  
 lias, quas in suo robore permanere volumus, in penam priuationis officiorum, quæ  
 obtinent, eò ipsò incidant & ad futura quæcunq; pariter inhabiles habeantur, super  
 quo cum eis à nemine dispensari possit, nisi à Nobis vel Successoribus nostris; & pro  
 qualitate culpæ grauissimè etiam plectantur. Porro supra dictas omnes penas ad  
 complices ac simpliciter scientes & non reuelantes extendimus. Per hæc tamen  
 non tolli ur, quominus electores possint procurare, quòd dignitates dentur di-  
 gnis & indigni excludantur. Nec etiam tollitur per hoc decretum quòd iidem  
 electores possint secum de qualitatibus eligendorum tractare, etiam vitia mani-  
 festant.*

festando, virtutesq; ostendendo, i ru ta tamen iustitiâ, charitate & veritate & cum recta intentione, sc. quòd dignior præferatur.

## A D D I T I O X.

### *De non aggravandis per visitatores locis visitatis.*

**C**Aueat visitator ne grauet visitatos in cibo & potu quærendo ab eis cibos delicatos, & pretiosa vina sed se necesse esse mediocritate contentus, vt probat Peirinus to. 1. privileg. Minorum Constitutione 14. Leonis X. n. 8.

Visitator se citò expedit ne grauet visitatos, Ita Trid. Sess. 14. de reform. C. 3. ibi. *Studeant quam celerrimè. debitâ tamen diligentia visitationem ipsam absolueri interimq; caueant ne in vultibus sumptibus cuiquam graues oneroseq; intuerit* Zerola apud cit: n. 9. Si visitatores non pertinentibus ad visitationem occupantur, tenentur ad restitutionem si visitati plusquam solitum expensauerint.

Videantur dicta l. 3. Sent: Moralium d. 16. de suspensionibus in part. c. lani suspensione sextadecimâ cuius materia est recipere aliquid vitra victualia. Et sic omne quod non venit nomine victualium prohibetur, prohibetur etiam reparatio laminarum ferrearum pro equis, vt cum nonnullis probabiliter docet Bonac: de susp: in particulari q. 5. punc. 4. n. 2. Victualia extra domum seu pro itinere data non veniunt nomine victualium debitorum. Cum visitatus non teneatur visitatorem per vim alere. Vide Samuelem de Lub. V. Visitatio n. 7. & 8. Vitra suspensionem quam incurrit tam visitantes jure ordinario quam eorum familiares recipiendo munera, etiam sponte oblata, incurrunt maledictionem l. 1. ram C. Romana §. procuratores de censibus in 6. à qua non liberantur nisi resituant vt ibidè exprimitur.

## S E N T E N T I Æ.

### *Ab Alexandro VII. Summo Pontifice damnatæ.*

- 1.** **H**omo nullo vnquam vitæ suæ tempore tenetur elicere actum fidei, spūs & charitatis, ex vi præceptorum diuinorum ad eas virtutes pertinentiū.
- 2.** Vir equestris, ad illum prouocatus, potest illud acceptare, ne timiditatis notam apud alios incurrat.
- 3.** Sententia asserens Bullam Cœnæ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1529. 18. Iulij in Cōsistorio Sacre Cōgregationis Emimentiss. Cardinaliū visi, & tolerat. est.
- 4.** Prælati Regulares possunt in foro conscientie absolueri quoscuq; secularis ab hæresi occulta, & ab excommunicatione propter eam incurrit.
- 5.** Quicquid euidentè tibi constet Petrum esse hæreticum, non teneris denunciare, si probare non possis.

6. Confessarius, qui in sacramentali Confessione tribuit Pœnitenti chartam po-  
stèa legendam; in qua ad Venerem incitat non censetur sollicitasse in Con-  
fessione; ac proindè non est denunciandus.
7. Modus euadendi obligationem denunciandæ sollicitationis est: Si sollicita-  
tus confiteatur cum sollicitante, hic potest ipsum absoluerè absque onere de-  
nunciandi.
8. Duplicatum stipendium potest Sacerdos pro eadem Missa licitè accipere, ap-  
plicando petenti partem etiam specialissimam fructus ipsimet celebranti cor-  
respondentem, idque post Decretum Urbani Octau.
9. Post Decretum Urbani potest Sacerdos, cui Missæ celebrandæ traduntur per  
alium satisfacere collato illi minori stipendio, alia parte stipendij sibi retenta.
10. Non est contra iusticiam pro pluribus sacrificijs stipendium accipere, & sa-  
crificium vnum offerre; Neque etiam est contra fidelitatem, etiamsi promit-  
tam promissione etiam iuramento firmata, danti stipendium, quod pro nullo  
alio offeram.
11. Peccata in Confessione omissa seu obliu ob instans periculum vitæ, aut ob  
aliam causam non tenemur in sequenti confessione exprimere.
12. Mendicantes possunt absoluerè à casibus Episcopis referuatis, non obtem-  
peranti ad id Episcoporum facultate.
13. Satisfacit præcepto annuæ Confessionis, qui confitetur Regulari Episcopo  
præsentato, sed ab eo iniuste reprobato.
14. Qui facit Confessionem voluntariè nullam, satisfacit præcepto Ecclesiæ.
15. Pœnitens propria auctoritate substituere sibi alium potest, qui loco ipsius  
pœnitentiam adimpleat.
16. Qui Beneficium curatum habent, possunt sibi eligere in Confessarium sim-  
plicem Sacerdotem non approbatum ab Ordinario.
17. Est licitum Religioso, vel Clerico calumniatorem grauius crimina de se, vel  
de sua Religione spargere minantem, occidere, quā lo alius modus defenden-  
di non suppetit, vti suppetere non videtur, si calumniator sit paratus, vel  
ipsi Religioso, vel eius Religioni publicè, & coram grauissimis Viris prædi-  
cta impingere, nisi occidatur.
18. Licet interficere falsum Accusatorem, falsos Testes, ac etiam Iudicem, à  
quo iniqua certò imminet sententia, si alia via non potest innocens dam-  
num euitare.
19. Non peccat Maritus occidens propria auctoritate Vxorem in adulterio de-  
prehensam.
20. Restitutio à Pio V. imposita Beneficiatis non recitantibus, non debetur in  
conscientia ante sententiam declaratoriam Iudicis, eò quod sit pœna.
21. Habens Cappellani collatiuam, aut quoduis aliud Beneficium Ecclesia-  
sticum, si studio litterarum vacet, satisfacit suæ obligationi, si Officium per a-  
lium recitet.



22. Non est contrà iustitiam Beneficia Ecclesiastica non conferre gratis, quia collator conferens illa beneficia Ecclesiastica pecunia interueniente non exigit illam pro collatione Beneficij, sed veluti pro emolumento temporali, quod tibi conferre non tenebatur.
23. Frangens ieiunium Ecclesiæ, ad quod tenetur, non peccat mortalitèr, nisi ex contemptu, vel inobedientia hoc faciat, putà, quia non vult se subijcere præcepto.
24. Mollities, sodomia, & bestialitas sunt peccata eiusdem speciei infimæ, ideo que sufficit dicere in Confessione, se procurasse pollutionem.
25. Qui habuit copulam cum soluta, satisfacit Confessionis præcepto, dicens; commisi cum soluta graue peccatum contra castitatem, non explicando copulam.
26. Quando litigantes habent pro se opiniones æquè probabiles, potest Iudex pecuniam accipere pro ferenda sententia in favorem vnus præ alio.
27. Si liber sit alicuius iunioris, & moderni, debet opinio censeri probabilis, dum non constat, reiectam esse à Sede Apostolica tanquam improbabilem.
28. Populus non peccat, etiamsi absque vlla causa non recipiat legem a Principe promulgatam.
29. In die ieiunij, qui sæpius modicum quid comedit, etsi notabilem quantitatem in fine comederit, non frangit ieiunium.
30. Omnes officiales, qui in Republica corporalitèr laborant, sunt excusati ab obligatione ieiunij, nec debent se certificare, an labor sit compatibilis cum ieiunio.
31. Excusantur absolutè à præcepto ieiunij omnes illi, qui iter agunt equitando, vtcunque iter agant etiamsi iter necessarium non sit, & etiamsi iter vnus diei conficiant.
32. Non est evidens, quod consuetudo non comedendi oua, & lacticia in Quadragesima obliget.
33. Restitutio fructuum ob omissionem horarum suppleri potest per quasunque eleemosynas, quas antea Beneficiarius de fructibus sui beneficij fecerit.
34. In die Palmarum recitans officium Paschale, satisfacit præcepto.
35. Vnico officio potest quis satisfacere duplici præcepto pro die præsentis, & crastino.
36. Regulares possunt in foro conscientie vti priuilegijs suis, quæ sunt expressè reuocata per Concilium Tridentinum.
37. Indulgentiæ concessæ Regularibus, & reuocata à Paulo V. hodiè sunt reuoludatæ.
38. Mandatum Tridentini factum Sacerdoti sacrificanti ex necessitate eum peccato mortali confitendi quam primùm, est consilium, non præceptum.
39. Illa particula *quam primùm* intelligitur, cum Sacerdos suo tempore confitebitur.

40. Est probabilis opinio, quæ dicit, esse tantum veniale osculum habitum ob delectationem carnalem, & sensibilem, quæ ex osculo oritur, secluso periculo consensus ulteriori, & pollutionis.
41. Non est obligandus concubinarium ad eiciendam concubinam, si hæc nimis utilis esset ad oblectamentum concubinarium, vulgo *regalo*, dum deficiente illa nimis ægrè ageret vitam, & aliz epulæ tædio magno concubinarium afficerent; & alia famula nimis difficilè inueniretur.
42. Licitum est mutuanti aliquid ultra sortem exigere, si se obliget ad non rependam sortem usque ad certum tempus.
43. Annuum legatum pro Anima relictum, non durat plus quam per decem annos.
44. Quoad forum conscientiz, Reo correcto eiusque contumacia cessante, cessant censuræ.
45. Libri prohibiti donec expurgentur, possunt retineri, usque dum adhibita diligentia corrigantur.
- Idem Sanctissimus statuit, ac decreuit, prædictas propositiones, & vnamquamque ipsarum, ut minimùm, tanquam scandalosas esse damnandas, & prohibendas, sicut eas damnat, ac prohibet: ita ut quicumque illas, aut conuatum, aut diuissim, docuerit, defenderit, eiderit aut de eis etiam disputatiuè, publicè, aut priuatiim tractauerit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolui.
- Insuper districtè in virtute sanctæ obedientiz & sub interminatione Diuini Iudicii prohibet omnibus Christi fidelibus cuiuscumque conditionis, dignitatis ac status, etiam speciali, & specialissima nota dignis, ne prædictas opiniones aut aliquam ipsarum ad praxim deducant,

S E N T E N T I Æ.

*Ab Innocentio XI. Summo Pontifice damnata.*

1. **N**on est illicitum in Sacramentis conferendis sequi opinionem probabilem de valore Sacramenti, relicta tutiore, nisi id veter lex, conuentio, aut periculum grauis damni incurrendi. Hinc sententia probabilis tantum utendum non est in collatione Baptismi, Ordinis Sacerdotalis, aut Episcopalis.
2. Probabiliter existimo, Iudicem posse iudicare iuxta opinionem etiam minus probabilem.
3. Generatim dum probabilitate, siuè intrinseca, siuè extrinseca quantumuis tenui, modò à probabilitatis finibus non exeat, consili aliquid agimus, semper prudenter agimus.

4. Ab infidelitate excusabitur Infidelis non credens ductus opinione minus probabili.
5. An peccet mortalitèr, qui actum dilectionis Dei semel tantum in vita eliceret, condemnare non audemus.
6. Probabile est, nè singulis quidem rigoresè quinquennijs per se obligare præceptum charitatis erga DEVM.
7. Tunc solum obligat, quando tenemur iustificari, & non habemus aliam viam, qua iustificari possumus.
8. Comedere, & bibere vsq; ad satietatem ob solam voluptatem non est peccatum modò non obsit valetudini, quia licite potest appetitus naturalis suis actibus frui.
9. Opus coniugij ob solam voluptatem exercitum, omni penitus caret culpa, ac defectu veniali.
10. Non tenemur proximum diligere actu interno, & formali.
11. Præcepto proximum diligendi satisfacere possumus per se los actus externos.
12. Vix in Sæcularibus inuenies, etià in Regibus superfluum statui. Et ita vix aliquis tenetur ad eleemosynam, quando tenetur tantum ex superfluo statui.
13. Si cum debita moderatione facias, potes absque peccato mortali de vita alicuius tristari & de illius morte naturali gaudere, illam inefficaci affectu pertere, & desiderare; non quidem ex displicentia personæ, sed ob aliquod temporale emolumentum.
14. Licitum est absoluto desiderio cupere mortem Patris, non quidem, ut malum Patris, sed ut bonum cupientis, quia nimirum ei obuentura est pinguis hæreditas.
15. Licitum est filio gaudere de parricidio Parentis à se in ebrietate perpetrato propter ingentes diuitias inde ex hæreditate consecutas.
16. Fides non censetur cadere sub præceptum speciale, & secundum se.
17. Satis est, actum fidei semel in vita elicere.
18. Si à potestate publica quis interrogetur, fidem ingenuè confiteri, ut DEO, & fidei gloriosum consulo, tacere, ut peccaminolum per se non damnet.
19. Voluntas non potest efficere, ut assensus fidei in seipso sit magis firmus, quàm mereatur pondus rationum ad assensum impellentium.
20. Hinc potest quis prudentèr repudiare assensum, quem habebat supernaturalem.
21. Assensus fidei supernaturalis, & utilis ad salutem fiat cum notitia solum probabili reuelationis; immò cum formidine, qua quis formidet, ne non sit locus DEVS.
22. Non nisi fides vnus DEI necessaria videtur necessitate medijs, non autem explicita Remuneratoris.
23. Fides latè dicta ex Testimonio Creaturarum, similiuè motiuo ad iustificationem sufficit.

est ad.



24. Vocare DEVM in Testem mendacij levis, non est tanta irreuerentia, propter quam velit, aut possit damnare hominem. (uis.)
25. Cum causa licita est iurare sine animo iurandi, siue res sit levis, siue gra-
26. Si quis, vel solus, vel coram alijs, siue interrogatus, siue propria sponte, siue recreationis causa, siue quocumque alio fine iuret, se non fecisse aliquid, quod reuera fecit intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, reuera non mentitur, nec est periurus.
27. Causa iusta vtendi his amphibologijs est, quoties id necessarium, aut vtile est ad salutem corporis, honorem, res familiares tuendas, vel ad quemlibet alium virtutis actum, ita vt veritatis occultatio censeatur tunc expediens, & studiosa.
28. Qui mediante commendatione, vel munere ad Magistratum, vel Officium publicum promouetur est, poterit cum restrictione mentali præstare iuramentum, quod de mandato Regis à similibus solet exigi, non habito respectu ad intentionem exigentis, quia non tenetur fateri crimen occultum. (landi.)
29. Vrgens metus grauis est causa iusta Sacramentorum administrationem simul.
30. Fas est viro honorato occidere inualorem, qui nititur calumniam inferre. si aliter hæc ignominia vitari nequit: idem quoq; dicendum, si quis impingat alapam, vel fuste percutiat, & post impactam alapam, vel ictum fustis fugiat.
31. Regulariter occidere possum furem pro conseruatione vnius auri.
32. Non solum licitum est defendere defensione occisua, quæ actu possidemus, sed etiam ad quæ ius inchoatur habemus, & quæ nos possessuros speramus.
33. Licitum est tam hæredi, quam legatario contra iniuste impediensem, ne vel hæreditas adeatur, vel legata soluantur, se taliter defendere, sicut & ius habenti in Cathedram, vel Præbendam contra eorum possessionem iniuste impediensem.
34. Licet procurare abortum ante animationem fœtus, ne Puella deprehensa grauida occidatur, aut infametur.
35. Videtur probabile omnem fœtū, quamdiū in vtero est, carere anima rationali, & tunc primum incipere eandem habere, cum paritur, ac consequenter dicendum in nullo abortu homicidium committi.
36. Permissum est furari, non solum in extrema necessitate, sed etiam in graui.
37. Famuli, & Famulæ domesticæ possunt occultè heris suis surripere ad compensandam operam suam quam maiorem iudicant solario, quod recipiunt.
38. Non tenetur quis sub pœna peccati mortalis restituere quod ablatum est per pauca furta, quantumcumque sit magna summa totalis.
39. Qui alium mouet, aut inducit ad inferendum graue damnum tertio non tenetur ad restitutionem istius damni illati.
40. Contractus Mohatra licitus est, etiam respectu eiusdem Personæ, & cum contractu retrouenditionis præuic inito, cum intentione lucri.

41. Cū nūmerata pecunia pretiosior sit numeranda, & nullus sit, qui non maioris fiat pecuniam presentem, quā n futuram, potest creditor aliquid ultra sortem à mutuario exigere, & eo titulo ab usura excusari.
42. Usura non est dum ultra sortem aliquid exigitur tamquam ex benevolentia, & gratitudine debitum, sed solum si exigitur tamquam ex iustitia debitum.
43. Quidni non nisi veniale sit detrahentis auctoritatem magnam sibi noxiam falso crimine elidere?
44. Probabile est non peccare mortaliter, qui imponit falsum crimen alicui, ut suam iusticiam, & honorem defendat. Etsi hoc non sit probabile, vix ulli erit opinio probabilis in Theologia.
45. Dare temporale pro spirituali non est simonia, quando temporale non datur tamquam pretium, sed dumtaxat tamquam motiuum conferendi, vel efficiendi spirituale, vel etiam quando temporale, sit solum gratuita compensatio pro spirituali, aut è contra.
46. Et id quoque locum habet, etiamsi temporale sit principale motiuum dandi spirituale; immò etiamsi sit finis ipsius rei spiritualis, sic ut illud pluris æstimetur, quam res spiritualis.
47. Cū dixit Concilium Tridentinum eos alienis peccatis communicantes mortaliter peccare, qui nisi quos digniores, & Ecclesiæ magis utiles, ipsi iudicauerint ad Ecclesias promouent, Concilium, vel primò videtur per hoc digniores non aliud significare velle, nisi dignitatem eligendorum sumpro comparatio propositio; vel secundò locutione minus propria ponit digniores, ut excludat indignos, non verò dignos; vel tandem loquitur terribè quando fit concursus.
48. Tam clarum videtur, fornicationem secundum se nullam inuoluere malitiam, & solum esse malam, quia interdicta, ut contrarium omninò rationi dissonum videatur.
49. Mollities iure naturæ prohibita non est. Vnde si Deus eam non interdixisset, sæpè esset bona, & aliquando obligatoria sub mortali.
50. Copula cum coniugata, consentiente marito, non est adulterium; adeoque sufficit in confessione dicere, se esse fornicatum.
51. Famulus, qui submissis humeris scienter adiuvat herum suum ascendere per fenestras ad stuprandum virginem, & multoties eidem subseruit deferendo scalam aperiendo ianuam, aut quid simile cooperando, non peccat mortaliter, si id faciat metu notabilis detrimenti, puta ne à Domino male tractetur, ne toruis oculis aspi-ciatur, ne domo expellatur.
52. Præceptum seruandi festa non obligat sub mortali, seposito scandalo, si ab sit contemptus.
53. Satisfacit præcepto Ecclesiæ de audiendo Sacro, qui duas eius partes, immò quatuor simul à diuersis Celebrantibus audit.
54. Qui non potest recitare Matutinum, & Laudes, potest autem reliquas Horas, ad nihil tenetur, quia maior pars trahit ad se minorem.

55. Præcepto Cōmunionis annuæ satisficit per sacrilegā Domini manducationē.
56. Frequens Confessio, & Communio, etiam in his, qui gentiliter viuunt, est nota prædestinationis.
57. Probabile est, sufficere attritionem naturalem, modò, honestam.
58. Non tenemur Cōfessario interroganti fateri peccata alicuius cōsuetudinem.
59. Licet sacramentaliter absolueret dimidiatē tantum confessos ratione magni concursus Pœnitentium, qualis v. g. potest contingere in die magnæ alicuius festiuitatis, aut Indulgentiæ.
60. Pœnitenti habenti consuetudinem peccandi contra legem Dei, Naturæ, aut Ecclesiæ, etsi emendationis spes nulla appareat, nec est neganda; nec differenda absolutio; dummodò ore proferat, se dolere, & proponere emendationem.
61. Potest aliquando absolui, qui in proxima occasione peccandi versatur, quam potest, & non vult omittere, quinimò directè, & ex proposito quærit, aut ei se ingerit.
62. Proxima occasio peccandi non est fugienda, quando causa aliqua vtilis, aut honesta non fugiendi occurrit.
63. Licitum est quærere directè occasionem proximam peccandi pro bono spirituali, vel temporali nostro, vel proximi.
64. Absolutionis capax est homo quantumuis laboret ignorantia Mysteriorum Fidei, & etiam si per negligentiam etiam culpabilem nesciat Mysterium Sanctissimæ Trinitatis, & Incarnationis Domini Nostri Iesv Christi.
65. Sufficit illa Mystèrya semel credidisse. Quicumque autem cuiusvis conditionis, status, & dignitatis illas, vel illarum aliquam coniunctim, vel diuim defendiderit, vel ediderit, vel de eis disputatiuè, publicè, aut priuatim tractauerit, vel prædicauerit, nisi forsitan impugnando, ipso facto ineidat in excommunicationem latæ sententiæ, à qua non possit (præterquā in articulo mortis) ab alio quacumque etiam dignitate fulgente, nisi pro tempore existente Romano Pontifice absolui.

Insupér districtè in virtute Sanctæ Obedientiæ, & sub Interminatione Diuini Iudicii prohibet omnibus Christi fidelibus, cuiuscumque conditionis, dignitatis, & status, etiam speciali, & specialissima nota dignis, nè prædictas opinioniones, aut aliquam ipsarum ad praxim deducant.

Tandem, vt ab iniurijs contentionibus Doctores, seu Scholastici, aut alij quicumque imposterum se abstineant. & vt paci, & charitati consulatur; idem Sanctissimus in virtute Sanctæ Obedientiæ eis præcipit, vt tam in libris imprimendis, manuscriptis, quàm in Thesibus, Disputationibus, ac Prædicationibus caueant ab omni censura, & nota, necnon à quibuscumque conuicijs contra eas propektiones, quæ adhuc inter Catholicos hinc inde controuertuntur, donèc a S. Sede recognita super istidem propektionibus iudicium præferatur.



## EXAMEN ORDINANDORVM.

Ex Libris Sententiarum Moralium desumptur.n.

*Ex prologo Sententiarum.***Q**uid & quoduplex conscientia? V. d. 1. conc. 1. & 2.

Quæ differentia inter agere contra conscientiam scrupulosam &amp; scrupulum? V. d. 4.

Quæ causæ scrupulorum? Quæ remedia contra scrupulos? ibid.

De lege de præcepto, mox dicetur.  
De ignorantia V. circa finem.

## EX I. LIBRO.

*De præceptis DEI***Q**uid contineat primum præceptum? V. d. 1. circa finem.

Quid &amp; quoduplex lex? V. d. 1. n. 1.

Quæ differentia inter præceptum affirmatiuum &amp; negatiuum? ibi n. 2.

Quid &amp; quoduplex fides? d. 2.

Quæ tenetur Christianus scire? ibi. conc. 1.

Quando præceptum fidei obligat? ibi. conc. 6.

Quid est spes &amp; in quo consistit? d. 3.

Quando obligat præceptum spei? ibi.

Quæ vox desperantium, quæ præsumptium? ibid.

Quid est Charitas &amp; quando oblig. d. 4.

Quid est Religio? d. 5.

An Sancti colantur virtute Religionis? ibid. conc. 3.

Quid &amp; quoduplex adoratio? ibid. conc. 3.

Quæ differentia inter cultum publicum &amp; priuatum? d. 6.

Quid &amp; quoduplex blasphemia &amp; quot modis fiat? d. 7.

Quid est superstitio, &amp; quot eius species? d. 8.

Quid idololatria, diuinatio, vana oblationia &amp; magia? ibid.

Quid &amp; quoduplex fors? ibid.

Quoduplex cultus indebitus? ibid. conc. 1.

Quid est fascinatio? ibid. §. scias

Ex quibus colligitur implicitum cum demone pactum? ibid. §. quæritur

Quid &amp; quoduplex tentatio Dei? d. 9.

Quid &amp; quoduplex sacrilegium? d. 10.

Qui non gaudent immunitate Ecclesiastica? ibid.

Quid secundo præcepto prohibetur? fol. 20.

Quid &amp; quoduplex iuramentum, &amp; quas condiciones requirit? d. 11.

Quot modis tollitur obligatio iuramenti? dist. 12.

Quid &amp; quoduplex adiuratio? d. 13.

Quid &amp; quoduplex votum &amp; quas requirit condiciones? d. 14.

Quæ differentia inter votum simplex &amp; Solemne? ibid.

Quæ tertio præcepto præcipiuntur? f. 15.

Quid est audire Missam? dist. 16.

Quoduplex attentio. quot modis attendimus in horis canonicis? d. 18.

Quot sunt horæ canonicæ &amp; quid significant? ibid.

An ad eas Nouitij &amp; Conuersi ad alias præces sub mortali obligentur? ibid. conc. 2.

Ieiunium quoduplex? dist. 19.

Quo anno incipit &amp; cessat obligare? ibid. Quæ

Quæ quarto præcepto præcipiuntur?  
fol. 49.  
Quæ obligatio filiorum? d. 20. con. 2.  
Ubedientia Religiosorum ad quæ ex-  
tenditur? ibid. conc. 4.  
Quæ quinto præcepto prohibentur?  
fol. 50.  
Quid & quoduplex homicidium? d. 21.  
& lib. 3. d. 26. §. nota 2.  
Quid est bellum & quæ conditiones in-  
sti belli? dist. 22.  
Ex quibus facienda eleëmofyna? d. 33.  
Quoduplex indigentia pauperum? ibid.  
Quando obligamur ad dandam eleëm-  
ofynam? ibid. conc. 1. & sequentibus.  
Quid & quoduplex scandalum? d. 24.  
Quæ definitio & conditiones & ordo  
correctionis fraternæ? d. 25.  
Quid sexto præcepto prohibetur? f. 60.  
Quot sunt species luxuriæ, & quæ defi-  
nitio earum? d. 26.  
Quid septimo præcepto prohibetur?  
fol. 70.  
Quid est furtum & quomodo distingua-  
tur à rapina? d. 31.  
Quæ materia sufficiens ad furtum mor-  
tale? con. 2.  
Quid est emptio & venditio? d. 32.  
Quoduplex pretium? ibid.  
Quid est monopolium? ibid. conc. 5.  
Quid & quoduplex simonia? d. 33.  
Circa quæ & quoduplex committit-  
ur simonia? ibid.  
Quid est usura & quomodo distinguitur  
ab accommodato? d. 34.  
Quæ conditiones necessariæ ut contra-  
ctus sit usurarius? ibid.  
Quid est decima & ob quas causas in-  
stituta? d. 35.  
Quid & quoduplex iustitia? dist. 36.  
Ex quo capite oritur obligatio restitu-  
endi? ibid.

Quoduplex culpa ex qua oritur obliga-  
tio restituendi? ibid. §. nota 5.  
Quæ differentia inter legem pœnalem  
& præceptivam? ibid. §. nota. 6.  
Quid 8uo. præcepto prohibetur? f. 93.  
Quæ sunt peccata linguæ? ibid.  
Quid est falsum testimonium? d. 39.  
Quid & quoduplex mendacium? ibid.  
Quid est detractio, contumelia, conviti-  
um, improprium, murmuratio, lulur-  
ratio & derisio? dist. 40.  
Quomodo fama restituenda? ibid.  
conc. 35.  
Quomodo honor restituendus? ibidem  
circa medium.  
Quid est maledictio? dist. 41.  
Quæ remedia contra consuetudinem,  
maledicendi? ibid. conc. 4.  
Quid est iudicium temerarium & suspi-  
cio, quæ concurrunt ad iudicium te-  
merarium? dist. 42.  
Quæ nono & decimo præcepto prohi-  
bentur? fol. 100.  
Quid est cogitatio morosa? dist. 43.  
Quoduplex consensus in cogitationem  
morosam? ibidem.

EX II. LIBRO.

De Sacramentis in genere.

Quot modis sumitur Sacramentum?  
V. distin. 1.  
Quid est Sacramentum, & quæ signifi-  
cat? ibid. conc. 1. & 2.  
Quæ reperiuntur in Sacramento? ibi-  
dem. conc. 3.  
Quæ ad essentiam Sacramenti requirun-  
tur? ibid. conc. 4.  
Quæ differentia inter Sacramenta anti-  
quæ & novæ legis? ibid. cœc. 5.  
Quis instituit Sacramenta & ob quem  
finem? ibid. conc. 6. & 7.  
F ff An in

An in statu innocentie fuissent Sacramenta? d. 2. conc. 2. In quo consistit status innocentie? ibid. §. nota 1.  
 An in lege naturae fuerint Sacramenta & quae? d. 2. conc. 4.  
 An in lege scripta, & quae? ibid. cōc. 5.  
 Quando incēpit lex naturae & scripta? ibid. §. nota 2. & 3.  
 Quis instituit circumcisionem? ibid. conc. 6. ubi & alia de circumcisione.  
 Quae ex Sacramentis necessaria simpliciter, quae secundum quid? ibidem. conc. 10.  
 Quando incēperunt Sacramenta nouae legis obligare? ibid. conc. 11.  
 Quotuplex materia Sacramentorum & quae materia cuiuslibet in particulari? dist. 3.  
 Quae mutatio formae annullat Sacramentum? ibid. conc. 2.  
 Quot modis variari potest forma? ibidem. conc. 3.  
 Quotuplex intentio? dist. 4.  
 Quis Sacramentorum Minister? ibid. conc. 1.  
 Quae intentio necessaria in Ministro Sacramentorum? ibid. conc. 2.  
 An malus Minister conficiat Sacramenta? ibid. conc. 4.  
 An peccet mortaliter exercens Subdiaconatum vel Diaconatum in mortalibus? ibidem. §. docent nonnulli.  
 Quod est subiectum Sacramentorum? d. 5.  
 Quae intentio necessaria in recipiente Sacramenta? ibid. conc. 4.  
 Quis primarius Sacramentorum effectus? dist. 6.  
 Unde sumunt Sacramenta efficaciam? ibidem §. nota. 1.  
 Quid est causare gratiam ex opere operantis & ex opere operato? ibidem. §. nota 2.

Qualiter Sacramenta causant gratiam? ibidem conc. 1.  
 Quotuplex gratia quam Sacramenta causant? ibid. §. haec gratia,  
 Quid est gratia Sacramentalis? ibid.  
 Quae gratia cuiuslibet Sacramento propria in particulari? ibid. §. sed explicanda.  
 Quae & quot Sacramenta viuorum & mortuorum? ibid. conc. 2.  
 An recipiens Sacramentum à meliori Ministro maiorem gratiam recipiat? ibidem. conc. 4.  
 An Sacramenta veteris legis causauerint gratiam? V. Quaesitum post dist. 6. tam.  
 Quis secundarius Sacramentorum effectus? dist. 7.  
 Quid & quotuplex character? ibidem.  
 Quot sunt Sacramenta imprimentia characterem seu non iterabilia? ibid.  
 Quis characteris effectus? ibid. cōc. 9.  
 Quare septem & non plura vel pauciora Sacramenta? dist. 8.  
 Quotuplex Sacramentorum ritus? d. 9.  
 Quid per Sacramentalia intelligitur, & quot sunt? dist. 10.  
 Quis Sacramentalium effectus? ibid. conc. 2.

## De Baptismo.

Quid & quotuplex baptismus? d. 11.  
 Baptismus aquae an possit supplere? ibid. in fine. §. nota. 1.  
 Baptismus aquae quando institutus? ibid. conc. 1.  
 Sacramentum Baptismi quā necessitate est necessarium? ibid. conc. 2.  
 Quando incēpit obligare? ibid. cōc. 3.  
 Quae materia remota baptismi? dist. 12.  
 Quare in aqua institutus? ibidem.  
 Quae materia proxima baptismi? d. 13.  
 Quomodo fiat baptismus? ibid. conc. 4.  
 Quae



Quæ forma baptismi? dist. 14.  
 Particula *Ego* an sit de necessitate baptismi? ibidem.  
 Quare dicitur in nomine & non in nominibus? ibid. conc. 2.  
 Quid per *ly nomen* intelligitur? ibid. in fine conc. 2.  
 An valeat in nomine Christi collatus? ibid. conc. 4.  
 Quis Minister baptismi? dist. 15.  
 Quod est subiectum baptismi? dist. 16.  
 Qui sunt effectus baptismi? dist. 19.  
 An tollat concupiscentiam & alias peccata? ibid. conc. 4.  
 Quod est officium Patrini? dist. 20.  
 Catechismus propter quid institutus ibidem conc. 2. Catechismus &c.  
 Quæ ceremoniæ antecedunt quæ concomitantur, quæ sequuntur baptismum? dist. 21.  
 Quid significant ceremoniæ baptismi? V. quæsitum.

*De Confirmatione.*

**Q**uid est Confirmatio & quando instituta? V. dist. 22.  
 An Sacramentum Confirmationis sit ad salutem necessarium? ibid. conc. 3.  
 Quæ materia remota Sacramenti Confirmationis? dist. 23. quæ proxima? conc. 3.  
 Cur in fronte fiat unctio? ibid. conc. 3.  
 Quid significat oleum & balsamum? ibid. 6. queritur.  
 Quæ forma Sacramenti Confirmationis? dist. 24.  
 Quis Sacramenti Confirmationis Minister? dist. 25.  
 Quod est Confirmationis subiectum? dist. 26. (conc. 4.)  
 Quis Confirmationis effectus? ibid.

Quæ ceremoniæ & ritus in Confirmatione servandi? dist. 27.  
 Cur Episcopus percutit in maxilla Confirmatum? ibid.

*De SS. Eucharistia Sacramento.*

Eucharistia quibus nominibus gaudeat? dist. 28.  
 Sacramentum Eucharistiæ in quo consistit? ibid. conc. 1.  
 An in Sacramento Eucharistiæ hæc reperiantur. Sacramentum tantum. res & Sacramentum simul. res Sacramenti tantum? ibid. conc. 3.  
 Quæ definitio Sacramenti Eucharistiæ? ibidem conc. 4.  
 Quæ necessitate Sacramentum Eucharistiæ est necessarium? ibid. conc. 7.  
 Quando Sacramentum Eucharistiæ institutum & ad quem finem? ibidem. conc. 8. & 9.  
 Quæ materia remota cōsecrationis corporis Christi? d. 29. quæ proxima? dist. 29. tertiâ eiusdem libri ubi & aliorum Sacramentorum materia proxima assignatur.  
 Quæ materia remota cōsecrationis Sanguinis Christi Domini? dist. 30.  
 Cur aqua Vino miscetur? dist. 31.  
 Quæ forma consecrationis corporis & Sanguinis Christi? dist. 31.  
 Quis Minister consecrationis? dist. 31.  
 Quæ circa intentionem consecrantis scienda? ibid. conc. 4.  
 Si Sacerdos habeat in manu duas hostias putans esse unam an utraq; sit cōsecrata? ibid. conc. 7.  
 Quomodo Christus Dominus sub his vel illis speciebus continetur? dist. 35.

Quis est Minister Eucharistiæ? dist. 36.

Quod est subiectum Eucharistiæ? d. 37.

Quæ conditiones necessariae petenti Eucharistiam? dist. 38.

An pollutio impediat sumptionem Eucharistiæ? 39.

Quale ieiunium necessarium ante sumptionem Eucharistiæ? dist. 40.

Quotuplex modus communicandi? d. 41.

Quando obligamur sumere Eucharistiam? ibidem conc. 1.

Quâ ætate obligamur communicare? ibid. §. quæritur.

An frequenter communicandû? d. 41.

An quotidie comunicandû? ibid. cõc. 2.

Cur sub vna specie communicandum? dist. 43.

An plûs gratiæ recipiat communicans sub vtrâq; specie? ibid. conc. 3.

Qui & quor effectus Sacramenti Eucharistiæ? dist. 44.

Quâ reuerentiâ comunicandum? d. 45.

Quæ suère figuræ Sacramenti Eucharistiæ? ibid. §. quoad secundum.

### De Sacrificio Missæ.

Quid est Sacrificium in genere? quid Missa? dist. 46.

Quomodo differat Sacrificium à Sacramento? ibid. §. nota 3.

In quo consistit essentia Sacrificij? ibidem conc. 1.

Quot sunt partes Missæ? ibid. conc. 2. §. numerantur autem.

Quæ suère Sacrificia veteris legis? ibid. §. sciendum inter &c.

Quotuplex Sacrificium Missæ? ibid. §. Sacrificium ergo.

V. sacrificium Missæ causet primam vel secundam gratiam? ibid. conc. 4.

Sacrificium Missæ quomodo remittit venialia? ibid. conc. 5.

An Sacrificium Missæ remittat penas temporales? ibid. conc. 6.

An pro infidelibus & excommunicatis sacrificandum? ibid. conc. 8.

An possit Missa celebrari pro Beatis? ibid. conc. 10.

Valor Missæ an infinitus? ibid. cõc. 11.

Pro quibus quælibet Missa applicatur? §. quæritur.

Quotuplex fructus Sacrificij? ibidem §. quæritur.

Quæ sunt obseruanda post sumptam Eucharistiam? dist. 50. §. quæritur.

Quomodo defectibus Missæ occurrendum? dist. 53.

### De Pœnitentiâ.

Quid & quotuplex Pœnitentiâ? d. 54.

An in Sacramento Pœnitentiæ hæc reperiuntur. Sacramentum tantum

res Sacramenti & Sacramentum, res Sacramenti tantum? ibid. conc. 2.

Quando Sacramentum Pœnitentiæ institutum? ibid. conc. 3.

An & quomodo necessarium? ibidem conc. 4.

Quæ materia remota Sacramenti Pœnitentiæ? d. 55. Quæ proxima? ibid. conc. 5.

Quid est contritio quid ætatio? & quomodo differant? dist. 56.

Quando obligat præceptum contritionis? ibid. conc. 14. & sequentibus.

Quid est Confessio & quando obligat? dist. 57.

Quot sunt conditiones bonæ Confessionis? dist. 58.

Quotuplex integritas confessionis? (dist. 59.)

Quid est circumstantia & quotuplex? dist. 60.

Quot

Quot communiter numerantur circumstantiæ? ibid. conc. 2.

An numerus peccatorum in Confessione explicandus? dist. 61.

Vnde colligenda distinctio numerica peccatorum? ibid. §. quaesitum.

Quid est satisfactio? dist. 63.

Quæ opera externa imponenda in satisfactionem? ibid. conc. 5.

Quæ forma Sacramenti Pœnitentiæ? dist. 64.

In quibus verbis consistit essentia formæ absolutionis? ibid. conc. 5.

Quæ sententia formæ absolutionis à peccatis? ibidem conc. 7.

Quæ seruanda in absolutione ab excommunicatione? ibid. conc. 16.

Quid & quotuplex iurisdictio? d. 65.

Quis Minister Sacramenti Pœnitentiæ? ibidem conc. 1.

Quotuplex casus reseruati? dist. 66.

Quos casus possunt sibi reseruare Regulares? ibid. conc. 15.

Quot sunt conditiones Ministri Sacramenti Pœnitentiæ? dist. 67.

Quid est potestas Ordinis & iurisditionis? ibid.

Quorum scientia requiritur in Confessione? ibidem conc. 3.

Quid est clavis Ecclesiæ & an distingat à caractere? dist. 70.

Quot sunt clauis in Ecclesiâ? ibidem conc. 3.

Qui sunt Effectus Pœnitentiæ? d. 71.

Quomodo intelligendum peccata per sequens peccatum redire? ibid.

Quid est indulgentia? dist. 72.

Quid per thesaurum Ecclesiæ intelligitur? ibidem.

Quæ differentia inter indulgentiam & iusfragium? ibid. §. nota secundò.

Et f. 3.

Quæ differentia inter indulgentiam & iubilæum? ibid. §. distingui ut etiâ &c.

Quæ differentia inter plenariam plenioram & plenissimam? ibid.

Quis concedit indulgentias? ibid. cōc. 1.

Quæ requiruntur ut indulgentia valeat? ibidem conc. 4.

V. aliquæ animæ detineantur in purgatorio ad diem iudicii? ibid. §. quaeritur.

Quid nomine crenæ, seprenz & quadragenæ? ibid. circa finem.

Quid est iubilæum? dist. 73.

Qui finis iubilæi? ibidem.

Quæ conditiones necessariae ad consequendum? ibidem.

Quæ tenetur quilibet Christianus scire? dist. 74. n. 1.

*De Extrema Vnctione.*

Quid est & quare vocatur extrema vñctio? V. dist. 76.

Quis & quando hoc Sacramentum instituit? ibidem.

Quæ materia remota & proxima & forma? ibid. conc. 2. & sequentibus.

Quis Minister huius Sacramenti? d. 77.

Quod subiectum huius Sacramenti? d. 78.

Qui sunt effectus huius Sacramenti? ibidem conc. 6.

V. in hoc Sacramento hæc tria reperiuntur. Sacramentum tantum. res & Sacramentum. res Sacramenti tantum? ibid. §. quaeritur.

*De Ordine.*

Quid est Ordo, à quo & quando institutus, & an necessarius? V. d. 79.

An in Sacramento Ordinis hæc tria reperiuntur. scilicet Sacramentum tantum. res Sacramenti tantum. res & Sacramentum? ibid. conc. 4. Quæ



Quæ materia remota, proxima forma, huius Sacramenti? ibid conc. 3. & 4.  
 Quis Minister Sacramenti Ordinis? d. 80.  
 Quis dicitur proprius Episcopus? ibidem conc. 2.  
 Quæ conditiones necessariæ in Ordinâdis? dist. 81.  
 Quæ impediunt à recipiendis Ordinibus? ibidem conc. 2.  
 Quod sunt Ordines & an omnes sint Sacramenta? dist. 82.  
 An quilibet Ordo imprimat distinctum characterem? ibid.  
 Cur maiores vocantur sacri? ibid.  
 An prima tonsura sit Ordo? ibid. cōc. 2.  
 An Episcopatus sit Ordo? ibid.  
 Quæ definitio, materia, forma ordinum in particulari? dist. 83.  
 Quando instituti Ordines in particulari? quando characterem imprimunt? ibid.  
 Quæ sunt officia Ordinum in particulari? dist. 84.  
 Qui sunt effectus & ritus Ordinum? ibid. quæsitum.

*De Matrimonio.*

QVæ definitio sponsaliorum? V. d. 85.  
 Quot modis fiunt sponsalia? ibidem §. nota 2.  
 Quotuplex sponsaliorum effectus? ibidem §. nota 3.  
 Quot modis solvuntur sponsalia? ibidem conc. 4.  
 Quid est Matrimonium? dist. 87.  
 Quando institutum Matrimonium? ibidem conc. 1.  
 Quod est subiectum Matrimonij? & quæ conditiones necessariæ? ibid. conc. 8.  
 Quæ bona, finis & effectus Matrimonij? ibid. quæsti 1.

An in Sacramento Matrimonij hæc reperiantur. Sacramentum tantum. res Sacramenti tantum. res & Sacramentum? ibid. quæst. 2.  
 Quotuplicia sunt impedimenta Matrimonij? dist. 88.  
 Quo tempore prohibentur nuptiæ? ibidem conc. 4.  
 Quot iuræ impedimenta dirimentia Matrimonium? dist. 89.  
 Quot anni requiruntur ad contrahendum Matrimonium? ibid. conc. 15.  
 Quotuplex cognatio? dist. 90.  
 Quid est adoptio? ibidem conc. 19.  
 Quid & quotuplex diuorrium? d. 92.

**E X I I I. L I B R O.**

*De Censuris.*

QVid est censura? quot sunt censuræ? V. dist. 1.  
 Quid est excommunicatio? ibid.  
 Quæ differentia inter excommunicationem maiorem & minorem? ibidem. V. possit dici quatuor esse species censuræ? ibid conc. 1.  
 Quo priuat excommunicatio minor? dist. 2.  
 Quando incurritur excommunicatio minor? ibid. conc. 2.  
 Quid est excommunicatio maior? d. 3.  
 Quæ differentia inter excommunicationem à iure & ab homine? ibidem conc. 1.  
 Quæ differentia inter excommunicationem cōminatoriā & detecto? ibid.  
 Vnde agnoscitur esse excommunicatio nem cōminatoriā & ipso facto? ibidem §. quæritur.  
 Quos excommunicatos vitare tenemur? ibidem conc. 2.

Quæ sunt illa bona quibus priuæ exco-  
municat o maior? V. initium distin-  
onis grimm.

Quæ sunt bona externæ conuersationis  
quæ prohibentur cum excommuni-  
cato? V. d. 4. vbi explicatur versus  
*os orare. vale. &c.*

Qui dicitur nominatim denungiat? d. 5.

Quando licet conuersari cum exco-  
municato non tolerato? d. 6. vbi expli-  
catur hic Versus: *utile lex humile. &c.*

Quis potest excommunicare? d. 7. quis  
excommunicari? conc. 2. ob quam  
causam potest ferri excommunicatio  
maior? conc. 3.

Quid intelligitur per hæreticum in Bul-  
la Cænz Domini? dist. 12.

Quid nomine Schismatici & quomodo  
differat ab hæretico? ibid. conc. 3.

Quotuplex Clerici percussio? dist. 14.

Quando incurritur excommunicatio pro-  
pter percussione[m] Clerici? ibidem  
conc. 1.

Quid intelligitur per Clericum, quid per  
Monachum? ibid. conc. 2. 3.

Quid est suspensio? V. dist. 15.

Quæ forma absolutionis à suspensione?  
ibidem conc. 8.

Quid est degradatio & quotuplex? d. 17.

V. Degradatio fit maxima inter poenas  
Ecclesiasticas? ibid. conc. 1.

Quid & quotuplex interdictum? d. 18.

Quid intelligitur nomine officij diuini  
tempore interdicti prohibiti? ibid.  
§. nota 2.

Q id est & quot modis fit cessatio?  
dist. 19.

Quomodo differt ab interdicto? ibid.

Quid & quotuplex irregularitas? d. 20.

Irregularitas ex delicto ex quibus capi-  
tibus oritur? dist. 27.

Quid nomine notorij, manifesti, publi-  
ci, famosi & occulti? d. 28.

# EX IV. LIBRO.

De peccatis, & obligationibus non-  
nullorum statuum.

Quid & quotuplex peccatum? V. d. 1.

Quot sunt peccata capitalia? & quæ  
definitio eorum? ibidem §. descen-  
dendo.

Quæ differentia inter iram & odium?  
ibidem §. Aduerte.

Quot sunt peccata in Spiritum S. & quæ  
definitio eorum? ibid. §. item.

Quo sensu peccata in Spiritum S. di-  
cuntur irremissibilia? ibid. §. hæc  
peccata.

Quot sunt peccata in cælum elaman-  
tia? ibid. §. item alia.

Quare dicuntur in cælum clamare? ibid.

Quæ concurrunt ad peccatum mortale?  
ibidem quæst. 1.

Quot modis mortale transit in veniale  
& viceversa? ibid. qu. 2. & 3.

Quæ excusant à peccato? ibid. qu. 4.

Quotuplex ignorantia? V. dist. 8. libri  
de censuris.

Quando committitur ignorantia vel ne-  
gligentia crassa? in fine d. 4. libri  
de censuris.

Quomodo Religiosus obligatur ad per-  
fectionem? d. 3. vbi, in quo consti-  
tuit perfectio Christiana.

Cur peccata Religiosorum grauiora? ibi-  
dem conc. 6.

In quibus tenetur Religiosus obedire?  
dist. 6.

Quæ poenæ proprietariorum? in fine  
dist. 8.

Quæ obligatio Parentū erga filios? d. 11.

Quæ obligatio Patrum familias circa sa-  
miliam.

miliam? d. 13. §. meminerit tertio. Quæ obligatio Tutorum? d. 21. cōc. 2. Quæ conversatio Christianis cum Iudeis prohibita? dist. 25.

## S E P T E M   D A M N A.

Omissionem ex negligentia celebrationis Missæ consequentia.

*Ex D. Bonaventura lib. de Prap. ad Miss. cap. 5.*

**S**acerdos absque peccato mortali & in proposito bono, non habens legitimum impedimentum, & non ex reuerentia, sed negligentia celebrare Missam omittens. Priuat SS. Trinitatem, gloriā Angelos, lætitiā, Peccatore: veniā, Iustos, subsidio. In purgatorio existentes, refrigerio. Ecclesiam totam spirituali beneficio. Seipsum medicinā & consolatione, & remedio, contra quotidianas infirmitates & peccata.

### Christus maledicit malis Sacerdotibus.

**M**aledictus erit visus malorum Sacerdotum: quia non videbunt visionem DEI in me, sed tenebras & pœnas inferni. Maledictæ sunt aures eorum: quia non audient Verba mea sed clamorem inferni & horrorem. Maledictus est gustus eorum: quia non gustabunt de bonis meis æternis gaudium, sed amaritudinem æternam. Maledictus est tactus eorum: quia non tractabunt me, sed ignem perpetuum. Maledictus est odoratus eorum: quia non odorabunt odorem illum suauissimum in regno meo excedentem omnia aromata, sed fatorem in inferno habebunt amariorem felle, & pejorem sulphure. Maledicti sunt & Cælo & terra: & ab omnibus Creaturis insensatis: quia ipsa obediunt Deo & laudant: & isti spreuerunt me. Propterea iuro in Veritate mea, qui sum Veritas, quod si sic moriuntur, & in tali dispositione quā nunc constituti sunt, nunquam Charitas mea nec Virtus concludet eos in se: sed sine fine damnabuntur.

*Ex Revelationibus S. Brigittæ Lib. 1. Cap. 47.*

Omnia Sanctæ Romanæ Ecclesiæ, quam omnis  
veritatis Magistrā agnosco, iudicio submitto.

Ex quo omnia. Per quem omnia.

In quo omnia. Ipsi gloria.

in sæcula.

A M E N.

MONI-



# M O N I T I O.

Nonnulla, præsertim primæ editionis, excusans.

Perplexa sanè intellige, attende ad antecedentia & sequentia.

**Q** Vandoq; in aliena sententia, vel in communi, non attendendo ad particulares v. g. Religionum leges, loquor. vel tanquam securius, vel saltem vt probab. l. prop. no. & licet nec in re, nec Sancto Doctore, contradico.

Inadæquatio censurarum relatarum, etiam substantialis, sic excusetur, ut mereantur excusari Authores ex quibus desumpsi. hanc inadæquationem (potius tantum insinuationem) reperies in Authoribus breuiter censuras referentibus. miror quòd non moncant. Inadæquatio substantialis est, v. g. quando omittitur conditio ad incurrendam censuram necessaria. v. g. si non restituerit &c. accidētalis est, quando v. g. non refertur comprehendi complices, vel non enumerantur omnes pœnæ. ab hac secunda, vix aliquis Author est liber.

Quæ inaduenienter posita vel omissa, intelligantur secundum secundam editionem. v. g. citando vnum Pontificem pro alio, Authorem pro Authore. D.ctorum immixtionem, narrabile, in alijs, ex obedientia, occupatio, causauit. Sic.

## LIBRO PRIMO.

**D**istinctione 35. de decimis. conc. 4. excommunicatio & suspensio inadæquatè refertur. &c.

## LIBRO SECUNDO.

**D**istinctione 29. de materia consecrationis Corporis Christi, conc. 2. post ly, cui censetur subiectus. adde. tunc enim teneretur.

**Dist.** 68. de Ministro Pœnit. circa reseruata; conc. 6. omissa vna excommunicatio, sed refertur conc. 10.

**Dist.** 72. de indulg. conc. 10. sumpra ex ibi citat., iam non tenenda quia aliter à S. C. determinatum.

**Dist.** 73. de subleuo conc. 3. quandoq; lege. quandoq; non.

**Dist.** 78. de subleuo extremæ vnctionis. post conc. sextam. proclitatem ad bonum. lege. ad malum.

**Dist.** 81. de subleuo Ordinis. n. 7. sanè interpretare. nam pro maioribus nõ requiritur à Scholæ Magistro &c.

numero 11. circa finem per licentiam intellige dispensationem.

**Dist.** 93. de Matrimoniali debito conc. 2. ante duos menses induciarum, adde finitos, ibid. conc. 11. qua est finis secundarum, intellige, vitatio fornicationis.

## LIBRO TERTIO.

**D**ist. 11. referendo excommunicationem 8. Bullæ. C. D. per Romam intellige curiam Romanam.

13. & 14. vnam excomm. Bullæ G. D. integrant & 14. est omissa.

16a. contra illos decernunt. lege. contra sententias eorum decernunt.

14a. excomm: extra Bullâ C. D. referuata depermittentibus duellum &c. procedit etiam non secutâ pugna.

18a. excomm: reseruata extra Bullam C. D. videntes lege. h. bentes.

20 ante duos menses non reseruatur Papæ.

34a. ad alium Ordinem, intellige Mo-

*naſcum. attendenda extra vagantem Martini V*

38. adde *ad promiſionem vel diſpoſitionem Papa pertinentibus.*

42. adde *Alexandriam vel in Egyptum.*

49. *exercentes* adde: *recipiendo.*

*Ex non reſervatis.*

3. procedit, de interdicto & ceſſatione generali. (tione.

4. Vide apud Bonac. vel in noua edi-

9. adde. *Non ceſſant infra duos meſes.*

10. in *Sarris*. adde *debent autem moneri.*

13. eſt contra Perſonas Eccleſiaſticas Episcopis inferiores. vbi primum vel, muta in *G.*

16am. intellige iuxta decimā octauā.

22 eſt contra laicos. adde in fine 2. par-

tis *niſi moniti deſiſterint & reſtituerint.*

30. & 31. etiam habetur in B. C. O. per conſtitutiones intellige traditiones.

33. *aſſerentes* adde *perſtinaciter*

37m. Vide apud Bonac. vel in noua N. impreſſione.

Diſt. 12. conc. 4. dicitur, qui verò libros in indice prohibitos legunt aliam excommuni incurrunt, ſed non reſervatam. intellige prohibitos ob hæreſim vel falſi dogmatis ſuſpicionem. non verò bonis moribus contrarios.

Diſt. 15 conc. 5. non ſuſpeditur, lege, non ſit irregulari

Diſt. 16 de ſuſpenſionibus. (natu.

n. 3. adde. vel Minores cum Subdiacono

n. 4 primæ parti adde, dando à proprio Episcopo. 2da. & 4ta. pars numeri procedit de recipiente Sacros Ordines.

n. 5. 1. pars probabiliter non eſt contra Prælatos Regulares.

n. 6. 1. parti adde. donec reſtituerint.

n. 13. aut alicui ad vitam. adde. aut ad aliud certum tempus.

n. 14. per celebrare matrimonium intellige, coniungere vel benedicere.

ada. verò pars & 3. & 4. videatur vel in 2. N. editione vel apud Bonac. vltima pars loquitur de excommunicatione comminatoria.

n. 15. *adminiſtratio Matrimonij* ſumitur pro ſolemni benedictione.

n. 16 in viſtualibus. adde. vel alia re. ſuſpeditur &c. ſi infra meſem duplum non reſtituant, donec reſtituant.

n. 17. 2. pars procedit de ſcribentibus in fauorem piæ ſententiæ contrariū reſellendo vel impugnando. qualiter intelligenda 1. pars.

Diſt. 18. Dictum ex Fernandez, interdictum ſpeciale eſſe dum ciuitas vel oppidum interdicitur. Sed hoc eſſe generale clare patet ex Q. cum in partibus de verborum ſignificatione l. 3. Decretalium & Doctoribus.

Diſt. 20. cōc. 3. *habilitate lege. collationis.* Ex dictis patet Summiſtas inſinuare non referre cenſuras.

## LIBRO QVARTO.

Diſtincti 6. de obligatione voti obedientie circa finem, vbi de contemptu, conſuſantur propriæ Religionū Conſtitutiones. Quantum ad O. N. videatur prologi textus. 6. litt. N.

Diſt. 8. de Paupert. conc. 9. conſulatur propriæ Religionum leges.

Diſt. 17. de oblig. teſtium, ſerè ad intentionem, per ly tamen non excludo intentionem à Superiore petendum.

Diſt. 19. de oblig. rei. conc. 10. dum citatur Arm. &c. tantum habetur reſpectus ad rationem. ibid. 5. dicitur agnoscenda diſparitas.

Diſt. 20. facientibus teſtamentum, nota 2. n. 5 de Religioſis vt ſecurius pono, aliàs contradicerem d. 17.

Diſt. 23. circa exactiones conc. 5. ly ſtando appellat ſupra defraudatores non ſupra cuſtodes,

Folio. Errata Corrige.

5. depositio,	deposito.
11. toto,	tota.
11. vita	vita.
15. censetur,	censetur.
19. pertinacia,	pernacacia.
20. dela Crux,	dela Cruz.
21. iurans,	iurant.
23. nisi palam,	nempe palam.
24. vigur,	viguer.
26. quod v. de si,	quod si.
28. praiudicant,	praiudicant.
29. vota,	voto.
31. quid,	qui.
33. offeretur,	offeruntur.
35. vnus,	vnus.
38. Corradum,	Corradum.
41. per se suam non habent pondus,	per se suum ha- bent pondus.
44. current,	current.
ibid. excusabantur,	excusabuntur.
45. n. si absit,	nisi adfit.
ibid. v. d. 18.	v. d. 16.
46. creatione,	recreatione.
47. quantitas cibi,	qualitas cibi
50. quod fit,	quod fit.
ibid. poterit,	poterat.
66. tamen,	tam.
67. sine dilectione,	sine delectatione.
68. improportione,	in proportione.
70. vltra,	vlla.
86. constitutionū 7.	constitutio, n. 7.
89. Deorum,	eorum.
96. narradi,	narrandi.
104. introducere,	introducere.
119. cum ly nomine,	cum ly nomen.
114. seruus,	seruos.
139. Dico,	Dices.
141. peccati,	peccat.
143. succu,	succo.
146. recollit,	recolit.
154. dicat,	dicit.

Folio. Errata Corrige.

bouum,	boum.
155. sanguis,	sanguinis.
volentem,	volantem.
157. non augetur,	augetur.
160. absolutionem,	ablutionem.
161. sacramen- tum, tantū	Sacramentum tantū n.
171. occasionem,	ocoisionem.
175. Celestinus,	Celestinis.
177. Llamas,	Llamas.
178. Grassio,	Grassio:
ibid. d. 44?	47.
179. continet,	continene.
181. est vinum,	si est vinum.
181. locio,	lorio.
190. infamiam,	infamiam.
190. cedens,	cedens.
194. Araucani,	Arausicani.
301. l. 2	i. 2.
305. animam,	minimam.
306. omittendi,	omittenti.
307. omisum.	Item. ego absoluo te conc. adā.
310. pignorantiam,	pignoratitiam.
313. Liuius,	huius.
315. Superiore,	Supprior.
319. Gregorii viii.	Gregorij xiii.
318. d. 12.	d. 11.
319. non alius,	non aliud.
312. licet,	licet non.
ibid. an	dele.
313. serius,	securius.
ibid. 168.	1678.
334. per simile,	per simile, quod.
336. nec contra,	nec constat.
ibid. conc. 5.	conc. 6.
ibid. Clem: vi.	Clem: viii.
337. fidei.	fidei, spei,
341. notabilem,	notabile.
350. & sic,	& sic.
	351. cha.



<i>Folio.</i>	<i>Errata.</i>	<i>Corrige.</i>	<i>Folio.</i>	<i>Errata.</i>	<i>Corrige.</i>
351.	characteris, im-	characteris im-	413.	& sic,	& sic sicut;
	pressione.	pressione.	428.	in	imò qui in
355.	dimissio,	dimissio.	430.	Salmantice,	Salmantice.
369.	fratre Petri,	frater Petri.	435.	spoma,	spuma;
371.	affinis Berthæ,	affinis affinis	431.	cum salia;	cum alia.
		Berthæ.	447.	laderetur;	laderetur.
373.	aut alter,	aut aliter.	447.	disponitur,	disponitur.
375.	si iuventus,	si iuventus.	450.	opressa,	oppressa.
376.	si imprægnata	si imprægnata.	ibid.	Cornelio,	Cornelio.
381.	circa fidem,	circa finem.	451.	illitæ conc:	Heitz.
384.	nullam inferat,	nullam inferet.	ibid.	obortus,	abortus.
384.	novisset.	novisset	457.	c. 2, 4 n. 2.	c. 2 n. 21.
385.	obligata red-	obligatio red-	460.	exindigentia,	ex indecentia
	dendi.	dendi.	461.	non peccat,	non peccat.
386.	iuri petenti,	iuri petendi.	ibid.	are alieno,	are alieno.
387.	concilium est	consilium est.		non tam,	non tamens
391.	aut faciente	aut fauente.	471.	lect. 2.	sect. 2.
391.	ut est,	aut est.	472.	infictas,	infingendas,
392.	notorios,	notorios;	475.	usu fructus;	usu fructu,
393.	cum ne eo,	ne cum eo.		pretio,	pretio.
396.	ad 1 cōc. 2. & 3.	d. 1. conc: 2. & 3.		possident;	possident.
401.	non soluas, non	soluas, reinci las.		moraliter,	mortaliter;
401.	presumptibus,	presumentibus.	476.	depositi,	etiam depositi
404.	nec excommu-	ne excommuni-	480.	fructuonem;	fructuonem;
	nicati,	nicati.		beneficiari,	beneficiarij.
405.	fauorem dantes.	fauorem dantes est.	481.	excusa,	excusat.
	est,	post:	482.	cādalum,	scandalum. (cā)
ibid.	potest,	non comprehen-	483.	conceditur, Clericis,	Conceditur Clericis
409.	noo comprehen-	duntur	484.	spiritus,	vnde si filius spiritus
	ditur.		ibid.	si,	si vel in presentia
409.	trigesima 7ma,	trigesima secunda;			parentum maledictio
413.	liceat Episcopis,	liceat Episcopis;			ret vel alij grauitas
416.	ideo de eo,	idem de eo.			scandalizarentur.
419.	assitens Missæ su-	assitens Missæ sus-	487.	excommunicatur.	excommunicantur
	spensi peccat.	pensi non peccat.	488.	soa auxilij,	sui auxilij.
419.	Eucharistico,	Ecclesiastico.	495.	subordinationes,	subornationes.
419.	ordinatur, bonā	ordinatur bonā fidej	496.	filios familias,	filios familias.
	fide,		499.	efficacius,	efficacius
425.	nam absoluto,	nam absolute.	500.	commestione,	comestione.
426.	debet tamen,	debet tamen;	501.	defraudatur,	defraudantur.
427.	Aug. V. Interd.	Ang. V. Interd.	501.	Tridenti,	Tridentino.
			511.	familiares,	familiares
				solario,	salario.
			516.	iam clarum,	tam clarum;
			118.	dist 33.	dist. 23.
				mon. 2. edit. 2 legi securius.	legi, securius.

*Cetera beneuolus Lector corrigat excuset & in Domino valeat.*





rrige.

ne  
z.

2 f.  
entia  
cat.  
no.  
men

as.  
tu.

at.  
era  
eposit  
nem.  
iary.

m. (cu  
itur Cle  
us spuri  
2 fentia  
maledict  
grauiter  
entur.  
nicantur

ones.  
illias.

ne.  
tur.

ia

m

Securibus

*hic lib. 8. de  
p. 1. & p. 2.*



